

SC. 19. Pl. 6.



Q 40 1503





PRÆLECTIONES
THEOLOGICÆ,
D E
INCARNATIONE
VERBI DIVINI,

Quas in Scholis Sorbonicis habuit

HONORATUS TOURNELY

SACRÆ FACULTATIS PARISIENSIS

*Doctor, Socius Sorbonicus, Regius & Em-
eritus Professor, Sacrosanctæ Capellæ Regiæ
Palatii Parisiensis Canonicus.*



V E N E T I I S,
Apud NICOLAUM PEZZANA.

M D C C X X X I.
SUPERIORUM PERMISSU, AC PRIVILEGIO.

THE HISTORY OF THE UNITED STATES

OF AMERICA
FROM 1492 TO 1876
BY
JOHN P. HARRIS
NEW YORK
1876



THEOLOGIAE CANDIDATIS PRÆFATIO.

NON longa vos præfatione detinebo, dilectissimi Candidati: jam enim plùs æquo excrevit hujusce voluminis moles, si studiorum vestrorum ratio; minùs verò si dignitas & amplitudo mysterii, de quo agimus, attendatur. Quanta enim verò controversiarum seges ac varietas hic discutienda occurrit! Quanta Hæreticorum undequaque tumultuantium debellanda multitudo! Mysterii verò Incarnationis, quanta profunditas & altitudo, humano ingenio prorsus inaccessa!

Sic Deus dilexit mundum, ut Unigenitum Filium suum daret. O effusa divinæ in nos charitatis ac benevolentiae immensitas! In hoc apparuit charitas Dei in nobis, ait idem sanctus Joannes, quoniam Filium suum Unigenitum misit Deus in mundum, ut vivamus per eum. In hoc est charitas: non quasi nos dilexerimus Deum, sed quoniam ipse prior dilexit nos, & misit Filium suum propitiationem pro peccatis nostris. Atque hoc ipsum est magnum pietatis sacramentum, quod, ait Sanctus Paulus, manifestatum est in carne, iustificatum est in spiritu: apparuit Angelis, predicatum est Gentibus, creditum est in mundo, assumptum est in gloria. Manifestatum autem dicit in carne, cum Verbum caro factum est: iustificatum autem spiritu, cum hujus assumptæ carnis veritatem, non tantum stupendis ac planè divinis prodigiis, sed & ipsis etiam infirmitatibus, quæ carnis propriæ sunt, demonstravit: Crucifixus ex infirmitate, sed vivit ex virtute Dei.

Joan. 3.
v. 16.
1. Joan.
4. v. 9.

1. ad
Tim. 3.
v. 16.

1. Cor.
13. v. 4.

Pauca quidem hic verba sunt, *Deus, Homo; Verbum caro factum*: sed illis summa Religionis nostræ continetur, unione nimirum naturæ utriusque divinæ ac humanæ in una Verbi persona, unde unus Christus, verus Deus & verus homo: unus

autem non conversione divinitatis in carnem, sed assumptione humanitatis in Deum: unus omnino non confusione substantiæ, sed unitate personæ.

Atque hæc est compendiosa totius nostri Mysterii fides ac tractatio: unitas personæ; naturarum & proprietatum, quæ eas consequuntur, distinctio; *Salva proprietate utriusque naturæ, & in unam coeunte personam*, ait egregiè S. Leo Epist. 24. aliàs 10. c. 3. *suscepta est à maiestate humilitas, à virtute infirmitas, ab eternitate mortalitas.*

Tam stupendam & à sæculo absconditam unionem; animo non capit homo superbus: Judæis scandalum fuit, Gentibus verò stultitia. *Si autem hic queritur ratio*, ait eleganter sanctus Augustinus Epistola 173. aliàs 3. ad Voluf. cap. 2. *non erit mirabile, (mysterium) si exemplum poscitur, non erit singulare. Demus Deum aliquid posse, quod nos fateamur investigare non posse. In talibus rebus tota ratio facti est potentia facientis.* Obmutescant ergo tam varii atque inter se discordes Hæretici, qui Christum ita miserè lacerant ac discerpunt, ut nullam in eo partem intactam & integram reliquerint. Solidæ carnis veritatem abstulit Marcio; divinitatem, Arius; Apollinaris, animam & mentem; unitatem personæ, Nestorius; naturarum distinctionem, Eutyches; alii phantasticum, alii purum hominem dixere; alii humanis infirmitatibus planè liberum, alii ex adverso divinitatem ipsam in eo passam ac doloribus obnoxiam fuisse comminiscuntur.

Sociniani toto ferè illarum hærescon turbido veneno hausto ac in se transfuso, Christum quidem verum hominem agnoscunt, sed purum; non Deum natura & substantia, sed nomine tantum, gratia & adoptione: Mediatorem ac redemptorem cum appellare non recusant, sed verbi dumtaxat prædicatione, atque exemplo virtutum, non pretio sanguinis divinæ justitiæ pro salute nostra persoluto. Sic illi omne crucis pretium ac præmium evacuant, omnemque funditus Christianam subvertunt Religionem; quas omnes Religionis fideique pestes terribilis illa ac fulminea sancti Joannis sententia perculit, *Omnis spiritus qui solvit Jesum ex Deo non est, & hic est anticristus.*

Scilicet dedicatos illos ac fastidiosos homunciones offendit humilis & abjecta Christi, dum, in terris degeret, conditio Obscuratam & quasi penitus in eo extinctam divinitatis maiestatem conqueruntur: quantò consultius humilem illam & abjectam Christi conditionem ipsamque crucem suspicerent, & cum effusa gratiarum actione commendarent, quæ una stare illorum salus potest? Propter nos enim *exinanivit semetipsum, formam servi*

servi accipiens in similitudinem hominum factus. Propter nos humiliavit semetipsum, factus obediens usque ad mortem, mortem autem crucis. Infirmetas ergo Christi ialus nostra est ac fortitudo: Hunc proposuit Deus, ait S. Paulus, propitiationem per fidem in sanguine ipsius, ad ostensionem iustitiae suae, propter remissionem praecedentium delictorum. Et Joan. 1. cap. 2. v. 2. Ipse est propitiatio pro peccatis nostris, non pro nostris tantum, sed etiam pro totius mundi.

Rom. 3.
v. 15.

Quis porro tam cæcus ac stupidus fuerit, qui vel in ipso vitæ mortalis Christi cursu, tam splendidis non deprehendat divinitatis radios undequaque micantes? Quasi alternis vicibus divinitas humanitatem illustrabat, & humanitas objecto quasi velo temperabat divinitatem. Nascitur quidem pauper in præsepio: at natum annuntiant Angeli, Reges adorant, timet Herodes. Circumciditur communi Judæorum more: at Jesus, id est Salvator, nominatur, ac Simeon gratulatur sibi quòd Dei salutare viderit, Anna prophetat. Baptisatur à Joanne, velut homo vulgaris: at simul audita est de Cœlo vox à magnifica gloria delapsa dicens, *Hic est filius meus dilectus, in quo mihi bene complacui.* Famem & sitim patitur: at ipse infinitam penè hominum multitudinem pascit in deserto. Infirmus fuit; sed infirmos curavit, ac suscitavit mortuos. Appetitur calumniis; sed nusquam ne levissimi quidem peccati reus convictus, pudore & ignominia calumniatores atterit. Tristis est ad mortem usque; sed Angelus, qui cum confortet ac soletur, è Cœlo advolat, imò & plùs quàm duodecim Angelorum legiones in sui auxilium, si voluisset, advocasset. A militibus quidem se comprehendi permisit; at eos priùs una voce prosternit, atque humi quasi fulminatos affigit. Ligari patitur; sed abscissam Malcho auriculam restituit. Moritur; sed obcuratur Sol, Luna deficit, insolitis terra motibus concutitur, referantur mortuorum sepulchra, & commissa sibi dudum cadavera evomunt, reviviscunt mortui. Conditur in sepulchro; sed inde tribus post diebus, ut prædixerat, triumphans ac gloriosus, neque ultrà moriturus exargit, & ad Cœlum patriam sedem revertitur. Ecquos, quæso, fulgentiores radios emittere; quæ argumenta sui illustriora edere divinitas potuit? Hocine est humanitatis integumento obcuratam fuisse? cùmque sese tam perspicuè, tam luculenter prodiderit, cui latere potest? Quid dico, latere?

1. Petr.
1. v. 17.

Imò vix alibi melius, quàm in Mysterio Incarnationis elucident ac sese magnificentius explicant divinæ perfectiones, omnipotentia, sapientia, bonitas, iustitia, clementia & misericordia. Duas tam extremas, & à se invicem tam longè distantes natu-

ras simul in eadem persona intimo nexu conjungere sine ulla
 confusione ac permixtione; ita ut, *nec inferiorem consumat glo-*
rificatio, sancti Leonis verba sunt, Sermon. 1. de Nat. cap. 2.
nec superiorem minuat assumptio: tota enim est in maiestate hu-
milis, tota in humilitate maiestas, nec infert unitas confusio-
nem, nec dirimit proprietas unitatem.... & veritas affectionum
sub moderamine deitatis & mentis, nec tentabatur illecebris,
nec cedebat iniuriis; Duo, inquam, extrema adeo dissita con-
 ciliare in unitatem ejusdem personæ, hoc verè summum & in-
 auditum esse contendo divinæ potentiæ ac virtutis argumentum.
 Deum ad vilem hominis conditionem demitti, ipsa majus
 quoddam est divinæ potentiæ miraculum, ait S. Gregor. Ny-
 senus Orat. Catechet. c. 24. quàm grandia quæque moliri: istud
 quippe naturæ ipsius proprium & innatum est, non aliud. Sa-
 pientiæ verò divinæ quanta hîc solertia in concilianda simul ju-
 stitia & misericordia Dei! Hæc gratiam postulat & poenæ re-
 missionem; illa jurium suorum conservationem, ac condignam
 punitionem rei: ita certè ut Deus, inquit Yvo Carnotensis,
 Sermon. 6. *nec peccatum hominis dimittat impunitum, quia iustus*
est; nec insanabile, quia misericors est. Id verò divino planè
 consilio & arcano assecuta est Dei sapientia: Christus sponsor
 noster loco nostri substitutus, poenas divinæ justitiæ solvit ad
 rigorem; clementia verò ac benignitas Dei sese in hominum
 genus liberaliter effundit: reo parcitur, & plectitur innocens;
 Incarnationis Dominicæ mirum illud est ac divinum arcanum.
 Nisi enim Christus Deus esset, ait S. Leo Sermon. 1. de Nat. cap.
 2. non afferret remedium; nisi esset homo, non præberet exem-
 plum. Hanc satisfactionem non potest facere nisi Deus, nec
 debet nisi homo: necesse est igitur ut eam faciat Deus homo.
 Satisfactionis materiam hoc est poenas & expiationis opera ho-
 mo præbet; Deus pretium ac valorem impertitur: ita quam-
 libet severa Dei placatur justitia, oblato pro peccatis nostris
 proprii Filii sui sanguine, quo nullum dignius pretium esse po-
 test; benignitas ac misericordia Dei in nos abundantius exer-
 cetur. Sic mirum in modum impletur quod prædixerat David,
Misericordia & veritas obviaverunt sibi, iustitia & pax oscula-
ta sunt.

Atque inde tanta in Deum ipsum gloriæ redundavit, ut Ec-
 clesia felicem non timeat dicere Adam culpam, quæ tantum
 meruit habere Redemptorem. Quin, & judice Tertulliano,
 Libro de resur. carnis c. 6. cum Deus hominem ipsum primitus
 effingeret, jam tùm Christum futurum cogitabat. *Quodcumque,*
 ait, *limus exprimebatur, Christus cogitabatur homo futurus.*

Ex

Ex his omnibus intelligitis haud dubiè, dilectissimi Candidati, quanta sit argumenti, quod hic tractamus, dignitas ac præstantia. Totius Religionis Christianæ caput illud est, spei ac salutis nostræ unicum fundamentum: *Non enim aliud est sub Cælo nomen datum hominibus, in quo oporteat nos salvos fieri.* Act. 4. 12. *Unus est Deus, ait Apostolus, unus & Mediator Dei & hominum homo Christus Iesus, qui dedit redemptionem semetipsum pro omnibus.* Timoth. 2. v. 5. Ad hunc igitur fontem accedite cum fiducia, dilectissimi Candidati: *Non enim, pergit Apostolus, habemus Pontificem qui non possit compati infirmitatibus nostris, tentatum per omnia pro similitudine absque peccato. Adeamus ergo cum fiducia ad thronum gratiæ, ut misericordiam consequamur, & gratiam inveniamus in auxilio opportuno.* Hebr. 4. v. 1. & 16. Concludite cum eodem Gentium Apostolo: *Mibi absit gloriari nisi in Cruce Domini nostri Jesu Christi, per quem mihi mundus crucifixus est, & ego mundo.* Galat. 6. v. 14. Prima Cor. 2. v. 2. Et rursum: *Non iudicavi me scire aliquid inter vos, nisi Jesum Christum & hunc crucifixum.*



INDEX QUÆSTIONUM.

Q UÆSTIO I. PRÆVIA. De cognitione Myſterii Incarnationis.	3
ARTICULUS I. De variis nominibus, & definitionibus Incarnationis.	3
Varia Incarnationis nomina.	ibid.
Definitio Incarnationis.	4
ARTICULUS II. An Myſterium Incarnationis variis naturaliter demonstrari poſſit.	5
CONCLUSIO. Myſterium Incarnationis, ſive ante, ſive poſt revelationem, ſola ratione naturali poſſitum demonstrari non poteſt, ſed negativè dumtaxat.	ibid.
ARTICULUS III. An Myſterium Incarnationis cognitum fuerit Angelis, & Judais, & Gentilibus?	8
PRIMA CONCLUSIO. Angeli boni ac beati, & futurum & factum ſeu impletum agnovere Incarnationis Myſterium.	ibid.
SECUNDA CONCLUSIO. Dæmones aliquando dubii & anxii videntur fuiſſe circa Chriſti divinitatem, aliquando eam cordè cognoscere; quam reſpoſa certiffimè cognoviſſent, niſi fuiſſent à Deo impediti.	9
TERTIA CONCLUSIO. Adamo, Patriarchis, Prophetis, aliſque Chriſti ſanctitate conſpiciis futurum imminenti Incarnationis Myſterium. Adimpletum illud fuiſſe Judais cognoscere faciliſſimè poſſuiſſent, cum ex Scripturis, tum à majoribus derivata Traditione, cum ex operibus ac miraculis Chriſti, niſi peccatis obcecatis veritatis promissionibus obſiſtiſſent.	10
QUARTA CONCLUSIO. Nonnullis à Gentilibus revelatum fuiſſe futura Incarnationis Myſterium.	12
ARTICULUS IV. De variis erroribus quibus fidei Myſterii Incarnationis impugnata fuiſt.	13
Hæretici primi ordinis, qui Chriſti divinitatem impugnaverunt.	14
Cerinthus.	ibid.
Ebion.	ibid.
Nazareni.	15
Elceſai.	ibid.
Carpocrates.	ibid.
Theodotus.	16
Artemon.	ibid.
Paulus Samofatenus.	ibid.
Hæretici ſecundi ordinis, qui humanitatem Chriſti ac veram ejus carnem oppugnaverunt.	17
Veram ac ſolidam in Chriſto carnem non admittiſſe, Simon Magus.	ibid.
Discipuli Simonis, Menander, Saturninus, Baſilides.	18
Valentinus.	ibid.
Carnem Chriſti veram quidem ac ſolidam, non tamen ex Maria Virgine natam ſe ſumptam, ſed ex elementis coagmentatam dicere Apelliani.	19
Chriſtum animam, vel mente humana ſpaliens Ariani & Apellinariſte.	20
Unam, non duplicem in Chriſto voluntatem & operationem agnoscere Hæreſis Hæreſis.	21
Quo ſenſu Monotheliſta unam in Chriſto voluntatem & operationem agnoverint.	ibid.
Hæretici tertii ordinis, qui circa unionem utruſque naturæ in Chriſto erraverunt.	22
De errore Neſtorii.	26
Varii modi quibus Neſtorius unionem Verbi cum Chriſto exponeret.	ibid.
Conſtataria ex modis variis quibus Neſtorius unionem Verbi cum Chriſto exponeret.	27
De errore Eutycheri.	29
Felix & Elipandus Hiſpani Epifcopi.	32
Libertani, Ubiquiſta.	ibid.
QUÆSTIO II. An poſſibile ſit & conveniens Incarnationis Myſterium.	33
ARTICULUS I. An poſſibile ſit Incarnationis Myſterium.	ibid.
CONCLUSIO. Poſſibile eſt, ſeu nullam internam pugnam & repugnantiam includit Myſterium Incarnationis.	34
Solvuntur Objectiones.	ibid.
Objectiones ex parte Verbi.	38
Objectiones ex parte naturæ humanæ.	41
Objectiones ex parte unionis.	43
ARTICULUS II. An Deo & homini congrua & conveniens fuerit Incarnatio.	ibid.
PRIMA CONCLUSIO. Incarnatio Deo eſt maximè conveniens.	46
SECUNDA CONCLUSIO. Incarnatio maximè conveniens fuit homini, totique Univerſo.	46

I N D E X

TERTIA CONCLUSIO. <i>Congruum magis ac consentaneum fuit Verbum incarnari, quam Patrem aut Spiritum sanctum.</i>	47
QUARTA CONCLUSIO. <i>Convenienter omnino Myſterium Incarnationis in plenitudine temporis fuit adimpletum.</i>	48
QUÆSTIO TERTIA. <i>De exiſtentia Incarnationis, ſeu utrum Incarnationis Myſterium adimpletum in Chriſto fuerit.</i>	50
ARTICULUS I. <i>Utrum contra Judæos demonſtrari poſſit jamdiu advenſiſſe Meſſiam.</i>	ibid.
CONCLUSIO. <i>hæcille contra Judæos demonſtratur jamdiu advenſiſſe promiſſum Meſſiam.</i>	ib.
PRIMUM ARGUMENTUM <i>ex oraculo Jacobi Gen. 49.</i>	ibid.
<i>Primum diſſentientis caput expenditur.</i>	51
CONCLUSIO. <i>Vaticinium Jacobi Meſſiam deſignat, & in Chriſto reipſa fuit adimpletum.</i>	ibid.
<i>Prima pars Concluſionis probatur.</i>	ibid.
<i>Secunda pars Concluſionis probatur.</i>	53
<i>Herodes alienigena.</i>	53
<i>Solvuntur Objectiones quibus Judæi oraculum Jacobi alio detorque- re, ac eludere conantur.</i>	60
<i>Secundum diſſentientis cap. Quid per Judam intelligendum ſit? An ſola hujus nominis Tribus; an univerſa Judaica natio? Quid per ſcriptum? An ſola regia & monarchica au- thoritas; an ſuprema & independens, quacumque illa ſit, regimini poteſtas?</i>	64
PRIMA CONCLUSIO. <i>Nomine Juda, in Vaticinio Jacobi, non videtur intelligenda ſola hujus nominis Tribus; neque ſceperum, ſeu regia & monarchica dignitas, in Tribu Juda reipſa perſeveravit uſque ad Meſſia adventum.</i>	65
<i>Varia ad max expoſitum argumentum referuntur ac reſolvuntur ſolutiones.</i>	66
<i>Prima Solutio.</i>	ibid.
<i>Reſellitur.</i>	ibid.
<i>Secunda Solutio.</i>	67
<i>Reſellitur.</i>	69
<i>Tertia Solutio.</i>	70
<i>Reſellitur.</i>	ibid.
SECUNDA CONCLUSIO. <i>In Vaticinio Jacobi, per ſcriptum, non ſola regia ſeu monarchica, ſed qualibet ſuprema Republica adminiſtranda poteſtas; atque per Judam, non ſola hujus nominis Tribus, ſed tota Judæorum natio intelligenda eſt, cum aliquatamen ſingulari Tribu Juda præſignitur.</i>	71
<i>Solvuntur Objectiones.</i>	72
SECUNDUM ARGUMENTUM <i>adventus Meſſia, ex prophetia Danielis cap. 9.</i>	74
<i>Probatur primo, Danielis vaticinium de ventura Meſſia intelligendum eſſe.</i>	75
CONCLUSIO. <i>Danielis vaticinium de Chriſto Meſſia, non de alio quocumque, intelligi debet.</i>	ibid.
<i>Referuntur ac conſutantur diſſerta Judæorum expoſitiones, quibus Danielis vaticinium detor- quent; nec ad Chriſtum, ſed ad alios referunt.</i>	77
<i>Prima expoſitio.</i>	ibid.
<i>Reſellitur prima interpretatio.</i>	78
<i>Secunda interpretatio.</i>	81
<i>Reſellitur.</i>	82
<i>Tertia interpretatio.</i>	87
<i>Reſellitur.</i>	ibid.
<i>Quarta interpretatio.</i>	84
<i>Reſellitur.</i>	ibid.
<i>Probatur ſecunda, Danielis vaticinium in Chriſto impletum fuiſſe.</i>	86
<i>De initio & fine ſeptuaginta hebdomadarum apud Daniælem.</i>	ibid.
PRIMA CONCLUSIO. <i>Hebdomades ſeptuaginta Daniælis inchoanda non videntur, aut ab Edicto Cyri, anno ipſius Regni primo; aut ab Edicto Darii Hiſtaſpiti; aut ab eo quod fuit Artaxerxes, anno Regni ſextimo.</i>	88
SECUNDA CONCLUSIO. <i>Septuaginta hebdomades Daniælis inchoanda videntur ab anno viceſimo Artaxerxis Longimani.</i>	89
TERTIUM ARGUMENTUM <i>præteriti adventus Meſſia, ex Templi ſecundi gloria, apud Aegæum & Malachiam Prophetas.</i>	92
QUARTUM ARGUMENTUM <i>jæ præteriti adventus Meſſia, ex ſignis quæ adven- tum ejus aut comitari, aut ſubſequi debuerunt.</i>	94
<i>Ex parte Meſſia.</i>	ibid.
<i>Signa ex parte Judæorum.</i>	96
	Ex

Q U Æ S T I O N U M.

<i>Ex parte Gentilium.</i>	100
QUINTUM ARGUMENTUM prateriti adventus Messia, ex testimonio Josephi L. 12.	100
<i>Antiquitatum cap. 4.</i>	ibid.
CONCLUSIO. Testimonium Josephi de Christo, nobis verum ac genuinum, nec ulla falsitatis ac suppositionis notas præferre videtur.	101
<i>Expenduntur & refelluntur momenta contra veritatem testimonii Josephi.</i>	102
SEXTUM ARGUMENTUM prateriti adventus Messia, ex miraculo Christi.	104
<i>Defusio miraculi.</i>	105
<i>Qua sunt in miraculo quolibet distinguenda.</i>	106
<i>Probatur 1. ex miraculis Christi certum & invictum colligi divina illius missionis ac naturæ argumentum.</i>	107
<i>Probatur 2. miracula quæ Heretici vel improbi homines operantur, certa esse non posse sanæ illorum doctrinæ, vel probata vitiæ signa & argumenta.</i>	112
SEPTIMUM ARGUMENTUM adventus Messia, ejusque divina missionis ac naturæ, ex comparatione seu collatione miraculorum Christi cum miraculis Moysis.	113
ARTICULUS II. An Christus sit ille Messias toties in veteri Testamento promissus & delineatus.	117
CONCLUSIO. Christus est ille Messias toties in veteri Testamento promissus & delineatus. <i>ibid.</i>	117
<i>Solvuntur Objectiones Judæorum adversus Messia adventum.</i>	120
ARTICULUS III. An & quomodo adventus Gentiles demonstrari possit adventisse Christum Messiam toties à Prophetis prænuntiatum.	122
<i>Solvuntur Objectiones.</i>	128
QUÆSTIO QUARTA. De necessitate Incarnationis.	128
<i>Status questionis.</i>	ibid.
PRIMA CONCLUSIO. Incarnatio Verbi necessaria non fuit ex hypothesi creationis mundi.	134
SECUNDA CONCLUSIO. Ex hypothesi lapsus humani generis in peccatum necessaria non fuit Incarnatione necessitate absoluta & simplici, sed ex quadam dumtaxat congruitate ac decentia.	137
TERTIA CONCLUSIO. Ex hypothesi quod lapsus hominem Deus reparare ac salvum facere voluerit, absoluta & extraordinaria sua potentia potuisset absque Incarnatione, & sua iustitiae satisfacere, & hominem servare.	140
QUARTA CONCLUSIO. Ex potentia Dei ordinaria, & jure virtutibus temperata, seu ex legibus divinæ iustitiæ, ita necessaria fuit Incarnatio Verbi, ac satisfactio per ipsum Deo persolvenda, ut sine illa homo lapsus reparari non potuisset.	141
QUÆSTIO QUINTA. De satisfactione & merito Christi.	145
ARTICULUS I. De necessitate satisfactionis Christi.	ibid.
<i>Prænotanda.</i>	ibid.
<i>Probatur necessitas satisfactionis Christi, ex parte Dei.</i>	149
CONCLUSIO. Ita necessaria fuit Christi satisfactio, ut de potentia Dei ordinaria jure ac virtutibus temperata, non potuerit homo lapsus alio pacto, quam per condignam Christi satisfactionem, reparari.	ibid.
<i>Probatur conclusio ex Scripturis, quæ à contrariis Socinianorum expositionibus vendicantur.</i>	ib.
PRIMUM ARGUMENTUM, ex natura seu iustitia Dei.	ibid.
<i>Responsio Socinianorum.</i>	151
<i>Refellitur Sociniana responsio.</i>	ibid.
SECUNDUM ARGUMENTUM, ex voluntate Dei item in Legge item in Evangelio nobis revelata.	152
<i>Responsio Socinianorum.</i>	153
<i>Refellitur Sociniana Responsio.</i>	154
<i>Solvuntur Objectiones.</i>	156
<i>robatur necessitas satisfactionis Christi ex parte hominis, qui non potuisset nec pro suo, nec pro alieno peccato, seu mortali, seu veniali, condigne Deo satisfacere.</i>	159
PRIMA CONCLUSIO. Homo purus, non potest Deo condigne satisfacere, pro suo vel alieno peccato mortali.	160
SECUNDA CONCLUSIO. Homo purus, nequidem pro veniali peccato suo, vel alieno, condigne Deo satisfacere potest.	162
<i>Solvuntur Objectiones.</i>	ibid.
ARTICULUS II. De veritate satisfactionis Christi; seu, an Christus verè pro nobis Deo satisfecerit.	169
<i>Probatur ex Scripturis, quæ à contrariis Socinianorum exceptionibus vindicantur.</i>	ibid.
PRIMUM EX SCRIPTURIS ARGUMENTUM. Christus proprio suo sanguine nos redemit.	ibid.

I N D E X

<i>Socinianorum responsio.</i>	170
<i>Refellitur.</i>	171
SECUNDUM ARGUMENTUM. <i>Christus pro nobis, seu loco nostro, per veram substitutionem passus & mortuus est.</i>	173
<i>Socinianorum responsio.</i>	174
<i>Refellitur.</i>	ibid.
TERTIUM ARGUMENTUM. <i>Christus peccata nostra portavit.</i>	177
<i>Responsio Socinianorum.</i>	178
<i>Refellitur.</i>	179
QUARTUM ARGUMENTUM. <i>Christus sacerdos sacrificium pro nobis obtulit.</i>	181
<i>Responsio Sociniana.</i>	182
<i>Refellitur Sociniana responsio.</i>	181
<i>Secunda responsio refellitur.</i>	185
<i>Tertia responsio refellitur.</i>	187
<i>Solvuntur Socinianorum Objectiones.</i>	ibid.
ARTICULUS III. <i>De perfectione satisfactionis Christi.</i>	196
<i>An satisfactio Christi ex sese perfecta fuerit; an ex sola Dei acceptantis liberalitate.</i>	197
CONCLUSIO. <i>Satisfactio Christi ex sese perfecta & condigna fuit, non ex sola Dei acceptantis liberalitate.</i>	ibid.
<i>Solvuntur Objectiones.</i>	199
<i>An satisfactio Christi abundante fuerit, imò & superabundans.</i>	204
CONCLUSIO. <i>Satisfactio Christi non tantum æquivalens fuit, sed etiam superabundans.</i>	ibid.
<i>An satisfactio Christi fuit ex vera iustitia.</i>	205
CONCLUSIO. <i>Satisfactio Christi fuit ex vera iustitia.</i>	206
<i>An satisfactio Christi fuerit ad stricti juris apices.</i>	207
CONCLUSIO. <i>Satisfactio Christi fuit ad stricti juris apices.</i>	ibid.
<i>Solvuntur Objectiones.</i>	209
<i>De merito Christi.</i>	213
PRIMA CONCLUSIO. <i>Christus verè meritus est per eas ipsas actiones per quas Deo pro nobis satisfacit.</i>	ibid.
SECUNDA CONCLUSIO. <i>Christus meritus est à primo conceptionis instanti, usque ad exitum vix sue mortali spiritum.</i>	214
TERTIA CONCLUSIO. <i>Christus meruit per omnes actus amoris & dilectionis Dei, quos ex scientia infusa, non verò per eos quos ex beatifica visionis eliciebat. Pariter meruit per actus obedientie, humilitatis; Legis observantia; uno verbo, per omnes actus virtutum moralium.</i>	215
QUARTA CONCLUSIO. <i>Christus sibi meruit gloriam corporis, nominis exaltationem, Gentium cultum & adorationem, Ecclesia sue splendorem, firmitatem, diffusionem &c.</i>	216
QUINTA CONCLUSIO. <i>Christus eo omniagraria celestis dona qua vel antecessit vel subsequuntur justificationem, nobis abundè promeritus est.</i>	217
QUÆSTIO SEXTA. <i>De causis efficientibus, finalibus, ac meritoria Incarnationis.</i>	ibid.
ARTICULUS I. <i>De causa finali seu motiva Incarnationis. An si Adam non peccasset, Christus non venisset.</i>	218
CONCLUSIO. <i>Motivum totale & adequatum Incarnationis Verbi divini, fuit humani generis redemptio: unde si Adam non peccasset, Christus non venisset.</i>	219
<i>Solvuntur Objectiones.</i>	220
ARTICULUS II. <i>De causa meritoria Incarnationis.</i>	229
CONCLUSIO. <i>Nec humanitas Christi in priori natura instanti ad unionem, nec Christus ipse hypostaticam unionem meruit.</i>	ibid.
<i>Utrum Patriarchæ, caterique veteris Testamenti patres meruerint, aut mereri potuerint substantiam Incarnationis, vel aliquis duxerit ejus circumstantias.</i>	218
PRIMA CONCLUSIO. <i>Patriarchæ, caterique veteris Testamenti patres non meruerunt, nec mereri poterunt de condigno substantiam Incarnationis.</i>	ibid.
SECUNDA CONCLUSIO. <i>Patriarchæ, caterique veteris Testamenti patres de congruo saltem aliquam Incarnationis circumstantias meruerunt.</i>	ibid.
<i>An beata Virgo meruerit esse matrem Dei.</i>	ibid.
PRIMA CONCLUSIO. <i>Beata Virgo de condigno meruit illum gratia ac sanctitatis gradum, quo posita electa est in matrem Dei.</i>	ibid.
SECUNDA CONCLUSIO. <i>Beata Virgo non meruit de condigno, ut fieret mater Dei.</i>	229
TERTIA CONCLUSIO. <i>Si meritum de congruo strictè & accurate sumatur, beata Virgo suam maternitatem non meruit.</i>	ibid.
QUARTA CONCLUSIO. <i>Si meritum de congruo latiori sensu accipitur, pro eo scilicet</i>	ibid.

Q U Æ S T I O N U M.

et quod habet quandam coactionem ad bonum ad quod ordinatur, dici non immerito potest, B. Virginem de congruo suam meruisse maternitatem. ibid.

QUÆSTIO SEPTIMA. De quidditate seu natura incarnationis, id est, unionis duarum naturarum, divinæ & humanæ, in una Verbi persona. 230

ARTICULUS I. De veritate unionis hypostatica naturæ divinæ ac humanæ in una Christi persona. ibid.

Prænotanda. ibid.

Confutatur Nestoriana heresis. 231

CONCLUSIO. Una est in Christo persona: unus est Christus: B. Virgo verò Desipara seu Dei genitrix est ac dicitur. ibid.

PRIMUM MOMENTUM, ex Scripturis. ibid.

Primum argumentum. Filius Dei homo factus est. ibid.

Secundum argumentum. Una & eadem Christi persona simul homo & Deus est. 232

Tertium argumentum. Beata Virgo Desipara, seu mater Dei. ibid.

SECUNDUM MOMENTUM, ex Conciliis & publicis fidei professionibus. 233

TERTIUM MOMENTUM, ex SS. Patribus. 234

I. SS. Patres substantialitatem seu hypostaticam agnoscunt in Christo naturæ utriusque unionem. ibid.

II. SS. Patres unum, non duas in Christo personas; unum Christum, non duos agnoscunt ac præsentant. 235

III. SS. Patres beatam Virginem Desiparam, matrem & genitricem Dei agnoscunt. 236

QUARTUM MOMENTUM, ex Theologicis rationibus. 238

Solvuntur Objectiones Nestorianorum. 239

Utrum legitime ac canonicè damnatus & depositus fuerit Nestorius. 240

CONCLUSIO. Nestorius legitime ac canonicè ab Ephesina Synodo damnatus ac depositus fuit. 250

Solvuntur Objectiones. 251

Utrum Joannes Antiochenus caterisque cum ipso Orientales, non tantum persona, sed etiam errori Nestoris adhaerens. 256

CONCLUSIO. Joannes Antiochenus cum suis Orientalibus, persona dumtaxat Nestorii, non ejus errori adhaesit. ibid.

Utrum S. Cyrillus Nestorium impugnans, in oppositum errorem lapsus fuerit. 259

CONCLUSIO. S. Cyrillus Nestorium impugnans, in oppositum Apollinaris errorem lapsus non fuit; ejusque Scripta ab omni erroris labe, qua ab Orientalibus aspersa fuerant, aliena sunt & omnino pura. ibid.

Confutatur heresis Eutychiana. 263

CONCLUSIO. Duae sunt in Christo post minorem distincta, inconflua ac impermixta naturæ divina scilicet & humana, salvis utriusque proprietatibus. ibid.

Solvuntur Objectiones Eutychianorum. 267

ARTICULUS II. Quid sit unio hypostatica, & in quo consistat. 270

CONCLUSIO. Unio hypostatica non est quid distinctum à Verbo & humanitate, sed Verbum & humanitas simpliciter absque ulla medio ununtur. 271

Solvuntur Objectiones. 272

ARTICULUS III. De proprietatibus hypostaticæ unionis. 274

An unio hypostatica sit aliquid creatum. ibid.

An unio hypostatica sit in Christo naturalis & substantialis, an verò per gentiam. ibid.

Utrum unio hypostatica facta sit in natura, vel in persona. 275

Utrum unio hypostatica sit omnium maxima. 276

Utrum unio hypostatica perpetua sit, constans & indissolubilis. ibid.

An triadæ coetis Christi Verbum unum semper permanens cum anima & corpore. 277

An junctus è corpore Christi tempore Passionis ejus, hypostaticè unitus remanserit cum Verbo divino. 279

QUÆSTIO OCTAVA. De extremis unionis, persona Verbi assumens, & humana natura assumpta. 282

ARTICULUS I. An subsistentia sit aliquid à substantia realiter distinctum. ibid.

CONCLUSIO. Subsistentia non est entitas realiter modaliter à substantia distincta, sed est ipsamet natura prout sui juris est, non alieni. 283

ARTICULUS II. An possit creata subsistentia alienam terminare naturam. 284

CONCLUSIO. Subsistentia creata non potest assumere naturam nec se perfectiorem, nec sese æqualem, sed tantum inferiorem. ibid.

ARTICULUS III. An natura divina præcisè à suis relationibus, immediatè ac per se posita uniti humanitati: & utrum si daretur in Deo absoluta subsistentia, posset humanitati immediatè conjugeri. 286

PRIMA CONCLUSIO. Divina essentia à suis relationibus præcisè, immediatè ac per se non

I N D E X

non potest humana natura conjungi.	ibid.
SECUNDA CONCLUSIO. Ex hypothesis impossibili quid unica foret in Deo absoluta subsistentia seu personalitas, impossibile non esset humanam naturam à divina assumi. ibid.	
ARTICULUS IV. An plures divina persona possint eandem assumere humanitatem, aut plures; vel una persona pluribus naturis simul uniri.	ibid.
CONCLUSIO. Impossibile non videtur, aut plures personas divinas eandem, vel plures naturas simul assumere; aut unam personam pluribus simul naturis conjungi.	ibid.
DE NATURA ASSUMPTA.	287
ARTICULUS I. An Verbum divinum veram nobisque consubstantialitatem naturam humanam assumpsit.	288
CONCLUSIO. Verbum divinum veram nobisque consubstantialitatem humanitatem, solidam corpus, veram carnem ex Maria Virgine natam assumpsit.	ibid.
<i>Solvuntur Objectiones veterum Hæreticorum.</i>	292
ARTICULUS II. An Verbum divinum humanitatem per se subsistentem, seu personam hominis assumpsit, vel saltem assumere potuerit.	295
CONCLUSIO. Verbum divinum non assumpsit, imò nec assumere potuit humanitatem per se subsistentem, seu personam hominis.	ibid.
ARTICULUS III. An Verbum divinum assumpsit naturam universalem ab omni- bus individuis abstractam, an singularem.	296
CONCLUSIO. Verbum divinum naturam singularem assumpsit, non universalem ab omni- bus individuis abstractam.	ibid.
ARTICULUS IV. Utrum angelica natura, vel etiam irrationalis, potuerit à Verbo assumi.	ib.
PRIMA CONCLUSIO. Verbum divinum potuisset, si voluisset, naturam angelicam sibi in univertem suppositi unire. Quare verò eam non assumpsit, non erit, sed ex consensibus divinitatis designari potest.	297
SECUNDA CONCLUSIO. Verbum non potuit naturam irrationalem assumere.	ibid.
ARTICULUS V. De ordine quo humanitas à Verbo assumpta fuit. An immediatè Verbum carnem assumpsit; an verò anima mediante.	298
PRIMA CONCLUSIO. Verbum divinum nullo instanti temporis prius assumpsit animam quam corpus, nec Christus prius homo perfectus fuit, quam hypostaticè conjunctus fuerit cum Verbo; sed eodem instanti temporis Verbum & animam & corpus humanum assumpsit.	ibid.
SECUNDA CONCLUSIO. Verbum divinum carnem assumpsit anima mediante; adeoque prius prioritate natura, aut quasi natura, assumpta est anima, quam caro, non ex congruentia tantum, sed ex necessitate.	299
QUÆSTIO NONA. De consensibus unionis hypostaticæ.	303
ARTICULUS I. An sit in Christo duplex voluntas & duplex operatio, divina & humana.	ib.
CONCLUSIO. Duplex fuit in Christo voluntas & operatio.	303
PRIMUM ARGUMENTUM, ex verbis Christi.	ibid.
SECUNDUM ARGUMENTUM, ex factis Christi.	304
TERTIUM ARGUMENTUM, ex actionibus & passionibus Christi humanis.	ibid.
<i>Solvuntur Objectiones Monothelitarum.</i>	306
ARTICULUS II. De communicatione idiomatum in Christo: an, & qua sit admittenda.	309
<i>De communicatione idiomatum in concreto & respectu personæ, adversus Nestorianos.</i>	310
CONCLUSIO. Admittenda est idiomatum communicatio in concreto, seu respectu ipsius personæ.	ib.
<i>Regula observanda circa communicationem idiomatum.</i>	311
<i>De communicatione idiomatum in abstracto, adversus Lutheranos.</i>	314
<i>An ubiqueque seu ubique presentia corpori Christi tribuenda sit.</i>	ibid.
CONCLUSIO. Non est admittenda communicatio idiomatum in abstracto, proprietatum naturæ divinæ respectu humanæ, multo minus proprietatum naturæ humanæ respectu divinæ. Unde proposita falsa sunt itæ propositiones Lutheranicæ, Humanitas Christi est ubique, & omnipotens &c.	314
<i>Solvuntur Objectiones.</i>	316
ARTICULUS III. An Christus dici possint compositus. An dici possint due natura, vel ex, aut in duabus naturis, aut ex tribus substantiis.	318
PRIMA CONCLUSIO. Christus compositus non est in compositione qua fit ex partibus incomplexis propriè dictis, qua mutuum ad se invicem habitudinem dicant ad tertium constituendum.	319
SECUNDA CONCLUSIO. Christus non immeritò compositus dici potest, in compositione specie qua fit per medium numeri, & appellari solet compositio cum his.	ibid.
QUÆSTIO DECIMA. De carne Christi, & pertinentiis ad illam.	321
ARTICULUS I. An Verbum divinum veram & solidam carnem assumpsit.	ibid.
CONCLUSIO. Verbum divinum veram, physicam & solidam carnem assumpsit, non uni-	brat-

Q U Æ S T I O N U M .

<i>humilem, non phantasticam aut coelitus delapsam, qua per Mariam Virginem, tanquam per merum caulem transiit.</i>	ibid.
ARTICULUS II. <i>An Verbum divinum omnes humani corporis partes, etiam sanguinem, assumpserit.</i>	323
CONCLUSIO. <i>Verbum divinum et omnes humani corporis partes sibi hypostaticè conjunxit.</i>	ibid.
ARTICULUS III. <i>De modo quo Verbum divinum carnem ex B. Virgine assumpsit: an illa labata semper ac integra remanente ipsius Virginitate.</i>	324
CONCLUSIO. <i>Verbum divinum carnem ex B. Virgine, mire præsum ac stupendo modo, operante Spiritu Sancto, assumpsit: perpetua & inviolata remanente genetricis Maria, sive ante partum, sive in partu, sive post partum, Virginitate.</i>	ibid.
<i>Solvuntur Objectiones.</i>	327
ARTICULUS IV. <i>An Christus specie seu forma decerni fuerit.</i>	329
ARTICULUS V. <i>An Christus humanos defectus assumpserit.</i>	331
CONCLUSIO. <i>Christus omnes humani corporis communes defectus assumpsit: non speciales, qui ex singulari consensum secundarum dispositione nascuntur.</i>	332
ARTICULUS VI. <i>An Christus doloribus verè obnoxius fuit.</i>	ibid.
<i>Observanda.</i>	ibid.
CONCLUSIO. <i>Christus dolori, caterisque communibus humana natura infirmitatibus obnoxius fuit: & quaquam à nostris, tum causa, tum necessitate ac effectu, longè diverso.</i>	334
<i>Solvuntur Objectiones.</i>	336
ARTICULUS VII. <i>De modo quo humanitas Christi miracula operabatur.</i>	341
CONCLUSIO. <i>Probabile est humanitatem Christi physicè ad ea miracula concurrisse, qua contactu, aut actione physica in subiecta præsentia, moraliter verò ad illa qua in subiecta distantia peracta fuerunt.</i>	342
QUÆSTIO UNDECIMA. <i>De anima Christi, & pertinentibus ad illam.</i>	343
ARTICULUS I. <i>An verbum divinum veram animam & mentem humanam assumpserit.</i>	ibid.
CONCLUSIO. <i>Verbum divinum animam & mentem humanam sibi assumpsit.</i>	344
<i>Utrum anima Christi post mortem ad inferos descendisset.</i>	346
CONCLUSIO. <i>Anima Christi verè in infernum descendit, hoc est inferiores ac profundiores terra partes, ut unde Sanctos veteris Testamenti erueret ac liberaret.</i>	347
ARTICULUS II. <i>De perfectione anima Christi quantum ad intellectum: seu, de Scientia Christi.</i>	349
CONCLUSIO. <i>Anima Christi statim à primo conceptionis instanti, & perfectissima humana rerum omnium scientia, & beatifica seu intuitiva Dei visione donata fuit, nec tamen Deum propriè comprehendit.</i>	350
<i>Solvuntur Objectiones.</i>	355
ARTICULUS III. <i>De perfectione anima Christi quantum ad voluntatem: seu de gratia, donis ac virtutibus anima Christi concessis.</i>	363
PRIMA CONCLUSIO. <i>Fuit in Christo gratia unionis, seu substantialis, per quam humanitas Christi substantialiter sancta, Deoque acceptissima erat.</i>	ibid.
SECUNDA CONCLUSIO. <i>Præter gratiam unionis & sanctitatem substantialem, fuit in Christo gratia habitualis, & sanctitas adventitia perficiens animam in ordine ad operationes supernaturales.</i>	364
TERTIA CONCLUSIO. <i>Fuit in Christo gratia actualis, non quidem excitans, sed operans & cooperans.</i>	365
QUARTA CONCLUSIO. <i>Fuit in Christo gratia Capitis.</i>	ibid.
QUINTA CONCLUSIO. <i>Fuerunt in Christo gratia gratis data.</i>	366
SEXTA CONCLUSIO. <i>Fuerunt in Christo virtutes omnes morales, sive infusa, sive acquisita: detractis omnibus imperfectionibus, qua vel peccatum supponunt, vel illarum beatitudinis adversantur.</i>	ibid.
SEPTIMA CONCLUSIO. <i>Non fuit in Christo fides, aut spes theologia.</i>	367
ULTIMA CONCLUSIO. <i>Fuerunt in Christo dona Spiritus sancti.</i>	ibid.
ARTICULUS IV. <i>De libertate, sanctitate, ac impeccantia Christi.</i>	ibid.
<i>De sanctitate anima Christi, ejusque impeccantia. An aliquod in Christo peccatum fuerit, aut esse absolute potuerit: & qua impeccantia ipsius vera causa & ratio.</i>	ibid.
PRIMA CONCLUSIO. <i>Fuit in Christo sanctitas quadam naturalis ac substantialis, ex ipsa cum verbo divino unione derivata.</i>	368
SECUNDA CONCLUSIO. <i>Nullum unquam fuit, nec esse potuit in Christo peccatum: quique impeccantia, non gratia tantum, sed natura, vi unionis hypostatica, referenda est.</i>	369
<i>De libertate Christi. Quia ratione conciliari illa possit cum ejus impeccantia.</i>	373
<i>Atque recensentur modi conciliandi libertatem Christi cum ejus impeccantia.</i>	374

<i>Primus modus. Christus liber non in sensu composito, sed directo.</i>	377
<i>Secundus modus. Christus liber circa circumstantias, non circa substantiam precepti.</i>	ibid.
<i>Tertius modus. Christus verum non habuit moriendi mandatum.</i>	376
<i>Quartus & verisimilior modus conciliandi libertatem Christi cum imposto moriendi mandato, ejusque impecantia.</i>	ibid.
PRIMA CONCLUSIO. Christus verè liber fuit, non tantùm circa circumstantias imperatae mortis, sed etiam circa mortem ipsam.	377
SECUNDA CONCLUSIO. Libertas Christi in obeunda morte, tùm cum mandato Patris moriens imperantis, tùm cum ipsamet Christi impecantia, in eo conciliari rectè potest, quid moriendi mandatum absolutum non fuerit, & à libero Christi illud acceptantis consensu omnino independent, sed conditionatum, si nempe vellet Christus illud acceptare, quod reipsa volens ac libens acceptavit.	378
<i>An fuerint in Christo humana natura passionēs, seclusis omnibus imperfectionibus qua nobis adhaerent, & ex peccato sequuntur.</i>	381
CONCLUSIO. Fuerunt in Christo humana natura passionēs, seclusis omnibus imperfectionibus qua nobis adhaerent, & ex peccato sequuntur.	382
QUAESTIO DUODECIMA. De variis Christi titulis & officiis.	383
<i>I. An Christus dici possit filius Dei adoptivus.</i>	ibid.
CONCLUSIO. Christus nulla ratione, nequidem sub expressa humanitatis restrictione, dici debet filius Dei adoptivus.	385
<i>Solvuntur Objectiones.</i>	386
<i>II. Possitne Christus servus appellari & creatura?</i>	388
<i>III. Possitne Christus Mediator appellari; & secundum quam naturam?</i>	389
PRIMA CONCLUSIO. Christus omnibus modis maxè concessis verus Mediator est Deus inter & homines.	390
SECUNDA CONCLUSIO. Christus ut Deus homo, secundum utramque naturam, divinam & humanam, Mediatoris nostri partes implevit.	ibid.
<i>Oravimus Christus tanquam mediator?</i>	391
<i>Fuistne Christus verus Sacerdos?</i>	ibid.
PRIMA CONCLUSIO. Christus verus est Sacerdos ac Pontifex nova Legis.	392
SECUNDA CONCLUSIO. Christus fuit Sacerdos secundum ordinem Melchisedech.	ibid.
<i>Sine Homo Christus caput Ecclesiae, & omnium tùm hominum, tùm Angelorum?</i>	393
CONCLUSIO. Christus homo est caput Ecclesiae, hominum & Angelorum.	ibid.
<i>Fuistne Christus homo Rex & Iudex.</i>	394
QUAESTIO ULTIMA. De adoratione Christi, Sanctorum invocatione, Reliquiarum & Imaginum cultu.	395
<i>Observanda.</i>	ibid.
<i>De adoratione Christi hominis.</i>	397
CONCLUSIO. Humana Christi natura hypostatice Verbo conjuncta, eadem sententia cum divinitate Verbi adoratione colenda est.	398
<i>De cultu, invocatione & intercessionis Sanctorum.</i>	399
<i>An sint colendi Sancti?</i>	ibid.
CONCLUSIO. Antiquus est, rectus ac laudabilis Sanctorum cum Christo in Cordis resonantium cultus.	400
<i>De invocatione & intercessionis Sanctorum.</i>	401
CONCLUSIO. Bonum atque utile est invocare Sanctos, ut pro nobis ad Deum intercedant.	ibid.
<i>De cultu Crucis, Reliquiarum ac Imaginum Sanctorum.</i>	408
<i>De Cultu Crucis.</i>	ibid.
<i>An vera Crux Christi, vel imago ejus adoranda sit cultu latræ.</i>	409
CONCLUSIO. Neque vera Christi Crux, neque ejus imago, adoratione latræ est adoranda.	410
<i>De cultu sanctarum Reliquiarum.</i>	413
CONCLUSIO. Reliquiis Sanctorum moris ac licitè religiosus cultus impenditur.	ibid.
<i>De cultu Imaginum.</i>	ibid.
<i>An imaginum usus antiquus sit in Ecclesia.</i>	414
CONCLUSIO. Non ita frequens, attamen fuit aliquis apud Christianos tribus primis Ecclesiae saeculis, Imaginum usus.	ibid.
<i>An licitus sit Imaginum cultus, & quo cultus colenda sint.</i>	415
PRIMA CONCLUSIO. Licitus est Imaginum cultus, nec idolatria incensandus.	416
SECUNDA CONCLUSIO. Imagines Christi & Sanctorum veneranda sunt, non quidem cultu latræ, aut etiam nudo ac simpliciter civili, sed religioso, non penitus absoluto, sed relativo ad exemplaria quorum imagines sint.	420
<i>Solvuntur Objectiones.</i>	421

NOI REFORMATORI Dello Studio di Padoa.

HAvendo veduto per la Fede di Revisione, & Approbatione del P.F. Tomafo Maria Genari Inquisitore nel Libro intitolato *Prælectiones Theologica de Incarnatione Verbi Divini, quas in Scholis Sorbonicis habuit Honoratus Tournely*, non v'esser cos' alcuna contro la Santa Fede Cattolica, & parimente per Attestato del Segretario Nostro, niente contro Principi, & buoni costumi, concedemo Licenza a Nicolò Pezzana, che possi esser stampato, osservando gl'ordini in materia di Stampe, & presentando le solite copie alle Publiche Librarie di Venezia, & di Padoa.

Dat. 6. Giugno 1728.

§ Gio: Francesco Morosini *Karv. Ref.*

§ Alvise Pisani *Karv. Proc. Ref.*

§

Agostino Gadaldini Segr.

PRÆ-



PRÆLECTIONES
THEOLOGICÆ
D E
INCARNATIONE
VERBI DIVINI.



Otam de Incarnatione Verbi divini Disputationem tredecim
Questionibus absolvemus.

Prima prævia erit de cognitione Mysterii Incarnationis.

Secunda, de possibilitate illius ac convenientia.

Tertia, de existentia.

Quarta, de necessitate.

Quinta, de satisfactione ac merito Christi.

Sexta, de causis efficiente, finali, & meritoria Incarnationis.

Septima, de natura Incarnationis, seu de unionem duplicis naturæ, di-
vinæ & humanæ, in una Verbi persona.

Octava, de extremis unionis, persona Verbi assumentis, & natura
assumpta.

Nona, de pertinentibus ad unionem duplicis in Christo naturæ, du-
plici voluntate, operatione, idiomatum communicatione &c.

Decima, de carne Christi & pertinentibus ad illam.

Undecima, de anima Christi & pertinentibus ad illam.

Duodecima, de variis Christi officiis ac titulis.

Decima tertia, de adoratione Christi, Imaginum & Reliquiarum
cultu.

QUÆSTIO I. PRÆVIA.

*De cognitione Myſterii Incarnationis.***Q**uatuor erunt huiusce primæ Quæſtionis Articuli.

Primus, de variis nominibus ac definitione Incarnationis.

Secundus, an Myſterium Incarnationis ratione naturali demonſtrari poſſit.

Tertius, an Angelis, Judæis, aut Gentilibus notum aliquando fuerit Incarnationis Myſterium.

Quartus denique, de variis erroribus quibus Myſterium Incarnationis impugnatum fuit.

ARTICULUS PRIMUS.

*De variis nominibus, & definitione Incarnationis.***M**yſterium Incarnationis à nobis conſiderari poteſt, vel ex parte Dei Filium ſuum mittentis; vel ex parte Filii qui mittitur; vel ratione noſtri, ſeu beneficiorum quæ ex Incarnatione Verbi ad nos deſcunt; vel denique ratione ſui præciſe: pro varia autem illa conſideratione varioque reſpectu, variis nominibus designari ac deſcribi ſolet Incarnationis Myſterium.*Varia Incarnationis nomina.*

I. Ex parte Dei.

I.
Ex parte
Dei
mittentis
Filium.Dicitur 1. *Miſſio Filii*. Galat. 4. v. 4. *Ubi venit plenitudo temporis, miſit Deus filium ſuum, factum ex muliere, factum ſub lege, ut eos qui ſub lege erant redimeret*. Joan. 10. v. 36. *Quem Pater ſanctificavit, & miſit in mundum, vos dicitis, Quia blaſphemas; quia dixi, Filius Dei ſum?*Dicitur 2. *Dei dilectio*. Joan. 3. v. 16. *Sic Deus dilexit mundum, ut filium ſuum unigenitum daret*.Dicitur 3. *Viſitatio & redemptio*, Lucæ 1. v. 68. *Viſitavit & fecit redemptionem plebis ſuæ*.Dicitur 4. *Oeconomia & diſpenſatio*, quod nomen apud Veteres, præſertim Græcos, uſitatiffimum eſt, qui generatim omnem de Deo ſermonem ac diſputationem parti ac dividere ſolent in Theologicam, quæ de Deo ac diviniſ ejus perfectionibus, & æconomiam, quæ de Incarnatione ſeu de Chriſto tractat. Vox autem iſta *œconomia*, tria hic ſignificat. 1. providam ac ſapientem Dei erga genus humanum adminiſtrationem, qua familiæ ſuæ proſpiciens, Chriſtum *dedit caput ſupra omnem Eccleſiam*, Ephel. 1. v. 22. 2. aſſumptionem naturæ humanæ à Verbo in unitate perſonæ, ſeu aſſumptam à Verbo humanitatem, omneſque ejus affectiones ac proprietates naturales, quæ aſſumptio merito *œconomia & diſpenſatio* appellatur, quia nempe in aſſumpta humanitate mirè elucet Dei indulgentia ac benefica providentia, qui ſeſe temperato divinitatis fulgore ad nos demittere dignatus eſt, ut nos edoceret ac ſalvos faceret. *Apparuit gratia Dei ſalvatoris noſtri omnibus hominibus,*

ait

ait Apostolus ad Titum 2. v. 12. *erudiens nos, ut abnegantes omnem impietatem, & secularia desideria, sobriè, & iuste, & pie vivamus in hoc saeculo.* Quam gratiam cap. 3. v. 4. idem Apostolus appellat *benignitatem & humanitatem Salvatoris.* 3. Significat accommodationem quamdam & de jure suo decessionem, quando nimirum quis ex condescensu id agit, ad quod jure non tenetur: quomodo S. Paulus, Judæorum conciliandorum causa, Timotheum circumcidit; quomodo etiam Christus ipse, qui venerat Legem non solvere sed adimplere, ex æconomia circumcidi voluit, tametsi lege circumcisionis stricto jure non teneretur. Hoc triplici vocis æconomiz sensu postposito, Apollinaristæ tertium usurparunt, æconomiz nomine intelligentes fictam & umbratilem Verbi divini Incarnationem; à quo scilicet non reipsa, sed specie tenus assumptam ex quadam æconomia humanitatem assererebant, quem errorem postea refellemus.

II. Ex parte Filii qui à Patre mittitur, Incarnatio

Dicitur 1. *assumptio*, seu *apprehensio*, naturæ scilicet humanæ. Philip. 2. v. 7: *Exinanivit semetipsum formam servi accipiens.* Et Heb. 2. v. 9: *Nusquam Angelos apprehendit, sed semen Abrahæ apprehendit.* Istum loquendi modum aliquando improbavit ac rejecit S. Cyrillus, quod erroris Nestoriani suspexit foret, maxime cum dicebatur, Verbum assumpsisse hominem: hoc enim loquendi modo innuebatur, Verbum non tantum naturam, sed & personam hominis assumpsisse; unde consequens erat 1. duas esse in Christo personas unione dumtaxat morali inter se conjunctas. 2. Christum non naturæ & substantia Deum esse, sed gratia & adoptione, in quo positus erat error Nestorii. Hac autem rejecta falsa & erronea significatione, sano & catholico sensu aliquando idem sanctus Cyrillus scripsit, à Verbo assumptum hominem fuisse, id est naturam ipsam humanam.

II.
Ex parte
Filii
qui
mitti-
tur.

Dicitur 2. *descensus Filii, & accessus ad nos.* Joan. 6. v. 38. *Descendi de celo, non ut faciam voluntatem meam, sed voluntatem eius qui misit me.* Et Epistolæ 2. v. 7. *Multis seductores exierunt in mundum, qui non consentunt Jesum Christum venisse in carnem.*

Dicitur 3. *abbreviatio, exinanitio.* Isaïa 10. v. 23. *Abbreviationem Dominus Deus exercituum faciet in medio omnis terræ.* Philipp. 2. v. 7. *Exinanivit semetipsum formam servi accipiens.*

4. Ab antiquis Græcis appellatur *ἐκδήσις, τοῦ θεοῦ, ἐν σαρκί*, id est, *Dei manifestatio, & declaratio*; quia nempe per Incarnationem Deus manifestatus est in carne, 1. ad Timoth. 2. v. 16. Quippe cum ab æterno lucem inaccessibilem habitasset, in plenitudine temporis sese nobis aspectabilem & tractabilem exhibuit. Quod fuit ab initio, quod audivimus, quod vidimus oculis nostris, quod perspeximus, & manus nostra contraxerunt de Verbo vite . . . annuntiamus vobis, ait S. Joann. cap. 1. v. 1. Epist. suæ 1.

III. Ratione nostri, ac beneficiorum quæ ex Verbo incarnato in nos defluerunt.

III.
Ratio-
ne no-
stri.

Incarnatio dicitur 1. *habitatio*, Joan. 1. v. 14: *Verbum caro factum est, & habitavit in nobis.* 2. *conversatio*, Baruch. 3. v. 38. *In terris visus est, & cum hominibus conversatus.* Hinc Isaïa 7. v. 14: *Christus vocatur Emmanuel;*

A. 2 id

id est, interprete S. Matthæo cap. 1. v. 23. *Nobiscum Deus*. 3. dicitur *anacephaleosis*, seu *recapitulatio* & *instantatio* rerum omnium: tum quia Christus finis fuit & consummatio prophetiarum, caeremoniarum ac præceptorum Legis Moisaicæ; tum quia *instantavi omnia sive in cælo sive in terra*, Ephes. 1. v. 10.

Dicitur denique *redemptio*. Ephes. 1. v. 7. *In quo habemus redemptionem per sanguinem eius*.

IV:
Ratio
ne sui.

IV. Mysterium Incarnationis in se seu ratione sui consideratum, ab Antiquis dicitur *unio*, *unitio*, *unitas*, *adunatio*, natura scilicet divinæ cum humana in una Verbi persona. Dicitur etiam *mixtura*, *commixtio*, non ea quidem qua confunduntur ac permiscuntur naturæ, ut putabat Eutyches, sed qua intimè uniuntur unione hypostatica seu personali. Dicitur etiam *inbunatio* à S. Ambrosio, *corporatio*, seu *incorporatio* à Tertulliano L. de carne Christi, à Gaudentio Serm. 23. &c. sed omnium aptissima & communi Theologorum usu comprobata nuncupatio, est *Incarnatio*, græcè *ἡ ἐκδήσις*, ex his S. Joannis cap. 1. v. 14. verbis composita, *Verbum caro factum est*; non conversione divinitatis in carnem, sed assumptione humanitatis in Deum. Carnis autem nomine, per synecdochen, tota & integra intelligitur humanitas, more Scripturæ, Gen. 6. v. 12. *Omnis caro corruperat viam suam*. Lucæ 3. v. 6. *Videbit omnis caro salutare Dei*; id est, omnis homo: pars pro toto his in locis sumitur. Aptissimum porro est Incarnationis nomen, ad significandam veram, intimam ac hypostaticam unionem naturæ utriusque, divinæ ac humanæ, in una Christi persona.

Definitio Incarnationis.

Ex his rectè definiri potest Incarnatio, *Unio personalis seu hypostatica naturæ divinæ ac humanæ in una Verbi divini persona, ex qua unus est Christus*.

Dicitur *unio*, id est, distinctorum conjunctio. Revera enim duplex in Christo distincta natura unitur seu conjungitur, divina scilicet cum humana.

Dicitur *personalis*, seu *hypostatica*, non moralis tantum, non metaphorica, non ex gratia solummodo & adoptione, aut prædestinatione, sed ex vera, reali ac physica unione naturæ utriusque in una persona: eo ferè modo quo anima unitur cum corpore unione physica & reali, ex qua homo constat.

Dicitur *in una Verbi personâ*, ex qua unus est Christus. Quippe non remanet in hac unione personalitas hominis, sed à persona Verbi suppletur: unde non duæ sunt in Christo personæ, sed una; nec duo sunt Christi, sed unus, ob unitatem scilicet personæ Verbi humanitatem assumentis.

Dilucidè omnino Mysterium illud describit ac exponit Symbolum quod Athanasii nomine circumfertur, his verbis:

Necessarium est ad æternam salutem, ut Incarnationem quoque Domini nostri Jesu Christi fideliter credat, qui salvus fieri velit.

Est ergo fides recta, ut credamus & confiteamur, quia Dominus noster Jesus Christus, Dei filius, Deus & homo est.

Deus ex substantia Patris ante sæcula genitus; & homo ex substantia matris in sæculo natus.

Ter-

Perfectus Deus, perfectus homo, ex anima rationali, & humana carne subsistens.

Æqualis Patri secundum divinitatem; minor Patre secundum humanitatem. Quasi licet Deus sit, & homo, non duo tamen, sed unus est Christus.

Unus autem non conversione divinitatis in carnem, sed assumptione humanitatis in Deum.

Unus omnino non confusione substantiæ, sed unitate personæ.

Nam sicut anima rationalis & caro unus est homo, ita Deus & homo unus est Christus.

Nihil nitidius, accuratius nihil de hocce Mysterio dici potest.

Eandem fidem luculenter exponunt ac describunt Patres Concilii Chalcedonensis anno 451. in definitione fidei. Sequentes igitur, ajunt, sanctos Patres, unum eundemque confiteri filium & Dominum nostrum Jesum Christum *Tom. 4. Conc. p. 656. E.*
consonanter omnes docemus, eundem perfectum in deitate, & eundem perfectum in humanitate, Deum verum & hominem verum, eundem ex anima rationali & corpore, consubstantialem Patri secundum deitatem, consubstantialem nobis eundem secundum humanitatem, per omnia nobis similem absque peccato: ante secula quidem de Patre genitum secundum deitatem, in novissimis autem diebus eundem propter nos & propter nostram salutem ex Maria Virgine Dei genitricis secundum humanitatem, unum eundemque Christum, Filium, Dominum, Unigenitum, in duabus naturis inconfuse, immutabiliter, indivise, inseparabiliter agnoscendum; nusquam sublata differentia naturarum propter unionem, magisque salva proprietate utriusque nature, & in unam personam atque substantiam concurrente: non in duas personas partitum aut divisum, sed unum eundemque filium & unigenitum Deum Verbum, Dominum Jesum Christum. *Heb. 4.*

Habetis in hocce duplici testimonio, Symboli Athanasiani, & Concilii Chalcedonensis, accuratè delineatam substantiam Mysterii Incarnationis, omnesque ipsius partes, quas in ipso hujus Tractationis aditu ante oculos vestros posuisse necesse fuit, dilectissimi Candidati, ut hac prelibata cognitione, quæ subinde dicturi sumus facilius intelligatis.

ARTICULUS SECUNDUS.

An Mysterium Incarnationis ratione naturali demonstrari possit.

Supponimus hic quæ in Tractatu de SS. Trinitate jam dicta sunt qu. 1. Art. 1. demonstrationem aliam esse à priori quæ fit per causas, aliam à posteriori quæ fit per effectus; rursus demonstrari aliquid posse aut positivè, aut negativè, supposita, vel non supposita Mysterii revelatione.

CONCLUSIO.

Mysterium Incarnationis, sive ante; sive post revelationem, sola ratione naturali positivè demonstrari non potest, sed negativè dumtaxat.

Prima pars probatur 1. ex Scripturis. Coloss. 1. v. 26. dicitur, *Mysterium*
Townley de Incarnatione. A. 3 *rium*

vium quod absconditum fuit à sæculis, & generationibus, nunc autem manifestatum est sanctis eius, quibus voluit Deus notas facere divitias glorie sacramenti huius in Gentibus, quod est Christus. Ephes. 3. v. 8. 9. & 10. Mihi sanctorum minimo, ait Apostolus, data est gratia hæc, in Gentibus evangelizare investigabiles divitias Christi, & illuminare omnes, quæ sit dispensatio sacramenti absconditi à sæculis in Deo. Quapropter post solennem S. Petri in Christum Deum fidei professionem, Matth. 16. v. 17. continuò subiicit Christus: *Beatus es, Simon Bar-Jona, quia caro & sanguis non revelavit tibi, sed Pater meus qui in cælis est.* Superfluum videtur alia plura hic referre Scripturæ testimonia, quibus constat mysteria fidei altiora esse & ab omni captu nostro remotiora, quàm ut humana Philosophia & ratione attingi possint.

Favent SS. Patres, quos sæpius eam in rem laudavimus: unus hic sufficiens S. Augustinus Epistola 137. aliàs 3. ad Volusianum cap. 2. in fine, ubi de Mysterio Christi incarnati verba faciens, *Si ratio, inquit, hic quaeritur, non eris mirabile; si exemplum poscitur, non erit singulare. Demus Deum aliquid posse, quod nos fateamur investigare non posse.* In talibus rebus tota ratio facti est potentia facientis. Ibidem n. 5. ex ignorantia rerum humanarum quæ quotidie oculis nostris observantur, eorum audaciam ac temeritatem reprimat, qui res divinas negant, quòd eas animo capere non possint. Quis etenim explicare satis valeat, quomodo anima unitur corpori? quomodo per sensus corporeos sensibilia objecta percipit? quomodo semen terræ commissum in segetes vel arbores crescat? *Miratur hoc (unionem divinitatis*

ibid. p. 403. A. B. cum humanitate) mens humana, inquit S. Doctor, & quia non capit, fortasse nec credit: seipsam primitus ingrata miretur, seipsam paululum, si potest, attollat à corpore, & ab eis rebus quas solet sentire per corpus; & videat ipsa quid sit quæ nuntur corpore. Sed fortè non potest. Magni quippe est ingenii, revocare mentem à sensibus, & cogitationem à consuetudine abducere. Deinde n. 11. addit longè difficilius esse exponere unionem naturæ spiritalis cum corporea, animæ v.g. rationalis cum corpore, quàm unionem duarum naturarum spiritualium; quia scilicet nulla proportio est inter spiritum & materiam: atqui tamen uniri animam cum corpore, omnes fatentur; quare igitur negant nonnulli uniri divinitatem cum humanitate in Christo?

ibid. p. 403. A. B. Duarum, inquit, rerum incorporearum commixtio facilius credi debuit, quàm unius incorporeæ, & alterius corporeæ.

Probatur 2. Theologica ratione. 1. ex natura fidei, quæ cum ex se obscura sit acinevidens, sub demonstrationem cadere non potest. 2. quia demonstratio vel sit à priori per causas, vel à posteriori per effectus: atqui neque per causas, neque per effectus demonstrari potest Mysterium Incarnationis. Non per causas; vel enim efficiens est, vel formalis: efficiens ipsamet est divina voluntas & omnipotentia, cujus nulla reddi ratio potest; *In talibus etenim rebus,* ait S. Augustinus mox laudatus, *tota ratio facti est voluntas facientis.* Causa verò formalis est ipsamet unio personalis Verbi cum humanitate, de qua quaerimus, an possit demonstrari. Neque etiam per effectus naturales demonstratio hæc fieri potest; nulli etenim sunt qui necessariam habeant cum hoc Mysterio connexionem; nulli ex quibus ostendi possit, *salva proprietate utriusque naturæ, & in unam coeunte personam, susceptam esse à maiestate divinitatis.*

T. 1. 1. 7. 480.

humilitatem, à virtute infirmitatem, ab eternitate mortalitatem, verba sunt S. Leonis Epistola 24. aliàs 10. cap. 3. Revera quidem nonnullis ex rebus naturalibus similitudinibus ac exemplis unionem illam utcumque exponere ac illustrare conantur SS. Ecclesie Doctores; at quantum ista distent à nostro Mysterio, ac disparata sint, facile quilibet intelligere potest.

Secunda pars Conclusionis facile ostenditur: Illud etenim negativè demonstrari dicitur, quod non probatur impossibile, & à momentis seu argumentis quibus impugnatur, vindicatur: atqui tale est Incarnationis mysterium; quod enim verum est, nunquam potest demonstrari esse falsum.

Dices: Mysterium Incarnationis est evidenter credibile; ergo & evidenter possibile: quod enim evidenter impossibile, evidenter quoque incredibile est; ergo à contrario, quod est evidenter credibile evidenter quoque est possibile.

Resp. nego consequ. Ex alio quippe capite repetitur evidens rei alicujus credibilitas, & ejus possibilitas: hæc ab intimis rei principiis, quæ concipiuntur non repugnare; illa verò ab externis testimoniis, quæ consensum mentis necessario expriment. Tot porro sunt splendida testimonia seu motiva quibus mysteria fidei nostræ evidenter credibilia sunt, ut nemo sanus iis reluctari possit: quia tamen intima horumce mysteriorum principia obscurissima sunt, & ab omni captu nostro remotissima, nobis ex solo naturæ lumine vera & possibile non innotescunt, sed superiori lumine fidei opus est, quo mens elevata & illustrata ea credit, quæ non intelligit.

Instabis 1. Homo solo naturæ lumine cognoscit Deum omnia posse, atque naturam humanam sua propria spoliari posse subsistentia seu personalitate; ergo cognoscere potest divinam naturam conjungi posse cum humana, unionem quadam intima & personali, qua ferè ratione anima humana unitur corpori.

Resp. 1. sola quidem duce ratione nos generatim ac confusè cognoscere Deum omnia posse, at non idcirco distinctè cognoscimus omnem & quemlibet divinæ omnipotentis terminum etiam in rebus naturalibus, quanto minus in supernaturalibus, quarum ne ideam quidem ac notionem ex natura habere possumus? multa enim nobis mortalibus impossibilia videri possunt, quæ tamen impossibilia non sunt; atque necesse est fieri cum Augustino, *Deum aliquid posse, quod nos fateamur investigare non posse.*

II. Stando in solo naturæ lumine, non cognoscimus naturam humanam sua propria subsistentia spoliari posse, eamque ab alia superiori suppleri. Quare? quia subsistentia à natura ipsa non distinguitur; atque naturam sua subsistentia spoliari posse, idem videtur esse, (si una audiatur humana Philosophia) ac naturam semetipsa posse spoliari, seu simul esse & non esse, quod repugnant. Ideam quidem istam ac notionem fides corrigit & emendat, quæ docet in Mysterio Trinitatis naturam seu essentiam Patris Filio totam communicari, non communicata propria subsistentia seu personalitate Patris: in Mysterio pariter Incarnationis, perfectam esse in Christo hominis naturam, sine subsistentia seu personalitate propria hominis. Verum humana ratio sibi relicta nihil tale cogitare unquam ac suspicari potest; neque exemplum unionis animæ cum corpore, omni ex parte hic aptum videtur. In hoc enim maxime deficit, quòd anima & corpus duz sint partes incompletæ ad hominem con-

stituendum ordinatæ, ex quarum unione una resultat hominis & persona & natura: in Christo autem non una, sed duæ etiam post unionem remanent impermixtæ ac inconfusæ naturæ, divina scilicet & humana, cum suis integris proprietatibus. Hoc exemplo unionis animæ cum corpore utebantur Eutychiani, ut ostenderent nam in Christo post unionem naturam esse, quemadmodum & personam. Unionem porro illam animæ spiritualis cum corpore materiali, ex intimo quidem sensu experimur omnes; at nemo hætenus fuit animo tam acuto & perspicaci, qui clarè ac nitidè unionem illam physicam & intimam explicare potuerit: naturæ arcanum est humano ingenio prorsus impervium & inaccessum.

Inflabis 2. Naturaliter cognosci potest, summum & infinitum bonum sui diffusivum esse modo præstantissimo: at non alius est perfectior modus quo seipsum diffundat ac communicet, quàm per intimam sui cum humanitate conjunctionem.

Resp. Naturaliter quidem cognoscimus Deum esse summum & infinitum bonum, cujus proprium est ut se diffundat modo perfectissimo, qui nobis possibilis videtur ac naturæ humanæ proportionatus: at unio illa intima & personalis divinitatis cum humanitate, sola ratione duce, nec possibilis nobis videtur, nec humanitati nostræ proportionata.

ARTICULUS III.

An Mysterium Incarnationis cognitum fuerit Angelis, Judæis, & Gentilibus?

Mysterium Incarnationis spectari potest, vel ut futurum ac promissum; vel ut factum & impletum. Rursus Angeli vel boni sunt ac beati, vel mali ac reprobi, qui demones vulgò appellantur.

PRIMA CONCLUSIO.

Angeli boni ac beati, & futurum & factum seu impletum agnovere Incarnationis Mysterium.

Probatur ex Scriptura. Hebr. 1. v. 6. *Cum introducit primogenitum in orbem terræ, dicit: Et adorent eum omnes Angeli Dei.* Quomodo verò Filium Dei adorassent, nisi cognovissent? Gabriel ad Mariam missus est ut ipsi annuntiaret nasciturum ex ea filium: *Ecce, inquit apud S. Lucam cap. 1. v. 31. concipies in utero, & paries filium, & vocabis nomen ejus Jesum. Hic eris magnus, & filius Altissimi vocabitur.*

Postea recenter natum Angeli festis acclamationibus celebrant, apud eundem S. Lucam cap. 2. v. 10. *Ecce evangeliso vobis gaudium magnum quod erit omni populo, quia natus est vobis hodie Salvator, qui est Christus Dominus, in civitate David.* Et Matth. 4. v. 11. *Ecce Angeli accesserunt, & ministrabant ei.* Denique S. Paulus 1. ad Timoth. 3. v. 16. *Manifestè magnum est pietatis sacramentum, quod manifestatum est in carne, iustificatum est in spiritu, apparuit Angelis, prædicatum est Gentibus &c.*

Dices:

Dices : Ex Apostolo Eph. 3. Angeli nonnisi ex prædicatione Apostolorum Christum certò cognovere. Postquam enim declaravit S. Paulus v. 8. *si bi omnium Sanctorum minimo datam esse gratiam hanc, in Gentibus evangelizare investigabiles divinitas Christi; v. 10. ait: ut innotescat principatibus & potestatibus in caelestibus per Ecclesiam, multiformis sapientia Dei.* Ad quem locum S. Joann. Chrysostomus Orat. 4. de incomprehensibili Dei natura, & Hom. 1. in Evangelium S. Joannis, Theophilactus, Occumenius, Theodoretus in eundem locum, & S. Gregorius Nyssenus Hom. 8. ad Canticum Canticorum, docent Angelis ex prædicatione Apostolorum primum innotuisse Incarnationis Mysterium, quod prius ipsis incognitum fuerat. Inde est quòd ipsimet Angeli Psalm. 23. v. 8. 9. & 10. inducuntur ex anxietate sciscitantes in Alcenione Christi, *Quis est iste Rex glorie?* & apud Isaïam cap. 63. v. 1. *Quis est iste qui venit de Edom, tinctus vestibus de Bosra?* Quæ verba expedientes SS. Justinus Dial. cum Tryphone, Ambrosius L. de Mysteriis c. 7. & L. 4. de fide c. 1. Hieronymus ad caput 63. Isaïæ, affirmant anxios circa divinitatem Christi Angelos fuisse, nec prius de illa certiores esse factos, quam cum Christus à mortuis suscitatus in Cælum spectantibus discipulis se recepit.

Resp. dist. ant. Angeli nonnisi ex prædicatione Apostolorum Christum agnovere plena & perfecta cognitione, & quantum ad omnes redemptionis humanæ effectus, quosuluplo & experientia compertos habuere, concedo; simpliciter & absolute non cognovere, nego. Ita respondet S. Thomas Commentario in caput 3. ad Ephesios. *Quòd beati Angeli, inquit, qui T. 8. p. immediatè Verbum conspiciunt, quòd est speculum sine macula, in quo refulcent omnia, à viatoribus doceantur, dici non debet, nec conveniens videtur. Dicendum est ergo, quòd innotuit Angelis per Ecclesiam primò per Apostolos prædicantes, non quòd Angeli hoc didicerint ab eis, sed in eis.* 416. col. 1. B. C.

Citatis locis ex Psalm. 23. & Isaïæ 63. non anxietas & dubitatio, sed admiratio exprimitur.

SECUNDA CONCLUSIO.

Dæmones aliquando dubii & anxii videntur fuisse circa Christi divinitatem, aliquando eam certò cognoscere; quam re ipsa certissime cognovissent, nisi fuissent à Deo impediti.

Probatur prima pars, quia Matth. 4. v. 3. dæmon sollicitè vias omnes explorat quibus Christum certò cognoscere possit: *Si filius Dei es, dicebat ad Christum, dic ut lapides isti panes fiant.* Et 1. Corinth. 2. v. 8. de Sapientia incarnata dicitur, *quam nemo principum huius sæculi cognovit: si enim cognovissent, nunquam Dominum gloriæ crucifixissent.* Nomine principum, nonnulli è SS. Patribus dæmones ipsos intelligunt, qui principes sunt huius sæculi: quo sensu dicebat Christus Joan. 12. v. 31. *Nunc princeps huius mundi eficietur foras.* Videntur ergo dæmones aliquando Christum certò non agnovisse: Ita sentiunt plerique è SS. Patribus.

S. Ignatius Martyr in Epistola ad Ephesios n. 19. ait Christum ex Virgine nasci voluisse, ut partus ejus diabolo celaretur. T. 1. p. 1406. B.

S. Ambrosius in caput 9. S. Lucæ, asserit non permisisse Christum ut discipu-

scipuli clarè & apertè declararent quis ipse foret, nempe ut mundi principem falleret.

S. Augustinus Lib. 9. de Civit. Dei c. 21. docet Christum malis Angelistan-
 tum innotuisse, quantum voluit; & tantum voluisse, quantum oportuit.

Consilium Dei in occultando Mysterio Incarnationis illud fuisse docet S.
 Leo Sermone 11. de Passione cap. 3. nempe ut humanum genus vinculis mor-
 tiferæ prævaricationis absolveret, & savienti diabolo potentiam suæ majestatis
 occultuit, & infirmitatem nostræ humilitatis objecit. Si enim crudelis & superbus
 inimicus consilium misericordiæ Dei noscere potuisset, Judæorum animos potius
 temperare, quàm iniustis odiis studuisset accendere, ne omnium captivorum amitte-
 ret servitutem, dum nihil sibi debentis persequitur libertatem.

Secunda Conclusionis pars, nempe dæmones interdum videri Christum
 agnovisse, patet ex c. 1. S. Marci v. 24. ubi spiritus immundus dicit ad Chri-
 stum, *Quid nobis & tibi Jesu Nazarene? Venisti perdere nos?* Scio quis sis, san-
 ctus Dei. Et v. 24. Dæmonia multa ejiciebat, (Christus) & non sinebat ea lo-
 qui, quoniam sciebant eum, sive tantummodo ex conjectura, sive ex certa
 cognitione.

Tertia pars probatur: Namque facillimè potuissent Angeli naturali sua
 perspicacia, ex miraculis quæ Christus operabatur ut probaret se Messiam
 esse, Dei Filium ac verum cum ipso Deum, inferre illum reipsa talem esse,
 cum impossibile sit Deum miracula operari in confirmationem ac testimo-
 nium erroris. Dicendum igitur impeditos illos à Deo fuisse, ne omni sua
 uterentur ingenita perspicacia. Ita occulta sua providentia Deus disposue-
 rat ad fines sibi perfectos.

T E R T I A C O N C L U S I O.

Adamo, Patriarchis, Prophetis, aliisque viris sanctitate conspicuis futurum
 innotuit Incarnationis Mysterium. Adimpletum illud fuisse Judæi cogno-
 scere facillimè potuissent, tum ex Scripturis, tum à majoribus derivata
 traditione, tum ex operibus ac miraculis Christi, nisi peccatis obcæcati
 veritati pervicaciùs obstitissent.

Venturi aliquando Messie revelatio ac cognitio, vel ab ipso mundi exor-
 dio quasi per gradus nonnullis concessa fuit, donec tandem in plenitudine
 temporis omnibus Deus manifestatus est in carne, iustificatus est in spiritu, appa-
 ruit Angelis, creditus est in mundo, assumptus est in gloria.

I. Adamus adhuc innocens ex illo sopore seu ecstasi expergefactus, in qua
 ex costa ejus formata est Eva Gen. 2. v. 23. in hæc verba erumpit: *Hoc nunc
 os ex ossibus meis, & caro de carne mea . . . Relinquet homo patrem suum, &
 matrem, & adhaerebit uxori suæ, & erunt duo in carne una.* Quæ verba
 postquam retulit S. Paulus Ephes. 5. v. 32. addit: *Sacramentum hoc magnum est in
 Christo & in Ecclesia.* Citatis igitur verbis, jam tum ab Adamo, interprete
 S. Paulo, prænuntiatum fuit mysterium seu sacramentum Incarnationis.
 Unde bellè Tertullianus L. de Resurrectione carnis cap. 6. agens de forma-
 tione hominis, *Recogita*, inquit, *totum illi Deum occupatum ac deditum, ma-
 nu, sensu, opere, consilio, sapientia, providentia, & ipsa imprimis adfectione,*
 qua

que lineamenta ducebat. Quodcumque enim limus exprimebatur, Christus cogitabatur homo futurus. S. Augustinus Libro 9. de Gen. ad litteram cap. 19. citata Geneseos verba prophetico spiritu ab Adamo prolata esse affirmat, ut hinc intelligeremus, inquit, propter et *Isa. 53*, quæ præcesserat in Adam, hoc eum divinitus tanquam Prophetam dicere potuisse. T. 1. p. 1. p. 156. E. F.

At, inquires, si Adamus futurum prænovit Incarnationis Mysterium, ergo suæ culpæ, ad quam eluendam unice destinatus est Messias, præcius fuit. Nego consequentiam. Hoc unum sequitur, Adamum scilicet confusè ac generatim tunc agnovisse venturum aliquando Messiam, ignorato illius adventus fine; neque enim Prophetæ omnes mysteriorum, quæ prænuntiabant, causas, omnesque circumstantias semper agnoverunt: at post lapsum suum paulò distinctius intellexit Adamus venturum Messiam culpæ reparatorem. Istud indicant verba Gen. 3. 15. *Inimicitias ponam inter te & mulierem, & sementum & semen illius; ipsa conteret caput tuum; seu, ut habet textus Hebræus apud 70. Interpretes, & legitur in Editione Samaritana, & apud SS. Irenæum, Cyprianum, Hieronymum, ipse conteret: referendo ad Christum, qui futurus erat semen mulieris secundum carnem, & à quo serpentis caput, hoc est dæmonis imperium atterendum erat penitusque abolendum.*

II. Abrahamo longè clariùs promissus est Messias, ex cujus semine nasciturus prædicatur Gen. 22. v. 18. *Benedicentur in semine tuo omnes gentes terre.* Cum verò duæ gentes seu populi ex Abrahamo oriundi essent, Ismaelitarum nempe & Israelitarum, declarat Deus ex qua gente nasciturus esset Messias, ex semine scilicet Isaac, Gen. 26. v. 4. Tandem clarissimè determinando tempus, familiam, dignitatem, circumstantias, Messie promissio ac revelatio facta est, vaticinante Jacob Gen. 49. v. 10. his verbis, *Non auferetur sceptrum de Juda, & dux de femore eius, donec veniat qui mittendus est, & ipse erit expectatio gentium.*

Et certè cum fides implicita in mediatorem omni tempore necessaria fuerit ad salutem, necesse prorsus est in eum credidisse, quotquot in ve teri Lege sanctitatis laude floruerunt, ac æternam salutem sunt assecuti. Nunc, ait Eusebius L. 1. Hist. c. 2. quotquot à prima humani generis origine iustitia ac religionis laude maxime floruerunt, ut magnus ille Dei famulus Moses, ut qui ante illum vixit Abraham & eius filii, & quicumque postea viri iusti ac Prophetæ existerunt, omnes puris mentis oculis contemplati agnoverunt, eidemque tanquam Dei filio, debitum cultum exhibuerunt. P. 6. B.

III. Judæos faciliè potuisse jam natum ac præsentem Messiam agnoscere, demonstratur, tum ex Scripturis ac prophetiis cum eventu ipso collatis, ad quas Christus eos remittit: *Scrutamini Scripturas*, inquebat Joan. 5. v. 39. *illa sunt que testimonium perhibent de me.* Et verò tota Lex vetus in istar prædagogi, ut loquitur S. Paulus Galat. 3. v. 24. Judæos ad Christum quasi manu ducebat. Tum ex recepta & à suis maioribus derivata traditione, qua constabat multa veteris Instrumenti vaticinia de Christo Deo à carne venturo esse interpretanda; neque alio consilio ea & Christus ipse & Apostoli protulere. Matth. 22. v. 42. 43. 44. *Quid vobis videtur de Christo? interrogabat Judæos Christus, Cujus filius est? Dicunt ei, David. At ille: Quomodo ergo David in spiritu vocat eum Dominum, dicens: Dixit Domi-* Ps. 109.

Dominus Domino meo: Sede à dextris meis, donec ponam inimicos tuos scabellum pedum tuorum? Si ergo David vocat eum Dominum, quomodo filius eius est? S. Paulus Hebr. 1. v. 5. ista quoque Psalmi 2. *Filius meus es tu* &c. de Christo dicta exponit. Cui enim, ait, dixit aliquando Angelorum, *Filius meus es tu, ego hodie genui te?* Et rursum, *Ego ero illi in patrem, & ipse erit mihi in filium?* Et cum iterum introducit primogenitum in orbem terre, dicit, *Et adorent eum omnes Angeli Dei.* Ad hæc & alia huiusmodi bene multa si attendere seriò voluissent Iudæi, facilè haud dubiè Christum verum Messiam ac Deum in iis deprehendissent, perinde ac in stupendis prodigiisque Christus iis spectantibus operabatur. Unde Christus Joan. 10. v. 37. *Sinon facio opera Patris mei, nolite credere mihi: si autem facio, & si mihi non vultis credere, operibus credite, ut cognoscatis & credatis quia Pater in me est & ego in Pater.* Et cap. 5. v. 36. dixerat, *Opera quæ ego facio, testimonium perhibent de me, quia Pater misit me.* Verùm sua eos malitia excacaverat: Cum tanta signa fecisset coram eis, ait S. Joan. cap. 12. v. 37. non credebant in eum; ut sermo Isaie Propheta impletur . . . Propterea non poterant credere, quia dixit Isaïas, *Excacavi oculos eorum, & induravi cor eorum, ut non videant oculis, & non intelligant corde, & convertantur, & salventur eos.*

QUARTA CONCLUSIO.

Nonnullis è Gentilibus revelatum fuit futuræ Incarnationis Mysterium.

Illustre hujus revelationis ac cognitionis exemplum habemus in sancto viro Job, qui ex Idumæis ortus erat. Scio, inquit cap. 19. v. 25. quoddam Redemptor meus vivit, & in novissima die de terra surrecturus sum: & rursum circumdabor pelle mea, & in carne mea videbo Deum meum; quem visurus sum ego ipse, & oculi mei conspiciuntur sunt, & non alius.

Et Balaam Numer. 24. v. 17. Christum his prædixit verbis, *Orietur stella ex Jacob.*

Ita docent S. Augustinus ac Richardus Victorinus. S. Augustinus L. 18. de Civitate Dei c. 47. Non incongruè, ait, creditur fuisse & in aliis gentibus homines, quibus hoc Mysterium revelatum est, & qui hoc etiam prædicere impulsus sunt. Addit ibidem sanctus Doctor, multos inter gentes pertinuisse ad civitatem spiritalem Jerusalem: Quod nemini, inquit, concessum fuisse credendum est, nisi cui divinitus revelatus est unus Mediator Dei & hominum homo Christus Jesus.

Richardus Victorinus L. de Incarnatione Verbi c. 8. exponens ista verba, Ecce Veniet desideratus cunctis gentibus, sic loquitur: Non dicitur desiderandus, sed desideratus; ut intelligas in omni gente aliquos aliquando ejus desiderio flagrasse. Erat igitur adventus ejus à multis gentiliū præcognitus, & ardentè desideratus. Ad hunc tamen cognitionem & per intervalla temporum ascenderant. Nam primo quidam eorum divinitus illuminati, & naturali ratione docti intelligebant quantis tenebris totum penè genus humanum involutum erat.

Accedit & testimonium magni illius apud Sineses Philosophorum principis Confucii, qui annis quinquaginta supra quingentos ortum Christi antece-

tecessit, quem tamen prævidisse videtur in eo secundo Libro quem latine reddidit Prosper Intorcetta Siculus è Societate Jesu, ubi Philosophus ille Principem ad virtutem adhortans dicit: *Legibus celi ac terra facta ejus consentiunt; neque vereri debet, ut cum Sanctus ille expectatus advenerit, idem tum virtutis ejus ac dum regnaret, bonos habeatur.* Hæc profectò, si de vero Messia intelligantur, ut intelligi haud dubiè possunt, ex Hebræorum oraculis, quæ ad Sinasulque tunc temporis pervaserant, hausta fuisse dubitare nemo potest.

Percrebuisse apud Gentiles nonnullos hanc de venturo Messia opinionem, inde non immeritò colligere possumus, quòd circa ipsummet tempus, quo reipsa expectabatur, in multis eventum habuisse creditum fuerit, sicut in Svetonio, Josepho, Cornelio Tacito legere est. Vide Propositionem septimam n. 32. Libri Demonstrationis Evangelicæ Illustriss. Huetii.

Mitto probationem quam ex oraculis Sybillarum nonnulli ducunt: etsi enim non ignorem à multis ex antiquis SS. Patribus ea commendata plurimùm fuisse, & in probationem adducta contra Gentiles, non tamen indubitatæ fidei videntur, & supra exceptionem omnem, quòd à Christianis nonnullis quidam fraude conficta fuisse suspicio esse possit: apertiora quippe & clariora hæc oracula videntur, quàm ut à Gentilibus edi potuerint. Unde S. Augustinus Lib. citato 18. de Civitate Dei cap. 47. ait: *Quæcumque et aliorum prophetiæ de Dei per Christum Jesum gratia proferuntur, possunt putari à Christianis esse confictæ.* Ideo nihil est firmitus ad convincendos quoslibet alienos.... quàm ut divina prædicta de Christo ea proferantur, quæ in Judeorum scripta sunt Codicibus.

T. 7. p. 110. B. G.

Fatendum quidem est, summo apud Gentiles in pretio fuisse nonnulla Sybillarum oracula; verùm merè prophana illa fuisse, quibus subinde Christiani studio vendicandæ nostræ adversus Gentiles Religionis, plura de Christo clara & expressa inseruere.

Quamquam illorum oraculorum fidem & auctoritatem non multi faciat Tullius. Libro enim 2. de Divinatione sic loquitur: *Hæc callidè, qui illa composuit, perfecit, ut quodcumque accidisset prædictum videretur, & hominum & temporum definitiones sublata. Adhibuit etiam latebram obscuritatis, ut iidem versu aliàs in aliam rem posse accommodari viderentur.* Et postea: *Quamobrem Sybillam quidem sepositam & conditam habeamus, ut id quod proditum est à majoribus in jussu Senatus ne legantur quidem Libri, valeantque ad deponendas potius, quàm ad suscipiendas Religionis.*

ARTICULUS QUARTUS.

De variis erroribus quibus fides Mysteriorum Incarnationis impugnata fuit.

Error hæreticorum de Christo, ait S. Augustinus L. 1. questionum Evangeliorum q. 45. tribus generibus terminatur: aut enim de divinitate ejus, aut de humanitate, aut de utroque falluntur.

T. 3. p. 248. D.

Ad tres igitur ordines revocamus Hæreticos omnes quotquot adversus Incarnationis Mysteriorum insurrexerunt.

I. ad eos qui Christi divinitatem.

II. ad.

II. ad eos qui ejusdem humanitatem

III. ad eos qui utriusque unionem impugnare.

Hos errores summam recenset ac perstringit S. Leo Serm. 8. de Nativitate Domini n. 4. & 5. fusiori verò stylo prosequitur Petavius toto L. 1. de Incarnatione.

T. 1. p.
176. &
171.

Heretici primi ordinis, qui Christi divinitatem impugnaverunt.

De Hæreticis qui Verbo divino ipsique Christo divinam detraxere naturam, jam egimus ubi de erroribus circa Trinitatem. Pauca hic de iis, qui Christum purum hominem dixere, retexemus.

Ex Judæis ad Christianam Religionem recen-
ter conversis fluxisse primùm videtur error iste: cùm enim illi nondum antiquis suis præjudiciis ac inveterata apud suos opinione, qua putabant Messiam Regem temporalem ac præpotentem futurum esse, liberi essent ac expediti, Christum pauperem, abjectum & humilem, merum hominem esse arbitrati sunt. Exiisorti sunt.

Tralib.
de Tri-
nitat. p.
55. &
159.

Cerinthus..

Primo sæculo Cerinthus dicebat Christum ex Josepho & Maria communi cæterorum hominum more genitum fuisse. Distinguebat in ipso quasi duas personas, Jesum, & Christum: in Jesum aditum ajebat descendisse Christum seu Spiritum sanctum sub specie columbæ, qua die baptisatus fuit; at postquam passus est Jesus, Christum sursum revolasse, tum resurrexisse Jesum. Ita sanctus Irenæus L. 1. adv. hæreses cap. 25; Theodoretus L. 2. hæretic. fab. cap. 3. sanctus Epiphanius L. 1. Tomi 2. adversus hæreses, hæresi 28. At S. Augustinus & Philastrius referunt Cerinthus affirmasse non resurrexisse Christum, sed aliquando à mortuis excitandum.

S. Irenæus L. 3. adversus hæreses cap. 3. & post ipsum Eusebius L. 3. Hist. c. 28. narrant, quosdam ex Polycarpo audivisse, Joannem Apostolum, cùm Ephesi in balneo Cerinthus animadvertisset, in hæc verba prorupisse, *Fugiamus, ne balneum corruat, in quo Cerinthus est veritatis inimicus.* Nar-
rat S. Hieronymus L. de Script. Eccl. Joannem ab Asia Episcopis roga-
tum, adversus Cerinthus suum Evangelium conscripsisse, quod ab ipsa Verbi & Christi divinitate orditur..

Euseb.
p. 100.
D.

Ebion..

Eodem sæculo caput extulit Ebion discipulus Cerinthis: ab ipso dicti sunt ac propagati Ebionitæ, seu Ebionæi, id est, juxta vim nominis, pauperes seu mendici, sive quia omni sensu ac ratione destituti, de Christo tanquam puro ac vulgari homine, *humiliter admodum & abiectione sentiebant*, ut ait Eusebius L. 3. Hist. cap. 27. & ante ipsum Origenes L. 4. de principiis, apud Valesium in notis ad locum Eusebii mox laudatum, quam nominis interpretationem Ebionæis meritò convenire ostendit S. Epiphanius hæresi 30. pag. 141. Sive quia tunc extitit homo quidam hæreticus cui reipsa nomen erat Ebion: ita conjicit idem S. Epiphanius, tametsi non sine infausto præ-

Euseb.
pag. 99.
B.

præfagio sic appellatus fuerit, *Quia*, inquit sanctus Doctor, *revera Hæreticus ille, mente, spe, factisque mendicis erat, utpote qui Christum merum hominem esse affirmaret.*

Scriptor Historiæ Criticæ novi Testamenti Tomo 1. cap. 8. conjicit eos Christianos qui Judaicos ritus simul cum Evangelio miscebant, à Judæis in contemptum & irrisiōem Religionis Christianæ dictos esse *Ebionæos*, id est pauperes & mendicos; quod nempe nonnisi viles & abjecti de plebe homines illam tunc temporis amplectebantur. Eusebius citato L. 3. c. 27. observat ab illis Ebionitis qui Christum purum ac vulgarem hominem fuisse contendebant, alios ejusdem nominis exortos esse, qui *absurdam priorum sententiam refugientes, Christum quidem ex Virgine, & ex Spiritu sancto genitum esse non negabant: sed nihilominus cum Christum utpote Deum Verbum ac sapientiam Patris ante omnia substituisse minime faterentur, proinde in eandem cum prioribus impietatem delapsi sunt.*

Simon.

Euseb.
pag. 97.
B.

Nazareni.

Nazareni, seu Nazaræi, *Christum tanquam hominem iustum honorant*, ait T. 4. p. Theodoretus L. 2. hæretic. fabul. c. 2. & Evangelio utuntur quod secundum Petrum dicitur. Sanctus Epiphanius hæresi 29. affirmare non audet, an Nazaræi Christum ut purum dumtaxat hominem agnoverint. Nazaræi dicti sunt, quia originem & ortum ducebant ab illis primis Christianis, qui communi nomine Nazareni, à Christo Nazareno, dicebantur.

Elcesai.

Sub Imperio Trajani, ineunte secundo sæculo, orti sunt Elcesai auctore Elkai seu Elcesai pseudopropheta, qui ad factionem Ossenorum unam ex Judaicis se adjunxit, teste S. Epiphanio hæresi 19. Ex multis fabulis novam ille sectam constavit: Christum vocabat quidem magnum Regem; sed nomine tenus dumtaxat eum confessus, ut purum ac simplicem hominem agnoscebat. *Ex diversis hæresibus*, ait Theodoretus Lib. 2. hæretic. fabul. c. 7. *fabulæ mutuati Elcesai errorem suum concinnarunt. Ac de universorum quidem principio nobiscum sentiunt. Unum enim dicunt Ingenitum, & hunc rerum omnium creatorem vocant. Christum verò non unum esse dicunt, sed alium supra, & alium infra: & hunc olim in multis habitasse, postea verò descendisse. Jesum autem aliquando ex Deo esse dicit, alius spiritum vocat, inter dum Virginem illum matrem habuisse. . . . Et hunc rursus transmigrare, & in alia ire corpora dicit, diversisque modis unoquoque tempore ostendi.* Hæc Theodoretus.

Ibid. p.
221. D.

Carpocras.

Imperante Adriano, Carpocras genere Alexandrinus, ex quodam Carpocratiani, hæresim suam disseminavit, teste Theodoro L. 1. hæret. fabul. cap. 5. Dicebat *Jesum Dominum ex Joseph & Maria caterorum hominum more natum esse, & virtute insignem fuisse, ut qui puram haberet animam, pristinæque cum Ingenito conversationis memorem.*

Ibid. p.
196. B.

Simo-

Simonis magi discipulus ille fuit, ac nefandæ Gnosticorum sectæ prærens. Vide S. Irenæum L. 1. cap. 4. Eusebium L. 4. cap. 7. S. Epiphanium hæresi 27.

Theodotus.

Severo imperante, Theodotus quidam patria Byfantinus, arte Coriarius, Ebionitarum hæresim renovavit. Cum in persecutione fidem ejurasset, pudore suffusus, ut crimen elevarer, respondit se injuriam Deo non intulisse, sed Christo, quem purum hominem esse arbitrabatur. Ille prius ob hanc doctrinam seu potius insaniam, à Victore tunc temporis Episcopo ab Ecclesiæ communione remotus est, ait Eusebius L. 5. Hist. cap. 28. Alium Theodotum argentarium ibidem ejusdem erroris socium appellat Historicus. Vide Theodor. Lib. 2. hæret. fabul. c. 5.

Euseb.
p. 196.
B.

Artemon.

Eusebius citato mox Lib. 5. Hist. c. 28. Artemonis mentionem facit, cuius errorem ab antiquo Scriptore edito Libro confutatum fuisse narrat. P. 195. Sectæ illius principes, ait Auctor ille, vetustissimam illam esse hæresim iactabant . . . Affirmant enim præcos quidem omnes, & ipsos Apostolos, ea quæ ab ipsis nunc dicuntur, & accepisse & docuisse; ac prædicationis veritatem esse exstoditam usque ad Victoris tempora, qui tertius decimus à Petro Romane Urbis Episcopus fuit, à Zephirini autem temporibus qui Victori successit, adulteratam fuisse veritatem.

Quod quidem Hæreticorum figmentum egregie ibidem explodit Scriptor ille, auctoritate illorum qui pro veritatis defensione scripserant, Iustini, Miltiadi, Tatiani, Clementis, Irenæi, Melitonis, & aliorum quamplurimorum, in quorum omnium Libris, ait, Christi divinitas adstruitur. Quæ fuerint illorum Hæreticorum artes, qui doli, describit ibidem ex eodem auctore Historicus: Sævas, inquit, Scripturas audacter adulteraverunt; primitivæ autem fidei regulam resecerunt: Christum ipsum denique ignoraverunt, non inquirentes quid sacræ doceant Scripturæ, sed cuiusmodi syllogismorum figura ad confirmandam impietatem suam reperiatur, assidue meditantes. Quod si quis aliquem Scripturæ locum eis objiciat, examinant utrum connexum an dissimilem syllogismi genus ex eo consici possit. Ad vivum expressam hic habemus Socinianorum nostrorum imaginem.

P. 196.
A.
P. 197.
B.

Paulus Samosatensis.

Anno circiter 262. Valeriano & Galliæno Imperatoribus, non Aureliano ac Probo, ut ait S. Epiphanius hæresi 65. Paulus Samosatensis, ab urbe unde ortus erat factus dictus, Episcopus Antiochenus, impiam Artemonis & aliorum contra Christum hæresim renovavit ac diffudit latius. Perditosipius mores non dissimulant Episcopi Concilii secundi Antiocheni adversus illum congregati, in celebri Epistola quam ad Dionysium Romanæ Urbis Episcopum, & ad Maximum Alexandrinum scripsere. Hanc refert Eusebius L. 7. Hist. cap. 30. De perversa verò & impia ejus doctrina hæc habent ibidem;

dem: *Filium Dei à cælo descendisse, nobiscum confiteri renuit... dicit Jesum Christi* Eusebi
p. 281.
B.
sum à terra ortum fuisse.... prodito atque ejurato Religionis nostræ mysterio, ad ex-
crandam hæresim Artemæ transgressus est. Artemas autem ille, Theodoti, de p. 282.
B.
 quo antea, impietatem adoptavit, & quodammodo superavit.

Duo adversus Paulum Samosatenum coacta sunt Antiochiæ Concilia, pri-
 mum anno 264. sedente Romæ Dionysio; alterum anno 270. cui interfuerunt
 Episcopi octoginta, à quibus auctor ille nefarie apud Antiochiam hæreses p. 272.
D.
 Paulus, convictus & ab omnibus manifestissime deprehensus falsi dogmatis reus,
 ab universa quæ sub cælo est Ecclesia Catholica eliminatus est, ait Eusebius
 L. 7. c. 29.

*Hæretici secundi ordinis, qui humanitatem Christi ac veram ejus
 carnem oppugnavunt.*

Illos humanitatis ac carnis Christi hostes generatim assignat S. Joannes
 Epist. 1. cap. 4. v. 1. 2. & 3. *Multis, ait, pseudoprophetae exierunt in mundum. In*
hoc cognoscitur spiritus Dei: Omnis spiritus qui confitetur Jesum Christum in carne
venisse, ex Deo est; omnis autem spiritus qui solvit Jesum, ex Deo non est. Je-
sus autem solvunt, qui veram in eo fuisse carnem negant.

Non uno autem modo veteres Hæretici Christum diviserunt.

Alii, non veram ac solidam in eo carnem agnovere, sed fictam, umbrati-
 lem, phantasticam.

Alii, veram quidem ac solidam carnem Christi dixere, sed ex Maria Vir-
 gine non genitam, non sumptam.

Alii, anima humana, aut mente Christum spoliaverunt.

Alii denique, unicam in ipso voluntatem, non duas admiscere.

Veram ac solidam in Christo carnem non admiscere Simon magus.

Simon magus Getthis oriundus vico Samariz, paulò post Christi mortem
 ita deliravit, ut diceret se omnem esse Trinitatis personam, *qui Judæis tan-* Pa. 996
n. 1.
quam Filius apparuit, in Samaria autem quasi Pater descendit, in reliquis verò
Gentibus quasi Spiritus sanctus adventavit. Ita refert sanctus Irenæus L. 1. ad-
 versus hæreses cap. 23. aliàs 20. Rem paulò aliter narrat S. Augustinus L. de hæ-
 resibus cap. 1. nempe dixisse Simonem, *se in monte Sina Legem Moysi in Patris* T. 8. p.
6. not.
B.
persona dedisse Judæis; tempore Tiberii in Filii persona putative apparuisse; po-
stea se in linguis igneis Spiritum sanctum super Apostolos venisse. Cum ille
 suis præstigiis & arte magica in sublime elatus, Neronem ac populum Ro-
 manum deluderet, beati Petri oratione præcipiti lapsu prostratus, contra-
 ctis crucibus misère expiravit. Ita referunt Arnobius L. 2. adversus Gentes,
 SS. Cyrillus Hierosolym. Catechesi 6. Epiphanius hæresi 21. n. 5. Augustinus L.
 de hæresibus cap. 1. & alii apud Baronium, ad an. Ch. 68. n. 16. & sequentibus.
 Hujusce Simonis lapsus historiam Valefius in suis ad caput 15. Libri 2. Hist. Ec-
 cl. Eusebii Observationibus suspectam habet, propter silentium Veterum,
 Justinii, Irenæi, & Eusebii.

Discipuli Simonis.

Menander, Saturninus, Basilides.

- Pa. 97. Simonis magi successor Menander, ait Eusebius L. 3. cap. 26. *diabolice pravitatis alterum telum priore illo nequaquam inferius semetipso ac mores suos præsistit. Hic quoque Samarites, ad summam magicarum artium peritiam perinde ac magister progressus, pluribus adhuc & absurdioribus figmentis exuberavit. Nam seipsum quidem servatorem esse assererat, ad hominum salutem ex ævis quibusdam invisibilibus ab alto destinatum. Hæc Eusebius ex Irenæo & Justino: additque, hoc fuisse diabolice calliditatis commentum, ut per maleficos homines Christianorum nomen falsò sibi vindicantes, magnum illud Religionis nostræ sacramentum magicæ artis infamia aspergeret, & Ecclesiastica dogmata de animorum immortalitate, ac de mortuorum resurrectionis ludibrio exponere omnibus modis conaretur.*

- Ex Menandro, qui Simonis successor fuit, pergit Eusebius L. 4. cap. 7. *exorta venenata quedam bestia bilinguis ac biceps, duarum hæreseon inter se discrepantium duces constituit, Saturninum domo Antiochenum, & Basilidem Alexandrinum. Quorum ille quidem in Syria, hic verò apud Ægyptum impie doctrinæ Scholas condidit. Et Saturninum quidem eadem ferè cum Menandro ementitum esse declarat Irenæus; Basilidem verò specie arcanorum quorundam, portentosas fabulas commentum, opinjonis impie machimenta in immensum extendisse. His Carpocratem ibidem adjungit Eusebius Gnosticorum sectæ parentem.*

- In eo errabant illi cum magistro suo Simone, quòd Christum non putarent veram ac solidam ex beata Virgine carnem sumpsisse. Christum, ait Tertullianus L. de Præscript. hæreticorum cap. 46. *in substantia corporis non fuisse, & phantasmate tantum quasi passum fuisse: resurrectionem carnis nullo modo futuram esse dicebant. Basilides assererat Christum specie tenus mortali-
P. 119. D. bus apparuisse, carnem veram non assumpsisse, verè passum non fuisse, sed ejus loco Simonem Cyrenæum, cui cum Judæi crucem Christi impoluisent, hunc Jesus insuam commutavit figuram, & ejus vicissim induit effigiem, in qua quidem pati & mori visus est, sed verè nec passus nec mortuus: unde negabant pro Christo moriendum, qui pro nobis mortuus non esset.*

- Illos omnes integro Libro qui est de carne Christi, egregiè confutavit idem Tertullianus, & tapite s. festivè irridendo carpit, quòd Christum mendacem inducerent. Maluit, inquit, *credo, nasci, quam ex aliqua parte mentiri, & quidem in semetipsum; ut carnem gestaret sine ossibus duram, sine musculis solidam, sine sanguine cruentam, sine tunica vestitam, sine fame esurientem, sine dentibus edentem, sine lingua loquentem &c.*

Valentinus:

- P. 122. B. Vir fuit summæ fatuitatis, in excogitandis putidissimis figmentis seracissimus. Inter cætera docebat, ait Tertullianus L. de Præscriptionibus cap. 49. *Christum in substantia corporis nostri non fuisse, sed spiritale nescio quod corpus de ca.*

de celo deferentem, quasi aquam per fistulam, sic per Mariam Virginem transmeasse, nihil inde vel accipientem, vel mutuamtem. De Valentini figmentis lege S. Irenæum L. I. c. 1. Tertullianum integro adversus Valentinianos Libro, S. Epiphanium hæresi 31. Theodoretum L. I. c. 7. hæretic. fabularum.

Ex Valentino tanquam ex infausta radice pullularunt alii quàm plures Hæretici, Secundiani, à Secundo; Marcotiani, à Marco; Colarbofiani, à Colarbofio nuncupati. Infaustam aliorum plurimorum Hæreticorum propaginem ex Hegeippo evoluit Eusebius L. 4. Hist. cap. 22. quorum primus Thebuthis, ait, indignè ferens quòd minime creatus esset Episcopus, eam (Ecclesiam) occultè vitare est aggressus. Fuit hic è septem illis scitis in Judaico populo profeminatis, ex quibus fuit etiam Simon, à quo Simoniani fluxerunt, & Cleobius, à quo Cleobiani; & Dositheus, à quo Dositheani; & Gortheus, à quo Gortheii, & Masbotheus, à quo Masbothei sunt cognominati. Ex his etiam manarunt Menandriani, & Marcionite, & Carpocratiani, & Valentini, & Basilidiani, & Saturniliani, alique qui seorsum singuli proprias opiniones induxerunt. Ex iis orti sunt Pseudochristi, Pseudopropheta, Pseudopostoli, qui adulterinam invehentes doctrinam adversus Deum & adversus Christum eius, unitatem Ecclesiæ disciderunt.

Euseb.
p. 142.
D.

Ad eandem Phantasiarum impietatem declinarunt Heraclionitæ, apud S. Epiphanium, ab Heraclione; Ophitæ, qui serpentem, à quo decepta est Eva, venerabantur; Cerdo, teste Tertulliano L. de Præscript. cap. 51. Marcion, ex eodem L. de carne Christi cap. 1. & 3. Manes seu Manichæus, ex S. Augustino L. de hæresibus cap. 46. Horum omnium vestigia prementes hodierni Anabaptistæ, inficiantur Christum ex substantia B. Virginis carnem & sanguinem sumpsisse.

Carnem Christi veram quidem ac solidam, non tamen ex Maria Virgine natam ac sumptam, sed ex elementis coagmentatam dixerunt.

Apelliani, ab Appelle ita dicti, de quo Eusebius L. 5. Hist. cap. 13. Ex illorum (Marcionitarum) grege Apelles quidem sanctioris vita cultum & senectutem præferens, unum fatetur esse principium: Prophetarum autem oracula ex adversario spiritu profecta esse dicit, Virginis cuiusdam demoniaca nomine Philumena responsis inductus Afferebat ille, non esse omnino examinandam fidem; sed unumquemque in eo quod semel imbibisset, perstare oportere . . . Rem verò omnium obscurissimam esse statuebat, questionem de Deo. Cum urgeretur ut exponeret qua ratione demonstrare posset unicum esse principium, se quidem nescire profitebatur; sed tamen moveri atque impelli ut ita sentiret. Hæc Eusebius ex Rhodone Tatiani discipulo commemorat.

Euseb.
p. 177.
B.

Ibid. D.

Ibid. p.
178. A.

De eodem Appelle loquitur Tertullianus L. de Præscriptionibus cap. 51. Post hos, inquit, sequitur Apelles, discipulus Marcionis . . . Hic introducit unum Deum infinitis superioribus partibus: hunc potestates multas, angelosque secisse; propterea & aliam virtutem quam dicit, Dominum dicit, sed Angelum ponit . . . Christum neque in phantasmate dicit fuisse, sicut Marcion, neque in substantia veri corporis, ut Evangelium docet, sed eo quod è superioribus partibus descenderes, ipso descensu fideream sibi carnem & aeream contextuisse. Hanc in resurrectione singulis quibusque elementis, que in descensu suo

Tertul.
p. 223.
A.

fuo mutuata fuissent, in ascensu reddidisse, & sic dispersis quibusque corporis sui partibus, in celo spiritum tantum reddidisse. Hæc ille delirans somniabat. Eò recidit quod ex Valentino paulò antè retulimus, Christum in substantia corporis nostri non fuisse, sed spiritale nescio quod corpus de celo descendente, quasi aquam per fistulam, sic per Mariam Virginem transmesasse, nihil inde vel accipientem vel mutantem.

Accedit & Cerdon quidam, à quo Cerdoniani, de quo Tertull. L. de Præscript. cap. 51. Christum in substantia carnis negat, in phantasmate solo fuisse pronuntiat, nec omnino passum, sed quasi passum; nec ex Virgine natum, sed omnino nec natum. His & Marcionem ejusdem impietatis focium adjungit ibidem Tertullianus.

Christum anima, vel mente humana spoliarunt

Ariani. Arius, ait S. Athanasius L. 2. contra Apollinarium, Desalutari adventu Christi, carnem solam, ad occultationem divinitatis constetitur; vice autem interioris nostri hominis, id est, anima, Verbum, ait, in carne extitisse; passionem & ab inferis resurrectionem divinitati adscribere ausus. Et libro 1. jam dixerat: Frustra Ariani argutiis utuntur, dum Salvatorem, carnem solam assumpsisse statuunt, ac passionis sensum, ad impassibilem deitatem impie referunt. Hoc ipsum de Arianis tradunt S. Epiphanius hæresi 69. num. 49. & S. Augustinus de hæresibus cap. 49. Theodoretus Lib. 5. hæretic. fabul. cap. 11.

Idem figmentum data opera & ex professo amplexi sunt Apollinaristæ; ab Apollinari Laodiceno nuncupati. Primò quidem crudè & absque ulla restrictione, humanam animam Christo detraxere; tum velut quadam penitentia ducti, animam quidem concessere, sed mente destitutam. Initio quidem dicebant, ait Socrates L. 2. Hist. cap. 46. hominem absque anima à Deo Verbo assumptum esse in dispensatione Incarnationis. Postea verò tanquam penitentia ducti ac pristinum emendantes errorem, adiecerunt animam quidem assumptam esse, sedque mentem non haberet: Deum autem Verbum mentis loco esse in homine assumpto.

Apollinaristarum errores recenset S. Athanasius L. 1. contra Apollinarium his verbis: Isti aut mutationem Verbi comminiscuntur, aut passionis dispensationem meram esse phantasmam suspicantur; atque interdum increatam celestemque Christi carnem, aliquando deitati ajunt esse consubstantialem. Deinde, inquirunt, vice interioris, qui in nobis est, hominis, mentem celestem in se Christo.... Assumpsit corpus absque mente, ut ipse mens in illo esset, expertus omnino peccati, cum ratione divinitatis, tum ratione carnis, quæ absque mente sit. Agebant etiam Apollinaristæ, corpus & animam esse exteriorem hominem, & hæc fatebantur inesse Christo; sed mentem humanam Christo denegabant, Verbo vices ejus ac locum supplente. Paulò post recenset idem sanctus Doctor varias ac secum pugnantes Apollinaristarum sententias.

In alio quoque capite circa Incarnationem graviter peccabat Apollinaris, nempe humanitatem Christi divinitati consubstantialiorem esse; ex quo funditus Incarnationis Mysterium convellitur. Ita mox laudatus sanctus Athanasius, & sanctus Epiphanius, tum in synopsi hæresis 77. tum ipsa hæresi

reſi 77. Denique & in eo non minùs aberrabat, quòd vellet carnem Chriſti non ex Maria Virgine natam fuiſſe, ſed ex Cœlo delapſam, quam Chriſtus in Cœlo ſemper habuit. Ita S. Gregorius Nazianzenus Orat. 46. S. Ambroſius L. de Incarnatione c. 6. & c. Vide S. Auguſtinum de hæreſibus c. 44. S. Epiphanius hæreſi 77. Theodoretum L. 4. hæretic. fabul. c. 8.

Unam, non duplicem in Chriſto voluntatem & operationem agnovere

Monotheliſtæ inter hoſtes humanitatis Chriſti meritò computandi, qui naturali proprietate eam ſpoliarunt. Exortus eſt error ille circa annum Chriſti 629. aut 630. auctore Athanaſio Patriarcha Eutyſchianorum qui in Syria & Armenia verſabantur, Jacobitæ vulgò dicti, à Jacobo quodam Syro.

Sergius Patriarcha Conſtantinopolitanus, datis ad Honorium S. Pontificem Litteris, reſert Cyrum Alexandrinum convocata ſua Synodo novem doctrinæ articulos propoſuiſſe, ut faciliùs Hæretici, quorum inſtructioni & ad ſaniorẽ doctrinam reverſioni jam diu allaborabat, adduci poſſent, inter quos articulos ſeptimus erat, *Chriſtum divina & humana operari una Dei virili operatione*. Tum pacis conciliandæ prætextu, Cyrus, Sergius, & alii dixere omnino ſilendum an duz vel una ſit in Chriſto Domino voluntas & operatio; ni fieret, vix ad unitatem doctrinæ Hæreticos adduci poſſe. Dolum ac fraudem ſubodoratus Sophronius, tunc quidem adhuc tantum Monachus, poſtea verò Jeruſolymorum Antiſtes, Cyro ſtrenuè pro viribus obſtitit, ratus ſub illo ſilentii obtentu, errori diſſeminandolatiſſimam viam aperiri, quod infeliciter eventus ipſe poſtea comprobavit: multi etenim exiſtere qui aperta fronte errorem propugnarunt, jam dictus Cyrus Alexandrinus, Theodorus Pharanites, Sergius, Pyrrhus, Paulus, Patriarchæ Conſtantinopolitani; quin & Honorium ipſum S. P. (quamquam immeritò) erroris ſocium multi adjungunt. Gratia & auctoritate, qua plurimum apud Imperatores valebant, ſulti, errorem audacius tuebantur. Sergius Heraclio, ut *Eſtheſim* ſeu fidei expoſitionem; Paulus verò Conſtanti, ut *Typum* ſeu Edictum promulgaret, ad ſilentium ſervandum, auctores fuere.

To. 6.
Canc.
p. 953.

Monothelitarum error ſurculus quidam eſt Eutyſchianæ hæreſeos, quæ duplicem in Chriſto poſt unionem, naturam permiſcebat & confundebat.

Non ita facile videtur exponere, quo ſenſu illi, admiſſa duplici in Chriſto natura inconfuſa & impermixta, (ſi eam verè ac ſincerè admiſerunt) voluerint unam duntaxat eſſe illius voluntatem & operationem, quam *Dei-utrumque* appellabant. Eorum ſenſum juvat hic ex illorum Scriptis expiſcari.

Quo ſenſu Monotheliſtæ unam in Chriſto voluntatem & operationem agnoverint.

Macharius Antiochenus Patriarcha pertinaciſſimus erroris Monothelitarum deſenſor, rogatus Aſſione 8. Synodi VI. ut ſuam aperiret fidem ac ſententiam, reſpondit: Non dico duas naturales voluntates, aut duas operationes naturales in Incarnationis diſpenſatione Domini noſtri Jeſu Chriſti, nec ſi membratim incidar, & mittar in mare.

To. 6.
Canc. p.
751. C.
ibid. p.
740. B.

Et paulò antè dixerat: Non dico duas voluntates, aut duas operationes

Tourneſy de Incarnatione.

B 3

Domi.



Domini nostri Christi, sed unam voluntatem, & Dei-virilem operationem.
Verum difficultas est non levis, quid voluntatis & operationis vocabis intellexerit, quod ut assequamur, nonnulla sunt observanda.

Observandum I. cum S. Joanne Damasceno L. de duabus Christi voluntatibus paulò post medium, voluntatis nomen ambiguum esse, ac tribus modi sumi posse. 1. pro facultate volitiva. 2. pro volitione, id est actione voluntatis. 3. pro objecto volitionis, quæ tria distinguenda sunt. Quemadmodum enim, ait S. Joannes Damasc. aliud est aspectus; aliud, aspice-re; aliud, quiddam ac certo modo aspiciere; aliud, quod aspectui subjicitur . . . Aspectus enim est ipsa vis anime qua videmus . . . aspiciere autem, est uti ipsa videndi facultate . . . Quod autem sub aspectum cadit, est res visioni subiecta. Ita aliud est voluntas, aliud velle, aliud quod cadit sub voluntatem, seu res volita. Voluntas, est ipsa facultas qua volumus, quam creator natura anime indidit; hoc est volendi potestas. Velle autem est ea vi, qua volumus, re ipsa uti & appetere . . . Res ipsa quam volumus . . . est res voluntati subiecta.

Observandum II. ex SS. Patribus qui cum Monothelitis propius congressi sunt, aliam esse ac dici voluntatem naturalem, aliam verò personalem. Voluntas naturalis dicitur, tum ipsa vis à natura insita qua volumus; tum etiam volitio illa qua simpliciter volumus: at verò voluntas personalis dicitur volitio illa qua hoc vel illud, hoc vel isto modo volumus. Ita S. Maximus in disputatione cum Pyrrho, non longè ab initio. Non est, inquit, idem volentis voluntas, & quod ille vult. Quemadmodum neque videntis vis cernendi, & quod cernitur, illa enim inest ei substantialiter; hoc autem extra est. Et paulò post . . . Non idem est velle, & sic ac tali modo velle; sicut nec videre, & aliquo modo videre. Velle namque, sicut & videre, natura est; cunctisque inest qua eiusdem generis sunt ac natura: sic autem & tali modo velle, sicut etiam sic & tali modo videre . . . modus est usus voluntatis ac usus, inestque solum utenti. Eadem planè observat S. Joan. Damascenus Libro jam citato de duabus Christi voluntatibus: Facultas, inquit, qua volumus, ad naturam pertinet, necnon velle simpliciter. Omnis enim homo potentiam habet, qua velit: vultque omnis homo; hoc est, voluntate utitur. Etenim homo est animal præditum facultate volendi. Res autem illa quam volumus, ne dum natura est, sed & arbitrii & personæ. Non enim quævis hominum eadem ratione vult, volumus aliquid. Quapropter velle sic; bene aut malè: aut velle aliquid; hoc vel illud, non est natura, sed arbitrii ac personæ. Illud verò diligenter observandum ad omnem æquivocationem & ambiguitatem, unde fluxit Hæreticorum error, declinandam: Namque, ut ait ibidem sanctus Doctor, sicut origo erroris Nestorianorum & Eutychianorum fuit, quòd non satis personam & naturam distinguerent, sic, inquit, & Monothelitis, eo quòd nescirent quid inter voluntatem naturalem, & personalem; sive arbitriam, discriminis interesse, hoc in causa fuit, ut unam in Christo dicerent voluntatem.

Observandum III. nomen operationis, ut & voluntatis, ambiguum esse. Operatio quippe sumitur 1. pro ipsa vi seu facultate agendi. 2. pro ipso agere, id est actione. 3. pro eo quod agitur, id est pro opere quod ex actione confurgit. Ita sanctus Joannes Damascenus Libro cui titulus est, Quòd ad imaginem Dei facti sumus, non procul ab initio.

Obfer-

Observandum IV. ex eodem S. Doctore ibidem, quòd sicut voluntas alia dicitur naturalis, alia personalis; ita & operatio alia naturalis, alia verò personalis dicitur. Naturalis, est ipsamet vis agendi & agere simpliciter; personalis verò est hæc aut ista operatio, hoc vel illo modo facta.

Observandum ultimò, apud SS. Patres voluntatem naturalem & operationem semper distingui: quia vis agendi & ipsum agere latius patent, quàm vis volendi & ipsum velle, quia vis agendi & ipsum agere ad omnes spectat tum corporis tum animi facultates; at verò facultas volendi & velle ad solum pertinent appetitum rationalem.

Cum ergo Monothelitæ assererent unam esse, non duas in Christo voluntates & operationes, uno ex his modis intelligebant: vel omnino destructam seu absorptam à divinitate humanam seu naturalem voluntatem & operationem, quomodo absorptam putabant post unionem humanam in Christo naturam; quapropter unam voluntatem & operationem, hypostaticam appellabant, quòd ab una esset Christi volentis aut operantis persona: vel ex duplici voluntate, divina & humana, unam quamdam compositam quam dicebant *Dei virilem*: vel humanam voluntatem merè passivè se habere, nempe tanquam instrumentum quo divinitas utebatur; unde propriè actio humanitatis non erat, sed passio; vel denique unam dicebant voluntatem, *communem*, id est ex sententia seu deliberatione, quòd exultimarent Christum cæterorum hominum more debuisse deliberare ac ponderare rationes, quibus ad hoc potius quàm illud operandum determinaretur. His observationibus præmissis.

T. 2. F.
171.

Dico 1. in eo errasse Monothelitas, quòd unicam eamque personalem & hypostaticam voluntatem agnoscerent, quam etiam *communem* (seu ex sententia) appellabant. Patet ex sancto Maximo Disput. cum Pyrrho, ubi varias enumerans vocis hujus *proton* interpretationes, hoc unum tantum certum supponit, hac voce Pyrrhum ejusque socios, non intelligere naturalem, sed personalem dumtaxat seu hypostaticam voluntatem, quam dicebant unam, quia una est Christi volentis persona seu hypostasis. Inde est quòd S. Joannes Damascenus L. de duabus Christi voluntatibus, sanctus Maximus Disput. cum Pyrrho, & alii, quotquot Monothelitas oppugnarunt, in eo toti sunt ut ostendant, non unam dumtaxat hypostaticam, sed duas naturales esse in Christo voluntates: *Naturales*, ait S. Damasc. *non personales voluntates: atque operationes esse dicimus.*

Dico 2. inter Monothelitas eos, qui cum Eutychianis unam in Christo post unionem naturam esse sentiebant, consequenter unam quoque voluntatem & operationem admisisse: at multi erant inter illos Hæreticos, qui cum duplicem in Christo naturam inconfusam & impermixtam agnoscerent, duplicem negabant voluntatem. Ita Macharius Antiochenus in sua fidei professione quæ refertur in VI. Synodo Oecumenica Actione 8. ait: *Nusquam propter unionem differentia naturarum evanescit. Salvatur autem magis proprietas utriusque nature in una persona, unaque substantia Unitum quippe esse carni secundum subsistentiam consistentes Verbum, unum illum adoramus... in duabus naturis inconfusè & indivisè cognoscendum.* Hic ipse tamen Macharius declarat, futurum ut vellet potius membratim discerni aut projici in mare, quàm duas naturales voluntates, aut duas operationes in Christo profiteri.

To. 6.
Conc. p.
745. C.

Ibid. p.
752. C.

B. 4. Et.

Et Cyrus ipse Alexandrinus articulo 6. suæ satisfactionis, nonne ait, *ibid. p. unum esse Christum ex duabus naturis, deitate & humanitate, unum Filium, unam* 953. *E. Dei Verbi naturam incarnatam, inconfusè, inconvertibiliter, immutabiliter?* Et tamen ibidem articulo 7. duas voluntates & operationes rejicit. Quomodo hæc duo illi conciliarent, facile dictum non est.

Dico igitur 3. Monothelitas propriè dictos hoc sensu unicam in Christo personalem voluntatem sive operationem propugnasse, quòd, in eorum mente, sola divina hypostasis sive natura divina, tanquam superior ac domina, volebat & operabatur; humanitas verò, utpote inferior ac imperio divinitatis subdita, organum seu instrumentum dumtaxat foret passivè se habens, quo utebatur Verbum, ut & divina vellet & operaretur. Sensum hunc declarant

Theodorus Pharanites in quodam Sermone cujus fragmentum refertur in Tom. 6. Concilio Lateranensi sub Martino I. Secretario seu Sess. 3. *Oportet igitur, in-* Conc. p. quiebat, ita sapere & dicere nos omnia, que in Incarnatione salvatoris Chri- 166. D. sti dicuntur esse, unum scire operationem esse, huius autem opificem & crea- E. torem Deum Verbum; organum verò humanitatem consistere. Ergo quæque ve- lut de Deo aut humanè de ipso dicuntur, omnia una operatio est Verbi divi- nitatis.

Monothelitz apud S. Maximam, referente Euthymio Panopliæ titulo 18. sic argumentantur. Quemadmodum instrumenti & ejus quod movet una To. 19. est operatio, sic divinitatis & humanitatis una itidem est operatio. Rursus, P. 191. Ubi est unus operans, ibi una est operatio: sed in Christo est unus operans, C. 169. nempe Verbum; ergo &c.

Pyrrhus in Disputatione cum sancto Maximo, Non, inquit, ut humanam Tom. 2. tollamus, unam operationem dicimus: sed quòd ea ratione qua distinguitur contra Oper S. Maximam divinam operationem, passio dicitur.

P. 193. Macharius in Confessione fidei lecta Actione 8. sextæ Synodi, sic habet: Carnis quidem est pati, non separatè videlicet à divinitate, quamvis non di-

To. 6. vinitatis fuit pati; ipsius autem Dei operatio, quamvis per humanitatem ejus, Conc. p. hoc est, totam nostram conspersionem hinc adimpleverit una & singulari vo- 748. A. luntate divina Impossibile enim est, in uno eodemque Christo Deo nostro B. duas simul, & ad invicem contrarias seu similes existere voluntates: salutaris verò à Deo instructorum Patrum doctrina manifestè instruit, quia nunquam intellectualiter animata Domini caro, divinitè atque ex proprio appetitu contra autum unius sibi substantialiter Dei Verbi naturalem sui fecisset motionem: sed quando, & quantam, & qualem idem Deus Verbum volebat, & ut clariùs dicitur, quemadmodum nostrum corpus regitur & ornatur, atque ordinatur ab intellectuali & rationali anima nostra, ita & in Domino Christo tota humana ejus conspersio ab ejusdem Verbi divinitate semper & in omnibus mota Deo mobilis erat. . . . Operatur verè divinitas per corpus, quod circa eam est, omnium salu- tem, ut corporis quidem sint passionēs, Dei verò operatio.

Hæc postrema verba totidem syllabis legere est apud ipsum Sergium, in Epistola ad Honorium quæ lecta est in sexta Synodo Actione 12. ex quibus To. 6. manifestè declaratur, Monothelitas non existimasse penitus in Christo ex- Conc. p. tinctam & abortivam esse humanam naturam; sed tantum eam quasi sopitam, 925. A. otiosam & inertem ex se ad operationem non concurrere, sed passi- vè dum-

vè dumtaxat se habere tanquam merum organum seu divinitatis instrumentum.

Ad fraudem verò simplicibus faciendam, aliquando duas vel unam in Christo voluntatem & operationem promiscuè dicebant Monothelitæ; isto nimirum sensu, quòd ex duabus voluntatibus una composita resularet, sicut ex duabus naturis una composita natura. Ita Pyrrhus in Disputatione clarè admodum ac distincè ait: *Probatum est esse in Christo naturales voluntates; fieri autem potest, ut sicut ex duabus naturis unum quidpiam compositum dicimus, sic ex duabus naturalibus voluntatibus unam aliquam dicamus: ut & qui duas dicunt voluntates; ob naturalem in Christo naturarum distinctionem; & qui unam dicunt, ob summam unionem.* Unde tota videri poterat denomine controversia, sicut aliquando insinuat ipse Pyrrhus. Verùm non ita est: unam enim revera, non duplicem voluntatem & operationem illi admittebant, ex duabus conflata & compositam.

Dices: Monothelitæ, Sergius inprimis, asserbant omnem divinam & omnem humanam operationem unius esse Christi; ergo duplicem agnoscebant operationem.

Resp. Sergium & alios humanam hoc sensu vocasse operationem, quòd Verbum operabatur per humanitatem; non quòd ipsa operaretur humanitas.

Instabis: Non infrequenter SS. Patres humanitatem dixere organum seu instrumentum esse divinitatis. Ita S. Athanasius Orat. 4. contra Arianos, & S. Cyrillus L. de Incarnatione Verbi; non ergo redarguendi Monothelitæ, quòd idem dixerint.

Resp. SS. Patres dixisse quidem humanitatem esse instrumentum divinitatis conjunctum & animatum, quod suam haberet propriam operationem: Monothelitæ verò contendebant instrumentum esse separatam & inanime, quod passivè tantum se haberet.

Instabis 3. Non aliter humanitatem à Verbo moveri asserbant Monothelitæ, quàm moveatur corpus ab anima: ita Sergius antea citatus. Atqui humanitatem Christi à divinitate moveri, sicut corpus ab anima, expressa est sententia S. Cyrilli adversus Antropomorphitas; ergo ea ex parte culpandi non sunt Monothelitæ.

Resp. nego maj. Ea quippe similitudine utebantur dumtaxat ad fucum rudioribus faciendum, ut humanitatem à divinitate moveri aliquatenus declararent; non verò ut duplicem divinitatis & humanitatis operationem demonstrarent, sicut duplicem operationem corporis & animæ probat sanctus Cyrillus loco citato. *Nemo, inquit, dixerit solius anime esse opera, tametsi illa incitet ac moveat corpus ad opus, sed utriusque; ita quoque sciendum est de Christo.*

Hæretici tertij ordinis, qui circa unionem utriusque naturæ in Christo erraverunt.

Duplex hic error occurrit extrèmè oppositus; Nestorii, & Eutychetis. Ille unam in Christo naturam post unionem, ille verò duplicem admisit personam unionem dumtaxat morali conjunctam.

De

De errore Nestorii.

Nestorius Episcopus Constantinopolitanus in locum Sisinnii creatus anno 427 jam diu animo præconceptam hæresim cœpisse vomere. Totum erroris ac impietatis suæ virus in eo veluti collectum abscondebatur, quod beatam Virginem non. *Θεοτόκον*, *Deiparam*, se *Χριστίπαραν* affirmaret, ex quo sequebatur 1. Christum non esse verum ac substantialiter Deum; sed tantum per gratiam, adoptionem, & assistentem dumtaxat seu inhabitantem tanquam in templo divinitatem. 2. moralem esse, non physicam & hypostaticam in Christo unionem divinitatis cum humanitate. 3. non unam in Christo personam esse, sed duas; non unum, sed duos. Christos; adeoque Verbum humanitatem sibi uniendo, perfectum tum natura tum persona hominem assumpsisse, qui primum in utero B. Virginis formatus est, tum ad unionem cum Verbo assumptus. Ita colligimus ex Symbolo Nestoriano quod Charisius Presbyter Patribus Ephesinis obtulit, ac refertur Actio 6. Conc. Ephesini. *Consistimus*, ajunt eo in Symbolo Nestoriani, *Verbum hominem secundum naturam perfectum ex humana carne & anima rationali consistentem assumpsisse quem secundum nostram naturam, nobisque similem hominem existentem, Spiritus sancti virtute in utero Virginis formatum . . . inexplicabili quodam modo sibi coniunxit.* Ut verò publicam invidiam ac offensionem declinarent, dolose profitebatur in eodem Symbolo, se non duos Filios nec duos Christos inducere: *Næque*, inquebant, *duos Filios aut duos Dominos inducimus, quandoquidem unus tantum est per essentiam Filius, nempe Deus Verbum, Filius Patris unigenitus, cui conjunctus est hic & deitatis comparticeps, consors etiam est appellationis & honoris Filii, &c.* Non alio igitur sensu negabant duos esse Filios duosque Dominos, quàm quòd unionem tantum morali & extrinsecam Filio Dei junctus foret filius hominis. Hoc ipsum expressè significat S. Cyrillus, in Commopitorio quod Possidonio dedit cum Romam mitteretur, quod publici juris fecit Balusius Tom. 1. novæ Collectionis Conciliorum pag. 378.

Exstitit inter Novatores Calvinistas quidam tam perditæ mentis, ut Nestorium ab errore vindicare tentaverit, quem tanquam verè Orthodoxum ac Catholicum exhibet; sanctum verò; Cyrillum aliosque Ephesinos Patres velut hæreticos traducit, à quibus injustè depositum Nestorium, ac mirè divexatum fuisse asseverat. Multis ex ipso met Nestorio relatis testimoniis errorem ipsius apertè demonstravimus Tom. 2. de Ecclesia pag. 503. & sequentibus, ad quem locum lectorem remittere nos cogit studium brevitatis, multitudo ac varietas controversiarum, quas expendendas & dissolvendas hic habemus.

Variis porro modis errorem suum Nestorius explicabat.

Varii modi quibus Nestorius unionem Verbi cum Christo exponebat.

I. Ajebat Verbum in homine Christo habitasse, tanquam in suo templo, juxta illud Joann. 2. *Solvite templum hoc, & in tribus diebus excitabo illud.* Propterea observabat Isaia 7. cautè scriptum esse, *Vocabitur nomen ejus Emma-*

Emmanuel; idest, non vocabitur Deus, sed nobiscum Deus, id est, in nobis habitans, dicente S. Joanne cap. 1. *Et habitavit in nobis*. Adversus illum habitationis & unionis modum S. Cyrillus undecimum edidit Anathematismum.

II. Unionem illam Verbi cum humanitate moralem esse dumtaxat, seu affectus, dilectionis & concordie. Addebat & Theodorus similitudinem quæ refertur in V. Synodo Can. 12. *talem nimirum factam esse unionem Dei Verbi ad Christum, qualem dixit Apostolus de viro & muliere: Erunt duo in carne una*. Sicut ergo vir & mulier duæ personæ sunt, & tamen dicuntur una caro; ita etiam Filius Dei & filius hominis duæ sunt personæ, & tamen dici possunt unus Christus propter conjunctionem spirituales. Huic explicationis modo S. Cyrillus quartum opponit Anathematismum.

III. Unitum dicebat Verbum cum humanitate secundum operationem, quia Christus homo erat instrumentum quo Verbum utebatur in illis admirandis operibus quæ à Christo facta sunt. Huic explicationi opponitur septimus Anathematismus S. Cyrilli.

IV. Unitum aiebat secundum participationem, quia Verbum illi homini impertivit nomen & dignitatem suam, ut nimirum Deus & Dei Filius vocaretur, & ab omnibus creaturis adoraretur, non propter se, sed propter eum à quo assumptus fuerat; eo modo quo imagines Sanctorum nominibus eorum interdum appellantur, & propter eos etiam cultu religioso honorantur. Adversus modum illum unionis editus est tertius Anathematismus.

Ex his porro modis quibus Nestorius unionem Verbi cum Christo exponebat: ista confectaria sunt.

Confectaria ex modis variis quibus Nestorius unionem Verbi cum Christo exponebat.

Primum, re ipsa Nestorium non agnovisse veram & propriè dictam Verbi Incarnationem. Simulant, aiebat S. Cyrillus in expositione Anathematismi quinti, se Incarnationis vocem admittere; at incarnatum revera non putant, utpote qui non physicam nec hypostaticam, sed moralem dumtaxat & accidentalem admitterent inter utramque naturam unionem. Unde nomen *incarnatus*, id est, *unionis*, repudiabat Nestorius; utebatur verò nomine *involatus*, id est, *conjunctionis*, ut ait S. Cyrillus in Dial. *Quod unus sit Christus*, ante medium. Cum enim ille à Catholicis urgeretur, eo quod Christus in Scripturis & Deus & homo diceretur, quod unus esset Christus, quod idem Christus & Deus & homo adoraretur, solita Hæreticorum versutia ad varios conjunctionis accidentalium modos confugiebat, ut exponeret Christum modò Deum, modò hominem appellari, atque unica adoratione posse adorari.

Secundum Confectarium est, Christum naturæ & substantiæ Deum non esse, sed gratiæ, adoptione, ac speciali divinitatis assistentia: eum parum ac simplicem hominum primò creatum esse, tum ad altioris dignitatem promotum, ac Deum dictum, quæ ferè ratione Moyses dictus est Pharaonis Deus. Hanc fuisse Nestorii & sequacium ejus sententiam, ostendunt.

Sym.

Tom. 5.
Conc. p.
173. C.
D.

Primum
Conjecturam
Nestorius
veram non
agnovit
Verbi
Incarnationem.

Secundum
Christum
verè ac
substanti-
am Deum
non esse.

Symbolum Nestorianum, de quo paulò antè.

Te. 5. p. 2. p. 54. A. S. Cyrillus L. de recta fide ad Theodosium Imperatorem, *Illorum*, inquit, institutum & scopus, qui diversa ab his sentiunt, est persuadere eum qui ex muliere natus est, hominem esse unum quempiam, qui ob suæ personæ cum Dei Verbo connexionem insigni prædestinatione electus sit: quique sensim & per incrementa, ut dixi, & tanquam per propriam, hoc est, humanam virtutem, ad eam tandem dignitatem pervenerit, ut divinis honoribus posiretur. Idem colligitur ex Anathematismo septimo S. Cyrilli.

Te. 1. p. 980. Cassianus L. 2. de Incarn. cap. 6. Sed dicas forsitan, (Nestorium alloquitur) gratiam hanc Domini Jesu Christi, de qua Apostolus scribit, non cum ipso natam, sed postea ei illapsu divinitatis infusam: quia & homo ipse à te Dominus Jesus Christus, quem solitarium dicis, non cum Deo natus, sed postea à Deo dicatur assumptus; ac per hoc totum, homini illi gratiam, quando & divinitatem datam.

Nobl. P. P. T. 2. p. 254. E. Vincentius Lyrinensis Commonit. 1. cap. 17. ait dici posse, juxta Nestorii sententiam, quòd cum Christus homo communis primum & solitarius natus sit, & necdum Dei Verbo personæ unitate sociatus, postea in eum assumptus Verbi persona descendit.

Tom. 5. Conc. p. 741. C. Denique, ut alios plures fileamus, Liberatus in Breviario cap. 2. ubi ait hanc esse de Nestorio, multorum sententiam, quòd Christum purum hominem tradiderit conceptum atque formatum, & postea in Deum provec tum, id est, hominem deificatum. Istud verò confirmat ex Epitome Chronicorum Lucæntii. Lucæntius, inquit, opponit & dicit, Felice & Tauro Consulibus, Nestorius Constantinopolitanus Episcopus novum Ecclesiis molitur errorem inducere, prædicans Christum hominem tantum, non etiam Deum natum; eique divinitatem esse pro merito.

Tertiū. Duas esse in Christo personas. Tertium, quod ex Nestorii explicatione sequitur, istud est, duas esse in Christo personas, unam hominis, alteram Dei; adeoque & duos Filios, duosque Christos esse: quod etsi versipellis ille ac subdolos aliquando verbo tenus negaret, re ipsa tamen admittebat, nec poterat non admittere, nisi per crassam ac supinam contradictionem; siquidem hominem perfectum jam formatum ac natum, tum ad dignitatem Dei promotum fuisse contendebat. Nestorius, ait Vincentius Lyrinensis, contrario Apollinari morbo, dum sese duas

Bibliot. P. P. T. 7. pag. 254. D. in Christo substantias distinguere simulat, duas introducit de repente personas, & inaudito scelere duos vult esse Filios Dei, duos Christos; unum Deum, alterum hominem; unum qui ex patre, alterum qui sit generatus ex matre. Idem refert Leontius Lib. 1. de Sectis. Idem & S. Cyrillus Epistola ad Clericos suos Constantinopolim constitutos: Quoniam, inquit, propositum illis est duos

Coll. Conc. Basil. p. 542. Filios & duos Christos introducere, unum quidem specialiter hominem, alterum verò propriè Deum, in personis tantum faciunt vel sentiunt unitatem, Deum Dei Verbum nolentes propriè & substantialiter unitum homini, hominem factum, hominem suscepisse. Propterea & tergiversantur, & excusationes, sicut scriptum est, fingunt in peccatis.

Quartū. Virgine Dei param non esse. Quartum Confectarium erat, beatam Virginem Dei matrem nec esse nec dici posse, sed Christi dumtaxat genitricem: quamquam visus est aliquando Nestorius, se non alia de causa vocem *Θεοτόκος* refugere, quàm quòd timeret ne fortè B. Virgo tanquam Dea haberetur. Fallebat dolosus ille: noverat enim

enim nunquam huiusmodi figmentum in mentem Catholicorum venisse: non verat ex unione dumtaxat morali, quam solam ille admittebat inter Verbum & hominem in Christo, necessario sequi, B. Virginem non Dei, sed tantum hominis matrem dici posse; non *Θεοτόκος*, sed *Χριστοτόκος*.

Quintum denique Confectarium erat, utriusque naturæ divinæ & humanæ proprietates in Christo non posse de se invicem prædicari, nec consequenter dici posse Verbum esse natum, passum, mortuum; hominem (demonstrando Christum) esse Deum, &c. *Bimestrem vel trimestrem dicere non oportet Deum*, inquebat ille.

Non ignoramus infidioso ac planè subdolo sensu Nestorium aliquando, ut mox dictum est, non recusasse B. Virginem *Deiparam* dicere, quatenus scilicet hominem genuit Deo conjunctum, templum quidem Dei, at non Deum ex unione personali & hypostatica. Pariter Christum Deum appellare non recubabat, non quidem sensu Catholico, propter substantialem unionem; sed quia humanitas Christi nusquam fuit sine Verbo, unione saltem morali, qua fit ut Deus sit quidem hominis, & homo Dei, sed non Deus homo, nec homo Deus: unum pariter Christum, & unam in ipso personam agnoscere se fingeat; verum quo sensu? Isto, quòd ex duabus personis una tantum coa-
luisse morali nexu & voluntatum consensione.

Hunc suum perversum sensum mira calliditate ac versutia, ut Hæretici solent, occultabat ac dissimulabat Nestorius. *Ad tegendam imposturam*, ait Synodus Ephesina in Relatione ad Imperatorem, usque adeò callidus fuit, ut quidam quoque sanctissimi Episcopi, occultato errore ab eo decepti sint, eique sese adiunxerint, qui actis illius subscripserint; qui tamen postea quàm dilucide quid sentiret, essent percontati, illumque suas blasphemiam retegentem compersent, ab eo descriverunt, ac sancta Synodo se adiunxerunt. Et Cælestinus S. P. ipsum alloquens Nestorium, (prima parte Conc. Ephes. cap. 18.) *Deprehensus es*, aiebant, quòd multiloquio labebaris, dum vera involvis obscuris; rursusque utraque confundens, vel confiteris negata vel nite-
ris negare confessa.

Commune ferè istud vitium suit omnium Hæreticorum, ut sensa sua obscuris & ambiguis verbis ad fraudem involverent; & quod de Valentinianis dicebat Tertullianus L. adversus ipsos cap. 1. de omnibus Hæreticis dictum puta: *Nihil magis curant, quàm occultare quod prædicant: si tamen prædicant quod occultant. Custodiæ officium, conscientia officium est; confusio prædicatur, dum religio adseveratur.*

Romæ primum, tùm Ephesi ann. 431. damnatus ac depositus est Nestorius. Quæ porro ad Historiam Nestorianismi pertinent, quoniam styli prolixioris foret hic referre, ea præmittimus. Legatur Historia gallicæ eam in rem scripta, quæ Parisiis prodit ann. 1698.

De errore Eutychemis.

Eutyches Presbyter & Archimandrita, id est, Abbas seu Præfectus celeberrimi Monasterii Constantinopolitani, in errorem Nestoriano extreme oppositum lapsus est. Nestorius unam personam, Eutyches unam in Christo post unionem seu Incarnationem, naturam esse docuit; nec putabat aliter posse defendi, contra Nestorium, esse unum Christum, non duos.

Ad:

Quintum. Nullam esse idiomatum communicationem. Nestorius errorem suum callide dissimulabat.

Tom. 3. Conc. p. 747. B.

Ibid. p. 355. A.

P. 150. A.

Ad Flavianum Constantinopolitanum Patriarcham & ad Synodum ab ipso coactam delatus, cum à Patribus de fide interrogaretur, & urgeretur ut suam aperiret mentem, tandem post multos flexus, quibus coluber ille se involvere conabatur, dixit: *Confiteor ex duabus naturis fuisse Dominum nostrum ante adunationem; post adunationem verò, unam naturam confiteor.* Quo verò sensu duas ante, unam verò post unionem naturam in Christo intellexerit, nunquam, ut declararet, potuit adduci. *Ego, inquebat, non veni disputare, sed veni satisfacere sanctitati vestre quomodo sapiam.* Nihil amplius ab ipso potuit Synodus obtinere. In errore pervicax à gradu suo dejicitur, damnatur, in exilium ab Imperatore amandatur: ejus occasione convocatum est anno 451. Concilium ecumenicum Chalcedonenſe, cui adfuerunt Episcopi 630. à quo iterum damnatus fuit hæresiarcha.

Tem. 4.
Conc. p.
226. E.

Ibid. p.
223. C.

Incertum planè est 1. quo sensu docuerit Eutyches, duas ante adunationem in Christo fuisse naturas: an scilicet natura humana Incarnationem præcesserit aliqua duratione temporis, an saltem prioritatem naturæ.

2. quid senserit circa originem Christi; quid de illius corpore.

3. Incertum quo sensu docuerit, post adunationem unam esse in Christo naturam; an voluerit ex duabus naturis permixtis productam esse seu compositam unicam naturam à duabus distinctam; an verò unam ex duabus in alteram conversam.

4. utrum existimaverit, divinam naturam in humanam, aut è contra, humanam in divinam esse conversam, à qua tota fuit absorpta; quomodo gutta mellis mari permixta, tota absorpta & in mare conversa dicitur.

5. denique, quo temporis puncto illam naturarum adunationem factam existimaverit.

Tem. 1.
p. 487.

Dico igitur 1. tamen si omnino certum & exploratum non sit, quam prioritatem Eutyches admiserit ante adunationem, an temporis, an naturæ tantum, S. Leo Ep. 25. aliàs 11. ad Julianum Coensem, non longè à fine, *Arbitror, inquit, eum talia loquentem, (nempe ante adunationem duas esse naturas) hoc habere persuasum, quod anima quam Salvator assumpsit, prius in celis sit commorata, quam de Maria Virgine nasceretur, eamque sibi Verbum in utero copularet.* Qui error in Origene proscriptus jam fuerat.

Quid verò de carne Christi senserit Eutyches ante adunationem naturarum; an è Cælo delapsam, an ex Maria Virgine natam existimaverit, non minor est difficultas. Gennadius L. de Ecclesiasticis dogmatibus cap. 2. Theodorus Presbyter Rhaitensis L. de Incarnatione Domini, Flavianus in Ep. ad S. Leonem, quæ legitur inter Epistolas S. Leonis post octavam cap. 3. Vigilus L. 3. contra Eutychem, Bellarminus de Incarnatione L. 3. cap. 2. asserunt Eutychem hac in parte errorem Valentini & Apollinaris renovasse; hoc est, Christi carnem non esse ejusdem cum nostra naturæ; nec veram, sed phantasticam, aut saltem è Cælo delapsam, non verò ex Maria Virgine natam & productam.

Tem. 4.
Conc. p.
233. E.

Attamen huic errori repugnat publica fidei professio Eutyche, quæ refertur Actione prima Concilii Chalcedonenſis, ubi anathema dicit, *Manichæo, Valentino, Apollinari & Nestorio, omnibusque hæreticis usque ad Simonem magum; & eis qui dicunt Domini nostri Jesu Christi carnem de Cælo descendisse.* Quomodo porro conciliari ista possunt cum testimoniis mox indicatis?

Diccu-

Dicendum, vel auctores mox laudatos errorem illum ex principiis Eutyichis ratiocinando dumtaxat intulisse; vel Eutychem secum parum concordem fuisse, quod Hæreticis familiare est; vel cum non satis animo statim conceptam ac præformatam habuisset hæresim suam, cujus finis omnes ac consectoria minus perspicax non satis introspectit.

Dico 2. verisimilius esse, Eutychem post adunationem naturarum eo sensu unicam naturam admisisse, quod natura humana in divinam tota conversa fuisset.

Patet 1. ex Theodoretō Dial. 2. ubi cum Orthodoxus querit ab Eraniste, id est, Eutyichiano, quomodo diceret *unicam naturam post unionem* . . . *utrum ex ambabus unam esse factam, vel altera manente, alteram sublatam* . . . Eranistes respondet: *Ego dico divinitatem mansisse, humanitatem verò ab hac esse absorptam, ut si in mare mellis gutta fundatur; nam illa gutta statim evanescit.* Te. 4. p. 76. D. Ibid. p. 77. A.

Patet 2. quia Eutyichiani dicebant divinitatem passam fuisse, cruci affixam, sepulchro conditam. Ita Theodoretus Lib. 4. hæret. fabul. in *ibid. p. 246. D.* Eutyche. Unde Trisagio, *Deus sanctus, Deus fortis, Deus immortalis*, addebant & istam clausulam, *Qui passus es pro nobis*. Atqui si ex duabus naturis una fuisset conflata, non divinitas, sed una tertia natura diceretur passa & cruci affixa.

Patet 3. quia nimis absurda est illa sententia quæ ex divinitate & humanitate permixtis docet unam conflata esse naturam. Ita S. Thomas Lib. 4. contra gentes. T. 1. p. 65. c. 10.

Dico 3. post adunationem naturarum, in mente Eutyichis corpus Christi verum ac reale non extitisse, sed phantasticum dumtaxat & umbratile. Ratio aperta est: quia in sententia Eutyichis, natura illa unica quæ remansit post adunationem, dici non debet ex duabus conflata seu composita; ergo dicendum est, vel humanam tantum, vel divinam supersistentem fuisse. Atqui ex mox dictis, humana non remansit, sed tota fuit a divinitate absorpta; ergo sola natura divina remansit, unde prorsus consequens est, ait S. Thomas L. 4. contra Gentes c. 35. ut id quod videbatur in eo humanum, fuerit phantasticum. Confirmat S. Leo Ep. 25. aliàs 11. ad Julianum Episcopum Coensem, ubi de Eutyche sic loquitur: *Dei Filium sic de utero Virginis prædicat natum, ut humani quidem corporis speciem gesserit, sed humane carnis veritas Verbo unita non fuerit.* Idem repetit Ep. 30. aliàs 18. ad Pulcheriam Augustam. Item in Enotico Zenonis damnantur, qui introducunt *Christum suscepisse carnem imaginariam.* T. 1. p. 466. Brevi. Lib. T. 3. Conc. 768.

Dico denique, de tempore adunationis, juxta mentem Eutyichis, nihil certi statui posse; utrum nempe adunatio illa facta fuerit in Cælo, ita ut Verbum divinum & animam & corpus ibi assumpserit, deinde per beatam Virginem, tanquam per canalem transmeaverit: an verò facta fuerit in utero materno, & quando facta illa fuerit. Eranistes apud Theod. Dial. 2. cam in ipso conceptu factam asserit; postea verò convictus Orthodoxorum rationibus, non nisi post Resurrectionem, vel etiam Ascensionem factam esse definivit. Te. 4. p. 7. seq.

Post damnatum in Concilio Chalcedonensi, anno 451. Eutychem, plures Eutychianæ impietatis subinde pullularunt sectæ. Petrus Cnaphæus Antiochenus Episcopus, cum anathema dixisset Chalcedonensi Concilio, ac Trisagio istam

istam adiecisset clausulam, *Qui passus es pro nobis, miserere nobis*, Theopaschitarum errori ac sectæ nomen & ortum dedit; eo quòd existimarent illi, divinitatem carni factam consubstantiali, verè passam fuisse, imò & Trinitatem totam passam esse, quæ à divinitate ipsa distincta non est. Cum verò Petrus Moggus Sedem Alexandrinam invasisset, & Chalcedonenſi Synodo anathema dicere cunctaretur, scissi sunt ab eo Eutychiani hujus Urbis ac Regionis: inde *Acephali* dicti sunt, inter quos Severus Monachus Corrupticolarum, Julianus Halicarnensis In corrupticolarum novam sectam peperit, quòd illi corruptibilem Christi carnem fuisse, utpote veram carnem; hi incorruptibilem, utpote unius jam cum Verbo naturæ profiterentur. Communis illorum Acephalorum error fuisse videtur, ex duabus naturis, divina & humana, in Christo conjunctis, unam constatam fuisse.

Felix & Elipandus Hispani Episcopi.

Elipandus Urgelitanus, Felix Toletanus, in Hispania Episcopi, regnante in Galliis Carolo Magno, sedente Summo Pontifice Adriano, circa Christum errorem suum disseminarunt. Dicebant Christum non esse Dei Filium proprium & naturalem, sed adoptivum dumtaxat, & per gratiam: unde consequens istud fluebat, Christum verè ac natura Deum non esse, sed tantum Deum nuncupari, qui Baptismo indiguit, ut ejus beneficio in Dei Filium adoptaretur. Proscriptus error ille fuit in Conciliis Forojulienſi an. 791. Ratisbonenſi an. 792. & Francofordienſi an. 794.

Lutherani, Ubiquiste.

170.1.p.
146. Bellarminus L. 3. de Christo cap. 1. ait duo esse hoc tempore genera errantium circa Incarnationem. *Aliqui enim, pergit, aperte ac directe oppugnant hoc Myſterium; alii obscure & quasi oblique.*

Ad primum genus pertinent Anabaptistæ & Suvencckfeldiani: Anabaptistæ disertè docent Christum non habuisse veram carnem ex Virgine assumptam.

Ad secundum genus pertinent hoc tempore Lutherani, qui duo docent, ex quibus sequitur eos vel esse Eutychianos, vel Nestorianos, vel monstrum ex utraque hæresi temperatum. 1. Dicunt Christi carnem habere attributa divinitatis, ac præcipuè omnipræsentiam. 2. Docent hypostaticam unionem consistere in ista communicatione attributorum divinatorum ipsi carni & divinitati: & siquidem volunt ista attributa conjungi essentialiter humanitati, jam illa fiet unum cum divinitate, quæ est hæresis Eutychiana; si verò conjungi volunt accidentaliter, tum distinctæ erunt personæ Dei & hominis, & una erit in alia per inhabitationem & per accidens, quod est aperte Nestorianum.

170.1.p.
146. Hæc Bellarminus. Tum exponit errorem, qui Ubiquistarum dicitur, cujus primum auctorem ait fuisse Jacobum Fabrum Stapulensem, qui ita scripsit in cap. 12. prioris ad Corinthios, *Corpus Christi, id est, assumpta humanitas celum implet & terram: est enim ubicumque Verbum Dei, quia Verbum caro factum est; quare Verbum nusquam est sine carne.* Et in cap. 14. Joan. cum *Filius,*

Filius, inquit, sit in Patre & in omnibus sanctis qui sunt in celo & in terra ; an etiam corporaliter sit? Quidni? Sed absque modo, nisi dicas divino & incomprehensibili modo, qui non tam modus, quam non modus dici debet. Jacobum Fabrum sequutus est imprimis Lutherus, qui, referente ibidem Bellarmino, tres modos distinguit quibus res aliqua in loco esse dicitur.

Primum localiter, id est circumscriptivè: atque hoc modo non vult Lutherus carnem Christi esse ubique.

Secundum, spiritaliter, seu per penetrationem; & hoc dicit convenire corpori glorioso: sed neque hoc modo asserit carnem Christi esse ubique.

Tertium, cœlestem & divinum per unionem hypostaticam; & hoc modo tribuit carni Christi ubiquitatem. Lege Bellarminum loco citato.

Atque hæc de variis circa Incarnationem Verbi erroribus dicta sufficiant. Ad Mysterium ipsum jam propius accedendum.

Q U Æ S T I O S E C U N D A.

An possibile sit & conveniens Incarnationis Mysterium.

DUO hæc in idem ferè recidunt: quippè si positivè inconveniens foret, hoc est indecens ac minùs consentaneum Mysterium Incarnationis, eo ipso Deo foret impossibile. In Deo enim, ut docet S. Anselmus, *vel minimum inconveniens sequitur impossibilitas*. Si autem nihil Deo indecens, nihil planè indignum contineat istud Mysterium, haud dubiè possibile est. Duobus igitur distinctis Articulis de possibilitate & de convenientia Incarnationis disputabimus.

A R T I C U L U S P R I M U S.

An possibile sit Incarnationis Mysterium.

IMPOSSIBILE visum est Gentilibus, quibus crux Christi stultitia; Judæis, quibus scandalum fuit; Socinianis, qui quæcumque possunt, huic Mysterio contradictionis ac implicantiæ argumenta excogitant & opponunt.

C O N C L U S I O.

Possibile est, seu nullam internam pugnam ac repugnantiam includit Mysterium Incarnationis.

Probatur 1. ea ipsa ratione qua usus est Angelus Gabriel, cum Mysterium istud beatæ Virgini nuntiavit cap. 1. S. Lucae v. 37. *Non erit impossibile apud Deum omne verbum.*

2. Quod revera impletum fuit, haud dubiè possibile est: atqui impletum fuisse Mysterium Incarnationis paulò post evidentissimè demonstratum sumus.

Tournely de Incarnatione.

C

3. De-

3. Denique, illud possibile dici debet, quod nulla ratione implicat: atqui Myſterium Incarnationis nulla implicare ratione, mox patebit ex ſolutione earum objectionum quibus poſſibilitas illius oppugnatur.

Solentur Objectiones.

Quotquot adverſus poſſibilitatem Myſterii Incarnationis excogitate ſunt cauſe ac rationes, repetuntur aut ex parte Verbi divini, aut ex parte humanitatis, aut denique ex parte nexus ſeu unionis utriuſque.

Objectiones ex parte Verbi.

Objicies 1. Conciliari non poteſt Verbi divini immutabilitas cum ejus Incarnatione; ergo impoſſibilis eſt illa Incarnatio.

Antecedens probatur: Quia ille verè & intrinſecè mutatur, qui verè ac intrinſecè incipit uniri humanitati, cui unitus antea non erat: atqui Verbum divinum, ſi carnem verè aſſumeret, verè ac intrinſecè uniri inciperet cum humanitate, cui antea unitum non erat.

Major propoſitio certa videtur. Namque toties fit mutatio, quoties nova ſupervenit intrinſeca denominatio; atqui ſi Verbum incarnatur, nova ipſi ſupervenit intrinſeca denominatio, qua dicitur intrinſecè conjunctum cum humanitate.

Et verò ipſa humanitas Verbo copulata non alia de cauſa & ratione mutatur, quàm quòd incipiat intimè uniri cum perſona Verbi, cum qua antea unita non erat; ergo pari ratione Verbum, quod incipit uniri cum humanitate, & quidem unionem intimam & perſonalem, incipit quoque mutari.

Minor propoſitio certiffima eſt: Verbum quippè per Incarnationem intimè unitur cum humanitate, ac fit intrinſecè homo, qualis non erat ante unionem.

Neque eſt quòd reponas, Verbum divinum in Incarnatione terminunt dumtaxat eſſe, quia humanitatem terminat, perficit ac complet, non autem eſſe ſubjectum, quod aliquid à quo perficiatur, in ſe recipiat, unde omnem reſpuit mutationem. Namque eſto ita fit, Verbum terminet dumtaxat ac perficiat humanitatem: at ſaltem terminus ille intrinſecus eſt ac formalis, novus, ſeu de novo accedens; ergo ſemper illud firmum ac ratum erit, Verbum de novo incipere terminare intrinſecè eam naturam, quam antea intrinſecè non terminabat; ac conſequenter illud mutationi obnoxium fuiſſe.

Reſp. nego antecedens.

Ad probat. diſt. maj. Ille verè & intrinſecè mutatur qui incipit verè & intrinſecè uniri humanitati, tanquam ſubjectum vel unionis, vel humanitatis à qua perficitur, concedo: tanquam terminus qui humanitatem ultimò complet, terminat ac perficit, nego. Distinguo pariter minorem. Atqui Verbum divinum incipit uniri intrinſecè humanitati, tanquam terminus perficiens humanitatem, concedo: tanquam ſubjectum quod perficiatur, nego. Itaque in omni mutatione, id quod mutatur ſubjectum dicitur, quod tranſit vel à non eſſe ad eſſe, vel ab uno ſtatu ad alium, novam aliquam rem aut interiùs aut exteriùs recipiens: ita mutatus dicitur Adam, cum de

de novo creatus fuit; mutatus, cum ejus corpori infusa est anima; mutatus, cum Deo largiente tot donis naturæ & gratiæ instructus fuit. Mutatio igitur unice cadit in subiectum quod formam aliquam seu perfectionem novam acquirit, non in rem ipsam seu formam aut perfectionem, quæ de novo accedit. *Ida*, inquit S. Augustinus Lib. 83. quæstionum qu. 73. *cum sapientia homini accedit, non ipsa mutatur, sed hominem mutat, quem de stulto sapientem facit*. Porro cum Verbum carnem sibi assumpsit, nec humanitatis, nec unionis subiectum dicitur; nihil ipsi ab humanitate accessit, unde perficeretur; nihil de nativis perfectionibus ipsi deperit: *Homo*, ait idem S. Augustinus Ep. 137. aliàs 3. ad Voluf. cap. 3. *Deo quidem accessit, non Deus à se recessit*. Deo nihil de novo accidere potest, qui omnem quæ potest excogitari, perfectionem in se continet. Verbum ergo in Incarnatione subiectum non est, sed terminus dumtaxat, qui naturam humanam ultimò complet, terminat ac perficit, mira illa unione personali & hypostatica, per quam homo Deus quidem efficitur, & Deus homo: at perficitur homo, & in melius commutatur; non perficitur Deus, nec mutatur. *Non mutatum est Verbum susceptione hominis*, ait S. Augustinus L. 83. Quæstionum qu. 73. *sicut nec membra veste induta mutantur*.

To. 6. p.
64. F.

To. 1. p.
405. F.

To. 6. p.
65. D.

At, inquit, nonne Verbum de novo incipit terminare intrinsecè humanitatem quam antea non terminabat? Fateor: sed idcirco mutatum dici non potest. Quare? quia nec ullam exiis quas semper habuit, perfectionem amisit, nec ullam novam acquisivit: quidquid enim perfectionis homo habet, totum illud eminentiori modo Deus in se continet, à quo tanquam à fonte homo accepit.

Instabis 1. Qui incipit verè ac substantialiter homo esse, qualis antea non erat, ille profectò novi aliquid in se recipit, ac proinde mutatur; atqui Verbum in plenitudine temporis verè ac substantialiter incipit homo esse, *Verbum caro factum est*. Joan. 1. v. 14. Ergo, &c.

Resp. dist. maj. Qui incipit verè ac substantialiter homo esse, tanquam subiectum quod in se vel unionem, vel humanitatem, aut formam aliquam recipiat unde perficiatur, ille novi aliquid recipit ac mutatur, concedo: qui incipit verè ac substantialiter esse homo, tanquam terminus dumtaxat, seu complementum humanitatis, quam ut persona perficit ac ultimò terminat, nego. Sicut enim, ex Augustino nox laudato, cum homo fit sapiens, non mutatur sapientia quæ homini accedit, sed mutatur homo qui eam recipit; ita non mutatus est Deus quando carnem assumpsit, sed mutata est humanitas quam assumpsit: quia nempe Verbum divinum, nec unionem, nec humanitatem, nec aliquam formam unde perficiatur, tanquam subiectum in se recipit, sed tantum ut persona humanam naturam perficit, terminat & complet, complemento (ut ajunt) personæ, ad summam, seu divinam perfectionem humanitatem evehens, nullam ab ipsa mutuans perfectionem: in Christo enim *habitat omnis plenitudo divinitatis corporaliter*. Coloss. 2. v. 9.

Instabis 2. Unio hypostatica in Christo extrema æqualiter conjungit unionem intimam & internam, atque in utroque extremo æqualiter recipitur, unde fit Deus sit homo, & homo Deus; ergo sicut humanitas ex illa unione quam recipit, internè mutatur, ita & divinitas.

Confirmatur exemplo corporis & animæ, quæ æquali nexu inde copulantur inter se ad unum hominem efficiendum, & mutationi æqualiter subjacent.

Resp. 1. unionem, propriè loquendo, in extremis quæ uniuntur, non recipi: quia, ut fert communior Philosophorum sententia, ab extremis unitis revera non distinguitur.

2. Dato quòd unio sit aliquid ab extremis unitis distinctum, dist. ant. Unio hypostatica in Christo extrema æqualiter conjungit, quantum ad intimam nexus firmitatem, concedo: quantum ad modum unionis, nego. Ex parte quippè Verbi unio nullam divinitati affert aut detrahit perfectionem; ex altera verò parte, humanitas summam ac planè divinam ex unione cum Verbo perfectionem participat.

3. Unio illa intima & intrinseca dicitur, non istoquidem sensu, quòd sit in ipsa Dei natura recepta, sed quòd non sit tantum moralis per affectum & concordiam, qualis est inter amicos; nec accidentalis, externa, & per meram assistentiam, qualis aliquando fuit inter Angelos & corpora ab illis assumpta, qualis est specialis Dei in Templo, in Sanctis, &c. præsentia, sed quòd sit physica, substantialis & hypostatica, cujus beneficio natura humana in unum idemque suppositum cum divina copulatur, atque mutua & reciproca sit proprietatum utriusque naturæ Deum inter & hominem societas & communicatio.

Exemplum verò unionis corporis & animæ omni ex parte hic aptum & accommodatum non est: corpus enim & anima partes sunt incompletæ hominis, quæ mutuam ad sese ex natura inclinationem habent, sese mutuò complent ac perficiunt, unamque totalem & integram componunt hominis naturam: at divinitas & humanitas in Christo non sunt partes incompletæ, neque naturalem habent ad sese invicem inclinationem, neque ex illarum unione unica & totalis exurgit natura; sed in una eademque persona Christi duæ naturæ remanent inconfusæ ac impermixtæ, & divina humanam, non humana divinam perficit. Mirum igitur non est, quòd mutationis aliquid corpori & animæ accedat, quando inter se uniuntur ac sese mutuò perficiunt.

Instabis 3. Qui incipit esse quod antea non erat, ille desinit esse quod erat antea, ac consequenter mutatur: atqui Deus incipit esse homo, qualis non erat antea; ergo desinit esse quod erat, ac consequenter mutatur. Porro Deus non potest desinere esse quod erat, nec mutari; ergo impossibilis est Incarnatio, qua posita Deus desineret esse quod erat, ac mutationi foret obnoxius.

Resp. dist. maj. Qui incipit esse quod non erat antea, per sui in rem alteram conversionem, ac novæ cuiuspiam formæ acquisitionem, ille desinit esse quod erat antea, & mutatur, concedo: qui incipit esse quod non erat, per solam terminationem qua naturam humanam complet ac perficit, à qua nullatenus ipse perficitur, nego. Porro cum Verbum est caro factum, non conversa est divinitas in carnem, sed assumpta dumtaxat caro in unitatem personæ cum Verbo: *Homo*, ait S. Augustinus jam laudatus, *Deo quidem accessit, non Deus à se recessit. Unus est Christus*, ait Symbolum Athanasianum, *non conversione divinitatis in carnem, sed assumptione humanitatis*
in

in Deum; unus omnino, non confusione substantiæ, sed unitate personæ. Neque etiam, ex jam dictis, ulla Verbo divino ex Incarnatione nova forma aut nova perfectio accessit; nihil quippè novi accedere Deo potest, qui omnia in se bona continet, à quo in homines per quamdam participationem derivantur.

Instabis 4. Nova determinatio intrinseca supponit novam formam intrinsecam: v.g. cum homo dicitur doctus, supponitur in ipso nova doctrinæ accessio: atqui Verbo divino nova supervenit intrinseca denominatio, nempe hominis, verè quippè ac intrinsecè homo est; ergo nova ipsi accessit intrinseca forma, humanitas scilicet in ipsa divina natura recepta.

Resp. dist. maj. Supponit novam formam intrinsecam aut receptam tanquam in subiecto, aut saltem unitam & terminatam à persona superiori ac longè nobiliori, concedo: supponit novam formam intrinsecam semper receptam, à qua persona terminans aliquid perfectionis mutuetur, nego. Porro, ut jam non semel dictum est, humanitas in Verbo tanquam in subiecto non recipitur, sed cum Verbo hypostaticè unitur, ex qua unione summa & planè divina resultat in humanitate perfectio, nulla in divinitate.

Instabis 5. Divinitas & humanitas partes sunt unius & ejusdem suppositi, quod Christum vocamus, & æqualiter ad illud componendum concurrunt; ergo sicut una pars, nempe humanitas, mutatur, ita & altera, nempe divinitas.

Resp. 1. Nonnisi improprie divinitatem & humanitatem partes appellari suppositi, quod Christus est; partes enim seorsim sumptæ incompletæ sunt, ac sese mutuo complent & perficiunt. Porro in Incarnatione sola humanitas perfectior evadit, non divinitas.

2. Falsò asseritur utramque naturam æqualiter concurrere ad componendum Christi suppositum: Verbum enim ut persona divina completæ ac perficit humanitatem in ratione personæ, humanitas verò completur ac perficitur; unde nonnisi improprie partes appellari possunt: atque tota mutatio cadit in naturam humanam quæ perficitur, ac ultimò completur & terminatur, non verò in Verbum ipsum quod perficit, complet & ultimò terminat humanitatem.

Instabis 6. Si divinitas & humanitas dicendæ non sunt proprie partes componentes Christum, ergo sunt duæ naturæ integræ; unde sequitur Christum quoddam esse aggregatum per accidens. Quid enim vocamus aggregatum per accidens, nisi illud quod ex pluribus entibus integris coalescit?

Resp. nego sequelam antecedentis. Aggregatum quippè per accidens illud dicimus, quod constat ex pluribus entibus integris, non tantum in ratione naturæ, sed etiam in ratione suppositi seu individualitatis, quomodo domum, lapidum molem, &c. vocamus aggregatum per accidens. Porro licet duæ naturæ in Christo perfectæ & integræ sint in ratione naturæ, non sunt tamen duo supposita, non duæ personæ, sed una, eaque divina, quæ locum & vices humanæ personalitatis abundè supplet ac compensat.

Instabis 7. Quod per se subsistit non potest alteri communicari, substantia enim ultimam est substantiæ complementum: atqui Verbum divinum, utpotè persona divina, per se subsistit; ergo non potuit naturæ humanæ, eam assumendo, communicari.

Resp. absolute falsam esse majorem propositionem: siquidem natura
Tournely de Incarnatione.

divina per se subsistit in Patre divino, & tamen eadem prorsus natura seu substantia divina Filio communicatur, non communicata ipsi personalitate seu subsistentia Patris.

At, inquires, natura divina & subsistentia divina non distinguuntur; ergo una communicata, altera quoque communicari debet; ergo non potest fieri unio in subsistentia Verbi, quin simul fiat in natura Verbi. Atqui unio in natura fieri non potest, aliàs ex unione una fieret natura per conversionem unius in alteram, quod certè implicat ac repugnat.

Resp. dist. ant. Natura & subsistentia divina non distinguuntur realiter, concedo: virtualiter nego. Porrò ex dictis, ubi de Trinitate, sufficit distinctio virtualis inter essentiam & subsistentiam, ut Pater divinus v.g. Filio suam communicet naturam, non communicata sua paternitate, seu personali subsistentia: eadem igitur virtualis distinctio hic sufficit, ut Verbum divinum naturam humanam terminet per subsistentiam suam seu personalitatem, non verò per suam naturam quam communem habet cum Patre & Spiritu sancto. Quod ergo per se subsistit non potest alteri communicari tanquam supposito, concedo: subsistentia enim est ultimum naturæ complementum reddens eam alteri incommunicabilem tanquam supposito; non potest alteri communicari ut naturæ, nego. Porrò Verbum divinum non personam, sed naturam dumtaxat humanam sibi copulavit in unitatem personæ.

Instabis 8. Ex unione naturæ divinæ & humanæ in una Verbi persona istud saltem consequens foret, Verbum divinum localiter moveri ad motum humanitatis cum qua nexu tam intimo copulatur.

Resp. nego sequelam antecedentis, quia Verbum ex sua immensitate ubique est, tamen si humanitas illi unita ubique non sit, sed tantum ubi illi intimè est præsens.

Obijcies 2. Si Verbum incarnaretur, Pater quoque & Spiritus sanctus incarnati dicendi forent, tum quia unam habent & indivisam naturam & essentiam: tum quia, juxta communem effatum, opera Trinitatis ad extra sunt indivisa, & ad tres personas pertinent. Atqui Incarnatio est opus ad extra; ergo &c.

Resp. dist. ant. Si unio, in qua posita est Incarnatio, facta sit in natura divina, in qua tres personæ sunt quid unum, concedo: si facta sit in persona, qua parte sunt distinctæ, atque inter se mutuò opponuntur, nego. Porrò, ex jam dictis, unio facta est non in natura, sed in persona Verbi, quæ naturam humanam perficit ac ultimò terminat. Inde patet responsio ad primum. Ad secundum, disting. Incarnatio quatenus est naturæ humanæ creatio, conservatio &c. est à tota Trinitate, concedo: quatenus est formalis unio cum aliqua persona, nego. Incarnatio igitur in his quæ externa sunt & causam efficientem postulant, est à tribus personis efficienter; sed formaliter est solius Verbi, quia Verbum solum naturam humanam per suam subsistentiam propriam complet ac terminat, eam sibi hypostatica unione conjungendo.

Objectiones ex parte naturæ humanæ.

Obijcies 1. Humana natura in Christo sua propria spoliatur subsistentia, seu personalitate; aliàs non una, sed duæ forent in Christo personæ: atqui

atque fieri non potest ut humana natura sua propria spoliatur subsistentia.
 I. Quia subsistentia non distinguitur ab ipsa substantia; ergo ubi est substantia, ibi est & subsistentia.

II. Quia persona definitur à Theologis post Boetium, *Natura rationalis individua substantia*. Ergo ubi est individua naturæ rationalis substantia, ibi est vera persona. Atque in Christo, supposita Incarnatione, inest naturæ rationalis individua seu singularis substantia, nempe humanitas; ergo in Christo est persona humana, quod tamen fides non patitur.

III. Subsistentia nihil aliud esse intelligitur quam forma seu modus quo substantia per se subsistere dicitur, nec alio indigere cui inhæreat: atque revera talis est in Christo natura humana, quæ per se subsistit, nec alteri inhæret ad modum accidentium; ergo est in Christo humana subsistentia.

Resp. nego min. Natura enim quæ cum persona longè nobiliori ac infinita intimè copulatur, ut fiat pars totius ac perfectissimi ejusdem compositi, sua propria personalitate seu subsistentia spoliari potest, & quidem absque ullo sui damno ac detrimento; imò potius cum magna infinitæ perfectionis accessione.

Ad primam probationem, jam observatum est in Mystero SS. Trinitatis subsistentiam ab essentia seu natura virtualiter saltem distingui: siquidem una est in tribus personis natura, tres verò sunt subsistentiæ; atque Filio v.g. tota communicatur Patris natura, non subsistentia. Distingui etiam potest hæc propositio: Subsistentia non distinguitur à substantia seu natura, tanquam res à re, concedo: tanquam modus quidam, naturam ultimò terminans, ac reddens incommunicabilem alteri tanquam supposito, nego. Porro res aliqua integra subsistere potest absque suo certo modo: digitus v.g. sine inflexione; maxime cum modus ille nobiliori ac excellentiori ratione à persona superiori & infinita suppletur, ut fit in Mystero Incarnationis.

Ad secundam respondeo cum S. Thoma 1. p. q. 30. art. 1. ad 1. nomine *substantiæ* in definitione personæ, non ipsam naturam, sed subsistentiam intelligi; quod satis apertè declaratur, cum dicitur *individua*. Dicendum, ait Angelicus Doctor, *quod substantia non ponitur in definitione personæ, secundum quod significat essentiam, sed secundum quod significat suppositum. Quod patet ex hoc, quod additur, individua*.

Nomen itaque personæ totum aliquod completum significat, quod sui juris est, non alieni, alteri tanquam supposito incommunicabile; unde natura, licet singularis, quæ pars est alicujus totius compositi, persona non dicitur: v.g. anima rationalis etiam separata, non dicitur persona, quia parset dumtaxat hominis, non totus homo. Cum ergo natura humanà, quam Verbum divinum in unitatem suppositi sibi assumpsit, pars sit dumtaxat compositi, nempe Christi, non verò totum aliquod, nec sui juris, sed juris alieni, scilicet Verbi, consequenter suam propriam non retinet personalitatem seu subsistentiam. Unde S. Thomas in 3. dist. 6. q. 1. art. 2. ad 5. *Ex hoc, inquit, quod compositum ex corpore & anima rationali non adiungitur alteri subsistenti in natura composita, sequitur quod conjunctum sit homo: unde si Christus humanam naturam quam assumpsit deponeret, ex hoc ipso esset homo illud conjunctum ex duabus substantiis.*

To. 9. p.
77. col.
1. A.

Neque dicas inde consequens fore, quòd Verbum in Christo vera non esset persona, quia pars est Christi, non totus Christus, qui duplici constat natura; divina scilicet & humana.

Namque falsò supponitur Verbum esse partem, non totum: Verbum enim est vera persona; ergo non est pars, sed totum. Christus compositum quoddam dici potest ex duabus naturis, divina & humana, quæ unum habent Verbi suppositum: Christus enim quid est? nisi Verbum Dei caro factum; ergo Verbum non est pars, sed totum quod duplicem in Christo habet & conjungit naturam.

Ad tertiam, mera est æquivocatio nominis. Quippè si *per se subsistere*, idem tibi sit, ac alteri non inhaerere per modum accidentis, concedimus hoc sensu naturam humanam in Christo per se subsistentem esse: si verò *per se subsistere* significet naturam completam ultimò terminatam, quæ totum quoddam est, quod personam appellamus, hoc sensu natura humana in Christo per se non subsistit, sed subsistentia aliena, nempe Verbi divini; nec totum quoddam est, sed pars totius compositi.

Instabis 1. Esse aliquod totum completum ac sui juris, haud dubiè perfectio quoddam est: porrò, supposita Verbi Incarnatione, natura humana Christi hac perfectione careret; ergo integra & perfecta non esset, & consequenter Christus verus ac perfectus homo non esset, quod certè pugnat cum doctrina Catholica.

Resp. dist. ant. Esse aliquod totum completum ac sui juris perfectio quoddam est, quæ per subsistentiam seu Verbi personam abundè & modo longè nobiliori suppleri potest, ac revera suppletur, concedo: quæ non suppletur, nego. At jam non semel observavimus, per subsistentiam seu personam Verbi assumptæ humanitatis personalitatem longè nobiliori modo suppleri ac perfici, quandoquidem per illam cum Verbo hypostaticam unionem, natura humana ad dignitatem divinæ naturæ personaliter evehitur ac sublimatur, per quam homo Deus fit, atque humana natura personaliter venit in societatem & communionem omnium divinarum perfectionum. Natura igitur humana in Christo perfecta quidem est, ac integra integritate naturæ, licet non integritate personæ humanæ, utpotè quæ pars sit totius compositi, nempe Christi; non verò totum aliquod completum complemento suæ propriæ subsistentiæ, nec idcirco imperfecta dici potest, imò longè perfectior.

Instabis 2. Cum natura humana in Christo perfecta sit, quare non est aliquod totum completum, sicut Verbum ipsum?

Resp. discriminis causam & rationem apertam esse, quia nimirum Verbum Deus est, qui suam perfectionem seu subsistentiam humanitati, non suam humanitas Verbo communicat. Quapropter divina & humana natura, ex quarum unionem coalescit Christus, partes Christi aliquatenus dici possunt, Verbum autem totum est completum, utramque naturam nexu intimo ac personali in Christo conjungens.

Instabis 3. Supposita unionem personali naturæ humanæ cum Verbo, eo ipso natura humana omnes Verbi proprietates participaret, immensitatem, infinitatem, omnipotentiam &c. adeoque natura humana immensa dici posset, infinita, omnipotens: atqui istud falsum & absurdum est.

Resp.

Resp. dist. ant. omnes proprietates Verbi participaret, in concreto, ut ajunt, & ratione unius & ejusdem suppositi, concedo: in abstracto, nego. Remanent etenim in Christo impermixtæ ac inconfusæ naturæ utriusque proprietates, quæ de se invicem in abstracto prædicari non possunt: unde dici non potest, quòd divinitas sit humanitas, aut humanitas sit immensa, infinita, omnipotens; tametsi in concreto & ratione unius & ejusdem suppositi Christi, meritò dicatur, Deus est homo, homo est Deus; Deus est mortalis, homo est immortalis, immensus, infinitus &c. Sed de hoc argumento plura inferius suo loco, ubi de communicatione idiomatum.

Instabis 4. Verbum hominem assumpsisse dicitur; sed homo persona est; ergo &c.

Resp. dist. maj. dicitur assumpsisse hominem, id est humanitatem, concretum pro abstracto usurpando, concedo: id est humanitatem in se ac per se subsistentem, seu hominis personam, nego.

Obijcies 2. Non magis potest humana Christi natura subsistere subsistentia aliena, quàm existere existentia aliena, aut intelligere intellectu aliena.

Resp. nego paritatem. I. Cùm existentia sit illud per quod res simpliciter est extra nihil, intelligi non potest quomodo res aliqua sit extra nihil, seu existat existentia aliena: at subsistentia propria, forma non est per quam simpliciter ac necessariò natura singularis fiat persona, seu natura ultimò terminata & completa. Quare? quia propria illa subsistentia carere potest natura, quando in unitatem suppositi divini assumitur, à quo suppletur & modo excellentiori perficitur, ut sit in præsentì Mysterio.

II. Intellectio est actio vitalis, quæ necessariò profuere debet à principio proprio & interno vitaliter agente, unde fieri non potest ut quis intelligat aliena intellectu: at subsistentia nihil vitale sonat, sed merus est naturæ terminus ac complementum quod potest suppleri.

Objectiones ex parte unionis.

Obijcies 1. Repugnat Incarnatio ex parte unionis naturæ utriusque, quia proportio quædam esse debet inter extrema quæ uniuntur: atqui nulla est proportio inter divinam & humanam naturam, quæ tanto à se invicem distant intervallo; quæ enim esse potest finiti ad infinitum proportio? Ex illa extremorum improportione, nusquam accidens cum substantia uniri potest ad totum aliquid per se seu substantiale efficiendum.

Resp. nego ant. Ad probationem dist. maj. Debet esse quædam proportio inter extrema quæ unienda sunt, in ratione unionis & habitudinis, ut vulgò dicunt, concedo: in ratione entitatis, nego. Aliàs nec anima unquam posset cum corpore uniri, nulla enim proportio est inter spiritum & materiam; nec mens humana Deum intuitivè videre. Est tamen inter ea proportio quædam habitudinis & in ratione unionis, quia anima pars est hominis, & ad illum componendum tota inclinatur; mens pariter humana quamdam habet cum Deo intuitivè videndo inchoatam proportionem habitudinis, qualis occurrit inter facultatem cognoscitivam, & objectum quod cognosci potest; quæ tamen facultas ac proportio superiori lumine corroborari ac ele-

vare

vari debet, ut in objectum supernaturale tendere possit. Porro etsi nulla sit quoad entitatem proportio inter finitum & infinitum, immensum ac loco circumscriptum, est tamen proportio quoad unionem, quia est in Verbo virtus infinita qua potest terminare ac ultimò complere naturam humanam in ratione personæ.

Nec accidentis exemplum hic urget: nulla quippè ne quidem inchoata & habitudinis proportio est inter accidens & substantiam, ad aliquod totum substantiale ac per se efficiendum, quia totum per se constat ex ente per se subsistente, totum verò accidentale inhærens est, nec per se subsistit.

Obijcies 2. Ex unione utriusque naturæ in Christo multa sequuntur absurda & incommoda.

I. Sequitur unum & idem suppositum simul immensum esse & non immensum, mortale & immortale, finitum & infinitum, Deus & homo. Neque dicas id fieri posse ubi suppositum idem duplici constat natura distincta; est enim mera principii petitio.

II. Ex illa unione sequitur proprietatum utriusque naturæ reciproca communicatio & prædicatio, & ita verè dici posset, divinitas nascitur, patitur, moritur; humanitas æterna est, impassibilis &c. Neque reponi potest, ea omnia non in naturam ipsam cadere, sed in personam, seu suppositum, quia actiones & passionēs, ut vulgò dicitur, sunt suppositorum: namque Verbi suppositum, divinum est. Ergo nec in tempore nasci, nec pati, nec mori verè dici potest.

III. Natura humana quæ Verbi subsistentia seu personalitate subsistit, ubique esse deberet, sicut ubique Verbum est: atqui tamen falsa est ista conclusio; ergo &c.

Resp. nego antecedens.

Ad primum: Non repugnat de uno & eodem supposito quod ex duplici natura coalescit, diversa & contraria prædicata enuntiari, pro diverso ad alterutram naturam respectu. Nonne de eodem homine dicimus, eum ratiocinari & non ratiocinari, spirituale esse ac corporeum, mori & non mori? nempe propter diversas animæ & corporis affectiones, seu proprietates. Ita, servata proportionē, de uno & eodem supposito Christo, propter diversas, quibus constat, naturas, diversa & contraria enuntiamus. Neque hic vitium petitionis principii meritò potest nobis objici: qui enim conclusionem propugnat & probat, is non laborat vitio petitionis principii, sed potius ille qui eam oppugnat, eamque ipsam in objectionem convertit & opponit.

Non secundum: Ex mox dictis, & fusiùs infra suo loco dicendis, illa reciproca proprietatum utriusque naturæ communicatio, in abstracto non fit, sed in concreto, ratione unius & ejusdem suppositi.

Non tertium: Namque ex dictis paulò antè, cum natura humana ubique seu in omni loco non terminetur à subsistentia Verbi, sed in certo quodam ac determinato spatio, ubique diffusa non est. E contra, cum Verbi subsistentia ubique sit, ac divinitatem ubique terminet, ubique quoque Verbum per immensitatem suam diffunditur: ubicunque ergo est humanitas Christi, ibi Verbum est; sed ubicunque est Verbum, non ibi est humanitas.

Obji-

Objicies 3. Non magis ex unione utriusque naturæ in Christo, Christus dici potest mortalis, finitus &c. quàm peccator.

Resp. nego paritatem. Disparitas est, quòd peccatum non sit naturalis hominis proprietas, sed defectus moralis; Christus autem assumpsit quidem defectus nostros naturales, qui ad opus redemptionis nostræ consummandum erant necessarij, quales profectò non fuere defectus morales, quos omnes à Christo excludit tanquam impossibiles substantialis ejus sanctitas. *In ipso enim inhabitat omnis plenitudo divinitatis corporaliter.* Coloss. 2. 9.

ARTICULUS II.

An Deo & homini congrua & conveniens fuerit Incarnatio.

Convens hinc appellamus, quod decens est, atque naturali alicujus inclinationi consentaneum.

Quæritur ergo, an Incarnatio conveniens fuerit 1. Deo ipsi. 2. Homini & toti Universo. 3. An convenientius fuit incarnari Verbum, quàm Patrem aut Spiritum sanctum. 4. An convenienter dilata fuerit Incarnatio ad plenitudinem temporis.

PRIMA CONCLUSIO.

Incarnatio Deo est maximè conveniens.

Probatur 1. Quia bono infinito maximè convenit ut seipsum diffundat ac communicet modo præstantissimo: atqui nullus excogitari potest ipsa Incarnatione præstantior.

Probatur 2. Illud eò maximè conveniens ac consentaneum est, in quo tanto fulgore resplendent divinæ omnes perfectiones, imprimis, omnipotentia, sapientia, bonitas, justitia, misericordia: unde meritò S. Augustinus, *Cum enim Deus sit omnipotens, plus dare non potuit: cum sit sapientissimus, plus dare nescivit: cum sit ditissimus, plus dare non habuit.* Facundissimi sunt ac maximè diserti SS. Ecclesiæ Doctores in enumerandis ac extollendis, quæ in Mysterio Verbi incarnati resplendent ac sese magnificè explicant, divinis perfectionibus, maximè omnipotentia, sapientia, bonitate, clementia, misericordia, justitia.

I. Quantus hic divinæ virtutis ac potentiae splendor undequaque erumpit! Opus Dei per excellentiam appellatur nostrum Mysterium, Habac. 3. v. 2. *Domine opus tuum, in medio annorum vivificasti illud.* B. Virgo Lucæ 1. v. 49. *Fecit, ait, mihi magna qui potens est.* Duas hic naturas tam extremas ac distantes intime Deus conjungit, sine ulla tamen confusione ac permixtione, servatis unicuique suis affectionibus ac proprietatibus; *ut nec inferioriorem consumat glorificatio, ait S. Leo Serm. 1. de Nativ. cap. 2. nec superiorem minuat assumptio.* Tota est enim in maiestate humilitas, tota in humilitate maiestas; *nec infert unitas confusionem, nec divinitus proprietates unitatem.* *Idem S. Pontifex Serm. 3. de Passione. Quantum divinæ virtutis prodigium est, quàm stupendum, singulare ac inauditum, hominem Deum*

Ta. 1. p. 143.

Ibid. p. 246.

Te. 5. p.
881.

Deum ex Virgine matre nasci, illaſo virginitatis flore! Ita S. Auguſtinus Ser-
mone olim 56. de diverſis, nunc 184. de temporibus.

Annon & illud maximè ſtupendum, demiffam ad vilem conditionem ho-
minis ſupremi numinis majeſtatem fuiſſe? Ut enim diſcurrit S. Gregorius
Nyſſenus Orat. Catech. c. 24. naturam omnipotentem ad humanæ naturæ
vilitatem potiſſe deſcendere, majus eſt potentiz argumentum, quàm in-
gentia quolibet ac ſtupenda miracula. Etenim magnum aliquod & excel-
ſum elaborare divinam potentiam, naturæ quodammodo conſentaneum
eſt ac proprium: at verò delapſus ille ad id quod abjectum eſt & humile,
abundantia quædam eſt potentiz, quæ nec in illis quidem quæ ſunt præter na-
turam impediri poteſt.

II. Tam mirificè divina ſapientia elucet in noſtro Incarnationis Myſterio,
ut cum Apoſtolo 1. Cor. 1. v. 25. meritò dici poſſit, *Quod ſtultum eſt Dei,
ſapientius eſt hominibus*. Elucet verò maximè 1. quòd adinventus ſit mo-
dus ille planè divinus conciliandæ juſtitiz divinæ cum ejus miſericordia, fal-
vis juribus utriuſque. Scilicet læſa per peccatum hominis divina majeſtas,
vindictam exigit; miſericordia veniam: non poteſt homo reus ex ſuo de-
bitum pro illata offenſa ſatiſfactionem perſolvere; Deus aliunde ſatiſſactioni-
nis exhibendæ prorsus incapax eſt, ſicut & humiliationis ac demiffionis;
conclamata igitur ac planè deſperata fuiſſet ſalus hominis, niſi Verbum caro
factum eſſet. Hac ratione & Chriſtus homo puniatur ac ſatiſfaciat propter
ſcelera noſtra quæ in ſe ſuſcepit; & Chriſtus Deus ſatiſſactioni pretium infi-
niti valoris ac meriti impertitur. Hinc ſimul & divinæ juſtitiz ſatiſſit, exi-
gendo pœnas à Chriſto; & miſericordiæ, peccata hominibus remittendo.
Ita feliciter adimpletum quod prædixerat David Pfalm. 84. v. 11. *Miſericor-
dia & veritas obviaverunt ſibi, juſtitia & pax oſculatæ ſunt*. Ita factum eſt,
ait Ivo Carnot. Serm. 6. Quare Deus natus & paſſus ſit, *ut Deus nec pecca-
tum hominis dimitteret impunitum, quia juſtus eſt; nec inſanabile, quia miſe-
ricors eſt*. 2. Summum profeſſor divinz ſapientiz opus in eo eſt, quòd ip-
ſo peccato, quo dæmon uſus fuerat ut hominem perderet, Deus ipſe uſus
fuerit tanquam occaſione, ut eundem ſalvum faceret, ipſuſque dæmonis
ſpem omnem eluderet, & ut canit Eccleſia, *ars ut artem falleret, & modelam
ferret inde, hoſtis unde laſeras*. Quapropter culpam hanc felicem appellat Ec-
cleſia, quæ talem ac tantum habere meruit Redemptorem. 3. Cum Deus
perfectiſſimus ſit, nec quidquam ipſi poſſit accreſcere unde perfectior evadat,
miro tamen ſapientiz divinæ arcano, homo Deus gratia & ſapientia, ſicut
atate proficere dicitur Lucæ 2. v. 52. 4. denique, per Incarnationem Deus ſa-
pienter rationem adinvenit tum ampliſcandæ ſuæ gloriæ ipſa proprii Filii
demiffione: tum temperandi naturæ ſuæ ſplendoris, quem ferre homines
non potiſſent, niſi velo humanitatis obductus fuiſſet; tum denique morte
ſua dæmonis debellandi. Congruerat enim, ait S. Leo Serm. 1. de Nativit.
ut inventor mortis diabolus, per ipſam, quam vicerat, vinceretur.

III. Bonitas & miſericordia Dei in iſto Myſterio imprimis emicant. *Ap-
paruit*, inquit Apoſtolo ad Titum 3. v. 4. *benignitas & humanitas Salvato-
ris noſtri*. Et Joan. 3. v. 16. *Sic Deus dilexit mundum, ut filium ſuum uni-
genitum daret*. Et verò ſi, ut ait Chriſtus Joan. 15. v. 13. *maſorem hæc dile-
ctionem nemo habet, ut animam ſuam ponat quis pro amicis ſuis*, quanta eſt Dei
beni-

benignitas atque clementia, ut etiam pro impiis & inimicis redimendis filium suum morti acerbissimæ tradiderit? Unde merito S. Leo Serm. 4. de Nativitate ait: *Diversis modis, multisque mensuris humano generi bonitas divina concessit. ... Sed in novissimis temporibus omnem abundantiam solita benignitatis excessit, quando in Christo ipsa ad peccatores misericordia, ipsa ad errantes veritas, ipsa ad mortuos vita descendit.*

IV. Iustitia Dei in Mysterio Incarnationis jura sua rigorosè vendicat, quæ tam severas de Christo pœnas repetiit in ultionem nostrorum peccatorum pro quibus vadem se constituit. *Verè languores nostros ipse tulit*, ait Isaias c. 53. v. 4. & *dolores nostros ipse portavit. ... Ipse vulneratus est propter iniquitates nostras, attritus est propter scelera nostra.* Et Rom. 3. v. 25. *Quem proposuit Deus propitiationem per fidem in sanguine ipsius, ad ostensionem iustitiæ suæ, propter remissionem præcedentium delictorum.* Miro igitur modo divinæ perfectiones, omnipotentia, sapientia, bonitas, misericordia & iustitia in Mysterio incarnati Verbi emicant ac splendescunt.

Dices: In Incarnatione omnes ferè divinitatis perfectiones obscurantur & obvelantur: quod enumeratione facta comprobari facile posset.

Resp. cum Apostolo 1. Cor. 1. v. 25. *Quod stultum est Dei*, id est, quod nobis mortalibus stultum, abjectum ac Deo indecens videtur, *sapientius esse hominibus; & quod infirmum est Dei, fortius esse hominibus.* Si externa Christi abjectione ac demissione offenditur humana ratio, quantum gloriæ splendorem in eo deprehendit fides! Concipitur quidem in carne, sed de Spiritu sancto, sed ex Virgine. In humili & obscuro loco pannis involvitur; sed præcones habet Angelos clamantes, *Gloria in excelsis Deo; & in terra pax hominibus bonæ voluntatis;* & à Regibus adoratur. Fugit in Ægyptum; sed idola ibi sua præsentia subvertit. Vivit pauper & abjectus; sed stupenda operatur, ac in monte coram Apostolis transfusa in corpus suum divinitatis gloria, se Deum esse manifestè comprobatur. Baptizatur à Joanne; sed de Cælo clamat Pater, *Hic est filius meus dilectus, in quo mihi benè complacui.* Esurit in deserto; sed ministros habet Angelos. Rapitur à militibus; sed eos prius voce prostrat, & auriculam Malcho restituit. Ligari se permittit; sed penes ipsum est rogare Patrem, ut duodecim mittat in sui defensionem legiones Angelorum. Cruci affigitur; sed terra concutitur. Moritur; sed obscuratur sol, sepulchra aperiuntur, mortui reviviscunt. Sepelitur; sed propria virtute resurgit, in Cælum ascendit, Spiritum sanctum ad suos mittit. Atque ita, ut se Deum simul & hominem probet, quasi alternis vicibus & divinitas humanitatem illustrat, & humanitas divinitatem obscurare videtur. Lege Epistolam 137. aliàs 3. S. Aug. ad Volusianum, in qua præcipuè dissolvit momenta quæ adversus Incarnationem sibi propozita fuerant. Ante ipsum Tertullianus Marcioni qui Deo indignum esse causabatur nasci, mori &c. dicebat Lib. 2. c. 27. *Hæc indigna Deo tibi videntur, nobis autem necessaria; & ita jam Deo digna, quia nihil tam Deo dignum, quam salus hominis.*

SECUNDA CONCLUSIO.

Incarnatio maximè conveniens fuit homini , totique Universo.

Probatur ex innumeris beneficiis quæ ex Verbo incarnato ad nos defluerunt, quæ negare nemo potest, nisi cæcus vel ingratus fuerit. Inde quippè

I. Gratia sanctificans per quam filii Dei sumus, *heredes quidem Dei, coheredes autem Christi*, Rom. 8. v. 17. *Si tamen compatiemur, ut & conglorificemur: peccatorum remissio, æternæ gloriæ adeptio &c.*

II. Doctrina cœlestis, quam Verbum, qui est in sinu Patris, nobis enarravit.

III. Liberatio à servitute dæmonis, qui adveniente Christo foras eiectus est.

IV. Virtutum omnium exemplum, maximè humilitatis, quam in remediū innatæ nobis superbiz Christus tam sedulò in toto suæ mortalis vitæ decursu coluit & observavit. *Propter hoc vitium superbia*, ait S. Augustinus in Psalm. 18. Enarratione 2. n. 15. *propter hoc magnum superbiæ peccatum, Deus humilis venit Jam tandem erubescat homo esse superbus, propter quem factus est humilis Deus. Quid superbus homo ? inquit idem sanctus Doctor Tract. 26. in Joan. n. 16. Deus propter te humilis factus est. Puderet te fortasse imitari humilem hominem, saltem imitare humilem Deum Nam quæ superbia sanari potest, ait rursus L. de agone Christiano cap. 11. n. 12. si humilitate filii Dei non sanatur ? Quæ avaritia sanari potest, si paupertate filii Dei non sanatur ? Quæ iracundia sanari potest, si patientia filii Dei non sanatur ?*

V. Naturæ nostræ exaltatio ac sublimatio, quæ ex intima sui cum Verbo conjunctione, ad tam sublime perfectionis ac dignitatis fastigium elevata est, ut quò attollatur altius, non habeat, ait S. Augustinus L. de prædest. SS. cap. 15.

VI. Eiusdem naturæ nostræ depravatæ ac perditæ reparatio per Christum, qui delevit chirographum mortalitatis nostræ. *Iustificati gratis per gratiam ipsius*, ait Apostolus Rom. 3. v. 24. & 25. *per redemptionem, quæ est in Christo Jesu, quem proposuit Deus propitiationem per fidem in sanguine ipsius, ad ostensionem iustitiæ suæ, propter remissionem præcedentium delictorum.*

VII. Facilis & apertus ad Deum accessus per Christum. 1. Joan. 2. v. 1. *Advocatum habemus apud Patrem Jesum Christum iustum : & ipse est propitiatio pro peccatis nostris, non pro nostris autem tantum, sed etiam pro totius mundi.* Et Rom. 8. v. 34. *Jesus Christus, qui mortuus est, imò qui & resurrexit, qui est ad dexteram Dei, qui etiam interpellat pro nobis.* Carnem nostræ similem, iisdemque humanæ vitæ miseriis obnoxiam Verbum assumere voluit, ut hac infirmæ carnis similitudine, majori spe ac confidentia ad Christum accederemus : *Non enim*, ait Apostolus Hebr. 4. v. 15. *habemus Pontificem, qui non possit compati infirmitatibus nostris, tentatum autem per omnia pro similitudine, absque peccato.*

VIII. Denique, bonorum ac malorum temporalium despicientiam nobis exemplo suo Christus commendavit. *Nolite*, agebat S. Augustinus L. de agone Christiano cap. 11. n. 12. *amare temporalia ; quia si bene amarentur,*

am. 3.

amaret ea homo quem suscepit Filius Dei. Nolite timere contumelias, et crucis et mortem; quia si nocerent homini, non ea pateretur homo quem suscepit Filius Dei. Omnia ergo terrena bona contempsit homo factus Dominus Christus, inquit idem sanctus Doctor L. de Catechis. rudibus cap. 22. num. 40. ut contemenda monstraret; et omnia terrena sustinuit mala, quae sustinenda praecepibat, ut neque in illis quaeretur felicitas, neque in istis infelicitas timeretur.

Quantum pariter toti Universodecoris ac ornamenti attulerit Incarnatio, probat Apostolus Ephes. 1. v. 10. ubi ait omnia per Christum instaurata fuisse, *quae in caelo, et quae in terra sunt.* Et Joan. c. 3. v. 16. dicitur: *Sic Deus dilexit mundum, ut unigenitum filium suum daret.*

TERTIA CONCLUSIO.

Congruum magis ac consentaneum fuit Verbum incarnari, quam Patrem aut Spiritum sanctum.

Plures hujusce rei causas ac rationes afferunt SS. Patres.

Prima est, ne appellatio filii ad aliam transiret personam; & quedam in SS. Trinitatem redundaret indecora confusio, si duo filii dicti fuissent, unus aeternus & increatus, alter temporalis in tempore productus. Non Pater, inquit Gennadius de dogmat. Eccles. cap. 2. *carne assumpsit, neque Spiritus sanctus, sed filius tantum: ut qui erat in divinitate Dei filius, ipse fieret in homine hominis filius; ne filii nomen ad alterum transiret, qui non esset aeternae naturae filius.*

Secunda: Cum per Verbum omnia facta sint, atque ipsi per quamdam appropriationem rerum creatio tribuatur, consentaneum fuit hominem per Verbum reformari ac reparari, à quo conditus fuerat. *In hac ineffabili unitate Trinitatis, ait S. Leo Serm. 12. de Passione Domini, cuius in omnibus communia sunt opera....reparationem humani generis propriè filii persona suscepit; ut quoniam ipse est per quem omnia facta sunt, quique plasmatum de limo terrae hominem statu vitae rationalis animavit, idem naturam nostram ab aeternitatis arce defectam, amisse restitueret dignitati, et cuius erat conditor, esset etiam reformator.* In hunc finem laudant SS. Patres istud Apostoli Hebr. 2. v. 10. *Decebat eum propter quem omnia, et per quem omnia, qui multos filios in gloriam adduxerat, auctorem salutis eorum per passionem consummare.*

Tertia ratio hæc est: Verbum est Dei sapientia, ratio subsistens ac personalis; congruum ergo ac consentaneum fuit hominem, qui sapientia Dei formatus fuerat, ac in tantam subinde dementia lapsus est, ut similis factus sit *jumentis insipientibus*, suæ primæ rationi ac sapientiæ per Verbum Dei restitui.

Quarta: Homo ad imaginem Dei factus est, quam peccato misere deformavit: consentaneum igitur fuit priora illa imaginis deformatae lineamenta reparari ab eo qui natura sua est imago Dei invisibilis, ac character substantiæ ejus.

Quinta denique ratio Patri divino propria & singularis, ista est, quia Incarnatio missio quedam est filii. Galat. 4. v. 4. *Ubi venit plenitudo temporis,*

vis, misit Deus filium suum, factum ex muliere, factum sub lege. At Pater à nullo mitti potest, cum nullum sui habeat principium, originem nullam.

QUARTA CONCLUSIO.

Convenienter omnino Mysterium Incarnationis in plenitudine temporis fuit adimpletum.

Multas hujusce dilatare Incarnationis ad temporum plenitudinem rationes proferunt Ecclesie Doctores, tum ex parte Dei, tum ex parte hominis.

I. Ex dignitate Messie. *Non enim*, ait S. Aug. Tract. 31. in Joan. n. 5. *parvum aliquid venturum fuit: diu fuerat predicandus, semper tenendus. Quanto maior Judex veniebat, tanto præconum longior series præcedebat.* Tanti scilicet operis expectatio, longè magis tanti beneficii excellentiam commendare apud homines debuit, ut natiuitas, quæ omnia miracula, omnemque intelligentiæ excessura erat mensuram, tantò constantiorem in nobis gigneret fidem, quanto prædicatio ejus antiquior & uberior præcesserat, ait S. Leo S. rm. 3. de Nativitate cap. 4. *Ipse quippe dilata, ardentius inflammat hominis desiderium.*

II. Ex parte hominis multiplex proferri ratio potest.

Prima, ipsius inveterata malitia & corruptio. Decebat scilicet tunc cœlestem advenire medicum, cum morbus ad summum devenit ac ferè desperatus erat. Ita S. Gregor. Nyss. Oratione de Nativitate Christi, & Theodoretus Serm. 6. de Providentia Dei, ubi adversus Gentiles ostendit consentaneum maxime fuisse Incarnationis Mysterium, ac Christum opportuno tempore venisse. *Quod si fortè inquiritis*, ait, *cur non prius olim hoc præstiterit opifex mundi; medicos etiam accusate, quod acriora remedia in ultimum tempus differunt. Lenioribus siquidem prius usi, potentiora ultimo loco adhibent.*

Secunda ratio est, quam affert S. Augustinus Epistola 102. aliàs 49. ad Deo-gratias qu. 2. n. 14. *tunc voluisse hominibus apparere Christum, & apud eos predicari doctrinam suam, quando sciebat & ubi sciebat esse, qui in eum fuerant credituri*: non quidem propriis ac solis naturæ viribus, ut hinc immeritò arguebant Semipelagiani, sed ex auxilio gratiæ divinæ voluntates hominum ad credendum moventis & inclinantis. Ita S. Aug. L. de Prædest. SS. cap. 9. & L. 2. Retract. cap. 31.

Tertiam rationem reddit idem sanctus Doctor Lib. 83. Quæst. qu. 44. discernendo quædam veluti generis humani ætates: pueritiam, quæ primis mundi exordiis convenit; & juventutem, quæ posteriora continet: vultque decuisse magis ut Christus Magister ac Doctor noster veniret tempore juventutis humani generis. Unde antiquitus sub Lege tanquam sub Pedagogo custoditi sunt parvuli, sub Christo tanquam Magistro ac Doctore informati viri.

Varias illas humani generis ætates seu status varios enumerat idem sanctus Doctor in Expositione quarundam propositionum in Epist. ad Roman. n. 13. *Quatuor*, inquit, *gradus hominis distinguamus; ante Legem, sub Lege, sub gratia, in pace. Ante Legem, sequimur concupiscentiam carnis: sub Lege, trahimur ab ea: sub gratia, nec sequimur eam, nec trahimur ab ea: in pace, nulla est concupiscentia carnis. Ante Legem ergo non pugnamus; quia non solam concupiscentiam & peccamus, sed etiam approbamus peccata: sub Lege pugnamus, sed vincimur; fatemur enim mala esse quæ facimus sed quia*

quia nondum est gratia, superamur. In isto gradu ostenditur nobis quomodo jaceamus: & dum surgere volumus & cadimus, gravius affligimur.

Quartam rationem alii proferunt: nimirum congruum fuisse, ut homo qui per superbiam lapsus fuerat, ac Deo similis esse voluerat, diu erumnis ac miseris sub dæmonis servitute prostratus, suæ propriæ infirmitatis conscientia ac diuturna experientia eruditus, votis ardentioribus Liberatorem exoptaret, ejusque auxiliatricem manum humiliter imploraret. Dei consilio factum est, ait hic S. Thomas qu. 1. art. 5. ut post hominis casum non illico Dei Filius mitteretur. Reliquis enim Deus prius hominem in libertate arbitrii in lege naturali, ut sic vires naturæ suæ cognosceret: ubi cum deficeret, Legem accepit, qua data, invaluit morbus, non Legis, sed naturæ vitio, ut ita cognita sua infirmitate, clamaret ad medicum, & gratiæ quæreretur auxilium. Et Commet. in Epist. ad Galat. cap. 3. Lect. 7. Lex data est, inquit, ad infirmitatem manifestandam. Homines enim (in statu legis naturæ) de duobus presumbebant. 1. quidem de scientia. 2. de potentia. Et idè Deus reliquit homines absque doctrina Legis, tempore legis naturæ, in quo dum in errores incidere, convicta est eorum superbia de defectu scientiæ: sed adhuc restabat præsumptio de potentia. Dicebant enim, non deest qui impleat, sed deest qui subbeat.... Et idè data est Lex quæ cognitionem peccati faceret; quæ tamen auxilium gratiæ non daret ad vitandum peccata, ut sic homo sub Lege constitutus, & vires suas experiretur, & infirmitatem suam recognosceret, inveniens se sine gratia peccatum vitare non posse, & sic avidius quæreretur gratiam.

T. 16. p.
366. ca.
2. C.

In idem recidit quod addunt alii, necesse fuisse hominem lapsum diutius terrore Legis tanquam servum exagitari: spe bonorum temporarium inescari; figuris & umbris Veteris Testamenti prius pasci, quàm amore & charitate filius esset ac diceretur, & bonorum cælestium spe & veritate plenius gauderet.

Aliam rationem addit S. Basilus Homil. in sanctam Christi generationem, nempe non prius advenisse Christum, quia non prius inventa fuit virgo digna quæ mater ipsius fieret, qualis fuit in plenitudine temporis beata Virgo Maria deponata Joseph.

T. 1. p.
598. B.

Hanc porro temporum ac statuum hominis accommodatam distributionem SS. Doctores ab Apostolo mutuati sunt. Paulus enim de statu legis naturæ hæc habet Act. 14. v. 15. In præteritis generationibus dimisit Deus omnes gentes ingredi vias suas. Et Rom. 5. v. 13. Usque ad Legem peccatum erat in mundo: peccatum autem non imputabatur, cum Lex non esset. Ibid. cap. 3. v. 20. Per Legem cognitio peccati. Ibid. c. 7. v. 7. Peccatum non cognovi nisi per Legem: nam concupiscentiam nesciebam, nisi Lex diceret, Non concupisces. Ibid. v. 8. Occasione autem accepta, peccatum per mandatum operatum est in me omnem concupiscentiam; sine Lege enim peccatum mortuum erat &c.

Mortuum cum hic Apostolus dicit peccatum, nec ante Legem imputatum, peccata intelligit, quibus lex positiva, non ea quibus lex naturalis violatur; ista enim vel ipsis aquis diluvii severè punita fuisse novimus.

QUÆSTIO TERTIA.

De existentia Incarnationis, seu utrum Incarnationis Myſterium adimpletum in Chriſto fuerit.

Judæos ac Gentiles æquè inſenſos peccatrix Incarnationis hoſtes debellandos hic habemus: iſtis Incarnatio ſtultitia viſa eſt, illis ſcandalum fuit. Non uſdem tamen ac paribus armis utrique debellandi: Judæi, prophetiarum quas admittunt, exitu ſeu eventu tam noto tamque omnibus probato: Gentiles verò iis omnibus generatim momentis quibus Chriſtiana Religioſis veritas & evidentia ſuaderi ac demonſtrari poteſt.

Tribus Articulis præſentem Quæſtionem abſolvemus.

Primus demonſtrabit adverſus Judæos, Chriſtum Meſſiam jamdiu advenſiſſe, ac impleta eſſe de futuro ipſius adventu Prophetarum teſtimonia.

Secundus, Chriſtum illum eſſe Meſſiam toties in veteri Teſtamento promiſſum ac delineatum.

Tertius, quibus argumentis adverſus Gentiles demonſtrari poſſit veritas Incarnationis Verbi divini,

ARTICULUS PRIMUS.

Utrum contra Judæos demonſtrari poſſit jamdiu advenſiſſe Meſſiam.

Ex oraculis Prophetarum inviſcè demonſtratur jamdiu effluxiſſe tempus in Scripturis definitum, quo futurus Meſſia adventus præſignatur; atque ex hac temporum computatione ita cauſæ ſuæ deſperatæ timent recentiores Judæi, ut jam aſſeverent nullum in Scripturis certum eſſe tempus huic futuro Meſſiæ adventui aperte assignatum, ſed Deum arcanum illud ſibi reſervaviſſe; revelatum quidem futurum aliquando Meſſiæ Regnum, ſed minimè revelatas hujusce adventus cauſas & circumſtantias; quapropter ſub graviffima imprecatione ac poena anathematis prohibent, ne quis adventus Meſſiæ tempus ac periodos computare audeat. *Inſlata*, inquit, *rumpantur oſſa eorum qui periodos temporum computant.* Quàm longius iſti à majoribus ſuis diſſident, qui tam ſedulo tantoque ardore tempus explorabant quo venturus Meſſias expectabatur! Itaque ſic

*In Thal-
mundæ
codice
Sanhe-
drim. c.
11.*

CONCLUSIO.

Inviſcè contra Judæos demonſtratur, jamdiu advenſiſſe promiſſum Meſſiam.

PRIMUM ARGUMENTUM.

Ex oraculo Jacobi Gen. 49.

Jacob Patriarcha, morti proximus, Gen. 49. v. 9. convocatis filiis, annuntians quæ ipſis noviffimis temporibus eventura erant, Judam ſic alloquitur;

pur: *Juda, te laudabunt fratres tui: manus tua in cervicibus inimicorum tuorum.... Non auferetur sceptrum de Juda, & dux de femore ejus, donec veniat qui mittendus est, & ipse erit expectatio gentium.*

Hoc vaticinio tunc venturus promittitur Messias, cum sceptrum seu suprema potestas ex Juda defecerit: atqui jamdiu est ex quo illa defecit in Juda, imò in tota gente Judaica, cum subversa per Tirum Jerosolyma, Judæi extorres, dispersi, errabundi, dura ubique servitute sub alieno imperio, sine duce, sine templo, sine victimis, sine Sacerdote ac sacrificio premantur: quam eorum ruinam ac calamitatem prædixerat ipse Osce Propheta c. 3. v. 4. *Dies multos, ait, sedebunt filii Israel sine lege, & sine principe, & sine sacrificio, & sine altari, & sine ephod, & sine theraphim.*

Circa istud Jacobi oraculum duplex occurrit difficultatis caput à nobis expendendum.

Primum adversus Judæos: an scilicet illius sensus Messiam spectet, & in ipso sit re ipsa impletus.

Alterum cum Christianis Orthodoxis: an & qua ratione Judæorum sceptrum dici possit ad Messiam usque adventum perdurasse. Quidve nomine sceptri denotetur? An regia & monarchica, an suprema cuiuscumque tandem illa sit, regiminis auctoritas? Quid per Judam? An sola hujus nominis Tribus, an gens tota Judaica intelligenda sit?

Primum difficultatis caput expenditur.

C O N C L U S I O.

Vaticinium Jacobi Messiam designat, & in Christo re ipsa fuit adimpletum.

Prima pars Conclusionis.

Probatur 1. ex verbis ipsis Jacobi vaticinantis. *Non auferetur . . . donec veniat qui mittendus est, & ipse erit expectatio gentium:* vel, ut legitur in Hebræo textu, *usquequò veniat Siloh, & erit ei obedientia populorum.* Duo isti characteres, qui mittendus est, aut, venturus est; qui erit expectatio gentium, Messias adeò proprii sunt, ut nemini alteri adaptari possint. 1. In Messia benedicenda sunt omnes nationes terræ. Gen. 18. v. 18. *Omnes gentes servient ei.* Palm. 71. v. 11. *Ipsium gentes deprecabuntur, Isaïa 11. v. 10. Fluent ad eum omnes populi, Michea 4. v. 1. Veniet desideratus cunctis gentibus, Aggei 2. v. 8. Pal. 2. v. 7. Messias seu Filius Dei sic inducitur loquens: Dominus dixit ad me: Filius meus es tu, ego hodie genui te. Postula a me, & dabo tibi gentes hereditatem tuam, & possessionem tuam terminos terræ. Quæ quidem de Christo dicta esse patet Lucæ 1. v. 33. Hic eris magnus, & Filius Altissimi vocabitur; & dabit illi Dominus Deus sedem David patris ejus, & regnabit in domo Jacob in æternum, & Regni ejus non erit finis.*

2. Messias per excellentiam mittendus, aut venturus dicitur in Scripturis, quod ardentius à Patriarchis & Prophetis exoptaretur. Exodi 4. v. 13. *Mitte quem missurus es.* Isaïa 16. v. 1. *Emitte Agnum, Domine, dominatorem terræ.*

D 2

Hinc

Hinc Discipuli Joannis Matt. 11. v. 3. à Christo solliciti sciscitantur. *Tu es quæ venturus es, an alium expectamus?* Denique Hebr. 10. v. 37. *Adhuc modicum, qui venturus est veniet, & non tardabit. Quæ verba ex secundo capite Prophetæ Abacuch deprompta sunt.*

Varia
signifi-
catio
vocis
Silob.

Et verò ex quacunque radice derivetur vox hebræa *Silob*, hinc uni Messia designando tribuitur.

I. enim, si deducatur à verbo quod significat *mittere*, sicut interpretatur S. Joannes c. 9. v. 7. *Vade, lava in natatoria Siloe, quod interpretatur missus;* & sicut reddit Vulgata nostra, *donec veniat qui mittendus est*, appositè omninò Messiam designat, qui, ex mox probatis, mittendus aut venturus per excellentiam dicitur.

II. Si vox *Silob* deducatur à verbo quod significat *pacificum esse*, ut vertit Textus Samaritanus, *Non auferetur sceptrum de Juda, & dux de vexillis eius, donec veniat pacificus, & ad ipsum congregabuntur populi*: quàm aptè Messias denotatur! Ipse siquidem à Prophetis pax & tranquillitas velut proprium insignis tribuitur. Plal. 71. v. 7. *Orietur in diebus eius iustitia & abundantia pacis, donec auferatur Luna.* Isaie 9. v. 6. & 7. *Vocabitur nomen eius Admirabilis, Consiliarius, Deus fortis, Pater futuri sæculi, Princeps pacis. Multiplicabitur ejus imperium, & pacis non erit finis.* Et Michæ 5. ubi Messias apertè describitur, v. 5. dicitur, *Et erit iste pax.* Pacificum istud est ac perenne Messia Regnum, de quo Daniel cap. 7. v. 14. *Potestas eius, potestas æterna, quæ non auferetur; & Regnum ejus, quod non corrumpetur.*

III. Si vox *Silob* reddatur cum septuaginta Interpretibus multisque ex SS. Patribus in hunc modum, *Donec veniant quæ reposita sunt ei*; aut, ut alii vertunt, *Donec veniat cui repositum est*; aut, quod repositum est; aut, *is cuius illud est*, (nempe Regnum) Messias disertè significatur, qui finis est & complementum earum omnium promissionum, quibus Deus futurum spondit, ut in semine Abraham, Isaac & Jacob, omnes cognationes terræ benedicerentur, & Reges de lumbis Jacob egrederentur, sicut disertè exponit Eusebius L. 8. Demonstr. Evang. cap. 1. Vel etiam Messias Christus repositus aut depositus dicitur, quòd nempe in promissis Dei, in Prophetarum vaticiniis, in umbris & figuris veteris Testamenti toties adumbratus, toties promissus, ac quasi depositus fuerit: In Syriaca quoque & Arabica interpretatione Messias designatur, & oraculum sic redditur: *Non deficiet sceptrum de Juda, & expostor de inter pedes ejus, donec veniat is cuius illud est* (nempe Regnum) *& ipsum expectabunt gentes.* Ita versio Syriaca; Arabica verò sic habet: *Non prateribit virga de Juda, & Legislator de sub imperio ejus, donec veniat is cuius ipse est, & ad quem congregabuntur populi.*

p. 366.
& seq.

IV. denique, si vox *Silob* deducatur à verbo quod significat *secundinam*; id est sacculum in quo involutus infans in utero materno includitur; ita ut sensus sit, ut vertit Rabbi Kimchi in Libro Radicum, *Donec veniat secundina*, id est, *filius in secundina contentus*, de Messia quoque oraculum appositè intelligitur, qui per secundinam designatur, ut innuat, Messiam de matre absque patre nasciturum, juxta istud Isaie 7. v. 14. *Ecco Virgo concipiet, & pariet filium; quem textum immeritò Judzi*
dector-

detorquere conantur, dum legunt, *Ecce puella concipiet*. Namque rem stupendam ac prorsus singularem proponit Isaias: *Propter hoc*, inquit, *dabit Dominus vobis signum. Ecce virgo concipiet*. Nihil porro stupendum, nihil singulare, si puella viro juncta concipiat, & pariat filium.

Non hic definimus quænam ex istis interpretatio ad primigenium textum magis accedat, magisque idonea videatur, quem nodum Criticis, hebraicæ peritis solvendum relinquimus. Legatur Illustris. Huetius Lib. Demonstrationis Evangelicæ Propositione 9. n. 11. pag. 414. & seq. Nobis ostendisse sufficiat, quacumque supposita interpretatione, Jacobi oraculum ad Messiam venturum referri.

Probatur 2. suffragiis veterum Judæorum, quos immeritò recentiores hac in parte deserunt. Nomine scilicet *Siloh*, Messiam denotari asserunt Chaldæi Paraphrastæ, nempe Thargum Onkelosi, Hierosolymitanum, & Jonathanis. Thargum Onkelosi sic habet: *Non auferetur habens principatum à domo Judæ, neque Scriba à filiis filiorum ejus, donec veniat Messias, cuius est Regnum, & ei obediunt populi*. Thalmud Babylonicum Tractatu Sanhedrin cap. 11. *Quodnam*, inquit, *nomen Messia à Siloh nomen ejus; quia dicitur, Donec veniat Siloh*. Superfluum foret plurimorum aliorum testimonia hic proferre, quorum auctoritatem rejicerent Judæi recentiores.

Secunda pars Conclusionis.

Probatur 1. quia in eo completum fuit vaticinium Jacobi, cui aptissime conveniunt omnes illius partes, & de quo prænuntiatae illas fuisse exitus ipse seu eventus comprobavit: atqui omnes vaticinii Jacobi partes Christo aptissime conveniunt, & de ipso pronuntiatae fuisse exitus seu eventus comprobavit; ergo &c.

I. Verba ista Jacobi, *Juda, te laudabunt fratres tui: manus tua in cervicibus inimicorum tuorum; adorabunt te filii patris tui*; verba, inquam, illa quæ historicè de Juda dicta sunt, prophético spiritu Christum adumbrabant, & in ipso impleta fuere; tum cum laudatus est, & quotidie laudatur à Christianis, quos loco fratrum se habere Christus ipse declarat Matth. 12. v. 50. cum ipsi datum est nomen quod est supra omne nomen; tum cum supremus adorationis cultus ipsi exhibitus fuit, juxta istud Psalm. 71. v. 11. *Et adorabunt eum omnes Reges terræ, omnes gentes servient ei*: quod revera in Christo impletum legimus, cum à Magis seu Regibus etiam in cunis adoratus fuit; & quotidie fit, cum in nomine Jesu omne genu flectitur, caelestium, terrestrium & infernorum; & omnis lingua confitetur, quod Dominus Jesus Christus sit in gloria Patris. *Phil. 2. v. 10.* Tum denique, quia cervicibus inimicorum vel cedit, vel sub jugum mittit, sicut de ipso dixerat David Psalm. 109. v. 1. *Dixit Dominus Domino meo; Sede à dextris meis, donec ponam inimicos tuos scabellum pedum tuorum*; quod impletum in Christo fuit Joan. 12. v. 31. *Nunc iudicium est mundi, nunc princeps huius mundi elicietur foras*. Et Coloss. 2. v. 15. *Expoliasti principatus & potestates, traduxit confidenter, palam triumphans illos in semetipso*.

II. Verba ista Prophetiæ, *Catulus leonis Juda: ad prædā, fili mi; Tournely de Incarnatione.*

ascendisti, requiescens accubuisti ut leo, & quasi leona, quis suscitabit eum? Verba, inquam, ista, quibus potentia Judæ comparatione leonis commendatur, aptissime congruunt Christo, de quo dicitur Apocal. 5. v. 5. *Vicit leo de Tribu Juda*. Ista scilicet comparatione significatur & Christi Jesu summa potestas, & regium ejus genus. *Ascendit ad prædam* Christus, cum ex orei faucibus ac demonum tyranni de humanum genus eripuit. *Requiescens accubuit*, quando mortuus in sepulchro per dies tres corpus ejus repositum fuit; & *quasi leona, quis suscitabit eum?* quasi diceret, Non alterius quam sua & Patris potestate potuit ad vitam revocari. Id sibi volebat Christus, cum Joan. 2. v. 19. dicebat: *Solvite templum hoc, & in tribus diebus excitabo illud* *Ille autem dicebat de templo corporis sui*. Unde Act. 2. v. 24. Petrus ait: *Quem Deus suscitavit solutis doloribus inferni, juxta quod impossibile erat teneri illum ab eo*.

III. Verba hæc: *Ligans ad vineam pullum suum, & ad vitem, o fili mi, asinam suam*. *Lavabit in vino stolam suam, & in sanguine vovæ pallium suum*. *Pulchriores sunt oculi ejus vino, & dentes ejus lacte candidiores*; verba, inquam, illa metaphorica & figurata Christum adumbrant, & in ipso complementum habuere: tum quia seipsum *vitem* appellat, Joan. 15. v. 1. tum quia asina invecus, juxta Zachariæ vaticinium, Hierosolymam ingressus est: tum quia in vino seu sanguine, cum in ara crucis pendebat, totum corpus suum lavit: tum denique, quia *speciosus fuit forma præ filiis hominum*, ut ait David Psalm. 44. v. 3. quod quidem non de oris venustate, sed de virtutibus ac donis animi intelligendum est.

IV. denique, ista verba, *Qui mittendus est, & erit expectatio gentium*, de Christo dicta esse, demonstrant quæ paulò antè laudata fuere Scripturæ testimonia.

Secunda pro-
batio.

Probatur 2. Quia eo ipso tempore impleri debet, ac revera impletum est, Christo adveniente, Jacobi vaticinium, quo constat Regnum seu Sceptrum de Juda sublatum, ad externum seu alienigenam à Romanis transmissum fuisse, ac totam Judæorum gentem, non amplius sui juris, sed Romanis tributariam fuisse, vitæ ac necis seu gladii jus amisisse, ac nonnisi precariò facultatem ipsi derelictam suis vivendi legibus, atqui quo tempore Christus verus Messias mundo illuxit, Sceptum seu Regnum de Juda sublatum fuerat, & ad Herodem alienigenam à Romanis transmissum; gens tota Judaica sui juris amplius non erat, sed Romanis per Pompejum subacta tributa pendebat, nec jus gladii seu vitæ ac necis amplius retinuit: fatentur enim ipsimet Judæi, tempore Passionis Christi, sibi non licere quemquam interficere. Denique, nonnisi precariò facultatem obtinuit suis ritibus ac legibus Religionem suam exercere; ergo hoc ipso tempore venire debuit, ac re ipsa venit Christus, & Jacobi vaticinium impletum est.

Major hujus argumenti propositio certissima est: certius etenim ac evidentius adventus Messias signum & argumentum, juxta vaticinium Jacobi, dari non potest, quam defectio sceptri de Juda, & ad alienigenam transmissio. Est enim fatendum sit, non unico ictu nec statim totam collapsam esse Judæorum Rempublicam, sed quasi per gradus concussam ad plenam suam ruinam pervenisse, ita ut sub Pompejo primus quasi fuerit, Regni, libertatis ac Religionis violatæ gradus, quando, ait Euseb. L. 1. Hist. c. 6. *Hierosolymam armis*
expu-

expugnauit, & ad intimum usque sacrarium progressus, Templum polluit; constituto à Romanis Rege Judæorum Herode alienigena: tùm in deterius adhuc versa est calamitas, & alter quasi gradus ad ruinam accessit, cùm Archelao Viennam relegato, Judæa in formulam Provinciæ redacta, Romanis tributum solvere coacta fuit: tùm denique consummata Judaici Regni ruina, ac plenum excidium fuit, cùm à Tito Urbs expugnata & solo æquata; Templum exustum, gens omnis dispersa errabunda vagatur. Etsi, inquam, intra istas labafcentis & ad ruinam ultimam corruentis Judæorum Reipublicæ periodos, figi debeat Messiz aduentus; in ea tamen potissimum figendus temporis circumstantia, qua constat sceptrum à Romanis de Juda ablatum Herodi externo seu alienigenæ jure fiduciario concessum fuisse; videtur enim hic proprius ac singularis character Prophetiæ Jacobi, *Non auferetur sceptrum de Juda, donec veniat &c.* Sola itaque minor propositio demonstranda, nempe Herodem alienigenam fuisse, non Judæum.

Herodes alienigena.

Probatur unanimi ferè SS. Patrum & Scriptorum Ecclesiasticorum consensione, quorum testimonia ad tres quasi classes revocari possunt: alii enim affirmant Herodem Ascalonitam fuisse; alii Idumæum; alii simpliciter alienigenam seu externum vocant.

S. Justinus Dial. cum Tryphone Judæo, refert ex Judæis ipsis Herodem Ascalonitam fuisse, Herodem, inquit, *Ascalonitam fuisse dicitis.*

Origenes Hom. 17. in Gen. Constat, inquit, usque ad *natiuitatem Christi non defecisse Principes ex genere Judæ . . . usque ad Herodem Regem, qui secundum Historiæ fidem quam Iosephus scribit, alienigena fuisse, & per ambitionem in Regnum Judæcum dicitur irrepisse.*

Eusebius Lib. 1. Hist. c. 6. ex Iosepho & Julio Africanò hæc habet: *Per idem tempus cùm Herodes primus ex alienigenis Judæicæ gentis Regnum obtineret, completæ esse videbatur Mosis prædictio, quæ sic habet: Non deficiet Princeps ex Judæ, &c. . . Quippe sine effectu semper pendeat prædictio, quædam sub domesticis Principibus Judæis agere licebat; qui quidem à Mose initio ducto usque ad Augusti tempora permanserunt; cuius Principatu primus ex alienigenis Herodes Regnum Judææ adeptus est, cùm, ut à Iosepho quidem traditum est, paterno genero Idumæus, Arabs materno esset. Ut autem scribit Africanus, non ignobilis & ipse Scriptor, qui de illo accuratius scripserunt, Antipatri filium fuisse tradunt. Huic verò Herodem quemdam Ascalonitam, unum ex numero servorum Templi Apollinis, quod Ascalone est, patrem fuisse. Antipater cùm admodum puer à latronibus Idumæis captus fuisset, cùm iisdem diutius vixit, eo quod pater pro redemptione ipsius pretium solvere præ inopia non valeret. Moribus igitur institutisque eorum innutritus, tandem in notitiam Hyrcani Judæorum Sacerdotis amicitiamque peruenit. Huius filius fuit Herodes in qui Seruatoris nostri temporibus vixit. Itaque cùm Judæorum Regnum ad hunc Herodem devenisset; erat iam quodammodo pro foribus gentium expectatio, prout à Prophetis prædictum fuerat: Deinde ostendit Eusebius, jam inde ab ipso Moyse non defecisse apud Judæos per continuam successi-*

nigenam, qui à Senatu & Augusto Regnum accepit: quo adhuc regnante ;
 P.19.D. Christus verus Messias ac Servator noster tandiu expectatus ac desideratus ,
 mundo illuxit. *Ex quo tempore*, pergit Eusebius, *cum Principes & Duces*
ex Juda, id est, ex Judæorum gente defecissent, successio summus Sacerdotii ,
quod per generis continuam seriem proximo cuique hætenus constantissimè de-
latum fuerat, consequenter turbæ cœpta est. Huius rei locupletissimum testem
habes Josephum, qui Herodem scribit, postquam Rex Judææ à Romanis consti-
tutus est, non amplius ex antiqua Pontificum stirpe summos Sacerdotes crea-
visse, sed ignobilibus & obscuris quibusdam hominibus honorem illum contu-
lissee. Eadem in designandis Sacerdotibus observasse ait Archelaum Herodis fi-
 lium, ac deinde Romanos, qui post illum Judææ Imperium occuparunt. Idem
 ipse Josephus tradit primum omnium Herodem sacram Sacerdotis vestem sub pri-
 vato sigillo tenuisse conclusam, nec deinceps Sacerdotibus permisisse ut illam
 penes se haberent: idemque ab Archelao ejus successore, & à Romanis postea
 factum fuisse. Lege & caput septimum L. 1. Hist. Euseb. ubi verba ipsa
 Africani in Epistola ad Aristidem describit.

Hæc tamen prolixiora, ex Eusebio referenda nobis erant, quibus
 mirè confirmantur quæ de vaticinio Jacobi, ejusque in Christo eventu
 ac complemento hætenus diximus, & dicturi deinde sumus.

Josephus equidem ab Africano in eo dissentit, quòd L. 14. Antiquit.
 c. 11. velit Herodis patrem virum nobilem ac pecuniosum fuisse, quem
 Africanus pauperem & ignobilem appellat: quamquam nec Josephus ipse
 sibi constare satis videtur, qui L. 14. Antiquit. c. 28. ait Herodem Antipa-
 tri filium plebejo & obscuro genere natum fuisse, quem tamen L. 1. de
 bello Judaico c. 7. nobilitate ac opibus gentis suæ Idumææ Principem
 fuisse scribit. Verùm quæcumque tandem fuerit Herodis patria, quæ for-
 tuna, certum est illum verè alienigenam fuisse, qui nec fuit à Tribu Ju-
 da, nec è tota gente Judaica ab Abrahamo per Isaac & Jacob propa-
 gata: fuerit ergo Ascalonita, hoc est Philistæus in genere Chanaan, aut
 Idumæus ex familia Elæi fratris Jacob, (duo enim illi fratres duas
 gentes condidere) perinde est; ac semper istud firmum ac verum stat,
 illum alienigenam fuisse. Ita testantur

Antigonus è familia Asamonzorum, qui de Regno cum Herode conten-
 dit, apud Josephum L. 14. Antiq. c. 27. Herodem vocat *hominem privatum*
& Idumæum, hoc est Semijudæum; quia nempe cùm genere Idumæus foret,
 Judaicæ tamen Religioni immixtus fuerat.

P. 374. Julius Africanus apud Eusebium loco jam citato L. 1. Hist. c. 6. Eusebius
 ipse L. 8. Demonstr. Evang. Herodem *alienigenam* appellat.

1329. S. Ambrosius L. 3. in Lucam n. 41. Africani Historiam describit.

1330. Hegefippus junior L. 1. Hist. c. 14. *alienigenam* fuisse affirmat.

1331. S. Epiphanius hæresi vigesima quæ est Herodianorum, ait & *Idumæum*
 illum dici posse, & *Ascalonitam*, quòd nempe ex avo Ascalonita oriun-
 dus in Idumæa natus fuerit.

1337. Sanctus Hieronimus in caput tertium Olee, Herodem *alienigenam* ge-
 neratim appellat, ut & in cap. 22. S. Matth.

1338. Theodoretus q. 110. in Gen. eundem *alienigenam* statuit: Dial. autem
 primo, patre quidem Ascalonitam, matre verò Idumæum.

Sanctus

Sanctus Augustinus Lib. 12. contra Faustum c. 42. *Sunt, inquit, littere Ta. 8. certissime Historie ipsorum quoque Judæorum, quibus ostenditur primum alienigenam Herodem Regem fuisse in gente Judæorum, quo tempore Christus natus est.* P. 147. B.

Photius codice 238. *Herodis huius, inquit, qui primus externorum Judæis imperavit, pater fuit Idumæus natione.... Cogitaverat verò fratri uxoris sue filio filie Hircani, si quomodo posset Regnum tradere; diffidebat enim omnibus modis sibi externo id posse contingere.* P. 970. n. 1. P. 971. n. 40.

Denique, ut alios innumeros fileamus, Eutychijs Patriarcha Alexandrinus qui nono floruit Ecclesiæ sæculo, in Annalibus quos arabica lingua scripsit, & latine redditus sunt à D. Pocock Professore Oxoniensi ann. 1658. idem de Herode Afcalonita confirmat. Regnum igitur Judæorum in Herode alienigena primum defecit; atque ex illo temporis puncto Judæorum res in deterius semper abire, donec sexaginta ferè post annis sub Vespasiano & Tito ejus filio, ultimam cladem ac ruinam universa Judaica natio passa fuit, eversa & solo æquata Hierosolyma.

Ab ista communi sententia recedunt post Strabonem Josephus Scaliger in suis ad Eusebii Chronicon Animadversionibus, Calaubonus Exercitatione prima ad Apparatum Annalium Baronii, Torniellus ad annum mundi 4018. num. 6. & seq. Henricus Valeſius Annotationibus in caput sextum Lib. 1. Hist. Eusebii, Huetius Demonstr. Ev. Prop. 9. n. 4. qui omnes existimant Herodem non fuisse, nec dici posse alienigenam.

Momenta quibus inniuntur, ista sunt.

Primum ex Josepho proponit Scaliger, quia licet Herodes Idumæus fuerit, pro vero tamen Judæo haberi debet. Ex quo enim Idumæa à Joanne Hircano subacta est, annis ante Christum natum 90. Idumæi omnibus Judaicis Religionis ritibus, etiam Circumcisioni, subjecti fuere, iidemque cum Judæis privilegijs donati, velut eorum contribules habiti fuere; unde & communi vocabulo Judæi appellati sunt, teste Josepho Lib. 13. Orig. c. 17.

Momenta quibus nonnulli probant Herodem alienigenam non fuisse. Primum momentum. Refellitur.

Verum levioris momenti videtur momentum illud, ex quo hoc unum haberi potest; Herodem Judæum fuisse Religionem, non sanguinem, non genere: genus autem Herodis hic quaerimus, non Religionem. Ilum Afcalonitam fuisse tradunt ex Veteribus nonnulli: potuit etiam Idumæus appellari, non quidem nativitate, sed habitatione, quia in Idumæa diu commoratus est. Sed estò genere Idumæus fuerit, an propterea verè ac propriè Judæus? non puto. Idumæi quippe non ex Jacob orti sunt, sed ex Esau, qui etſi fratres essent, attamen duarum diversarum Nationum auctores ac parentes existerent: unde David Idumæos alienigenas appellat Psal. 107. v. 10. *In Idumæam, ait, extendam calceamentum meum, mihi alienigenæ amici facti sunt.* Et verò verus Judæus tum paterno, tum materno genere talis esse debet: mater autem Herodis, nomine Cypros, Arabs erat, adeoque Gentilis. Confirmatur ex factis quod refertur in Mishna Judæorum, hoc est in Collectione Juris civilis & canonici Judæorum, cap. 7. scilicet, cum Rex Agrippa junior inter legendam publicè Scripturam, incidisset in istam legem Deuteronomii 17. v. 15. *Non poteris constituere super te virum extraneum, qui non sit frater tuus;* statim obortis lachrymis significavit

cavit hanc sibi conditionem deesse, qui patrem haberet magnum Agrippam ex Berenice filia Costobaris Idumæi: adeo Judæorum animis altius infixum istud hærebat, verum Judæum ex patre ac matre Judæa ortum esse debere.

Quod in confirmationem addit Casaubonus, alienigenas post acceptam Circumcisionem tam verè Judæos fuisse, quàm Gentiles & Pagani post acceptum Christi Baptismum veri sint Christiani, parum urget.

Dispar profectio ratio est; quia Judæi nascebantur, Christiani autem fiunt, non nascuntur; inter quos nulla habetur ratio diversæ originis. *Non est Judæus*, ait Apostolus Galat. 3. v. 26. *neque Græcus; non est servus, neque liber; non est masculus, neque femina. Omnes verò unum esis in Christo.*

Secundū
mōmētū.

Secundum momentum objicit Torniellus, nempe Herodem à multis inter Judæos pro Messia habitum fuisse, unde nata Herodianorum secta: verisimile porro non est, tam absonam opinionem in eorum mentem devenire potuisse, si exploratum ipsis fuisset Herodem alienigenam esse, non verum Judæum, qualem futurum esse Messiam Prophetæ omnes prænuntiaverant; & ipsimet expectabant Judæi.

Præterea, inquit Torniellus, si Herodes fuisset Idumæus, nihil intentatum reliquisset ut Judæos ad gentis suæ ritum pertraheret, quod tamen nusquam tentavit: imò summo zelo ac studio Judæorum Religionem vendicavit, ut narrat ipsemet Josephus.

Refellitur.

At momentum istud plūs momenti ac ponderis non habet. Observat S. Epiphanius hæresi 20. tam crassum errorem ab hominibus inertibus & simulatoribus, in gratiam Herodis adulationis animo confectum fuisse. An non extitere postmodum, qui Simonem magum, ac Dosithæum, utrumque Samaritanum, pro Christo habuerint? An non Josephus ipse Sacerdos è regia Assaronum familia oriundus, & eruditione insignis, Jacobi vaticinium per crassam adulationem ad Vespasianum detorsit? Hoc saltem unum contra Judæos ipsos hinc habemus, inolevisse circa tempus Herodis sententiam, tunc Messiam nasciturum esse, sicut reipsa natus est. Vide S. Epiphanium hæresi 20.

Neque mirum Torniello videri debuit, quod Herodes, tametsi Idumæus, Judaicam Religionem tam studiosè coluerit, cum & ipse circumciscus foret, & Religione Judæus: quamquam ut homo erat vasa ferimus, unicè fortunæ suæ intentus, Judaicam Religionem coluit & observavit, quantum rebus suis expedire intellexit; violatam enim ab ipso sapius & conculcatam novimus ex Josepho.

Tertiū
mōmētū.

Tertium momentum petitur ex auctoritate tum Nicolai Damasceni, qui, Josepho teste Lib. 14. Antiq. cap. 2: declarat, *Herodem genus duxisse à primoribus Judæorum, qui in Judæam venerant è Babylonia.* Tum ipsiusmet Josephi L. 20. Antiq. cap. 6. ubi referens contentionem ortant Casareæ Syros inter & Judæos, ait: *Apud Casarem inter Judæos habitatores & Syros de pari jure civitatis rixa exorta est. Nam Judæi potiore conditione volebant esse, quod Urbis huius conditor Herodes Rex fuerit Judæus genere: id Syri non insciebantur quidem, sed aiebant Urbem Turrim Stratonis distam à principio, quo tempore nullus Judæorum ibi habitaverat.* Eò loci Herodes Judæus genere appellatur, non refragantibus nec contradicentibus Syris. Et Lib. 15. cap. 14. idem Josephus concionem refert Herodis ad proceres Judæos, quos

quos viros contribules compellat. Denique L. 14. cap. 14. scribit Antipatrum Herodis patrē, cū in Ægyptum ad Cæsarem venisset, faciliè Judæos ibi commorantes sibi conciliasse, ac in Cæsaris partes nullo negotio adduxisse, *quod nempe ex eadem gente esset.*

Facilis est ad tertium illud momentum responsio.

I. Audiri hic non debet Nicolaus Damascenus, tametsi auctor coartaneus: fatetur enim ipsemet Josephus L. 14. Antiq. cap. 11. eum ex adulatione; ut filii Herodis gratiam sibi conciliaret, nobile ac illustre inter Judæos ex captivitate reduces ipsi genus affinxisse. Imò eò turpissimæ adulationis devenit, ut quæ in Herodis vita horrenda maximè sunt ac pudenda, vel dissimulaverit, vel etiam excusaverit.

Refel-
litur.

II. Josephus factum narrat: an approbet, incertum. Judæi quidem, Syris non refragantibus, dixerē Herodem genere Judæum esse, ut inde jus civitatis contra Syros sibi assererent; at quid inde? Hoc unum dixisse Judæos, proprio rerum suarum studio. Quamquam etsi Josephus Herodem genere Judæum appellasset, facile foret mentem illius ac sensum assequi: Judæum appellavit Herodem, quod vel in Judæa natus fuisset & octavo die circumciscus, atque ita universæ Legis Mosaicæ debitor factus; vel saltem a primis adultæ ætatis annis Judæorum Religioni nomen dederit, ac profelytus factus Judæis aggregatus fuerit. Ita S. Paulus Act. 22. v. 3. ait se in Tarso Ciliciæ natum; & v. 28. se Romanum civem natum: non quod re ipsa in Tarso natus sit, & genere Romanus; natus quippe est in Oppido Judææ nomine Gischalis, ut docet S. Hieron. in Catalogo Script. Eccl. & Rom. 11. v. 1. de seipso Paulus ait, *Ego Israelita sum ex semine Abraham, de Tribu Benjamin;* sed idcirco se in Tarso natum ac civem Romanum dicit, quod capto à Romanis Oppido Gischalis, simul cum parentibus suis infans Tarsum Ciliciæ commigraverit, adeoque quasi ibidem natus omnibus juri- bus ac privilegiis civis Romani huic civitati concessis gaudere debuerit. Inde mirum non est, quod Herodes ipse, ut Judæos demereretur, viros contribules appellet, quandoquidem jam diu aggregatus illis fuisset ejusdem Religionis professione. Josephus itaque Herodem genere Judæum appellavit, latiori quodam & improprio sensu, non stricto ac proprio. Utenim observat antiquus Grammaticus Ammonius, *Judæi & Idumæi differunt: Judæi quippe vocantur, qui tales ab initio procreati sunt; Idumæi verò origine non sunt Judæi, sed Phœniciæ ac Syri. Vici autem à Judæis & ad circumcissionem compulsi, & eidem regno contributi eademque Sacra amplexi, Judæi quoque cognominati sunt.* Quod quidem diligenter observari debet, ut qua ratione Judæi dicantur, aut ab iis secernantur apud Veteres, clariùs innotescat.

Ultimum denique momentum ex Strabone petitur, qui L. 16. Geographiæ Herodem vocat *virum indigēham*; ergo non erat alienigena.

Quar-
tū mo-
mentū.
Refel-
litur.

Resp. Herodes *indigena* fuit, hoc est, ex eadem Republica, cujus Rex erat, & iisdem regionibus, quibus imperabat, oriundus, concedo: hoc est, ex Jacob sanguine procreatus, nego. Caterum Strabo in origine Herodis referenda decipi potuit, sicut manifestè deceptus est, cū scribit Herodem ad summum Pontificatum evectum fuisse: certum quippe est Herodem nusquam Pontificatum gessisse.

SOLVUNTUR OBJECTIONES

Quibus Judæi oraculum Jacobi aliò detorquere, ac eludere conantur.

Duo hic generatim contendunt Judæi: primum, Jacobi vaticinium ad Messiam non pertinere: alterum, in Christo impletum illud non fuisse.

Obijcies itaque 1. Vaticinium Jacobi referri debet ad Urbem Siloh sitam in Tribu Ephraim, in qua ductæ sunt fortes pro divisione terræ promissionis, Josue 18. in qua mansit Arca usque ad tempora Samuelis, 1. Regum 4. Ista verò Jacobi verba, *non auferetur sceptrum de Juda*, intelligi volunt de fortuna Tribus Judæ, quæ in melius commutanda est accessione sceptri, seu regni, quando deficiet Siloh: ita ut totius oraculi sensus iste sit, Dignitas Tribus Judæ ac præstantia in regium dominatum mutabitur, quando Urbs Siloh Arcæ sedes esse desinet; seu, ut alii dicunt, Cum Siloh devastabitur, accedet sceptrum ad Tribum Juda: quod quidem impletum esse asserunt, cum Arca à Philistæis reducta est; tunc enim deferuit Deus Siloh & Tribum Ephraim, Tribum verò Juda elegit, ut dicitur Pl. 77. v. 67. & 68. & Davidem Regem constituit.

Resp. absurdam per sese ac planè fictitiam esse interpretationem istam, quæ nec verbis Jacobi, nec historię veritati congruit. 1. Jacob sceptri finem prænuntiat, *Non deficiet sceptrum*; adducta verò expositio initium figit, *Non accedet sceptrum, donec &c.* quæ duo è diametro pugnant. 2. Jacob ait sceptrum auferendum non esse, ulque quò venerit Siloh, quod apertè innuit antea nondum venisse Siloh: at expositio adducta vult tunc Judam scepro positurum, cum desinet Siloh esse Arcæ sedes, quo significatur, jam venisse Siloh. Quomodo hæc cohærent? 3. Falsum est Davidem ad regnum accessisse, cum Arca de Siloh sublata est: namque Saul Davidis decessor tunc nondum fuerat Rex constitutus. 4. denique, quomodo de Urbedici potest, *Veniet, Erit expectatio gentium*? Neque etiam in Davidem cadere ista possunt, de quonem minima quidem in laudato vaticinio mentio fit, quique nusquam à gentibus expectatus dicitur.

Obijcies 2. Per Siloh Urbs hujus nominis intelligitur, non quidem ut ad Davidem, sed ad Saulem & Jeroboamum pertinet, qui ea in Urbe Reges uncti sunt; ita ut oraculi sensus iste sit, Non auferetur sceptrum de Juda, usque quò veniant Saul & Jeroboam in Siloh, ubi ungantur & consecrentur in Reges. In illis enim verè defecit sceptrum de Juda: Jeroboam enim Ephraizæus erat, 3. Reg. 11. v. 26. Saul verò de Tribu Benjamin, 1. Reg. 9. v. 1.

Resp. hæc tam absurda esse, ut serio refelli non mereantur. 1. Quia veritati Historię repugnant: tum quia Arca in qua unctio servabatur, in Siloh non erat, quando unctus est Saul, sed in Cariathiarim in domo Abinadab, 1. Reg. 7. v. 1. & quando unctus est Jeroboam, Arca erat Hierosolymis, quò translata fuerat à Davide de domo Abinadab, 2. Reg. 6. Tum quia nec Saul nec Jeroboam uncti sunt in Siloh, sed Saul in Ramatha, 1. Reg. 10. & Jeroboam in Urbem Sichem, 3. Reg. 12. 2. Quia nec in Saule, nec in Jeroboam defecit sceptrum de Juda: non in Saule, quia nondum ad Tribum

bum Juda sceptrum devenerat, quod in Davide primum incipit; imò nondum erat regnum constitutum in certa aliqua Tribu: quomodo igitur defecisset, quod nondum inciperat? Quin potius regnante Saule, primò translatum regnum fuit ad Judam in Davide: in illo igitur non defuit, in quo primum incipit. Neque etiam defecit in Jeroboamo: etsi enim decem Tribubus à Regno Judæ distractis imperaverit, ac divisum Israelis Regnum tenuerit, stetit tamen semper incolume Judæ Regnum; & qui supra Judam regnabant præcipui habebantur, tùm quòd Reges insisterentur per unctio- nem quæ in Templo aservabatur; tùm quòd in regia Urbe Jerusalem sedem haberent. 3. denique, nec Sauli, nec Jeroboamo adaptari possunt verba ista, *Erit expectatio gentium.*

Objicies 3. Jacobi vaticinium intelligi meritò potest vel de Nabuchodonosore Rege Babylonis, qui mittendus dicitur tanquam Dei flagellum ad puniendam peccata populi, ut dicitur Jeremiæ 25. v. 9. & Ezechielis 26. v. 7. quippe populum captivum abduxit, Urbem ac Templum evertit, 4. Reg. 25. vel de Cyro Rege Persarum, qui à Gentibus expectandus dicitur, id est à Judæis, quòd eos à servitute liberaturus esset, ac Templi ædificandi potesta- tem collaturus. Hinc Isaias cap. 45. vocat illum Christum, *Hæc dicit Dominus, inquit, Christo meo Cyro, cuius apprehendi dexteram, ut subjiciam ante faciem eius Gentes &c.*

Resp. negoant. Ac 1. ridiculè admodum Nabuchodonosori oraculum Jacobi aptatur, tùm quia ille nedum Gentium expectatio dici potest, sed execratio potius: tùm quia Jacob in ea benedictione faustum aliquid appre- catur, nempe Messie Liberatoris adventum; Nabuchodonosor verò gra- vissimo servitutis iugo Judæos oppressit: tùm denique, quia ipso etiam ca- pivitatis tempore sceptri auctoritas penitus in Juda extincta non fuit; ex licentia quippe Regis, Judæi juxta leges suas vixerunt Babylone, Ducem ac Principem captivitatis habuerunt. Quin & Evilmerodach Nabuchodonosoris filius ac successor, regium titulum, decus & ornamenta Joachim Regi Juda concessit, 4. Reg. 25. v. 27. 2. Nec de Cyro potest intelligi vaticinium: omnes enim ejus partes supra enumeratæ cadere in ipsum non possunt. Non- nulla quidem Isaias de Cyro, quem ab unctiōe Christum vocat, tanquam populi liberatore dixit; sed accommodari ipsi non possunt quæcumque ibi- dem de vero Messia prænuntiat Isaias: ista v.g. *Rorate cali desuper, & nu- bes pluant iustum: aperiat̃ur terra & germinet saluatorem. Tantum int̃est Deus, lib. v. 15. & non est absque te Deus. Perè tu es Deus absconditus, Deus Israel saluator:* quæ certè omnia nemo sanus Cyro accommodaverit.

Tres hæc enī adductæ oraculi Jacobi interpretationes eò tendunt, ut di- ctum oraculum ad alium, quàm ad Messiam detorqueant: quæ verò sequun- tur, negant oraculum illud in Christo adimpletum fuisse.

Objicies 4. Per vocem *Schebet*, intelligi non debet cum Latino interpre- te, sceptrum, seu regia & suprema potestas, sed virga doloris & afflictio- nis, qua populus Judaicus premendus est, donec veniat Messias liberator: ita ut prophetiæ sensus iste sit, Non auferetur, seu non recedet virga doloris & afflictionis à populo Judaico, donec venerit Messias. Inde colligitur Ju- dæi, nondum suum advenisse Messiam, quia dura servitute qua premuntur ipsos liberet.

Resp.

Resp. nego ant. Tùm quia vox hebræa *Schebet*, virgam doloris & afflictionis nusquam significat, nisi adjunctum aliquid habeat, quo significatio ista figurat ac determinetur. Ita v. g. cùm Psal. 2. v. 9. dicitur, *Reges eos in virga ferrea*; & Isaïa 10. v. 5. *Va Assur, virga furoris mei & baculus ipse est*; virga dolorem, afflictionem ac pœnam significat: in aliis verò locis ubi simpliciter & sine addito legitur, imperium denotat, cujus virga seu sceptrum symbolum est. Hoc sensu usurpatur Esther 4. v. 11. & c. 5. v. 2. Psal. 44. v. 7. & Gen. 49. v. 10. quò in posteriori loco tantùm abest ut significatio virgæ per aliquid determinetur ad significandam afflictionem, quinè contra verba ista sequentia, *Et dux de femore eius*, regnum aperte indicant. Tùm quia veritati Historiæ adversatur hæc interpretatio: siquidem à Davide usque ad Sedeciam, per annos serè 500. Tribus Juda florentissima fuit ac sceptrum obtinuit, Judæique mitissimis & æquissimis Regibus sapè paruerunt: post Sedeciam verò ac reditum ex captivitate, Ducibus ex propria gente sua usque ad Herodem alienigenam subditi fuere. Falsò igitur supponit Objectio, Judæos duro & impotenti dominatu oppressos fuisse usque ad Messiam.

Obijcies 3. Particula ista, *donec veniat*, in vaticinio Jacobi, sic reddi debet, *postquam venerit*; ita ut sensus sit, Postquam Messias venerit, seu post adventum Messie, sceptrum in Juda constans ac perpetuum erit, ab ipso nusquam auferendum.

Et verò, inquiunt, particulam *donec*, non semper finem ac cessationem rei de qua sermo est, denotare, sed aliquando illius continuationem, patet exemplis ex ipsa Scriptura deductis. Gen. 8. v. 7. de corvo quem ex Arca dimisit Noe, dicitur: *Non revertetur donec siccarentur aquæ*: ubi particula *donec* non significat reversionem esse corvum cùm exsiccatz sunt aquæ, sed nequidem reversionem post siccatas illas aquas. Pariter Numer. 26. v. 17. cùm Moses ab Idumæis peteret liberam per eorum regionem transeundi facultatem, *Gradiemur via publica*, inquit, *donec transiamus terminos tuos*: id est, *donec transferimus & prætergressi fuerimus*. Denique Matth. 1. v. 25. de Maria Virgine & Josepho dicitur, *Non cognoscebat eam, donec peperit filium suum primogenitum*: quibus verbis non significatur ad Mariam post partum accessisse Josephum, quæ semper virgo permansit, ante partum, in partu, & post partum. Pariter igitur particula *donec*, in vaticinio Jacobi, non significat tunc venturum Messiam, cùm sceptrum de Juda defecerit; sed nusquam discessurum à Juda sceptrum, postquam advenerit Messias. Mirum quantum in ea interpretatione præsidet collocent Judæi recentiores, eaque jactantius gloriantur.

Resp. interdum quidem in Scripturis particulam *donec*, rei continuationem denotare; at longè frequentius finem ac cessationem. Ita Gen. 26. v. 12. *Isaac ibat proficiens atque succrescens, donec magnus effectus est*: hoc est, desit proficere ac crescere cùm magnus effectus est. Et Judicum 4. v. 24. Filii Israel crescebant quotidie, & fortè manu opprimebant Jabin Regem Chanaan, *donec dederent eum*.

Porrò in vaticinio Jacobi Gen. 49. particula *donec* regni Judaici finem ac destructionem significari, vel eo maxime demonstratur, quòd, in mente veterum Judæorum, Jacob figit ac determinat tempus quo venturus est Mes-

est Messias, cujus adventus proximè futuri signum dat, finem nempe seu cessationem regni Judæ. Atsemel admitta ista Judæorum interpretatione, nulla est temporis adventus Messie determinatio: ajunt enim non auferendum de Juda sceptrum, quando Messias advenerit; quæ particula *quando*, nullum huic adventui futuro tempus determinatum assignat, sed vagum & indefinitum. Accedit, veteribus Judæis tam exploratum fuisse, venturum Messiam cùm sceptrum de Juda defecisset, ut cùm in Herode illud defecisset intellexerunt, alii Herodem ipsum alienigenam, alii Joannem Baptistam, alii verò Vespasianum turpi & crassa adulatione Messiam esse arbitrati fuerint. Hinc Gentiles Historici, Svetonius in Vespasiano cap. 4. Tacitus L. 5. scribunt jam tum Oriente toto veterem ac constantem opinionem percrebuisse, esse in Fatis ut eo tempore Judæa profecti rerum potirentur; adeo scilicet constans & pervulgata erat opinio, finem Judaici imperii signum esse imminentis adventus Messie. Denique tristi sexdecim sæculorum experientia sentiunt Judæi, se omni auctoritate ac Reipublicæ forma esse destitutos, &, ut ait Osee Propheta c. 3. v. 4. *sine rege, & sine principe, & sine sacrificio, & sine altari, & sine Ephod, & sine Teraphim.*

Objicies 6. Nondum Judæi omnia auctoritate ac Rege sunt destituti: ajunt enim Ducem quemdam e Tribu Juda oriundum in extremis Asiæ partibus, etiamnum Judaicum tenere imperium. Benjamin Tudelensis in sui itineris historia, Ducem illum Bagdadi sedem habere memorat.

Resp. putidum illud esse signum omni prorsus ratione destitutum: tum quia omnis Tribus adeo confusa sunt ac permixta, ut nullum remaneat inter eas distinctionis vestigium: tum quia vel ipsomet Christo tempore, sub Herode magni Herodis filio, declaraverunt se vitæ ac necis nullam habere potestatem, *Nobis non licet, inquebat, interficere quemquam.* Ja. 18. v. 31.
Non habemus Regem, nisi Cæsarem. Ergo tunc nonnisi precario potestatem ac licentiam obtinuerant Legem ac patrios suos ritus observare, aliquareten-
ib. 19. v. 15.
 ta Reipublicæ forma. Tum denique, quia verisimile non videtur, malle Judæos ubique terrarum dura premi servitute, quam ad hunc sumum Regem confugere, sub quo pacificè respirare possent, si certi essent existere Orbis plagam aliquam in qua Rex ille imperium Judæorum moderaretur. Verùm tam crassa & supina est illa fictio, ut necesse fuerit ad eam occultandam, confugere ad extremas & incognitas Orbis plagas nulli viatori hætenus perspectas. Fingentium illud expodit Origenes L. 4. de principiis c. 14.

Non eam hic commemoro nonnullorum sententiam, qui ajunt Jacobi vaticinium de futuro Messie adventu conditionatum fuisse, nempe venturum Messiam cùm sceptrum de Juda deficiet, nisi obstat gentis totius peccata, quæ hætenus oblitere: hanc, inquam, opinionem hic non refero, namque gratis omnino ficta videtur; nullum quippe extat in oraculo Jacobi conditionis adjectæ vestigium: quod si ad arbitrium condiciones hujusmodi fingere liceat, nihil erit tam absolutum & firmum, quod facile non evertatur.

Objicies 7. Si vaticinio Jacobi tam clarè ac disertè Messias designaretur, qui fieri potuit ut nec à Christo, nec ab Apostolis contra Judæos laudatum fuerit?

Resp. 1. non omnia Scripturæ veteris, quæ ad Christum pertinent testimo-

Simonia, aut à Christo, aut ab Apostolis laudata fuisse: satis erat Judæos remittere ad scrutandas Scripturas, *Scrutamini Scripturas*, dicebat illis Christus Joan. 5. v. 39. *illeg sunt quæ testimonium perhibent de me*. 2. Licet vaticinio Jacobi diserte figurat tempus adventus Messie, non tamen aquè diserte ostenditur, Christum illum ipsum esse Messiam cujus adventum futurum esse prædixerat Jacob, quando sceptrum de Juda defecisset; quod tamen unum Judæis probandum erat, quibus fortasse rixandi locus circa litteralem oraculi Jacobi sensum datus fuisset, si ipsis in probationem Christi, oraculum illud fuisset propositum.

Objicies 8. Oraculum Jacobi de sceptro in Tribu Juda non defuturo donec veniat Messias, intelligi non debere, duo invicte ostendere videntur. 1. quia tardiùs incipit sceptrum illud in Tribu Juda: ante Davidem enim nullus extitit in Juda Rex. 2. citiùs & longè ante Herodem sceptrum defecisse dici deberet, nempe in Sedecia, qui postremus Rex fuit in Babyloniam captivus à Nabuchodonosore ductus; ac consequenter cum Jacobi vaticinio tunc venturus Messias promittatur, cum sceptrum de Juda defecerit, debuisset Messias Christus statim post Sedeciam venire, in quo ultimo defecit sceptrum de Juda, & ita quingentis annis priusquam reipsa venerit; aut saltem sub Herode venire non debuisset, tum cum Judæis suis legibus ac ritibus liberè vivere adhuc licebat, sed post annos sexaginta, quando nimirum expugnata & eversa Hierosolyma per Titum, nulla regiminis ac Reipublicæ inter Judæos forma amplius relicta fuit.

Resp. 1. in vaticinio Jacobinon de initio sceptri in Juda sermonem esse; sed de ejus fine ac cessatione: quapropter nihil ad propositum nostrum facit, quòd tardiùs sceptrum illud in Juda incaperit. 2. Quantum verò ad tempus quo perasce sceptrum illud in Juda defecisse dici debeat, an post Sedeciam, an in Herode; pendet hujus objectionis solutio ex alia questione mox expendenda, quid nempe per Judam in vaticinio Jacobi intelligendum sit, an sola hujus nominis Tribus, an universa Judaica natio: pariter quid per sceptrum, an sola regia & monarchica auctoritas, an suprema & independens, quæcumque illa sit, regiminis potestas.

Secundum difficultatis caput.

Quid per Judam intelligendum sit? An solahujus nominis Tribus, an universa Judaica natio? Quid per sceptrum? An sola regia & monarchica auctoritas, an suprema & independens, quæcumque illa sit, regiminis potestas?

Dux sunt potissimùm circa præsentem questionem sententiæ.

Prima sententia est, qui oraculum Jacobi ad unam referunt Tribum Juda, in qua sceptrum seu regiam auctoritatem permanisse ajunt usque ad Messie adventum. Ita Petavius Lib. 16. de Incarnatione cap. 6. n. 4. Illustr. Huetius De monstr. Evangel. Prop. 9. n. 2. & alii non pauci.

Altera sententia eorum est, quinomine Judæ, in laudato vaticinio, non solam hujus nominis Tribum, sed universam Judæorum gentem intelligi volunt; per sceptrum verò, non regiam modò & monarchicam, sed quamlibet supremam Reipublicæ administrandæ potestatem. Ita Pererius ad caput 49. Gen. Calaubonus Exercit. prima in Baronium, & alii quamplures,

Sua

Sua cuilibet opinioni stat probabilitas: suos unaquæque, salva fide, patronos habet ac defensores: quæ nostræ sit duplici Conclusionè aperiemus.

P R I M A C O N C L U S I O.

Nomine Judæ, in vaticinio Jacobi, non videtur intelligenda sola hujus nominis Tribus; neque sceptrum, seu regia & monarchica dignitas, in Tribu Juda reip̃a perseveravit usque ad Messiam adventum.

Probatur Conclusio eo ipso argumento quod mox proponebat octava Objectio; nempe sceptrum seu regiam auctoritatem in Tribu Juda & incipisse serius, & citius seu longè ante Herodem defecisse, neque tamen tunc venisse Messiam: unde inferunt Judæi vaticinium, de quo agimus, ad Messiam non pertinere. Ut hoc ipsis argumentum contra Christianos eripiamus, Conclusio nostra demonstranda est ex serie ipsa Historiæ Judæorum, qua constat sceptrum in Juda incipisse cùm David unctus est in Regem, in Sedecia verò finem habuisse.

Scilicet à morte Jacobi & edito vaticinio ad Davidem usque intercesserunt anni ferè triginta supra sexcentos, Eusebius ferè integros mille numerat. Hoc autem toto intervallo temporis multi extitere Judaicæ gentis Duces & Principes, sed non è Tribu Juda: Moyses enim & Josue, qui post exitum ex Ægypto, primi ad clavam Reipublicæ Judæorum sederunt, tribules Judæ non fuerunt, sed hic ex Tribu Ephraim, ille ex Tribu Levi. Inter Judices quorum sequuta est dominatio, duo tantum fuere ex Tribu Juda Othoniel & Abesai; alii ex diversis Tribubus indiscriminatim assumpti. Post Judices summa potestas ad Reges delata fuit, quorum primus fuit Saul ex Tribu Benjamin, huic successit David de Tribu Juda, quo regnante sceptrum ad Tribum Juda primum pervenit. Davidi successit Salomon, & alii deinceps usque ad Sedeciam. Permanisit itaque sceptrum in Tribu Juda per annos ferè quadringentos septuaginta quinque: post mortem enim Salomonis, Hebræum Imperium duas in partes scissum fuit, quarum altera è Tribubus Juda, Benjamin & Levi conflata, Regnum Juda dicebatur, cui Roboamus Salomonis filius, ejusque posterius ad everfam usque Jerusalem à Nabuchodonosore, præfuerunt; altera verò ex aliis decem Tribubus constans Regnum Israel appellabatur, cujus caput ac Princeps fuit Jeroboamus. Sedecias postremus Rex ex Tribu Juda, Babyloniani captivus cum ceteris Judæis ductus fuit: toto autem captivitatis Babylonice tempore, quod fuit septuaginta annorum, nullus haud dubie sedit Rex de Juda; omnes enim sub tristissima servitute oppressi gemeabant, & de Jeconia seu Joachin prædixerat Jeremias cap. 22. v. 30. *Scribe virum istum sterilem; virum qui in diebus suis non prosperabitur. Nec enim eris de semine ejus vir qui sedeat super solium David, & potestatem habeat ultra in Juda.*

Post captivitatem data Judæis à Cyro licentia redeundi in patriam ac Templi ædificandi, nullus propriè Rex imperavit: Zorobabel quippè etsi foret de Tribu Juda & Dux populi, summum tamen non habuit imperium, nec solus, nec diu Rempubicam administravit; statim enim ab ædificato Templo mutata est Reipublicæ forma, & rerum summa penes Sacerdotes

Tourney de Incarnatione.

E

fuit

fuit usque ad adventum Christi, per quingentos ferè annos, quæ potestas per Assamonzos, seu Machabæos eo in Ordine adeo firmata est, ut tandem Aristobulus Pontifex Maximus regimen illius Reipublicæ in formam Regni mutaverit, & capiti suo diadema imposuerit; atque penes Aristobuli posteros fuit sceptrum Judæorum usque ad Pompejum, qui umbram & nomen imperii, re adempta, ipsis reliquit, donec tandem ab Herode alienigena Regnum Assamonzis ereptum est & genus extinctum. Ex ista porrò Historiæ Judæorum serie, constat sceptrum de Tribu Juda defecisse in Sedecia; id est quingentis, ut diximus, annis, priusquam Messias advenerit.

Argumentum istud sanè gravissimum, nostroque judicio decretorium, ut solvant adversæ sententiæ patroni, multa reponunt. Tres dumtaxat celebriores ac magis pervulgatas eorum solutiones referemus.

PRIMA SOLUTIO.

Varia admodum expositum argumentum referuntur ac refelluntur solutiones.

Prima solutio seu responsio contendit sceptrum in Sedecia non defecisse, nec à Tribu Juda omnino ereptum, sed in Zorobabele Tribus illius Principe soluta captivitate fuisse suscitatum, sicut observat S. Cyrillus Lib. 8. adversus Julianum: deinde ad posteros Zorobabelis transmissum, in hac eadem Tribu ad Christum usque per Assamonzos perseverasse. Cujus quidem responsionis duplex vulgò profertur fundamentum: primum est, Machabæos etiam paterno genere ad Tribum Juda pertinuisse, quia Lib. 1. Machab. cap. 5. v. 63. de Assamonzis dicitur, *Viri Juda magnificati sunt in conspectu omnis Israel*. Ita Genebrardus in Chronico, Baronius in Apparatu, quitamen subinde ab hac opinione recessit. Secundum fundamentum est, Assamonzos non quidem paterno, sed materno genere fuisse de Tribu Juda. Probant: tum quia Tribus Juda & Levi solebant inter se connubii foedere sociari, quod patet exemplo & Aaronis qui filiam duxit Aminadab, Exodi 6. v. 23. & Jojadæ Pontificis, qui in uxorem assumpsit filiam Jorami Regis, Paralipom. L. 2. cap. 22. v. 11. Tum quia nisi Assamonzi aliquo legitime successionis jure ad Tribum Juda pertinuisent, tyrannicum fuisset ac per usurpationem eorum imperium, quod tamen vitium ipsis nunquam legitimus imputatum.

Refellitur.

Resp. infirmum planè videri duplex hujus responsionis fundamentum.

I. Quia certissimum est Machabæos ad Tribum Juda non pertinuisse: tum quia Mathathias eorum parens dicitur filius Joannis filii Simeonis, qui Sacerdos fuit ex filiis Jojarib, cujus fors prima exiit in descriptione stationum quas ordine obire tenebantur Aaronis familiæ, 1. Paralip. c. 24. v. 7. Et L. 1. Machab. c. 2. v. 54. Mathathias se Phinee oriundum narrat: fuit autem Phinees Eleazari filius, Aaronis nepos. Tum quia Apostolus Hebr. 7. v. 13. disertè pronuntiat neminem ex Tribu Juda assumptum in Sacerdotem: tum denique quia Jeremias cap. 22. v. 30. de Jechonia prædicit, *Scribe virum istum stertilem, virum qui in diebus suis non prosperabitur: nec enim erit de semine eius vir*

vir qui sedeat super solium David, & potestatem habeat ultra in Juda. Ergo post Jechoniam nullus ex Tribu Juda successionis & hæreditatis jure Judæorum occupavit imperium.

Quod refertur ex Lib. 1. Machab. cap. 5. in confirmationem hujusce primæ responsionis, non urget. Namque quando viri Juda dicuntur valde magnificati, ii sunt intelligendi qui sequebantur Judam Machabæum, quippe idcirco viri Judæ vocantur. Quod si textus Græcus consuleretur, ruit omnino difficultas, sicut enim habet: *Et vir Judæ & fratres ejus glorificati sunt valde in conspectu omnis Israel.* Idem legimus in versione Syriaca.

II. Non minus falsa secunda probatio: tum quia apud Hebræos nulla ratio habetur generis materni, apud quos receptissimum est istud effatum, *Matrii familiam non esse familiam*; neque enim genealogia apud ipsos per lineam matrem, sed paternam textitur. Tum quia si regnum Judæ idcirco in Assamonæis non defecit, quia materno saltem genere ad Tribum Juda pertinebant, nec etiam in Herodis filiis, qui ex Mariane Assamonæorum filia & Herode nati Reges extiterunt; neque in Agrippa juniore qui matrem habuit Assamonæam, sceptrum defecisse dici debet, quod affirmare ausi non sunt qui nobis hic adversantur. Esto igitur Tribus Juda & Levi nuptiarum fœdere inter se junctæ fuerint, id de Assamonæis nec Scriptura, nec Judæorum Historia narrat. Quid ergo, juxta opinionem istam, fiet de illis Pontificibus qui à tempore Zorobabelis Judæorum regno præfecti fuere, quique non leguntur uxores de Tribu Juda sibi assumpsisse?

Neque porro inde sequitur, quod inferit Objectio, nempe tyrannicum fuisse Machabæorum imperium; quia scilicet communibus totius populi suffragiis electi illi sunt, ut sederent ad clavum Reipublicæ, 1. Machab. 9. v. 28. ubi dicitur, *Congregati sunt omnes amici Judæ, & dixerunt Jonathæ: Ex quo frater tuus Judas defunctus est, & tibi similis ei non est qui exeat contra inimicos nostros. Nunc itaque te hodie eligimus esse pro eo nobis in Principem & Ducem ad bellandum &c.*

Ad hæc accedit auctoritas Josephi qui L. 11. Antiquit. c. 4. narrat absolutio Templo immutatam fuisse Reipublicæ formam, atque summam auctoritatem ad Optimates seu Pontifices delatam esse. Quapropter deferendus hic S. Cyrillus, cui opponi potest S. Ambrosius L. 3. in Lucam, ubi disertè docet, Regnum Davidis in Jechonia penitus defuisse, & à Sacerdotibus occupatum fuisse.

SECUNDA SOLUTIO.

Secunda solutio seu responsio Cajetani est & aliorum qui contendunt, non finem, sed potius continuationem seu perennitatem Regni Judaici Jacobi vaticinio designari, quia de caduco & temporali in æternum ac spiritale, adveniente Messia, commutandum fuit. Quamobrem verba hæc, *Donec venerit*, sic interpretantur, *Postquam*, vel, *quando venerit Messias*: ita ut sensus oraculi iste sit, Non auferetur sceptrum de Juda, sed potius in spiritale ac æternum commutabitur. postquam Messias advenerit. Sceptrum autem terrenum ac temporale stetit penes Tribum Juda usque ad Messiam, etiam regnantibus Machabæis, inde colligunt, quod jus & spes certa regni occupan-

di semper in Tribu Juda fuerit. Addit Melchior Canus, Machabros instar depositi imperium à Tribu Juda accepisse, adeoque jus ad regnum Tribui Juda assertum semper stetisse.

Illustriss. ac doctissimus Huetius, dum viveret Abrincensium Episcopus, opinioni Cajetani nonnihil adjecit L. Demonstrat. Evangel. Prop. 9. cap. 4. num. 7. quod deesse ipsi existimat; eamque explicatius evoluit.

Senten-
tia &
exposi-
tio Huetii.
P. 410.
col. 1.

Quatuor ille partes in vaticinio Jacobi distinguit, ex quarum partium inobseruata distinctione, maximam in explicando oraculo perturbationem sortam fuisse arbitratur.

I. Istis Prophetiæ verbis, *Non auferetur sceptrum de Juda*, ait æternam sceptri possessionem Judæ sponderi.

II. Istis verbis, *Et dux de femore ejus*, temporarium & caducum Judæ præsignificari imperium.

III. Istis, *Donec veniat qui mittendus est*, temporarii hujusce regni finem; & Messie adventum prænuntiari.

IV. Denique per ista, *Et ipse erit expectatio gentium*, denotari Messie regnum, non Cananæ terræ claudendum esse finibus, sed quaquaversus per uniuersum Orbem diffundendum esse, utpotè quod spiritale sit futurum.

Cajetano itaque in eo consentit doctissimus Præsul, quòd arbitretur in vaticinio Jacobi æternum & spiritale semper permanens Judæ imperium promitti, postquam venerit Messias; in eo verò dissentit, quòd temporarii Judæ regni finis prænotetur in adventu Messie, quod quidem Cajetano exciderat: unde in sententiâ Huetii, necesse est particulam *donec* in dicto vaticinio, duplicem eamque diversam significationem habere, ac denotare simul & regni spiritualis perennitatem, & temporarii finem & cessationem. Ista etenim particula *donec*, si ad hæc verba referatur, *Non auferetur sceptrum de Juda*, significat perpetuò mansurum spiritale Judæ regnum, ubi semel advenit Messias; si verò referatur ad ista, *Et dux de femore ejus*, significat finem temporarii Judæ impetii futurum, cum Messias advenerit. Ut autem præcipue difficultati satisfaciatur, quomodo scilicet sceptrum temporale in Juda perseveravit regnantibus Machabris, respondet Illustrissimus Auctor, jus & proprietatem regni penes Judam fuisse, usufructum verò tantum penes Machabros: quod illustrat exemplo Caroli secundi Anglorum Regis, qui etsi patria Regnoque expulsus fuerit, & summa potestas ab invasore Kromvello occupata, meritò tamen sceptrum Anglorum in Carolo II. & Stuartorum gente perseverasse dicitur, quia jus & proprietas illius erat.

Cornelius à lapide in citatum locum Gen. 49. ut se ab eadem difficultate expediret, multa excogitavit. 1. jus hæreditarium ad Tribum Juda semper pertinuisse. 2. solum Judæ Tribum toti genti nomen dedisse, atque in ea cæteras Tribus inclusas censeri. 3. sedem, ditionem & metropolim Regni, nempe Jerusalem, pertinuisse ad Tribum Juda. 4. in Tribu Juda semper incolere stetisse jus eligendi & sibi præficiendi Reges, quo jure usa est cum Machabros ad solium evexit, quod satis est ut Regnum penes illam Tribum stetisse dicatur: quomodo penes Romanos & Polonos stetisse Regnum

gnum dicitur, etsi aliquando Romani extraneos ad Regnum vocaverint ; Trajanum v.g. Hispanum, & Poloni Henricum Valesium Gallum.

Refellitur.

Secunda hæc solutio rejicitur.

I. Quia particula *donec* non initium sed finem seu cessationem regni denotat, ut antea dictum fuit; atque cum hæc Cajetani interpretatio hac in parte plus æquo Judæis faveat, prorsus rejicienda videtur. Neque porro satis est ut quis actu sceptrum possidere dicatur, quod spem certam habeat illud aliquando recuperandi, quasi spes rei possidenda ipsimet possessioni æquivaleret. Deinde verò, vix scio qua ratione ostendi possit certam in Juda spem fuisse Regni occupandi, cum adeo firmatum illud vidit in Assamoneis. Denique, an non Judæi hodierni hac prætenfa Regni aliquando recuperandispe, contendere possent adversus Cajetanum, nondum sceptrum in Juda detecisse, nec consequenter hæcenus advenisse Messiam?

Neque pariter satisfacit, quod reponit Melchior Canus; nulla enim vel minima apparet hujusce depositi umbra. Machabæi quippè sceptrum jure legitimæ electionis delatum, velut rem propriam, non verò alienam ac sibi ad tempus concreditam occupaverunt; nec facile sibi quisquam persuaserit, Tribum Juda tot per annos spontè tale depositum penes Machabæos reliquisse.

II. Ad sententiam Illustr. Huetii dico (salva ea quæ ipsi debetur reverentia) camgratis excogitatam nobis videri. Licet enim fateamur, istis postremis vaticinii verbis, *Et ipse erit expectatio gentium*, longè præstantius promitti, adeoque spiritale & æternum sub Messia Judæorum regnum, juxta istud Angelii ad Mariam Lucæ 1. v. 32. *Hic eris magnus, & filius Altissimi vocabitur: & dabit illi Dominus Deus sedem David patris ejus: & regnabit in domo Jacob in æternum, & regni ejus non erit finis*: non tamen satis intelligimus, quo fundamento verba ista, *Non auferetur sceptrum de Juda*, assumat Illustr. Auctor ad significandam regni Judaici spiritualis & æterni, cum Messias advenerit, perennitatem; ista verò, *Et dux de femore ejus*, ad finem & cessationem regni temporalis referat. Illa enim duo, *sceptrum*, & *dux de femore*, quæ in eadem contextus serie cohærent, nec ulla disjunctionis nota separantur, imò potius conjunctiva particula, &, copulantur, de eadem procul dubio suprema apud Judam auctoritate temporaria intelligenda sunt. Cum verò particula *donec* ad utrumque membrum ex æquo referatur, utriusque finem ac cessationem significat; nec videtur probabile, unam hanc & eandem particulam in una & eadem periodo diversum omnino & oppositum sensum habere, ut mox rei continuationem, mox finem denotet. Absque fundamento dictum etiam existimamus, jus & proprietatem regni penes Judam stetisse, & usum fructum tantum penes Machabæos: quis enim ignorat istos titulo legitimæ electionis à toto populo factæ, nemine reclamante, non modo usum fructum, sed jus & proprietatem Regni habuisse? Neque appositum videtur exemplum Caroli II. Anglorum Regis, Cromwelli: hic enim verus invasor fuit ac tyrannus; quapropter sceptrum ad legitimum possessorem brevi reversum est. Quis porro dixerit Machabæos per usurpationem ac tyrannidem Judæorum imperium invasisse & occupasse?

III. Neque momenta quæ adjecit Cornelius à lapide, firmiora nobis videntur. Non primum: namque etsi jus regnandi hæreditarium ad Tribum Juda per Davidem pervenerit, illotamen jure excidit & regno privata fuit per annos 500. Unde si venturus prædicatur Messias, quo tempore sceptrum de Tribu Juda defecerit, debuit quingentis annis prius venire. Non secundum: quia etsi Tribus Juda toti genti nomen dederit, non idcirco tamen sola Tribus Juda permansit: steterunt enim Tribus Levi & Benjamin, & unicuique jus suum servabatur; atque ex sola Tribu Levi assumebantur Pontifices, non ex Tribu Juda. Non tertium: tum quia per sceptrum & ducem intelligi non assolet auditionis terra, aut Regni sedes, sed ipse Princeps, qui summa potitur auctoritate: tum quia sequeretur nequidem Herodis tempore defecisse sceptrum de Juda, quia terra ditionis & regni sedes erat in Tribu Juda. Non quartum: tum quia ante Davidem jus illud eligendi Reges non habuit Tribus Juda: tum quia post solutam captivitatem non sola Tribus Juda, sed omnis populus jus eligendi Regem sibi assumpsit, & Machabæi communibus populi totius votis ac suffragiis electi fuerunt: tum denique quia contigit aliquando Reges Judæorum eligi, non auctoritate Judæorum, sed exterorum Principum, ut constat exemplis Nehemiæ, qui Esdræ 2. c. 5. v. 14. dicitur *Dux populi constitutus imperio Artaxerxis*; & Zorobabelis, qui L. 1. Esdræ c. 5. v. 14. dicitur à Cyro Princeps constitutus.

T E R T I A S O L U T I O.

Nonnulli respondent 3. duplicem in vaticinio Jacobi potestatem distinguere debere, his expressam terminis, *sceptrum, & dux de femore ejus*; seu, ut habet textus hebræus, *Legislator aut Scriba de interpedes ejus*; ac contendunt, ad Prophetiæ eventum, & continuationem sceptri in Tribu Juda usque ad Messie adventum demonstrandam, satis esse quòd in ea Tribu perseveraverit, si non regia dignitas, suprema saltem judicandi auctoritas, quæ penes erat magnum Judæorum Sanhedrim, in quo solide Tribu Juda sedebant electi Judices, quorum Tribunal ad Christum usque integrum permansit.

Refellitur.

I. Quia gratis omnino distinguit inter sceptrum & ducem; quandoquidem Scriptura utrumque per particulam *&*, conjungat, & utrumque adveniente Christo finem habere deberet.

II. Non constat supremam fuisse illius Collegii in judiciis ferendis auctoritatem; neque alia ipsi tribuenda, quam quæ à Deo illi per Moysem primum concessa legitur. Porro Numer. 11. v. 16. non alia ipsi potestas datur, quam ut Moysem in tanta negotiorum mole sublevarent: & Exodi 18. v. 21. refertur Moysem ex consilio Gethro soceris sui, de cuncto Israel elegisse viros timentes Deum qui judicarent populum, delata semper ad Moysem majorum causarum cognitione.

III. Gratis fingitur Collegium istud, seu Magnum Sanhedrim, usque ad Herodem incolume stetisse: tum quia Danielis 13. v. 5. dicuntur constituti duo Judices etiam in captivitate Babylonica; ergo jam tum erat extinctum

Con-

Consilium Sanhedrim: tùm quia certum videtur, Consilium istud, si stabat, Sacerdotibus Machabæis regnantibus subditum fuisse. Ajunt nonnulli, omnes hujus Collegii, quod antea viguerat, Judices ab Herode morti traditos fuisse. Hætenus eorum exposuimus ac confutavimus sententiam, qui contendunt sceptrum seu regiam dignitatem in Tribu Juda ad Messie usque adventum perdurasse: superest, ut nostram jam exponamus, & qualis nobis videatur oraculi Jacobi sensus, aperiamus. Itaque sit

S E C U N D A C O N C L U S I O.

In vaticinio Jacobi, per sceptrum, non sola regia seu monarchica, sed qualibet suprema Reipublicæ administrandæ potestas; atque per Judam, non sola hujus nominis Tribus, sed tota Judæorum natio intelligenda est, cum aliqua tamen singulari Tribus Judæ prærogativa.

Sensus igitur oraculi est: *Non auferetur*, seu, Cùm ablata fuerit à Judæis vel regia, vel suprema Reipublicæ administrandæ potestas; & sui juris esse desinent, exterorum Principum imperio subditi, tunc veniet Messias.

Probatur Conclusio: 1. momentis quibus adversam opinionem mox expugnauimus.

2. Quia per sceptrum seu virgam, quæ imperii symbolum est, intelligi solet dominatus quilibet, seu ea administratio qua quis sui juris est suisque legibus vivit, non alienis: per Judam autem, non sola hujus nominis Tribus, sed tota Judæorum natio, cui nomen illa dedit. Ita Jeremias 23. v. 6. ubi extat illustis de venturo Messia prophetia, dicitur: *In diebus illis salvabitur Juda, & Israel habitabit confidenter*. Nomine Judæ universam gentem Judæorum hic denotari, certissimum est: quidni ergo & in vaticinio Jacobi, per *Judam*, universa quoque natio intelligenda erit?

Probatur 3. auctoritate SS. Patrum. S. Justinus Dial. cum Tryphone pag. 271. S. Athanasius Libro de Incarnatione Verbi divini: Eusebii, tùm L. 1. Hist. c. 6. & 7. tùm L. 8. Demonstr. Evangel. Sancti Chrysostomi Hom. 67. in Gen. S. Ambrosii L. de benedict. Patriarcharum cap. 4. S. Aug. L. 18. de Civit. Dei cap. 45. Theodoretus q. 110. in Gen. qui omnes docent, idcirco sceptrum de Tribu Juda non defecisse usque ad Messiam, quia Judæi ad Herodem usque Duces ac Principes è sua gente habuerunt.

Probatur 4. Quia hæc expositio rectè cohæret cum veritate historiarum, nec tot incommodis ac difficultatibus obnoxia videtur, quibus adversa sententia. Siquidem à soluta captivitate ex Ægypto usque ad Herodem alienigenam, semper extitit aliquis natio Judæus, qui genti præfectus fuit; semper Judæi sui juris fuere, suisque vivere legibus, si annos 70. Babylonice captivitatis excipias, quo etiam tempore vivebat Jechonias Rex, quem Judæi tanquam Regem venerabantur, quantum permittere poterat præsens eorum status: sed hac captivitate liberati, & obtenta à Cyro redeundi in patriam licentia, non alio quàm domestico regimine Judæi vixerunt.

Dixi in Conclusionem, per *Judam* totam quidem intelligi Judæorum nationem, servata tamen Tribui Judæ singulari quadam prærogativa: quia scilicet Jacob filiis suis singulis propriam assignat & impertitur benedictionem,

ergo & Judas suam quoque propriam habuit. Singularis verò Tribus Judæ prærogativa in multis deprehenditur. 1. Quia Tribus Juda fuit Regno destinata, penes quam diu stetit ac floruit. 2. Post captivitatem Babyloniam toti genti nomen dedit: sola quippè Tribus Juda integra remanserat, cujus quædam veluti accessio fuit Tribus Levi, & dimidia Tribus Benjamin. 3. Eo ipso tempore quo rerum summa penes Assamonzos fuit aliove Sacerdotes, regio ipsa, sedes regni, subditi ferè omnes erant de Tribu Juda. 4. De ipsa Tribu Juda nasciturus erat Messias. 5. denique, vel ab initio Tribus illa cæteris singulari privilegio anteposita fuit: primas enim tenuit in castris metandis, Num. 2. v. 3. in iisdem mutandis, Numer. 10. v. 14. in offerendis Deo muneribus, Numer. 7. v. 11. in recensione Tribuum, Num. 34. v. 19. in divisione terræ Chanaan, Josue 15. v. 13. in assignandis Leviticis urbibus, ibid. cap. 21. v. 4. denique in bellis adversus Chanaanos gerendis, Judic. 1. v. 2. & 19.

Solvuntur Objectiones.

Obijcies 1. Vel ipsa oraculi Jacobi verba & scopus apertè demonstrant, illum non de tota gente, sed de solo Juda ejusque posteris sermonem habere. Namque 1. Jacob viritum singulis filiis aliquid proprium & singulare prædixit: *Hæc locutus est eis pater suus, benedixitque singulis benedictionibus propriis*, Gen. 49. v. 28. Ergo cum Judam appellat & ad eum sermonem dirigit, non totam spectabat gentem, sed Judam ipsum ejusque posteros; alias nihil Judæ proprium, nihil singulare foret. 2. Disertè Judas illic à cæteris suis fratribus distinguitur: v. 8. paulò ante verba vaticinii, *Juda, te laudabunt fratres tui: manus tua in cervicibus inimicorum tuorum*. 3. Quæ præcedunt & quæ sequuntur ista verba, *Non auferetur sceptrum de Juda*, de singulari Judæ persona intelligenda esse nemo diffitetur: quomodo igitur ista, quæ intermedia sunt, *Non auferetur &c.* ad alium quàm ad Judam ipsum ejusque singularem Tribum referri meritò possunt? 4. Verba ista, *Et dux de femore*, id est, *semine ejus*, intelligi vix possunt, si non de solo Juda ejusque posteris, sed de tota gente dicta fuere: tota etenim gens seu natio Judaica ex Juda orta non est; neque quisquam nasci dicitur ex femore nationis, sed ex femore illius qui gentis caput & parens est, qualis erat Judas Tribus suæ auctor & princeps.

Resp. ad primum: Ultro fatemur propriam hic ac singularem esse pro Juda benedictionem, quia tùm ipse, tùm ejus Tribus supra cæteras singulari prærogativa decorata semper fuit, ut mox exposuimus.

Ad secundum & tertium: Difficultas conciliandi veritatem historię cum prophetię ventu, adigit nos ut verba illa intermedia, *Non auferetur*, ad totam gentem referamus, non ad solam Tribum Judæ: siquidem, utjam observavimus, quingentis annis ante nativitatem Christi de Tribu Juda sceptrum defecerat, regnantibus scilicet Machabæis; quomodo igitur stare poterit prophetiæ veritas, tunc venturum Messiam, cum sceptrum de Juda defecerit?

Ad quartum: Non eo sensu *dux de femore* Judæ nunquam defuturus dicitur, quòd serie non interrupta semper de Tribu Juda successuri essent Reges

ges usque ad Messiz adventum; repugnat enim manifestè sensus iste historiz veritati: sed dux de femore Judæ dicitur non defuturus usque ad Messiam, tùm quòd jure hæreditario regnum ad illam Tribum pertineret, in qua diu perleveravit; tùm quòd toti genti Judas nomen dedit, in qua suprema regiminis auctoritas usque ad Herodem Regem alienigenam, vixit ac permansit.

Obijcies 2. Ex speciali benedictiohe qua Judas à Jacobo donatur, vulgò SS. Patres ac Theologi fermè omnes inferunt, Christum ex Tribu Juda secundum carnem oriundum fore: atqui nulla est hujusce argumenti vis, si vaticinium, de quo agimus, non de sola Tribu Juda, sed de tota gente intelligatur.

Resp. 1. ex istis præcisè verbis, *Non auferetur sceptrum de Juda*, disertè ac expressè non evinci, futurum ut Messias ex Tribu Juda ortum aliquando ducat. Reipsa quidem ex Judà nasciturus prædicatur & natus est, quod ex genealogia ipsius ab Evangelistis Matthæo & Marco contexta evidentissimè probatur: at quomodo ex istis præcisè verbis, *Non auferetur*, colligi istud possit, satis, fateor, non concipio.

Resp. 2. ut probetur Christum è Tribu Juda oriundum esse, absolutè non requiri, ut nomine Judæ sola intelligatur Judæ Tribus, sed satis esse quòd ista Tribus nobilior inter cæteras fuerit, ac pluribus præ cæteris illustrata privilegiis, inter quæ istud profectò præcipuum ac maximè singulare & commendandum, quòd Messias ex illa nasciturus erat.

Obijcies 3. Sententia nostra iisdem incommodis subjacet, ac premitur difficultatibus, quibus adversa, quam impugnamus. Namque ex illa sequitur, longè citius advenire debuisse Messiam, tempore scilicet captivitatis Babylonicz, quod fuit annorum 70. tunc enim expugnata per Nabuchodonosorem Jerusalem, everso Templo, omnique vasorum & ornamentorum suppellectili direpta, qui ex intereccione superfuere Judæi captivi Babyloniam translati sunt, ubi tristissima sub Chaldæorum imperio servitute oppressi, nullam amplius Regni, neque Reipublicæ formam retinere; vel saltem venire tantum debuit Messias, quando iterum per Titum everfa Jerusalem, gens tota dispersa, & extincta Respublica fuit.

Resp. rationem habendam non esse 70. annorum quibus duravit captivitas Babylonica; quod quidem temporis intervallum, comparatione tot sæculorum quibus in integro floruit Judæorum Imperium, pro nihilo computari debet. Adde quòd vel ipso etiam captivitatis ac calamitatis tempore, vivebat Joachim Rex, de quo dicitur L. 4. Reg. cap. 25. v. 27. *Sublevavit Evilmerodach Rex Babylonis, anno quo coeperat regnare, caput Joachim Regis Juda de carcere. Et locutus est ei benigne, & posuit thronum eius super thronum Regum, qui erant cum eo in Babylone &c.* Ergo nequidem tempore captivitatis extincta penitus vel obscurata fuit sceptri Judaici dignitas: Joachim quippè, mutata veste quam in carcere gestaverat, comedeat panem semper in conspectu eius (Regis Babylonis) cunctis diebus vite sue. Annonam quoque constituit ei sine intermissione, quæ & dabatur ei à Rege per singulos dies, omnibus diebus vite sue. Ibidem L. 4. Reg. cap. 25. v. 29. & 30.

Quapropter meritò asserimus, sub Herode figendum esse Messiz adventum, non ante, nec post; tunc enim sceptrum ad extraneum seu alienigenam

nam delatum fuit: unde licet gens tota post annos circiter sexaginta dispersa fuerit post excidium Ierolymitanum, & consummata sub Tito veluti fuerit tunc Judæorum ruina, jam antea tamen sub Pompejo incæperat, creverat sub Herode, & tandem sub Tito ad eumulum pervenit; atque post illam ultimam & consummatam Judæorum cladem ac dispersionem, nullus relinquitur dubio locus, quin jam diu adveniret Messias, & impletum fuerit Jacobi morientis vaticinium. Neque nimis inquieto ac scrupuloso animo inquirendum, sub qua præcisæ cadentis Judæorum Reipublicæ periodo advenire Messias debuerit, nec à nobis postulanda præcisæ & veluti mathematica determinatio futuri hujus adventus: venit Christus, quando voluit; venit in plenitudine temporum; venit in media illa periodo seu gradu deficientis & ad ultimam ruinam vergentis Reipublicæ Judæorum, id est, sub Herode.

Obijciunt hic nobis nonnullorum SS. Patrum auctoritatem: at nos vicissimalios ipsi sponnimus. In istis igitur criticis & historicis quæstionibus, quæ hinc & indeliberè agitantur, ex auctoritate nihil præjudicandum; sed in momenta hinc & inde æqua lance libranda, & sua unicuique servanda sententiæ libertas.

SECUNDUM ARGUMENTUM

Adventus Messiae, ex prophetia Danielis cap. 9.

Cum Propheta Daniel fuis ad Deum precibus supplex postulare et populi à durissima captivitate Babylonica liberationem, exauditus à Deo, Gabrielis Archangeli ministerio cognovit, non tantum quo tempore populus liberandus foret à temporali captivitate, sed etiam quo advenire deberet Messias, qui populum suum à captivitate spiritali dæmonis liberum, in libertatem filiorum Dei erat asserturus, notatis ferè singulis adventus, passionis & mortis Christi circumstantiis. En verba prophetiæ c. 9. v. 24. & sequentibus. *Tu ergo animadverte sermonem, & intellige visionem. Septuaginta hebdomades abbreviate sunt super populum tuum, & super Urbem sanctam tuam, ut consummetur prævaricatio, & finem accipiat peccatum, & deleatur iniquitas, & adducatur iustitia sempiterna, & impleatur visio & prophetia, & ungatur Sanctus sanctorum. Scito ergo & animadverte: Ab exitu sermonis, ut iterum aedificetur Jerusalem, usque ad Christum ducem; hebdomades septem, & hebdomades sexaginta duæ erunt; & rursus aedificabitur platea, & muri in angustia temporum. Et post hebdomades sexaginta duas occidetur Christus; & non erit eius populus, qui eum negaturus est. Et Civitatem & Sanctorum dissipabit populus cum duce venturo; & finis eius vastitas, & post finem belli statuta desolatio. Confirmabit autem pactum multis hebdomada una; & in medio hebdomadis deficiet hostia & sacrificium; & erit in Templo abominatio desolationis, & usque ad consummationem & finem perseverabis desolatio.*

Multis intricata est difficultatibus hæc Danielis prophetia, quibus enodandis jam dudum defudarunt præstantissima quæque Theologorum ingenia. Ad duo generatim capita illæ revocari possunt: primum est, prophetiam illam ad Messiam pertinere: secundum, illam in Christo Domino impletam fuisse; quæ duo hoc syllogismo concludimus. Ille qui venturus prædic-

dicitur post septuaginta hebdomades, venire debuit illis elapsis 70. hebdomadibus: atqui Christus verus Messias prädicitur venturus post 70. hebdomades, quæ jam dudum effluerunt; ergo Christus verus Messias jam dudum venit.

Utramque minoris propositionis partem oppugnant Judæi.

I. Negant prophetiam Danielis ad Christum pertinere, eamque detorqueant vel ad Cyrum, vel Agrippam juniorem, vel Nehemiam, vel Jesum Josedec Sacerdotem, vel Zorobabelem &c.

II. Negant eam in Christo impletam fuisse, quia 70. hebdomadam spatium, intra quod Messias venire debuit, conciliari non potest cum tempore quo contendimus Christum revera natum, passum & mortuum fuisse. Utrumque istud difficultatis caput expendendum nobis est ac solvendum.

Non moror quòd Judæi Daniele inter Prophetas non recenseant; mera enim est nominis æquivocatio: Judæi quippè eos solummodò Prophetas agnoscunt, qui procul ab Aula tumultu solitariam vitam ducebant. Verùm parum interest an Prophetæ nomen ipsi tribuant, vel denegent, modò fateantur, ut revera fatentur, Librum Danielis inter agiographos, id est, sacros seu divinitus inspiratos, habendum esse, quod sufficit ut plenam ac certam fidem mereatur. Et reipsa Judæi Davidis ac Salomonis auctoritatem admittunt, multaque ab ipsis prophetico spiritu prænuntiata esse fatentur, tametsi eorum Libros inter agiographos, non inter propheticos annumerent. Reipsa autem Daniel verus Propheta fuit, quem Christus ipse Matth. 24. v. 15. Prophetam appellat. Hac itaque leviori missa difficultate, ad rei caput deveniendum.

Probatur 1. Danielis vaticinium de venturo Messia intelligendum esse.

C O N C L U S I O.

Danielis vaticinium de Christo Messia, non de alio quocunque, intelligi debet.

Probatur: Illud vaticinium de solo Messia seu Christo venturo intelligi debet, cui soli adaptari possunt characteres omnes à Daniele delineati: atqui soli Christo verò Messiaz adaptari possunt characteres à Daniele delineati. Isti porro sunt: Qui venturus à Daniele prädicitur, antonomasticè seu per excellentiam Christus nominatur; Dux seu Princeps; Sanctus sanctorum; qui peccatum expiaturus est; qui est justitia sempiterna, quam secum est adducturus; auctor novi fœderis, sub quo vetera sacrificia sunt abroganda; qui occidendus est, & post ejus mortem Templum esset everendum: atqui hæc omnia in Christo ad litteram impleta sunt postexpletas hebdomades 70. à Daniele designatas.

I. Nominatim Messias Christus, seu Unicus per excellentiam appellatur; *Post septuaginta hebdomades occidetur Christus.* Porro nomen istud simpliciter & absolute sumptum, ac per excellentiam uni vero Messiaz Liberatori in Scripturis tribuitur; nulli verò ex Principibus, nisi cum aliquo addito, vel domini, vel alicujus alterius attributi: quomodo Cyrus aliquando Christus appellatur

latur Isaïæ 45. v. 1. *Hec dicit Dominus Christo meo Cyro*. Porro Messias in novo Testamento simpliciter Christus dicitur. Act. 4. v. 26. & 27. *Astiterunt reges terre, & principes convenerunt in unum, adversus Dominum, & adversus Christum ejus*. Convenerunt enim verè in civitate ista adversus sanctum puerum suum Jesum, quem unxisti, Herodes & Pontius Pilatus, cum gentibus, & populo Israel.

II. Christus Dux seu Princeps dicitur. Isaïæ 55. v. 4. *Ecce testem populi dedi eum, ducem ac præceptorem gentibus*. Et Michææ 5. v. 6. *Et tu Bethlehem Ephrata parvulus es in millibus Juda: ex te mihi egredietur qui sit dominator in Israel*.

III. Dicitur Sanctus per excellentiam, qui peccatum expiaturus est. Pl. 15. v. 10. *Non dabis sanctum suum videre corruptionem*. Lucæ 1. v. 35. *Quod nascetur ex te sanctum vocabitur Filius Dei*. Act. 3. v. 14. *Vos autem sanctum & iustum negastis*. Isaïæ 61. v. 1. *Spiritus Domini super me ut mederer contritis corde, & prædicarem captivis indulgentiam*. Rom. 3. v. 24. *Iustificati gratis per gratiam ipsius, per redemptionem quæ est in Christo Jesu, quem proposuit Deus propitiationem per fidem in sanguine ipsius, ad ostensionem iustitiæ suæ, propter remissionem præcedentium delictorum*. Et Coloss. 2. v. 13. & 14. *Et vos, cum mortui essetis in delictis, & præputio carnis vestræ, conviviscavistis cum illo, donans nobis omnia delicta*.

IV. Messias seu Christus non tantum iustus & sanctus futurus prædicitur, sed etiam sanctitas seu iustitia nostra. Plal. 71. v. 7. *Orietur in diebus ejus iustitia & abundantia pacis, donec auferatur Luna*. 1. Cor. 1. v. 30. *Ex ipso autem vos estis in Christo Jesu, qui factus est nobis sapientia à Deo, & iustitia, & sanctificatio, & redemptio*.

V. Christus est auctor novi fœderis, Jeremix 31. v. 31. *Ecce dies venient, dicit Dominus, & feriam domui Israel & domui Juda fœdus novum, non secundum pactum quod pepigi cum patribus eorum*. Dies illi de quibus Propheta, in Christo impleti sunt, quem proposuit Deus propitiationem perfidem in sanguine ipsius: qui delevit quod adversus nos erat chirographum decreti quod erat contrarium nobis, & ipsum tulit de medio, affigens illud cruci, Coloss. 2. v. 14.

Rom. 3.
v. 15.

VI. Sacrificia Judaica Messie tempore abroganda erant. Malac. 1. v. 10. *Non est mihi voluntas in vobis, dicit Dominus exercituum, & munus non suscipiam de manu vestra*. Ab ortu enim Solis usque ad occasum, magnum est nomen meum in gentibus, dicit Dominus exercituum. Porro Legem & Sacrificia vetera Christus abrogavit: Matth. 11. v. 13. *Omnes Propheta & Lex usque ad Joannem prophetaverunt*. Et Rom. 10. v. 4. *Finis Legis Christus, ad iustitiam omni credenti*.

VII. Qui venturus prædicitur, occidendus est, cujus in morte pactum confirmabitur, & deficiet hostia, & tum populus dissipabitur, ac futura est abominatio desolationis. Atqui hæc omnia in Christo eventum habuere. Occisus est à Judæis, Act. 5. v. 30. *Deus patrum nostrorum suscitavit Jesum, quem vos interemistis, suspendentes in ligno*. In ejus morte pactum confirmatum fuit & obsignatum, Hebr. 9. v. 15. *Ideo novi Testamenti mediator est, ut morte intercedente, in redemptionem earum prævaricationum quæ erant sub priori Testamento, repromissionem accipiant, qui vocati sunt eterne hereditatis*. Et Christi

Christus ipse, Matth. 26. Marci 14. & Lucæ 22. ait : *Hic est sanguis meus novi Testamenti, qui pro multis effundetur in remissionem peccatorum.* In morte Christi defecit hostia & sacrificium Legis Mosaicæ, si non quantum ad rem & actum, saltem quantum ad jus : qua de re legenda Epistola S. Pauli ad Hebræos cap. 10. Istud ut significaret Christus, moriens exclamavit, Joan. 19. v. 30. *Consummatum est.* Post mortem Christi capta & eversa Jerololyma per Titum, populus omnis dispersus est, nullumque ex eo superfuit amplius Reipublicæ Judæorum vestigium; atque impletum fuit istud Osee, *Vos non populus meus, & ego non ero vester.* Istam populi dispersionem ac consummatam Jerololymæ ruinam sapius, nec sine lachrymis, Christus prædixerat, Matth. 23. 24. Lucæ 19. Tūc verè contigit abominatio desolationis, cū omnia Sacra à Gentilibus prophana sunt, Templum exustum, violata Religio. Cū igitur omnes vaticinii Danielis characteres apprimè in Christum cadant, & in ipso ad litteram impleti fuerint, meritò asserimus vaticinium illud de Christo esse intelligendum.

Osee 1.
v. 9.

Neque id diffitentur inter Judæos multi, teste S. Hieronymo in citatum Danielis locum; tamen si nondum impletum asserant vaticinium. Ita quoque ex Rabbini recentioribus non pauci. Sunt tamen inter illos longè plures, qui distortas omnino & obliquas illius vaticinii interpretationes excogitarunt, quas referre & confutare necesse est.

Referuntur ac confutantur distortæ Judæorum expositiones, quibus Danielis vaticinium detorquent, nec ad Christum, sed ad alios referunt.

Vanas planè ac commentitias esse varias illas Judæorum expositiones eo ipso statim ad oculum deprehendimus, quòd nulla prorsus sit in quam cadere possint notæ ac characteres omnes quos Daniel descripsit : quod quidem facta enumeratione demonstrare facillimum erit.

Prima, quæ inter cæteras à R. Salomone dicto Jarchi subtilissimè excogitata est, contendit scopum ac finem prophetiæ non alium esse, quàm ut prænuntiet Daniel quid populo Judaico durum ac triste accidere debeat à prima Templi destructione sub Nabuchodonosore, usque ad secundam sub Tito, quod spatium temporis est annorum 490. vultque in eo utramque hanc calamitatem distingui, quòd post primam non ita accisa & attrita est Judaica gens, quin identidem respiraverit : at post secundam durissimo ac diuturno servitutis iugo affligenda est in pœnam & ultionem peccatorum, ut tandem correpti ac in melius commutati Judæi, ad Deum liberatorem recurrerent : & ita, inquit R. Salomon, finem accipiet peccatum, delebitur iniquitas, & adducetur justitia sempiterna, ac tandem adimplebuntur de venturo Messia prophetiæ. Quantum verò ad hebdomadarum distinctum calculum, non multum ille sollicitus est de figendo earum initio ab Edicto Principis alicujus pro ædificanda civitate; & verba ista Danielis, *Ab exitu sermonis ut iterum ædificetur Jerusalem*, ille sic reddit, *De exitu sermonis mei, hoc est, sermonis quem dixi*: quasi sensus esset, *Audi & scito Daniel, quid decreverit Deus circa ædificationem civitatis* : ubi exitus sermonis, non tam initium est, ex quo computari debeant hebdomades, (hoc est ab ipso Edicto de ædificanda Jerusalem) quàm subiecta materia de qua Propheta loqui-

Prima
exposi-
tio.

loquitur. Quapropter hebdomades illas, de quibus Daniel, in tres partes R. Salomon dividit. i. enim septem, deinde sexaginta duæ sunt; tum una postrema. Duos præterea Christos distinguit, quorum prior venturus foret post septem priores hebdomades; posterior autem post alias sexaginta duas, & in medio septuagesimæ excidendus esset. Prior autem Christus ipse est Cyrus, quem Haïas cap. 45. Christum appellat, & qui Judæos à captivitate liberos dimisit; posterior verò est Rex Agrippa qui in ultimo Jerosolymæ excidio perit.

Eandem interpretationem nonnulli alii Rabbini adoptant & sequuntur, nisi quòd in utroque illo Christo figendo & assignando dissentiant. Alii priorem Christum dicunt esse Josue, seu Jesum filium JosedeK, Sacerdotem magnum, qui una cum Zorobabele in Judæam, permittente Cyro, rediit, de quo L. 1. Esdræ cap. 3. v. 4. & 5. Zachariæ c. 3. v. 1. & c. 4. v. 14. Posteriorem autem de Sacerdotio interpretantur, quod in ultima Jerosolymorum clade extinctum fuit. Vide Huetium Demonstrat. Evang. Prop. 9. cap. 8. n. 18. Petavium L. 16. cap. 8. n. 3. Huic interpretationi favere videntur 70. Interpretes qui sic vertunt, *Delebitur unctio*: quod quidem de Sacerdotio Eusebius L. 1. Hist. c. 6. & L. 8. Demonstrat. Evang. Theodoretus, & alii non pauci ex Antiquis exposuerunt. Alii verò Christum illum seu Ducem ac Principem futurum esse ajunt, aut Nehemiam, aut Zorobabelem, aut Herodem Agrippam.

Verùm ista R. Salomonis interpretatio tot figmentis ac erroribus adversus Historiæ veritatem scatet, ut per sese tota funditus ruat: idque ostendimus primò generalibus quibusdam momentis; secundò strictim percurrendo varios illos Principes aut personas, in quibus fingit R. Salomon Danielis vaticinium complementum habuisse.

I. Absurdè ille fingit, scopum prophetiæ esse ut prænuntientur quæcunque dura & aspera Judæis eventura erant: imò potius Angelus Danielem virum desideriorum solari ac recreare voluit, spe brevi finiendæ Judæorum captivitatis, ac bonorum quibus per adventum Messie seu Christi cumulandi essent.

II. Non minùs absurdè duos in illa prophetia Christos distinguit, Cyrum & Agrippam, cum unus & idem sit Christus de quo loquitur Daniel.

III. Et istud quoque absurdissimum videtur, peccati finem, justitiæ ademptionem, aliaque commoda quibus tandem fruituri sunt Judæi, refundi, tanquam in veram causam, in ipsam Judæorum futuram servitutem ac captivitatem; quasi idcirco tot bonis subinde cumulandi illi forent, quòd tot malis & jam oppressi fuissent, & adhuc postea opprimendi forent: non aliam etenim illorum futurorum bonorum causam assignat Daniel, quàm Christum ipsum.

IV. Certum & indubitatum est, septuaginta illas hebdomadas, de quibus Angelus loquitur, numerari non posse à prima Hierosolymorum everisione sub Nabuchodonosore, usque ad secundam sub Tito. Namque 70. hebdomades efficiunt tantùm annos 490. at ab una clade ad alteram intercedunt anni 657.

V. Falsò Angelus septem dumtaxat hebdomadas, hoc est quadraginta novem annos, ad primum illum Christum, nempe Cyrum, vel Zorobabelem

lem &c. numeraret: à prima enim Templi ruina sub Nabuchodonosore ad postremam sub Tito, majus est quàm 490. annorum spatium; siquidem ab ipso Nabuchodonosore usque ad primum Cyri annum interjacent anni 52. qui tribus annis excedunt septem hebdomadas, intra quas, juxta interpretationem R. Salomonis, Templum ædificatum est.

VI. Falsò non minùs illarum hebdomadarum initium repetit auctor ab illa prima Templi & Civitatis everfione sub Nabuchodonosore; siquidem Angelus ipse terminos figit & assignat, *Ab exitu sermonis, ut iterum ædificetur Jerusalem, usque ad Christum*. Initium igitur repeti debet ab eo Decreto seu Edicto, quo Judæis licitum fuit Templum & Urbem iterum ædificare: at quo tempore everfa est à Nabuchodonosore Jerusalem, nullum hujusmodi Decretum seu Edictum emissum fuerat.

VII. Immeritò ac ineptè prorsùs R. Salomon ita hebdomadas Danielis partitur, ut septem priores in unum Christum, & consequentes in alterum definant. A Christo enim qui primò memoratur, nec distinctus ab eo qui iterum legitur, notat Angelus futuras hebdomadas septem & sexaginta duas, uno eodemque sermonistenore: at si hebdomades illæ disjungerentur, oratio Danielis omninò confusa & perturbata fuisset.

VIII. Denique, bona & commoda quæ Daniel Judæis futura prænuntiat intra terminos illarum septuaginta hebdomadarum, Rabbini illi indefinitè ac indeterminatè differunt post illas hebdomadas septuaginta, ut inde convinci non possint jamdiu adventasse Messiam, illiusque adventum quantum voluerint differant: at è contra manifestum est, Angelum docere ea omnia quæ prænuntiat, eventura esse intra septuaginta illas hebdomadas à Deo præfixas ac definitas.

Superest jam ut strictim demonstremus quàm falsò ac ineptè fingant Rabbini per Christum, de quo Daniel, designari, vel Cyrum, vel Agrippam juniorem, vel Nehemiam, vel Jesum Josedec Sacerdotem, vel Zorobabelem, vel Sacerdotium ipsum seu unionem sacram: sunt enim hæc totidem putida eorum figmenta.

Ac primò quidem Cyrus, tametsi ab Isaiâ Christus nuncupatus, non ille tamen Christus est, de quo Daniel: quia Christus seu Messias, de quo Propheta, venire dumtaxat debuit post sexaginta & novem hebdomadas, & post instauratam Jerusalem. Certum porrò est Cyrum è vivis excessisse, antequam inchoatæ fuissent sexaginta illæ & novem hebdomades; atque Jerusalem ædificatam rursus fuisse sub Artaxerxe Longimano, qui quartus fuit à Cyro Persarum Imperator: quæ demonstratio tam clara & invicta visa est R. Abenezra, ut in caput 9. Danielis scripserit, *opinionem illam quæ dicit Cyrum esse Messiam Domini, non esse*. Adde quòd characteres qui à Daniele describuntur, in Cyrum, aut alium quemlibet, præter Christum, cadere non possunt.

Neque etiam Agrippa junior Christus unquam dictus, nec à Daniele designatus fuit, licet tenipus quo vixit, Christo possit convenire. Ratio aperta est, quia verus Messias dux Israel futurus erat: *Ex te exiet dux, qui regat populum meum Israel*. Matth. 2. v. 6. in Jerusalem Regni sedem habiturus erat, *Ego autem constitutus sum Rex ab eo super Sion montem sanctum ejus* &c. Psalmo 2. v. 6. Porrò Agrippa junior nunquam fuit dux totius

rius

tius gentis Judaicæ. Regnavit ille in Thraconitide, non Ierosolymis; nec ullam in Judæa auctoritatem habuit, quæ à morte magni Agrippæ patris ejus, in Provinciâ Romani Imperii redacta, à Præfectis Romanorum gubernata fuit. Falsò etiam asseritur, eum à Romanis in excidio Ierosolymitano occisum fuisse: quandoquidem, testibus Iosepho L. 2. de bello Judaico c. 16. & Cornelio Tacito L. 5. Historiarum, cum Romanis ad finem usque vitæ suæ amicitia conjunctus fuerit. *Mendacii redarguitur*, ait Baronius Te. 1. p. 697. C. ad an. Chr. 73. n. 8. auctor qui Iosephi Gorionis nomine scribit, triennio cum dimidio ante Ierosolymorum excidium, Agrippam Regem à Vespasiano fuisse necatum; cum etiam Iosephi testificatione constet, eum à Vespasiano fuisse amicissimè habitum.

Neque etiam Nehemias ille Christusest, quem prædixit Daniel. Quamquam enim nonnulli characteres à Daniele delineati cadere in illum utcumque possint, non tamen omnes: neque enim *Sanctus sanctorum, iustitia sempiterna, auctor novi fœderis, qui peccatum expiaturus esset*, aut dictus unquam fuit, aut dici debuit. Præterea dici non potest, Nehemiam natum fuisse eo ipso tempore quod à Daniele designatum fuit: certum quippè est illum vixisse diu ante initium septuaginta hebdomadarum; atque absurde omnino fingeretur, eum ab Edicto, quod ab Artaxerxe pro ædificanda civitate obtinuit, usque ad finem septuaginta illarum hebdomadarum, hoc est, usque ad annos 490. vitam produxisse: Messias verò cujus adventum prædicit Daniel, sub finem illarum hebdomadarum nasciturus erat.

Nec etiam intelligi potest per Christum, apud Daniele, Iesum Iosedec Sacerdos, cui adaptari non possunt omnes Messie characteres quos Daniel expressit. At, inquit nonnulli Judæorum Doctores, verus Messias à Daniele prænuntiatus, debuit esse Servator & Pontifex; debuit satanam debellare, vitam ducere vilem & asperam, deinde maxima illustrari gloria; neque solummodo Israelis Dux esse debuit, sed Iudex ac vindex; quæ omnia, inquit, apprimè cadunt in Iesum Iosedec. Non tantum enim unà cum Zorobabele populi libertatem à captivitate impetravit, sed etiam ad patriam seu Judæam reduxit, unde Iesus, id est Salvator dictus est: Magnus etiam Sacerdos fuit, Esdræ 1. capite 3. satanam debellavit, Zachariæ 3. v. 1. sordidis vestibus induebatur, ibid. v. 3. quas ab illo auferri ibidem v. 4. Deus imperavit, *Auferte vestimenta sordida ab eo . . . & ponite cidarim mundam super caput ejus*, v. 5. Addit Angelus, seu in ejus persona Deus, v. 7. *Tu quoque iudicabis domum meam, & custodies atria mea*. Denique altare Domino erexit, Esdræ 1. c. 3. v. 2. *Surrexit Josue filius Iosedec, & fratres ejus Sacerdotes, & Zorobabel filius Salathiel & fratres ejus, & edificaverunt altare Dei Israel*. Hæc omnia de Jesu Iosedec dicta ultro agnoscimus; ac fatemur illum Messie typum ac figuram, in aliquibus fuisse, non autem Christum ipsum, de quo loquitur Propheta Daniel; neque enim ea ipsa temporis periodo natus est Iosedec, quam assignat Daniel, ut mox de Nehemiâ dictum fuit. Iosedec igitur, sicut & collega ipsius Zorobabel, in multis quæ gesserunt, Christum Messiam expresserunt; aut melius, ut cum S. Hieronymo loquamur, verus & unicus Messias his duobus illustrissimis viris adumbratus & præfiguratus fuit, tanquam Rex à Zorobabele, tanquam Pontifex à Jesu filio Iosedec.

Unus

Unus atque idem est Dominus noster atque Salvator, ait sanctus Doctor in Ag- T. 3. P. 168.
gæ caput 1. Rex & magnus Sacerdos, cuius typum; secundum id quod Rex erat,
portabat Zorobabel; secundum id autem quod Pontifex erat, portabat omonymus
eius Jesus.

Neque in Zorobabele impleta est Danielis de Christo Messia venturo pro- Nō Zo-
 phetia, propter easdem quas de Nehemia diximus, rationes & causas; lon- robabel.
 ge enim ante initium septuaginta hebdomadarum natus est Zorobabel: ne-
 que etiam dici potest ipsius ætate defecisse hostiam & sacrificium; imò potius
 Templo instaurato, usus sacrificiorum restituit. Denique venire non debuit
 Messias, nisi post ædificatam Urbem: at Zorobabel ultimum diem objerat,
 priusquàm ad perfectum ædificium adductum fuisset.

Sunt qui ista prophetiæ Danielis verba, *Ut ungetur Sanctus Sanctorum*,
 referunt non ad Christum, sed ad Templum seu unctionem sacram, quæ pro-
 pter sacrificia quæ Deo offerebantur, *Sanctus Sanctorum* appellabatur. Verùm
 manifestum est Prophetam loqui de persona quæ ungenda erat, non de Tem-
 plo vel unctione. Septuaginta quidem Interpretes vertunt *Unctionem*; sed
 concretè nomen illud sumi debet, nempe pro persona uncta, quæ per ex-
 cellentiam Christus est. Et verò fatentur vel ipsimet Rabbinæ, imprimis R.
 Samuel, in secundo Templo quinque res defuisse, quæ fuerunt in primo: sci-
 licet, *ignem, Arcam, Urim & Tummim, oleum unctionis, & Spiritum san-*
ctum. Igitur per ista verba, *Ut ungetur Sanctus Sanctorum*, nec Templum,
 nec Unctio sacra intelligi potest.

Secunda interpretatio.

Sunt etiam qui cum Marshamo Anglo, in Chronico Ægyptiaco ad secu- Secun-
 lum decimum octavum, Danielis vaticinium referunt ad tempus Antiochi da in-
 Epiphanis, cuius ætate impletum est; ac nonnulla supponant, quibus suppo- terpre-
 sitis, omnia benè coherere arbitrantur. Supponunt nempe 1. Angelum cum tatio
 Daniele sermonem habuisse anno primo Darii Medi, ut constat ex Daniele c. Mar-
 9. v. 1. 2. hunc primum Darii annum incidisse in annum 21. captivita- hami,
 tis Babilonicæ: Daniel quippe cap. 10. v. 2. ait se per tres hebdomadas
 luxisse, *In diebus illis, inquit, ego Daniel lugebam trium hebdomadarum die-*
bus, panem desiderabilem non comedi, & caro & vinum non introierunt in
os meum. Tres porrò hebdomades annorum, quas auctor intelligit, effi-
 ciunt annos viginti & unum: ab initio igitur captivitatis ad hoc usque collo-
 quium Danielis, intercesserunt anni 21. 3. Daniel numerat septem hebdoma-
 das & sexaginta duas, & præterea unam, & insuper mediam hebdomadem;
 hoc est septuaginta omnino hebdomades cum dimidia. 4. septem priores
 hebdomades posse à consequentibus separari. 5. septem priores ducendas
 esse ab exitu sermonis Angeli, hoc est ab anno 21. captivitatis. 6. conse-
 quentes hebdomades ducendas esse ab ipso captivitatis initio. 7. denique,
 duplicem à Daniele Christum distingui. Quibus præsuppositis & admissis,
 omnia sic conciliant.

Septem priores hebdomades apertè definiunt in Cyrum, qui prior est Chri-
 stus; Cyrus enim anno septuagesimo captivitatis Rex sedere coepit, &
 Judæos abire in patriam permisit: at ab anno 21. captivitatis usque ad se-

Journely de Incarnatione.

F

ptua-

ptuagesimum præcisè sunt quadraginta novem anni, hoc est septem hebdomades.

Deinde, sexaginta duæ definent in Antiochi Epiphanis exordia: sexaginta enim & duæ hebdomades sunt anni 434. sed ab initio captivitatis, & anno quo Antiochus Epiphanes regnare cœpit, sunt anni 434. Tùm septuagesima sequetur hebdomada, hoc est primum Antiochi septennium, per quod intervallum temporis excindetur Christus, hoc est, Sacerdotes amovebuntur, hostia deficiet, Sacra ab Antiocho profanabuntur, quod quidem per tres circiter annos duravit, donec Templum à Juda Machabæo expurgatum fuit. 1. Mach. 1. v. 62. & 4. v. 52.

Refellitur.

Verùm ista expositio multa falsa supponit, ex quibus nonnisi falsum potest deduci.

Falsum est 1. duos à Daniele Christos distingui.

Falsum est 2. Cyrum esse Christum, seu Principem ac Ducem, de quo Daniel.

Falsum est 3. Sacerdotium tempore Antiochi Epiphanis pollutum, nomine Christi à Daniele potuisse designari.

Falsum est 4. priores hebdomades à subsequentibus divelli posse; quæ quatuor capita jam antea evicimus.

Falsum est 5. exitum sermonis, à quo hebdomades initium ducunt, esse tempus colloquii Angeli cum Daniele: sed ex jam dictis, exitus ille sumendus est ab Edicto ut iterum adificetur Jerusalem.

Falsum est 6. septuaginta hebdomades ita dividi & explicari posse, ut septem priores intra spatium aliarum concludantur: sed istud longè absurdius est, septem priores ducere ab anno 21. captivitatis, reliquas autem consequentes ab exordio ejusdem captivitatis; sic etenim posteriores hebdomades prius inciperent quàm priores, quod per sese absurdissimum est.

Falsum est 7. septuaginta hebdomadibus aliam dimidiam addendam esse: medietas enim illa est septuagesimæ, id est hebdomadis postremæ.

Falsum est 8. primum Darii annum, quo Angelus Danieli primò apparuit, incidere in annum 21. captivitatis Babylonice; incidit enim in annum 68. Duobus etenim dumtaxat annis Darius Medus in Assyria regnavit, cui successit Cyrus, qui anno primo Imperii captivitatem solvit, ut colligitur ex cap. 25. Jeremiæ v. 11. & 12.

Falsum est 9. tres illas hebdomadas quas in fletu ac planctu testatur Daniel se transelegisse, esse hebdomadas annorum: repugnat manifestè sacer Contextus, quo patet fuisse hebdomadas dierum. *Lugebam*, ait Daniel cap. 10. v. 2. *trium hebdomadarum diebus*. Et v. 3. *Neque unguento unctus sum, donec compleretur tripm hebdomadarum dies*.

Falsum est 10. Danielis vaticinium sub Antiocho Epiphane, annis ante Christum 175. impletum fuisse. Namque tametsi Rex ille impius, dictus primò Epiphanes, hoc est illustris, tum Epimanes, id est furiosus, durè admodum Judæos vexaverit, direpto ac profanato Templo; attamen desolatio, de qua loquitur Daniel, non sub Antiocho Epiphane, sed longè postea, nonnisi post occisum Christum, in ultimum nempe Urbis & Gentis

Gentis excidio sub Tito Vespasiani filio; contingere debuit, declarante vel ipsomet Christo apud S: Matth. cap. 24. v. 15. eam ætate sua non advenisse, sed postea futuram: *Cum ergo, inquit, videritis abominationem desolationis, quæ dicta est à Daniele Propheta, stantem in loco sancto; tunc qui in Judæa sunt, fugiant ad montes &c.* Deinde verò in tempus quo regnavit in Syria Antiochus Epiphanes, caderenon possunt quæ prædicit Daniel: peccato finis impositus non est, nec adducta justitia sempiterna; unctus non est sanctus sanctorum; civitas Jerusalem expugnata quidem, at non everfa & solo æquata, ut postea sub Tito contigit; occisus non est Christus: desolatio itaque perpetua non fuit; paulò post enim Judas Machabæus deletis Antiochi copiis, Jerusalem ingressus est, ac mundato & expurgato Templo, & Deo cultum, & nationi suæ pacem restituit..

Tertia interpretatio..

Sunt inter Judæos, qui Danielis vaticinium de Christo quidem seu de Messia intelligunt, eumque tandem post septuaginta hebdomadarum spatium venturum, non tamen determinando an adventus ille futurus sit intra spatium septuaginta illarum hebdomadarum, an immediatè post illas expletas; sed indefinitè ac indeterminatè illum venturum expectant post septuaginta hebdomadas elapsas.

Sunt etiam inter illos, qui contendunt numerum septuaginta hebdomadarum apud Daniele, non esse certum ac determinatum, sed indeterminatum & indefinitum; pro more Scripturæ quæ numerum certum pro incerto, perfectum pro imperfecto frequenter usurpat. Ita Osee cap. 6. v. 3. dicitur: *Visificabit nos post duos dies, & in die tertia suscitabit nos.* Matth. 18. v. 22: *Non dico tibi usque septies, sed usque septuagies septies.* Apocal. 7. v. 5: *signantur duodecim millia ex Tribu Juda, &c.* quibus profectò in locis numerus certus pro incerto sumitur. Ergo pariter, inquit, apud Daniele numerus certus septuaginta hebdomadarum pro incerto ponitur: unde colligunt, vi hujus vaticinii probari apertè non posse jam advenisse Messiam; sed hoc unum, illum aliquando venturum esse..

Refellitur..

I. Quia Daniel tam disertè designat ac distinguit illas hebdomadas, & quidquid intra periodos illarum eventurum est, nempe intra spatium septem hebdomadarum Civitatem ædificandam; post verò hebdomadas sexaginta duas venturum esse Messiam & occidendum; tandem in dimidio ultimæ hebdomadæ finem hostiis ac sacrificiis imponendum esse: tam disertè, inquam, Daniel ista distinguit ac facernit, ut mirum sit illa confundi ac perturbari posse..

II. Etsi nonnunquam in Scripturis certus numerus pro incerto sumatur, non tamen hæc generalis regula est, quasi nullibi certum ac determinatum numerum assignaret Scriptura, præsertim verò in illo septuaginta hebdomadarum numero, cujus finis ac subiecta materia demonstrant numerum illum certum ac definitum esse. Finis quidem: non alius enim esse

videtur, quàm ut Daniel afflictum populum soletur & erigat spe brevi finienda captivitatis, ac venturi Messie qui à jugo æternæ ac spiritualis servitutis eum liberaturus erat. Quàm frigida porro fuisset consolatio, si tempus indefinitum proposuisset! Deinde, subjecta materia est adventus Messie: at Scriptura procul dubio certum ac determinatum hujus adventus tempus assignat; omnis etenim Judæorum spes ac cogitatio in hunc adventum intenta semper & erecta erat. Porro, si annorum numerus apud Danielem incertus & indefinitus esset, in suspenso semper hæssisset Judæorum spes & expectatio. Adde quòd cum septuaginta illæ hebdomades in certos quosdam historicos eventus futuros distribuuntur, necesse est numerum annorum indefinitum non esse, sed certum ac determinatum.

Quarta interpretatio.

Quartam interpretationem addit recentior Judæus, Isaac Orobio Hispalensis, in Colloquio quod habuit cum Philippo à Limborch è secta Remonstrantium, Amstelodami Theologiæ Professore anno 1686. quod anno 1687. typis excusum fuit sub hoc titulo, *Philippi à Limborch de veritate Religionis Christianæ amica Collatio cum erudito Judæo. Goudæ apud Justum ab Hæere ann. 1687.* Interpretationis hujus duplex pars est.

Prima est: promissum quidem Judæis sub conditione Messie adventum intra spatium septuaginta hebdomadarum, si nempe intra illud spatium Judæi resipiscerent, ac seriam agerent poenitentiam; quam cum non egerint, dilatum esse ait Messie adventum.

In secunda verò parte contendit, *Danielem per Messiam non intelligere Messiam seu Christum filium Davidis, sed primum Sacerdotem, qui cum & post Nebemiam regnavit, utrumque ius & Ecclesiasticum & quasi regium in populum exercens; qui ideo vocetur dux & unctus: quo mixto Sacerdotum regimine, populus per sexaginta duas hebdomadas variis cum fortuneis persequeretur. Tandem in medio septuagesimæ, ultimo Sacerdote Ananeo occiso, additur, & non ei, id est, non amplius successor aliquis fuit; isque appellatur simpliciter unctus, non Princeps, quippe tam à pluribus annis regiam potestatem Herodiana Domus occupaverat.*

Refellitur.

Prima quidem pars: quia nullum est in vaticinio Danielis appositæ conditionis vestigium; ac tantum abest ut Deus Messie adventum distulerit ob non peractam à Judæis poenitentiam, ut is sit, vel fatentibus Judæis, adventus Messie finis futurus, nempe ut Judæos convertat, cor la-

Enoch.

11. v. 19.

& 16. v.

26.

videmus auferat, & cor carneum eis det. Itaque pradicat quidem Angelus populi peccatoris excidium; sed simul Messie adventum, & cruentam ipsius mortem. Et verò Judæos veteres in vaticinio Danielis Messiam verum intellexisse, patet ex Josepho qui L. 7. cap. 12. de bello Judaico ait: *Quod Judæos maxime ad bellum excitavit, responsum erat ambiguum, itidem in sacris Libris inventum, quòd eo tempore quidam esset ex eorum finibus orbis terræ habiturus Imperium. Id enim illi quidem quasi proprium acceperunt, mul-*
tigue

rique sapientes interpretatione decepti sunt. Hoc autem planè responso Vespasiani designabatur Imperium, qui apud Judeam creatus est Imperator. Iosephus quidem oracula Prophetarum de Messia, turpi adulatione ac per violentiam detorsionem de Vespasiano interpretatus est: sed interim ex ipsius narratione liquet, Judæos ita intellexisse Prophetarum vaticinia, ut tempus adventui Messie destinatum tunc effluerit; & quodam aliud fuit in Prophetis vaticinium, quod adventus ipsius certum tempus, quod quidem antequam adimpleretur aliquatenus dignosci potuit, prædefiniuit, præter hanc Danielis prophetiam de septuaginta hebdomadibus, quas jam aut completas esse, aut saltem ad finem vergere deprehendebant? Ergo vaticinium hoc de Messie adventu intellexerunt.

Secunda verò pars refellitur, quia in ea expositione multa supponuntur, quorum quædam veritati historię manifestè adversantur, quædam valdè incerta ac probatu difficillima.

I. enim *per Messiam ducem* intelligit primum Sacerdotem, eumque ait cum Nehemia, post elapsas septem ab exitu sermonis pro ædificanda Jerusalem hebdomadas, regnasse. Atqui primus Sacerdos fuit Iesus seu Josua, qui rediit cum Zorobabele, & mox, cum populus rediisset, Pontificatum gessit: Nehemias verò invenit Eliafub Sacerdotem magnum, Nehemiz seu Esdræ 2. cap. 3. v. 1. qui fuit tertius, & Jesu nepos, Esdræ 2. c. 12. Non ergo, juxta illam explicationem, primus Sacerdos post elapsas septem hebdomadas demum restitutus fuit, nec proinde hic intelligi potest per Messiam ducem.

II. Ait *primum illum Sacerdotem & omnes eum sequentes, spatio sexaginta duarum hebdomadarum, ius Ecclesiasticum & quasi regium simul in populum exercuisse.* Atqui primi illi Sacerdotes longa serie splendore illo quasi regio planè deserti fuerunt: vixerunt subiecti Imperio Regum Persarum, & postea Syro-Macedonum; illud Imperium demum initium sumpsit in Machabris, ut colligitur ex Iosepho L. 11. 12. & 13. Antiquit. Judaicæ. Atqui inter Nehemiam & Judam Machabæum intercesserunt anni circiter trecenti; hæc itaque explicatio nullo modo cum historica veritate potest conciliari. Accedit, quod neque conciliari possit cum vulgata Judæorum opinione, de duratione Templi secundi. Statuit enim post elapsas septem hebdomadas, ad necem usque ultimi Sacerdotis, elapsas esse sexaginta duas hebdomadas cum dimidia, & in fine ultimæ Templum excisum; intercesserunt ergo inter Templi restorationem & ejus excidium, sexaginta tres hebdomades, seu anni quadringenti quadraginta & unus: communis autem Judæorum opinio fert, Templum secundum stetit annis quadringentis & viginti; itaque hic discrimen occurrit annorum viginti & unius. Istud observare necesse non esset, nisi Judæi, quando de hac prophetia contra Christianos disputant, ita morosè urgerent, ipsum annum præcisè indicandum esse quo hebdomadz illæ compleantur; contendantque, nisi illæ præcisè eodem anno quò Christus occisus est, finem habere comprobentur, nihil exinde concludi posse. Itaque, ut æqua sit ex utraque parte lex ac conditio, necesse est ut eorum calculus exactè omnibus prophetiæ circumstantiis respondeat.

Aliqua etiam in adducta expositione obscura sunt, incerta & dura. Quod

enim velit per Messiam ducem alium intelligi, quàm verum ac propriè dictum Messiam seu Christum Davidis filium, non patitur orationis continua nec interrupta series, quæ unum & eundem designat Messiam. Si dicat, unicuique diversum temporis intervallum attribui, atque unum dici venturum post septem, alterum excindendum post sexaginta duas hebdomadas: dicemus nos, id ex textu sacro probari non posse; sed longè commodius utrumque numerum in unum debere conjungi, ita ut ab exitu sermonis usque ad Messiam elapsuræ dicantur hebdomades septem & sexaginta duæ. Neque istud abhorret à stylo Prophetarum, qui quandoque numerum integrum in particulis fecant, ut Ezechielis 45. v. 12. *Viginti scli, & viginti quinque scli, & quindecim scli mram faciunt*. Neque minùs contortum est, ut mox diximus, quod Auctor supponit, sub conditione dumtaxat futuræ Judæorum pœnitentiæ, promissum ipsis fuisse Messiam intra spatium septuaginta hebdomadarum venturum.

Probatnr secundo, Danielis vaticinium in Christo impletum fuisse.

Tota hujusce vaticinii difficultas posita est in figendo initio ac fine septuaginta illarum hebdomadarum, quæ eo gravior est, quòd obsecurior sit Regum Persarum Chronologia: inde tanta hac in parte sententiarum varietas. S. Hieronymus in caput 9. Danielis, accuratè recenset Africani, Eusebii, Hippolyti, Apollinaris, Clementis Alexandrini, Tertulliani varias expositiones, ipse verò suum proprium suspendit judicium, nec quidquam in hac tanta opinionum varietate audet pronuntiare.

De initio & fine septuaginta hebdomadarum apud Danielem.

Observandum 1. communi Scripturæ usu hebdomadas esse vel septem dierum, vel septem annorum. Pro diebus hebdomades sumuntur, Levitici 23. v. 15. & 16. ubi dicitur: *Numerabitis ab altero die Sabbati, in quo obtulistis manipulum primitiarum, septem hebdomadas plenas, usque ad alteram diem expletionis hebdomade septime, id est, quinquaginta dies*. Eodem sensu hebdomadas sumit Daniel, cum ait c. 10. v. 2. *se luxisse trium hebdomadarum diebus*. Sumuntur verò hebdomades pro annis, Levitici 25. v. 8. ubi dicitur: *Numerabis quoque tibi septem hebdomadas annorum, id est, septies septem; quæ simul faciunt annos quadraginta novem . . . Sanctificabisque annum quinquagesimum, & vocabis remissionem cunctis habitatoribus terræ tuæ; ipse est jubileus*.

Certum porro istud videtur, septuaginta hebdomadas apud Danielem annorum esse, non dierum: septuaginta quippe hebdomades annorum efficiunt annos nonaginta supra quadringentos; septuaginta verò hebdomades dierum efficiunt dies 490. id est, annum cum quatuor mensibus. Atque certum omnino videtur, apud Danielem non dies, sed annos computari: tum quia istud spatium dierum brevius & nimis angustum est tanto imperio myserio: tum quia re ipsa illo 490. intervallo nihil eorum contigit, quæ à Daniele prænantiantur; non capta civitas, non attritus populus, nec Christus occisus &c.

Nec

Nec te moveat quòd Daniel distinctè ac clarè annos non appellaverit. Namque 1. more Prophetarum loquitur obscurè ac involutè. 2. Solet Scriptura ubi de hebdomadibus dierum agit, distinctè dies illos designare: cum igitur eos non exprimit, de annis intelligenda est. Inde facile est explodere nonnullorum inter Judæos figmentum, qui, ut eludant definitum à Daniele tempus adventus Messie jam diu effluxisse, supponunt apud illum septuaginta hebdomades esse vel Olympiadam, quarumquælibet quatuor constabat annis; vel Jubilæorum, qui quinquagesimo quoque anno recurrebant; vel sæculorum, quorum quodlibet annis centum definitur. Namque septuaginta hebdomades Olympiadam efficiunt annos mille nongentos & sexaginta: septuaginta verò hebdomades Jubilæorum efficiunt viginti quatuor millia annorum cum quingentis: si autem intelligantur hebdomades sæculorum, duplicandus est ultimus iste numerus. Verùm absurdum planè ac ridiculum videtur, hebdomades illas sic intelligi posse. 1. Quia nullum extat in Scripturis hujusce interpretationis exemplum. 2. Quia scopo ac consilio Spiritus sancti planè adversatur. Mens quippe Danielis erat; ut afflictum populum solaretur, ac in spem brevi futuræ liberationis, ipso adveniente Messia, erigeret: frigidum profectò solatium, cujus complementum nonnisi post tot sæculorum tractum rejiciendum erat. 3. Daniel assignat futurum Messie adventum ante Urbis ac Templi ruinam; imò calamitatem Judæorum refundit, tanquam in causam, in mortem Christi cujus illi rei sunt. 4. denique, Judæi non solebant tempus per Olympiades computare; usus enim ille à Græcis inductus est, occasione Ludorum Olympicorum.

Observandum 2. septuaginta illas hebdomades computari debere ab exitu sermonis, ut iterum edificetur Jerusalem, id est, à promulgato eo Regis Persarum Edicto, quo Judæis potestatem fecit instaurandæ Urbis. Ut igitur earum initium certò figatur, inquirendum est, quis Persarum Rex, & quo Regni sui anno, Edictum illud in gratiam Judæorum emisit.

Observandum 3. quatuor à Regibus Persarum data fuisse in gratiam Judæorum Edicta. Primum à Cyro, anno Imperii sui primo, L. 1. Esdræ cap. 6. v. 3. Secundum à Dario Hytaspæ, quo prius Cyri Edictum confirmatur, L. 1. Esdræ cap. 6. Tertium ab Artaxerxe Longimano, anno Regni ejus septimo, L. 1. Esdræ c. 7. v. 7. Quartum denique ab eodem Artaxerxe Longimano, anno Imperii ipsius vigesimo, L. 2. Esdræ c. 2. v. 1.

Observandum denique, Artaxerxem qui Regni sui annis 7. & 20. in gratiam Judæorum Edictum emisit, esse Artaxerxem Longimanum, non Memorem, ut Scaligero placuit. Namque Artaxerxes Memor Regnum obtinuit anno periodi Julianæ quater millesimo trecentesimo, ante aram Christianam quarto supra quadringentesimum; adeoque annus ejus vigesimus concurret cum anno periodi Julianæ quater millesimo trecentesimo vigesimo nono, ante aram Christianam ter centesimo octogesimo quarto, quo anno superstes non fuit Nehemias, nisi vitam ejus ad annum ætatis nonum & trigessimum supra ducentessimum producamus; siquidem unus fuit eorum qui sub Cyro cum Zorobabel ascenderunt; anno periodi Julianæ quater millesimo centesimo septuagesimo octavo, ante aram Christianam sexto & trigesimo supra quingentesimum. His præobservatis

PRIMA CONCLUSIO.

Hebdomades septuaginta Danielis inchoandæ non videntur, aut ab Edicto Cyri, anno ipsius Regni primo; aut ab Edicto Darii Hystaspis; aut ab eo quod tulit Artaxerxes, anno Regni septimo.

Probatur: Quia ab eo Edicto Regis Persarum inchoandæ sunt hebdomades septuaginta Danielis, quod Judæis potestatem fecit iterum ædificandæ Jerusalem. *Ab exitu sermonis*, ait Angelus Danieli, *ut iterum ædificetur Jerusalem, usque ad Christum ducem, hebdomades septem & hebdomades sexaginta dua erunt, & rursum ædificabitur platea & muri &c.* Atqui triplex illud Cyri, Darii & Artaxerxis anno septimo Edictum de solo Templo fuit, non de Urbe ac muris excitandis.

I. enim de Cyro hæc leguntur L. 1. Esdræ c. 1. v. 1. *In anno primo Cyri Regis Persarum . . . suscitavit Dominus spiritum Cyri.* Et v. 2. *Hæc dicit Cyrus Rex Persarum: Omnia Regna terra dedit mihi Dominus, & ipse præcepit mihi ut ædificarem ei domum in Jerusalem quæ est in Judæa.* V. 3. *Quis est in vobis de universo populo ejus? Sit Deus illius cum ipso. Ascendat in Jerusalem, & ædificet domum Domini Dei Israel.*

Neque est quòd opponas, Isaïæ 45. suscitatum à Deo Cyrum qui Civitatem ædificaret: v. 13. *Ego suscitavi eum ad iustitiam, & omnes vias ejus dirigam: ipse ædificabit civitatem meam, & captivitatem meam dimittet, non in pretio, neque in muneribus.* Non est, inquam, quòd id opponas. Namque, ut observat S. Hieronymus in hunc Isaïæ locum, non sub Cyro, sed sub Nehemia Civitas ædificata fuit; & verba Isaïæ non de Cyro ad litteram intelligenda sunt, sed nobiliori ac spiritali sensu de Christo ipso, qui ibidem v. 16. dicitur *Vere Deus absconditus, Deus Israel Salvator.* Quanquam, et si litteraliter de Cyro verba citata interpretari placeret, non ipsa materialis civitatis structura intelligenda foret, sed civilis in eadem civitate coadunatio, quam Cyrus permisit, cum populum in patriam suam liberum dimisit: vel denique per civitatem, non muros, non turres & alia propugnacula intellige, sed tuguriola quædam seu domunculas, in quas noctu sese recipere possent qui Templo ædificando allaborabant.

II. Edicto Darii Hystaspis dumtaxat renovatur & confirmatur Edictum Cyri. L. 1. Esdræ c. 6. v. 3. *Anno primo Cyri Regis, Cyrus Rex decrevit ut domus Dei ædificaretur, quæ est in Jerusalem.*

III. Neque Artaxerxes suo Edicto anno sui Imperii septimo, potestatem facit rursus ædificandæ civitatis Jerusalem, sed tantum Templi restaurandi, liberi Religionis, sacrificiorum ac caeremoniarum exercitii. Lege caput 6. Lib. 1. Esdræ v. 15. & caput 7. ferè integrum. Et certè Esdras cap. 3. L. 1. narransque ex Cyri Decreto Judæi fecerant, solius Templi mentionem facit; & cap. 4. v. 1. dicitur: *Audierunt autem hostes Judæ & Benjamin, quia filii captivitatis ædificarent Templum Domino Deo Israel.* Et v. 24. conqueritur Esdras, quòd hostium invidia intermissum opus illud fuisset, quod permiserat Cyrus. Tunc, inquit, *intermissum est opus domus Domini in Jerusalem, & non fiebat usque ad annum secundum Darii Regis Persarum.* Opus autem domus Domini Templum designat, non muros civitatis. Certum aliud-

aliunde est, Artaxerxem anno Imperii sui 20. à Judæis è patria redeuntibus audivisse, muros Jerusalem everfos adhuc sub ruina jacere, ac portas igni esse combustas, sicut Nehemias narrat Lib. 2. cap. 1. v. 3. Et cap. 2. v. 13. refert quo pascio ipsemet, suscepto in Judæam itinere, propriis oculis viderit vera esse quæ audiverat; unde ibidem v. 17. Judæos sic compellat: *Jerusalem deserta est, & porta eius consumpta sunt igni: Venite, & ædificemus muros Jerusalem.*

Neque est quòd dicas, Artaxerxem anno Imperii septimo omnibus Estdræ petitionibus amuisse. L. 1. Estdræ cap. 7. v. 21. *Ego Artaxerxes Rex, statui atque decrevi omnibus custodibus arcæ publicæ, qui sunt trans flumen, ut quodcumque petierit à vobis Estdras Sacerdos, absque mora detis.*

Resp. nihil tunc temporis à Rege petiisse Estdram, quod murorum Civitatis ædificationem spectaret, sed tantum ea quæ ad Templum & ad Religionem pertinerent, quod quidem ex una lectione citati cap. 7. L. 1. Estdræ manifestum est.

SECUNDA CONCLUSIO.

Septuaginta hebdomades Danielis inchoandæ videntur ab anno vigesimo Artaxerxis Longimani.

Probat: Quia ab illo anno rectè possunt ac debent inchoari septuaginta Danielis hebdomades, quo emissum est Edictum *de iterum ædificanda Jerusalem*, & à quo usque ad Christum occisum impletæ probantur septuaginta illæ hebdomades, seu anni 490. Atqui anno 20. Artaxerxis emissum est Edictum de iterum ædificanda Jerusalem, & ab illo anno ad Christum usque occisum, septuaginta illæ hebdomades impletæ probantur; ergo à vigesimo anno Artaxerxis possunt & debent inchoari septuaginta Danielis hebdomades.

Prima pars minoris propositionis manifesta est ex L. 2. Estdræ cap. 2. integro, præsertim autem v. 8.

Disputant inter se Critici, unde primùm numerandus sit vigesimus Artaxerxis annus: an ab eo tempore quo à patre Xerxe in Regni societatem vocatus fuit, an ab eo quo mortuo Xerxe solus regnavit, de qua controversia lege Huetium Demonstr. Evang. Propositione 9. cap. 8. nu. 8. Sunt enim qui existimant cum Petavio, Pererio & aliis, pro more apud Persas recepto, Artaxerxem cum annos natus esset duodecim, à patre Xerxe, cum ad bellum se pararet, in Regni societatem assumptum fuisse; atque ab ista cooptatione numerandos censent Imperii Artaxerxis annos: alii è contra opinantur. Verùm quæcunque pars eligatur, certum est vigesimo Artaxerxis anno emissum esse Decretum de ædificanda Jerusalem; atque jamdiu effluxisse tempus septuaginta hebdomadibus definitum.

Secunda ejusdem minoris propositionis pars declaratur, quia Daniel totum illud septuaginta hebdomadarum spatium in tres quasi partes dividit: primò in septem, tùm in sexaginta duas, denique in unam hebdomadam; & unicuique veluti parti suam historicum futurum eventum assignat. Atqui si septuaginta illarum hebdomadarum initium in vigesimo Artaxerxis anno figatur, omnia quæ Daniel intra illud spatium temporis eventura prænuntiat, reipsa evenisse probantur, & ipse numerus annorum 490.

(qui

(qui in septuaginta hebdomadibus includitur) elapsus evincitur.

Minor probatur: Quia si statuamus Artaxerxem Longimanum ad Regnum pervenisse anno periodi Julianæ quater millesimo ducentesimo quadragesimo primo, vigesimusejus annus incideret in annum periodi Julianæ quater millesimum ducentesium sexagesimum, mundi ter millesimum quingentesimum quinquagesimum; si adjeceris sexaginta novem hebdomadas annorum, hoc est annos tres & octoginta supra quadringentos, habebis annum mundi quater millesimum trigesium tertium, ætæ Christianæ trigesium, quo baptisatus est Christus, & ducem agere cepit ministerio verbi Dei. Cum igitur mense Nisan exierit illud Artaxerxis Edictum Nehemiæ datum pro ædificanda Civitate, septem hebdomadarum spatio, hoc est annis 49. absoluta Civitas est. Quamquam enim muri Urbis celerrimè ob imminentes undequaque hostes diebus 52. fuerint erecti, attamen platea, ut loquitur Daniel, publica ædificia, strata viarum, fora, porticus, cisternæ, aquæductus, & alia id genus quæ disturba verat Nabuchodonosor, instauranda erant, & quidem in angustia temporum, ut Propheta loquitur, propter frementes & undequaque irruentes hostes; unde alia manu ædificabant, & alia contra hostes pugnant. Sequuntur deinde 62. hebdomades quæ ab illa perfectâ Civitatis institutione fluxerunt, donec Christus ipse Messias advenerit, cui tota postrema hebdomas septuagesima consecrata est. Quamobrem à primo Paschate quod Christus post Baptisma celebravit, incipit annus primus septuagesimæ & ultimæ hebdomadæ, in qua fœdus confirmatum est multis: Pascha autem nostrum Christus, legalibus sacrificiis imposito fine, immolatus est ineunte anno quarto, sive in medio postremæ ejusdem hebdomadæ; tuncque defecit hostia & sacrificium, sicut Angelus Danieli prædixerat. Annus ille quartus fuit Olympiadis ducentesimæ secundæ; Julianus, quadragessimus octavus; ætæ vulgaris, trigessimus tertius; Tiberii Cæsaris, decimus nonus; hebdomadam Danielis, quadringentesimus octogessimus septimus. Postea verò exitum habuere septuaginta hebdomades: tunc dissipatum est Sanctuarium, Civitas solo æquata, gens tota dispersa.

In ista porro septuaginta hebdomadarum explicatione non usi sumus annis lunaribus, cum nonnullis Theologis, qui cum ab anno vigesimo Artaxerxis ad Christi mortem reperiant tantum annos solares 469. aut annos 475. vel 477. juxta varium computandi modum, coguntur ad annos lunares confingere, qui solaribus breviores sunt undecim diebus. Namque necesse non videtur ad hujusmodi annos recurrere. 1. quia non videntur Judæi annos illos lunares in usu habuisse: menses quidem Judæorum, Lunæ: at anni Solaris cursu dirigebantur, quod patet ex Festis eorum: quotannis eodem tempore celebratis, Exodi 23. v. 15. 16. Levitici 23. v. 10. Denter. 16. v. 13. 2. Anni captivitatis 70. quorum Daniel meminit, solares haud dubie erant; qui fieri ergo posset, ut Daniel in eodem capite loquens de septuaginta hebdomadibus annorum, annos diversi generis seu lunares intelligeret? Quamquam parum refert an prædicti anni apud Danielem solares sint an lunares, cum isti ad illos mensis intercalatione redigantur: ad lunarem enim annum solari coæquandum; solebant Judæi secundo aut tertio quolibet anno mensem intercalare, seu quolibet octennio tres menses embolismos adjicere, quod jam olim à Mosis temporibus usitatum tradit Aben Ezra. Neque

que lunares annos intelligere cogit isthæc angelica & prophetica loquendi ratio, *Septuaginta hebdomades abbreviate sunt*: quia scilicet ita nuncupantur, vel quia decise sunt ac definitæ à Deo, ut fert verbum hebræum, quod nempe ex incerto ac indefinito tempore ad certum & constitutum spatium prophetico vaticinio ac divina ordinatione contractus sit Messias adventus; sive quod ex longiore intervallo, quod ab initio mundi fluxit, brevissimum restabat; quomodo in senectute vita hominis abbreviata dicitur. Vel denique hebdomades illæ abbreviatæ dicuntur, quia, ut observat Ill. Huetius Demonstr. P. 441. Evang. Prop. 9. art. 8. nu. 9. non effluerant totæ, nec cursum suum absolverant, cum cruci affixus est Christus; septuagesima quippe hebdomada adhuc erat in cursu: quam interpretationem simplicissimam appellat doctissimus Auctor. Ad hæc accedit veterum Scriptorum & SS. Patrum auctoritas, Julii Africanus, Chrysostomi, Hieronymi, Theodoreti, Bedæ &c. Qui plura de hoc Danielis vaticinio scire voluerit, consulat Synopsim Criticorum, Huetium, Petavium, Pererium.

Dices 1. Falsò supponitur in ea quam propugnamus sententia, annum Artaxerxis Longimani vigesimum incidere in annum periodi Julianæ 4260. & in annum tertium Olympiadis 81. Id autem verum non videtur, nisi velis Artaxerxem ad Regnum pervenisse anno 4241. periodi Julianæ, & anno quarto Olympiadis 76. Atqui Artaxerxes regnare tunc non cepit: Xerxes quippe regnavit viginti & amplius annis, ut Historici narrant; Regnum autem primò inivit anno periodi Julianæ 4229. & anno quarto Olympiadis 73. Ergo non potuit Regnum inire Artaxerxes ejus filius & successor, anno periodi Julianæ 4241. & Olympiadis 76. anno quarto; alioqui Xerxes regnasset dumtaxat per duodecim annos.

Resp. neg. min. Revera etenim Artaxerxes Regnum adiit anno periodi Julianæ 4241. & anno quarto Olympiadis 76. Probatum verò ex Eusebio in Chronico, ubi scribit Themistoclem Græcia profugum ad Persas confugisse anno quarto Olympiadis 76. Thucydides autem Auctor coætanus, L. 1. asserit Themistoclem confugisse ad Artaxerxem Regem, qui nuper regnare ceperat. Ergo in istud tempus conjici debet initium Regni Artaxerxis: sive duodecim tantum annos regnaverit Xerxes, eoque mortuo Regnum dumtaxat inierit Artaxerxes; sive à Xerxe adhuc tunc regnante, Artaxerxes, pro Regum Persarum more, in Imperii consortium ascitus fuisset.

Dices 2. Falsò etiam supponitur, in supputandis septuaginta hebdomadibus Judæos annis solaribus, non lunaribus usos fuisse. Namque hoc supposito, vitiosa est supputatio; quia finis elapsarum hebdomadarum non incidit in tempus mortis Christi, sed post illam decem annis & amplius: siquidem initium hebdomadarum desumitur ab anno 20. Artaxerxis Longimani; septuaginta verò hebdomades annorum solarium efficiunt annos 490. Atqui ab anno 20. Artaxerxis Longimani ad Christi mortem, non effluerunt nisi anni 480. non verò 490. Ergo &c.

Resp. 1. cum Illustrissimo Huetio, ultimam hebdomadam omninò completam non fuisse, cum Christus cruci affixus fuit, sed in cursu adhuc fuisse; quod satis est ad demonstrandam prophetiæ Danielis veritatem, *Confirmabit autem pactum multis hebdomada una, & in dimidio hebdomadis deficiet hostia & facti-*

sacrificium. Atque hoc sensu contendit Illustrissimus Auctor, hebdomadas illas dici à Daniele abbreviatas.

Resp. 2. cum multis Scriptoribus, si non à morte præcisè Xerxis numeretur initium Regni Artaxerxis, sed ab anno circiter duodecimo quo antea à patre in societatem Regni vocatus fuit, non amplius redundare decem illos annos, sed in ipsa Christi morte impletas fuisse septuaginta hebdomadas, seu annos 490,

TERTIUM ARGUMENTUM.

Præteriti adventus Messia, ex Templi secundi gloria, apud Aggeum & Malachiam Prophetas.

Aggeus & Malachias Prophetæ prædicunt, stante secundi Templi gloria, quæ priori longè major futura erat, venturum Messiam, qui Templum istud secundum præsentia sua esset illustraturus. Cum igitur jam dudum Templum istud secundum funditus & absque ulla instaurationis spe destructum sit, necesse est illo adhuc stante venisse Messiam.

En Aggei verba c. 2. v. 4. & seq. *Quis vobis est derelictus, qui vidit domum istam in gloria sua prima? Et quid vos videtis hanc nunc? Numquid non ita est, quasi non sit in oculis vestris?* Et v. 7. *Hec dicit Dominus exercituum. Adhuc enim modicum est, & ego commovebo cælum & terram, & mare & aridam, & movebuntur omnes gentes; & veniet desideratus cunctis Gentibus, & implebo domum istam gloria, dicit Dominus exercituum. Meum est argentum, & meum est aurum. . . Magna erit gloria domus istius novissimæ plus quàm primæ. . . Et in hoc loco ipso dabo pacem, dicit Dominus exercituum.* Clarum est Prophetam eò loci Templum secundum cum primo comparare, atque secundum altero præstantius & excellentius in eo esse, quòd *Veniet desideratus cunctis Gentibus, pacem secum allaturus, qui præsentia sua novum istud Templum illustraturus est.* Hoc ipsum confirmat Malachias c. 3. v. 1. his verbis: *Ecce ego mitto Angelum meum, & preparabit viam ante faciem meam: & statim veniet ad Templum suum Dominator, quem vos queritis, & Angelus Testamenti, quem vos vultis,*

Unde sic arguimus: Major prædicitur futura secundi Templi gloria, quàm primi; atque statim ac Templum istud secundum, quod prophetante Aggeò inchoabatur, absolutum fuerit, in illud Messias venturus dicitur, *statim veniet ad Templum suum Dominator*, ait Malachias: atqui non aliunde Templi secundi gloria major futura erat, quàm quòd præsentia sua Messias illud ornaturus esset, *statim veniet ad Templum suum*: si *statim*, non ergo post tot annorum millia, ut ajunt Judæi. Porro duo hic omnibus perspecta sunt, 1. jamdiu absolutum fuisse sub Zorobabele Templum illud secundum ad quod venire debuit Messias. 2. jamdiu sub Tito illud funditus dirutum fuisse, absque ulla spe instaurationis; ergo concludendum adversus Judæos, jam diu advenisse Messiam, quem adhuc frustra illi venturum expectant.

Neque verò diffiteri possunt Judæi, quin in hoc utroque vaticinio de Messia sermo sit. In quem enim alium cadere possent notæ ac characteres quibus

bus depingitur? Quis præter ipsum futurus erat Gentium expectatio, pacis auctor, & novi fœderis Angelus? Quis in Templum suum venturus, & ad cujus adventum cœlum & terra commovenda erant? Unde major Templi hujus, ad quod venturus erat, gloria, quàm ex ipsa Messie præsentia & majestate? Quæ porro illa pax, quam Templi Dominator allaturus erat? Non terrena certè ac temporalis: nemo etenim ignorat, & Templum hoc secundum violatum fuisse à Seluco, Antiocho, Pompejo & Tito; Judæis multis malis oppressos fuisse, atque etiamnum tristem & ignominiosam ubique vitam trahere. Pax ergo illa spiritualis ac cœlestis erat futura, quam ipsi Angeli nato Messia populis annuntiarunt, Lucæ 2. v. 14. *Gloria in altissimis Dei, & in terra pax hominibus bonæ voluntatis.*

Reponunt Judæi majorem illam Templi secundi gloriam referri vel ad majorem adificiorum Templi pompam, divitias, ornamenta, munera; vel ad durationem, quia secundum istud Templum durare debuit annis 420. id est, decennio plus quàm steterit primum.

Verùm 1. leviora ista sunt, quàm ut majorem Templo Dei gloriam conciliare dici possint; nec de rebus hujuscemodi caducis tam magnificè loqueretur Deus, ut propterea commoveri debeat cœlum & terra. 2. Deus diserte proficitur se Templi gloriam ex illis rebus infirmis non æstimare: *Meum enim est argentum*, ait loco citato Aggæi v. 9. *meum est aurum*: quasi diceret, Ornare possem, si vellem, Templum istud, multò magis quàm ornatum fuerit Templum Salomonis; *Meum enim est argentum, meum est aurum*: sed oratio illud re longè præstantiori, Filii mei scilicet præsentia, quæ est gloria Israel. 3. Qualiacunque sint munera & dona quæ Darius, Artaxerxes, Herodes, aliique Principes ad Templi structuram & ornatum contulerint, nusquam æquare, multò minùs superare potuerunt gloriam ac splendorem Templi Salomonis, in quo erant præcipua ista decora & ornamenta, Arca fœderis, ignis perpetuus, virga Aaron, oleum sanctum, spiritus prophetiæ, præsentia Dei in Propitiatorio, Urim & Tummin, quæ omnia in secundo Templo defuisse non diffitentur ipsimet Judæi.

Fingunt nonnulli, verba Aggæi referri posse ad aliquod tertium Templum, quod Herodianum dicunt, quòd fuerit ab Herode constructum, altero vetustate collabente.

Verùm putidum istud figmentum est. Namque 1. loquitur Aggæus de Templo quod à fundamentis excitari Judæi videbant, quod indigebat Prophetæ his verbis, *Domus ista*. 2. Hæc Judæis dicebat Aggæus, ad solatium & spem melioris eorum fortunæ: quid porro solatii percipere potuissent Judæi, si de alio Templo, & quidem sub mundi finem futuro, locutus ille fuisset? 3. Templum secundum, de quo Aggæus, ita funditùs à Tito eversum fuit, ut nulla prorsus illius iterum excitandi spes affulgere possit: unde qui sub Adriano, vel Juliano istud tentarunt, irritò conatu tentarunt, ac erumpentibus à terra flammis ab opere deterriti fuere, ut narrat Ammianus Marcellinus L. 3. Hist. Templum ergo quod vocant Herodianum, hoc ipsum est Templum secundum Zorobabelis, quod Herodes ornavit ac ditavit, cujus partes aliquas vetustate collapsas aut reparavit aut amplia vit super iisdem fundamentis, maxima faltem ex parte. Vide Baronium in Apparatu, Cornelium à lapide in Aggæum.

QUARTUM ARGUMENTUM.

Jam præteriti adventus Messia, ex signis quæ adventum ejus aut comitari, aut subsequi debuerunt..

Firmum ac inconcussum est quod ex illis signis sumitur, contra Judæos; adventus Messia argumentum; adeo scilicet splendida illa sunt, & ad omnem obstinati animi pertinaciam frangendam comparata..

Spektantur autem illa signa, ex parte vel Messia, vel Judæorum, vel Gentilium..

Ex parte Messia..

Nativi- Nasci debuit ex virgine, in urbe Bethlehem, intra tempora Imperii Assy-
tas ex riorum, Persarum, Macedoniorum & Romanorum; in morte ipsius Sol
virgine obsecrandus erat. & terra concutienda, quæ certè omnia tam conspicua sunt,
Isaïe 7, ut à nemine, qui sanæ mentis fuerit, negari possint..
v. 14..

I. Nasci debuit ex virgine: Isaïe 7. v. 14. *Ecce virgo concipiet & pariet filium; & vocabitur nomen ejus Emmanuel.* Cui oraculo consonat & istud Jeremiz 31. v. 22. *creavit Dominus novum super terram, femina: circumdabit virum.* Impletum autem legimus oraculum Matth. 1. v. 18..

Duo reponunt Judæi. 1. voce hebræa, *Halma*, non virginem, sed puellam seu juvenulam significari: sic reipsa nomen istud vertunt Symmachus, Aquila, & Theodotion. 2. verba Isaïe laudata de Messia intelligi non posse, sed vel de Ezechia, vel de filio ipso Isaïe..

Probatur verò his momentis..

I. Quia nusquam Christus Emmanuel appellatus fuit, sicut ab Isaia appellatur..

II. Quia Messia adventus, qui tanto post temporum intervallo venturus erat, in signum liberationis Judæorum mox futuræ, dari non potuit: quid enim solatii capere inde potuissent?

III. Ille de quo loquitur Propheta, *butyrum & mel comedet; ut sciat reprobare malum, & eligere bonum.* An verò hæc in Messiam Deum cadere possunt, quæ & ignoracionis quamdam, & profectum in bono denotant?

IV. Rasin Rex Syriz, & Phacce Rex Israelis dicuntur ab Isaia à Judæa pelendi, antequam puer ille qui promittitur, sciat reprobare malum & eligere bonum: atqui de Messia hæc intelligi non possunt; namque paulò post editum hoc Isaïe vaticinium, expulsi sunt duo illi Reges, Christus autem verus Messias nonnisi multis postea sæculis mundo illuxit..

Resp. 1. falsò prorsus Judæos asserere, voce hebræa, *Halma*; non virginem, sed simpliciter puellam seu juvenulam significari.. Obstat enim 1. nativa verbi, à quo nomen *Halma* derivatur, significatio, à verbo scilicet *halam*, quod est abscondere: puellam igitur denotat absconditam, quæ nulli viro pateat.. Obstat 2. usus Scripturæ, quæ nomen *Halma* usurpat ad virginem significandam, seu puellam, ait in locum Isaïe citatus sanctus Hieronymus, *quæ nunquam virorum patuerit aspectibus, sed magna parentum diligentia custodita sit.* Hoc sensu sumitur Gen. 24. v. 42. Exodi 2. v. 8. Deuter. 22. v. 19. Ruth. 4. v. 12. Hoc sensu etiam interpretantur, qui Judæis suspecti esse non pos-

possunt, septuaginta Interpretes & Paraphrastæ Chaldaei, Onkelos & Jonathan. Nec audiendi Symmachus, Aquila & Theodotion, qui studio partium & affectu in Judæos abrepti & excecati, aliter reddunt vocem hebræam *Halma*. Symmachus quippe fuit secta Ebionitarum, qui B. Virgini Dei matri suam integritatem virginalem detrahebant; Aquila verò & Theodotion Judæi proselyti fuerunt, ac Christo recentiores. Obstat 3. scopus & consilium Isaïæ, qui ut Achaz Judæorum Regem in urbe Jerosolymitana à Rasin & Phacee Regibus Syriæ & Israelis oblesum, ac de salute quasi desperantem confirmet, & in spem erigat futuræ liberationis per manum omnipotentis Dei, in signum & argumentum hujus omnipotentiz, rem planè novam ac stupendam, cujus nullum hæcenus extiterat exemplum, ipsi proponit, futurum nempe, ut *virgo concipiat & pariat filium*; ac quasi à majoribus minus arguit, nempe: Si potest Deus efficere ut Messias nascatur è virgine, quanto magis te à duobus illis Regibus liberare? Porro si nomine virginis Propheta puellam vel juvenulam simpliciter intellèxisset, ex cujus cum viro consortio filius nascatur, quid, quæso, in eo mirum? quid insolitum ac stupendum? Ita passim arguunt S. Justinus Dial. cum Tryphone Judæo, Tertullianus L. contra Judæos c. 9. Origenes L. 1. contra Cellum, Eusebius L. 7. Demonstr. Evang. S. Hieronymus in locum citatum Isaïæ.

Resp. 1. Isaïæ vaticinium ad alium, quàm ad Christum referri non posse, quia characteres in eo expressi nulli alteri adaptari possunt. Cui enim adaptarentur? An Ezechiz filio Regis Achaz? at jam natus erat Ezechias, cum oraculum istud emisit Propheta. Rex enim Achaz decimo sexto Regni anno è vivis excessit, L. 4. Reg. c. 16. v. 2. & anno ætatis 25. Ezechias sedit in Regno patris sui; igitur tempore obsidionis Jerosolymitanæ novem circiter annos ille attigerat: quo pacto ergo de illo nascituro Isaïæ vaticinium intelligi potest? An filio Isaïæ? at filius prior Isaïæ nomine Jassub jam natus erat, & cum patre ad Regem accesserat. Præterea Isaïas uxorem suam, non *virginem*, sed *prophetissam* appellat, Isaïæ 8. v. 3. Non filius posterior Isaïæ, nomine *Maherschalchabaz*, qui paulò post in lucem prodiiit, qui & re & nomine distinguitur ab Emmanuele, ibidem cap. 8. v. 3. *Dixit Dominus ad me, Voca nomen ejus, Accelera spolia detrahere, festina prædari: quis antequam sciat puer vocare patrem suum & matrem suam, auferetur fortitudo Damasci &c.* Et certè nullus præter Christum excogitari potest, qui ab Isaïa dictus fuerit *Emmanuel*, Deus nobiscum, Deus, fortis, pater futuri sæculi, princeps pacis.

Neque momenti ac ponderis quidquam habent quæ proferantur à Judæis momenta.

Non primum: Matth. enim cap. 1. v. 23. post ista verba Isaïæ, *Ecce virgo in utero habebit, & pariet filium*, statim addit: *Et vocabunt nomen ejus, Emmanuel, quod est interpretatum, Nobiscum Deus*. Ergo verè Christus Dominus Emmanuel vocatus est. Quamquam verbum *vocare*, ibi sumi potest pro *esse*, ut sensus sit, *Et erit Emmanuel, id est, Nobiscum Deus*: quo sensu ipse Isaïas cap. 9. v. 6. de eodem Christo ait, *Et vocabitur nomen ejus Admirabilis, Consiliarius, Deus, fortis, pater futuri sæculi, princeps pacis*. Et Jeremix cap. 23. v. 6. *Hoc est nomen, quod vocabunt eum, Dominus iustus noster*.

Non

Nonsecundum: Namque 1. nec absurdum est, nec ab usu Scripturæ abhorret, rem longè posteventuram dare in signum rei non multò post futuræ. Ita L. 1. Regum cap. 2. v. 35. dicitur: *Hoc autem erit tibi signum, quod venturum est duobus filiis tuis Opni & Pbinees: In die uno morientur ambo.* Et Jeremias 44. v. 29. *Et hoc vobis signum, ait Dominus, quòd visitem ego super vos in loco isto: ut sciatis quia verè complebuntur sermones mei contra vos in malum.* Hæc dicit Dominus: *Ecce ego tradam Pbaraonem Ephree Regem Egypti in manu inimicorum ejus: quæ prophetia impleta fuit anno mundi 3433. quando Pharaon in certamine prope Memphim habito captus est, tum laqueo suffocatus.* 2. Duo tunc temporis anxium maximè tenebant Regem Achaz; primum, an si Jerusalem in potestatem hostium veniret, tota Judaica natio & regia familia penitus extingueretur? Alterum, an Judæi tunc à furore duorum illorum Regum liberandi forent? Quid verò his in circumstantiis Isaïas? Exemplo stupendi prodigii, quod Deus operaturus est, cum *virgo concipiet ac pariet filium*, certam spem facit, nec gentem, nec regiam stirpem, ex qua nasciturus erat Messias, tunc extinguentam fore; sicque dejectos Judæorum animos erigit, ac fiduciam inspirat in divinam omnipotentiam, quæ res eorum tametsi desperatas, potest in melius brevi convertere.

Non tertium: Quis enim non videat, his verbis, *Butyrum & mel comedet*, Messie humanitatem ac puerilem ætatem designari? Istis verò, *ut sciat probare malum & eligere bonum*, non ignorationem, (*in ipso enim sunt omnes thesauri sapientiæ & scientiæ absconditi*) sed experimentalem, ut ajunt, scientiam: unde dicitur *profecisse sapientiæ, & ætate, & gratia apud Deum & homines*, Luc. 2. v. 52.

Non quartum: Namque antequam puer (Messias) sciat reprobare malum & eligere bonum, id est, ad eam ætatem perveniat in qua infantes usu rationis frui vulgò incipiunt, versùs annum sextum aut septimum, revera duo illi Reges fugati sunt; quamquam non nisi post multa sæcula puer ille nasciturus esset. More scilicet Prophetarum obscuro & involuto loquitur Isaïas, ac rem longius distitam, quasi proximè futuram repræsentat, ad solatium Judæorum, eorumque fiduciam in Deum excitandam & confirmandam.

Suntque cum Grotio Comment. in caput 1. S. Matth. existimant sensu litterali & historico *virginem*, de qua Isaïas, esse ipsius uxorem, quæ virgo adhuc editi vaticinii tempore Isaïæ nupsit, tum *prophetissa* vocata fuit; puerum verò, de quo dicitur, *Antequam sciat reprobare malum & eligere bonum* (duo illi Reges expulsi erant,) esse filium ipsum Isaïæ adhuc infantem, quem secum adducere jussus fuerat, cum ad Regem accederet, cui infanti *Schebarnia* sub boni omnis nomen, ad spem Judæorum excitandam, inditum fuerat: ita ut huic infanti duo nomina sint imposita, primum quidem *Emmanuel*, quod ostenderetur Deus ita adesse Isaïæ ejusque liberis, ut quæ verbis signisque per ipsos essent prænotata, eadem certò evenirent; deinde verò *Mabersibalcabab*, qua voce significabatur brevi imminere Assyrii adventum, ad spoliandam Syriam ac Samariam. Atque hoc est quod ait Isaïas, pergit Grotius, se filiosque suos à Deo datos in signum & documentum populi: *vaticinii sui certitudinem nullis humanis consiliis impediendam, repetita exclamatione Emmanuel velut obsignans.* Hæc Grotius, qui addit statim:

Hic

Ta. 2. p.
13. v. 6.

Hic quidem nobis videtur simplex primoque obvius esse sensus verborum Isaie; ^{Ibid. n. 23} *in quibus tamen mysterium seu arcanum esse de Christo Christum agnoscantibus liquidò apparet &c.*

Volunt alii verba ista, *Antequam sciat puer reprobare malum & eligere bonum*, nec ad Messiam, nec ad filium Isaia, nec ad ullum alium spectatim, sed generatim ad quemlibet puerum referenda esse; ita ut iste sit verborum Prophetæ sensus, *Antequam elapsi fuerint anni cuilibet puero necessarij, ut sciat reprobare malum & eligere bonum*, duo illi Reges in fugam convertentur, hoc est, ante sex aut septem annos.

Verum utraque hæc interpretatio ingeniosa quidem, sed Christianæ fidei minus consona videtur. 1. Quia citata Isaia verba tanquam de Christo unice dicta laudat ac profert S. Matth. c. 1. v. 23. nefas igitur eâ in alium transferre. 2. Stupendi cujusdam prodigii loco proponit Isaia nasciturum ex virgine Messiam, *Virgo concipiet ac pariet filium*; atque inde illæso virginitatis flore natum ex Maria Christum Ecclesia semper intellexit. Porro si nomine *virginis* uxor Isaia intelligeretur, quæ virgo quidem nupsit, sed virgo subinde non permanfit, nec quidquam hic occurreret novum ac insolitum, nec roboris aliquid haberet argumentum quod Ecclesia ex verbis Isaia ducit ad probandam beatæ Mariæ in partu virginitatem: prodigium quippe in eo est, quòd virgo permanens virgo mater fiat. Unde hac in parte, uxor Isaia, quæ virgo quidem nupsit, sed virgo non permanfit, Mariæ Dei genitricis figura & typus esse non potuit; ac consequenter falsa esset Isaia prædictio, cui eventus non responderet. Quid verò dici potest Religioni Christianæ noxiom magis ac periculosum? 3. Secundus ille Isaia filius re ac nomine, ut jam observatum fuit, distinguitur ab Emmanuele, Isa. 8. v. 3. & 8. 4. Gratis fingitur nulum hic spectatim designari puerum, sed generatim tantum. Namque observant hebraicè periti, in hebræo textu pronomen demonstrativum *hic* adhiberi; adeoque certum quemdam ac determinatum puerum ab Isaia designari, Messiam nempe filium Mariæ; aliàs hæc Isaia prophetia ad Christum nullatenus pertineret: id verò non patitur evangelica veritas, Matth. 1. v. 18.

II. Messias nasci debuit in urbe Bethlehem, Micheas. v. 2. *Et tu Bethlehem Ephrata parvulus es in millibus Juda: Ex te mihi egredietur qui sit Dominator in Israel, & egressus ejus ab initio à diebus æternitatis*, quod impletum fuisse narrat S. Matth. cap. 2. v. 1. *Cum natus esset Jesus in Bethlehem Juda*. Et v. 5. & 6. sciscitabatur à Judæis Herodes, *ubi Christus nasceretur*: at illi dixerunt, *In Bethlehem Juda: sic enim scriptum est per Prophetam*. Refert deinde S. Matth. verba Micheas mox laudata. Accuratè igitur exitus seu eventus prophetiæ respondet.

Tertium signum, quo conspicuus maxime futurus erat adventus Messie; assignat Daniel cap. 2. venturum scilicet Messiam intra tempora quatuor nobilissimorum Orbis Imperiorum, hoc est, Assyriorum, Persarum, Macedoniorum & Romanorum. *In diebus autem regnorum illorum*, ait Daniel c. 2. v. 44. *suscitabit Deus celi regnum, quod in æternum non dissipabitur, & regnum ejus alteri populo non tradetur: comminet autem, & consumet universa regna hæc, & ipsum stabit in æternum*. Et c. 7. postquam illa quatuor regna quatuor variis bestiis designavit, sic pergit v. 13. & seq. *Aspiciebam*
Tournely de Incarnatione. G ergo

Secundum lignum. Nasci debuit Messias in urbe Bethlehem.

Tertium signum.

ergo in visione noctis, & ecce cum nubibus celi quasi filius hominis veniebat, & usque ad antiquum dierum pervenit; & in conspectu ejus obtulerunt eum. Et dedit ei potestatem & honorem, & regnum, & omnes populi, tribus, lingue ipsi servient: potestas ejus, potestas aeterna qua non auferetur; & regnum ejus, quod non corrumpetur . . . Hæ quatuor bestie magnæ, quatuor sunt regna, quæ consurgunt de terra. Suscipiens autem regnum sancti Dei altissimi, & obtinebunt regnum usque in sæculum, & sæculum sæculorum. Hæc porro non alium designant, quàm Messiam. Non alius tunc temporis universa Orbis Imperia jugo suo subjecit; non alius subditos habuit, qui & sancti, & reges dici possent; non alius denique, cujus regnum usque in sæculum sæculorum esset duraturum: neque id diffitentur Judæi doctiores. Vide Huetium Prop. 7. nu. 20. pag. 377. & seq. Unde obtinuit communis inter illos opinio, Messiam, vigente Imperio Idumæorum, seu Romanorum, venturum esse, Huetius Prop. 9. c. 8. n. 4. p. 433.

Opinio
Judæo-
rum de
ventu-
ri Mes-
sias, vi-
gente
adhuc
Roma-
norum
Impe-
rio, cir-
ca an-
num
mundi
quater
millesi-
mum.

Atque hinc circa hoc ipsum tempus, versùs annum scilicet mundi quater millesimum, Messias ab omnibus expectabatur. Ita Simeon, Lucæ 2. v. 25. *expectabas consolationem Israel; & responsum acceperat à Spiritu sancto, non visurum se mortem, nisi prius videres Christum Domini.* Sic illi quos ibidem v. 38. alloquitur Anna Prophetissa, *expectabant consolationem Israel.* Atque ubi prædicare cœpit Joannes Baptista, Judæi sciscitabantur, numquid ipse Christus foret, Joan. 1. v. 15. & 19. Et ipsemet Joannes hæc se plenius, Matt. 11. v. 3. duos ejus discipulis misit ad Christum, qui ab eo postularent an ipse esset, qui venturus erat, an alium expectare deberent. Quapropter adeo confidebant Judæi, tunc suum Regem Messiam venturum esse, à quo excusso Romanorum jugo liberandi forent, ut bellum adversùs Romanos tunc temporis susceperint: ita rerum eventus divina providentia disponente, ut quæ decreta fuerat in penam rejehti & occisi Messias, ultima & consummata eorum ruina & desolatio, eorum temeritati imputaretur. Ita Josephus L. 3. de bello Judaico c. 38. & L. 7. c. 31.

Quin & ad Paganos ipsos hæc eadem in persuasio pervasit, ut jam observavimus. Svetonius in Vespasiano cap. 4. *Percrebuerat, inquit, Oriente toto vetus & conslans opinio, esse in satis, ut eo tempore Judæa profecti rerum potirentur.* Idem asserit, ubi de Nerone loquitur cap. 40. Huetius Propos. 7. n. 33. pag. 392. Tacitus pariter L. 5. Hist. *Pluribus, inquit, persuasio inerat, antiquis Sacerdotum litteris contineri, eo ipso tempore fore, ut valesceret Oriens, profectique Judæa rerum potirentur: quæ ambages Vespasianum ac Titum prædixerant.*

Indenonnullipost Christum natum, eò temeritatis adducti sunt, ut se Christum esse à Prophetis promissum, & tunc temporis venturum, affirmarent: inter quos insignis fuit Barchochebas, seu filius stellæ, qui cùm Judæos ad bellum contra Romanos, quo tandem oppressi sunt, movendum excitasset, subinde Barchozibab, id est, filius mendacii dictus est: de quo vide Eusebium, & alios apud Huetium Propos. 7. nu. 33. pag. 392. & Propos. 9. pag. 397. Simon etiam magus & Dosithæus Samaritani, idem quoque nomen apud suos usurparunt, Huetius Propos. 7. n. 33. p. 392. Herodem ipsum à pluribus ut Messiam habitum, narrant. Quin & Josephus pudenda adulatione quæ de Messia prædicta sunt, refert ad Vespasianum.

Quar-

Quarto denique loco, signa jamdiu præteriti Messie adventus sunt defectio Solis, terræ concussio, mortuorum resurrectio, aliaque stupenda prodigia quæ in morte Christi, universa spectante plebe, contingere, sicut Evangelica Historia fidem facit, & quæ jamdiu futura prænuntiata fuerant. Solis deliquium prædixerat Amos cap. 8. v. 9. *In die illa, inquit, occidet sol in meridie & tenebrescere faciam terram in die luminis.* Solemnis illa quæ contra naturæ leges eclipsys contigit in plenilunio, ac insolitus terræ motus narratur à Phlegonte L. 13. Olympicorum Chronicorum, atque in aliis Etnicorum Commentariis reperiri testatur in Chronicis Eusebius, quos inter præcipua est Thalli auctoritas, quem Libro Historiarum suarum tertio, eandem eclipsim memorare scribit Africanus. Unde Tertullianus Apolog. c. 21. causam Christianorum apud Paganos agens, in testimonium ac probationem hujusce miraculi, laudat ipsorum Tabularia & publica Instrumenta. *Eodem modo, inquit, dies medium Orbem signante Sole subducta est: deliquium putaverunt qui id quoque super Christo prædicatum nescierunt; & tamen eum mundi casum relatum in archivis vestris habetis.*

Quar-
tum si-
gnum.

P. 10. C.

Signa ex parte Judæorum.

Duo sunt inter alia, conspicua maximè, ex parte Judæorum signa præteriti Messie adventus. Primum est, illum venturum esse cum adhuc staret Respublica Judæorum, vigeret Legis ac Sacrificiorum usus: alterum, post occisum Christum dissipandam esse gentem omnem, sine ulla Tribuum distinctione, sine Duce, sine Templo, sine Sacrificiis. Utrumque autem illud splendidum signum reipsa impletum fuit.

I. Stante adhuc Republica Judæorum venire debuit, ac reipsa venit Messias. Isaïa c. 8. v. 14. *Erit vobis in sanctificationem. In lapidem autem offensionis & in petram scandali, duabus domibus Israel; in laqueum & in ruinam habitantibus Jerusalem.* Ad quæ verba alludit S. Lucas c. 2. v. 34. & S. Paulus Rom. 9. v. 31. Rursus Isaïas c. 28. v. 14. & 16. *Audite verbum Domini, viri illudores, qui dominamini super populum meum, qui est in Jerusalem. Ecce ego mittam in fundamentis Sion lapidem, lapidem probatum, angularem, pretiosum in fundamento fundatum.* Jam paulò antè audivimus prophetantem Malachiam c. 3. v. 1. *Veniet ad Templum suum Dominator, quem vos queritis; & Angelus Testamenti, quem vos vultis.* Ergo stante adhuc Templo secundo, ac vigente Religionis ac Sacrificiorum exercitio, venire debuit Messias, ac de facto illum venisse testantur Evangelistæ.

II. Post occisum Christum, quem Judaica perfidia turpissima & crudelissima morte affecit, Gens tota in pœnam tantisceleris dissipanda fuit, ac tristissima servitute ubique premenda; quod etiam ad litteram à Prophetis prædictum fuit, & jamdiu impletum videmus. Danielis 9. v. 26. *Non erit ejus populus, qui eum negaturus est. Et civitatem & sanctuarium dissipabit populus cum duce venturo.* Populus ille venturus, sunt Romani; Dux verò Titus, qui Jerusalem expugnavit ac funditus diruit, ut verè dixerit Christus: *Non remanebit lapis supra lapidem.* Osce 3. v. 4. *Dies multos sedebunt filii Israel sine Rege, & sine Principe, & sine sacrificio, & sine altari, & sine Ephod, &*

G. 2.

sine

sine theraphim: cujus quidem prophetiz eventum seu complementum tri-
sti experientia jam à multis sæculis sentiunt Iudæi; non à septuaginta
tantum annis, qui terminus fuit captivitatis Babylonicæ, nec à ducent-
tis, quibus duravit servitus Ægyptiaca, sed à mille septingentis & am-
plius annis: ad quæ si misera Gens vel leviter attenderet, haud dubiè
intelligeret jam diu advenisse Messiam ab ipsis rejectum ac morti tra-
ditum, ac frustra prorsus & in vanum ab ipsis venturum expectari.

Ex parte Gentilium.

Illustre ex parte Gentilium argumentum adventus Messiz petitur, ab extin-
cto scilicet idolorum cultu, & conversione Gentium ad veri Dei notitiam &
adorationem Gen. 12. v. 3. *In te benedicentur universæ cognationes terræ.* Ibi-
dem c. 49. v. 10. *Non auferetur sceptrum de Juda, donec veniat qui mittendus*
est, & ipse erit expectatio Gentium. Psal. 2. v. 8. *Postula à me, & dabo tibi*
gentes hereditatem tuam, & possessionem tuam terminos terræ. Isaïa 2. v. 2. &
seq. *Erit in novissimis diebus preparatus mons domus Domini in vertice mon-*
tionum, & elevabitur super colles, & fluent ad eum omnes gentes. Et ibunt
populi multi, & dicent: *Venite, ascendamus ad montem Domini & ad domum*
Dei Jacob, & docebit nos vias suas, & ambulabimus in semitis eius, quia
de Sion exibit Lex, & verbum Domini de Jerusalem. ... *Incurvabitur subli-*
mitas hominum, & humiliabitur altitudo virorum, & elevabitur Dominus
solus in die illa, & idola penitus conterentur. Et cap. 31. v. 7. *In die illa*
abjiciet vir idola argenti sui, & idola auri sui, quæ fecerunt vobis manus
vestræ in peccatum. Jam verò negare non possunt Iudæi, jam diu toto terra-
rum orbe extinctam esse idololatriam; Legem Christi ad omnes ferè gentes ac
nationes pervasisse; ejus Ecclesiam circumquaque diffundi, atque in conspe-
ctu omnium, velut civitatem supra montem positam, quæ abscondi non po-
test, summa luce præfulgere. Ergo fateantur vel invitati necesse est, Messiam,
quem in vanum adhuc expectant, jam diu adventasse.

Id. v.
1.

QUINTUM ARGUMENTUM

Præteriti Messia adventus, ex testimonio Josephi, L. 18. Antiquitatum. c. 4.

Christianorum causam adversus Judæos juvare maxime debet famosum ac
domesticum in gratiam Christi, Josephi viri Judæi & inter Judæos celebratissi-
mi, testimonium. Sic ille loquitur L. 18. Antiquit. Judaic. cap. 4. *Fuit autem*
hoc tempore Jesus, vir sapiens; si tamen virum illum oportet dicere: erat
enim mirabilium operum effector, magister hominum qui vera libenter ample-
ctuntur; & plurimos quidem ex Judæis, plurimos etiam ex Gentibus ad se
pertraxit. Hic erat Christus. Cumque eum à Primoribus gentis suæ accusatum
Pilatus ad crucem damnaasset, ab eo diligendo non abstinuerunt, qui primum
esperant: nam post tertium diem redivi-vus ipse apparuit, cum divini Vates
hec aliaque quamplurima admiranda de eo predixissent. Neque ad hanc diem
defecit denominatum ab eo Christianorum genus.

Mirum certè videri debet, esse inter Christianos critices tam intemperantis
viros,

viros, qui adeo illustre viri Judæi testimonium nobis Christianis eripere tentaverint, & quidem levissimis, ut nobis videtur, ducti conjecturis. Testimonium illud Josephi, tanquam adulterinum, & à primis Christianis pia fraude confictum rejiciunt Osiander, Gifanius, Montacutius, Capellus uterque, Blondellus, Tanaquillus Faber, & alii. Sunt inter nostros timidi, qui nec rejicere audent, nec apertè admittere, sed rem veluti in ancipiti suspensam relinquunt. Alii denique palam & apertè tanquam genuinum ac verum tuentur. Momentum istud more suo doctè ac eleganter pertractavit Illusterrimus Huetius Demonstr. Evang. Propof. 3. à n. 11. usque ad 19.

CONCLUSIO.

Testimonium Josephi de Christo, nobis verum ac genuinum, nec ullas falsitatis ac suppositionis notas præferre videtur.

Probatur 1. ex Codicum sive manuscriptorum, sive typis editorum consonantia; omnes enim verba Josephi citata summo consensu representant.

2. Ex auctoritate Veterum, qui testimonium illud agnoverunt ac commendaverunt. Ita Eusebius L. 3. Demonstr. Evang. pag. 124. & L. 10. Hist. Eccl. c. 11. S. Hieronymus in Catalogo Scriptorum Eccles. in Josepho, S. Isidorus Pelusiotà L. 4. Epist. 225. Sozomenus L. 1. Hist. c. 1. Cedrenus, Nicephorus, Suidas, & alii. P. 32.
& seq.

3. Josephi solertia & diligentia in describenda domestica Judæorum Historia, non patitur eum de Jesu Christo siluisse, cujus causa tot commotiones inter Judæos excitatæ sunt; qui tot stupenda & supra omnium hominum memoriam prodigia edidit, ac sectæ tot & tantis persecutionum procellis agitæ, caput & parens fuit: maxime cum Josephus Joannis Baptistæ ac Jacobi, quem fratrem Jesu appellat, mentionem cum laude fecerit, quorum tamen & fama & merita non tantæ celebritatis fuere, ac Christi.

4. Series sermonis; aptus & quasi è re natus de Christo dicendi locus, ubi nempe de Pilato loquitur; similitudo styli, & modi loquendi Josepho familiares, hujus testimonii genuinam veritatem demonstrant.

5. Verisimile non videtur, testimonium illud Historiæ Josephi pia Christianorum fraude assutum fuisse seu additum: tum quia fraudis ac mendacii redargui facile potuissent, & ita velut falsarii ac impostores, ad publicam fidei Christianæ invidiam & ignominiam traduci: tum quia si tale quid audere voluissent, longè adhuc disertius & expressius confinxissent testimonium.

Longè igitur vero similis apparet, istud Josephi testimonium à Judæis, odio in Christum, ex nonnullis ejus codicibus expunctum fuisse; hincque subinde factum, ut nec S. Justinus, nec Tertullianus, nec alii ex Antiquis nonnulli, testimonium istud Judæis, quos impugnabant, opposuerint, quòd nempe in mendosos illos codices incidissent, quos subinde correctos & integros habuere Eusebius, Hieronymus, & alii. Hanc conjecturam firmat Baronius ad an. Chr. 34. n. 221. ubi testatur, in codice per vetust. T. 1. p. 254. *Tournely de Incarnatione.* G 3 anti-

antiquitas scripte sunt, cum Romæ ejus de Christo testimonium requireretur, per summam perfidorum impudentiam, abrasum inventum fuisse, adeo ut nulla ad excusandum scelus posset afferri defensio, cum membrana ipsa id exclamare videretur. Hæc Baronius.

Expenduntur & refelluntur momenta contra veritatem testimonii Josephi.

Opponunt 1. styli discrepantiam ac varietatem; periodi ipsius cum iis quæ antecedunt & sequuntur, nullam prorsus coherentiam, imò maximam ab ipsis dissonantiam.

Verùm hanc styli discrepantiam subodorati non sunt viri illi sagaces Eusebius, Hieronymus, Isidorus, & alii quæ veteres, quæ recentiores, qui hoc testimonium pro vero ac genuino Josephi textu agnovere. Præterea, disjuncta non est periodus nec aliena, sed coheret maximè cum iis quæ Historicus narrat de Pilato, ac quasi è re ipsa nascitur: quàmquam etsi non ita cohereret, quid inde adversarii consequi possent? Nemo quippe ignorat, Josephum, non rerum, sed temporum seriem & ordinem sequi, ac res diversas & prorsus disparatas narrationes in unum & idem caput conferre.

Opponunt 2. nonnullos Josephi codices, in quibus laudatum testimonium non reperitur. Sed quid mirum? Mendosi illi sunt, ac Judæorum fraude corrupti & interpolati, sicut ex Baronio mox audivimus. Confirmari potest ex vetusto Josephi codice latino qui in Bibliotheca Sorbonica asservatur, in quo quidem desideratur laudatum testimonium; sed (quod observandum) deest folium, in quo eum locum describi oportuit; descriptam enim fuisse hanc historiam in folio quod deest, constat ex Lemmate capitulorum hujus Libri, ubi de Domino Jesu Christo diserta mentio habetur.

Opponunt 3. Veterum silentium, Justinì, Tertulliani, qui adversus Judæos congressi, tam splendidum testimonium non prætermisissent, si verum ac genuinum ipsis visum fuisset: nec etiam à S. Clemente Alexandrino, nec ab Origene, Theodoro, imò nec à Photio laudatum illud fuit, qui sua in Bibliotheca codice 238. ubi summarium & censuram Josephi proponit, non tantum de nostro testimonio silet, sed etiam non nihil addit codice 48. quo aperte satis innuit, Josephum de Christo ea non scripsisse, quæ hic à nobis referuntur. Namque expendens Librum *De universo*, qui ab aliquibus Josepho tribuitur, inde ostendit Opus illud Josephi non esse, quod in eo Christus dicatur esse Deus, ac ipsius æterna generatio describatur, quod à Josephi mente prorsus alienum esse Photius arbitratur; ac consequenter spurium & supposititium, quod ex L. 18. Antiquitatum Judaicarum tam disertum in gratiam Christi Dei profertur testimonium.

Jam observavimus, nonnullos è Veteribus, Justinum, Tertullianum, &c. istud Josephi testimonium Judæis, cum quibus disputabant, non opposuisse: sive quia mendosis ac corruptis Josephi codicibus utebantur, sive quia sufficere arbitrabantur tot præclara & eximia quæ opponebant, Prophetarum de Christo Messia vaticinia.

Ad Photium quod spectat, certum est illum in sua Bibliotheca noluisse absolutissimum Antiquitatum Judaicarum Epitomen exscribere, cujus quatuordecim

cū priores Libros pratermisit; & in suis, quæ ad nos pervenerunt, excerptis, multa refert, quæ certè Josephi non sunt: v. g. cū ait, *Herodem filium suum Antipatris Idumæi, & Arabissæ, nomine Cypri; sub eo natum esse Christum Deum nostrum pro salute Judæorum, & quidem ex virgine matre, &c.* quæ certè verba Josephi non sunt. Sicut ergo potuit Photius nonnulla tanquam ex ipso laudare, quæ ipsius non sunt, ita potuit & nonnulla omittere quæ ipsius sunt.

Phot.
Bibl. p.
957. n.
30.

Cū verò idem Photius codice 48. Librum de *Universo*, propterea Josepho abjudicat, quòd de Christo ejusque æterna generatione clarius loquatur, non affirmativè, sed dubitanter loquitur Photius, nec ex sua propria, sed aliena sententia; atque clarè innuit, non satis firmam sibi videri hanc recusationis Libri *De Universo*, rationem. *Quæ res*, inquit, *ambigendi fortasse cuiuspiam causam præbeat, sine hoc Josephi Opusculum*. Parum verò juvat, quod addunt, verba Josephi non eodem modo ab auctoribus referri: varietas quippe illa in legendo Veterum textu, frequentissima est, quæ sensum ipsum, ut plurimum non spectat, sed aliquam dumtaxat verborum immutationem.

Ibid. p.
35. nu.
30.

Opponent 4. Origenem Tom. 11. in Matth. & L. 1. contra Celsum, ubi disertè profertur Jesium à Josepho nunquam pro Christo agnitum fuisse. Idem affirmat Theodoretus. Et verò, quomodo Josephus Christum verum Messiam agnovisset, qui oracula Prophetarum de venturo Messia Vespasiano Imperatori accommodat?

Respondemus, Origenem & Theodoretum, non immeritò dicere, Christum à Josepho verè cognitum non fuisse: sive quòd re ipsa non crediderit eum verum esse Deum; atque cū scripsit, *Hic erat Christus*, non ex sua privata loquebatur fide ac scientia, sed ex vulgari appellatione, quia scilicet ita Christus nuncupabatur, ut sensus sit, *Hic erat qui vocabatur Christus*, sicut conceptis verbis scripsit L. 20. cap. 8. & sicut ipsemet reddit S. Hieronymus, *Et credebatur esse Christus*. Judæi scilicet Jesium sic designare solebant, Matth. 1. v. 16. *De qua natus est Jesus qui vocatur Christus*. Et cap. 27. v. 17. *Quem vultis dimittam vobis*, aiebat Pilatus, *Barabbam, an Jesium, qui dicitur Christus?* Vel si re ipsa interiùs Christum Deum agnovit Josephus, exteriùs ipsum non est professus; ac secum ipse pugnans, factò negavit, quod animo credebatur: eo ferè modo quo veteres nonnulli Philosophi, Plato, Socrates, Tullius, apud se taciti multitudinem deorum irridebant, quos tamen publicè, ne populum in se concitarent, simul cum illo venerabantur. Hac ratione ductus Origenes, affirmare potuit Christum à Josepho verè agnitum non fuisse. Jam antea observavimus, ex crassa & turpi adulatione, propria reclamante conscientia, Josephum vaticinia Prophetarum de venturo Messia, Vespasiano in scitè adaptasse.

Opponent 5. Auctorem testimonii, quod hic expendimus, asserere Christum non esse hominem appellandum; ergo censet illum verum Deum esse. Atqui certum est Josephum nusquam confessum fuisse Christum esse verum Deum, aliàs Christianam Religionem amplexus fuisset: imò nec ipsimet Judæi Messiam quem expectabant, verum natura & substantia Deum ferè arbitrabantur.

Verum levis ista est objectio. 1. quia vel Josephus re ipsa Christum pro-

G. 4. vero.

vero Deo non habuit, atque oratorio dumtaxat more dixit, *enim non esse hominem appellandum*, ob suspenda scilicet prodigia quæ operabatur, quæ longè suprahominis vires posita erant; vel si, quod verisimilius est, cum tanquam verum Deum agnovit, non tamen ut talem coluit, atque factio, ut jam diximus, negavit quod mente credidit: falsò autem supponitur Judæos, saltem eos qui periti erant ac Legis Doctores, non cognovisse Messiam venturum Deum verum fore. Vide quæ eam in rem diximus in nostris de Trinitate Prælectionibus.

Opponunt 6. verisimile non videri, Josephum, secta Pharisæum, tam honorificè de Christo locutum fuisse, à quo Pharisei tam durè exagitati & objurgati fuerunt.

Resp. Josephum sola veritate superatum, quasi invitum de Christo tam præclare scripsisse, tametsi secta Phariseus esset, quam Christum tam sæpè oppugnavit. Plura verò de illo non addidit, quòd ejus non postularet institutum; ac timuit ne Vespasiano displiceret, si de Messia Rege plura commemoraret: imò finxit se in ea opinione versari, Vespasianum esse Messiam à Prophetis designatum.

Opponunt 7. in prætenso Josephi testimonio legi plurimos è Gentilibus ad Christum confluisse, ejusque doctrinam amplexos fuisse; cum tamen certum sit, ex Ethnicis unam dumtaxat & alteram mulierem, Chananæam & Samaritanam, Christo adhæsisse.

At facilis est & aperta responsio. Respicit quippe Josephus ad eam qua vivebat ætatem, anno post Christum fere 96. quo certè tempore magna Gentilium multitudo ad Christi fidem adducta jam fuerat. Quin & Christo adhuc vivente, nonne & Centurio & Samaritani ad ejus fidem conversi sunt? Nonne multi ex Gentilibus ad eum venerunt ut eum viderent? Joan. 12. v. 20. Unde *Tr. l. p. 437. D.* Origenes Lib. 2. contra Celsum, *Quomodo*, inquit, *Judæorum Pontifices, Seniores & Scribæ invidentes ei commoti sunt contra eum, nisi quòd turbos persuasus traheret post se? Ecce mundus totus post eum abis*, ajunt Pharisei Joan. 12. v. 19.

Opponunt denique, Josephum, in textu quem referunt Origenes contra Celsum, & Eusebius Lib. 2. Historiæ cap. 23. causam excidii Hierosolymitani referre ad necem Jacobi, non verò Christi.

Resp. Josephum ultimam Judæorum cladem referre potius ad necem Jacobiquam Christi, tum quia genti suæ gratificari voluit, cui maxime odiosam fore præsentiebat istam tanti criminis accusationem; tum quia Jacobi martyrium proximè secuta est illa consummata gentis Judaicæ ruina & dispersio.

SEXTUM ARGUMENTUM

Præteriti adventus Messie, ex miraculis Christi.

Duo separatim hic probanda sunt.

Primum, ex miraculis Christi divinam ejus missionem ac naturam invicte demonstrari. Alterum, ex comparatione miraculorum Christi cum miraculis Moyse, eò Judæos adigi, ut vel Christum agnoscant, vel Moysem rejiciant, quod septimum erit adventus Messie Argumentum.

Prin-

Præquam verò rem propius aggrediamur, figenda statim veri miraculi idæa & notio.

Definitio Miraculi.

Miraculum est opus quoddam divinum, supernaturale, omnes humanæ naturæ vires excedens. *Miraculum* voco, ait S. Augustinus L. de utilitate credendi cap. 16. *quidquid arduum aut insolitum supra spem vel facultatem mirantis apparet.* Et L. 27. contra Faustum cap. 3. *Quæ contra cognitum nobis solitumque naturæ cursum Deus operatur, magnalia vel mirabilia nominantur.* *A* *ibid.* p. *faculo non est auditum,* aiebant Judæi apud S. Joan. cap. 9. v. 32. *quia quis aperuit oculos cæci nati.* Et verò Deus supremus naturæ auctor & arbiter, Legibus quas naturæ imposuit, obstrictus non est. Inde Spinosa concludit, omne veri nominis miraculum impossibile esse, quia si Deus consuetum naturæ ordinem, quem ipse statuit, immutaret, mutaretur & ipse. Ordo quippe ille naturæ, quid est, inquit ille? nisi decretum Dei æternum ac necessarium; ergo si abrumptur ordo ille, seu consuetus naturæ cursus, consilium, seu decretum Dei mutari necesse est. At non advertit Spinosa, Deum eodem ipso simplicissimo voluntatis decreto, quo certum quendam ac generalem rerum naturalium cursum seu ordinem præfixit, simul statuisset cursum illum in certis occasionibus ad arbitrium suspendere seu abrumperet: *Res immutat,* ait S. Augustinus, *non mutato consilio.* Quare autem immutat? quia vult: in his quippe rebus *tota ratio facti est voluntas facientis.*

Scriptor recentior aliam sibi finxit miraculi idæam ac notionem. Supponit ille Deum res universas generali quadam, non speciali voluntate moderari, certasque ac generales Leges statuisset, certam quandam motus mensuram, modificationes certas seu affectiones materiæ sic impressisse, ut ex earum concursu, coherentia, collisione, uno verbo, mechanica dispositione, necesse prorsus sit talem determinatum effectum sequi: v.g. cæco nato, de quo Joan. 9. visus restitutionem, ad quam nos quidem infirmi ac ignari mortales, velut ad miraculum, attoniti hæremus ac stupemus, quamquam re ipsa nec quo ad modum, nec quo ad substantiam veri nominis miraculum sit, cum naturæ leges non superet, imò ex ipsis necessario sequatur; nec alio titulo miraculum habendum sit, quàm quòd novum est, inauditum, inusitatum, nobisque prorsus incognitum.

Quantum systema illud in Religionem periculi invehat, quantum vim & naturam miraculorum elevant ac imminuat, imò & ipsimet impio Spinosa, qui omne verum respuit miraculum, faveat, facile demonstratur.

I. Omnium SS. Patrum ac Theologorum communi sententiæ adversatur, apud quos miraculum est opus Dei præter naturam, seu supra naturam.

II. Quæcumque supponatur motus materiæ determinatio, modificatio & configuratio partium illius, nihil certè commune habere illa potest cum illis stupendis ac planè divinis operationibus, quas Evangelistæ memorant. Quid, quæso, commune potest habere certus materiæ motus, quid lex naturæ communis ac generalis, cum unionē hypostatica naturæ utriusque, divi-
næ ac humanæ, in Christo? Quid cum nativitate ex virgine, & divino Spiritu humanitatem Christi in utero virginis efformante? Quid cum resur-
rectio-

rectione à mortuis, cum expulsiōe dæmonis ex corpore obfessorum, cum fuscitatione Lazari ex mortuis? Intelligi quidem utcumque potest, quomodo vi unionis animæ cum corpore, ex certis animæ cogitationibus, certi quidam in corpore effectus sequantur; & vicissim ex certis corporis commotionibus, certæ quædam in animo cogitationes seu affectiones exurgant: at quis intelligit quomodo certa materiæ modificatio absentem animam in corpus hominis mortui revocare possit? quomodo pariter Ananias cum uxore sua in pœnam mendacii subita morte correptus fuerit? quomodo Apostoli in die Pentecostes divino Spiritu repleti, donum prophetiæ, linguarum, & alia hujusmodi acceperint? Accedit quod singulis momentis Apostoli mira & stupenda patrare poterant: an, quælo, singulis momentis, quasi ex condito, opportuna occurrebat materiæ dispositio iis peragentibus idonea?

III. Non generali tantum, sed speciali, & ut ajunt, particulari voluntate operabatur Deus in veteri Lege, cum tot mira prodigia in gratiam Judæorum edidit, cum Angelorum ministerio Legem promulgavit, manna dedit de Cælo, aquam ex petra elicuit, divisit mare, Pharaonem submersit, Solem ad imperium Josue stare jussit: annon & speciali voluntate Christus Lazarum jam in sepulchro seditum ad vitam revocavit, dicens: *Gaudete propter vos (Apostolos) ut credatis quoniam non eram ibi?* Joan. 11. v. 15. Quis facile sibi persuadeat, ea omnia ex generali dumtaxat naturæ Lege, occasione certæ cujusdam materiæ partium dispositionis contigisse? Figmenta hæc sunt, mittamus. ea.

Quæ sint in miraculo quolibet distinguenda..

In quolibet miraculo ista sunt potissimum distinguenda, auctor, minister, finis, materia.

I. Deus solus veri miraculi auctor esse potest, quia solus omnia quæcumque vult facit, solus naturæ supremus parens est & arbiter, cui omnia ad nutum serviunt.

II. Homo quilibet, Paganus, Judæus, Hæreticus, impius, in operatione miraculorum Dei minister esse potest. Ratio est, quia virtus Dei nulli elemento, nulli signo, nulli creaturæ alligata est, sed iis ad quod vult, & prout vult, utitur; luto, ad restituendum cæco nato visum; aqua Baptismatis, ad regenerationem animæ &c.

III. Finis miraculi nusquam esse potest in testimonium seu confirmationem aut erroris aut impietatis. Ratio manifesta est, quia Deus miraculi unicus auctor, nec erroris testis esse potest, nec impietatis approbator; nec falsi potest, nec fallere, cum sit suprema veritas, suprema bonitas & justitia, neque semetipsum negare possit. Si quando igitur in patrandis miraculis Deus ministerio hæreticorum vel impiorum hominum utitur, cave putes ea fieri in testimonium seu approbationem erroris aut impietatis, sed Deus vel errorem & errantem ita vult confundere, vel catholicam aliquam confirmare veritatem, vel nostram tentare ac probare fidem, vel denique interdum obstinatam ac perveracem punire infidelitatem, sumpta nempe ex miraculis, propter improbitatem cordis homini, majoris indurationis occasione: sicut

sicut in Pharaone contigit, qui tunc ex præstigiis suorum, tunc ex veris Moy-
sis miraculis induratus & excæcatus fuit.

IV. denique, materia miraculi est res ipsa quam Deus operatur, quæ
supernaturalis est, vel quoad substantiam, ut resurrectio Lazari, restituti-
o luminis cæco nato &c. vel quoad modum, ut subita & momenta-
nea à morbo diuturno sanitatis & virium integra reparatio. His præ-
missis, duo asserimus.

Primum, miracula Christi certissima esse ac invicta divinæ illius missio-
nis ac naturæ signa & argumenta.

Secundum, miracula, quæ hæretici vel improbi homines aliquando, Deo
permittente, operantur, certa & indubitata non esse catholicæ eorum doctrinæ,
aut vitæ probatæ argumenta: Deus etenim errori aut impietati testimo-
nio suo favere nunquam potest.

*Probatum 1. ex miraculis Christi certum & invictum colligi divinæ illius missio-
nis ac naturæ argumentum.*

Multa eaque stupenda Christum prodigia edidisse, nemo sanus inficia-
bitur, quæ cum in conspectu omnium ac clarissima luce fierent, negari à
Judæis non potuere, sed ea in nomine Beelzebub facta esse illi criminaban-
tur. *Si opera non fecissem in eis*, ait Christus, *Joan. 15. v. 24. quæ nemo alius*
fecit, peccatum non haberent. Et cap. 10. v. 38. *Si mihi non vultis credere,*
operibus credite, ut cognoscatis & credatis, quia Pater in me est, & ego in
Patre. Judice igitur Christo, inexcusabiles erant Judæi, qui visistot mi-
raculis in eum non crediderunt. Lucæ 11. v. 20. *Si in digito Dei elicio dæ-*
monia, dicebat Christus, *profecto pervenis in vos regnum Dei*; hoc est,
Messias. Hæc porro miracula in nomine Beelzebub se non operari, o-
stendebat Christus duplici isto argumento. 1. Quia perabsurdum est ea
dæmoni tribuere, quibus ipse impugnatur ac regnum ejus destruitur.
Omne regnum in se divisum desolabitur, ait Christus Lucæ 11. v. 17. *Si au-*
tem satanas in seipsum divisus est, quomodo stabit regnum ejus? 2. Quia
si in nomine Beelzebub dæmonia ejiceret, ergo & filii eorum (Judæorum)
ea pariter in nomine Beelzebub ejicere dicendi forent, quod haud dubie
Judæi ipsi non concederent. *Si ergo*, agebat Christus ibidem v. 19. *in Beelze-*
bub elicio dæmonia, filii vestri in quo ejiciunt? Ideo ipsi iudices vestri erunt. Qui
miracula facta esse non credunt, agebat S. Augustinus Lib. 22. de Civit. Dei
c. 5. *hoc nobis unum grande miraculum sufficit, quod terrarum orbis sine ullis*
miraculis credidit.

T. 7. p.
660. A.

Dices 1. Prodigia signa sunt valdè ambigua & æquivoca: namque pla-
nè incertum est, verane sint illa an falsa; dæmonquippe, quæ vera sunt, suis
præstigiis sæpius fingit & imitatur. Nonne Magi Pharaonis aquas vertunt in
sanguinem, sicut fecerat Moyses? Nonne pariter cum ipso virgas suas in
serpentes transformant, & ranas in universam Ægyptum inducunt? Exo-
di 7. 8. & 9. Quin etsi supponerentur vera esse, non tamen in testimonium
seu confirmationem vel fidei vel pietatis eorum à quibus fiunt, trahi
semper possent. Quid ita? quia, vel ipso attestante Christo apud S. Mar-
cum cap. 13. Pseudochristi, Pseudoprophetæ, impii, & Antichristus ipse
tam

tam multa & tam stupenda operaturi aliquando sunt, ut etiam electi, si fieri posset, interrorem inducendi forent. *Si quis vobis dixerit, ajebat Christus Marci 13. v. 21. 22. & 23. Ecce hic est Christus, ecce illic, ne credideritis. Exurgent enim Pseudochristi & Pseudoprophete, & dabunt signa & portenta ad seducendos, si fieri potest, etiam electos. Vos ergo videte: ecce pradixi vobis omnia.*

Hoc autem pendente dubio, verane sint an falsa miracula, nulla certa regula falsa à veris secerni poterunt, nec consequenter ex iis quæ operatus est Christus, divina ejus missio & natura certò comprobari. Unde enim certa foret illa probatio? An ex persona Christi? An ex miraculis aut doctrina ipsius? Sed hæc ipsa sunt, de quibus controversitur, nempe an Christus sit verus Messias, an vera sit ejus doctrina, an vera ejus miracula. Quòd si miracula ex doctrina, aut doctrina ex miraculis probanda est, circulus vitiosus committitur, & unum incertum ex altero æquè incerto deducitur.

Quæ ratione demonis præstigitur à veris miraculis discernendæ. Resp. 1. prodigia iisdumtaxat signa æquivoca videri, qui ea sedato & attento animo non considerant. Quippe si ad Ecclesiæ legem ac trutinam diligenter discutiantur omnes prætenzæ actionis miraculosæ circumstantiæ, si finis, si materia, si minister, difficile non erit dolum ac fraudem detegere, Verumque à falso secernere miraculum. Generalis ac certa sit hæc regula: omne quod venit ut prodigium in confirmationem erroris aut impietatis, falsum ac spurium esse, quia Deus mendacii & impietatis testis & asseritor esse non potest.

Ad hanc regulam si expendantur quæ coram Pharaone edita sunt à Magis portenta, ea meræ demonis præstigiæ videbuntur, vel oculos nostros fascinantis; vel tollentis impedimenta quæ posuerat, aut quæ tolli natura patitur, saltem oeculiori vidæmonis; vel proponentis occulta quedam opera naturæ, aut aliunde adducta, aut recens producta, applicando scilicet activa passivis. Hoc modo v. g. serpentes Magorum aliunde adduci potuerunt, & eorum virgæ subtiliter & clam subduci, Deo illud per dæmones permittente, tum ob alias causas, tum maximè, ut cum mira quadam facere permissi essent, veris miraculis vincerentur, ait S. Aug. L. 10. de Civitate Dei c. 8. Et verò draco, in quem Moyses virgam suam converteret, Ægyptiorum dracones voravit.

Potuerunt illi quidem aquam in sanguinem vertere, sicut verterat Moyses: potuerunt, ut ille, ranas in totam regionem invehere: at nec sanguinem in aquam vertere potuerunt, nec ranas ab Ægypto remove, neque pariter sciniphes producere, Deo scilicet, ut observat Theodoretus, interrogatione 18. in Exodum, Magorum imbecillitatem artemque procul abesse à virtute divina, tunc manifestante; quem suum virium defectum vel ipsimet Magi ea in plaga confessi sunt, *Dignus Dei est hic*, dixerunt Exodi 8. v. 19. Tertullianus Apolog. cap. 22. graphicè dæmonum industriam depingit. *Omnis spiritus alet*, inquit, *hoc & Angeli & dæmones*. Igitur momento ubique sunt: totus orbis illis locus unus est: quid ubi geratur iam facile sciunt, quàm enuntiant. Velocitas, divinitas creditur, quia substantia igno-

ratur: sic & auctores interdum videri volunt eorum quæ annuntiant; & sunt planè malorum nonnunquam, bonorum tamen nunquam. Dispositiones etiam Dei, & tunc Prophetis concionantibus exceperunt, & nunc lectionibus resonantibus carpunt;

punt; ita & hinc sumentes quasdam temporum sortes, amulantur divinitatem dum furantur divinationem. In oraculis autem, quo ingenio ambiguitates temperent in eventus... Benefici planè & circa curas valetudinum; ledunt enim primò, debinc remedia præcipiunt, ad miraculum nova, sive contraria, postquam desinunt ledere, & curasse creduntur.

Sunt & alia indicia quibus demonum præstigiæ à veris miraculis secerni possunt. 1. In hujusmodi operibus considerata est diuturnitas effectus & perseverantia, quæ efficax est veritatis indicium: quæ enim sic ac fraudulenter fiunt, breviter evanescent. Hinc Magi Pharaonis, post aliqua opera, quæ prodigiosa videbantur, deprehensi sunt deficere. Similiter falsitas miraculorum Simonis statim manifesta fuit, cum in aera sublati, orante Petro, contrafactis cruribus præceps deciderit. 2. Attendendi sunt effectus quibus miraculorum veritas declaratur, quales maximè solent esse actiones vitæ, v.g. manducare, loqui in Lazaro resuscitato, videre in cæco nato, & ita de aliis. 3. Circumstantiæ quibus fiunt illa miracula: si v.g. per orationem ad Deum; si finis talium operum non sit aliquid temporale aut prævum; si ad junctum habeant aliquod Dei opus proprium, ut secretarum cogitationum manifestationem. *Finis ipse quo discernuntur*, (vera miracula) ait S. Augustinus Lib. 10. de Civitate Dei cap. 16. *incomparabiliter hæc nostra ostendit excellere.*

To. 7. p.
253. A.

Resp. 2. portenta quæ Pseudochristi, Pseudoprophete & Antichristi ipse operari aliquando sunt, non vera miracula, sed mera futura esse mendacia, ad seductionem erroris, ac fidei christianæ subversionem, de quibus suos Christus admonuit, ut eos cautè adversus tot fallacias præmuniret. Ecce, inquit Marci 13. v. 23: *omnia prædixi vobis. Tunc revelabitur ille iniquus*, ait S. Paulus secundæ ad Thesal. 2. v. 8. & 9. *quem Dominus Jesus interficiet spiritu oris sui; & destruet illustratione adventus sui eum, cujus est adventus secundum operationem satanæ, in omni virtute & signis, & prodigiis mendacibus, & in omni seductione iniquitatis iis qui pereunt.* Nullo autem tutiori signo dignosci potest ac revinci prodigiorum illorum fallacia & mendacium, quàm ex doctrina illorum Pseudoprophetarum, quæ, cum doctrinæ Christi adversetur, veris miraculis confirmari nunquam potest. Regulam hanc nobis præfixit S. Joannes primæ Epist. c. 4. v. 1. *Christi simi, ait, nolite omni spiritui credere, sed probate spiritus si ex Deo sint, quoniam multi Pseudoprophete exierunt in mundum.* In hoc cognoscitur spiritus Dei: *Omnis spiritus qui confitetur Jesum Christum in carne venisse, ex Deo est; & omnis spiritus qui soletur Jesum, ex Deo non est, & hic est Antichristus...* Nos ex Deo sumus. *Qui novit Deum, audit nos: qui non est ex Deo, non audit nos.* In hoc cognoscimus spiritum veritatis, & spiritum erroris. Eandem regulam jam in veteri Testamento Deus præscripsit Deuter. 13. v. 1. his verbis: *Si surrexerit in medio tui Prophetes, aut qui somnium vidisse se dicat, & prædixerit signum atque portentum, & e venerit quod locutus est, & dixeris tibi, Eamus, & sequamur deos alienos quos ignoras, & serviamus eis: non audies verba Prophetæ illius aut somnatoris, quia tentat vos Dominus Deus vestræ, ut palam fiat utrum diligatis eum, an non.* Fallum hic declaratur Pseudoprophete vaticinium aut prodigium, ex perverso fine ad quem ille utrumque referebat, prohibetque Deus ne audiat.

diatur. Ex ipsa igitur doctrinæ veritate, miraculorum veritas æstimari debet; ac vicissim veritas doctrinæ, miraculis confirmari: hæc quippe duomutam sibi lucem & opem conferunt, nec à se invicem disjungi unquam debent. *Hæc* (miracula) inquit S. Aug. L. 22. de Civitate Dei cap. 8. *ut fidem facerent, innotuerunt; hæc per fidem, quam fecerunt, multò clariùs innotescunt.*

T. 7. p.
663. C.
D.

Ita certè in miraculis Christi factum est: tantam illa vim, splendorem tantum præ se ferebant, ut nulla arte Judæi ea eludere potuerint. A Prophetis jamdiu antea præsignata illa fuerant, ac singula quasi numerata: confirmabat ea doctrina Christi, quæ ipsameterat Moysis doctrina; neque enim venerat *solvere Legem, sed adimplere*: vicissim ex miraculis doctrina confirmabatur: nihil hic incertum, ambiguum nihil, sicut falsò supponit objectio; nullus, ut vocant, circulus vitiosus. Sese quippe ista mutuò demonstrant, si non in diverso causæ genere, at saltem in diverso evidèntis demonstrationis gradu: miracula etenim evidentiùs statim apparent, ex quibus lucem mutuatur doctrina; ista verò semel illustrata, miraculis vim & lucem reddit, quam ab ipsis mutuata fuerat. *Hæc*, ait S. Augustinus mox citatus, *per fidem, quam fecerunt, multò clariùs innotescunt.* Quo ferè modo Ecclesia & miracula sese mutuò probant & confirmant: Ecclesia etenim ex miraculis demonstratur, non quidem quoad evidentiàm vel certitudinem rei, sed quoad evidentiàm & certitudinem credibilitatis; postquam enim ex miraculis credibilis facta est Ecclesia, ista vicissim miraculorum veritatem subinde judicio suo & auctoritate confirmat.

Dices 2. Cùm Donatistæ nonnulla in doctrinæ suæ confirmationem edita miracula ventitarent, S. Aug. Lib. de unitate Ecclesiæ cap. 19. reponit, litem quam cum ipsis habebat de unitate & catholicitate Ecclesiæ, ex miraculis dirimendam non esse, quæ ab hæreticis & impiis hominibus, Deo ita permittente, etiam fieri aliquando possunt, sed ex Scripturis. *Removeantur*, inquit, *isti vel segmenta mendacium hominum, vel portenta fallacium spirituum.* Aut enim non sunt vera quæ dicuntur, aut si hæreticorum aliqua mira facta sunt, magis cavere debemus: quod cùm dixisset Dominus, quosdam futuros esse fallaces, qui nonnulla signa faciendo, etiam electos, si fieri posset, fallerent, adiecit vehementer commendans, & ait: *Eccæ prædixi vobis.* Unde & Apostolus admonens, Spiritus, inquit, manifestè dicit, quia in novissimis temporibus recedent quidam à fide, intendentes spiritibus seductoribus & doctrinis demoniorum. Ostendit deinde S. Doctor, exaudiri à Deo non solum Christianos, sed & Paganos, & Judæos, & Hæreticos variis erroribus & superstitionibus deditos. Addit postea, Catholicos non asserere, ideo sibi credi oportere, quòd in Ecclesia Christi sint, quòd eam quam tenent, commendavit Milevitanus Optatus, vel Mediolanensis Ambrosius. . . . aut quia per totum orbem in locis sanctis tanta mirabilia, vel exauditionum, vel sanitatum sunt. . . . quacumque enim talia in Catholica sunt, (pergit) ideo sunt approbanda, quia in Catholica sunt, non ideo ipsa manifestatur Catholica, quia hæc in ea sunt.

T. 9. p.
372. A.

B. p. 373
B. C.

ib. D.

Non tantam igitur in miraculis vim ad probandum reponit S. Augustinus, quantum nos existimamus: siquidem non ex miraculis, sed ex Scripturis controversiam dirimendam esse asseverat; neque ideo manifestam esse Ecclesiam

clesiam Catholicam, quia miracula in ea patrantur. Et certè non potest per miracula certò demonstrari quæ sit vera doctrina & vera Ecclesia, nisi prius constet miracula illa vera esse, non falsa, non ficta: atqui constare istud non potest, nisi ex iudicio Ecclesiæ; ergo non Ecclesia ex miraculis, sed miracula ex Ecclesia demonstranda sunt.

Resp. citato loco S. Augustinum hoc unum velle, miracula scilicet Scripturis anteponi non debere; atque in ea quam cum Donatistis habebat controversia, decretoriam ex Scripturis definitionem haberi. Opponebant scilicet Donatistæ, & Præsulum suorum sanctitatem, & Concilia, & apud suos edita prodigia: prolixior autem fuisset disputatio, si S. Augustinus sanctitatem Catholicorum cum Hæreticorum hypocriti, si Catholicorum Synodos cum Hæreticorum Conciliabulis, si illorum miracula cum horum præstigiis aut prodigiis conferre voluisset; quamquam alibi sapius, cum per tempus licuit, effusam hanc pugnae viam ingredi non detrectavit. Ut autem citato in loco breviori manu rem expediret, missis quæ ex utraque parte proferuntur miraculis, ad unam Scripturam recurrit, ut demonstret Ecclesiam intra partem Donati & Africæ limites non coarctari, sed circumquaque diffundi. *Utrum ipsi*, ait loco citato L. de unitate Ecclesiæ, *Ecclesiam teneant*, *non nisi de divinarum Scripturarum canonicis Libris ostendant*. Et Traët. 13. in Joan. num. 17. *Nemo, inquit, vobis fabulas vendat. Et Pontius fecit miraculum; & Donatus oravit, & respondit ei Deus de Cælo. Ngm aut falluntur, aut fallunt . . . Teneamus ergo unitatem, Fratres mei: præter unitatem & qui fecit miracula nihil est. In unitate enim erat populus Israel*, & *monstrabat faciebant miracula: præter unitatem erant Magi Pharaonis, & faciebant similia A. B. Moysi*. T. 9. p. 373. B. T. 3 p. 2. p. 198. F. G.

Dices 3. Lactantius Lib. 5. Instit. divin. c. 3. refellens Philosophum quemdam, sive Porphyrius ille fuerit, sive alius nescio quis, qui contendebat ab Apollonio Thianæo longè plura & majora, quàm à Christo, edita fuisse miracula, neque tamen illum aut Deum se dixisse, aut pro Deo habitum fuisse; respondet, miracula Christi, si à vaticiniis Prophetarum separentur, non sufficere ad fidem ipsi conciliandam. *Disce igitur*, ait, *si quid tibi cordi est, non idcirco à nobis Deum creditum Christum, quia mirabilia fecit, sed quia vidimus in eo facta esse omnia, quæ nobis annuntiata sunt vaticinio Prophetarum. Fecit mirabilia: magnum putassemus, ut & vos nuncupatis, & Judei tunc putaverunt; si non illa ipsa facturum Christum Prophetæ omnes uno spiritu prædicassent. Itaque Deum credimus, non magis ex facili operibusque mirandis, quàm ex illa ipsa cruce, quam vos sicut canes lambitis, quoniam simul & illi prædicta est. Non igitur suo testimonio, (cui enim de se dicenti potest credi?) sed Prophetarum, quæ omnia quæ fecit ac passus est multò antè cecinerunt, fidem divinitatis accepit: quod neque Apollonio, neque Apuleio, neque cuiquam Magorum potuit aut potest aliquando contingere*. P. 190. n. 10.

Resp. Lactantium eò loci brevitatis causa, ac seposita comparatione miraculorum Christi cum præstigiis Apollonii, de quibus se Libro secundo egisse declarat, & quorum discussio longioris operæ tunc fuisset, contendere, vel hoc uno titulo Christi miracula longè superiora esse prætensis Apollonii miraculis, quòd ista nusquam à Prophetis prænuntiata fuissent, sicut præ-

prænuntiata sunt quæcumque fecit Christus & passus est. *Omitto nunc, ait, ipsa opera computare (vel comparare) quia in secundo & superiore Libro de fraude ac prestigiis artis magicæ dixi.* Itaque Lactantius non negat reipsa miracula Christi sufficere ad fidem ipsi faciendam, sed hoc in præsentiarum gratis concessio, probat ex vaticiniis Prophetarum demonstrari vera esse Christi miracula, quod idem de miraculis Apollonii dici non potest.

Probatur 2. miracula quæ Hæretici vel improbi homines operantur, certa esse non posse sane illorum doctrinæ, vel probata vitæ signa & argumenta.

De veris miraculis hic agitur; non de falsis; nemo etenim dubitat ista dumtaxat valere ad seductionem erroris, aut impietatis demonstrationem. Quæstio igitur est, & quidem ad solvendum facillima, utrum Deus per Infideles, per Judæos, Hæreticos, impios homines vera operari possit miracula, quæ trahi possint ad testimonium & confirmationem erroris vel impietatis.

Communis sententia est: Deum, qui supremus est naturæ Dominus & arbiter, cujuscumque ministerio creaturæ uti posse ad mira operanda; at nunquam illa trahi posse in testimonium seu approbationem erroris vel impietatis, cujus, ut jam dictum est, Deus suprema veritas ac justitia, testis & assertor esse nunquam potest. Tales fuere ii qui apud S. Matth. cap. 7. v. 22. ajunt, *Domine, Domine, nonne in nomine tuo prophetavimus, & in nomine tuo demonia ejecimus, & in nomine tuo virtutes multas fecimus?* Quibus Christus, *Munquam novi vos, discedite à me.* Scilicet donum miraculorum ac virtutum, ad eam gratiæ speciem revocatur, quam Theologi *gratis datam* vocant, quæ tota est in utilitatem aliorum, & ad eos fines conceditur, quos divina constituit providentia. Itaque vulgò SS. Ecclesiæ Doctores: unum vel alterum damus.

S. Hieronymum in caput septimum S. Matth. *Prophetare vel virtutes facere, inquit, & demonia ejicere, non est interdum ejus meriti qui operatur: sed invocatio nominis Christi hoc agit; vel ob condemnationem eorum qui invocant, aut utilitatem eorum qui vident & audiunt, conceditur; ut licet homines despiciant signa facientes, tamen Deum honorent, ad cuius invocationem sunt tanta miracula.*

S. Augustinum Lib. de unitate Ecclesiæ cap. 19. jam citato, ubi Donatistis suorum miracula ventitantibus reponit, *Removeantur ista vel signa mendacium hominum, vel portentia fallacium spirituum.* Aut enim non sunt vera quæ dicuntur, aut si Hæreticorum aliqua mira facta sunt, magis cavere debemus. Porro si aliquis in Hæreticorum memoriis orans exauditur, non pro merito loci, sed pro merito desiderii sui recipit sive bonum sive malum. Multi ita Deo exaudiuntur, de quibus dicitur Apostolus: Tradidi illos Deus in concupiscentias cordis illorum. Et multis propitius Deus non tribuit quod volunt, ut quod utile est, tribuat. Nonne legimus ab ipso Domino Deo nonnullos exauditos in excelsis montium Judæ, quæ tamen excelsa ita displicebant Deo, ut & Reges qui ea non everterent, culparentur, & qui everterent, laudarentur? Unde intelligitur magis valere potentis affectum, quam petitionis locum. Et paulò post: Exaudiuntur ergo multi & multis modis, non solum Christi.

Christiani Catholici, sed & Pagani, & Judei, & Heretici, variis erroribus & superstitionibus dediti. Exaudiuntur autem vel à spiritibus seductoribus, qui tamen nihil faciunt, nisi permittantur, Deo sublimiter atque ineffabiliter iudicante quid cuiusque tribuendum sit: sive ab ipso Deo, vel ad pœnam malitię, vel ad solatium miserię, vel ad admonitionem querendę salutis eterne. Ad ipsam veri salutem ac vitam eternam nemo pervenit, nisi qui habet Caput Christum. Idem argumentum versat S. Doctor Tract. 13. in Joan. ex quo paulò antè nonnulla excerptimus.

Tr. 3. p.
2. p. 198
& seq.

Rem totam eleganti comparatione illustrat S. Justinus respondens ad quintam Orthodoxorum quæstionem. Sicut, inquit, id quod Sol oritur super malos & bonos, & id quod pluit super iustos & iniustos, non eo fit ut mali & iniusti in malitia & iniustitia sua constabulantur; sed ut via ad iustum supplicium prepararetur: ita hoc ad Hereticos in errore confirmandos non fit, quòd nonnulli inter eos virtutes præstant. Nam virtutum representatio, si probatio & indicium esset verę Religionis, minime gentium Dominus eos reprobasset, & indignos familiaritate sua præhensisset, qui dixerunt: Domine, nonne in nomine tuo prophetavimus &c?

Pagina
394. D

Accedit & auctoritas Angelici Doctoris secundę secundę q. 178. art. 2. ad 3. *Malis, ait, qui falsam doctrinam enuntiant, nunquam fiunt vera miracula ad confirmationem sue doctrine, quævis quandoque fieri possint ad commendationem nominis Christi quem invocant, & virtute Sacramentorum que exhibent.* Si ergo vel improbi vel Hæretici mira quædam perpetrant, nunquam ea fiunt in confirmationem improbitatis vel erroris, sed vel ad aliquod commodum seu proximi utilitatem, quomodo facta sunt ab illo Iudæo de quo S. Lucas c. 9. v. 49. quem cum Discipuli Christi prohibere voluissent, ne talia tentaret, Christus v. 50. dixit; *Nolite prohibere: quæ enim non est adversum vos, pro vobis est: vel ad confirmationem alicujus catholice veritatis, quale illud est de alveo Baptismatis divinitus exhalato, de quo Socrates L. 7. Hist. c. 17. quod sanè miraculum editum à Deo fuit, ut Baptismatis Christiani, quod apud Novatianos aliosque Hæreticos, perinde ac apud Catholicos validum est, sanctitatem & characterem, underepeti non potest, confirmaret.* De miraculis vide quæ jam diximus in Tractatu de Ecclesia, T. 1. 2. pag. 146. ad pag. 158.

SEPTIMUM ARGUMENTUM

Adventus Messię, ejusque divinę missionis ac naturę, ex comparatione seu collatione miraculorum Christi cum miraculis Moysis.

Vim ac pondus maximum apud Judæos obtinere debet præsens momentum; cum enim illi ex miraculis Moysis fateantur illum Legislatorem à Deo specialiter missum & inspiratum fuisse, ex comparatione miraculorum Christi cum miraculis Moysis eò adiguntur, ut vel Christum verum agnoscant Messiam, vel Moysen reculent.

Missionis divinę argumentum indubitatum esse vera miracula, seu stupenda opera, quæ vim omnem creatam excedunt, consentiunt pariter Judæi & Christiani. Moysen plura ac splendida hujuscemodi prodigia edidisse

Tournely de Incarnatione.

H

ultrò

ultra fatemur: sed longè majora & illustriora edidisse Christum, necesse est agnoscant Judæi. Unde sic arguimus: Qui ex miraculis Moysis divinam ejus missionem comprobant, ex miraculis pariter à Christo editis divinam ejus missionem ac naturam agnoscere tenentur: atqui Judæi ex miraculis Moysis divinam ejus missionem comprobant; ergo &c.

Non aqua est, reponunt illi, paritas: prodigia quippè Moysis & numero, & dignitate, & excellentia; multisque aliis titulis superiora fuisse miracula à Christo editis. At nos è contrà contendimus, longè majora & superiora esse Christi miracula.

I. Quantum ad numerum, Judæi septuaginta sex enumerant Moysis miracula: sed esto, ita sit: (quamquam si propius expendantur, videbitur aut unum & idem miraculum ab illis in plura dividi; aut inter miracula id ab illis reponi, quod verum miraculum non est, licet specialem quamdam Dei providentiam eventum illum direxisse fatendum sit, v.g. quòd à filia Pharaonis è lumine ereptus sit; aut quædam planè conficta esse, v. gr. quòd Moyses mortuus sit super ore Domini, & manibus Dei sepultus.) Sed esto, inquam, septuaginta sex prodigia operatus sit Moses, an idcirco numerum miraculorum Christi superant? minimè. S. Joannes cap. ultimo v. 25. postquam multa enumeravit Christi prodigia, *Sunt autem, pergit, & alia multa quæ fecit Jesus; quæ si scribantur per singula, nec ipsum arbitror mundum capere posse eos, qui scribendi sunt, Libros.*

Hyperbolica quidem est isthæ loquendi ratio, qualis illa Dei ad Abrahamum, quòd semen ejus æquaturum esset stellas Cœli & arenas maris; sed interim maxima multitudinem, cujus iniri numerus non possit, designat. Revera etenim Christus singulos gressus suos aliquo benefico prodigio signabat, de quo in Actibus Apostolorum cap. 10. v. 38. dicitur: *Pertransiit benedicens, & sanando omnes oppressos à diabolo, quoniam Deus erat cum illo.* Unde Joan. 7. 31. Judæorum aliqui conspectis tot Jesu miraculis, dixerunt: *Christus, cum venerit, numquid plura signa faciet, quàm quæ hic facit?* eaque ex quo triennii aut ad summum quadriennii spatio.

II. Judæi Moysis miracula supra miracula Christi hoc titulo extollunt, quòd, juxta communem suorum sententiam, *Moses se totius naturæ quasi directorem & arbitrum ostenderit; quòd divinitatem ad libitum, cum opus erat, è Cœlo ad se advocabat, & sic in Cœlo quodam modo potestatem habuerit, ac omnibus elementis imperaverit.*

Verùm 1. si Historia sacra attentè consideretur, videbitur Moysen naturæ directorem ac arbitrum minimè fuisse: vix ullum enim miraculum fecisse legitur, nisi præcunte mandato divino, aut precibus ad Deum factis, sicut historiam plagarum Ægypti, & miraculorum in deserto factorum inspicienti, manifestum erit; adeo ut miracula fecerit, non per virtutem sibi inhabitantem, sed quam precibus per intervalla à Deo obtinuit, aut ad Dei mandatum exeruit. At Christus virtutem miracula patrandi, utpotè ab ejus natura & essentia indistinctam, perpetuò sibi inhaerentem habuit, ita ut ubicumque & quodcumque vellet, non tantum præsens, sed & absentea ediderit, Matth. 8. v. 6. 7. & sequ. Joan. 4. v. 49. 50. & sequ. Unde merito Matth. 28. v. 18. dicebat: *Data est mihi omnis potestas in Cœlo & in terra.* Et Joan. 5. v. 17. *Pater meus usque modo operatur, & ego ope-*

operator; eadem scilicet virtute ac potestate qua operatur Deus Pater.

2. Nontantum propria sua virtute mira operabatur Christus, sed (quod Moyses non potuit, nec de Mose uspiam legitur) aliis etiam potestatem illam ac virtutem communicavit. Matth. 10. v. 8. *Infirmos curate, mortuos suscite, leprosos mundate, demones ejicite: gratis accepistis, gratis date.* Unde Lucæ 10. v. 17. Discipuli reversi cum gaudio, dixerunt: *Domine, etiam demonia subiiciuntur nobis in nomine tuo.* Et generatim in se credentibus, Joan. 14. dicebat: *Qui credit in me, opera que ego facio, & ipse faciet, & maiora horum faciet.* Ac ne plura congeramus, Act. 3. v. 6. Petrus ad claudum dixit: *Argentum & aurum non est mihi; quod autem habeo, hoc tibi do: in nomine Jesu Christi surge & ambula.* Et v. 12. *Viri Israelite, quid miramini in hoc, aut nos quid inveniunt, quasi nostra virtute aut potestate fecerimus hunc ambulare? Deus Abraham, & Deus Isaac, & Deus Jacob glorificavit filium suum Jesum. . . . Et in fide nominis eius, hunc quem vos vidistis & nostis, confirmavit nomen eius; & fides, que per eum est, dedit integram sanitatem istam in conspectu omnium vestrum.* Reipia miraculis interdum orationem seu preces ad Deum Patrem præmittebat Christus, quia non tantum Deus, sed homo verus erat, & se hominem demonstrare volebat; at quatenus Deus, quæ Dei sunt, propria operabatur virtute.

III. Judæi Moysis miracula Christi miraculis eo nomine majora & præstantiora ventitant, quod Deum ipsum viderit, & cum ipso facie ad faciem locutus fuerit. At 1. ex historia Moyses liquet, non ipsum Deum, sed Angelum nomine Dei cum Moyses locutum: nam & Angelus, qui nomine Dei populo præfuit, etiam expressè *Dominus* vocatur. Sic Exodi 13. v. 21. *Dominus dicitur præcessisse castra Israelis;* qui cap. 14. v. 19. *Angelus* fuisse dicitur; & qui Moysi in rubo apparuit, ipsique dixit, Exodi 3. v. 6. *Ego sum Deus patris tui;* qui v. 14. ibidem ait, *Ego sum qui sum,* ille ipse Angelus fuisse dicitur, Act. 7. v. 30. Ex quibus patet totam revelationem Moysi factam fuisse ministerio Angeli, qui personam Dei representabat, ac quasi Deus ipse foret, locutus est. Quod verò dicitur: *Non in somniis nec in visione loquitur ei, sed ore ad os, & facie ad faciem, sicut solet loqui homo ad amicum suum,* Exodi 33. v. 11. non significat, ipsum Deum immediatè cum Moyses locutum, sed Angelum, qui cum ipso nomine Dei loquebatur, non per visiones ac somnia, sed clara & distincta voce Dei mysteria seu voluntatem ipsi declarasse. At quantò Moyses etiam hac in parte superior est Christus? Non ministerio Angeli missionem accepit, sed immediatè à Deo missus in mundum venit. Joan. 5. v. 36. & 37. *Pater misit me, & qui misit me Pater, ipse testimonium perhibuit de me.* Deum ipsum immediatè videt ac clarè cognoscit. Marth. 11. v. 27. *Omnia mihi tradita sunt à Patre meo. . . . neque Patrem quis novit nisi Filius, & cui voluerit Filius revelare.* Est in Patre, sicut Pater in ipso. Joan. 10. v. 38. *Pater in me est, & ego in Patre.* Et v. 30. *Ego & Pater unum sumus.* An, quæso, de Moyse tale quid unquam dictum est? Et qualiscumque fuerit Moyses auctoritas ac potestas, qualiacumque fuerint miracula, quæ Dei virtute operatus est, si cum miraculis Christi conferantur, quantò ista illustriora ac splendidiora videbuntur? Illum in Cælos ipsos imperium obtinere, adeo manifestum est, ut nulla exceptione possit obscurari. Ascendit in Cælum, & inde promissum

Spiritum in Apostolos demisit, qui cum sit ipse Dei Spiritus, & Deus ipse, manifestum est Deum non nisi à Deo mitti posse. Angeli Christo ut Domino, dum in terris versaretur, ministrasse leguntur, Matth. 4. v. 11. Exaltato in Cælis subiecti esse passim dicuntur, Philipp. 1. v. 10. Ephes. 1. v. 20. 21. primæ Petri 3. v. 22. Cælum, cum baptizatus est, ipsi apertum fuit, & Spiritus sanctus instar columbæ in ipsum descendit, auditaque fuit vox ex Cælo, *Hic est Filius meus dilectus in quo mihi complacui*, Matth. 3. v. 16. & 17. Nec est quod adeo gloriantur Judæi, Moysen in omnia ferè elementa potestatem suam exercuisse. At nihil ferè in natura excogitari potest, in quod Christus divinam suam virtutem sapissimè mira varietate non exercuerit. Sanavit unico verbo & in instanti omnis generis morbos; cæco nato visum non tam restituit; quàm dedit; mutis loquelam, surdis auditum, claudis gressum, mortuis vitam: paralyticos sanavit, leprosos mundavit, sedavit tempestatem, ambulavit super aquas, pisces in Discipulorum retia compulit, panes multiplicavit, dæmonia ejecit &c. & ita potestatem suam exercuit in mare, ventos, pisces, panes, dæmones, morbos, quin & in mortem ipsam.

His si addamus signa & miracula in ipsius gratiam à Deo facta, longè magis ejus supra Moysen excellentia conspicua erit. Conceptus est virtute Spiritus sancti, natus ex virgine: conceptio illius per Angelum matri annuntiata fuit; nativitas per immensam Angelorum multitudinem celebrata, per novæ stellæ apparitionem Magis in Oriente indicata. Ipsi post Baptismum ex aquis ascendenti Cælum apertum est, Spiritus in eum descendit instar columbæ, & vox ex Cælo audita, *Hic est Filius meus dilectus* &c. Postea in monte transfiguratus est, eademque vox iterum ex Cælo audita. In morte ipsius Sol obscuratus est, terra contremuit, & sepulchra mortuorum aperta sunt: &c., quod omnium prodigiorum maximum est, & quo Moyses destitutus fuit, ex morte à Deo suscitatus fuit, Discipulis vivus apparuit, in Cælum ascendit, Spiritum sanctum ad illos misit, quos multis eximiiis donis ita cumulavit, ut vel ipsa Petri prætereuntis umbra, & sudaria Pauli agris imposita, morbos sanarent. Act. 5. v. 15. & c. 19. v. 12.

Quid porro ad hæc miseri Judæi? ficta illa omnia esse ac commentitia? At si quis perditus idem de miraculis Moysis effutire auderet; si cum impio Spinosa prætenso illa Moysis miracula explodere, & in meros naturæ effectus, quamquam non ita cognitos ac vulgares, refert, quid, quæso, responderent Judæi? Quod ipsi responderent, & nos quoque hic respondemus. Certa & indubitata sunt hinc & inde miracula omnibus cognita & perspecta, neque fides iis, à quibus illa referuntur, denegari potest, nisi eodem jure omnibus Scriptis ac Scriptoribus, & cuicumque Historiæ fidem omnem derogari pariter posse, Judæi fateantur. Ita se non impios modò, sed & ridiculos ac fatuos toti Orbis ridendos exhiberent.

IV. Denique, Judæi ajunt miracula Moysis in publica luce coram populo congregato edita fuisse. At, quæso, miracula Christi fuerunt in angulo & in secreto, nemine spectante patrata? Nonne in omnium oculis ac conspectu, & cæco nato visum restituit, & Lazarum à mortuis excitavit; & Petrus claudum omnibus notum sanavit? *Si hi tacuerint, ajebar Christus Luc. 19. v. 40. lapides ipsi clamabunt*. Nihil non tentarunt Judæi, ut isto
rum

tum prodigiorum vim eluderent: *A seculo non est auditum*, (dicebant) *Joan. 9. v. 32.* quodd quis aperuit oculos cæci nati. Sollicitè hominem illum interrogabant, quis ille foret, à quo sanatus fuerat, & quomodo: à parentibus cæci postulabant, an filius eorum esset: in omne latus se convertunt, ut tanti prodigii lucem obscurare possint, sed frustra; ita ut etiam discordes inter se schisma fecerint. Legatur caput nonum S. Joannis.

Accedit & mira Moysen inter & Christum consensio. De Christo scripsit Moyses: *Joan. 5. v. 46. & 47. Si credideritis Moysi, ait Christus, credetis forsitan & mihi; de me enim ille scripsit. Si autem illius litteris non creditis, quomodo verbis meis creditis?* Moyses scripta confirmavit Christus; ad ea Judæos sapius remittit, ac violatæ Legis illos redarguit: *Est qui accusat vos Moyses, ibidem v. 45. Et Lucæ 16. v. 30. Habent Moysen & Prophetas, audiant illos.* Et Matth. 23. v. 2. *Super Cathedram Moysi sederunt Scribæ & Pharisei: omnia quæcumque dixerint vobis, servate & facite.* Legem Moyses accuratè observavit Christus, qui venit, non ut Legem solveret, sed adimpleret. Matth. 5. v. 17. Non est igitur quod Christum verum Messiam Judæi rejiciant, cujus tanta est cum Moysis doctrina consensio. Stat igitur firmum & inconcussum argumentum nostrum, ex comparatione miraculorum Christi cum miraculis Moysis; eoque adiguntur pervicaces Judæi, ut vel Moysen rejiciant, vel agnoscant Christum à Moysæ prænuntiatum.

ARTICULUS SECUNDUS.

An Christus sit ille Messias toties in veteri Testamento promissus & delineatus.

CONCLUSIO.

Christus est ille Messias toties in veteri Testamento promissus & delineatus.

Probatur. Quia ille est verus Messias toties in veteri Testamento promissus & delineatus, cui conveniunt omnes de Messia prophetiæ: atqui Christus conveniunt omnes de Messia prophetiæ.

Minor inductione probatur, percurrendo præcipuas de Messia prophetias & characteres in Christo expressos, quos ad quatuor universim capita revocamus. 1. ad nativitatem. 2. ad conditionem & statum personæ illius. 3. ad doctrinam & opera. 4. ad mortem & resurrectionem.

1. Quantum ad Messiam nativitatem, Prophetæ notant illius tempus, locum, familiam, modum nativitatis, ejusque nonnullas circumstantias.

Ratione temporis, Messias nasci debuit eo tempore quo sceptrum seu suprema auctoritas debuit à Judæis auferri, juxta vaticinium Jacobi. Gen. 49. & post septuaginta septimanas annorum, id est, elapsis 400. annis à captivitate Babylonica, Danielis 9. tunc cum Davidica domus in summo futura erat contemptu. At eo ipso præcisè tempore Jesus Christus verus Messias mundo illuxit.

Ratione loci, Messias Bethleemi nasci debuit; ex oraculo Michæ cap. 5. v. 2. *Et tu Bethleem Ephrata, parvulus es in millibus Juda: ex te mihi Tournely de Incarnatione.* H 3 egre-

egredietur qui sit Dominator in Israel, & egressus ejus ab initio, à diebus æternitatis. Christus autem natus est Bethlehem, Matt. 2. v. 1. Cum ergo natus esset Jesus in Bethlehem Juda.

Ratione familiæ, Messias ex Tribu Juda & ex familia Davidis oriundus fuit, Isaïz 11. v. 1. *Egredietur virga de radice Jesse.* Unde turbæ apud S. Joan. ca. 7. v. 42. profitentur Messiam nasciturum Bethlehemem ex semine David. *Nonne, inquit, Scriptura dicit, Quia ex semine David & de Bethlehem Castello, ubi erat David, venit Christus?* At Jesum Christum verum Messiam nostrum ex semine David ortum esse, vel prima Evangelii, juxta S. Matthæum, verba comprobant, *Liber generationis Jesu Christi filii David.*

Ratione modi nativitatis, Messias nasci debuit ex virgine quidem, sed ad extremam paupertatem redacta. Isaïz 7. v. 14. *Ecce virgo concipiet, & pariet filium, & vocabitur nomen ejus Emmanuel.* At Christus natus est ex virgine matre, Matth. 1. v. 18. *Cum esset desponsata mater ejus Maria Joseph, antequam convenirent, inventa est in utero habens de Spiritu sancto.* Humilis & abjectus Christi adventus describitur Isaïz 53. v. 3. & Matth. 8. v. 20. dicitur: *Vulpes foveas habent, & volucres cæli nidos; filius autem hominis non habet ubi caput reclinet.*

Circumstantiæ adventus Messie à Prophetis prædictæ sunt. 1. Præcursor ejus Joannes, Malachiz 3. v. 1. *Ecce ego mitto Angelum meum, & præparabit viam ante faciem meam;* quod in Joanne Baptista impletum fuit, *qui fuit vox clamantis in deserto, & præcessit Christum in spiritu Eliz, ut viam illi sterneret,* Matth. 3. v. 3. & cap. 11. v. 14. Lucæ 1. v. 17. 2. Messie seu Salvatoris nomen Jesu imponendum fore scribit Isaïas cap. 12. v. 3. cap. 51. v. 5. cap. 62. v. 1. & 11. cap. 63. v. 8. & 9. Et Matth. 1. v. 21. & Lucæ 1. v. 31. narratur Christo impositum esse nomen Jesu, quod Salvatorem sonat. Similiter Messiam vocandum fore Emmanuelem, scribit Isaïas cap. 7. v. 14. quod etiam impletum legitur Matth. 1. v. 23. 3. Nova stella debuit in ortu Messie oriri: Numer. 24. v. 17. *Orietur stella ex Jacob.* At Matth. 2. v. 2. narratur à Magis visum esse novum in Cælo sidus: *Vidimus, inquit, Magi, stellam ejus in Oriente.* 4. Reges venturi prædicuntur, ut adorent eum: Psal. 71. v. 10. *Reges Tharsis & Insule munera offerent; Reges Arabum & Saba dona adducent: & adorabunt eum omnes Reges terræ;* quod Mat. 2. v. 2. & 11. legitur impletum. 5. Infantes versùs Messie nativitatem miserè trucidandos vaticinatus est Jeremias cap. 31. v. 15. quod Matthæi cap. 2. v. 18. impletum narratur. 6. Fugam Messie in Ægyptum prædicit Osee cap. vaticinii sui 11. v. 1. *Ex Ægypto vocavi filium meum:* hoc idem impletum narrat S. Matth. c. 2. v. 15.

II. Quantum ad statum & conditionem personæ Messie, notant Prophete 1. quòd erit Verbum Dei: Psalmo 106. v. 20. *Misit Verbum suum, & sanavit eos.* Et Joan. 1. v. 14. dicitur: *Et Verbum caro factum est.* Et Apocalyp. 19. v. 13. *Et vocatur nomen ejus, Verbum Dei.* 2. Messias erit Filius Dei: Psal. 2. v. 7. *Dominus dixit ad me, Filius meus es tu.* At Matth. 3. v. 17. dicitur: *Ecce vox de cælis dicens, Hic est filius meus dilectus in quo mihi complacui.* 3. Messias Deus erit: Psal. 44. v. 7. & 8. *Sedes tua, Deus, in sæculum sæculi: Virga directionis, virga Regni tui. Dilexisti iustitiam, & odisti iniquitatem, propterea*
unxit

unxit te, Deus, Deus tuus oleo letitiæ præ consortibus tuis. At Christus sapissimè in novo Testamento Deus dicitur: Joan. 1. v. 1. *In principio erat Verbum, & Verbum erat apud Deum, & Deus erat Verbum.* Plura vide in nostro de SS. Trinitate Tractatu, ubi fusè momentum hoc fidei nostræ contra Socinianos profecuti sumus. 4. Messias Propheta futurus est: Deut. 18. v. 15. & seq. 1. Machab. 14. v. 41. At Christus Jesus Propheta fuit: Matth. 13. v. 57. & cap. 16. v. 21. & seq. & cap. 21. v. 11. 5. Messias futurus est Sacerdos: Plal. 44. v. 8. & Plal. 109. v. 4. At Christus verus fuit Sacerdos & Pontifex summus: Hebræorum 2. v. 7. & c. 3. v. 1. & cap. 4. v. 14. & 15. & c. 5. Messias futurus est Princeps & Rex: Isai. 9. v. 6. Jeremiæ 30. v. 21. 1. Regum 2. v. 10. 2. Regum 7. v. 12. & 13. Plal. 2. v. 6. & seq. At Christus Princeps & Rex dicitur in novo Testamento: Act. 5. v. 30. & 31. Coloss. 2. v. 10. Matth. 2. v. 1. & seq. cap. 21. v. 4. & 5. & c.

III. Quantum ad doctrinam & opera Messie, Messias annum placabilem promulgabit, & salutarem Evangelii doctrinam afferet, *ad medendum contritis corde, & publicandam libertatem captivis & redemptionem*, Isai. 61. v. 1. Plura verò à Messia patranda esse miracula, idem Isaias cap. 35. v. 4. & 5. affirmat: *Deus ipse veniet, & salvabit vos. Tunc aperientur oculi cecorum, & aures surdorum patebunt. Tunc saliet sicut cervus claudus, & aperta erit lingua mutorum.* Hæc autem omnia per Christum Jesum facta fuisse, quis, nisi in Evangelicæ Historiæ lectione planè peregrinus, negare poterit? Et quidem tanta signa & prodigia fecit Christus, ut turbæ apud S. Joan. c. 7. v. 31. hoc profiteantur: *Christus cum venerit, inquit, an signa plura edet iis quæ istæ edidit?* Hinc Christus toties provocat ad opera sua, tanquam signum certissimum vocationis suæ, Joan. 5. v. 36. & 7. v. 37. 38.

IV. Quantum ad mortem & resurrectionem, Prophetæ omnes illius circumstantias accuratissimè describunt. Judæ proditorem, & pretium triginta denariorum, Zachariæ 11. v. 13. *Appenderunt mercedem meam triginta argenteos.* Flagellationem, Plal. 128. v. 3. *Supradorsum meum fabricaverunt peccatores.* Vestimentorum divisionem, Plal. 21. v. 19. *Diviserunt sibi vestimenta mea, & super vestem meam miserunt sortem.* Manuum & pedum perforationem, ibid. v. 18. *Foderunt manus meas & pedes meos.* Acetum quo potatus est in cruce, Plal. 68. v. 22. *In siti mea potaverunt me aceto.* Derisionem & caputum contumeliosam motionem, Plal. 21. v. 8. *Omnes videntes me, deriserunt me: locuti sunt labiis, & moverunt caput.* Solis deliquium, Amos 8. v. 9. *In die illa occidet Sol in meridie, & tenebescere faciam terram in die luminis.* Porro hæc omnia ad litteram impleta fuisse, ipsa Evangelii historica narratio probat. Sepulturam, Isai. 53. v. 10. *Eteris sepulchrum ejus gloriosum.* Resurrectionem, Plal. 3. v. 6. *Ego dormivi & soporatus sum; & exurrexi, quia Dominus suscepit me.* Ascensum in Cælum, Plal. 67. v. 19. *Ascendisti in altum, cepisti captivitatem, accepisti dona in hominibus.* Missionem Spiritus sancti, Joelis 2. v. 28. *Effundam spiritum meum super omnem carnem, & prophetabunt filii vestri & filia vestra, &c.* Hæc & plura alia legi possunt collecta ab Illustrissimo Huetio, Demonstrationis Evangelicæ Propositione nona integra, cui titulus, *Jesus Nazarenus est Messias.*

SOLVUNTUR Objectiones Judaeorum adversus Messiae adventum.

Objicies 1. Ille nondum venit, cujus adventus signa in Scripturis expressa nondum impleta leguntur: atqui signa adventus Messiae in Scripturis expressa nondum impleta leguntur.

I. Elias praecedere debuit adventum Messiae. Malach. 3. v. 1. *Ecce ego mitto Angelum meum, & preparabit viam ante faciem meam.* Quis porro sit Angelus ille, exponitur ibidem c. 4. v. 5. *Ecce ego mittam vobis Eliam Prophetam, antequam veniat dies Domini.*

II. Isaia c. 2. v. 2. Messias venturus designatur in novissimis diebus, & in ejus adventu mons domus Domini exaltatus dicitur super alios montes. At nondum advenierunt novissimi illi dies, seu finis dierum; nec legimus montem Domini exaltatum supra montes alios.

III. In diebus Messiae pax & abundantia futura est: Psal. 71. v. 7. *Orietur in diebus ejus iustitia, & abundantia pacis.* Unde Isaia 9. v. 6. Messias vocatur *Princeps pacis.* Et c. 11. v. 6. in signum hujus pacis, dicitur lupo habitaturus cum agno, pardus cum haedo, & vitulus cum leone. At nihil eorum impletum videmus; & loco pacis & abundantiae qua frui deberent Judaei, si Messias venisset, durissima servitute exules ubique ferè premuntur.

IV. De Messia dicitur Psal. 2. v. 8. *Dabo tibi Gentes hereditatem tuam, & possessionem tuam terminos terrae.* Bellatorem quoque illum futurum esse ostendunt verba ista, Psal. 44. v. 6. *Sagittae tuae acutae, populi sub te cadent.* At Christus noster nec bellator fuit, nec Gentes omnes imperio suo subjecit; ergo non est Messias toties promissus, & tamdiu expectatus.

V. Isaia 30. v. 26. in adventu Messiae, lux Lunae erit sicut lux Solis, & lux Solis debet esse septuplò major quàm erat antea, *Sicut lux septem dierum, in die qua alligaverit Dominus vulnus populi sui:* id est, in adventu Messiae. At nondum visa est lux Solis septuplò major, nec lux Lunae sicut lux Solis.

VI. Ezechielis cap. 40. magnifica extat descriptio Templi quod à Messia restaurandum est. At certum est nondum restauratum esse Templum illud.

VII. Jeremiae 23. v. 5. in diebus Messiae Juda salvandus dicitur, & Israelis pacifica & tranquilla futura habitatio. Porro in Judaeis jamdiu dispersis & profugis nondum impletum istud videmus.

VIII. Denique, Ezechielis 38. & 39. Messias Gog & Magog debellaturus dicitur. At isti nondum apparuerunt; ergo nondum venit Messias.

Resp. nego minorem.

Ad primum: Elias, qui Messiam praecedere debuit, ad litteram non est Elias Thesbites, sed figuratè & analogicè est Joannes Baptista, propter similitudinem quae illi cum Elia intercessit in zelo & fervore, qui venire debuit in spiritu & virtute Eliae, ut dicitur Lucae 1. v. 17. & Matth. 11. v. 14. Joannem Baptistam Eliae nomine designari, patet manifestè ex cap. 17. S. Matth. v. 12. & 13. *Elias jam venit, & non cognoverunt eum.... Tunc Discipuli intellexerunt, quia de Joanne Baptista dixisset eis.* Quòd si ad litteram Elias Thesbites intelligi debeat, non de primo, sed de secundo Messiae adventu intelligendus est Malachias, quem reipsa praecessurus creditur Elias: qui dies

à Pro-

à Propheta dicitur magnus & horribilis, cum scilicet in maiestate gloriæ suæ veniet Christus iudicaturus vivos & mortuos, & unicuique bonum vel malum, prout bene vel malè gesserit, redditurus.

Ad secundum: Finis dierum, seu novissimi dies in quibus Messias venturus dicitur, non mundi finem significant, sed vel illud præfixum à Deo tempus quo venire debet Messias, quod temporis plenitudinem appellat S. Paulus Galat. 4. v. 4. vel ultimam dispensationem mysteriorum, post quam nulla alia speranda est, sed sola æternitas: finis ergo dierum vocatur non absolute, sed comparatè, ratione scilicet præcedentium temporum, quia finis imponendus erat veteri Testamento. Etenim usque ad tempus illud omnia veluti in suspenso erant, ac in imagine & per figuras Judæis contingebant, qui ardenti Messis desiderio semper tenebantur, quod quidem non nisi in adventu ipsius explendum erat. Cum verò Messie tempore mons Domini extollendus dicitur supra montes alios, figurata locutio est, qua Ecclesiæ (quæ mons Sion dicitur) exaltatio & sublimitas designatur.

Ad tertium: Pax & abundantia quam Messias est allaturus, spiritualis dumtaxat est, non terrena & mundana; neque id suos latere voluit Christus: *Nolite arbitrari*, aiebat Matth. 10. v. 34. *quia pacem venetim mittere in terram: non veni pacem mittere, sed gladium.* Idem repetitur Lucæ 12. v. 51. & Joan. 14. v. 27. Cum lupus habitaturus dicitur cum agno, pardus cum hœdo, vitulus cum leone, figurata locutio est, per quam significatur Gentiles, omni deposita morum ferocitate, ad fidem Christi, velut agnos mansuetos & dociles, adducendos fore. Dicit etiam non immerito posset, ortam in adventu Messie pacem etiam temporalem, quia tunc summa pace universum Romanum Imperium fruebatur.

Ad quartum: Christus Gentes Imperio suo subiecit, non temporali quidem & caduca dominatione, sed spirituali & æterna, fidem interiori occultata gratiæ suæ subministratone suadendo, mores in melius reformato: quo pariter sensu Messias bellator futurus dicitur, non illo carnali Iudæorum sensu, qui Messiam Ducem armis & opibus præpotentem expectabant, à quo in plenam libertatem asserendi forent, & ab omnibus suis hostibus liberandi; sed spirituali modo bellator & victor futurus erat, quia de infidelitate, de errore, de dæmone, imò & de ipsamet morte plenam reportaturus erat victoriam.

Ad quintum: Cum lux Solis futura dicitur septuplò major, tempore adventus Messie, ad litteram intelligi non potest, quia fulgorem Solis ferre nullus posset, nec ulla superesset noctis umbra propter Lunæ maiorem claritatem: figuratè igitur debet exponi; vel historicè, de magnitudine gaudii quod expectura erat Ecclesiæ Judaica soluta Babylonica captivitate; vel mysticè, de magnitudine gloriæ, cognitionis ac lætitiæ, quam adventus Messie, sanatis Ecclesiæ vulneribus, ac discussis veteris Instrumenti umbris, allaturus erat.

Ad sextum: Ezechiel, interprete S. Hieronymo, non loquitur de Templo Hierosolymitano denuò instaurando, sed de templo spirituali ac mystico, Ecclesiæ scilicet, cujus symbolum & figura extitit Templum Salomonis: hujus autem templi, seu Ecclesiæ perfectæ instauratio in Cælis futura est, cum ab omnibus hostibus liberata Ecclesia æternum triumphabit.

Quòd

Quòd si de Templo materiali, cum Grotio & aliis Prophetani intelligere placuerit; verba Ezechielis referenda erunt ad reſtaurationem ſecundi Templi ſub Zorobabele & Jeſu filioſ edech, quæ interpretatio Judæis non favet.

Ad ſeptimum: Iſrael ſalvandus dicitur in adventu Meſſiæ, non quidem ſecundum carnem, cujus dumtaxat reliquias ſervandas eſſe, vel ipſi Judæi non diſſentunt ex cap. 3. v. 14. Jeremiæ, & 8. Iſaie v. 14. ſed ſervandus eſt ſalutis ſpiritali, quantum ad animam, Rom. 9.

Ad octavum: Gratis omnino fingitur Meſſiam debellaturum eſſe Gog & Magog, & Ezechielem c. 38. de Meſſia loqui. Verba etenim ipſius non ad Meſſiam, ſed ad eos Reges referri debent, qui poſt captivitatem Babylonicaſ Judæos novis calamitatibus oppreſſerunt, quales fuere Reges Syriæ, & populi Aſiæ minoris, ſic dicti à Gyge Lydorum Rege; vel à Scythiſ & Tartariſ, ita vocatiſ Gen. 10. v. 2. qui jam olim Aſiam minorem & Syriam occupaverant; unde in Aſia Hierapolis dicta eſt *Magog*, teſte Plinio L. 5. c. 28.

Objiciunt 2. Revera quidem, ſi computetur tempus à Prophetiſ designatum adventus Meſſiæ, jam illud eſſluxit, ac venire debuit Liberator Meſſiaſ; verum obſtant Judaici populi peccata.

Reſp. 1. in vaticiniis Prophetarum, quibus præſigitur tempus venturi Meſſiæ, nullum extare hujus conditionis veſtigium (ſi non obſent peccata populi;) ſed abſoluta illa ſunt. Porro quæ Deus eventura eſſe abſolutè decrevit, ea certiffimè ſuo definito tempore ſunt eventura.

2. Propter populi Judaici peccata, non diſtulit Deus illiſ ex Ægypto vel Babylone liberationem, quam certo tempore futuram decreverat: ut quid ergo etiamnum ob eadem peccata Meſſiæ adventum diſſeret?

3. Non tanta ſunt, quanta olim Judæorum ſclera, quæ tot in eos calamitates cœliſ provocarunt: non falſos Gentiliſ deos adorant; non vitulos aureos in deos ſibi colendos erigunt &c. quod idololatriæ ſcelus ſupremum eſt ac execrandum. Quare igitur diſſertur adhuc Meſſiæ adventus? Fruſtra eum expeſtant, qui jam venit, qui ab ipſiſ rejeſtus fuit turpiſſimæ morti addiſtus: *Auctorem vitæ interfeciſtiſ, quem Deus ſuſcitavit à mortuiſ, cujuſ noi teſteſ ſumuiſ*, liberè increpabat Judæiſ S. Petruſ, Act. 3. v. 15.

4. Meſſiaſ venire debuit ad delenda peccata; hic eſt quippè Incarnationiſ finiſ præcipuiſ: eoque tempore, ſatentibuſ Judæiſ, venire debet, quo Judæorum ſclera ad ſummum futura ſunt. Vide Huetium Prop. 9. c. 8. n. 133. Ergo jamdiu venire debuit.

5. Incarnationiſ myſterium univerſum genus hominū ſpeſtat: pro omnibuſ enim venit, ac *pro omnibuſ mortuiſ eſt Chriſtuſ*; non igitur propter gentiſ alicuiuſ peccata tanto bono privari oportuit mortalium univerſitatem, ac tamdiu diſſerri Liberatoriſ adventum.

Objiciunt 3. Chriſtuſ non eſt ille Meſſiaſ à Prophetiſ tam ſæpè designatuſ. Probant

I. Quia veruſ Meſſiaſ falſorum deorum cultum extinguere debuit, quem Chriſtuſ non extinxit.

II. Veruſ Meſſiaſ ab Eccleſia recipi ac probari debuit: at Eccleſia Judæorum, quæ ſola tunc erat, eum abjecit, nedum recepit.

III. Si

III. Si Jesus verus fuisset Messias, quare Joannes Baptista misit ad illum ut resciret, an ipse Messias esset, necne?

Resp. nego antecedens.

Ad primam probationem, distinguo: Verus Messias debuit paulatim ac per gradus falsum deorum cultum extinguere, concedo: simul & uno eodemque momento, nego. Est quippe illa divinæ Providentiæ lex, ut non nisi per quosdam gradus ad finem perveniat: *Disponit omnia suaverit; & attingit à fine usque ad finem fortiter.* Sap. 8. v. 1. Non unico momento, sed septem dierum spatio mundum creavit. Quantis vèrò successivè prodigiis natio Judaica emollienda fuit ac præparanda, ut Liberatorem suum agnosceret, quem agnoscere noluit? *Quoties volui congregare filios tuos ... & noluisti?* Matt. 23. v. 37. Quot & quantis Prophetarum oraculis annuntiandus prius fuit Messias adventus? Quot & quantis gratiarum excitationibus indurati hominis cor paulatim emolliiri ac frangi debet, ut ad Deum redeat, ejusque mandatis facilem & obsequentem animum exhibeat?

Ad secundam, dist. Messias debuit ab Ecclesia nova quæ tunc formabatur, recipi, concedo: ab Ecclesia veteri, seu à Synagoga, nego. Imò sepius à Prophetis prænuntiatum fuerat, rejiciendum, ac cruci affigendum fore à Judæis Messiam, quæ prophetiæ in Christo Domino ad litteram impletæ, Judæos confundunt, ac Messiam, quem expectant, jamdiu advenisse demonstrant.

Ad tertiam: Joannes ad Christum misit discipulos, qui ab ipso sciscitarentur an ipse Messias foret: non quòd ipse Joannes dubitaret, qui de Christo tam illustre testimonium dederat, Joan. 1. v. 39. *Eccè Agnus Dei, ecce qui tollis peccata mundi.* Hic est de quo dixi: *Post me venit vir, qui ante me factus est, quia prior me erat,* sed ut discipulorum fidem, nondum satis firmam ac solidam, viso Christo ejusque miraculis, confirmaret: *Enimvero nuntiavit Joanni,* ait Christus Matth. 11. v. 4. *que audistis & vidistis. Cæci vident, claudi ambulant, surdi audiunt, mortui resurgunt.*

ARTICULUS III.

An & quomodo adversus Gentiles demonstrari possit advenisse Christum Messiam toties à Prophetis prænuntiatum.

ADVERSUS Gentiles duplici argumentorum genere pugnandum est.

I. Iis omnibus generatim momentis quibus Christiana Religio evidenter credibilis redditur, prophetiarum scilicet eventu, auctoritate Evangelicæ narrationis, miraculorum splendore, Martyrum constantia, stupenda medios inter cruciatus Religionis Christianæ propagatione.

II. Momentis ex ipsismet Gentilibus ductis.

In his generalibus momentis exponendis diu hic immorari nobis animus non est, de quibus fusè ac ex professo Theologi, ubi de fide. Paucis dumtaxat urgemus adversus Gentiles, veterum Prophetarum de Christo testimonia, quæ in suspensionem falsi ac suppositionis apud cordatos homines venire nunquam possunt. A quibus enim ea accepimus? à Judæis nomini Christiano insensissimis, qui velut capfarii nostri summa cura & studio ea illibata conservaverunt.

Momenta generalia. Ex oraculis Prophetarum adimpletis.

servavere: mira autem illarum prophetiarum cum eventu consensio, invictum est veritatis argumentum. Deuter. 18. v. 22. *Quod in nomine Domini Propheta ille prædixerit, & non evenierit, hoc Dominus non est locutus*: ergo Dominus locutus est, cum ea eveniunt quæ Propheta prænuntiaverat.

Ex veritate
Hilario
Evangeliæ.
P. 129.

Urgemus & historicam de Christo ab Evangelistis narrationem nudam & simplicem sine fūco, sine arte & altutia, sine confederatione & inito simul consilio scriptam. A quibus? à viris rudibus, illiteratis, omni humana industria & ope destitutis, qui nulla suppliciorum acerbitate à proposito suo & à fide in Christum dimoveri nunquam potuerunt. *Hæc autem est mendaciorum natura*, inquit, Lactantius L. 5. Inst. c. 3. *ut coherere non possint*. Illorum verò (Christianorum) traditio, quia vera est, quadrat undique, ac sibi tota consentit; & ideo persuadet, quia constanti ratione suffulta est. Cuius autem historiam scribunt? hominis abjecti, ex infima plebe, & ex patre fabro, ut putabatur, nati. Quæ verò scribunt? ea quorum ipsi testes oculati fuerant, quæ publicè ac in conspectu totius Jerusalem, præsentibus Judæis pariter ac Gentilibus contigerant; quæ nec magicis artibus, nec incantationibus aut dæmonum præstigiis tribui meritò poterant, cum & demones ipsos Christus expelleret; atque firma & constantia forent, non simulata, quæ operabatur prodigia: quæ nec calumnias quibus onerabatur Christus, nec turpissimam ejus mortem duos inter latrones dissimulant; quorum fama tam splendida & diffusa fuit, ut etiam in publicas Romanorum Tabulas relata fuerint. Sanè si humano consilio ducti fuissent Evangelistæ ad historiam Christi capitis sui scribendam, si fabellam, non rei veritatem ad posterum transmittere voluissent, haud dubiè in ejus honorem ac famam, ignominioso ejus supplicio dissimulato, eam magis accommodatam contextuissent.

Ex constantia
Martyrum.
Tertull.
in Apol.
c. 50 p.
39. B.

Urgemus & stupendam Martyrum in propugnanda Christi Religione fortitudinem ac constantiam inter acerbissima, quibus cruciabantur, Tyrannorum supplicia, imò læti cum voluptate ad ea festinabant. *Vincimus, clamabant illi, cum occidimus..... Cruciate, torquete, & dammate, atterite nos: probatio est innocentie nostræ iniquitas vestra.... nec quidquam proficit exquisitior quæque crudelitas vestra; illecebra est magis sceleris.* Plures efficiuntur, quoties metimur à vobis. *Semen est sanguis Christianorum.* Invictum profectò veræ Religionis Christi argumentum! quæ hac ipsa suppliciorum ac mortis acerbissimæ via crevit & amplificata est, qua penitus atteri & extingui debuisset, nisi planè divina fuisset; in qua nec inanis gloriæ spes, nec fama nominis, nec divitiarum aut voluptatis amor, sed unius æternæ felicitatis in Deo assequendæ præconcepta cogitatio, laborem leviozem reddit, & mortem ipsam vitæ longè jucundiozem.

Ex stupenda
Religionis
propagatione.
nc.

To. 3. p.
136. C.

Urgemus denique, miram ac stupendam Religionis Christianæ propagationem, tota licet fremente ac contradicente natura, obistente undequaque crudeli Tyrannorum persecutione. Quorum autem ministerio propagata illa fuit? duodecim hominum ex infima plebe, sine litteris, sine arte, sine opibus, sine ulla humana potentia & auctoritate. *Cælestis adverte consilium*, ait eleganter S. Ambr. Exposit. in Luc. c. 5. n. 44. *non sapientes aliquos, non doctores, non nobiles, sed piscatores & publicanos, quos dirigeret, elegit; ne traduxisset prudentia, ne redemisset divitiis, ne potentia nobilitatisque* auctoritate transisset aliquos ad suam gratiam videretur, ut veritatis ratio, non disp-

disputationis gratia praevaleret. Quam verò doctrinam annuntiabant illi, ut homines demulcerent, & ad se allicerent? naturæ profectò duram & asperam: demissa mentis in res summè obscuras obsequium; carnis ac sensuum macerationem, jejunia, continentiam, in ærumnis & afflictionibus patientiam; amorem crucis & paupertatis; voluptatum fugam, divitiarum contemptum; veniam inimicorum, sui omnimodam abjectionem. *En illecebrascēta*, ut cum Tertulliano loquamur. Hæccine, quæso, tot reperisset inter homines tam longo sæculorum usu vitiis immerfos, sectatores ac discipulos, nisi divinitus inspirata, ac Dei ope singulari ad exitum feliciter perducta fuisset?

Ad hæc generalia momenta accedunt & particularia, quibus moveri maximè debent Gentiles.

I. Ex oraculis Sybillarum, quæ tanto apud Gentiles ipsos in pretio fuerat, ac de Christo tam apertè mentionem fecerunt. Quamquam enim nos ipsi ex illis Sybillarum carminibus firmum duci non posse argumentum pro demonstrando Messie adventu supra dixerimus, quòd nempe planè incerta & dubia videantur, quæ de Sybillis circumferuntur, sive earum numerum spectes, sive ætatem, vitæ genus, & Librorum auctoritatem; attamen cum & ipsi Gentiles, velut domestica testimonia, earum carmina laudaverint, imò & à multis SS. Patribus commendata videamus, iis, ut probabili saltem momento, adversus Gentiles uti possunt Christiani.

II. Ex defectu seu silentio Oraculorum. Adveniente Messia, finem idololatriz, ut & falsis Paganorum Oraculis silentium imponendum esse, prædixerant Prophetæ, Isaïa 2. v. 18. & 20. Zachariæ 13. v. 2. Oracula verò tempore adventus Christi ut plurimum obmutuisse, Historiæ prophanz non dissimulant: Hinc tempore Tiberii nata quæstio, cur obmutuissent Oracula? cur dæmones, ut antea non operarentur; ac unde tam subito facta fuisset illa mutatio, quæ Christiani nominis inimicis, stuporem ac timorem simul iniecit? Porphyrius queritur deos iratos, ex quo venit Christus, nihil respondere: Cicero L. 2. de Divinatione, testatur temporibus suis Oracula defecisse, & causam insulsè rejicit in loci vetustatem, ex quo anhelitus quidam erumpebat, quo Pythia mente incitata oracula proferebat; nisi forsan ad irrisionem jocose hæc scribebat. Plutarchus, qui scripsit de Oraculorum defectu, refert Thamum quemdam nautam Echinades Insulas præter navigantem, audivisse vocem quæ nuntiabat, magnum Pan mortuum fuisse, tempore scilicet Tiberii, quo Christus cruci affixus est; & Augusto oraculum Apollinis consulenti, quis postea regnaturus esset, respondisse fertur, *Mæ puer Hebraeus diis beatis imperans, subit hæc ades relinquere, & statim in orbem abire.* Rem tam constantem negare ausus non est Julianus Apostata, (Huetius Prop. 9. c. 29. n. 4.) sed Christianorum argumento inde ducto, respondet, Vates etiam sacros tunc temporis etiam defecisse. At falsò & imperitè illud confingebat: constat etenim tum ex cap. 11. A.G. Apost. v. 28. Agabum cum aliis vaticinatum fuisse; tum ex cap. 12. primæ ad Corinth. v. 28. Deum quosdam in Ecclesia posuisse *Apostolos, deinde Prophetas*, & v. 29. *Numquid*, ait S. Paulus, *omnes Apostoli? numquid omnes Prophetæ?* Ergo post adventum Christi non defecit prophetiæ donum, quod ab Apostolo, ibid. v. 8. inter gratias gratis datas nume-

numeratur. Scio equidem, anno 1673. Amstelodami typis excusas duas de Oraculis Ethnicorum Dissertationes, auctore Vandale Medico Anabaptista, in quarum prima tractat de duratione ac defectu Oraculorum apud Gentiles; in altera verò de illorum auctoribus, contendit ille, hæc omnia prætenſa Oracula planè fictitia eſſe, nec à dæmonibus, ut vulgò credebatur, emiſſa, ſed vel à Sacerdotibus idolorum per dolum ac fraudem, lucri cupiditate, ac conciliandæ ſibi alicujus auctoritatis conſilio excitata; vel etiam à Principibus ipſis politica quadam prudentia, ſive ut in officio populos continerent, ſive ut ad bellum eos promptiores & alacriores redderent. Multa quidem eo in Opere Medici Vandale, plura ſunt ingenioſè excogitata, nec vellem ego aut omnia hæc Oracula tanquam vera defendere, aut omnia etiam velut falſa & ſpuria rejicere, quòd non ignorem plures è veteribus SS. Patribus, viros ſanè perſpicaces & acutos, illud Oraculorum ſilentium, de quo Gentiles ipſi conquerebantur, Gentilibus ipſis objeciſſe in argumentum veri Meſſiæ adventus, cujus ſcilicet tempore, deviçto ac expulſo dæmone; ſilentium ipſi imponendum erat, omniſque nocendi auctoritas ab eo detrahenda. *Nunc judicium eſt mundi*, ajebat Chriſtus Joan. 12. v. 31. *nunc princeps buſus mundi eſt* *ejicietur foras*. Neque iſtud Oraculorum ſilentium, & argumentum quod inde Chriſtiani ducebant, diſſimulare auſus eſt Julianus Apoſtata, ut jam obſervavimus.

Neque urget quod ajunt nonnulli, etiam longè ante Chriſtum natum aut ſiluiſſe Oracula, aut minori in gloria & pretio fuiſſe, ſicut teſtatur Tullius L. 1. de Divinatione, ubi Quintum fratrem ſuum de Oraculo Delphico omnium celeberrimo, ſic loquentem inducit: *Nunc in minore gloria eſt, quia minus vaticinium veritas excellit*. Et Lib. 2. jocòſè ridet Apollinem, quòd jam à Pyrrhi temporibus verſus facere deſiſſet. Inò & longè poſt Chriſtum Plutarchus de Oraculis ſui temporis ſcripſit. Hæc, inquam, non urgent. Quid enim inde concludas? niſi quòd deſecta fortè aliqua Sacerdotum paganorum fraude, minùs conſulta tunc fuerint Oracula, ac minori in pretio eſſe cœperint: poſt Chriſtum verò ſi quæ fuiſſe memorantur, in pœnam animi nimium creduli aut curioſi, permiliſt Deus nonnullos falſis illis oraculis in errorem induci, eaque ipſis triſtitia ſubinde accidere, quæ in incertum prædicta ipſis fuerant.

Ex præcipuis vitæ Chriſti circumſtantias quas nò ignorarunt Gentiles.

Præcipuas vitæ Chriſti circumſtantias Scriptis ſuis, vel ipſi Gentiles Hiſtorici conſignarunt: unde Tertullianus in Apoſogetico, ad ipſas publicas Romanorum Tabulas provocabat, ut Chriſtum ejuſque Religionem cognoscerent. Oppidulo terræ Judæorum ortum illum fuiſſe, pauperibus parentibus, in Ægyptum perſecutionis declinandæ cauſa profugiſſe, agnoſcit Celfus, Chriſtiani nominis hoſtis inſenſiſſimus, apud Origen. L. 1. adverſus ipſum. Bethleemi natum probant tabulæ cenſuales Romanorum, ad quas provocabat Juſtinus Apol. 2. & Tertullianus adverſus Marcionem. Novum ſydus poſt Chriſtum natum apparuiſſe, & ad eum veniſſe Magos, non diſſitetur Julianus, licet ad cauſas naturales imperitè hujus ſtellæ ortum referre conetur. Infantium atrocem cædem per Herodem factam, memorabili dicto Auguſtus proſecutus eſt, nempè, *præſtare magis Herodis porcum eſſe, quam filium*, alludens ad mores Judæorum, quibus prohibitus erat eſus carnis porcinæ. Prophetam fuiſſe Chriſtum à quo futura cognita fuere ac prænuntiata,

ta, tradidit in Chronico Phlegon Hadriani Imperatoris Libertus. Edita ab ipso prodigia confessi sunt Hebræi proceres, nec terribili Christi adversarii inficiati sunt, Celsus & Julianus. Mortem verò Christi tot stupendis signis & prodigiis nobilitatam reperies, ut nihil certius reperire sit in veteri Historia. Tacitus L. 15. Annal. cum à Nerone Christianos exquisitis suppliciis affectos dixisset, hæc addit: *Auctor nominis eius Christus, qui Tiberio imperante, per Procuratorem Pontium Pilatum supplicio affectus erat.* Observat P. 6. C. Tertull. Apol. c. 5. à Nerone primum vexatos fuisse Christianos. *Consulte, inquit, Commentarios vestros: illic reperietis primum Neronem hanc sectam cum maxime Romæ orientem Casariano gladio ferocisse. Sed tali dedicatore damnationis nostræ etiam gloriamur. Qui enim scit illum, intelligere potest nonnisi grande aliquod bonum à Nerone damnatum.* Mirabilis illa Solis defectio, & insolitus terræ motus, quæ moriente Christo contigerunt, à Phlegonte L. 13. Olympicorum Chronicorum, & ab aliis Ethnicorum Scriptoribus referri testatur Eusebius in Chronico, quos inter præcipua est Thalli auctoritas, quem Libro Historiarum suarum tertio eandem eclipsim memorasse, scribit Africanus. Hinc Tertullianus Apologet. c. 21. causam Christianorum apud Ethnicos agens, miraculi hujus testes citat Tabularia ipsorum, & publica Instrumenta. *Eodem momento, ait, dies medium orbem signante Sole subducta est: deliquium putaverunt, qui id quoque super Christo predicatum nescierunt. . . .* & tamen eum mundi casum relatum in Archivis vestris habetis. P. 10. C.

Mores Christianorum castigatos ac severos, imò & ab ipsis edita prodigia, non dissimulant Ethnici Scriptores. Plinius L. 10. Epist. 97. ad Trajanum, significat se adhibitis tormentis in crimina Christianorum diligenter inquisivisse, nec à se repertum aliud, præter *catus antelucanos, & carmina Christo tanquam Deo cantari solita.* Cui rescriptis Imperator, *genus hoc hominum inquirendum non esse, sed inventum puniri oportere. O sententiam necessitate confusam!* exclamat Tertullianus, Apologetic. cap. 2. *negat inquirendos ut innocentes, & mandat puniendos ut nocentes: parcis & sævis.* Ad Hadrianum Serenius Granianus Proconsul Asiæ scripserat quoque, iniquum esse Christianos nullius criminis reos indicta causa in vulgi gratiam miserè trucidari. Rescriptis Imperator ad Minutium Fundanum Serenii successorem, jubere se, si quid adversus Leges peccatum esset à Christianis, id ab illis animadverteri; si per calumniam accusati essent, delatorem ipsum pro criminis gravitate puniendum. P. 3. B.

Celebre est ac famosum prodigium quod precibus Christianorum contigit Marco Aurelio adversus Marcomannos & Quados pugnanti; cum Romano exercitui angustiis locorum pressio, & aquæ penuria laboranti, imbres de Cælo Christiani milites suis precibus impetrarunt, quo tempore Barbarorum copię grandine ac fulminibus obruebantur. Tam beneficium prodigium Marcus ipse Imperator Litteris suis ad Senatum datis testatus est. Factum illud velut publicum & omnibus cognitum refert Tertullianus in Libello supplicii ad Scapulam Africæ Provinciæ Præsidem, & auctoritate ipsa Marcii Aurelii confirmat Apolog. c. 5. P. 71. A. B.

His Christi ac Christianorum virtutibus ac prodigiis commoti Imperatores nonnulli, divinos honores Christo tribuere, ac Tempa consecrare voluerunt. C. D.

luerunt. Tiberius de rebus à Christo præclare gestis certior factus à Pilato, retulit ad Senatum, ut inter deos numeraretur : renuit quidem Senatus, siue propter reinovitatem, siue propter supplicii dedecus, quo affectus fuerat Christus; siue propter Judaicæ gentis infamiam. Legatur Tertull. Apolog. c. 5. Hadrianus quoque Imperator, teste Lampridio, Tempia sine idolis erexit, eaque Christo dedicaturus ferebatur, nisi Sacrorum Consultores ipsum deterruissent. Hanc Lampridii auctoritatem ab exceptionibus Casauboni merito vendicat Huetius Prop. 3. n. 23. pag. 44. Narrat idem Lampridius, Alexandrum Severum etiam Christo Templum extruere, eumque in Deum cooptatum voluisse, ac pie coluisse in Larario, id est, in eo loco domestico ubi dii Lares coli solebant. Denique, circa tempora quibus ex sacris vaticiniis venturus Messias à Judæis expectabatur, ab ipsis quoque Gentilibus venturus memoratur; atque in aliquibus, adulationis animo, illa Judæorum oracula impleta fuisse affirmabant. Suetonius, in Nerone, Iosephus, in Vespasiano, Tacitus, in Vespasiano ac Tito. Ista pervulgata de venturo Messia persuasione multi abusi sunt circa illud ipsum tempus quo venturus erat, ut se Christum fingerent. Ita Herodes; ita vecordes illi Samaritani, Dositheus & Simon Barcochebas, & alii nonnulli, de quibus jam superius dictum est. Nullus porro, quod observandum, id attentare ausus fuerat ante ipsa tempora, quibus expectabatur, & re ipsa venit Messias. Vide Huetium Prop. 7. pag. 392.

Solvuntur Objectiones.

Obijcies 1. Donum miraculorum Hæreticis & improbis hominibus, imò & ipsimet Gentilibus concessum aliquando legitur; ergo firmum ex illis duci non potest argumentum, pro demonstranda divina Christi missione ac natura.

Consequens videtur certum. Sicut enim miracula non possunt certa & indubitata esse signa catholicæ doctrinæ in Hæreticis, pietatis in impiis, ac in Gentilibus veræ Religionis; ita nec in Christo missionis divinæ: quod enim bonis & malis, Hæreticis & Catholicis commune est, procul dubio ambiguum & incertum videri debet, tum probitatis, tum sanæ doctrinæ argumentum.

Antecedens, quantum ad Hæreticos & improbos spectat, nos ipsi paulò antè probavimus.

A Paganis verò nonnulla interdum edita fuisse miracula constat, tum ex cap. 7. & 8. Exodi, ubi Magi Ægyptii tam stupenda coram Pharaone, ac spectante Moysè perpetrarunt; & Christus ipse Matth. 24. v. 24. prænuntiat tot & tanta futura esse Antichristi prodigia, ut etiam electi, si fieri posset, in errorem inducendi sint.

*In vita
Vespasiani n.
7.*

Deinde refert Suetonius, à Vespasiano Imperatore lumen cæco restitutum fuisse ejus sputo; & claudum ejus calce sanatum.

Resp. nego consequens. Confule quæ paulò antè diximus de miraculis Magorum, Hæreticorum & impiorum hominum: hæc quippè vel meræ præstigiæ fuerunt ac sensuum ludificationes; vel effectus, occulti quidem, sed qui naturæ vires non superant; vel si vera dicenda sunt miracula, in testimonium alicujus veritatis ea fieri Deus permisit, nusquam in testimonium erroris vel impietatis, cujus Deus testis esse non potest. Paulò antè nonnullas regulas proposui.

posuimus, quibus vera miracula à falsis secerni possint. Vera igitur miracula æquivoca non sunt signa & argumenta; sed eorum veritas, aut falsitas, ex vera, aut falsa doctrina, in cuius confirmationem fieri dicuntur, æstimari debet.

Quæ de Vespasiano refert Svetonius, vel ficta sunt, & ad Principis adulationem turpiter composita; vel naturæ, aut artis medicæ vires non superant. Audiatur eam in rem Cornelius Tacitus L. 4. Historiar. n. 81. ubi de Vespasiano hæc habet: *Multa miracula evenere, quibus cælestis favor, & quedam in Vespasianum inclinatio numinum ostenderetur. Ex plebe Alexandria quidam oculorum tabe notus, ad genua ejus advolevit remedium cecitatis exposcens gemitu, monitu Serapidis dei, quem dedita superstitionibus gens ante alios colit; precabaturque Principem, ut genas & oculorum orbes dignaretur respergere oris excremento. Alius manu eger, eodem deo auctore, ut pede ac Vestigio Cæsaris calcaretur, orabat. Vespasianus primò irridere, aspernari; atque illis instantibus, modò famam vanitatis metuere, modò obsecratione ipsorum, & vocibus adulantium in spem induci. Postremo estimari à Medicis iubet, an talis cæcitas ac debilitas, ope humana superabiles forent. Medici varè differere: huic non exesam vim luminis, & redituram si pellerentur obstantia; illi elapsos in prævum artus, si salubris vis adhibeatur, posse integrari: id fortasse cordis deus, & divino ministerio Principem electum; denique, patriis remediis gloriam penes Cæsarem, irriti ludibrium penes miserofores. Vespasianus cuncta fortune sue patere ratus, nec quidquam ultro incredibile, læto ipse vultu, erecta quæ astabat multitudo, iussa exequitur. Statim conversa ad usum manus, ac cæco reluxit dies: utrumque qui interfuero, nunc quoque memorant, postquam nullum mendacior pretium.*

Ex ista porro Historici narratione constat 1. Vespasianum postulatam à se sanitatem statim irrisisse, & ut oportebat, aspernatum fuisse. 2. illum hæsisse dubium & ancipitem inter famam vanitatis, quam metuebat, & spem felicitis successus, quam adulantium voces injiciebant. 3. denique Medicos, quos Imperator consulijusserat, respondisse, infirmitatem illam ope humana superari posse. Procul ergo qui prætextum illud Vespasiani miraculum ventitant, nobisque objiciunt.

Obijtes 2. stupenda prodigia quæ Apollonius Thianæus Philosophus è secta Pythagorica, ac insignis magus, primo Ecclesiæ sæculo fecisse memoratur à Philostrato, qui vitam ejus octo Libris complexus est: quæ quidem prodigia tot & tanta fuisse narrat Historicus, ut impius Hierocles quarto Ecclesiæ sæculo, in odium Christianæ Religionis, ea cum miraculis Christi comparare, ac illis paria, imò & majora fuisse dicere non erubuerit.

Resp. nobis satis otium non esse, ut in istis fabulis ac putidissimis mendaciis confutandis immoremur. Cùm enim Philostratus, qui hæc signa collegit, centum post Apollonium annis vixerit, nec ullum narrationis suæ vadem satis dignum proferat, parumquæ aliunde accuratus ille sit, ac sibi frequenter adversetur, nullam fidem meretur: fabulas ille, quibus voluerit, vendat, non nobis. Portenta illa Apollonii meras fuisse artismagica incantationes ac dæmonis præstigias, quas illius ministerio nequam spiritus operabatur, probant SS. Hieronymus, Augustinus, Chrysostomus, Laëtantius Eusebius; data opera, Librum scripsit adversus Hieroclem, ubi strenuè refellit, nullam comparisonemquam inter Apollonium & Chri-

flum impius ille instituerat. Lege Photium in sua Bibliotheca codice 44. Lege Illustr. Huetium Lib. Demonitr. Evang. Propositione 9. cap. 147. ubi paucis omnia Philostrati de Apollonio figmenta explodit. Idem momentum elegantissimo prosecutus est Illustrissimus Episcopus Aquarum Tarbellicarum, in Opere gallico cui titulus est, *Reflexions sur le Christianisme ensei gné dans l'Eglise Catholique*.

S. Augustinus Lib. 10. de Civitate Dei c. 16. n. 1. & 2. distinguit inter miracula quæ à bonis vel à malis Angelis eduntur, iisque credendum definit, qui Deo unius sacrificium offerri docent, non aliis, qui sacrificii honorem sibi arrogent. Cum Deus, inquit, id egerit ad commendanda eloquia veritatis suæ, ut per istos immortales nuntios, non sui fastum, sed maiestatem illius prædicantes, facerent maiora, certiora, clariora miracula, ne infirmis piis illi qui sacrificia sibi expetunt, falsam religionem facilius persuaderent, eo quòd sensibus eorum quadam stupendam monstrarent; quem tandem ita despicere libeat, ut non vera eligat quæ selectetur, ubi & ampliora invenit, quæ miretur?

Deinde n. 2. inter miracula quæ Gentilibus tribuuntur, distinguendum 1b. E. esse censet his verbis: Illa quippe miracula deorum Gentilium, quæ commendat Historia, non ea dico quæ intervallis temporum oculis ipsius mundi cæsis, verumtamen sub divina providentia constitutis & ordinatis monstratæ contingunt; quales sunt inusitati partus animalium, & cælo terraque rerum insolita facies, sive tantum terrens, sive etiam nocens, quæ procurari atque mitigari demoniacis ritibus fallacissima eorum astutia perhibentur: sed ea dico, quæ vi ac potestate eorum fieri satis evidenter apparet, ut eî quòd effigies deorum Penatium; quas de Troia Æneas fugiens advexit, de loco in locum migrasse referuntur; quòd cotem Tarquinus novacula secuit; quòd Epidaurius serpens Æsculapio naviganti Romam comes adhasit; quòd navim qua simulacrum matris Phrygiæ vehebatur, tantisque hominum boumque conatibus immobilem redditam, una muliercula zona alligatam, ad suæ pudicitie testimonium movit & traxit, quòd Virgo Vestalis, de cuius corruptione questio vertebatur, aqua impleto cribro de Tiberi, neque persuente, abstulit controversiam. Hac ergo atque alia huiusmodi nequaquam illis quæ in populo Dei facta legimus, virtute ac magnitudine conferenda sunt: quantò minus ea quæ illorum quoque populorum, qui tales deos coluerunt, legibus indicata sunt prohibenda atque plebenda, magica scilicet vel theurgica? quorum pleræque specie tenus mortaliū sensus imaginaria ludificatione decipiunt, quale est Lunam deponere, donec suppositas, ut ait Lucanus, propior despiciet in herbas: quadam verò et si nonnullis piorum factis videantur opere coæquari, finis ipse quo discernuntur, incomparabiliter hæc nostra ostendit excellere. Illis enim multi tantò minus sacrificiis colendi sunt, quantò magis hæc expetunt: his verò unus commendatur Deus, qui se nullis talibus indigere, & Scripturarum suarum testificatione, & eorundem postea sacrificiorum remotione demonstrat. Si ergo Angeli sibi expetunt sacrificium, preponendi eis sunt illi qui non sibi, sed Deo creatori omnium, cui serviunt.

Quatuor veluti prodigiorum apud Gentiles species hic distinguit sanctus Doctor. Prima miraculi nomen non meretur: versatur etenim in quibusdam dumtaxat effectibus, quos vel certa causarum secundarum dispositio exigit, ut sunt monstra & insoliti animalium partus; vel demonum sensus nostros fasci-

fascinantium industriam non superant, ut cœlo terraque rerum insolita facies. Secunda prodigii cuiusdam speciem quidem præferre videtur, quale est v.g. cribrum aqua implere, aqua non disfluente &c. attamen neque vim dæmonis naturalem istud superat, per quam scilicet vel cribri foramina latentem occludat, vel aquam sustentet, ne disfluat. Tertia meras artis magicæ præstigas ac sensuum nostrorum ludificationes continet, quale est v.g. Lunam Cœlo deducere. Quarta denique prodigiorum Gêntilium species vera quidem piorum miracula imitari propius videtur, sed ex fine, ad quem referuntur, secernenda esse ac æstimanda iudicat S. Augustinus; ita ut falsa & fictitia pronuntianda sint, si ad falsum deorum cultum ordinentur. *Finis ipse*, ait sanctus Doctor, *quo discernuntur, incomparabiliter hæc nostra ostendit excellere, quæ, ut antea dixerat, maiora sunt, certiora, clariora.*

Objicies 3. Mira & stupenda Religionis Christianæ propagatio, firmum ac solidum non videtur esse illius veritatis argumentum, quia stupenda pariter ac prodigio similis videtur Religionis ac Imperii Mahumetis per omnes Orientis plagas diffusio.

Resp. planè impiam & insulsam esse comparisonem inter Christum & Mahumetem, ac utriusque Religionem. An Mahumetes, sicut Christus, stupenda edidit prodigia? An Propheta Mahumetis, sicut Christi, ortum, vitam, gesta prænuntiavit? Mahumetes vi armorum, ferro ac sanguine populos sibi subiecit: Christus humilitate, mansuetudine, benefica voluntate. Mahumetes spe divitiarum ac voluptatum suos inescavit: Christus suis hac in vita non nisi cruces & afflictiones promittit, ac divitiarum contemptum imperat. Ille milites habuit ministros; Christus pauperes Apostolos: illi gladio, isti verbi prædicatione rem promoverunt. Mahumetis Religio tota sensibus immersa, quàm crassa! quàm impura! naturæ vitiata: quàm commoda! Religio verò Christi quàm defæcata! quàm pura! naturæ nostræ quàm dura & aspera! Illa effrazem ad omnem sensuum voluptatem licentiam laxat; ista verò damnata ac severè reprimat, totumque hominem per jejunia carnisque macerationem in servitutem redigit.

Atqui tamen Religio hæc, tota licet renuente ac contradicente natura, Orbem universum occupavit. Imperatores, Reges, Principes, nobiles, ignobiles, divites, egenos, sectatores ac discipulos habuit, numero pene infinitos. An non stupendum istud miraculum est, ac invictum veræ Religionis argumentum? Unde meritò exclamat Augustinus L. 22. de Civit. Dei c. 8. n. *Ibid. p. 1. Quisquis adhuc prodigia, ut credat, inquit, magnum est ipse prodigium, 660. A. qui mundo credente non credit. Et qui miracula facta non credunt, nobis hoc T. 7. P. unum grande miraculum sufficit, quod terrarum orbis sine ullis miraculis cre-* *663. A.* *didit...*

QUÆSTIO QUARTA.

De necessitate Incarnationis.

Necessarium aliud est absolute ac simpliciter, aliud verò ex hypothesi dumtaxat, & secundum quid. Solus Deus est ens per se & absolute necessarium: *Ego sum qui sum*, ait Deus ipse ad Moysen; & Moyses ad filios Israel, *Qui est misit me ad vos*, Exodi 3. v. 14. cætera verò entia contingentia sunt, à Deo liberè condita. Rursus, quod ex hypothese necessarium est, vel simpliciter ad finem assequendum necessarium dicitur, qualis est cibus & potus ad conservationem vitæ; vel necessarium dumtaxat secundum quid, ad finem facilius comparandum, qualia sunt alimenta melioris succi, ad eamdem vitæ conservationem.

Incarnationis necessitas spectari potest in hypothesi, vel creationis mundi, vel lapsus humani generis in peccatum, vel reparationis ipsius à lapsu, vel accuratæ & condignæ satisfactionis Deo pro peccatis exolvendæ.

Status questionis.

Primò igitur queritur, an ex hypothesi creationis mundi, necessaria fuerit simpliciter Incarnatio Verbi, tanquam opus perfectissimum, & absolutissimum mundi ornamentum. Ita revera docet Raymundus Lullius, de quo Vasques in præsentī disputatione q. 1. art. 2. cap. 2. Ratio hæc ipsi est, quòd Deus non potuit non facere id quod optimum erat, quale certè est opus Incarnationis. Longius progressus est Joannes VViclefus in Triálogo, ubi docet necessitate absoluta compulsum fuisse Deum, non tantum ad Incarnationem Verbi, & ad hominem à perditione redimendum; sed etiam ad creationem Universi, & eorum omnium quæ in eo continentur. Lege eximium Opus Illustrissimi Bossuetii Meldensis, dum viveret, Episcopi, de Variationibus Ecclesiarum Protestantium Lib. 11. n. 152.

T. 3. p. 277. & seq.

Secundò, ex hypothesi lapsus hominis in peccatum, queritur, Potuitne Deus hominem à lapsu non erigere, perditum non reparare?

Tertiò, si reparare ac saluum facere hominem Deus voluit, potuitne alio modo, seu alia quàm Incarnationis via, illum reparare? potuitne gratis peccatum omnem peccato debitam relaxare?

Quartò denique, si ad reparandum hominem plenam & ad rigorem juris accuratam satisfactionem Deus pro offensa sibi illata exigere voluit, potuitne satisfactionem illam alius, quàm homo Deus, Deo persolvere?

Consentiunt ferè omnes Theologi.

I. ex hypothesi creationis mundi necessariam simpliciter non fuisse Incarnationem.

II. potuisse Deum hominem lapsum non redimere.

III. ex hypothesi condignæ satisfactionis quam Deus pro offensa sibi illata exigeret, necessariam consequenter fuisse Incarnationem, quam solus Deus homo persolvere potest.

Tota

Tota igitur controversia præsens versatur circa tertiam hypothesim: nempe, si voluit Deus hominem salvum facere, potuitne, illis iustitiæ suæ iuribus, plenam & condignam ex ipsius offensâ non repetere satisfactionem; adeoque non incarnari? potuitne omnem culpam & pœnam ipsi gratis omnino relaxare? En controversiæ status.

Circa quam dux sunt oppositæ sententiæ, affirmans una, negans altera; utraque verò suos habet inter SS. Ecclesiæ Doctores patronos ac vindices, quos postea suo loco referemus. Existis portò variis & oppositis testimoniis, illud consequi videtur, quæstionem præsentem ex earum numero esse, quæ, salva fide, in utramque partem defendi possunt, & Theologica ratione potius quàm auctoritate dirimendæ sunt.

Inter Theologos qui negantem partem hîc sequuntur, sunt qui, ut SS. Patrum contraria in speciem testimonia concilient, observant Deum in reparatione ac salute hominis agere posse, vel ex suprema & absoluta, quam in res omnes habet auctoritate; vel ex potentia sua ordinaria, & jure (ut ajunt) virtutibus temperato, seu ex regulis iustitiæ suæ. Ex potentia quidem absoluta & extraordinaria potuisse Deum alia, quàm Incarnationis, via hominem redimere ac salvum facere; non potuisse verò ex potentia ordinaria, & jure virtutibus temperato, ex cujus legibus reipia se gessit Deus in negotio reparationis humanæ, exigendo à Christo plenam & condignam satisfactionem.

Observant iidem Theologi, inter attributa divina aliqua esse ita absoluta, ut nullum ad creaturas respectum seu ordinem dicant; v. g. æternitatem, immensitatem, infinitatem &c. alia verò ordinem aliquem dicere; v. gr. omnipotentiam, misericordiam, iustitiam. Rursus in istis postremis attributis spectari posse, vel substantiam ipsam, seu, ut Schola loquitur, actum primum; vel externum exercitium: substantiam planè necessariam esse ac immutabilem facientur; usum verò, seu exercitium, ex parte Dei aliquando liberum omnino esse, aliquando non esse, nisi saltem quantum ad aliqua. Explico: Exercitium v. g. divinæ misericordiæ erga hominem, omnino liberum est. Quare? quia Deus nihil creaturæ suæ absolute debet. *Justificati gratia per gratiam ipsius, per redemptionem quæ est in Christo Jesu. Cuius vultis miseretur, & quem vult indurat.* Non ita est de exercitio iustitiæ: hanc enim Deus non tantum creaturæ, sed sibi metipso etiam debet, *qui seipsum negare non potest*, 2. ad Timot. 2. v. 13. ac iustitiæ suæ jura servare integra tenetur, quæ de facto rigorose servavit, cum peccata nostra in Christo spoliore nostro tam severe punivit. Quantum ad aliqua dumtaxat liberum est iustitiæ divinæ exercitium, pœnæ scilicet modum, mensuram, tempus &c.

Observant denique, sententiam istam idoneam maxime videri ad declarandam tum peccati gravitatem, pro cuius expiatione necesse fuit Deum incarnari; tum immensam Christi erga nos charitatem, qui peccata nostra in se transtulit; tum denique ad vindicandam contra Socinianos satisfactionis Christi necessitatem:

His præmissis, sit

PRIMA CONCLUSIO.

Incarnatio Verbi necessaria non fuit ex hypothesi creationis mundi.

Probat^{ur} I. Quia nihil commune habet visibilis hæc rerum universitas cum Mysterio Incarnationis, nulla inter hæc naturalis connexio; atque omnibus suis numeris perfectus coalescit mundus, ex sola entium naturalium multitudine ac varietate.

II. Tam potuisset mundus æternum subsistere absque Incarnatione, quam revera per quatuor annorum millia sine illa permanfit. An toto illo temporis antea cu spatio mundus aliqua sibi debita perfectione caruit?

III. Pervulgata est ac fere communis Theologorum sententia, quod si Adam non peccasset, Christus non venisset; ergo Incarnatio necessaria non fuit ex hypothesi creationis Universi.

Dices 1. Agens perfectissimum, qualis Deus est, id semper facit quod est optimum; agit quippe ex inclinatione conformi naturæ suæ infinitæ ac optimæ. Ita vulgò SS. Patres, imprimis S. Augustinus Lib. de quantitate animæ cap. 33. ait, *iustitia summi Dei factum esse, ut non modò sint omnia, sed*

etiam ita sint, ut omnino melius esse non possint. Et Lib. 3. de libero arbitrio c. 5.

Quidquid, inquit, tibi vera ratione melius occurrerit, scias fecisse Deum, tanquam bonorum omnium conditorem. Lib. denique 1. contra adversarios Legis &

Prophet. cap. 14. Usque adeo, inquit, despiendum est, ut homo videat melius aliquid fieri debuisse, & hoc Deum vidisse non putet; aut putet vidisse, & credas facere noluisse; aut voluisse quidem, sed minime potuisse?

Resp. dist. maj. Agens perfectissimum quod ex necessitate agit, ut Deus intus generans Filium & producens Spiritum sanctum, semper facit quod est optimum, concedo: quod liberè agit extra se, iterum distinguo: semper facit id quod est optimum, relativè ad suum consilium & finem quem sibi præfixit, concedo: optimum absolutè & in omni genere, nego. Aliàs non tantum libertas, sed & omnipotentia Deo adimeretur, quæ tota in quolibet opere supponeretur exhausta. Quemadmodum ergo potuit Deus nihil extra se moliri, quia liber; ita & potuit, quos voluit perfectionis majoris vel minoris gradus creaturæ suæ impartiri, ad finem, quem intendit, semper idoneos & proportionatos, quia & liber & sapientissimus. Nulla igitur lege tenetur Deus ad id quod absolutè optimum est, faciendum; atque multò alia plura potest, quam quæ re ipsa vult; & quæcumque vult, etiam

potest. Egregiè S. Augustinus in Enchiridio ad Laurentium cap. 95. *Tunc, inquit, inclarissima luce sapientia videbitur, quod nunc piorum fides habet, antequam manifesta cognitione videatur, quam certa, immutabilis, efficacissima sit voluntas Dei: quam multa possit, & non velit; nihil autem velit, quod non*

possit. Et Lib. de natura & gratia cap. 7. *Quia Dominus, inquit, Lazarum suscitavit, sine dubio potuit: quia verò Judam non suscitavit, numquid dicendum est, non potuit? Potuit ergo, sed noluit: nam si voluisset, etiam hoc potestate fecisset.* Lege eundem S. Doctorem Lib. 3. de libero arbitrio cap. 5. ubi observat rebus etiam non ita perfectis nihil esse melius ad ordinem mundi constituendum, cum ille ex variis rerum gradibus efflorescat; atque cre-

den-

dendum sit, Deum ex optima semper ratione operari, tamen in rebus factis id non deprehendamus. *Credat ergo (humana anima) inquit num. 13. Deum fecisse, quod vera ratione ab eo faciendum fuisse cognovit, etiamsi hoc in rebus factis non videt: Et certe divinorum consiliorum arcana, & occultos providentiae Dei fines scrutari, nefas. Compescat ergo se humanitatem, ait idem S. Augustinus Lib. 1. de Genesi ad litt. contra Manichaeos cap. 2. & id quod non est non querat, ne id quod est non inveniat.* Hinc idem sanctus Doctor Lib. 3. de libero arbitr. cap. 5. ait, largissimam Dei bonitatem adhuc iustissimè laudandam, etiamsi aliquo inferiore creatura gradu nos condidisset.

Si quid ergo ex SS. Patribus affirmare videantur, Deum id operari semper quod est optimum, atque id tantum posse, quod vult; exponendi illi sunt, vel quia Deus sine ullo defectu seu imperfectione, malitia aut imprudentia operatur: idque appositè dicebant SS. Patres contra Manichaeos, qui Deum malum mali auctorem admittebant; vel quia quae operatur Deus, semper optima sunt & idonea maxime ad finem quem intendit. *Vidit Deus cuncta quae fecerat, & erat valde bona.* Vel quia Deus ea facit, quae aut magis conveniunt & accommodata sunt naturali rerum, quas condidit, conditioni, aut magis congrua & proportionata pulchritudini & ornameto totius Universi. Licet enim potuisset Deus producere aliam rerum universitatem meliorem, ac constantem ex entibus perfectioribus, & excellentioribus partibus, in ista tamen serie ac universitate rerum quam elegit & fecit, non potuit excogitare major venustas & convenientia. Scitè igitur S. Augustinus Lib. 1. de Civitate Dei c. 22. ait, *Deum ita esse artificem magnum in magnis, ut minor non sit in parvis; quae prava non sua granditate, nam nulla est, sed artificis sapientiae metienda sunt.*

Dices 2. Si Deus non eligeret semper id quod est absolute melius, non esset sapientissimus artifex in actu secundo, sed tantum in actu primo.

Resp. nego ant. Sufficit enim, ex mox dictis, quòd quae facit Deus, optima sint, & idonea maxime ad finem quem intendit assequendum: unde voluntas ejus sola est regula ac mensura perfectionum quas creaturis communicat. Psal. 113. v. 3. *Omnia quaecunque voluit, fecit.* Et Psal. 110. v. 2. *Magna opera Domini, exquisita in omnes voluntates ejus.* Creaturas autem Deus condidit ex benevolentia, non ex necessitate; iis etenim non indiget qui solus sibi sufficit. *Inest Deo,* ait S. Augustinus L. 1. de Gen. ad litt. c. 5. *benignitas summa;..... & quidem non ex indigentia, sed ex beneficentia veniens amor in opera sua.* Et S. Thomas 1. p. q. 19. art. 2. querens utrum Deus velit alia à se, ait: *Sic vult & se & alia; sed se ut finem, alia verò ut ad finem, in quantum concedet divinam bonitatem etiam alia ipsam participare.*

Inhabis: debet aliquid esse in rebus ipsis creatis, quod respondeat dignitati & excellentiae actionis opificis quae infinita est: atqui sola Verbi divini Incarnatio huic infinitae Dei perfectioni respondere potest; ergo &c.

Resp. nego ant. Causa etenim effectui suo nobilior quidem est, non verò effectus causa; aut saltem effectus causa suae perfectionem ac nobilitatem non adaequat. Quapropter ex Augustino mox laudato, *Deus ita magnus est in magnis, ut minor non sit in parvis; quae parva non sua granditate, nam nulla est, sed artificis sapientiae metienda sunt.*

Dices 3. Quis amat amore infinito, qui omnia propter semetipsum operatur.

I. 4.

tuse est.,

T. 1. p. 615. E. F.

Ibid. p. 647. D.

Ibid. p. 614. & seq.

Gen. 1. v. 31.

T. 7. p. 288. E. F.

Tam. 3. par. 1. p. 120. E.

T. 7. p. 288. E. F.

Prover. 16. v. 4.

tus est, ac gloriam suam in omnibus, tanquam finem, intendit, ille gloriam naturæ suæ condignam seu proportionatam, id est, infinitam, proponere sibi debet: atqui Deus amore infinito se amat, omnia propter semetipsum operatur, ac gloriam suam in omnibus tanquam finem sibi proponit, ex sola autem Incarnatione gloriam infinitam percipere potest; ergo &c.

Resp. ad primum, distinguo: Qui se amat amore infinito, ille proponere sibi debet gloriam infinitam, essentialem & internam, concedo: externam & adventitiam, nego. Gloria interna Deo & essentialis ab ejus naturali excellentia & infinita perfectione non distinguitur: illa semper ac necessarîo fruitur Deus, qua solus sibi sufficit ac perfectè beatus efficitur. Gloria verò externa petitur à rebus externis, Dei amore, cultu, laudibus, adoratione &c. ista verò Deus non indiget: *Bonorum meorum non eges*, ait David Psal. 15, v. 2. qui ex sese perfectè felix est, nec illam, ut suum, sed nostrum potius finem intendit. *Quid ergo*, ait S. Augustinus Lib. 13. Confess. cap. 4. *tibi desisset ad bonum quod tu tibi es, etiam si ista vel omnino nulla essent, vel informis remanerent, quæ non ex indigentia fecisti, sed ex plenitudine bonitatis tue?* Unde

Ad secundum, resp. dist. *Deus universa propter semetipsum operatus est*, tanquam finem ultimum creaturarum, aut propter gloriam suam, cui tanquam fini creata omnia subservire debent, concedo: tanquam proprium suum finem ad quem tendat & referatur, nego. Deus etenim propter aliquem finem à se distinctum non operatur, qui rerum omnium & primum principium est & finis ultimus; qui gloria illa externa & accidentalî, ex creaturarum cultu & amore proveniente, non indiget, cum solus sibi sufficiat; qui magis nostri, quàm sui causa cultum nostrum exigit, quo accedente major non fit, nec recedente minor. Rem egregiè exponit S. Augustinus pluribus in locis.

Lib. 13. Confess. cap. 1. Fecisti me, inquit, . . . *non ut tibi sic serviam . . . quasi minor sit potestas tua carens obsequio meo; neque ut sic te colam quasi terram, ut sis incultus, si non te colam; sed ut serviam tibi & colam te, ut de te mihi bene sit, à quo mihi est ut sim cui bene sit.*

Epistola 102. aliàs 49. ad Deo gratias, n. 17. Nobis, inquit, *prodest colere Deum, non ipsi Deo. Cum ergo inspirat & docet quomodo colendus sit, non solum sua nulla indigentia facit, sed nostra maxima utilitate.*

Epistola autem 138. aliàs 9. ad Marcellinum, n. 6. Nihil, ait, *Deus jubet quod sibi prodest, sed illi, cui iubet. Ideo verus est Dominus, qui servo non indiget, & quo servus indiget. In ea quippe scriptura, quæ verus dicitur Testamentum . . . dictum est, Dixi Domino, Deus meus es tu, quoniam bonorum meorum non eges.*

Ante S. Augustinum idem docuerant Tertullianus, S. Cyprianus & alii.
Tertullianus de Orat. c. 3. explicans hæc verba, *Sanctificetur nomen tuum*, *Non quodd doceat homines*, inquit, *bonè Deo optare, quasi sit & alius de quo ei possit optari, aut laboret, nisi optemus . . . Quando non sanctum & sanctificatum est per semetipsum nomen Dei, cum ceteros sanctificet ex semetipso? . . . Id petimus ut sanctificetur in nobis, qui in illo sumus.*

S. Cyprianus de Orat. Dominica, in eundem locum. *Non quod*, ait, *optemus Deo, ut sanctificetur nostris orationibus; sed quod petamus ab eo, ut nomen*

nomen ejus sanctificetur in nobis. Caterum à quo Deus sanctificatur, qui ipse sanctificat?

Denique S. Thomas eandem doctrinam sequutus est 2. 2. q. 132. art. 1. de inani gloria ad 1. *Unde patet, inquit, quòd Deus suam gloriam non quaerit propter se, sed propter nos.*

Rem fufius tractat tum 1. p. q. 19. art. 2. tum q. 44. de creatione rerum ar. 4. ubi inquirens an Deus agat propter finem. Dicendum, inquit, quòd omne agens agit propter finem . . . Sunt autem quaedam . . . agentia imperfecta; & his convenit quòd etiam in agendo intendant aliquid acquirere: sed primo agentis . . . non convenit agere propter acquisitionem alicujus finis, sed intendit solum communicare suam perfectionem, quæ est ejus bonitas. Cum autem sibi objecisset, eum qui agit propter finem, videri eo indigere, sic respondet: Dicendum quòd agere propter indigentiam, non est nisi agentis imperfecti . . . sed hoc Deo non competit. Et ideo ipse solus est maxime liberalis, quia non agit propter suam utilitatem, sed propter suam bonitatem.

SECUNDA CONCLUSIO.

Ex hypothesi lapsus humani generis in peccatum, necessaria non fuisse Incarnatio necessitate absoluta & simplici, sed ex quadam dumtaxat congruitate ac decetia.

Prima pars probatur. I. Quia certum est ex Scripturis, opus redemptionis humanæ planè gratuitum esse, ac purum divinæ misericordiæ beneficium. Joan. 3. v. 16. *Sic Deus dilexit mundum, ut filium suum unigenitum daret.* Rom. 3. v. 24. *Justificati gratis per gratiam ipsius, per redemptionem quæ est in Christo Jesu.* Ad Titum 3. v. 5. *Secundum suam misericordiam salvos nos fecit.* Ephes. 1. ver. 5. *Prædestinavit nos in adoptionem filiorum per Jesum Christum in ipsum, secundum propositum voluntatis suæ, in laudem gloriæ gratiæ suæ, in qua gratificavit nos in dilecto filio suo.* Infinita sunt hujuscemodi Scripturæ testimonia, unde sic arguitur: Ad illud opus nulla necessitatis lege absolute tenetur Deus, quod planè gratuitum est, ac purum misericordiæ ipsius beneficium: atqui tale est opus humanæ redemptionis; potuisset enim Deus (neque idcirco arguendus, sed adhuc laudandus) hominem propria sua culpa lapsum in massa perditionis relinquere.

Probatur 2. his rationum momentis. 1. Omne opus externum Deo liberum est: atqui Incarnatio est opus externum. 2. Nulla fingi potest necessaria connexio inter lapsum hominis, & voluntatem Dei illum reparandi. Quippe ut liberè peccavit homo, ac liberè lapsum ejus Deus permisit, ita liberè potuit illum in massa perditionis relinquere: nulla enim inde in Deum imperfectio, nulla positiva resularet indecentia. 3. Nulla major in Deo esse potuit necessitas redimendi ac salvandi homines lapsos, quam Angelos superbos ac rebelles: atqui istos à lapsu non crexit, non salvos fecit; *his non perperit, sed rudentibus inferni detractos in tartarum tradidit cruciandos,* ait S. Petrus Epist. 2. c. 2. v. 4. 4. Deus ad gloriam suam nobis non indiget; *Gloriam suam non quaerit propter se, sed propter nos,* ait S. Thomas

max.

mox laudatus. *Cum docet Deus quomodo sit colendus, non solum sine ulla indigentia sua facit, sed nostra maxima utilitate*, inquit S. Augustinus. Quapropter Sapiens merito dixit: *Quis tibi imputabit, si perierint nationes quas tu fecisti?* Et S. Augustinus L. de natura & gratia cap. 5. *Universa massa penas debet, & si omnibus debitum damnationis supplicium redderetur, non iniuste procul dubio redderetur. Quanta sit igitur Deo gratias referre, quo grati & memoris animi ardore ac impetu in amorem illius ferri nos oportet, qui Angelos non apprehendit, sed semen Abraham; nosque ab æterna damnationis servitute liberatos merito passionis suæ ac mortis, æternæ beatitudinis consortes esse voluit. Si tamen compatimur, ut & conglorificemur.*

Heb. 2.
v. 16.
Rom. 8.
v. 17.

Secunda pars Conclusionis probatur.

1. Quia divinam misericordiam ac suavissimam decebat benignitatem, ut quod opus formaverat, ac invidia diaboli fuerat confraçtum, reformaret. *Miserus est Dominus timentibus se, quoniam ipse cognovit signum nostrum.* Psal. 102. v. 13. & 14. Cognovit carnis nostræ infirmitatem; ac maxime congruum fuit ut ex misericordia nobis succurreret, ne diaboli potentia contra potentiam & misericordiam divinam prævaluisse diceretur: quæ infirmitatis ratio forsan Deo causa fuit, ut nobis, non Angelis, parceret. Unde Sapiens merito exclamavit: *O quam bonus & suavis est Domine Spiritus tuus in omnibus!* Ideoque eos qui errant, partibus corripis; & de quibus peccata admones & alloqueris, ut relicta malitia credant in te Domine. Et Psal. 144. v. 9. *Suavis Dominus universis, & miserationes eius super omnia opera eius.* Et Apost. Rom. 2. v. 4. *An divitias bonitatis eius ignoras?*

Sap. 11.
v. 1.

Probatur 2. Quia congruum ac consentaneum maxime videtur, ut divinæ perfectiones omnes exterius splendescant ac celebrentur: & sicut divina iustitia in Christum ipsum sponsores nostrum se totam tam severè exeruit, ita & misericordia in nos sese totam effunderet: cum hoc tam en dicerimine, quod exercitium iustitiæ non sit omni ex parte liberum, sicut exercitium misericordiae: quia scilicet nihil nobis debet Deus, sibi metipsi verò debeat iurium suæ iustitiæ conservationem; seipsum enim negare non potest.

1. Tim.
2. v. 13.

Dices: Ex decencia & congruitate Incarnationis, illius necessitas rectè colligitur: quia ex infinita Dei bonitate sequitur illum habere infinitam inclinationem ac bonum: sed quò major est inclinatio ad aliquid, eò minor est libertas ad oppositum; ergo si Deus ex infinita sua bonitate habet infinitam inclinationem ad mysterium Incarnationis, liber non fuit ut non incarnaretur, sed necessariò determinatus fuit ad Incarnationem.

Resp. nego sequelam antecedentis. Ad ejus probationem, dist. Ex infinita Dei bonitate sequitur illum habere ad bonum infinitam inclinationem, entitativè, subjektivè; ac quasi materialiter infinitam, concedo: infinitam obiectivè extra Deum, formaliter & appetitivè, quasi necesse sit majus bonum à Deo semper alteri bono præferri, nego. Habet igitur Deus ad Incarnationem, tanquam ad rem bonam, inclinationem entitativè, seu subjektivè, ac quasi materialiter infinitam; at non infinitam obiectivè, formaliter & appetitivè, quasi vel obiectum istud aut sit in se quoad entitatem infinitum, aut alteri cuilibet sit à Deo necessariò præferendum. Ratio est, quia nec ex parte intellectus, judicium dictat obiectum illud habere bonitatem omnibus aliis absolutè præferendam; nec ex parte voluntatis vult Incarnationem, præferendo

rendo eam necessariò omnibus objectis; ac consequenter illa inclinatio nullo modo lædit libertatem Dei ad volendam vel non volendam Incarnationem.

Atque hinc intelligitur, quo sensu verum sit, Deum a mare infinite objectum quod amat; aut quomodo cum hoc stare possit, Deum inter objecta, quæ diligit, aliqua præ aliis diligere. Scilicet amor Dei ab omnia objecta terminatus, entitativè infinitus est, non tamen infinito appetitativè respectu omnium objectorum.

Explicatur vulgari exemplo: Amat aliquis filium amore intenso ut odo, amat Deum per actum charitatis intensum ut quatuor: majorem quidem amorem intensivè habet erga filium, sed majorem appetitativè erga Deum, qui excessus, modus quidam est in actu charitatis inclusus, quo ita diligit Deum, ut ipsum affectivè præferat rebus omnibus, quæ cum Deo aliqua ratione opponuntur; ita ut si filius opponeretur Deo, prius relinqueret filium, quam Deum. Benè ergo stat, actum amoris esse entitativè æquè vel magis intensum, & tamen magis amari unum, quam aliud appetitativè. Hoc igitur sensu Deus inæqualiter amat objecta, non inæqualitate tenente se ex parte entitatis ipsius amoris; nam hoc modo æqualiter & infinite amat omnia quæ amat, ut docent Theologi cum S. Thoma 1. p. q. 20. art. 3. sed ex parte modi præferendi unum objectum aliis: sic enim plurius amat finem, quam media. Nam eo ipso quòd amet medium propter finem, licet utrumque amet actu infinito, plus tamen amat finem, hoc est, præfert finem in modo appretiationis affectivæ, ipsi medio.

Dices 1. S. Anselmus admississe videtur necessitatem reparandi hominem lapsum, non tantum decentiæ & congruentiæ, sed & naturæ. Namque 1. Libro 1. *Cur Deus homo.* cap. 10. statim istud statuit fundamentum: *Sicut in Deo quamlibet parvum inconveniens sequitur impossibilitas; ita quamlibet parvam rationem, si majori non vincitur, comitatur necessitas.* Cum igitur inconveniens foret, indecens ac incongruum, lapsum hominem à Deo non reparari, necesse fuit necessitate naturæ, seu absoluta, Deum incarnari ad hominem reparandum: quod enim Deo indecens ac incongruum est, planè ipsi est impossibile. 2. Eodem Lib. cap. 16. disertis verbis pronuntiat sanctus Doctor, necesse fuisse numerum lapsum Angelorum restitui ac suppleri per homines. *Restaurandi, ait, Angeli procul dubio sunt. Necesse est ergo eos de humana natura; quoniam non est alia, de qua possint restaurari.*

Resp. nego antecessens.

Ad primam probationem, dico effatum S. Anselmi non incommode intelligi posse de eo quod positivè vel contrariè Deo indecens est ac indignum, non autem de eo quod negativè tantum inconveniens est. Porro hominem lapsum non reparari, non positivè neque contrariè quidquam indecens est; nullum enim inde dedecus, aut malum, aut imperfectio Deo accedit; sed indecens est negativè, quia omitteret id facere quod est quidem conveniens ac congruum, sed ad quod faciendum nulla necessitatis lego teneri.

Ad secundam, dico mente S. Anselmi esse, necesse fuisse à Deo reparari hominem, ex hypothesi quòd voluerit Deus numerum Angelorum, qui lapsi sunt, supplendum esse ac per homines restaurandum: quæ hypothesi, cum planè libera sit, libera quoque dicenda est Incarnatio, & liberatio hominis,

non

Quo sensu Deus infinite amet omnia objecta licet unum magis quam aliud diligat.

P. 79. fol. 1. C.

P. 81. fol. 1. C.

non necessaria. Scilicet sanctus Doctor in ea fuit sententia c. 16. citato & præcipue c. 18. Deum, ante vel Angeli vel hominis lapsum, voluntate sua prædestinasse certum quemdam numerum electorum & salvandorum, quem aut maiorem tota multitudine Angelorum, sive bonorum, sive malorum; ne, si minorem poneret, cogeretur fateri, necessarium fuisse ex hypothese divini illius decreti, aliquos ex creatis Angelis in peccatum labi ac damnari. Sin autem parem tantum admitteret, fateri quoque teneretur, aut non creandos homines, si nullus Angelorum lapsus fuisset; aut si nihilominus crearentur, nullum eorum salvum futurum; aut cadentibus Angelis, si creati essent, eo dumtaxat sine creatis videri, ut ex iis ruinæ lapsum Angelorum repararentur. Quapropter vi illius decreti, quo Deus statuit supplendas esse in Cælis lapsum Angelorum sedes, statuit necesse fuisse, consequenter nimirum & ex hypothese, hominem lapsum reparari. Quidquid tandem sit de illo Dei decreto quod S. Doctor agnoscit, de quo dicendi locus hic non est, sufficit nobis ostendisse, in opinione S. Anselmi simpliciter & absolute necessariam non fuisse Incarnationem, supposito hominis lapsu; sed necessariam dumtaxat, ex hypothese quod voluerit Deus vacuas Angelorum lapsum sedes ab hominibus occupari & impleri.

TERTIA CONCLUSIO.

Ex hypothese quod lapsum hominem Deus reparare ac salvum facere voluerit, absoluta & extraordinaria sua potentia potuisset absque Incarnatione, & suæ justitiæ satisfacere, & hominem servare.

Probatur: Quia infinita est & inexhausta divina potentia; & quisumus nos, ut ei limites adscribamus? Multo sanè plura potest Deus, quam nos excogitare valeamus. *Non erit tibi difficile omne verbum*, ait Jeremias c. 32. v. 17. Et Matth. 19. v. 26. *Apud homines hoc impossibile est; apud Deum autem omnia possibilia sunt*. Si verò quæsieris quæ sit ea ratio, quæ via, quæ Deus de potentia sua absoluta & extraordinaria potuerit sine Incarnatione, & jura suæ justitiæ integra servare, & hominem salvum facere, fateamur nos ignorare. In hisce rebus quæ à potentia Dei suprema, extraordinaria & absoluta pendent, expedit magis silere, quam quidquam in incertum statuere: hoc unum nosse nobis satis est, Deum id omne generatim posse, quod nec in se implicat, nec ullum defectum ullamve positivam imperfectionem in Deum inveheret.

Ad hanc supremam & absolutam Dei potentiam respexisse videntur, quotquot ex SS. Patribus asseruere, Deum alia, quam Incarnationis ac perfectæ satisfactionis, via potuisse liberare hominem, & justitiæ suæ jura compensare.

S. Athanasius Orat. 2. alias 3. contra Arianos, *Etiā*, inquit, *sine ullo ejus (Salvatoris) adventu poterat Deus tantummodo dicere, atque ita solvere maledictionem. Verum attendere oportet quid sit hominibus utile, non autem quid in omnibus possit Deus.*

S. Augustinus Lib. 13. de Trin. c. 10. *Eos*, inquit, *qui dicunt, Hanc desuit Deo modus alius, quo liberaret homines à miseria mortalitatis hujus, ut uni- genitum filium Deum sibi coæternum, hominem fieri vellet? . . . parum est sic*

To. 1. p.
346. A.

To. 8. p.
93. C.

fic refellere, ut istummodum...offeramus bonum & divina congruum dignitati: verum etiam ut ostendamus non alium modum possibilem Deo defuisse, cuius potestati cuncta aequaliter subjacent. Et Lib. de Agone Christiano. c. 11. Sunt, inquit, stulti qui dicunt, Non poterat aliter sapientia Dei homines liberare, nisi susceperet hominem, & nasceretur de femina, & à peccatoribus omnis illa pateretur? Quibus dicimus, Poterat omnino; sed si aliter faceret, similiter vestra stultitia displiceret.

To. 6. p.
151. B.

S. Gregorius Nazianzenus Oratione 9. Hæc, inquit, Salvator fecit; idque cum voluntate sola nobis, utpote Deus, salutem afferre posset, quemadmodum & universam rerum machinam solo fusu atque imperio procreavit.

To. 1. p.
157. A.
B.

Theodoretus Serm. 6. contra Gentes, Erat illi facillimum, inquit, vel citra carnis involucrium, hominum salutem perficere, solaque voluntate mortis potestatem dissolvere.

To. 4. p.
178. A.

S. Leo Serm. 2. de nativitate. Verax, inquit, misericordia Dei, cum ad reparandum humanum genus infallibiliter ei multa suppeterent, hanc potissimum consulendi viam elegit.

To. 1. p.
146. ca.
3.

S. denique Bernardus, ut alios benè multos sileamus, Epist. 190. ad Innocentium S. Pontificem de erroribus Abaelardi, quæ in ultima editione inter Tractatus repositæ est, cap. 8. sic loquitur: Quis negat Omnipotentis ad manum fuisse alios & alios modos nostræ redemptionis, iustificationis, liberationis? Verum hoc non præjudicat huic, quem à multis elegit, efficacie.

To. 1. p.
654. E.

Istis sanctorum Patrum testimoniis repugnare & opponi videntur alia, quæ sequenti Conclusioni mox referemus, quibus tanta videntur adstruinecessitas Incarnationis ad hominem liberandum, ut sine illa liberari & salvus esse absolute non possit. Verum conciliari ea possunt, beneficio distinctionis potentie ordinariæ, vel extraordinariæ.

QUARTA CONCLUSIO.

Ex potentia Dei ordinaria, & jure virtutibus temperato, seu ex legibus divinæ justitiæ, ita necessaria fuit Incarnatio Verbi, ac satisfactio per ipsum Deo per solvenda, ut sine illa homo lapsus reparari non potuisset.

Probatur 1. Quia eadem necessitate Incarnatio fuit necessaria pro reparatione hominis, qua necessaria fuit satisfactio ad eluendam offensam Deo per peccatum illatam: (solus etenim Deus homo factus par esse potuit, ut postea ostendemus. Deo persolvendæ condignæ satisfactioni) atqui ita necessaria fuit satisfactio pro eluenda offensa Deo per peccatum illata, ut de potentia Dei ordinaria non possit Deus peccatum planè impunitum relinquere, idque ex immotis justitiæ suæ regulis à quibus recedere non potest Deus, qui semetipsum negare non potest. Qui enim naturæ suæ necessitate iustus est, sanctus, imò justitia ipsa & sanctitas; qui peccatum necessariò odit, non potest illud non punire, non potest sibi metipsum denegare quod sibi debet ex justitia; ergo ex potentia sua ordinaria, ac consuetis justitiæ regulis, quas in Scripturis delineatas habemus, non potest Deus, quin ex peccato plenam reposcat satisfactionem; ac consequenter quin incarnetur, si hominem liberare voluerit.

Con-

Constantem illam in Deo semper fuisse voluntatem puniendi peccati, quod necessariò detestatur, nec sine satisfactione dimittendi, frequentissimè declarant divinæ Scripturæ quas referemus ad Questionem quintam, Articulo 1. ubi fusiùs & ex professo præsens argumentum versaturi sumus.

Probatur 2. Conclusio testimonii SS. Patrum. S. Irenæus L. 3. c. 18. aliàs 20. *Nisi homo, inquit, conjunctus fuisset Deo, non potuisset particeps fieri incorruptibilitatis*. Quod probat ex conditione Mediatoris, ad quam necesse est ut & Deus assumat hominem, & homo se Deo dedat...

S. Athanasius Orat. 3. aliàs 4. contra Arianos, n. 33. *Nisi quæ, inquit, propria sunt carnis, Verbi esse dicerentur, ab his homo non penitus fuisset liberatus*. Et Lib. de Incarnatione negat aliter redimi hominem potuisse, & à corruptela liberari, quàm ab eo qui incorruptus esset; nec ullo modo violari ejus veritas ac justitia potest.

S. Augustinus Serm. 174. aliàs 8. de verbis Apostoli. *Non liberaretur humanum genus, ait, nisi sermo Dei dignaretur esse humanus*. Et Serm. 14. de tempore, nunc 193. in Append. *Transgressio primi hominis totum decerpit. perat. mundum; ut nullum esset salutis remedium, nisi Christus adveniret à Carlo*.

S. Cyrillus Alexandrinus Dialogo de Incarnatione Unigeniti: *Apprehendit Deus, inquit, non propriam ac peculiarem naturam (neque enim quidquam ad nos utilitatis pervenisset) sed neque Angelorum, sed semen Abrahæ, sicut scriptum est. Ita enim, & non aliter, genus ad perniciem devolutum instaurandum erat*.

S. Leo Magnus Serm. 1. de Passione Domini, Talibus, ait, *vinculis tenebamur obstricti, ut nisi per hanc opem non possemus absolvi*.

Denique S. Anselmus, non tantum auctoritate sua, sed & ratione rem nostram probat & conficit. In Opere cui titulus est, *Cnr. Deus homo*, quod ferè totum est de præsentis nostri argumento, duo contendit S. Doctor: primum est, Deum non potuisse lapsum seu peccatum hominis permittere, quin statim ejus reparationem decreverit; alterum est, hominem non debuisse nec potuisse alia quàm plenè atque condignè satisfactionis, atque adeo Incarnationis, via redimi ac liberari..

Ut verò hæc duo assequatur & probet, istud statim L. 1. c. 10. sententiæ suæ fundamentum ponit, quod jam retulimus, nempe: *Sicut in Deo quamlibet parvam inconveniens sequitur impossibilitas; ita quamlibet parvam rationem, si majori non vincitur, comitatur necessitas*. Ex quo principio colligit 1. cap. 12. peccatum non posse impunitum & sine satisfactione dimitti. Sic *ibi col. 1. C. dimittere peccatum, inquit, non est aliud quàm non punire; & quoniam re- èd ordinare peccatum sine satisfactione, non est nisi punire; si non punitur, inordinatum dimittitur. Deum Verò non decet aliquid in suo Regno inordinatum dimittere. Igitur non decet Deum peccatum sic impunitum dimittere*. Et sub finem capituli, *Quapropter, ait; si non decet Deum aliquid intus, aut inordinatè facere; non pertinet ad ejus libertatem, aut benignitatem, aut voluntatem, peccantem, qui non solvit Deo quod abstulit, impunitum dimittere*. Rursum cap. 19. ejusdem Libri inculcat, *Tene igitur certissimè, quia 1. B. 1. E. fine satisfactione, id est, sine debiti solutione spontanea, nec Deus potest peccatum impunitum dimittere, nec peccator ad beatitudinem, vel talem,*

talē, qualem habebat antequam peccaret, pervenire. Cap. verò 20. docet ejusmodi satisfactionem non ab homine imero, sed à solo Deo incarnato potuisse exhiberi.

Ex his sic arguitur: Qui existimat quodlibet, vel minimum, inconveniens in Deo esse impossibile, atque planè inconveniens esse, imò injustum, ut peccatum sine debita satisfactione gratis dimittatur, atque à solo Deo incarnato posse satisfactionem illam persolveri, ille consequenter censet Incarnationem simpliciter necessariam fuisse, ex hypothesi quòd Deus hominem lapsum redimere, ac salvum facere voluerit: atqui ita docet S. Anselmus; ergo &c.

De ista S. Anselmi doctrina non unum & idem est Theologorum judicium.

Sunt qui respondent, S. Doctorem non de absoluta necessitate locutum fuisse, sed de necessitate dumtaxat decentiæ ac congruentiæ; atque inconveniens illud & indignum, quod S. Doctor ait Deum non decere, exponunt de eo quod negativè tantum, non quod positivè, aut contrariè, inconveniens & minùs congruum est. Verùm difficile videtur responsionem hanc cum textu citato conciliare: quia manifestè loquitur S. Doctor de illo quod non tantum negativè seu minùs conveniens est, sed de eo quod est *injustum*, & Deo indignum, qualis ipsi videtur esse gratuita peccati venia & condonatio, absque prævia persoluta satisfactione: quemadmodum mentiri, (quod exemplum profert cap. 12. citato) Deo indignum est ac planè impossibile.

Respondent alii cum S. Bonaventura & Alensi, S. Anselmum loqui dumtaxat de necessitate consequente liberum Dei decretum de plena & condigna exigenda satisfactione. Verùm ad verba S. Anselmi non satis attendere videntur, quibus negat esse in Deo libertatem aliquid injustè agere; hoc est, peccatum dimittere sine satisfactione: *Non pertinet*, inquit c. 12. *ad ejus libertatem, aut benignitatem, aut voluntatem, peccantem qui non solvit Deo quod abstulit, impunitum dimittere*. Ergo non de necessitate consequente decretum de exigenda satisfactione loquitur S. Anselmus, sed de necessitate ipsiusmet decreti pro illa satisfactione necessario exigenda.

Alii exponunt de necessitate per respectum ad redemptionis modum, juxta strictos juris apices. Verùm non tantum de modo, sed de substantia ipsa satisfactionis loquitur S. Doctor, quam simpliciter necessariam esse, nec sine laesa Dei justitia omitti posse, contendit.

Alii denique ingenue fatentur, S. Anselmum sic re ipsa opinatum fuisse, sed hac in parte deferendum esse. Rectè quidem, si omnium primus, aliis reclamantibus Ecclesiæ Patribus, ita censuisset: at multi & ante ipsum, & post ipsum ita docuerunt. Nonnullos illo antiquiores Doctores hic jam appellavimus; post ipsum verò Hugo Victorinus, de Incarn. c. 8. Guilielmus Parisiensis L. de causis cur Deus homo, eandem sententiam amplexi fuere.

Dices 1. Nos ipsi hic ad secundam Conclusionem, illud S. Anselmi effatum, *In Deo quodlibet minimum inconveniens sequitur impossibilitas*, exposuimus de eo quod negativè, non positivè inconveniens est. Quare igitur interpretationem istam hic deferimus, ac refellimus?

Resp. rationem esse, quia in diversa hypothesi dictum S. Anselmi axiomata protulimus & exposuimus. Conclusionem secundam quæstio dumtaxat erat, utrum

antrum ex hypothesi lapsus hominis in peccatum, necesse simpliciter facit Deum incarnari ut hominem lapsum redimeret? Responsio nostra negativa est; & ad effatum S. Anselmi dicimus, commodè illud exponi posse de eo quod positivè seu contrariè, non autem quod tantum negativè inconveniens est. Consule quæ suprà dicta fuere. Hic verò Conclusionem quarta loquimur ex hypothesi quòd Deus voluerit hominem postlapsum redimere; & quærimus, Fuitne in ea suppositione simpliciter necessaria Incarnatio? Potuitne Deus de potentia sua ordinaria gratis & absque ulla satisfactione, peccatum & penas ipsi debitas homini relaxare? Negat S. Anselmus, & nos cum ipso: quia in mente S. Doctoris, gratuita & sine ulla satisfactione peccati remissio, ipsi videtur, non tantum negativè, sed etiam positivè ac contrariè Deo inconveniens, imò & indigna, ac planè injusta. Ubi vides prodiversa hypothesi, diversam esse axiomatis S. Anselmi expositionem & applicationem.

Dices 2. Batiocinium S. Anselmi plus æquo probat: probat enim, non tantum de potentia ordinaria Deum non posse, illas justitiae suae juriis, gratis condonare peccatum, sed etiam de potentia absoluta & extraordinaria. Quid ita? quia ex quacumque potentia, & in quacumque hypothesi Deus non potest, quod positivè seu contrariè ipsi indecens est, indignum, injustum: atqui in mente & ratiocinio S. Anselmi, remittere peccatum gratis & absque prævia satisfactione, Deo positivè seu contrariè indecens est, indignum & injustum, quòd nempe justitiae suae juriis adversetur, ergo nequidem de potentia Dei absoluta & extraordinaria potest Deus remittere peccatum gratis & absque debita satisfactione. Atqui tamen nos ipsi contrarium hic Conclusionem prima asseruimus.

Resp. nego maj. De iis etenim quæ absoluta sua & extraordinaria potentia, & in alio rerum ordine Deus potest, certò judicare non valeamus. *Quis enim Consultarius ejus fuit?* Quis scit, num alia foret divinae justitiae, præter Incarnationem, satisfaciendi ratio? quo casu illæsa semper jura ejus persisterent, ac vim suam obtineret S. Anselmi argumentum. Quis scit, num in ea hypothesi aliud aliquid operaretur Deus, ex quo non minorem, quàm ex Incarnatione, gloriam & laudem perciperet? Hæc curiosius rimanda non sunt: standum in hypothesi præsentis, ac in eo, quem instituit Deus, rerum ordine, juxta quem necesse omnino fuit puniri peccatum, nec sine satisfactione dimitti.

Multa alia sunt momenta quæ contra necessitatem satisfactionis opponunt Sociniani, quæ suo proprio loco ad Quæstionem sequentem referamus,

QUÆSTIO QUINTA.

De satisfactione & merito Christi.

OMnem de satisfactione Christi disputationem ad tria universim capita revocamus, ad ejus necessitatem, veritatem, & perfectionem.

ARTICULUS PRIMUS.

De necessitate satisfactionis Christi.

Priusquam ad caput quæstionis accedamus, nonnulla præmittenda sunt, ex quibus dicendis lux major affulgebit.

P R Æ N O T A N D A.

Observandum 1. in satisfactione Christi, de qua hic controversia movetur, quatuor attendi posse. 1. peccatum, pro quo exigitur satisfactio. In satisfactio-
ne quatuor
sunt atten-
denda.
I. Peccatum.
2. ipsam satisfactionem. 3. Deum cui fit satisfactio. 4. Christum qui pro nobis, seu loco nostro, satisfactionem Deo exhibet.

I. Peccatum, pro quo satisfactio exigitur, sub triplici ratione considerari potest, vel debiti, quo divinæ justitiæ obstricti sumus; quo sensu Coloss. 2. v. 14. de Christo Apostolus ait: *Donans vobis omnia delicta: delens quod adversus nos erat chirographum decreti, quod erat contrarium nobis.* Vel inimicitiae, per quam non modò inimici Dei sumus, sed & Deus ipse nos odio habet, accum ira & indignatione nos respicit, *odibiles, odientes invicem.* Vel criminis, quo rei sumus mortis & maledictionis æternæ. Inde peccatores in Scripturis, modò *debitores*, Matth. 6. v. 12. modò *inimici Dei*, tam activè quàm passivè, Coloss. 1. v. 21. modò *rei*, Marci 3. v. 29. appellantur.

Hinc colligitur, ad redemptionem nostram tria necessaria omnino fuisse, atque tria in satisfactione requiri: nempe ut sit debiti solutio, iræ divinæ placatio, & reatus peccati expiatio.

II. Observandum quid sit satisfactio. Apud Latinos is satisfacere dicitur, qui alicui placet & acceptus est: quo sensu, Ulpiano auctore, cujus desiderium implemus, ei satisfacimus. Verùm hac generali notione satisfactionis omis-
II. Quid sit satisfactio.
sionis omis-
sa, satisfactio spontanea est debiti solutio.

Cùm verò debitum erga aliquem contrahi possit, vel propter rem aut commodatam, aut mutuo acceptam, aut furto subreptam, vel propter famam & honorem læsum, idèò generatim nomen satisfactionis usurpatur ad significandam cujuscunque debiti solutionem: propriè tamen ac strictè sumitur pro sola debiti solutione, quod contrahitur ex læsione honoris & famæ. Quippè cùm satisfit pro debito v.g. pecuniario, aut rei cujuslibet vel commodatæ, vel mutuo acceptæ, vel furto sublata, satisfactio hæc propriè redditio dicitur: cùm enim usurerum exteriorum sit dare, actus justitiæ secundum quem æqualitas in rebus exterioribus constituitur, propriè redditio

Tournely de Incarnatione.

K

ditio

ditio vocatur : cum verò æqualitas in actionibus & personis propter honorem læsum constituitur , proptiè appellatur satisfactio : Prior redditio in æqualitate rei ad rem consistit ; posterior , in æqualitate personæ ad personam.

Definitio
satisfactio-
nis.

Hoc posteriori sensu, satisfactio hic à Theologis sumitur, ac solet definiri, *Redditio voluntaria honoris & reverentia æquivalentis, ex propriis, & aliis indebitis, ad compensandam iniuriam alicui per peccatum illatam.*

Dicitur 1. *Redditio*, quia est actus iustitiæ ad alterum: nemo quippè, accurate loquendo, sibi aliquid reddit; ac debitum quoddam connotat: unde distinguitur à gratuita & simplici donatione.

Dicitur 2. *voluntaria*, tum quia est actus virtutis iustitiæ, adeoque liber esse debet; tum quia satisfactio, de qua hic loquimur, consistit in restitutione honoris: honor autem est in honorante, ac quamdam respectu alterius submissionem importat, quæ liberum includit voluntatis actum; tum denique, quia distinguitur à redditione involuntaria, quæ non tam est satisfactio, quàm satisfactio, cum nempe is qui coactè reddit alteri quod suum est, non tam activè se habet saltem moraliter, quàm passivè.

Dicitur 3. *æquivalentis*, id est, ejusdem æstimationis ac valoris cum debito: satisfactio quippè est actus iustitiæ, quæ, ut sit accurata, perfectam æqualitatem statuere debet. Hæc verò perfecta æqualitas attenditur penes proportionem rei ad rem, non autem penes aut facultates debitoris, aut creditoris voluntatem, ac vocari solet proportio arithmetica, non geometrica. Dicitur autem æquivalentis potius quàm æqualis, quia in satisfactioe non requiritur absolute æqualitas entitatis, sed sufficit æqualitas valoris secundum æstimationem & appretiationem viri prudentis.

Dicitur 4. *ex propriis & aliis indebitis*: si enim satisfactio fiat ex bonis alterius, sive creditoris, sive alterius cujuscumque, tantum abest ut tunc sit actus iustitiæ, quin potius nova quædam inæqualitas inducitur. Unde

Sequitur 1. quod si creditor debitori suo munus aliquod daret, ea mente ut sibi satisfaciatur, non tam satisfactio ista foret, quàm virtualis & tacita quædam debiti remissio; quia debitor non censetur plenum habere dominium in illud donum: si verò creditor, in eo conferendo munere, nullum onus, nullamve conditionem apponeret, perfecta tunc foret satisfactio, quia per hanc donationem tale munus factum esset proprium debitoris, atque ita ex propriis satisfaceret.

Sequitur 2. aliquem non posse satisfacere ex iis quæ debet titulo vel charitatis, vel gratitudinis, vel alicujus alterius virtutis, quia bona illa non censentur propria, quæ aliquo titulo alteri reddenda sunt.

Nec obstat, quod debitor, qui decem v.g. aureos alteri debet, liberetur à debito, si creditor surgente inopia solvat illi debitos decem aureos, quos tamen ex charitatis præcepto tunc erogare tenetur: quia solutio debiti ex iustitia creditorem sublevarat ab illa inopia qua premebatur, nec ampliùs erga ipsum urget charitatis præceptum.

Nec etiam obstat, quod aliquis in sacris Ordinibus constitutus, licet aliquo fruatur Beneficio Ecclesiastico, nihilominus Officio suo satisfaciatur, si semel in die Horas Canonicas recitet; quia talis obligatio non ex jure naturali nascitur, sed tantum positivo Ecclesiastico, quod gravius non imponit onus.

III. In satisfactione Deus ipse, cui illa fit, spectari debet. Sicut autem in peccato triplicem rationem seu respectum distinximus, nempe debiti, offensæ, & reatus; ita Deus spectari potest vel ut creditor, vel ut dominus & pars offensæ, vel ut iudex ac rector: & licet hoc in presenti negotio Deus ut creditor & pars offensæ se habeat, maxime tamen spectatur ut iudex & rector Universi, ad quem solum attinet pænæ inflictio, vel à pænâ liberatio. Licet enim creditor possit debitum repetere, & pars offensæ jus habeat postulandi restitutionem ac compensationem damni, solus tamen Iudex in auctoritate constitutus potestatem habet cogendi ad pœnam; quod hic ritè observandum est adversus Socinianos, qui contendunt peccatum, ut simplex debitum, & Deum, ut merum creditorem spectandum hic esse, qui pro arbitrio & nutu voluntatis suæ possit pœnam vel exigere, vel remittere absque ulla pravia satisfactione: atqui tamen certum est Deum hic sustinere personam Judicis ac rectoris Universi, qui jus maiestatis tuetur, ac se Legum custodem ac vindicem profitetur.

Quapropter pœna quæ à Iudice potest reposci, spectari potest vel in se simpliciter & absolute, vel quoad modum ejus & circumstantias. Priori modo spectata, non potest quin à Deo justo iudice repetatur: iustitia quippè Deo necessaria est ac essentialis, quæ non potest impunitum omnino relinquere peccatum. Posteriori autem modo sumpta, potest à Deo variè reposci: aut respectu temporis, differri; aut respectu gradus seu acerbitalis, mitigari; aut respectu personarum, in alios rejiciat transferri.

IV. Denique, in satisfactione spectari debet Christi pro nobis satisfaciens persona. Namque ut peccatum rationem habet debiti, inimicitia ac criminis, & Deus se habet ut creditor, pars offensæ, & iudex; ita Christus triplicem debuit induere relationem: nimirum sponforis, qui pronobis debitum solveret; mediatoris, qui inimicitias tolleretur, ac Deum iratum nobis reconciliaret; Sacerdotis & victimæ, qui se loco nostro substitueret ad pœnalem satisfactionem.

IV.
Christi
personæ.

Rursus, ut satisfactio, quæ à iustitia Dei exigebatur, duo præcipuè postulabat, 1. ut ab eadem natura, quæ peccaverat, solveretur. 2. ut valoris ac pretii esset infiniti, ad tollendum demeritum infinitum peccati; in Christo duæ naturæ necessariz fuerunt ad persolvendam satisfactionem, humana, quæ pateretur; & divina, quæ valorem ac pretium passionibus infinitum communicaret.

Denique, quia Christus pro nobis se sponforem dedit, ac innocens pro reis substitutus ac subrogatus fuit, ut talis subrogatio æqua sit ac iusta, nonnullæ prærequiruntur conditiones. Prima est communio naturæ: nempe ut peccatum in ea natura puniatur, quæ rea erat ac nocens. Heb. 2. v. 14. *Quia ergo pueri communicaverunt carni & sanguini, & ipse similiter participavit eisdem, ut per mortem destrueret eum qui habebat mortis imperium.* Secunda, consensus voluntatis, ut spontè & ultro, nemine cogente, onus illud in se suscipiat. Mat. 23. v. 7. *Oblatus est, quia ipse voluit.* Tertia, potestas & dominium membrorum suorum: nempe ut sui juris sit, qui de se ipso, prout placuerit, statuere possit. Joan. 10. v. 17. *Ego pono animam meam à me ipso: & potestatem habeo ponendi eam, & potestatem habeo iterum sumendi eam.* Quarta, potestas pœnas omnes nobis debitas ferendi, &

Condi-
tiones
hujus
substi-
tutio-
nis seu
subro-
gatio-
nis.

auferendi tam à se, quàm à nobis : aliàs si detineri à morte posset, neminem ab illa potuisset liberare. Act. 2. v. 24. *Quem Deus suscitavit solutus doloribus inferni; suxta quod impossibile erat teneri illum ab eo*. Quinta, sanctitas ac puritas immaculata, ut nulla labe coinquinatus, opus non haberet offerre pro se ipso, sed pro nobis tantum. Hebr. 7. v. 25. 26. & 27. Cum igitur omnes illæ conditiones apprime Christo conveniant, nullique facta sit injuria per substitutionem illius loco nostri, non est quòd à Socinianis tanquam injusta rejiciatur.

Observandum 2. circa Christi satisfactionem errasse olim Phariseos Pseudoapostolos, qui propriam justitiam stabilire conantes, satisfactionem Christi elevare ac convellere tentarunt; Valentinianos, Gnosticos, Arianos, & Photinianos, qui divinitatem Christo detrahentes, pretium omne ac valorem ejus operibus pariter detraxerunt; Pelagianos, qui cum gratiam Christi medicinalem in sola ipsius doctrina & exemplo reponerent, atque totum missionis Christi fructum in eo esse vellent, quòd viam salutis tum exemplis, tum præceptis nobis demonstraret, non autem quòd interioris gratiæ subministratio, humanum genus sanaret à morbo peccati, consequenter necessariam esse Christi satisfactionem negasse censent. Petrus etiam Abaelardus duodecimo sæculo in eundem errorem delapsus fuit, teste S. Bernardo Epist. 190. ad Innocentium S. P. quæ est de erroribus Abaelardi.

Omniū perditissimi Sociniani, Christi & divinitatem & satisfactionem pessilientissimi Scriptis aggressi sunt. Illi non tantum negant Christum reipsa pronobis satisfecisse; sed nec opus fuisse ut satisfaceret, asseverant: quia Deus non tantum gratis potest absque ulla satisfactione peccatum remittere, sed etiam vult, ac reipsa ea remiserit. Ita Socinus Lib. 1. de Servatore Christo c. 1. Catechesis Racoviensis, Smalzius contra Frantzium, Crellius Lib. de satisfactione Christi contra Grotium, Vvolkelius L. 5. de vera Religione c. 22. & alii ejusdem farinae ac impietatis homines. Quem errorem ut facilius ac commodius tueantur, consequenter docent, justitiam vindicem Deo essentialem ac naturalem non esse, sed tantum libertatis voluntatis ejus effectum, quæ possit esse vel non esse; eadem prorsus ratione qua Deo liberum fuit creare mundum vel non creare. Fatetur quidem Socinus, Deo talem inesse justitiam, qua si perpetuò vellet uti, posset omnes peccatores, eorum non expectata poenitentia, disperdere, quo casu nullum impunitum peccatum dimitteret: concedit etiam, Deum nolle dimittere peccatum, nisi resipiscitibus: non negat quoque, Deum peccatis debitam poenam secundum normam juris & sapientie suæ constituisse; sed negat esse in Deo attributum aliquod quo adigatur ad satisfactionem de peccato repetendam. Ita Socinus Prælect. c. 16. quod confirmat L. 1. de Servat. c. 1. & L. 3. c. 1.

Orthodoxi omnes summo consensu docent, & Christum pro nobis satisfecisse; & ut satisfaceret, necesse prorsus fuisse. Dissentiunt nihilominus, ut definiant qua necessitate ductus fuerit Christus, ut pro nobis satisfaceret. Alii enim necessitatem dumtaxat decentiæ ac congruentiæ; alii necessitatem hypotheticam, & supposita divina voluntate pro exigenda condigna satisfactione; alii necessitatem tantum decreti ac voluntatis Dei; alii denique, quos sequimur, ut pressius Socinianos concludant, necessariam contendunt

Chri-

Christi satisfactionem, non quidem necessitate simplici & absoluta, quasi depotentia extraordinaria & absoluta non potuisset Deus alio modo humanogeni subvenire, sed de potentia Dei ordinaria & virtutibus justitiæ ac sapientiæ temperata, qualis in Scripturis revelata nobis est: quæ quidem sententia longè commodior est reprimendæ Socinianorum impictati.

His ita prænotatis, necessitas satisfactionis Christi attendi potest, vel ex parte Dei, vel ex parte hominis. Duo itaque hic probanda nobis incumbunt.

I. Neesse fuisse Christum pro nobis satisfacere.

II. Hominem purum non potuisse, neque pro suo, neque pro alieno peccato Deo satisfacere.

Probatur necessitas satisfactionis Christi, ex parte Dei.

CONCLUSIO.

Ita necessaria fuit Christi satisfactio, ut de potentia Dei ordinaria jure ac virtutibus temperata, non potuerit homo lapsus alio pacto, quàm per condignam Christi satisfactionem, reparari.

Probatur Conclusio ex Scripturis, quæ à contortis Socinianorum exceptionibus vendicantur.

Duplex argumentum pro necessitate satisfactionis Christi ex Scripturis eruitur: unum ex parte naturæ Dei, seu ejus justitiæ, quæ peccatum omnino impunitum relinquere non potest: alterum, ex parte voluntatis divinæ nobis in Scripturis declaratæ, qua constat noluisse peccatum sine debita satisfactione dimittere.

PRIMUM ARGUMENTUM

Ex natura seu justitia Dei.

Qui natura sua justus est, qui perfectè ac necessariò peccatum odit, tanquam sanctitati ac justitiæ suæ repugnans; qui aliunde illud omne potest, quod vult, is non potest peccatum dimittere impunitum, sed necesse est ut pro illo penas repositat: atqui Deus natura sua justus est, perfectè ac necessariò peccatum odit tanquam sanctitati ac justitiæ suæ repugnans, & aliunde illud omne potest, quod vult; ergo &c.

Major propositio declaratur. Natura justitiæ postulat, ut unicuique, quod suum est, reddatur; neque magis potest Deus suam negare justitiam, quàm semetipsum: aliunde Deus peccatum necessariò avertatur, quæ aversio seu odium in ipso nihil aliud est, quàm constans voluntas illud puniendi, quæ voluntas casta esse non potest in eo, cujus virtus & potentia infinita est; unde necessariò sequitur, fieri non posse, quin Deus puniat peccatum: hoc quippè debet & ipsi peccato, & suæ justitiæ, cujus jura illibata servare tenetur. Ut enim observatum paulò antè fuit, Deus hic non se habet tantum

Tournely de Incarnatione.

K 3

ut

ut pars laxa, quæ potest de jure suo aliquid relaxare, sed ut iudex ac rector universalis, qui tenetur jus publicum ac naturale integrum servare, ne lædatur.

Reipsa quidem in usu seu exercitio vindicis iustitiæ, seu in poenis infligendis, liber Deus est, quantum ad durationem temporis, poenæ mensuram, ac subiectum à quo eam reposcit; sed quantum ad poenæ substantiam, necesse est eam peccato imponi, quisqu岸 tandem eam ferat, aut peccator ipse, aut ejus sponsor: unde merito ajunt Scholastici, poenam necessariò impersonaliter imponi omni peccato, sed non personaliter omni peccanti.

Minor verò propositio probatur:

I. Iustitia Dei vindex perfectio est simpliciter simplex, ac de conceptu essentiali divinitatis; atque repugnat concipere numen injustum: sicut ergo non potest Deus non retribuere bene operantibus, justam mercedem; ita male agentibus, debitam poenam.

II. Scriptura ultricem Dei iustitiam sapissimè laudat ac commendat. Exodi 34. v. 7. *Deus es qui reddis iniquitatem patrum filiis ac nepotibus, in tertiam & quartam progeniem.* Psal. 5. v. 6. *Neque habitabit iuxta te malignus; neque permanebunt in insiliis ante oculos tuos.* Et v. 7. *Odisti omnes qui operantur iniquitatem; perdes omnes qui loquuntur mendacium.* Rom. 1. v. 18. *Revelatur ira Dei de Cælo super omnem impietatem & injustitiam hominum, eorum, qui veritatem Dei in injustitia detinent.* Secundæ ad Thessal. 1. v. 6. *Justum est apud Deum, retribuere tribulationem iis qui vos tribulant.*

III. Deus necessariò peccatum averfatur & odio habet, quia essentialiter justus est ac sanctus; ergo necessariò illud ex iustitia punire debet. Antecedens certum est. Namque sicut Deus ita necessariò suam amat iustitiam, ut non possit illam non amare; ita necessariò, ex natura contrariorum, averfari debet peccatum, quod iustitiæ suæ adversatur. Consequens non minùs est certum. Sicut enim quirem vel personam amat, ei bene vult, ac si potest, bene facit; ita verum odium post se trahit depulsionem seu destructionem illius cirçæ quod versatur: aliàs, si posset non punire, posset non odisse; si posset non odisse, posset amare, quod de Deo cogitare impium est. Hoc unum dumtaxat discrimen est inter iustitiam Dei, & ejus amorem seu misericordiam, quòd ista nemini debeatur, ac planè libera sit; illa verò sit debita, tùm ipsi peccato, ut puniatur; tùm Deo, ut laus ipsius honor reparetur. Quapropter iustitia perinde ac sanctitas Dei in Scripturis proponitur, tanquam causa à priori cur Deus peccata puniat. Josue 24. v. 19. *Deus sanctus, & fortis emulatur est; nec ignoscet sceleribus vestris atque peccatis.* Et Habacuch 1. v. 13. *Mundi sunt oculi tui, ne videas malum; hoc est, malum approbes.*

Hanc ultricem Dei iustitiam naturalis sensus ac communis omnium peccantium vox apertè demonstrat. Unde enim illi peccatis exagitatz conscientiaz stimuli? unde terrores? unde cæca illa verbera, quibus torquentur qui male agunt, nisi ex intima persuasione ultricis divinæ iustitiæ, quæ peccatum non potest relinquere impunitum? Hinc istud Poetæ, *Primus in orbe deos fecit timor.* Hinc etiam victimæ ac sacrificia, quæ vel maximè barbari pro irato numine placando, naturæ ipsius instinctu, obtulerunt.

Respon-

Responsio Socinianorum.

Respondent Sociniani

I. Iustitiam illam, de qua toties Scriptura, esse dumtaxat universalem illam iustitiam, quæ æquitas & rectitudo, aliquando etiam puritas & sanctitas vocatur, qua Deus semper ea quæ recta sunt in pondere ac mensura operatur; non autem particularem, vindicem & ultricem iustitiam, per quam, ut nos putamus, peccata necessario plectuntur. *Neque enim*, ait Socinus Prælect. c. 16. *in Deo ulla iustitia est quæ peccata omnino punire jubeat, cui renuntiare ipse non possit: est quidem in Deo perpetua iustitia, sed hæc nihil aliud est, quàm æquitas & rectitudo.*

II. Respondent, ex odio Dei necessario non sequi vindicem esse ac ultricem in Deo iustitiam essentialem, sed hoc unum, eam liberrimum esse voluntatis ipsius effectum; ita ut puniat Deus, quia vult; non autem quod necessario adigatur ut velit punire. Probant 1. quia ex odio nostro necessario vindicta non sequitur; seu quia nolumus, seu quia non possumus eos punire quinos injuria affecerunt; ergo idem de Deo sentiendum. 2. Si Deus punire potest ubi non odit, potest etiam odisse nec punire: atqui punit Deus quem non odit, proprium nempe filium suum summè dilectum.

III. Respondent, Deum liberrimum esse in pœnis infligendis, perinde ac in cæteris externis operibus; adeoque illum tanquam partem læsam posse de jure suo remittere, absque cujusquam injuria. Cui enim eam faceret? In sibi? at volent non fit. An homini? imò erga ipsum beneficis foret.

Refellitur Sociniana responsio.

Prima quidem: Iustitia quippè quæ pœnas ex peccato reposcit, particularis seu vindex appellatur; at constat ex laudatis Scripturæ testimoniis, iustitiam Dei pœnas ex peccato reposcere. Præterea, est id demum adversariis, nomine iustitiæ locis citatis rectitudinem tantum & æquitatem universalem designari; annon inde necessario inferendum, naturalem esse in Deo vindicem iustitiam, qua peccata puniuntur; ita certè. Rectitudo quippè illa & æquitas universalis necessario postulat, ut nihil sit inordinatum, nihil injustum: at non puniri, quod puniendum est, quidquam est inordinatum. In illa ergo rectitudine & æquitate generali includitur, tanquam species in genere, æquitas illa seu iustitia particularis, quæ circa punitionem peccati occupatur: atque id veritate ipsa superatus diffiteri non potuit Socinus, qui necessariam in Deo iustitiam vindicem, saltem erga contumaces & impenitentes admittit.

Secunda quoque responsio falsum prorsus supponit: odium quippè peccati in Deo absolute necessarium est, quia non potest non odisse quod sanctitati suæ ac iustitiæ adversatur. Est exercitium odii Dei, quoad varias ejus circumstantias, tempus, locum, personas, mensuram punitionis, liberum fit: attamen quantum ad substantiam, planè necessarium est, ac fundatur in actu Dei necessario, nempe amore suæ iustitiæ ac sanctitatis.

Ad confirmationem secundæ hujus responsionis, dico 1. amplum discrimen

esse inter odium Dei, respectu peccati, & odium nostrum respectu eorum à quibus læsi sumus. Aliæ sunt viæ Dei, aliæ nostræ. Privatorum non est ulcisci illatas sibi injurias, sed eorum qui sunt in auctoritate constituti, Dei præsertim qui supremus Judex est, sibi quæ ultionem ac vindictam reservavit; unde odium nostrum respectu mali inefficax est quoad vindictam; vel quia sapientissime penas repetere non possumus, & vana est sine viribus ira; vel quia nolumus; vel quia non debemus. At Deus & potest, & debet, & vult. Quod si aliquando penas aut mitigat, aut differt, aut commutat, penitus tamen non aufert, ac justitiæ suæ reddit quod ipsi debitum est.

Dico 2. argumenta ab oppositis admitti semper non posse in sana Theologia. V.g. jubemur amicos diligere: an rectè quis inde cum Phariseis inferret, inimicos esse odio habendos? Ergo si Deus punire posset ubi non odit, non sequeretur cum odisse, & non punire. Falsò supponunt Sociniani, Deum aliquando punire, & non odisse: neque exemplum Christi, quod proponunt, aptum est. Quid enim in ipso odit Deus? non personam certè, cum sit Filius summè dilectus. Quid ergo? peccata nostra, quæ Christus tanquam sponsor noster in se transulit, quorum causa tam severe punitus à Deo fuit, ut se derelictum à Patre conquestus aliquando fuerit.

Tertia responsio confutatur: quia licet exercitium justitiæ divinæ, quantum ad circumstantias, liberum sit, ipsa tamen justitia in actu primo, & quatenus est proprietas Dei essentialis, necessaria est, ac necessariò quantum ad substantiam penas ex peccato repetere debet. Neque porro eadem est ratio justitiæ, quæ bonitatis ac misericordiæ in suis externis effectibus: ab istis enim abstinere omninò potest Deus, quia nemini debentur ac planè gratuiti sunt; non ita est de justitia, quam Deus & sibi metipsum debet, & peccato. Falsò prorsus supponunt hic Sociniani, Deum se habere tantum ut partem læsam: Judicis publici ac rectoris universalis personam sustinet, cujus est bonum publicum ac naturale tueri. Tametsi ergo gratis condonando peccata nulli extra se posito injuriam faceret, faceret tamen justitiæ suæ, quam non decet impunè offendi; faceret legibus à se constitutis, quarum majestatem factam testamque servare tenetur; faceret bono publico, cujus custos est & administer; & sicut seipsum abnegare non potest, nec se naturali dominio, quod in res omnes habet, exuere; (quod tamen si faceret, nemini esset injurius) ita non potest de jure illo publico & naturali, quod peccati vindictam postulat, quidquam relaxare.

SECUNDUM ARGUMENTUM

Ex voluntate Dei tum in Lege tum in Evangelio nobis revelata.

Deus tum in veteri tum in novo Testamento, mortis penam sapientius peccantibus interminatus est; ergo cum nec mentiri possit, nec mutari, necesse fuit comminationem illam executioni demandari; atque vel hominem ipsum moriendo huic edicto satisfacere, vel in Christum hominis vadem ac sponsores penam transferri.

Antecedens & consequens probant evidenter Scripturæ.

Antecedens, Gen. 2. v. 17. *De ligno autem scientiæ boni & mali ne comedas,* ait

ait Deus Adamo: *in quocumque enim die comederis ex eo, morte morieris*. Deut. 27. v. 26. *Maledictus qui non permanet in sermonibus Legis hujus*. Ezech. 18. v. 20. *Anima que peccaverit, ipsa morietur*. Rom. 1. v. 18. & 19. *Revelatur ira Dei de Cælo, super omnem impietatem & injustitiam hominum*. Culpam igitur seu peccatum pœna sequitur; & quidem, ut ait Poeta, non pede claudendo: Deo ita justè decernente.

Consequens etiam certum est. Quia reip̄sa Christus pro nobis sponzor factus, temporalis mortis pœnam subijt, ut nos à debito mortis aeternæ liberaret. Matth. 20. v. 28. Christus venisse dicitur, *ut animam suam daret redemptionem pro multis*. Et Rom. 3. v. 25. *Quem proposuit Deus propitiationem per fidem in sanguine ipsius, ad ostensionem justitiæ suæ; propter remissionem præcedentium delictorum*. Unde S. Joannes c. 3. v. 4. dixit, *exaltari oportuisse filium hominis, ut omnis qui credit in ipsum, non pereat, sed habeat vitam æternam*. Et S. Lucas c. 24. v. 26. *Nonne, ait, hoc oportuit Christum pati, & ita intrare in gloriam suam?* Quapropter Apostolus in Epist. ad Hebr. tam frequenter inculcat sacrificia legalia reatum peccati tollere non potuisse: atque aliud longè nobilius & excellentius sacrificium, nempe Christi, necessarium fuisse. *Impossibile enim est*, ait Hebr. 10. v. 4. *sanguine taurorum & hircorum auferri peccata*. Ideo ingrediens mundum dixit, *Hostiam & oblationem noluisse; corpus autem aptasti mihi*. Etc. 9. v. 22. & seq. *Omnia penè in sanguine secundum Legem mundantur; & sine effusione sanguinis non fit remissio*. Necessè est ergo exemplaria quidem cælestium his mundari: ipsa autem cælestia melioribus hostiis quàm ista, quibus verbis apertè significat Apostolus, necesse fuisse nos sanguine Christi, veræ ac immaculatæ hostiæ, mundari. Porro verisimile non videtur, Deum sapientissimum voluisse proprium suum Filium tam acerbæ & ignominiosæ morti subijci, si absolutè necessaria non fuisset satisfactio per hominem Deum oblata: & si faciliiori via totum redemptionis humanæ negotium peragi potuisset.

Responsio Socinianorum.

Respondent Sociniani.

I. Legem ac comminationem Adamo denuntiatam, ip̄sus tantum personam obligasse, non ceteros homines. Quòd si hi, sicut Adam, morti obnoxii sunt, non ex peccato id oriri, sed ex ipsa naturæ conditione; quia ex eo nati sunt, qui mortalis fuit: ea ferè ratione, qua filii servorum etiam servi sunt.

II. Verba ista Legis, *Maledictus qui non manserit in omnibus præceptis Legis*, ad solos Judæos pertinere, qui sub jugo Mosaicæ Legis vixere: agitur enim loco citato, de Lege Mosaica, ut pronomen *hujus* demonstrat, non de omni Lege.

III. Omnes illas comminationes, quibus Deus peccantibus mortem interminatus est, non absolute, sed sub conditione intelligi debere, si nempe sincera non agatur penitentia. Ratio est, quia omnes ferè, iniquiunt, Scripturæ comminationes sunt conditionatæ, nisi vel earum contrarium natura sua turpitudinem quamdam in se contineat, aut signum comminationis additum sit immutabilis planè voluntatis: v. g. si juramentum adjunctum sit,

fit, quale legitur de Israelitis incredulis & contumacibus, in terram promissam non introducendis, Num. 14. v. 28. Porro, ajunt, neutrum horum reperitur in citatis comminationibus: unde illæ censendæ sunt conditionatæ, quales fuere comminationes Isaïæ ad Ezechiam c. 38. v. 1. & Jonæ ad Ninivitas c. 3. v. 4.

IV. Alia quàm satisfaciendi causa, mortuum esse Christum; nempe ut nos in bono confirmaret, instrueret doctrina, & omnium virtutum exemplo ad se pertraheret.

Refellitur Sociniana responsio.

Prima: Quia omnes homines in Adamo tanquam in capite ac radice inclusierant; eademque, qua ipse, lege astricti, eo peccante, peccaverunt. *Per unum hominem*, ait Apostolus Rom. 5. v. 12. *peccatum in hunc mundum intravit, & per peccatum mors; & ita in omnes homines mors pertransiit, in quo omnes peccaverunt.* Quid disertius, ut demonstretur, peccatum Adam non personale dumtaxat ac proprium ipsi fuisse, sed naturæ totius humanæ proprium? *in quo omnes peccaverunt.* Et ita, cum, eodem judice Apostolo ibidem v. 13. *peccatum non imputetur ubi non est lex*, concludendum est, eadem lege, qua Adamus, cæteros homines obstrictos fuisse. Falsò igitur asserunt Sociniani, homines mori ex sola naturæ conditione, non ex peccati pœna. *Stipendius peccati mors*, Rom. 6. v. 23. *Anima quæ peccaverit, ipsa morietur.* Ezech. 18. v. 20.

Secunda responsio refellitur: Quia Lex Mosaica spectari potest vel formaliter, quatenus est Tabulis consignata: vel materialiter, quatenus substantiam mandatorum continet, quibus creatura erga suum creatorem obligatur. Priori sensu non negamus Legem primariò spectasse Israelitas, quibus directè data est: at posteriori sensu, communis fuit tam Gentibus quàm Judæis. *Gentes enim quæ legem non habent, ait Apost. Rom. 2. v. 14. & 15. naturaliter* (id est sine lege scripta) *ea quæ legis sunt, faciunt: ejusmodi legem non habentes, ipsi sibi sunt lex, qui ostendunt opus legis scriptum in cordibus suis.* Quapropter maledictio per Legem denunciata strictè ad solos violatores Legis Mosaicæ non coarctatur, sed ad eos etiam qui legem naturalem violant: quod facile colligitur ex morte quæ regnavit ab Adamo usque ad Moysen, nondum promulgata Lege Mosaica, juxta istud Apostoli Rom. 5. v. 14. *Regnavit mors ab Adam usque ad Moysen, etiam in eos qui non peccaverunt in similitudinem prævaricationis Adæ:* id est, qui non peccaverunt contra legem positivam, sicut Adam; sed contra legem naturalem scriptam in cordibus. Neque articulus demonstrativus, *hujus*, huc urget: apponitur quippè ad distinguendam legem Dei à legibus & traditionibus humanis; neque excludit, sed includit legem naturalem, quæ quantum ad substantiam eadem est cum morali.

Tertia responsio nihil planè solidi continet. 1. Quia etsi fatendum sit; nonnullas esse in Scripturis comminationes conditionatas, quales sunt Isaïæ ad Ezechiam, Jonæ ad Ninivitas, non inde tamen rectè insertur alias non esse absolutas: neque priores confundendæ sunt cum immota legis æternæ sanctione; quandoquidem expressè Christus Matth. 5. v. 18. ait, *nequidem apicem unum aut sola unum ex Lege transiitutum, quin omnia fiant.* Et Apost. Hebr. 10. v. 28.

v. 28. probat eos, qui Filium Dei ejusque sanguinem conculcarint, gravissimis afficiendos esse suppliciis, eò quòd si quis in Legem Moïsis peccasset, absque misericordia moriendum ipsi erat: ubi à minori ad majus arguit Apostolus. In eo igitur peccant adversarii, quòd à particulari ad universale arguant; ac concludant, omnes, quas Scriptura commemorat, comminationes conditionatas esse, quia nonnullæ re ipsa tales sunt, quæ arguendi ratio tota sophistica est. Probandum autem ipsis incumbit, quod nunquam probant, comminationes, de quibus hic loquimur, conditionatas esse, non verò absolutas. 2. Distinguendæ sunt comminationes quæ temporales dumtaxat pœnas, ab illis quæ mortem æternam denuntiant. Illæ nonnunquam relaxari possunt, non istæ: quæstio verò nostræ non est de pœnis temporalibus, sed æternis, atque omnimoda peccati impunitate, quam putamus impossibilem. 3. Confundi non debent comminationes paternæ & Evangelicæ, cum legalibus & judicialibus. Illas nonnunquam effectu cassas fieri, nihil vetat: quia ex æconomia quadam sæpius proponuntur, non ut impleantur, sed ut homo iis territus à viis suis pravus convertatur: alie verò non possunt irritæ fieri, quia æternum ac immutabile jus arguunt, quod sine præjudicio justitiæ tolli non potest. 4. Necesse non est ut juramentum semper accedat comminationibus vel promissis, in signum immutabilis voluntatis. Namque licet propter infirmitatem nostram illud aliquando addatur; non minùs tamen impossibile est Deum mentiri, cum simpliciter loquitur, quàm cum juramento se adstrinxit. Denique, absoluta criminum impunitas aliqua turpitudinis labe aspersa videtur, qualis est in rektore ac giudice officii, quod exercere tenetur in ordinis conservatione, desertio ac contemptus. Neque dicas Deum ab omni lege solutum ac liberum esse. Ita quidem, si sermo sit de lege extra Deum ipsum posita: sed ipse sua sibi lex est; & sicut semetipsum negare non potest, ita nec justitiæ suam.

Quarta denique responsio nulla planè est: Quia cùm doctrinam suam variis stupendis miraculis Christus confirmasset, atque toto vitæ suæ decursu, tot splendida virtutum exempla dedisset, quid quæso necesse fuisset ea una de causâ unigenitum filium suum tot diris cruciatibus expositum voluisse? Alia igitur causâ & ratio fuit; nempe, justitiæ divinæ, pro illata ipsi offensâ, satisfaciendum fuit.

Ad hæc ex Scripturis momenta, accedit & Theologica ratio. Scilicet, nostræ circa necessitatem satisfactionis Christi sententia, nulli derogat divinæ perfectionis, imò ad eam gloriam, splendorem & commendationem plurimum confert. Non derogat absolutæ Dei potentie: quia summæ in Deo perfectioni est, quòd seipsum suasque perfectiones negare non possit. Non derogat liberrimæ Dei voluntati: tùm quia nihil vult, aut velle potest contra suam justitiæ & sanctitatem, cui, impunitate peccati, præjudicium quoddam inferretur: tùm quia semper exercetur Dei libertas in variis pœnæ infligendæ circumstantiis, ut sæpe dictum à nobis fuit. Non derogat misericordiæ, quæ tam liberaliter exercetur erga peccatorem cui pœnas relaxat, quas in sponforem Christum rejicit, imò sanctitas, justitia, sapientia & charitas Dei maximum ex satisfactione Christi splendorem contrahunt, ut probatum superius à nobis fuit, cùm de conventionia Incarnationis verba fecimus.

Solvuntur Objectiones.

Obijcies 1. Nostra Conclusio falso prorsus fundamento nititur, nempe justitiam vindicem ac ulticem in Deo naturalem esse, ac prorsus necessariam.

I. Quia quod Deo essenziale est ac necessarium, non potest non esse: atqui justitia vindex in Deo potuit non esse, si nimirum nulla extitisset, ut fieri potuit, creatura peccatrix.

II. Naturalia in Deo non sunt contraria: sed misericordia & justitia sunt contrariæ; illius enim est salvare, hujus destruere ac perdere.

III. Quod inæquale est ac fulcipit magis vel minus, Deo naturale non est ac necessarium, quia in Deo omnia infinita sunt: at misericordia & justitia tales sunt; nam qui multus est in misericordia, tardus dicitur ad iram; qui justitiam in quartam tantum generationem exierit, idem benignitatem suam ac misericordiam ad millesimam usque protendit, Exodi 20. v. 5. & 6.

IV. Si justitia Deo essentialis foret ac necessaria, æqualiter omnia peccata pleteret, nec posset hujus misereri, illum verò punire, hæc enim est conditio agentis necessarij, seu qui ex necessitate suæ naturæ ad aliquid determinatur.

V. Denique, quod liberum est, non potest esse naturale ac necessarium: at justitia in Deo libera est, quia potest Deus pro nutu & arbitrio punire vel non punire, sicut potuit creare vel non creare.

Resp. nego min.

Ad primam ejus probationem, dist. maj. Quod est in Deo necessarium, non potest non esse, saltem in actu primo, concedo: in actu secundo, subdist. si sit proprietas absoluta quæ nullum dicat ordinem ad creaturas, v.g. æternitas, infinitas &c. concedo: quæ dicat ordinem ad creaturas, v.g. justitia, misericordia &c. nego. Dist. min. justitia vindex in Deo potuit non esse, quoad actum seu exercitium, iterum dist. quantum ad circumstantias hujus exercitii, pœnæ tempus, mensuram, durationem, subjectum, concedo: quantum ad substantiam pœnæ, quasi possit Deus omnem omnino pœnam relaxare, ac peccatum gratis & absque ulla satisfactione impunitum dimittere, nego. Solutio ex antè dictis manifesta est. Itaque proprietates in Deo absolute ac naturales quæ nullum dicunt ad creaturas ordinem, sunt in ipso necessariae, tum quoad actum primum, tum quoad actum secundum: at illæ quæ ad creaturas respectum aliquem seu ordinem dicunt, v.g. justitia & misericordia, necessariae quidem sunt quoad actum primum, non ita quoad actum secundum, seu exercitium, quod quidem misericordię respectu, omni ex parte liberum est, quia misericordia perinde ac gratia planè gratuita est, nec cuiquam debetur; respectu verò justitiæ, liberum est quoad varias pœnæ circumstantias, non autem quoad ipsam pœnæ substantiam: quia nimirum necesse fuit pœnam ex peccato repetere, ac divinæ justitiæ satisfieri. Necessarium igitur non est justitiæ vindicis exercitium necessitate, ut ajunt, absoluta & antecedente, quia potuit non esse creatura peccatrix; sed necessitate dumtaxat consequente, ac supposito creaturæ peccato.

Ad

Ad secundam, nego justitiam & misericordiam inter se opponi; sunt enim ipsamet simplicissima Dei natura, ex qua varii & oppositi prodeunt effectus. Deus ut justus, punit; ut misericors, parcit; neque idcirco pugna & contradictio est inter justitiam & misericordiam, quæ circa diversa objecta occupantur, ac diversos producunt effectus.

Ad tertiam, dist. min. Justitia & misericordia suscipiunt magis & minus, quantum ad effectum externum, concedo: quantum ad effectum, seu ipsam internam proprietatem, nego. Licet enim dux istæ virtutes in Deo æquæ infinitæ sint, diversimodè tamen sese erga homines exerunt, dum nec omnium æqualiter miseretur Deus, nec omnes ex æquo indurat: cujus quidem inæqualitatis causa occulta esse potest, injusta esse non potest.

Ad quartam, nego sequelam: ita enim Deus necessario justus est, ut hæc necessitas non cæca sit & physica, qualis est v.g. in igne ad comburendum, sed moralis, quæ varios justitiæ divinæ actus liberè potest exercere. Non potest quidem Deus impunitum omnino relinquere peccatum: verum pœnæ tempus, modus, mensura, subjectum, ex beneplacito ejus pendent, quia potest Deus ad arbitrium pœnam differte, mitigare, & in alium transferre ex œconomia & prudenti dispensatione. Quapropter Deus aliquo sensu semper agit ex justitia, quia semper punit peccatum; ac licet peccatori parcat, parcendo tamen injustè non agit, maxime cum à Christo sponfore nostro plenam ac perfectam repetierit satisfactionem.

Ad quintam, dist. maj. Quod liberum est non potest esse necessarium, necessitate antecedente & absoluta, concedo: consequente & hypothetica, nego. Dist. min. Justitia Dei libera est, quantum ad exercitium, & varias pœnæ circumstantias, concedo: quantum ad actum primum, & ipsam pœnæ substantiam, nego. Distinguo consequens ad sensum maj. Justitia Dei non potest esse necessaria, necessitate antecedente & quoad actum secundum, concedo: necessitate consequente & hypothetica, supposita nempe creatura peccatrice, nego.

Inflabis. Quod in Deo necessarium est necessitate orta ex ipsius natura, non potest quin in ipso sit de quacumque potentia, sive ordinaria sive extraordinaria; de quacumque scilicet potentia nihil Deus potest, quod suæ naturæ adversetur: atqui punitio peccati, etiam quoad pœnæ substantiam, Deo necessaria est necessitate orta ex ipsius substantia seu natura, hoc est, ex justitia quæ ipsi essentialis est; ergo absolute non potest Deus non punire peccatum, nec consequenter potuit hominem lapsum redimere sine satisfactione seu Incarnatione; unde consequens est, Incarnationem absolute necessariam fuisse, nec alia via potuisse hominem liberari: atqui tamen oppositum supra docuimus.

Resp. dist. min. Quod necessarium est necessitate orta ex natura, tanquam actus primus, seu proprietas fluens ex natura, non potest quin in Deo sit, etiam de potentia Dei absoluta & extraordinaria, concedo: quod necessarium est necessitate orta ex natura, tanquam actus secundus, seu tanquam exercitium externum proprietatis alicujus divinæ, quod Dei libertati subjicitur, nego. Porro actualis punitio peccati necessaria quidem in Deo est necessitate orta ex natura tanquam actus secundus, & externum divinæ justitiæ exercitium, quod quidem de potentia Dei ordinaria non potest non esse: at

de

de potentia Dei absoluta & extraordinaria potest non esse; quia posset Deus alia via seu ratione (quamquam nobis incognita) absolute & suæ justitiæ satisfacere, & honori suo consulere non puniendo peccatum.

Instabis 1. Deus necessario ac essentialiter odio habet peccatum; ergo de quacunque potentia non potest illud non punire.

Resp. nego conf. quia etiam illud non puniendo, justitiæ suæ ac honori læso aliunde satisfaceret.

Instabis 2. Fieri non potest, de quacunque potentia, quin Deus in actu secundo æternus sit, infinitus, immensus; ergo pariter fieri non potest quin justitiam exerceat.

Resp. disparitatem esse, quia æternitatis, infinitatis, & immensitatis Dei, propriè loquendo, nullum est exercitium, quia hæc attributa nullum dicunt ordinem, seu respectum ad creaturas: non ita justitia, quæ, supposita creatura, ad boni vel mali retributionem necessario tendit & ordinatur.

Objicies 2. Deus, utpotè pars læsa, potest de jure suo remittere; ergo potest peccata impunita relinquere. Probant: Quia unicuique licet de jure suo cedere: quanto magis Deo, qui supremus est rerum omnium Dominus? Nec ulli fieret injuria, si Deus peccatum gratis dimitteret.

Resp. ex dictis antea non semel, vanam omnino esse hanc Socinianorum objectionem. 1. Quia Deus non tantum hic pars læsa est, sed judex ac rector Universi, & juris publici vindex. 2. Esto liceat privato cuilibet jus suum privatum remittere, non ita licet publicæ personæ jus publicum non asserere. 3. Nemini quidem extra se Deus injuriam faceret: at sibi suæque justitiæ faceret; & quemadmodum non potest exuere se naturali dominio quod habet in omnes creaturas, (quamquam si faceret, nemini inferret injuriam) ita non potest justitiæ suæ jura non servare.

Objicies 3. Potest Deus peccatori mitiorem pœnam imponere; quidni ergo & nullam? Supponatur v.g. tres pœnæ gradus tali peccato debitos esse, si potest Deus unum vel alterum remittere, cur non tertium? cur non omnes? Adde quòd possit Deus remunerari ultra condignum; ergo & punire citra condignum, adeoque aliquem peccati gradum impunitum dimittere.

Resp. nego consequens. Namque justitia quamdam habet graduum latitudinem, extra quam excurrere non potest: unde licet possit Deus aliquem pœnæ gradum remittere, non potest omnes; quamquam aliunde definire non valeamus, quem Deus ex sua justitia relaxare possit. Hoc unum videtur certum, peccato debitam esse pœnam, nec illam posse omnino ac totaliter dimitti; ac consequenter certum quemdam esse gradum pœnæ essentialem ac necessario debitum, qui solvi debet: quamquam etsi Deus pœnas aliquas gratis nobis remittat, respectu tamen Christi eas omnes extrinsecas & severas justitia repetit. Quia propter nullum est istud argumentum: Potest Deus hunc & illum pœnæ gradum remittere; ergo potest omnes. Perinde est ac si quis diceret: Potest stare hominis vita sine hac vel illa sanguinis parte; ergo sine ulla. Ad id quod addunt, posse Deum ultra condignum remunerari; ergo & punire citra condignum: neganda est paritas. Deus enim ex misericordia planè gratuita miseretur & bona retribuit, ac potest pro arbitrio bonis suis creaturam cumulare: verum ex justitiæ suæ legibus unicuique tribuere debet quod suum est, adeoque necessario pœnam aliquam ex peccato repositce-

repolcere tenetur, licet, ut sepius diximus, exercitium iustitiæ liberum sit, saltem quoad varias penæ circumstantias.

Objicies 4. Tam Deus potuit de potentia sua ordinaria reparare hominem sine satisfactione, quam illum simpliciter non reparare: aut si non potuit, quia iustus, reparare sine debita satisfactione, non potuit etiam, quia bonus ac misericors, peccatum, quod permisit, non reparare.

Major propositio videtur certa, quia par omnino est in Deo misericordiae ac iustitiæ ratio: utraque enim Deo essentialis est ac necessaria; & sicut non potuit Deus ex iustitia hominem reparare sine satisfactione, ita non potuit ex innata bonitate ac misericordia lapsum hominem non erigere.

Resp. nego maj. ejusque probationem. Alia quippè est ratio iustitiæ, alia misericordiae Dei in exercitio: Ita omnino libera est, nec ulli debetur, *CH-
sus vult miseretur. Tolle quod tuum est, & vade.* Illam verò Deus & sibi, & peccato, & ordinatæ rerum universitati debet. Rom. 9.
v. 18.
Mat. 20
v. 14.

Objicies 5. Infinita est Dei virtus ac potentia, & quis mensus est eam? Igitur potest Deus peccata sine satisfactione dimittere.

Resp. nego conseq. Non potest quippè Deus id quod suæ repugnat sanctitati ac iustitiæ: non potest semetipsum negare, nec se exuere naturali, quod in res omnes habet, dominio. Quòd ergo non possit Deus peccatum omnino impunitum & gratis dimittere, non arguit defectum potestatis in ipso, sed potius summam ejus ac infinitam perfectionem.

Objicies 6. Deus plenam omnium peccatorum veniam iis pollicetur, qui resipiscunt ac sincero corde ad illum redeunt, Jerem. 18. v. 10. Ezech. 18. v. 21. & cap. 33. v. 12. Ergo gratis & sine satisfactione peccata dimittit.

Resp. nego conseq. Resipiscere quippè nemo potest & ad Deum animo recto converti, nisi per gratiam. *Converte nos, Domine, & convertemur.* *Thren.*
At gratia non nisi ex meritis Christi nobis conceditur, *Justificati gratis per
gratiam ipsius, per redemptionem quæ est in Christo Jesu.* Ergo licet gratia nobis gratis concedatur, hanc tamen proprii sanguinis pretio nobis Christus promeritus est, qui plenam & rigorosam Deo pro nobis satisfactionem persolvit. 5. v. 11
Rom. 3
2. 24

Multò alia plura objiciunt Sociniani, ut ostendant Deum re ipsa voluisse sine ulla satisfactione peccata condonare; imò nec potuisse alio pacto se gerere, quia injustum planè foret penas ab innocentereposcere. Verùm hujuscemodi momenta propius spectant veritatem seu existentiam satisfactionis Christi, de qua Articulo 2. hujus Quæstionis.

Probatnr necessitas satisfactionis Christi ex parte hominis, qui non potuisset nec pro suo, nec pro alieno peccato, seu mortali, seu veniali, condignè Deo satisfacere.

Observandum 1. quæstionem hic moveri de homine puro, hoc est qui sola humana constaret natura, quibusunque aliunde donis celestibus instructus ille foret.

Observandum 2. pretium, seu valorem & æquivalentiam operis satisfactorii in genere moris, nihil esse aliud, quam dignitatem ac perfectionem actionis, aptam ad compensandam injuriam alicui illatam.

Obser-

Observandum 3. dignitatem & perfectionem satisfactionis æstimari præcipuè ex conditione tum ipsius operis, tum personæ satisfaciæntis; & sicut offensæ gravitas petitur ex majori vel minori dignitate personæ quæ offensus, ita valor satisfactionis crescit pro dignitate personæ quæ satisfacit. Rursus, sicut in bonis externis justitiæ ratio consistit in æqualitate rei ad rem, ita in restitutione honoris læsi debet esse æqualitas personæ satisfaciæntis cum persona læsa cui fit satisfactio.

Observandum 4. satisfaciæntem aliam esse de condigno & perfectam, quæ sit ad strictos juris apices, ac definiri solet, *Redditio voluntaria honoris & reverentiæ æquivalentis, ex propriis & aliis indebitis, ad compensandam injuriam alicui per peccatum illatam*: quam definitionem paulò antè in Prænotatis ad Articulum primum hujus Quæstionis exposuimus. Aliam verò esse imperfectam, & non condignam. De ista hic non est quæstio, sed de condigna & perfecta satisfaciæntione, de qua controversia est, an possit homo purus Deo hypostaticè non unitus, condignè satisfacere pro suo vel alieno peccato, tum mortali, tum veniali. Peccatum mortale natura sua à veniali distinctum esse, communis fere est Theologorum sententia. Thomistæ volunt peccatum mortale intrinsecè infinitum esse: alii verò extrinsecè dumtaxat & objectivè infinitum contendunt; quamquam in superiore gravitatis ordine collocetur, quo à veniale distinguitur. Verùm de hac Scholæ controversia non est hic proprius dicendi locus. Itaque sit

P R I M A C O N C L U S I O.

Homo purus non potest Deo condignè satisfacere, pro suo vel alieno peccato mortali.

Probatur 1. Ex dictis, triplex in peccato ratio attendi potest: nempe debiti, quo divinæ justitiæ obstricti sumus; inimicitie, qua Dei inimici constituitur; & criminis quo rei sumus mortis & maledictionis æternæ. Unde tria in satisfaciæntione requiruntur: ut sit debiti solutio, iræ divinæ placatio, & reatus expiatio. Atqui tria hæc non posse ab homine puro perfectè ac de condigno adimpleri, constat ex Scripturis.

I. Debitum solvere homo non potest. Unde enim ex suo solveret, qui nihil habet in ordine tum naturali, tum supernaturali, quod in Deum auctorem referre non teneatur? *Frater non redimit, ait David Psal. 43. v. 8. redimet homo: non dabit Deo placationem suam.* Id est, frater fratrem suum non redimit, quomodo igitur homo extraneus redimere illum poterit? Nihil sane Deo potest offerre, quod ejus iræ placandæ idoneum esse possit. Unde Mat. 16. v. 26. meritò Christus ait: *Quam dabit homo commutationem pro anima sua?* Et S. Paulus Coloss. 2. v. 14. debitum, quo erga Deum obstricti eramus, ab uno Christo persolutum affirmat: *Donans, inquit, omnia delicta: delens quod adversus nos erat chirographum decreti, quod erat contrarium nobis, & ipsum tulit de medio, affigens illud cruci.*

II. Inimicitiam cum Deo per peccatum contractam non potest homo purus dispellere, quam, judice Apostolo, solus Christus Pontifex æternus ac impollutus auferre potest. *Talis, inquit Hebr. 7. v. 26. decebat ut nobis esset*

Ponti-

Pontifex, sanctus, innocens, impollutus, segregatus à peccatoribus & excel-
sior cælis factus; qui non habet necessitatem quotidie, quemadmodum sacerdo-
tes, prius pro suis delictis hostias offerre, deinde pro populi. Porro homo
purus, quantumvis gratiæ donis cumulatus, non est à peccatoribus segre-
gatus, non excelsior Cælis, non immunis à necessitate offerendi pro suo pec-
cato; ergo nec idoneus ad iram divinam placandam, cui placanda solus
Christus par fuit. Ipse enim, ait idem Apostolus Ephes. 2. v. 14. est pax no-
stra, qui fecit utraque unum, & medium parietem macerie, solvens inimicitias
in carne sua. Et v. 16. Interficiens inimicitias in semetipso. Et Rom. 5. v. 10.
Cum inimici essemus, reconciliati sumus Deo per mortem filii eius.

III. Homo purus non potest reatum pœnæ, quam per peccatum contra-
xit, sufficienter expiare; ob disproportionem quæ reperitur tum inter pec-
catum, & offensam Dei, tum inter pœnam temporalem, & æternam. Rom.
8. v. 18. Non sunt condignæ passiones huius temporis ad futuram gloriam. So-
lus Christus pretio sui sanguinis infinito potuit inæqualitatem illam ac dis-
proportionem superare: solus etiam dolores nostros portavit, Isa. 53. v. 4.
solus factus est pro nobis peccatum; hoc est, hostia pro peccato, 2. Cor. 5.
v. 21. pacificans per sanguinem crucis, sive quæ in terris, sive quæ in cælis
sunt, Coloss. 1. v. 20.

Probatur 2. ex SS. Patribus.

S. Augustinus Enchiridii cap. 108. Neque, inquit, per ipsum liberaremur
unum Mediatorem Dei & hominum Jesum Christum, nisi esset & Deus. Et T. 6. p.
Tract. 4. in Epist. 1. S. Joan. In quo non est peccatum, inquit, ipse venit au- 237. C.
ferre peccatum. Nam si esset & in illo peccatum, auferendum esset illi, non 2. p. 854.
ipse auferret. E.

S. Basiliius Homil. in Psal. 48. ad hæc verba, Frater non redimit &c. sic
loquitur: Qui ne pro suis quidem peccatis Deo queat piaculare Sacrificium T. 1. p.
offerre, quomodo poterit id pro alio efficere? Quid rursus tanti pretii in hoc 179. E.
seculo possederit, ut id cum anima quæ pretiosa est natura, idonee possit com-
mutare, siquidem ad creatoris imaginem factus est? Et postea: Neque igitur ibid. p.
fratrem in redemptionem quere, sed aliquem qui tuam excedat naturam: ne- 280. D.
que hominem nudum, sed hominem Deum Jesum Christum, qui solus pro no-
bis omnibus Deo dare potest placationem. Et paulo post: Non igitur pro se- ibid. p.
ipso dabit Deo placationem. Quid enim tanti potest homo invenire, ut dei pro 181. A.
redemptione animæ sue? Sed unum inventum est, pro omnibus simul homini-
bus sufficientissimum, quod in pretium redemptionis animæ nostræ datum est,
sanctus ille ac pretiosus sanguis Domini nostri Jesu Christi, quem pro nobis
effudit.

S. Cyrillus Alexandrinus Epist. 1. ad Valerianum Episcopum: Quo pa-
cto, inquit, unus pro omnibus pretium exolveret, si illa passio puri cuiuspiam
hominis fuisse putatur? T. 4. p.
2. p. 163.
D.

S. Leo Serm. 1. de Nativitate: Nisi esset Deus non afferret remedium: ne-
nisi esset homo, non praberet exemplum. T. 1. p.
144. c. 2.

S. Fulgentius Libro de Incarnatione & Gratia c. 4. Nullatenus, ait, hu-
mana natura ad auferendum peccatum mundi sufficiens atque idonea fieret, nisi in
unionem Verbi Dei... transfret. T. 2. p. 191.

S. Anselmus ex professo L. 2. Cur Deus homo cap. 6. ostendit, non posse
Tournely de Incarnatione. L nisi

* nisi hominem Deum pro peccato satisfacere : *Hanc satisfactionem*, inquit, Pa. 88. *non potest facere nisi Deus, nec debet nisi homo, necesse est ut eam faciat Deus col. 1. A. homo.*

Horum vestigiis insitens Richardus à S. Victore L. de Incarn. cap. 8. *Ad P. 276. hanc*, ait, (*satisfactionis*) *plenitudinem, oportuit ut tanta esset humiliatio in col. 1. D. expiatione, quanta fuerat presumptio in prævaricatione..... Quando ergo homo presumpsit contra Deum, facta est elatio de imo ad summum. Oportuit ergo ut ad expiationis remedium fieret humiliatio de summo ad imum, sed hoc omnino non potuit nisi aliqua in Trinitate personarum.*

Probatur 3. Theologica ratione. Scilicet, ex jam dictis, ad accuratam & condignam satisfactionem duz potissimum conditiones requiruntur ; ut sit æquivalens, & ut fiat ex propriis aliàs indebitis : atqui puri hominis satisfactio nec potest esse æquivalens, nec fieri ex propriis & aliàs indebitis.

L Non potest esse æquivalens. Namque ut satisfactio sit æquivalens, necesse est ut tanti sit meriti ac valoris in ordine satisfactionis, quanti demeriti fuit offensæ in genere offensæ : siquidem satisfactio est actus iustitiæ, cuius est æqualitatem statuere inter personam offensam & personam satisfaciendam ; & sicut in bonis externis aut furto sublati, aut mutuo, vel commodato acceptis, iustitia accurata exigit, ut statuatur æqualitas rei ad rem, ita in læsione honoris necesse est ut satisfactio condigna statuatur æqualitatem personæ ad personam. Atqui satisfactio puri hominis, quibuscunque tandem gratiæ donis instructus sit, tanti meriti ac valoris esse non potest, quanti demeriti fuit offensæ. Namque offensæ Dei infinitam quandam gravitatem contrahit, saltem objectivè & extrinsecè, ex infinita Dei maiestate, quæ læditur : ex vulgata quippe Philosophorum sententia, offensæ crescit pro maiore personæ offensæ dignitate ; quò major est enim personæ dignitas ac præstantia, eò major ipsi debita est reverentia. Hinc Philosophus L. 5. Moralium cap. 5. observat, justitiam locum non habere, ubi est personarum inæqualitas. *Si quis*, inquit, *Magistratum gerens, alterum percussit, non est reperiendus ; si quis verò eum, qui Magistratum gerit, verberaverit, non modò reverberandus est, sed etiam supplicio afficiendus.* E contra verò, valor operis satisfactorii moraliter æstimatur ex ipsa persona satisfaciente. Porro homo purus, quantumlibet in gratia crescat, nunquam potest opere satisfactorio finito ad æquare gravitatem infinitam offensæ : finitum autem est opus satisfactorium hominis puri, pro conditione scilicet illius naturæ ; sicut infinita est offensæ Deo illata, pro conditione naturæ Dei infinitæ, à qua infinitatem quandam contrahit.

Neque dicas, opus satisfactorium non minùs infinitum dici debere objectivè & extrinsecè, quia circa Deum tendit, quàm peccatum ipsum. Namque, quidquid sit in præsentiarum de illa peccati infinitate, quam alii extrinsecam tantum & objectivam dicunt, alii verò intrinsecam, non quidem in genere entis, sed moris ; seposita jam ista questione, dispar est ratio operis satisfactorii, & offensæ, in eo quòd satisfactio nullatenus, ne objectivè quidem ac extrinsecè, valorem ac pretium suum mutuetur ab objecto, seu persona offensæ cui satisfactio exhibetur : e contra verò, gravitas offensæ tota repetitur ex persona cui illata est injuria, eaque major vel minor

minor aestimatur, pro majori vel minori dignitate personæ læzæ seu offensæ...

II. Puri hominis satisfactio non potest esse ex propriis & aliis indebitis.
Non ex propriis: Quidquid enim habemus, siue in ordine naturæ, siue gratiæ, Deo acceptum refertur debemus. *In ipso enim vivimus, movemur & sumus.* Act. 17. v. 28. Et 2. Cor. 3. v. 5. *Non sumus sufficientes aliquid cogitare ex nobis, quasi ex nobis; sed sufficientia nostra ex Deo est.* Unde merito idem Apostolus 1. Cor. 4. vers. 7; ait: *Quis te discernit? Quid habes quod non accepisti?*

Non ex indebitis: Deo etenim tanquam supremo Domino omnia debemus titulo iustitiæ, religionis, & gratitudinis, à quo omnia accepimus; ergo puri hominis satisfactio non potest esse æquivalens, non ex propriis, non ex indebitis, ac consequenter sufficiens & condigna esse non potest.

SECUNDA CONCLUSIO.

Homo purus, nequidem pro veniali peccato suo, vel alieno; condignè Deo satisfacere potest.

Conclusio hæc iisdem planè probatur momentis, quibus prima. Satisfactio quippe illa neque esset ex propriis, quia gratuitam gratiam supponeret, qua postulamus ut quotidiana nobis remittantur peccata; neque consequenter ex indebitis, *Quid habes quod non accepisti?* Non esset quoque æquivalens: quamquam enim per veniale peccatum homo non avertatur à Deo tanquam ab ultimo suo fine, cui voluntas habitu adhæret, inest tamen illi peccato veræ offensæ ratio, qua de honore Deo debito non nihil detrahitur, qua ex parte extrinsecæ saltem & objectivæ ac secundum quid infinita est, ad cuius proinde æquivalentem compensationem necessaria est persona infinite perfectæ, qualis est solus Deus.

Neque dicas, inde confundi peccatum veniale cum mortali, siquidem utriusque par & similis est infinitas, saltem objectiva & extrinseca. Namque præter illam extrinsecam & objectivam infinitatem, ponderari debent in peccato materiæ gravitas aut levitas, actus peccaminosi intensio vel remissio, & alia de quibus Theologi ubi de peccatis: quæ omnia non eadem, sed diversa ratione occurrunt in peccato mortali & veniali.

Solvuntur Objectiones.

Obijcies 1: contra primam Conclusionem. Ille Deo condignè satisfacere potest, qui tantum bonum potest Deo reddere, quantum ipsi malum per peccatū intulit: atqui id posset homo purus, gratia sanctificante uberiori præditus.

Minor probatur: Quia homo per auxilium gratiæ elicere potest actum perfectæ contritionis, per quem tantum Deo refertur bonum, quantum ipsi malum per offensam peccati illatum fuerat. Sicut enim per peccatum homo à Deo avertitur, & convertitur ad creaturam; ita per contritionem perfectam avertitur à creatura, & ad Deum convertitur: conversio autem ad Deum tanti valoris est ac meriti, quanti demeriti est aversio à Deo.

L. 2.^a

Resp.

Resp. 1. dist. maj. Qui potest tantum bonum referre ex propriis, & aliis indebitis, concedo: non ex propriis, neque ex indebitis, nego. Dist. pariter min. Potest homo purus gratia instructus tantum bonum Deo referre, non ex propriis, neque ex indebitis, concedo: bonum quippe illud ut meritorium foret, deberet esse ex gratia, quæ planè gratuita est, & in Deum auctorem referri debet: ex propriis & indebitis, nego. Porro, ex dictis, ut condigna sit satisfactio, fieri debet ex propriis & indebitis.

Resp. 2. nego min. ad cujus probationem neganda pariter minor propositio. Namque contritio perfecta & conversio ad Deum, non tanti meriti est, in ordine satisfactionis, quanti demeriti est offensa, in ordine offensæ. Ratio est, quia offensa est infinita propter infinitam Dei majestatem læsam, à qua offensa speciem gravitatis desumit; contritionis verò & satisfactionis valor, non ex objecto tantum, sed moraliter ex ipsa maxime persona satisfaciente æstimatur, quæ cum finita sit, valor quoque satisfactionis finitus est, ac consequenter impar compensandæ offensæ infinitæ. Inde est, quòd etsi in conversione ad Deum, & aversione ab illo, idem sit objectum, nempe Deus ipse, & idem consequenter sit valor extrinsecus utriusque, non idem tamen sit valor intrinsecus, quia in diverso est ordine: offensæ nimirum in ordine infinito, propter Dei majestatem infinitam quam respicit; contritio verò in ordine finito, propter personam finitam à qua elicitur, & à qua moraliter suam speciem mutuatur. Unde

Majoris claritatis causa major propositio sic potest distinguì: Ille potest Deo condignè satisfacere, qui potest Deo tantum referre bonum, quantum malum intulit, si hoc possit per actum adæquantem malitiam & gravitatem infinitam offensæ, concedo: si per actum non adæquantem, nego. Porro actum contritionis finitus nunquam adæquare potest seu compensare offensæ gravitatem infinitam, saltem objectivè ac extrinsecè.

In l'ab'is 1. Contritio perfecta qua Deus rebus omnibus præfertur, tantum Deo placet, quantum illi displicuit peccatum, quo creatura Deo anteponi-
tur; ergo per contritionem perfectam Deo æquivalens redditur.

Resp. nego ant. Plus quippe Deo peccatum displicet, quam placeat charitatis actus: quia nempe major est gravitas in offensa, quam meritum sit in actu charitatis; atque plus Deus læditur per peccatum, quam honoretur per actum charitatis. Ratio est, quia cum homo Deum amat, ipsi reddit quod debet; & honor ille in hominem ipsum, cui proficit, relabitur: at cum homo Deum offendit, longius à suo recedit officio, Deumque creaturæ postponit ac subjicit, quæ injuria in Deum ipsum refunditur; atque quid gravius est & acerbius, Deum creaturæ subjicere, quam honorificum creaturam Deo sub-
jicere: quem admodum indignius quidquam est, Regem subdito mancipare, quam honorificum Regi sit, mancipium ipsi subdere.

In l'ab'is 2. Deus potest conferre homini gratiam infinitam, ex qua infinitam in suo genere satisfactionem Deo posset exhibere.

Resp. 1. nego maj. Neque enim certum est posse Deum homini conferre gratiam intensivè & actu infinitam. Ratio dubitandi hæc est, quia non videtur homo capax recipiendi gratiam infinitam, cum ipse finitus sit; atque, ut vulgò dicitur, quidquid recipitur ad modum recipientis recipiatur.

Resp. 2. nego conseq. Quia etsi homo diceret actus satisfactorios infinitos

ex gratia infinita, isti nihilominus essent in ordine inferiori respectu injuriæ Deo illatæ, quæ in supremo ordine offensæ collocatur, & infinita est: non ita satisfactio, quæ finita foret pro conditione personæ finitæ satisfaciens.

Instabis 3. Potest homo purus per actum contritionis perfectæ mereri vitam æternam; ergo & de condigno satisfacere.

Resp. nego consequ. & paritatem. Disparitas est, quia cæteris paribus plus ad satisfaciendum, quàm ad merendum requiritur. In merito enim tantum attenditur proportio rei ad rem, hoc est, actus meritorii ad præmium; talis autem proportio reperitur inter actus perfectæ contritionis seu charitatis, & inter vitam æternam: quapropter potest homo iustus de condigno mereri vitam æternam. At in satisfactione potissimum spectatur proportio personæ offensæ cum persona satisfaciens, quæ proportio nulla esse potest Deum inter & hominem purum. Deinde dispar adhuc in eo est meriti & satisfactionis ratio, quod in merito necesse sit interveniat liberalis Dei acceptatio & promissio, quæ ex misericordia obstrinxit, futurum ut talibus ex charitate elicitis operibus æternam vitam rependeret: neque enim opera nostra seorsim sumpta, tanti pretii ac valoris sunt, ut vitam æternam mereantur. *Non sunt condigne passionis hujus temporis*, ait Apostolus Rom. 8. v. 18. *ad futuram gloriam*. Verum in condigna satisfactione nihil ex liberalitate, nihil gratis remittitur, sed totum debitum accuratè atque ex stricta justitia persolvitur.

Instabis 4. Omne finitum in se ac simpliciter adæquari potest per aliud finitum: sed peccati gravitas finita est in se ac simpliciter, licet objectivè sit infinita; ergo potest compensari seu adæquari per finitam satisfactionem.

Resp. dist. maj. Omne finitum compensari seu adæquari potest per aliud finitum, in eodem ordine, concedo: in diverso ordine, nego. Sic v.g. linea, quantumlibet protendatur, potest ab alia ejusdem ordinis adæquari; è contra nusquam poterit homo, tametsi finitus, adæquare perfectionem Angeli. Quare? quia homo & Angelus in diverso sunt ordine, hic in superiori, ille verò in inferiori. Pari de causa peccatum veniale, quamdiu veniale permanet, nunquam pertinet ad gravitatem peccati mortalis. Porro satisfactio & offensæ sunt in ordine diverso, ut dictum sæpius fuit: illa in ordine finito, hæc in ordine infinito, ob infinitam Dei majestatem quæ per peccatum læditur.

Instabis 5. Homo inferioris ordinis qui superiore lædit, potest ei satisfacere: quidni & homo purus, Deo?

Resp. nego consequ. & paritatem. Disparitas est, quia homo in quacunque suprema dignitate constitutus, semper finitus, & offensæ ipsi irrogatæ pariter finita est; unde potest ab homine finito compensari per opus tanti pretii in æstimatione viri prudentis, ut offensam abundè compenset: v.g. si plebejus qui Regem læsit, vitam ejus servet. At Deus, qui per peccatum offenditur, est in supremo ac infinito ordine, unde non potest ipsi à creatura finita condigna offerri satisfactio.

Obijces 2. Tanta esse potest dignitas ac tantus valor in satisfactione puri hominis, quanta indignitas fuit in offensa. Si quid enim obstaret, maximè quia peccati gravitas attenditur, tum ex vili conditione personæ quæ offen-

dit, tùm ex dignitate ac præminentia personæ quæ offenditur; satisfactio-
nis autem valor ex dignitate dumtaxat personæ satisfaciendæ repetitur: at-
que hæc ratio nulla est, imò falsa; aliàs peccata hominum graviora forent
peccatis Angelorum, quia homines Angelis inferiores sunt: atqui tamen cer-
tum est Angelorum peccata graviora esse peccatis hominum; ergo &c.

Resp. nego maj. ad cujus probationem dico peccatum vilioris personæ
gravius esse peccato sublimioris, si parem habeat vim ac virtutem po-
tentiarum seu facultatum; secus verò si sit naturæ infirmioris ac debilioris,
qualis homo est comparatione ad Angelum. Dici etiam posset, peccatum
Angelorum gravius fuisse propter ingratitudinem majorem: cum enim à
Deo majora accepissent dona, plùs ipsi debebant, atque major fuit ingratitu-
dinis eorum culpa.

Objicies 3. Potest Deus purum hominem constituere caput totius hu-
mani generis, sicut ipsa Adam constituit, eique tantam conferre gra-
tiam, ut eam posteris subcommunicaret, si præcepto divino obsequeretur;
secus verò proprium suum peccatum in eos transmitteret, si Dei legem
violaret, quam ipsa primus parens violavit, *in quo omnes peccaverunt*. At
in ea suppositione, homo cæterorum caput constitutus posset aliis de condi-
gno gratiam mereri: quidni & satisfacere?

Resp. nego consequ. & paritatem. Disparitas jam paulò antea exposita
fuit inter meritum & satisfactionem, in eoque posita est, quòd in merito de
condignone necesse sit intervenire liberalem & gratuitam Dei promissionem
& acceptationem; aliàs, qui bonum opus ex charitate eliceret, ex condi-
gno gratiam semper mereretur, qua fieret ut in peccatum nunquam subinde
labi posset, atque ita fieret impeccabilis, quod certè à vero alienum est: non
ita est in satisfactione condigna, ubi nulla intervenit gratuita remissio, sed
stricta est rei ad rem, & personæ ad personam æqualitas.

Objicies 4. Potest aliquis satis pati pro peccato mortali; ergo & satisfacere.
Antecedens patet: quia si homo peccati lethalis reus pœnam intensi-
vè & quoad gradus infinitam per aliquod tempus ferret, sicut eam extensivè
& quoad durationem infinitam patietur per totam æternitatem, nonne
æquivalenter pateretur pro reatu peccati mortalis? Consequens etiam cer-
tum videtur: quia qui satis patitur, ille solvit omne debitum contractum,
adeoque plenè satisfacit.

Resp. nego ant. & consequ. Antecedens quidem. 1. Quia certum non est
posse hominem ferre pœnam intensivè infinitam, cujus homo finitus vi-
detur incapax. 2. Concessa illa hypothesi, nego pœnam illam tempora-
lem intensivè infinitam, æquivalentem fore pœnæ æternæ seu extensivè in-
finitæ: quia pœnæ æternitas, non tantum totam illam reddit gravissi-
mam, quatenus infinitè extenditur, sed etiam quamlibet ejus pœnæ partem
illa æternitas afficit, auget & aggravat; cum nullus sit, qui non eligat po-
tius per aliquod tempus pœnam sustinere intensivè infinitam, quam fini-
tam per totam æternitatem. Consequens etiam negandum est: quia plùs
requiritur ad satisfaciendum, quàm ad satis patiendum. Namque præter
adæquationem pœnæ cum peccato commissio, necesse est ut gravitas of-
fensæ compensetur & adæquetur per condignitatem operis satisfactorii, &
quidem in eodem ordine: at opus satisfactorium puræ creaturæ nusquam
condi-

condignum esse potest, & ejusdem ordinis cum offensa Dei, quæ infinita est.

Obijciens ultimo contra secundam Conclusionem. Si homo iustus satisfacere non potest de condigno pro peccato veniali, sequeretur illud veniale æquale fore mortali, atque eadem cum ipso æterna pœna placendum esse. Probatur: Quia ideo peccatum mortale meretur pœnam æternam, quia homo nunquam potest pro illo plenè satisfacere: atqui eadem planè ratio foret venialis peccati, si homo pro illo satisfacere non posset: quamdiu enim non solvitur pro peccato, tamdiu non remittitur; adeoque necesse foret veniale peccatum æterna pœna puniri, quod absurdum est.

Resp. dist. maj. Si homo iustus non posset pro peccato veniali satisfacere, neque directè, neque indirectè, veniale illud æquale foret mortali quoad pœnæ æternitatem, concedo: si non posset satisfacere directè tantum, nego. Dist. min. Homo iustus non potest satisfacere pro peccato veniali, directè, concedo: indirectè, nego. Itaque pro aliquo peccato potest duobus modis satisfieri: directè ac immediatè, quando directè compenditur injuria illata per actum æquivalentem gravitati offensæ; vel indirectè, quando non satisfit quidem adæquatè pro offensa, sed aliquid merito obtinetur, cui annexa est peccati venia. Porro non potest re ipsa quis directè ac immediatè satisfacere pro peccato veniali, quia, ut jam non semel dictum fuit, opus quodlibet satisfactorium semper esset ordinis inferioris respectu offensæ, quæ infinita est saltem objectivè ac extrinsecè, ipsum verò opus finitum: at potest homo iustus saltem indirectè satisfacere pro veniali peccato, quia per actum perfectæ charitatis potest mereri gratiam, cui annexa est peccati remissio. Non ita est de peccato mortali: homo quippe qui illius reus est, gratiam de condigno mereri non potest; & si cum ipso moriatur, æternum puniatur; tamdiu quippe pœna solvenda est, quamdiu non dimittitur peccatum: at post mortem peccatum non dimittitur, in inferno enim nulla redemptio.

Atque inde fit ut peccatum veniale aliquando (quanquam per accidens) puniatur pœna æterna, cum nimirum adjunctum habet mortale, quod post hanc vitam non condonatur. Ut enim docet S. Thomas, prima secundæ q. 87. art. 5. ad tertium. *Æternitas pœnæ non respondet quantitati pœnæ in veniali, sed irremissibilitati illius; & ita si quis decedat cum peccato mortali simul & veniali, æternam pœnam sustinebit pro peccato veniali, quia in inferno nulla est redemptio.*

Instabis 1. Si homo iustus Deo satisfacere non posset condignè pro veniali peccato, posset à vita æternæ excludi; tamdiu quippe arcetur à Regno Cælorum, quamdiu culpæ obnoxius est: atqui homo iustus à vita æterna excludi non potest, ad quam, tanquam ad debitam mercedem & iustitiæ coronam, jus habet; ergo &c.

Resp. dist. maj. Posset excludi à vita æterna, si ratio habeatur strictissimæ Dei iustitiæ, quæ plenam & accuratam satisfactionem potest exigere, concedo: si spectetur natura gratiæ justificantis, & debitum ipsi connaturale, nego. Dist. pariter min. Non potest vir iustus ab æterna vita excludi, si spectetur natura gratiæ & debitum ipsi connaturale, concedo: namque cum homo iustus Deo gratus & acceptus sit, & gratiam mereri possit, cui ex condigno annexa est vita æterna, consequenter meretur ut veniale pec-

L. 4. catum.

cū tum ipsi condonetur: si verò ratio habeatur strictissimæ ac severissimæ Dei justitiæ, quæ potest plenam & accuratam repetere satisfactionem, nego. Quippe si Deus vellet ut homo justus in veniale peccatum lapsus sibi condignè satisfaceret, id certè non posset homo ille; quia quodcumque supponeretur ejus opus, ac cujuscumque dignitatis, semper ordinis inferioris & insufficientis foret respectu offensæ Dei reparandæ.

Instabis 2. Qui actum perfectæ charitatis eliceret, v.gr. moriendo pro Christo, nonne condignè ille Deo satisfaceret pro expianda veniali culpa? Nonne tantum ipsi honoris deferret, quantum per peccatum ei abstulerat?

Resp. martyrium quidem esse perfectissimum charitatis ac Religionis Christianæ opus, non tamen hujusmodi, ut seclusa Dei misericordia & gratuita acceptatione, injuriam Deo illatam per veniale peccatum perfectè ac condignè resarciat, quia nulla est æqualitas inter personam offensam, & personam satisfaciensem: quæcumque enim penam homo sustineat, semper impar erit reparandæ injuriæ Deo per peccatum illatæ, eò quod injuria infinita sit, satisfactio verò finita. Per martyrium quidem expungitur debitum omne luendæ poenæ, quia martyrium est actus perfectæ charita-

1. *Peritis*, quæ operis multitudinem peccatorum; & *qui diligit*, non manet in morte:
4. v. 8.
1. *Joan.*
3. v. 14.
verum id assequitur ex Dei clementia & gratuita voluntate, non ex stricta & accurata justitiâ; alia quippe est ratio meriti, & alia satisfactionis, ex jam dictis.

Instabis denique: Peccato veniali debetur pœna dumtaxat temporalis, culpæ proportionata: atqui potest homo condignè satisfacere pro pœna temporali finita, sustinendo scilicet pœnam finitam, quæ culpæ respondeat.

Resp. nego min. Namque, ex jam dictis, plus exigitur ad satisfaciendum, quam ad satis patiendum. Ad illud sufficit proportio pœnæ cum pœnâ; ad illud verò, proportio seu qualitas personæ quæ satisfacit, cum persona offensa cui sit satisfactio: quæ proportio seu æqualitas esse non potest inter Deum & creaturas.

ARTICULUS SECUNDUS.

De veritate satisfactionis Christi; seu, an Christus verè pro nobis Deo satisfecerit.

CAput ipsum pestilentissimi erroris Socinianorum impetimus: hi quippe nihil non tentant, ut merita Christi, ejusque pro nobis oblatam Deo satisfactionem elevent ac funditus subvertant. Atque ne quis in fraudem inducatur speciosis illorum verbis,

Observandum 1. aliquem posse alteri satisfacere duobus præcipue modis; propriè nimirum, vel impropriè seu metaphoricè: Is propriè satisfacit, qui ex stricta justitia solvit pretium æquivalens, ac omne debitum contractum consequenter extinguit: is verò impropriè tantum ac metaphoricè satisfacere dicitur, qui vel per laxæ partis acceptilationem gratuito relaxationem debiti obtinet, vel omnibus conditionibus sibi à voluntate superioris impositis satisfacit.

Observandum 2. posse aliquem alterius servatorem esse ac dici duobus quo-

quoque modis: nimirum aut premio, consilio & exemplo; aut merito, opere & efficacia.

Observandum 3. duplici sensu intelligi posse Christum pro nobis mortuum fuisse. 1. utiliter pro nobis, id est, pro bono & commodo nostro. 2. subrogatione seu substitutione, id est, vice ac loco nostro, tanquam sponsores nostrum, qui debitum nostrum in se transtulit.

Sociniani, ut fucum incautis ac simplicioribus faciant, non insiciantur Christum simpliciter pro nobis satisfecisse; eum Redemptorem ac Servatorem nostrum pro nobis mortuum agnoscere non recusant: sed quo sensu? metaphorica scilicet & impropria satisfactione, quia voluntati divinæ obsequendo satisfecit, adimplens ea quæ à Deo Patre imposita ipsi fuerant ad salutem nostram, gratis obtinendo veniam & indulgentiam nostrorum delictorum; non autem propria & strictè sumpta satisfactione, per sui in locum nostrum subrogationem, ac soluto ad rigorem juris pretio pro redemptione nostra. Servatorem eum esse ac dici non negant quidem: sed quo sensu? consilio, exemplo; non merito, non opere & efficacia. Mortuum etiam pro nobis, hoc est, bono nostro, non differunt; sed non loco nostro, per veram in nostri locum substitutionem ac subrogationem.

Orthodoxi omnes è contra unanimi consensu affirmant, Christum verè ac propriè divinæ justitiæ, per solutionem pretii, non tantum æquivalentis, sed etiam superabundantis, satisfecisse; cum verum & ad rigorem juris nostrum esse Liberatorem ac Servatorem; non exemplo tantum & consilio, sed merito & opere; mortuum denique pro nobis, non tantum pro bono nostro, sed loco nostri per veram & propriam in nostri locum subrogationem ac substitutionem. Itaque sit

CONCLUSIO.

Christus pro nobis verè ac propriè divinæ justitiæ satisfecit.

Probat ex Scripturis, quæ à contortis Socinianorum exceptionibus vindicantur.

Multiplex argumenti genus ex Scripturis deducitur ad demonstrandum præsens dogma catholicum, quod capitale est, speique nostræ christianæ fundamentum. Quatuor potissimum argumenta hic proponemus, ad quæ cætera revocari facile possunt.

Primum ex Scripturis Argumentum.

Christus proprio suo sanguine nos redemit.

Primæ Cor. 6. v. 20. *Empti estis pretio magno.* Ephes. 1. v. 7. *In quo (Christo) habemus redemptionem per sanguinem ejus; remissionem peccatorum.* Ad Tit. 2. v. 14. *Dedit semetipsum pro nobis, ut redimeret nos ab omni iniquitate.* Primæ ad Timoth. 2. v. 6. *Qui dedit semetipsum redemptionem pro omnibus,* ἀντίλυτρον ὅλης τῆς ἀνθρωπότητος, id est, pretium redemptionis pro omni-

omnibus. Et Hebr. 7. v. 22. Christus dicitur *melioris testamenti sponsor factus*. Quo verò sensu sponsor fit, exponit cap. 9. v. 15. Ideo, inquit, *novi Testamenti mediator est, ut morte intercedente, in redemptionem earum pravaricationum, quæ erant sub priori Testamento, repromissionem accipiant, qui vocati sunt, æternæ hereditatis*. Gal. 3. v. 13. *Christus nos redemit de maledicto Legis, factus pro nobis maledictum: id est maledictionem seu punitionem nobis debitam in se transfudit*. Primæ Petri 1. v. 18. *Scientes quod non corruptibilibus auro vel argento redempti estis de vana vestra conversatione paternæ traditionis, sed pretioso sanguine, quasi agni immaculati Christi, & incontaminati*. Denique Matth. 20. v. 28. *Filius hominis venit dare animam suam redemptionem pro multis*; in Græco, *pretium pro multis*, idèd impositum illi Jesu nomen: *Vocabis nomen eius Jesum: ipse enim salvum faciet populum suum à peccatis eorum*.

Matth.
28.

Ex quibus testimoniis sic invicè arguimus: Ille propriè merito & opere, non exemplo tantum ac consilio pro nobis satisfecit, qui verum ac proprium pretium solvit, quo redempti ac liberati sumus; pretii etenim accurata per solutio necessariò ad satisfactionem & debitum contractum refertur: atqui Christus verum ac proprium pretium pro nobis solvit, proprium scilicet sanguinem, quo redempti & liberati sumus. Sicut enim in auro & argento, cujus comparisonem affert S. Petrus, vera inest ratio pretii ac valoris respectu rei temporalis venalis, ita in sanguine Christi vera pretii ratio est agnoscenda, respectu humanæ redemptionis; ergo &c.

Socinianorum responsio.

Respondet Sociniani, redemptionis nomine, in locis mox laudatis, non veram & propriè dictam intelligi redemptionem, quæ fiat intercedente vero pretio, sed impropriad & metaphoricam; adeoque satisfactionem ex tali redemptione proventientem, impropriad quoque esse ac metaphoricam. Responsum sic probant.

I. Quia vox ista, *redemptio*, sæpius in Scripturis sumitur pro simplici liberatione quæ fit gratis, nullo intercedente pretio. Sic Exodi 15. v. 13. dicitur *Deus in misericordia redemisse populum*, ex captivitate nimirum Egyptiorum. Et Deut. 7. v. 8. *Redemit vos de domo servitutis*. Et Psalm. 76. v. 16. *Redemisti in brachio populum tuum*. Et alibi sæpius. Quidni igitur in locis (inquit adversarii) pro sententia nostra citatis, *redemptionis* nomine, impropriad & metaphorica intelligitur? præsertim cum redemptio hæc nostra sæpius cum Israelitica conferatur, & hæc illius typus fuerit & figura, ut colligitur ex cap. 1. S. Lucæ v. 68. Neque refert 1. quod pretium aliquod intercessisse dicatur in illa nostra per Christum redemptione: namque sanguis ille Christi propriè pretium non fuit solutionis, sed impropriad, quia nempe ad præsentiam illius liberamur à Deo. Nec refert 2. quod Christus non tantum dicatur pretium solvisse, sed etiam seipsum dedisse *pro pretio solutionis*; seu seipsum, per quamdam commutationem, in nostri locum substituisse, quod vox *pro* importat: namque sæpius fit commutatio sine ulla compensatione aut satisfactione. Sic Proverb. 21. v. 18. dicitur: *Pro iusto datur impius, & pro rebus iniquis*. Et Isaïæ 43. v. 3. *Ego Dominus Deus*.

Deus tuus Israel Salvator tuus, dedi propitiationem tuam Egyptum, Æthiopiam & Saba pro te. Quibus in locis unus pro altero fit substitutio, sine ulla tamen compensatione & satisfactione. Ergo et si Christus in nostri locum substitutus sit, non sequitur eum pro nobis verè satisfecisse.

II. Moses Act. 7. v. 35. dicitur à Deo missus redemptor, græcè, *λυτρωτής*. Hunc Deus principem & redemptorem misit. At certum est Moysen nullam propriè satisfactionem Deo pro Israelitis exhibuisse.

III. Si redemptio propriè foret intelligenda ad captivorum liberationem, solvendum fuisset detinenti pretium: at nec solutum illi est, nec solvi potuit; quis enim dixerit, quidpiam solutum fuisse vel diabolo, vel iniquitatibus, vel vanæ conversationi, vel Legis execrationi, à quibus dicimur in Scripturis detentari?

IV. Dici non posse Deum pretium illud accepisse, ut vulgò creditur, cum ipsemet redemptionem nobis fecerit, & Filium suum pro nobis impenderit.

V. Christus Rom. 5. v. 9. dicitur liberare nos ab ira per vitam. Ergo non per mortem; non aliquid pretium solvendo pro nobis, sed potentia sua in Judicii die nos ab æterna morte vindicando.

VI. denique, ita redempti sumus, quo modo venditi: at venditi sumus gratis & sine pretio, cum nos ipsos in servitutem diaboli & peccati mancipavimus; ergo & redempti pariter fuimus sine ullo pretio. Sic arguunt Socinus L. 2. de Servatore c. 1. & 2. Volkelius de vera Religione L. 3. c. 18. Catechesis Racoviensis c. 8. qu. 25. 26. Crellius passim in Dissertatione contra Grotium &c.

Refellitur.

Refellitur Sociniana responsio. Quia nomine *redemptionis*, propria & verè intelligi debet, non metaphorica. 1. Quia hæc est primaria & maximè propria significatio hujus vocis, à qua sine necessitate recedere non licet. Neque id diffidetur Socinus. Cap. enim 1. Lib. 2. de Servatore ait, *Redimere aliquem nihil aliud propriè significat, quàm captivum è manibus illius qui illum detinet, dato pretio liberare*. 2. Quia conditio hominis redimendi hoc postulat, utpote qui non modò diaboli, & mortis, sed & peccati, tam quoad reatum, quàm quoad maculam, legis & justitiæ divinæ sit captivus; unde liberari proinde non potuit, nisi data satisfactione. 3. Quia talis est redemptio quæ facta est interveniente pretio, primæ Cor. 6. v. 20. & quidem pretio propriè dicto, sicuti est aurum & argentum, cum quo pretium sanguinis Christi comparatur ab Apostolo Petro. 4. Non modò *λύτρω* seu *pretii* mentio fit, sed *ἀντάγω*, quod non quodvis pretium denotat, sed æquivalens debito, & tale, quod commutationem debitoris, & veram debiti compensationem significat; quæ vis est præpositionis *ἀντί*, quæ hic veram substitutionem designat. Atque hinc faciliè solvuntur momenta quibus commentum suum confirmare nituntur adversarii. Ad singula ergo respondemus.

Ad primum: Esto in aliquibus Scripturæ locis vox ista *redemptio*, metaphorice usurpetur, ergo in omnibus sic intelligenda est? Quæ absurditas! Perin-

Perinde est ac si diceret quis, vox *Leo* metaphoricè sumitur, cùm Christus appellatur *Leo de Tribu Juda*; ergo semper in Scripturis vox *Leo* metaphoricè usurpatur. Subjecta materia, loci circumstantiæ variz pensandæ sunt, ex quibus intelligitur quis esse debeat vocis hujus *redemptionis* significatio. Ex mox dictis autem constat, in citatis pro Conclusionem nostram Scripturæ testimoniis, redemptionem propriè, & non metaphoricè usurpari. Nec obstat, quòd redemptio Israelitarum figura fuerit hujus nostræ per Christum redemptionis: comparatio similitudis est cujusdam inter utramque, non identitatis; & quidem si antiquorum liberatio ex captivitate Ægyptiorum nostræ typus fuit, necesse est illam non tam perfectam fuisse, quàm sit nostra, *Oportet enim*, inquit S. Chrysostomus Hom. 61. in Gen. *figuram minùs habere quàm*

To. 4. p. 587. A.

Apoca. 13. v. 8.

Ad. 4. v. 12.

veritatem: quia alioqui non fuisset figura eorum quæ post hæc futura erant. Quamquam & dici non immeritò potest, hanc antiquorum liberationem non sine pretio fuisse; quia nempe ad pretium per Christum in plenitudine temporum offerendum ordinem habuit, Christus enim est *agnus occisus ab origine mundi*. Unde S. Paulus secundæ Corinth. 1. v. 20. asserit omnes Dei promissiones in Christo factas esse: *Non est enim aliud sub Cælo nomen, in quo oporteat nos salvos fieri.* Falsò igitur asserunt adversarii, sanguinem Christi habere rationem pretii improprie; nempe quia ad illius præsentiam Deus peccata relaxat: gratis enim & absque ulla probatione id fingitur; verum quippe pretium solvit, & quidem æquivalens pro offensa Deo per peccatum irrogata. Falsum etiam est, Christum esse pretium sine ulla commutatione & substitutione: neque loca Prov. 21. & Isaïæ 43. aliud evincunt; cùm & in his quoque exemplis à Crellio allatis, non sine aliqua compensatione facta sit remissio: Deus quippe in Ægyptios & alios populos pœnas derivavit, quas justè exigere poterat à populo suo, sed quas misericorditer in alios transferre decrevit, ut ipsi parceret.

Ad secundum: Moyses redemptor dicitur, quia princeps fuit & caput redemptionis Israelitarum ex servitute Ægyptiaca; neque tamen pretium solvit eo modo quo Christus pro nobis satisfecit. Non enim urgeri debet paritas Christi cum Moyse: hic quippe servus, ille fuit Dominus; hic redemptor temporalis, ille æternus; hic præconio, voce, & prodigiis virtute Dei factis populum liberavit, ille verò proprio sanguine.

Ad tertium, nego min. Solutum enim est pretium primario detinenti, seu Deo justo Judici, cujus justitiæ obstricti eramus: at somniant haud dubiè adversarii, cùm ajunt, nihil peccatis, nihil conversationi, nihil diabolo, à quo detinebamur, persolutum fuisse; quasi quireuse sit & pœnam luere teneatur, hanc aut carceris custodi, aut carnifici debeat, non verò Judici qui bonum publicum curare debet, & pœnæ timore arcere malos. Non est solvendum pretium peccatis, sed pro peccatis; non dæmoni, qui executor est mandatorum Dei, sed ipsi Deo, qui Judex est supremus, nec peccatum impunitum omnino pati potest.

Ad quartum: Nihil obstat Deum dedisse Filium suum nobis Redemptorem & pretium redemptionis Deo persolutum fuisse. Quòd Deus Filium suum dederit, ex summa misericordia ac dilectione fuit, quòd verò pretium ex Filii proprii sanguine repetierit, ex stricta justitia. Quapropter mirum est in Incarnatione justitiæ & misericordiæ temperamentum: nobis perpeccit Deus ex misericordia, & à Christo pœnas repetiit ex justitia.

Ad

Ad quintum: Deus liberat nos per vitam gratiæ, quæ ex morte Christi omne meritum suum trahit; ita ut gratia, qua actu & de facto liberamur, ex morte Christi, tanquam ex principio & origine fluat: mors Christi nostra liberatio est de jure; gratia verò per mortem Christi data, liberatio est de facto.

Ad ultimum, nego maj. Gratis enim excidimus, & in diaboli potestate venimus culpa & inobedientia nostra; sed redimi non posuimus, nisi satisfactionis interventu. In nostra quidem potestate est peccare; sed non est in nostra potestate, ut ex peccato resurgamus sine beneficio gratiæ, quæ nulli debetur, & pro qua nobis concilianda, Christus sanguinem suum in pretium obtulit.

SECUNDUM ARGUMENTUM.

Christus pro nobis, seu loco nostro, per veram substitutionem passus & mortuus est.

Rom. 8. v. 32. *Proprio Filio non pepercit, sed pro nobis omnibus tradidit illum.* Et cap. 5. v. 6. & 8. *Vix pro justo quis moritur Commendat autem charitatem suam Deus in nobis; quoniam cum adhuc peccatores essemus, secundum tempus, Christus pro nobis mortuus est.* Primæ Petri 3. v. 18. *Christus semel pro peccatis nostris mortuus est, iustus pro iniustus, ut nos offerret Deo.* Galat. 3. v. 13. *Christus nos redemit de maledicto Legis, factus pro nobis maledictum: quia scriptum est, Maledictus omnis qui pendet in ligno.* Denique secundæ Corinth. 5. v. 21. *Eum, qui non noverat peccatum, pro nobis peccatum fecit, ut nos efficeremur iustitia Dei in ipso.*

Pro nobis verò seu loco nostro mori voluit Christus, ut morte sua nos Deo Patri reconciliaret. Rom. 5. v. 10. *Cum inimici essemus, reconciliati sumus Deo per mortem Filii eius.* Et Ephes. 2. v. 13. *Nunc autem in Christo Jesu, vos, qui aliquando eratis longè, facti estis propè in sanguine Christi.* Ipse enim est pax nostra, qui fecit utraque unum, & medium parietem mœviæ solvens inimicitias in carne sua . . . ut . . . reconciliet ambos in uno corpore Deo per crucem, interficiens inimicitias in semetipso. Coloss. 1. v. 19. *In ipso (Christo) complacuit omnem plenitudinem inhabitare; & per eum reconciliare omnia in ipsum, pacificans per sanguinem crucis eius, sive quæ in terris, sive quæ in Cælis sunt.* Et vos cum essetis aliquando alienati & inimici sensu in operibus malis; nunc autem reconciliavit in corpore carnis ejus per mortem.

Ex quibus omnibus certissimè colligitur, Christum loco nostri fuisse subrogatum, ac debita, nostra solvisse: non tantum enim dicitur pro nobis mortuus, quod subrogationem importat; sed quòd nos redemit de maledicto Legis, factus ipse maledictum, quod subrogationem simul & debiti solutionem arguit. Unde sic argumentum conficitur.

Ille noster Servator est, non exemplo tantum, sed etiam merito, qui non tantum bono nostro & commodo, sed vice & loco nostro mortuus est: atqui Christus non tantum bono nostro & commodo, sed etiam vice, seu loco nostro per veram substitutionem ac subrogationem mortuus est, ergo

ergo noster est Servator, non exemplo tantum, sed & merito; adeoque propriè ac verè pro nobis satisfecit..

Socinianorum responsio.

Respondent Sociniani; citatis locis non veram & propriam Christi pro nobis substitutionem ac satisfactionem denotari, quia ipsa particula *ὑπὲρ*, *pro*, alium in Scripturis sensum habet, ac significat tantum causam finalem ob quam Christus mortuus est. Responzionem suam multis probant..

I. Quia Fideles jubentur *pro* fratribus animas ponere.. 1. Joann. 3. v. 16. & S. Paulus Coloss. 1. v. 24. ait gaudere se in passionibus *pro* fratribus; & adimplere in carne sua ea quæ defunt passionum Christi, *pro* corpore ejus, quod est Ecclesia: ubi eadem particula, *pro*, usurpatur, nec tamen quis dixerit, substitutionem & veram satisfactionem a Fidelibus, aut à S. Paulo factam designari.

II. Si Christus nostro loco mortuus fuisset & passus, non possemus eidem mortis & passionum pœnæ subjici, nec ad eam tolerandam excitari; siquidem Christus supponitur ab ea necessitate morte sua nos exemisse: at tamen Christus ipse ait Matth. 16. v. 24. & Lucæ 9. v. 23. *Si quis vult venire post me, abneget semetipsum, & tollat crucem suam.* Et 1. Petri 2. v. 20. in hoc passus est Christus, *relinquens vobis exemplum, ut sequamini vestigia eius.*

III. Eo ipso modo Christus in Scripturis pro nobis mortuus dicitur, quod dicitur pro ipsis nostris peccatis mortuus ac traditus: at cum dicitur traditus & mortuus pro peccatis nostris, sensus non est, Christum loco peccatorum nostrorum mortuum fuisse, sed tantum peccatorum nostrorum causa, sive propter peccata nostra, ita ut particula, *pro*, denotet tantum causam finalem propter quam mortuus sit, nimirum ut nos ab illis peccatis avocaret, inspirando & peccati odium, & ardentissimum virtutis amorem: quo sensu dixit S. Paulus Galat. 1. v. 4. *Dedit semetipsum pro peccatis nostris; ut eriperet nos de presenti seculo nequam.*

IV. Quando Christus dicitur ab Apostolo, *factus pro nobis maledictum & peccatum*; sensus non est, Christum debitam nobis pœnam pro nobis sustinuisse: aliàs, sicut nobis æterna pœna debita erat, ita Christus æternam sustinere debuisset, quod falsum est.

Refellitur.

Refellitur Sociniana responsio. Namque in locis citatis, particula *ὑπὲρ*; *pro*, veram unius pro alio substitutionem, ac consequenter veram importat satisfactionem; quod his momentis efficacissimè demonstratur.

I. ex communi ac recepto usu apud Auctores tum prophanos, tum sacros, quo constat dictam particulam *pro*, cum de personis agitur, frequentissimè substitutionem & subrogationem unius pro altera designare. Sic apud Virgilium, *unum pro multis dabitur caput*; Apud Tullium, *unus Cato est mihi pro centum millibus*. Hoc sensu usurpatur in veteri & novo Testamento. 2. Regum cap. 18. v. 33. David. defens obitum Absalonis filii, ait: *Absalon, fili.*

fili mi, quis mihi tribuat ut ego moriar pro te? id est, utinam pro te seu loco tuo mortuus essem. Exodi 4. v. 16. cum Moyſes impeditoris ac tardioris linguz foret, datur ei Aaron interpres, de quo dicitur, *Ipsę loqueretur pro te ad populum, & erit os tuum;* id est, erit vice oris tui. Sic Paulus Rom. 9. v. 3. optat anathema esse à Christo pro fratribus; id est, loco fratrum. Etcap. 5. v. 7. idem Apostolus ait: *Vix pro iusto quis moriatur,* id est, ejus loco, ut vertit Syrus. Denique 2. Corinth. 5. v. 20. dicuntur Apostoli *pro Christo legatione fungi;* id est, non tantum nomine & auctoritate Christi, sed etiam ipsius vice & loco, tanquam Deo exhortante per nos, inquit ibid. S. Paulus. Immerito igitur adversarii ab hoc communi & recepto usu recedunt.

II. Hoc ipsum evincit particula *ἀντὶ*, quæ in hocce argumento etiam adhibetur, Matth. 20. v. 28. ubi Christus dicitur venire, *ut daret animam suam redemptionem pro multis,* aut, *pretium redemptionis pro multis* ἀντὶ πολλῶν. Quæ particula frequentissime substitutionem & commutationem denotat in Scripturis, 1. Corinth. 11. v. 15. de muliere dicitur, *quoniam capilli pro velamine ei dati sunt, ἀντὶ τραπεζῆς;* id est, velaminis loco. Lucæ 11. v. 11. *Numquid pro pisce serpentem dabit ei?* id est, loco piscis. Matth. 2. v. 22. Archelaus regnat pro patre; id est, loco patris, seu successit in locum patris. *Audiens autem quod Archelaus regnaret in Judea pro Herode patre suo, timuit illò ire.* Denique Matth. 17. v. 26. Petrus jubetur pro se & pro Christo dare staterem: quibus omnibus in locis extat particula *ἀντὶ*, veramque substitutionem & commutationem significat.

III. Mors Christi pro nobis, in Scripturis exhibetur tanquam ipsi tam propria & singularis, ut nemini alteri convenire possit. *Numquid,* inquit Apostolus 1. Corinth. 1. v. 13. *Paulus crucifixus est pro vobis? aut in nomine Pauli baptizati estis?* Porro si Christus, ut volunt adversarii, pro nobis hoc sensu tantum mortuus foret, quod utiliter & bono nostro, non autem loco nostro mortem subiisset, quid in hoc tam proprium fuisset ac singulare, quod & Apostolis, & Martyribus etiam non possit adaptari? omnes enim illi sanguinem fuderunt bono & utilitate nostra, ut nos in fide confirmet, animosque nostros in spem vitæ æternæ erigant. Neque audiendus Socius, dum respondet L. 1. de Servatore c. 8. Christum propriè & singulariter dici pro nobis mortuum, tum quia primus omnium pro nobis mortuus est; tum quia morte sua nos in vita conservat & à morte eripit. Namque ex prima illa responsione sequitur, inter mortem Christi & Apostolorum, discrimen tantum esse ordinis & gradus, non rei ipsius, ac posse simpliciter affirmari, Apostolos mortuos esse pro nobis, quia men mortui sint post Christum. At expressè negat Apostolus, dici posse Paulum crucifixum fuisse pro Fidelibus. Secunda verò responsio, aut nihil evincit, aut nobis favet. Quippe non alia ratione Christus morte sua nos à morte liberavit, quam pretium pro nobis solvendo, semetipsum pro nobis tanquam victimam offerendo.

IV. denique, hanc mortis Christi pro nobis vim satisfactoriam circumstantiæ ipsæ locorum evidentissime adstruunt. Neque enim Christus dicitur tantum mortuus pro nobis, sed etiam datus ut nos redimeret, ad Tit. 2. cap. v. 14. ut nos iustificaret & Deo reconciliaret, Rom. 5. v. 10. ut ab omnibus peccatis nos mundaret.

mundaret & Deo in æternum conservaret, Hebr. 9. v. 14. & 10. v. 14. ut victimam quæ peccatoribus ipsius vicem subit, & mortem illi debitam sustineret, Ephes. 5. v. 2. quæ sanè perperam dicerentur, nisi substitutio, & ex substitutione pœnæ compensatio inferretur. Constat igitur particulis *ut ipse* & *ut illi* in omnibus citatis locis, in quibus de Christi persona agitur, veram & propriam illius loco nostri substitutionem ac substitutionem designari: ex quo facile est respondere ad probationes quibus adversarii humentum suum fulcire conantur.

Ad primum: fatemur ultrò particulam *pro*, nonnunquam veram substitutionem non denotare: verum immeritò prorsus hinc inferunt adversarii, in citatis Scripturæ testimoniis illam non designari; subiecta quippe materia, circumstantiæ locorum pensandæ sunt, ex quibus varius illius particulae sensus facillimè elicitur. De Fidelibus nusquam legitur, quòd mori debeant pro fratribus, eos redimendo, iustificando, Deo reconciliando, ab omnibus peccatis mundando, ab æterna morteliberando, pro ipsis pretium solvendo, quæ omnia de Christo dicuntur. Cum igitur jubentur Fideles ad exemplum Christi pro fratribus animas ponere, sensus est, illos debere mortis periculum adire, imò & mortem ipsam constanter tolerare, quoties vel Dei gloria, vel proximi salus & Ecclesiæ ædificatio id postulare videtur; atque in eo charitatem Christi imitari, qui pro nobis mortuus est: non quòd eadem sit ratio mortis Christi pro nobis, ac Fidelium pro fratribus; sed quòd secundum aliquem finem, nimirum secundum charitatis exemplum, non verò secundum satisfactionis meritum, mors Fidelium pro fratribus imitari utcumque debet mortem Christi pro omnibus. Pariter Apostoli dicuntur pati pro Ecclesiâ, non quidem pretio redimenda, hoc enim modo unus Christus pro omnibus mortuus est, 2. Corinth. 5. v. 14. sed exemplo ædificanda & confirmanda. Id apertè testatur S. Paulus, 2. Corinth. 1. v. 6. *Sive autem; inquit, tribulamur pro vestra exhortatione & salute, sive consolamur pro vestra consolatione, sive exhortamur pro vestra exhortatione & salute, quæ operatur tolerantiam eandem passionum quas & nos patimur*. Aliquem igitur mortis Christi finem imitari & assequi possunt quidem Fideles, sed non omnem.

Ad secundum: falsum est quòd si Christus pro nobis mortuus sit, nos ab ipsa morte temporali, cæterisque vitæ hujus ærumnis ac miseriis liberaverit. Mortuus quidem est Christus, non ut à morte temporali non liberaret, sed æterna; non ut ab omnibus afflictionibus & pœnis immunes faceret, sed ut pœnis illis, quas ad illius exemplum sustinere tenemur, morte sua pretium, ac meritum vitæ æternæ acquireret: namque abque meritum Christum facta nostris actionibus applicatione, steriles illæ omnino sunt in ordine ad vitam æternam: quo sensu dicebat S. Paulus Coloss. 1. v. 24. *Adimpleo ea quæ desunt passionum Christi in carne mea*. Ad agonem igitur, ad pietatis exercitium & incrementum, ad immortalitatis instrumentum, præsentis vitæ miseriis subijcitur; *virtus enim in infirmitate perficitur*, ait Apostolus 2. Corinth. 12. v. 9.

Ad tertium: Nego Christum in Scripturis eodem modo dici pro peccatis mortuum, quo pro nobis. Peccant adversarii fallacia figuræ dictionis, quasi eadem particula *ut ipse*, *pro*, vim eandem ubique obtineat; cum diversitas subiecti

subiecti diversum sensum postulet; & aliter prore, aliter pro persona quis moti dicatur. Christus igitur mortuus est pro peccatis nostris expiandis & tollendis, ita ut particula, *pro*, ibi significet, vel causam efficientem merito-riam & impulsivam, quia peccatorum demerita Christum impulserunt, ut morti se traderet; vel causam finalem, quia finis mortis Christi, est peccato-rum expiatio. Porro expiatio illa facta est per solutionem veri pretii, & ve-ram in nostri locum Christi subrogationem; adeoque eadem particula rebus applicata, causam vel efficientem, impulsivam & meritoriam, vel finalem significat; personæ verò applicata, veram substitutionem ac subrogatio-nem: unde adversarii immerito utrumque hunc sensum confundunt; uter-que enim sanus est & in Scripturis expressus.

Ad quartum: Dico Christum pro nobis hoc sensu factum esse maledictum, quia omnem maledictionem & penam peccatoribus debitam pertulit. Neque tamen idcirco necesse fuit, ut penam aeternam, quam incurreramus, sustine-ret: namque penæ acerbitas, quam constanter tulit, æquivalens fuit penæ in duratione aeternæ; siquidem penæ mensura ac meritum repeti debet ex condi-tione personæ quæ illam sustinet. Cum igitur persona Christi, utpotè divi-na, infinita fuerit, quamdam infinitatem penæ ab ipso toleratæ communi-cat; atque ita penæ Christi, etsi temporaneæ, æquivalentes fuere aeternæ, pro qua consequenter plusquam abundanter morte sua satisfecit.

TERTIUM ARGUMENTUM.

Christus peccata nostra portavit.

Apertè id declarant Isaias, & S. Petrus.

Isaias toto ferè capite 53. abjectionem Christi, ejusque pro nobis subro-gationem ac satisfactionem describit. *Non est specus ei, neque decor*, inquit v. 2. Et v. 4. *Verè languores nostros ipse tulit, & dolores nostros ipse portavit*. Et v. 5. *Ipsè vulneratus est propter iniquitates nostras; attritus est propter scelera nostra: disciplina pacis nostræ super eum, & livore ejus sanati sumus*. Et v. 6. *Posuit Do-minus in eo iniquitates omnium nostrum*. Et v. 10. *Dominus voluit conterere eum in infirmitate &c.*

Christum Dei filium eo in loco à Propheta designari, contra recentiores Ju-dæos, absque controversia suppono, id consentientibus Socinianis. Neque verò fidei orthodoxæ satis consulit Grotius in suis ad hunc locum Annotationibus, ubi Judæis plus æquo indulgens, verba illa, juxta litteræ sensum, ad Isaiam inflecti posse opinatur. Fatendum tamen, illum in sua de Christi satisfactione contra Socinum Dissertatione, pro fide Catholica ex isto Isaiæ testimonio non-nulla argumenta excerptisse. In hoc porro Scripturæ testimonio, veram & pro-priè dictam Christi pro nobis satisfactionem, ac nostri loco substitutionem ex-pōni, nemo nisi cæcus non videat, quod isto argumento demonstratur.

Ille verè pro nobis satisfecit & loco nostri subrogatus est, qui cum pec-catum nullum fecisset, nostra tamen peccata tulit; (non quidem quoad cul-pam, sed quoad penam) qui propter illa peccata, pro quibus vadem se præstitit, vulneratus est, attritus, morti traditus, ut hac morte sua nos sanaret ac liberaret: atqui talis est Christus; ergo &c.

Tournely de Incarnatione.

M

Minor

Minor sola lectione verborum *Isaiz* indiget.

Major autem aperta est ex usu ac communi stylo Scripturæ, quo constat, eum dici portare peccata, qui pro peccatis punitur & plectitur, ut Levitici v. 1. & cap. 19. v. 8. & cap. 20. v. 17. & cap. 24. v. 13. Num. 14. v. 33. Cum igitur Christus nullum peccatum fecerit, propter quod puniri debuerit, sequitur illum punitum fuisse propter nostra peccata, pro quibus vadem se ac sponsorem fecit: qui autem penas alteri debitas in se recipit & transfert, nonne in alterius locum merito subrogatus & pro illo satisfacere dicitur?

S. Petrus ad hunc *Isaiz* locum haud dubiè respexit cap. 2. Epistola suæ i. v. 24. ubi de Christo ait: *Peccata nostra ipse pertulit in corpore suo super lignum, ut peccatis mortui, iustitie vivamus; cuius livore sanati estis.* Clariora hæc sunt, quam ut explicatione indigeant: tenebras tamen his testimoniis offundere tentant adversarii suis contortis expositionibus.

Responsio Socinianorum.

Respondent itaque Sociniani.

I. Phrasim istam, *peccata portare, ferre*, idem significare ac *peccata auferre, tollere*: quo sensu Exodi 34. v. 7. de Deo dicitur: *Qui custodis misericordiam in millia; qui portas iniquitatem & scelera atque peccata*, quod quidem Num. 14. v. 18. repetitur: Porro Deus non dicitur portare peccata, ea ferendo, & penas pro iis sustinendo, sed ea dumtaxat auferendo & tollendo: pariter igitur Christus dicitur portare peccata nostra, non quod sustinuerit universas penas nobis debitas, sed quod à nobis omnes dolores & languores abstulerit, nosque ab omnibus malis libera verit.

II. Non posse locum hunc aliter intelligi; quam de peccati & pœnæ remotione, probant ex Matthæi 8. cap. v. 16. & 17. ubi impletum dicitur istud vaticinium quando ægros sanabat & varios morbos curabat: *Vespere autem facto*, inquit, S. Matth. *obdulerunt ei multos demonia habentes, & eiciebat spiritus verbo; & omnes male habentes curavit: ut adimpleretur quod dictum est per Isaïam Prophetam dicentem, Ipse infirmitates nostras accepit, & egrotationes nostras portavit.* Ut igitur morbos portasse dicitur, non in se illos transferendo, sed à nobis auferendo; eodem sensu peccata nostra portasse dicitur ab *Isaia* & S. Petro, ea à nobis auferendo, non in se portando.

III. Confirmant eandem hanc expositionem, ex typo hirci emissarii, unde petita videtur hæc loquendi ratio, de quo Levitici 16. dicitur, quod super eum Aaron iussu Dei omnia populi delicta confitebatur, ejusque capiti imponebat, quæ deinde emissus in desertum asportabat. Porro illi hirci verè peccata populi imputari non potuisse, nec abeuntem illa secum verè asportasse certum est: hoc unum igitur innuit sacer contextus, voluisse Deum non minus à populo ablata fuisse per Christum omnia peccata, quam si hircus ille super se habens universa, in desertum illa secum asportasset.

IV. Esti concedi posset *peccata portare* idem esse ac pœnas peccatis debitas luere, non inde tamen satisfactionem concludi posse asserunt. Quare? quia non semper pœnæ impositionem connotat hæc loquendi ratio, sed simplicem assiduum occasionem peccati illatam: ut patet ex Num. 14. v. 39. ex quo

quo sequitur quidem, Christum afflictum fuisse propter peccata, id est eorum occasione, at non ea in se transferendo.

V. Ad verba illa versùs 6. *Posuit Dominus in eo iniquitates omnium nostrum;* seu, ut vertunt juxta textum hebraeum, *fecit Deus occurrere iniquitatem nostram super eum.* reponunt, dupliciter reddi ea posse, & quidem commodius quàm à nobis fieri soleat: ita ut sensus sit, *Deus occurrit per Christum iniquitatis omnium nostrum;* vel, *Deus occurrere fecit ei iniquitatem omnium nostrum:* id est, Deus effecit, ut omnium nostrum iniquitates Christo obviam fierent; & ipsum quodammodò aggredierentur, cum nempe nostrarum iniquitatum causa mori eum voluerit. Sic illi perversissimè locum hunc detorquere ac corrumpere nituntur.

Refellitur.

Ad primum: Eodem semper vitio laborant adversarii, quasi ejusdem verbi idem semper foret sensus in diversis circumstantiis: subjecta materia, locorum circumstantia, occasio, & alia ejusmodi spectanda sunt, ex quibus phrasis sensus legitimus exculpi debet. Etsi igitur phrasis ista, *peccata portare*, aliquando per metonymicam translationem ponatur pro *auferre* & *condonare*, non sequitur, in locis Scripturæ adductis hoc sensu esse usurpandam. Namque 1. Socinus ipse Praelectionum c. 21. fatetur *peccata portare*, idem esse, ac *peccatorum penas ferre*: & certè negare non potest, quin in multis aliis Scripturæ locis iste sit illius phrasis sensus. 2. Quia si textus hebraeus consulatur, duplex verbum occurrit, quorum unum simpliciter quidem idem sonat, ac *peccatum auferre*, seu *tollere*; aliud verò idem, ac *peccatum ferre*, seu *portare*. Uterque autem sensus verus est: Christus enim nostra ferendo seu portando peccata, ea à nobis abstulit. 3. Quia non quolibet modo peccata portasse dicitur Christus, sed per *attritionem*, per *vulnerationem*, & *confectionem in eum iniquitatum nostrarum*; quod certè dici non posset, nisi peccati poenam in se suscepisset. Unde S. Petrus aiteum portasse illa peccata in corpore suo super lignum: id est, patiendo & moriendo pro nobis. 4. denique, quia dicitur *posuisse animam suam victimam pro peccato*, scilicet per mortis perpeffionem & sanguinis effusionem, quæ omnia lucemeridiana clariùs significant veram satisfactionem & poenæ peccatis debitæ susceptionem. Dicant porro adversarii, an eodem sensu Deus Exodi 34. v. 7. dicatur *portare peccata*? Quis nesciat Deum corporis & passionis expertem, non posse dici hoc sensu peccata portare, quasi penas peccatis debitas sustineret? An de Deo non incarnato usquam dixit Scriptura, *attritum illum fuisse, vulneratum, percussum propter peccata nostra, aut eum victimam factum pro nobis*? Nihil igitur mirum, quòd phrasis ista, *portare peccata*, Deo adaptata, simplicem peccati remissionem significet: verùm de Deo homine factò longè alia est ratio; cum quippè peccata nostra portasse, attritum, percussum, vulneratum, occisum fuisse certissimum est; ac consequenter loco nostro subrogatum Deo plenè satisfecisse.

Ad secundum: Etsi oraculum Isaïæ impletum dicatur, cum Christus morbos corporeos sanabat, quos non ferebat, sed auferabat tantum, non sequitur idem & de morbis animi seu peccatis sentiendum esse, quia utro-

rumque valdè diversa ratio est. Nam ad illorum sanationem, necesse non erat Christum ipsum infirmari & agrotare; sola ejus potentia sufficiebat: verùm ad istos curandos, requirebatur insuper justitia, ac debuit eos prius ferre atque in se recipere, quam à nobis eos auferret; unde inducitur Propheta tanquam *vincitatus & attritus*, quod certè non ad morbos corporis, sed animi dumtaxat curandos necesse erat. Atque hinc difficile non est colligere, quid voluerit Spiritus sanctus in hoc oraculo, & quomodo impletum illud dici possit, cum morbos corporis Christus curabat. Scilicet Propheta loquitur primario & directè de languoribus & morbis spiritualibus seu peccatis, quorum pœnæ fuerunt Christo impositæ: sed quia morbi corporis pertinent ad pœnas peccatorum, secundario & subordinatè ad ipsos etiam spectavit, quia jus habebat sanandi eos. Itaque quod Propheta generatim dixerat de quibuslibet morbis, S. Petrus ad morbos animi in specie, S. verò Matthæus transfert etiam ad morbos corporis, ubi Evangelista non excludit, sed includit potius curationem morborum animi; ut nempe subdita causa effectum tolli demonstret. Ista enim sese invicem juvant & ponunt: morbi animi post se trahunt morbos corporis, sicut morbi corporis supponunt morbos animi. Ita Christus utrosque tulisse dicitur, sed diversimodè, pro diversa natura subiecti: illos quidem auferendo tantum per efficaciam, non ferendo per passionem; verùm istos utroque modo, & ferendo, & auferendo. Neque ex eo quod S. Matthæus dicat, Christum sanasse morbos corporis, ut impleretur Propheta vaticinium, inde legitime concludi potest, ad illos solummodò respexisse Spiritum sanctum; quia norunt omnes, rem in Scripturis dici impleri, non tantum cum perfectè & ultimè completur, sed etiam cum incipit impleri quoad aliquam sui partem.

Ad tertium: Milera est isthæc adversariorum confessio; Hircus emissarius propriè peccata non portabat; ergo nec Christus ea propriè tulit. Quasi eadem foret ratio figuræ, quæ & veritatis. Hircus quidem ille qui figuratè adumbravit Christum peccata nostra portantem, propriè ea non portavit, quæ propriè portare non poterat: at Christus veritas huic figuræ correspondens, verè capax fuit ferendi pœnas peccatis nostris debitas, quas utique verè ac propriè tulit in corpore suo super lignum, ut loquitur S. Petrus.

Ad quartum: Esto, in vulgi opinione ac sermone is portare dicatur peccatum, qui occasione alieni peccati punitur: verùm in sensu proprio, accurato & Theologico, qualem hic attendimus, portare is peccata dicitur, qui pœnas ipsis debitas in se suscipit, qui atteritur & vulneratur propter illa, ut loquitur Scriptura de Christo. Neque enim quis dixerit, domum v.g. qui ex furis peccato damnatum patitur, illius peccatum portare, etsi occasione furti, affligatur in bonis suis; quia nempe furti pœnas non sustinet, nec pro furto punitur: Christus igitur non ex occasione tantum, sed meritorie ac propriè propter peccata nostra punitus fuit. Filii etiam aliquando dicuntur portare iniquitatem parentum, vel quia propriè propter illam ipsis divinitus imputatam puniuntur, vel quia illa saltem occasio fuit punitionis ipsis irrogatæ.

Ad ultimum: Duplex illa expositio, vel perversio potius Scripturæ, aut gratis ficta est, aut nobis favet. Namque 1. Scriptura non ait, *Deum occurrisse iniquitatibus nostris per Christum*; sed *iniquitates nostras Christo occurrisse*,

risse, aut in Christum. 2. Quid significat hæc loquendi ratio, omnium nostrum iniquitates Christo obviam factas, eumque aggressas? nisi iniquitates nostras Christo quoad pœnam imputatas fuisse, ac propterea mortuum; quod sanè tota contextus series manifestè demonstrat.

QUARTUM ARGUMENTUM.

Christus sacerdos sacrificium pro nobis obtulit.

Momentum istud hoc syllogismo, & quidem invito, ita concludimus.

Qui verus fuit novæ Legis sacerdos & vera victima, quique semetipsum Deo Patri in sacrificium obtulit pro expiatione nostrorum delictorum, is non bono tantum nostro, ad confirmationem scilicet doctrinæ, & patientiæ exemplum mortuus est, sed loco etiam nostro substitutus plenissimè peccata expiando, verè pro nobis satisfecit: atqui Christus est novæ Legis sacerdos & victima, qui semetipsum Deo Patri in sacrificium obtulit pro expiatione nostrorum delictorum; ergo &c.

Minor propositio omnino ab adversariis non negatur; Christus enim sæpissimè Sacerdos & Pontifex appellatur. Psal. 109. v. 4. *Tu es Sacerdos in æternum secundum ordinem Melchisedech.* Quod Apostolus Hebræorum 5. v. 6. repetit, & de Christo dictum esse docet. Quin in tota ad Hebræos Epistola de sacerdotio & sacrificio Christi differit. Hinc in Scripturis Christus sæpissimè vocatur *agnus*, *victima*, quæ sanguine suo peccata nostra expiavit. Major verò propositio quæ ab adversariis negatur, facile ostenditur ex conditione tum sacerdotis, tum victimæ.

Ac I. Sacerdotii natura postulat, ut qui eo fungitur, offerat dona & sacrificia pro peccatis, Deumque propter peccata iratum propitium nobis reddat. Hebr. 5. v. 1. *Omnis Pontifex ex hominibus assumptus, pro hominibus constituitur in iis quæ sunt ad Deum, ut offerat dona & sacrificia pro peccatis.* Et cap. 8. v. 3. *Omnis Pontifex ad offerendum munera, & hostias constituitur: unde necesse est & hunc habere aliquid quod offerat.* Cum igitur Christus verus sit Pontifex novæ Legis, debuit utique verum offerre sacrificium; atque adeò ejus sacerdotii munus non in sola intercessione, neque exemplo, neque doctrinæ confirmatione, ut vult Socinus, consistit, sed in victimæ mactatione, seu effusione sanguinis pro expiatione peccatorum; siquidem, ut loquitur Apostolus Hebr. 9. v. 22. *sine sanguinis effusione non fit remissio.*

Præterea, Christus non pro iis tantum Sacerdos fuit, qui post ipsum vixerunt, sed & pro iis omnibus qui vixerunt sub veteri Testamento, quia *unus omnium mediator est*, 1. Timoth. 2. v. 5. *qui heri & hodie idem est*, Heb. 13. v. 8. *unum nomen in quo oporteat omnes salvos fieri*, Act. 4. v. 12. *cuius gratia servantur pariter illi nobiscum*, Act. 15. v. 11. At quis dixerit Christum antiquos Patriarchas, Prophetas &c. servasse solo suo exemplo, quibus sanè in exemplum propositum nunquam fuit? Servavit ergo illos meritò, quatenus mors ejus intercedere debuit tanquam pretium redemptionis peccatorum præcedentium sub veteri Testamento. Ita docet S. Paulus ad Hebræos 9. v. 15. & Rom. 3. v. 25. Hinc Christus simpliciter dicitur in Scripturis, *nos redemisse sanguine suo*, 1. Petri 1. v. 19. *dedisse semetipsum propitiationem*

Townley de Incarnatione.

M 3

pro

Satisfactio
Christi probatur
ex natura sacerdotii.

pro peccatis nostris, non pro nostris autem tantum, sed etiam pro totius mundi.
1. Joan. 2. v. 2.

II. Ex
natura
victi-
mæ.

II. Christus vera est victima, verus *agnus occisus ab origine mundi*, Apocal. 13. v. 8. Quare verò occisus? quare victima? ut nos pretio sanguinis Deo reconciliaret, ac pro nobis plenè satisfaceret. Hic enim est omnium nationum sensus, hæc quasi innata conscientia, qua impulsæ sunt ad victimas faciendas, quod existimarent earum sanguine irata numina placari. Hinc eo furoris ac dementiæ eventum aliquando fuit, ut & humanus sanguis diis in propitiationem & expiationem offerretur, quia, ut loquitur Cæsar agens de Gallis, apud quos nefandus ille usus invaluerat, *pro vita hominum, nisi victima hominis reddatur, non posse deorum immortalium numen placari arbitrantur.*

Hanc ipsam subrogationem victimæ pro reo in sacrificiis Leviticis, demonstrant omnes illi ritus qui observabantur. 1. Victimæ puræ & integræ oblatio, quæ a reo fieri debebat: de suo quippè debebat ille victimam dare, ut testaretur, eam loco suo supponi ad ferendam poenam, quæ sibi debebatur. 2. Sanguinis effusio illius victimæ, mortis ac supplicii commeriti expressam imaginem gerebat, imò substitutionem non obscure arguebat, dum sanguis pro anima seu vita hominis ponitur, Levitici 17. v. 11. 3. Ritus impositionis manuum, quod ad maiorem rei consecrationem, tum præcipue ad substitutionem victimæ pro reo designandam usurpabatur. Inde victima hæc peccata portare, imò dicebatur peccatum ipsum seu execratio. 4. Confessio peccatorum, quæ exigebatur a sacerdote, vel à populo, innuebat devoluta & translata esse in eam victimam peccata omnia quæ expianda erant.

III. Ex
effecti-
bus sa-
crificii.

III. Denique, hanc substitutionem victimæ pro reo probat triplex effectus sacrificii. Quippè sacrificium ordinatur ad Deum, ad peccatum, & ad hominem: ad Deum placandum; ad peccatum expiandum; ad hominem à pena liberandum. Tria porro hæc, Deum placare, expiare peccatum, hominem liberare, obtineri non possunt sine aliqua satisfactione; namque nec homo liberari potuit, sine victimæ subrogatione; nec Deus placari, sine sanguinis effusione; nec peccatum purgari, sine tolerata poena. Cum igitur in sacrificiis legalibus subrogatio & satisfactio saltem typica & caeremonialis occurrat in sacrificio novæ Legis, quod Christus in ara crucis obtulit, veritas est typicis sacrificiis respondens; adeoque vera satisfactio & substitutio agnoscenda: aliàs, quomodo veritas figuræ responderet, quidve discriminis esset inter sacrificium veteris Legis & novæ? nullum profecto, Socinianos ita premit argumentum istud, ut ad ejus vim eludendam in omne latus se convertant.

Responsio Sociniana.

Respondent itaque 1. re ipsa Christum sanguine suo expiasse peccata nostra, nosque precedentium omnium delictorum, & à futurorum etiam reatu liberos reddidisse: sed contendunt expiationem illam nihil esse aliud, quàm plenam liberationem à peccati morte, quæ quidem liberatio non effectivè, neque meritoriè tribuenda sit morti Christi, quasi pretium aliquod divinæ justitiæ oblatum fuerit; sed tantum vel antecedenter, vel exemplariter, vel declarativè. Explicant. *Antecedenter* quidem, quia mors Christi antecede-

re

re debuit liberationem à peccatis, quæ quidem ex benignitate Dei prius constituta, non conceditur tamen nisi post mortem Christi: quatenus nempe Christus per mortem aditum sibi fecit in Cælum, ubi expiationem seu liberationem nostram procurat. *Exemplariter* verò, quia mortis & passionis Christi consideratio efficaciter nos movet & excitat ad conversionem & pœnitentiam, cui Deus propriè remissionem pollicitus est. Denique *declarativè*, quia hæc ipsa Christi oblatio certissimam remissionis fidem apud nos facit. Ita Socinus Praefationum cap. 23.

Responsionem probant 1. exemplo & paritate victimarum legalium, quæ peccata expiabant, non quidem meritorie & effectivè; sed antecedenter, exemplariter, & declarativè, uti mox explicatum fuit. 2. quia expiationis vox veram satisfactionem non importat: Deo quippe tribuitur Deuter. 21. v. 8. & Psal. 51. v. 9. qui tamen propriè non satisfacit. 3. verbum hebraum quo expiatio significatur, ex prima & propria significatione idem sonat ac *tegere, operire*; unde peccata expiare & tegere idem est. Hinc Psal. 31. v. 1. David ait, *Beati quorum remissa sunt iniquitates, & quorum tecta sunt peccata*. 4. denique, verbum expiandi & mundandi, in Scripturis sapius non effectivè, sed declarativè sumitur: ita Levitici 13. & 14. ubi de leproso mundo vel immundo pronuntiando agitur. Quod enim subinde repetitur, sacerdotis esse mundum vel immundum judicare, id in textu hebræo assertivè ponitur, *mundabit, vel contaminabit*.

Respondent 2. Christum in terris degentem propriè sacerdotem non fuisse, nec proinde verum obtulisse sacrificium, sed post suum dumtaxat in Cælos ascensum, ubi quotidie offert & interpellat pro nobis: unde contendunt, passionem Christi ac mortem ejus præparationem quidem fuisse ad sacrificium in Cælis offerendum, non sacrificium ipsum. Ita Smalcius L. de divinitate Christi cap. 23. Socinus L. de Servatore part. 2. c. 15. Vvolkelius c. 37. L. 3. de vera Religione.

Responsionem probant 1. Quia Apostolus Hebr. 10. v. 5. & 9. de illa Christi oblatione loquitur, quæ facta est in ingressu ejus, quo legalia sacrificia sunt abrogata: at ingressus ille in Cælum est haud dubiè, non in terras; neque enim statim ac in terras ingressus est Christus, legalia sustulit seu abrogavit. 2. Christus sacerdotium suum non obiit antequam ei dictum fuerit, *Filius meus es tu, ego hodie genui te*: id autem factum fuisse, cum Deus eum à mortuis excitatum, Dominum & Christum constituit, testatur S. Paulus Act. 13. v. 33. & Rom. 1. v. 4. 3. Idem S. Paulus Hebr. 8. v. 4. disertè ait, *quod si Christus esset super terram, non esset sacerdos: cum essent qui offerrent secundum Legem munera, qui exemplari & umbra deservirent celestium*. Ergo Christus propriè sacerdos non fuit, nec sacrificium prius obtulit, quàm in Cælis fuerit. 4. Hebr. 7. v. 26. Christus *Pontifex debuit sublimior cælis fieri*; ergo prius in Cælo esse debuit, quàm sacrificium offerret. 5. denique Hebr. 7. v. 24. probat idem Apostolus, Christum sempiternum esse sacerdotem, quia semper in Cælis pro nobis interpellat: verùm si in ligno crucis sacrificium semel obtulisset, quid necesse foret eum continuò pro nobis interpellare?

Respondent 3. non omnia sacrificia hylastica sacrificium Christi adumbrasse, sed illud dumtaxat solemne & anniversarium, quod die expiationum

offerri solebat, Levitici 16. quod quidem nullam continebat satisfactionem, utpote quæ nec ab ipsismet victimis, nec à Pontificis persona manare poterit.

Responsionem probant: Quia sacrificia privata, quæ pro privatis offerebantur, non potuerunt representare sacrificium quod pro omnibus oblatum fuit: sed multa erant in Lege veteri privata sacrificia, sacrificium verò Christi pro multis oblatum fuit; ergo sacrificia illa privata non adumbrarunt sacrificium Christi.

Refellitur Sociniana responsio.

Prima quidem: falsum enim est expiationem à liberatione non distingui. Liberatio etenim expiationis effectus est: hanc reus, vel alius ejus nomine sustinet; illam Juxta facit: unde sæpius in Levitico dicitur, *Expiabit reum sacerdos, & remittetur ei*; remissio igitur seu liberatio ab expiatione distinguitur, tanquam effectus à causa. Falsò non minùs asserunt, liberationem nostram morti Christi effectivè seu meritorie tribuendam non esse; sed vel antecedenter, vel exemplariter, vel declarativè. Non *antecedenter*; quasi mors Christi sit tantùm conditio antecedens sine qua non, ut vult Socinus: namque sanguis Christi in Scripturis dicitur esse pretium nostræ redemptionis; ergo mera non est conditio, sed vera & propria causa illius. Præterea, si mors Christi mera conditio foret antecedens, cur non & vitæ Christi, miraculis, & doctrinæ liberatio illa tribueretur? illa enim omnia antecesserunt nostram in Cælo factam liberationem, in mente adversariorum. Non *exemplariter*: Et si enim non diffiteamur hunc esse mortis Christi effectum, ut ad ejus exemplum carnem nostram affligamus, & crucifigatur ac moriatur in nobis peccatum, hunc tamen esse primarium & principalem mortis Christi effectum pernegamus: mors etenim Christi peccata etiam sub Legenaturæ & Moysi perpetrata expiavit, neque tamen in exemplum proponi potuit. Deinde expiatio illa semel facta est, exemplum autem successivè proponitur; non igitur exemplo, sed meritò & effectivè mors Christi nos liberavit.

Denique, nec *declarativè* tantùm mors Christi expiat peccata. 1. Quia apud Auctores tùm prophanos tùm sacros, nusquam is expiare alicujus peccatum dicitur, qui illud remissum dumtaxat declarat; expiatio enim secum importat pœnæ perpeffionem, in vindictam peccati quod expiatur. 2. Si mors Christi *declarativè* tantùm se habuit ad expiationem peccati, nihil magis contulit quàm victimæ legales, quæ & idem testari poterant se declarare, quibus tamen disertè negat S. Paulus expiari potuisse peccata. 3. Resurrectioni Christi non minùs quàm morti adscribenda foret expiatio, quod tamen nusquam legimus in Scripturis. 4. Declaratio homines respicit, expiatio verò Deum: illa ad officium propheticum; ista verò ad sacerdotale pertinet.

Ad probationes illius primæ responsionis Socinianæ respondeo.

Ad primam, tantum esse discrimen inter legales victimas, & Christum, quantum est inter umbram & corpus, figuram & veritatem; imò ex ea paritate rectè concluditur, Christum veram novæ Legis victimam, meritorie peccata nostra expiasse: quia victimæ legales, tanquam meræ ac steriles fi-
gura,

gura, declarabant tantum factam remissionem peccatorum, non operabantur. *Impossibile enim est sanguine hircorum & taurorum deleri peccata*, inquit S. Paulus Hebr. 10. v. 4.

Ad secundam: Etsi vox *expiatio*, Deononnumquam in Scripturis tribuitur, cui tamen vera satisfactio convenire non potest, an ideo Christo applicata satisfactio non designabit? Pro ratione subiecti, cui expiatio tribuitur, diversimode intelligenda est; respectu Dei expiare, idem est ac expiationem a sacerdote factam admittere; at in sacerdote & victima, idem est ac eam procurare meritorie, per effusionem sanguinis, & penę vicarię perfectionem.

Ad tertiam: Falsum est verbum hebræum, quod ad expiationem significandam usurpatur, significare tantum *tegere*, *operire*. Etsi enim aliquando id significet, sæpius tamen, maxime cum de sacrificiis agitur, veram expiationem peccati denotat, ut Gen. 32. v. 19. 2. Regum 21. v. 5. &c. Adde quod non alia ratione verbum illud significat *tegere*, quam quod peccata per expiationem teguntur, quia condonantur & delentur.

Ad quartam: Etsi nonnumquam verbum *expiare* & *mundare* declarativè sumatur, non inde tamen inferendum, hunc esse perpetuum illius usum: subiecta materia & circumstantiæ (ut sæpius diximus) pensandæ sunt, ex quibus varia ejusdem verbi significatio æstimari debet.

Secunda responsio refellitur.

Namque perperam adversarii confundunt sacrificium Christi, & ejus oblationem seu representationem & applicationem. Verè in terris Sacerdos fuit Christus, semetipsum in ligno crucis victimam pro peccatis offerendo; at in Cœlis hoc suum sacrificium Patri representat, offert, nobis applicat quotidie, interpellando pro nobis. Quod autem Christus verè & perfectè Sacerdos fuerit in terris, manifestè constat ex Scripturis. 1. Sacerdos sub veteri Testamento verè sacerdos fuit, antequam ingrederetur in sacrarium, cum victimas piaculares mactabat; ergo & Christus verè sacerdos fuit, antequam in Cœlum ingrederetur. 2. ex Apostolo Hebr. 5. v. 1. *Omnis Pontifex ex hominibus assumptus, pro hominibus constituitur in iis quæ sunt ad Deum, ut offerat dona & sacrificia pro peccatis*. Ubi porro? non in Cœlis, sed in terra; ibi enim dumtaxat victimæ offeruntur. 3. Ubi est oblatio, ibi sacrificium sit necesse est: at in terris & in cruce verum fuit Christi sacrificium, vera oblatio, teste Apostolo Hebr. 7. v. 27. *Qui non habet necessitatem quotidie, quemadmodum sacerdotes, prius pro suis delictis hostias offerre, deinde pro populi; hoc enim fecit semel seipsum offerendo*.

Confirmatur ex alio insigni Apostoli testimonio ad Hebræos 9. v. 25. & 26. ubi de Christo sacerdote sic loquitur: *Neque ut sæpè offerat semetipsum, quemadmodum Pontifex intrat in sancta per singulos annos in sanguine alieno; alioquin oportebat eum frequenter pati ab origine mundi: nunc autem semel in consummatione sæculorum, ad destitutionem peccati, per hostiam suam apparuit*. Quo in testimonio hæc ponderanda sunt in confirmationem Catholici dogmatis. 1. Oblatio Christi non sæpè facta est, sed semel; ergo non in Cœlo, sed in cruce: in Cœlo enim quotidie interpellat pro nobis. 2. Si
Chri-

Christus sæpius offerre se debuisset, sæpius quoque debuisset & pati; igitur oblatus est cum passus est. 3. Tum semetipsum obtulit ad peccatum tollendum, cum apparuit & manifestus factus est: at in Cælum ingrediens ablatus potius est ab oculis nostris; apparuit ergo tum cum carne indutus nostra in mundum ingressus est. 4. Tum oblatus censendus est Christus, cum abstulit peccata nostra; siquidem in eum finem venit, & oblatus est: at istud in cruce moriendoprestitit, 1. Petri 2. v. 24. Igitur Christus verè sacerdos fuit in terris degens; atque semetipsum in sacrificium obtulit in ligno crucis. Unde

Ad probationes illius secundæ responsionis Socinianæ, dico

Ad primam: Apostolum loqui de ingressu Christi, non in Cælum, sed in mundum, aperte demonstrant hæc ipsius verba ad Hebr. 10. v. 5. *Ideo ingrediens in mundum dixit, Hostiam & oblationem nolui, corpus autem aptasti mihi.* Ingressus porro ille Christi in mundum, sumitur non pro illo primo instanti, quo in lucem emissus est, sed pro toto illo intervallo temporis, quo in terris versatus fuit; quo abrogata fuisse vetera sacrificia, si non de facto, saltem de jure, certissimum est: adveniente enim ac præsentē veritate evanescant necesse est umbræ & figuræ.

Ad secundam: Nego 1. tunc constitutum esse Christum à Deo Pontificem, quando ei dixit Pater, *Filius meus es tu, ego hodie genui te.* Neque enim hoc dicit S. Paulus; sed tantum, Christum Pontificem fuisse constitutum ab eo, à quo ei dictum est, *Filius meus es tu.* Hæc itaque Patris de Christo declaratio, continet quidem causam & fundamentum delati Pontificatus, nempe filiationem; ideo enim Christus Pontifex fuit æternus, quia Dei Filius: sed non indicat tempus ejus institutionis. 2. Nego verba hæc, *Filius meus es tu &c.* vel dicta tantum fuisse Christo in Resurrectione, vel post illam impleta; jam enim antea sæpius in Baptismo & in Transfiguratione declaratus fuerat Christus Filius Dei. Resurrectioni quidem verba hæc applicat S. Paulus, quia in ea maxime eluxit Christum esse Filium Dei proprium & naturalem.

Ad tertiam, nego conseq. Cum enim Apostolus ait, Christum sacerdotem non fore si in terris degeret, mens illius non est, Christum in terris degentem verè sacerdotem non fuisse; sed quod si fuisset super terram, eo modo quo erant sacerdotes levitici, quorum ministerium terrenum solummodo erat, & ad emundationem carnis, non spiritus, non posset esse sacerdos, quia nimirum duo ejusdem ordinis sacerdotia simul esse non debent, quandoquidem alterutrum inutile foret. Eo igitur nomine Christi sacerdotium excellentius esse sacerdotio levitico docet ibi Apostolus, quod sacerdotium Christi æternum sit, cujus munus in Cælo semper exercet; non quod in Cælis fiat victimæ mactatio, sed quod victimam in terris mactatam Deo Patri representet, pro nobis continuo interpellat, ut fructus ac meriti sui sacrificii participes simus; ex quo sequitur ad summum, sacrificium Christi in Cælo perfectissimè impleri, quando interpellat continuo pro nobis; sed non simpliciter & absolute Christum fuisse dumtaxat sacerdotem in Cælo.

Ad quartam, nego conseq. Aliud enim est Pontificem Christum debuisse sublimiorem Cælis fieri, quia in Cælis peragenda quædam pro nobis habuit; & aliud, Pontificem non fuisse, nisi postquam sublimior Cælo factus est: prius docet S. Paulus, non posterius.

Ad

Ad quintam: Confundunt adversarii expiationem, cum intercessionem Christi, seu applicatione fructus expiatoris per eum factæ. Expiatio quidem peccatorum perfecta fuit & absoluta in cruce: verum applicatio illius quotidie fit per intercessionem & interpellationem Christi. Quapropter Christus sacerdos æternus, qui sedet ad dexteram Patris, semper interpellat pro nobis tanquam advocatus noster, rogans Patrem ut acceptam habeat pro nobis expiationem à se in ligno crucis nostri gratia perfolutam.

Tertia responsio refellitur.

Quia sanctus Paulus non unum aliquod sacrificium hylasticum, sed omnia opponit sacrificio Christi, & illorum ex isto abrogationem colligit Hebr. 7. v. 27. Nec aliò respicere potuere, tum iuge sacrificium quod quotidie offerebatur, tum alia sacrificia hylastica agnorum, quæ in usum privatorum cedebant, quam ad significandam oblationem pro nobis agni Dei immaculati.

Nec obstat quòd pro omnibus in communi non offerrentur, sed pro singulis in particulari: nam ut sacrificia quæ fiebant pro omnibus in communi, Christum omnium hominum propitiationem futurum adumbrabant; sic ea quæ fiebant pro singulis in particulari, designabant singulos peccati onere pressos, propitiationem querere debere ac consequi in sacrificio Christi: ex quo patet responsio ad probationem tertie illius responsionis.

Atque hæc ex multis aliis sufficiant è Scriptura quatuor deprompta argumenta, pro demonstranda veritate satisfactionis Christi pro nobis, ejusque loco nostro vera subrogatione. His verò momentis facile nobis foret addere continuam Ecclesiæ & SS. omnium Patrum fidem ac Traditionem; verum ab ea hic exscribenda superfedemus, quam fusè expositam legere poteris apud Grotium, ad calcem Dissertationis de satisfactione Christi adversus Socinum, Tom. 3. Operum, ubi Veterum testimonia circa præsens Ecclesiæ dogma accuratè adducit. His igitur prætermisissis momentis, pergendum est ad solvendas Socinianorum Objectiones.

Solvuntur Socinianorum Objectiones.

Multiplici argumento fidem Catholicam satisfactionis Christi convellere tentant periti illi Hæretici. Ad sex universim capita revocari illa possunt. 1. ad silentium Scripturæ. 2. ad impossibilitatem satisfactionis ex parte Dei Judicis, cui satisfactio exhibenda fuit. 3. ad impossibilitatem ex parte Christi, qui satisfactioem obtulisse dicitur. 4. ad personam quæ ad satisfaciendum necessaria est. 5. ad homines reos, pro quibus satisfaciendum fuit. 6. denique, ad multa absurda & incommoda quæ ex doctrina Catholica consequuntur.

Obijciunt itaque 1. silentium Scripturæ, quæ nullibi docet Christum pro nobis satisfecisse, & loco nostro subrogatum fuisse: neque enim vox ista *satisfactio, subrogatio*, in Scripturis usquam legitur.

Resp. 1. satis constare ex adductis huc usque testimoniis Scripturæ, Christi pro nobis satisfactionem dogma esse Catholicum in veteri & novo Testamento discretè expressum.

Resp.

Resp. 2. necesse non esse ad aliquod dogma stabilendum, ut explicitè & expressis terminis in Scriptura contineatur, sed sufficere, quòd implicitè ac æquivalenter, necessaria consecutionis lege, ex verbis Scripturæ deducatur. Et ita licet vox ipsa *satisfactionis & subrogationis* expressè ac formaliter, utajunt, in Scripturis non legatur, res tamen nomine significata disertè & expressè in illis continetur. Quid enim sibi vult Scriptura, cum toties testatur Christum esse sponsores nostrum, propitiationem & pretium, eum peccata nostra portasse, & propter illa attritum fuisse, factum esse peccatum & maledictionem pro nobis, sanguine suo nos redemisse &c? Et verò si stare illa adversariorum regula, ruant necesse est quamplurima Socinianæ doctrinæ dogmata. Ostendant enim nobis, ubi legatur, Christum Servatorem esse tantum exemplo & doctrina; redemptionem ejus metaphorice esse; mortem ejus appendicem esse naturæ, non penam peccati. Ostendant ubi extet vox *acceptilationis*, qua in hoc mysterio tam frequenter utuntur; & alia id genus bene multa.

Quamquam eò processit Sociniana temeritas ac contumacia, ut nec acquiesceret; tamen si disertis ac conceptis terminis Scriptura declararet Christum pro nobis verè satisfecisse. *Ego quidem*, ait scæpe perditæ caput Socinus parte 3. de Servat. cap. 2. *nec si ubique clarissimis verbis testatum reperirem, sic tamen rem se habere mihi compertum esset.*

Resp. denique, omnibus Christianis Catholicis fidem & definitionem Ecclesiæ, ac constantem Traditionem sufficere debere, ut aliquod fidei dogma recipiant, licet Scriptura de illo nihil expressè definiat.

Obijciunt 2. Ex parte Dei impossibilis est satisfactio pro peccatis. Probant: Quia illi nulla fit satisfactio; qui peccata gratis omnino remittit: nihil quippè magis opponitur remissioni gratuita, quàm satisfactio juridica; remissio enim fit ex gratia & indulgentia, satisfactio verò ex iustitia: atqui Deus æpissimè dicitur in Scripturis gratis condonare seu remittere peccata, Matthæi 18. v. 23. & sequent. Ephes. 4. v. 32. Coloss. 1. v. 13. Rom. 3. v. 24. Ergo nulla fit ei satisfactio pro peccatis.

Resp. dist. maj. Si satisfactio & remissio eandem personam spectent, concedo: si diversam, nego. Concedo min. & dist. consequens. Ergo nulla fit Deo satisfactio, respectu ejusdem personæ cui fit gratuita remissio, concedo: respectu alterius personæ, nego. Itaque gratuita peccati remissio & satisfactio pro eodem peccato opponuntur quidem, si ad idem referantur eandemque personam spectent; oppositio quippè, ut perfecta sit, debet esse de eodem & sub eodem respectu: at si remissio gratuita, & satisfactio de diversis personis dicantur, ita ut gratia fiat debitori, pretium verò & satisfactio exigatur à vade ac sponfore, tantum abest ut opponantur invicem & sese mutuo tollant, quin subordinantur potius, & necessariò se supponunt. Porro ita est in præsentī mysterio, in quo tres attendi debent personæ, Deus, qui summè misericors est, & summè iustus; Christus sponsor noster, qui pretium solvit pro nobis; & homo, qui peccavit, & satisfactioni solvendæ incapax est. Deus, ut summè misericors, gratis, & ex visceribus misericordiæ suæ condonat; ut summè iustus, satisfactionem exigit & læsi honoris reparationem: cum autem homo satisfactionis incapax sit, Mediator adest Christus, qui cum vadem pro peccatis nostris se fecerit, illorum omnium

nium peccatorum pœnas in se tulit, eoque nomine perfectè divinæ justitiæ satisfecit; sed divina benignitas ac misericordia nobis peccatoribus (gratuito respectu nostri, licet jure respectu Christi) peccata condonavit, & ita diversum est subiectum tum remissionis, tum satisfactionis: à Christo satisfactio exigitur, nobis verò gratuita remissio peccatorum impenditur, quæ duo non tanquam contraria & opposita, sed amica potius Scriptura simul conjungit, Rom. 3. v. 24. *Justificati* (inquit S. Paulus) *gratis per gratiam ipsius, per redemptionem quæ est in Christo Jesu, quem proposuit Deus propitiationem per fidem in sanguine ipsius, ad ostensionem justitiæ suæ propter remissionem præcedentium delictorum.* Vides nos justificari *gratis*; en gratuita respectu nostri peccatorum remissio: justificari tamen *per redemptionem Christi*, qui est propitiatio nostra; en satisfactio à Christo facta, & exercitium divinæ justitiæ respectu Christi, qui afflictus est & attritus propter peccata nostra; atque in hoc mirificè eluxit divinæ misericordiæ ac justitiæ temperamentum.

Instant I. Illi debitum propriè gratis non remittitur, qui vadem habet à quo plena satisfactio solvitur, & omne extinguitur debitum: sic v. gr. qui centum nummos alteri debet, etiam si ipse debitor eos non solvat, sed alius ejus loco, creditor tamen non dicitur gratis centum nummos remittere. Atqui homo peccator vadem ac sponso rem habet Christum, qui plenè & perfectè satisfecit divinæ justitiæ; igitur homini peccatori debitum gratis non remittitur; falsum igitur est peccata ei gratis condonari: contra-rium nihilominus asserit Scriptura.

II. Cum creditor suo debitori, aliàs ad solvendum impari, munus aliquod crediteo animo ut sibi satisfaciatur, tunc non est propria satisfactio, sed potius virtualis & tacita quadam remissio, quia debitor non censetur habere plenum dominium in illud donum; ergo cum Deus ex summa sua in homines charitate, proprium Filium dederit qui pro illis satisfaceret, non tam satisfactio censenda est postulata, quàm tacita & virtualis debiti remissio.

III. Ut debitum gratis remitti dicatur, necesse est obligationem sola creditoris liberalitate solvi: at in præfenti negotio peccatum non ex sola liberalitate Dei remittitur, sed ex justitia severissimè in Christo punitur.

IV. Etsi sponsor debitum alienum in se transferat, commutatum quidem dicere possumus debitorem, sed dici non potest debitum remissum, quando ad ultimum usque quadrantem creditor recipit quod ipsi debebatur.

V. Si Christus loco nostro solvit, in eo & cum eo nos solvisse censeri debemus; siquidem humanam nostram naturam assumpsit, in qua solvit; non ejus membra sumus, ipse verò caput nostrum: at si solvisse censemur, non jam ex gratia, sed ex stricta justitia Christus peccata nostra dimittit.

VI. Si Christus pro nobis abundè satisfecit & solvit divinæ justitiæ, inanes sunt & superflua nostræ privatæ actiones satisfactoriæ; aut saltem si necessariæ sunt, quæ ratione gratis remitti dicitur peccatum, & concedi vita æterna? Ita Socinus parte 3. de Servatore cap. 2. Crellius contra Grotium, Vvolkelius L. 5. de vera Religione cap. 22.

Resp. ad singula.

Ad primum, dist. maj. in debitis pecuniariis, aut res quaslibet externas spectantibus, concedo: in debitis personalibus, & quæ ex violato honore contrahuntur, nego. Itaque hoc discrimen est inter debita utriusque generis, quòd

quòd in debitis pecuniariis perinde sit à quocunque solvatur debitum, sive à debitore, sive à sponfore; modò res eadem aut æquivalens reddatur, satisficit justitiæ. Ratio est, quia in ejusmodi debitis æqualitas restituenda est rei ad rem, & tota obligatio contracta extinguitur, cum res eadem aut æquivalens solvitur. At non ita est in debitis personalibus, quæ ex læsione honoris resultant: debitum enim personale personam ipsam ream afficit, eamque penæ reddit obligatam: adeoque non ipsa personæ reā satisficit, quando alius ejus loco penam sustinet. Ratio est, quia in debitis personalibus, quæ ex læsione honoris contrahuntur, æqualitas restituenda est personæ ad personam: cum igitur homo peccator nusquam potuerit condignè Deo pro peccato satisfacere, ac debitum contractum per condignam penæ tolerantiam extinguere, necesse fuit, ut Christus ejus loco penam hanc in se susciperet; & ita gratuita est remissio respectu hominis, cui hoc indulgit Deus, ut Filium suum unigenitum daret, ejusque satisfactionem pro alieno peccato acceptaret: sed accurata satisfactio ab ipso Christo perfoluta fuit. Cum igitur perfoluta non sit satisfactio ab eadem persona quæ debitum contraxerat, locus est & justitiæ divinæ respectu Christi qui punitur, & misericordiæ respectu hominis cui penæ remittitur, & quæ in Christum ipsum transfertur. Ex quo facilè responderetur

Ad secundum, dist. maj. Cum creditor suo debitori munus aliquod eo animo credit, ut sibi satisfaciatur, non est propria satisfactio, sed remissio respectu illius debitoris, concedo: respectu sponforis, à quo satisfactio exigitur, nego. Itaque, ut dictum jam est, Deus mittendo Filium unigenitum pro redemptione hominum, gratis quidem remisit debitum hominibus, quia cum ipsi solvendo impares forent, eorum debita, quæ capitatim solveretenebantur, in Christum sponforem transmissa sunt; atque in eo mirè splendescit misericordia & justitia divina.

Ad tertium, dico obligationem per hominem contractam sola Dei creditoris liberalitate remitti respectu hominis debitoris, à quo nihil exigitur, & cujus pena in alium, nempe sponforem Christum transfertur. Sufficit autem ut debitum gratis extingui dicatur, quòd illi gratuito remittatur, à quo contracta est obligatio; nihilque ab eo exigatur, licet à sponfore illius pena debita tota repetatur: atque in eo perpetuò hallucinantur adversarii, quòd existiment gratuitam remissionem, & satisfactionem simul conciliari non posse, quandoquidem diversum spectant subjeetum; satisfactio quidem Christum sponforem, gratuita verò remissio, hominem debitorem.

Ad quartum, dico commutatum quidem esse debitorem, sed debitum rectè dici nobis gratis remissum: namque quamdiu debitor propria & personali solutione non solvit quod debet, sed debitum ejus in alium transfertur, censetur debitum gratis remissum respectu debitoris primarii. At res sic se habet in præfenti mysterio. Debet homo penas perolvere: impar est solvendo ad æquivalentiam; Deus ex benignitate dat vadem qui pro ipso homine solvat, ejusque solutionem acceptat: nonne in his duobus gratuita est debiti respectu hominis remissio, licet aliunde accurata repetatur ex vade satisfactio?

Neque est quòd dicas, gratuitam illam remissionem respectu hominis fieri propter satisfactionem Christi, adeoque merè gratuitam non esse. Namque

que etſi liberatio hominis non fiat niſi poſita ſatisfactione, viſ tamen ipſa liberandi, ſeu fundamentum liberationis, non eſt ſimpliciter à ſatisfactione ſeu ſolutione, qua tali; ſed à liberalitate & clementia Dei, qui Filium vadem pro nobis gratuito donavit, ejuſque ſolutionem gratam habuit & acceptavit.

Ad quintum: Cùm impares eſſemus ſolvendo, Chriſtus pro nobis ſolvit; & intuitu ejus ſolutionis, peccata nobis dici poſſunt remitti ex juſtitia ſimul & ex gratia: ex juſtitia quidem, reſpectu Chriſti, qui abundè ſolvit; ex gratia autem, reſpectu noſtri, qui nihil ſolvimus, & quibus ex mera liberalitate conceſſit Deus Filium ſuum vadem ac ſponſorem pro nobis.

Neque eſt quòd reponat aliquis: Si Chriſtus ex juſtitia pro nobis omnibus ſatiſfecit, ergo nobis omnibus ex juſtitia debita eſt Chriſti gratia & vita æterna, adeoque nemini poteſt jure denegari. Namque etſi Chriſtus ſanguine ſuo pretium ſuperabundans Deo Patri ſolverit pro gratia & vita æterna nobis comparanda, neque jure poſſit Deus gratiam & gloriam iis denegare, quibus eam Chriſtus conſtitutus Juxta vivorum & mortuorum dandam decreverit; attamen gratia hæc nobis debita non eſt titulo juſtitie, ſed ex pura Chriſti liberalitate ac clementia conceditur, qui dona ſua, quæ proprii ſanguinis pretio acquiſivit, quibus vult gratuito largitur: quamquam nobis debita dici poſſit gratia, titulo decentie & fidelitatis Chriſti, qui promiſit ſe omnibus nobis adfuturum; & reipſa nullus homo eſt tam perditus, qui divinæ gratiæ auxilia interdum ab eo non ſentiat, qui vult omnes ſincerè ſalvos fieri, & qui pro omnibus mortuus eſt.

Ad ſextum, dico ex Chriſti ſatiſfactione minimè ſequi, aut inanes eſſe noſtros actiones ſatiſfactorias; aut ſi neceſſariæ illæ ſunt, gratis non remitti peccata. Non primum: Quia præcipit Scriptura ut bonas actiones vitæ æternæ meritorias eliciamus, *Satagite*, inquit S. Petrus Epist. 2. cap. 1. v. 10. *ut per bona veſtra opera certam veſtram vocationem & electionem faciatis*. Non ergo ſuperflux illæ ſunt. Ratio eſt, quia licet Chriſtus omne pretium pro nobis ſolverit, ejus tamen merita (ſic providè ordinante Deo) nobis non applicantur, niſi per bona noſtra opera ex gratia Chriſti elicita; cooperari quippè debemus, & de noſtro conferre ad noſtram ſalutem: *Qui enim creavit te ſine te*, inquit S. Auguſtinus, *non ſalvabit te ſine te*. Unde Apoſtolus dicebat: *Non ego ſolus, ſed gratia Dei mecum*. Et hoc ipſo ſenſu dicebat idem Apoſtolus Coloff. 1. v. 24. *Adimpleo ea quæ deſunt paſſionum Chriſti in carne mea*. Non quòd reipſa quidquam deſit ſatiſfactioni Chriſti, quæ ſuperabundans fuit; aut noſtræ ſatiſfactiones privatæ ſatiſfactioni Chriſti injurioſe ſint, ut calumniantur Novatores: ſenſus enim eſt, vel Apoſtolum adimplere ea quæ deſunt in carne ſua paſſionum Chriſti, ita ut verbum *deſunt* conjungatur cum iſtis, *in carne mea*; quia nihil quidem deſt Chriſto paſſionum ſuarum, paſſus enim eſt quidquid pati debuit; ſed aliquid deerat Paulo quod in carne ſua impletet, nimirum deerant poenæ, labores & alia vitæ huius mala, quæ quodlibet Chriſti membrum, ad exemplum capitis ſui, ferre debet, & quæ ſumma animi conſtantia toleravit Apoſtolus. Vel ſenſus eſt, Paulum adimplere in carne ſua ea quæ ſuperſunt (ſeu reliquias) paſſionum Chriſti: vox quippè græca quam vulgatus Interpres vertit per verbum *deſunt*, reddi poteſt *per ſuperſunt*, ſeu *reliquias*; ac nihil aliud vult S. Pau-

S. Paulus, quam quòd in carne sua ea adimpleat, quæ super sunt Christo toleranda; non quidem in propria sua persona, quæ impassibilis est, sed in membris suis: quem enim sancti tolerant, ea Christus ipse tolerare dicitur; quemadmodum quæ Ecclesiam persequitur, Christum ipsum persequitur Act. 9. v. 5. Vel denique sensus est, aliquid deesse passionum Christi, non quoad pretii plusquam sufficientem solutionem, sed quoad illius nobis factam applicationem, quæ fieri non potest nisi accedant & nostra bona opera.

Non sequitur etiam, ex satisfactione Christi peccatum nobis gratis non remitti: tum quia gratia per quam remittitur, gratuita est; alioquin non esset gratia: tum quia bona nostra opera nihil meriti habent à Christo sejuncta. Hinc etsi gloria & vita æterna tanquam merces ex iustitia bonis nostris operibus concedatur, gratis tamen nonnumquam dari dicitur, in radice nimirum, quia gratia, per quam obtinetur, gratuita est, ac meritum nostrarum actionum à Christo est, in quo, & per quem vitam æternam assequimur.

Obijciunt 3. Impossibile est satisfactio respectu ipsius Christi. Probant

I. Quia injustum est innocentem plecti pro reo, ejusque loco substitui: talis etenim substitutio unius pro alio, & alieni peccati imputatio, expressè à Deo improbat Deut. 24. v. 16. *Non occidentur patres pro filiis, nec filii pro patribus; sed unusquisque pro peccato suo morietur.* Et Ezech. c. 18. v. 4. *Ecce omnes anime meæ sunt: ut anima patris, ita & anima filii meæ est: anima, quæ peccaverit, ipsa morietur.*

II. Si Christus pro nobis satisfecit, ergo sibi metipsum satisfecit; Deus enim est, sed Deo satisfactio debetur: at istud planè absurdum esse, vel hac una ratione evincitur, quòd sequeretur eum simul & semel & dare, & accipere solutionem; simul & semel fore iratum & placatum: iratum, qui postulat; placatum verò, qui exhibet satisfactionem, quæ certè contradictio-nem aliquam involvere videntur.

III. Cum Christus homo verus fuerit factus sub Lege, debuit pro se eam Legi obedientiam, quam in meritum & redemptionem nostram impendisse dicitur: hinc Matth. 3. v. 15. dicit sibi *implendam esse omnem iustitiam*, ac venisse se non ut Legem solveret, sed impleteret. Porro cùm quis pro se debet aliquid, non potest pro alio illud ipsum solvere.

IV. Non magis satisfecit Christus pro nobis ferendo pœnas nobis debitas, quàm Legem, & omnes officii patientiæ partes vice nostra implevit: at Christus non implevit Legem, nec omnes officii nostri partes, quasi jam immunes simus ab observanda lege Dei; ergo &c.

V. Denique, passionis & mortis Christi non alium Scriptura finem assignat, quàm ut nobis exemplum præbeat patientiæ in pœnis & ærumnis hujus vitæ tolerandis. 1. Petri 2. v. 21. *Christus passus est pro nobis, vobis relinquens exemplum, ut sequamini vestigia eius.* Etr. Joan. 3. v. 16. *In hoc cognovimus charitatem Dei, quoniam ille animam suam pro nobis posuit; & nos debemus pro fratribus animas ponere, quibus in locis exemplum dumtaxat proponitur imitandæ charitatis & patientiæ Christi.*

Resp. ad singula.

Ad primum, dico injustum non esse innocentem plecti pro reo, quando innocens se sponso-rem & vadem pro reo constituit; tunc enim rei & debito-
ris

ris peccata in vadem conjecta & transmissa censentur, non quidem quoad reatum culpæ, sed pæne: at in Christo posuit Deus iniquitates omnium nostrum. *Langores nostros ipse tulit, & dolores nostros ipse portavit*, Isaia 53. Equidem hominibus privatis non licet in causa capitali tale privata auctoritate confirmare vadem pro alio, sicut aliquando contigisse legimus Decii, Cordis, Curtiis. Ratio est, quia privatus quilibet sui corporis dominium non habet, neque sibi, sed Republicæ vivit: at non Christo, qui vitæ suæ dominus fuit, & rerum omnium arbiter supremus, argui non potest, in eo summè commendari debet ferventissima illa charitas, qua semetipsum pro nobis vadem ac sponsores Patri suo obtulit.

Neque verum est, substitutionem omnem & peccati alieni imputationem per Deum factam damnari. Nonne Exodi 20. v. 5. dicitur, *Deus visitans iniquitatem patrum in filios, in tertiam & quartam generationem*? Et Threnorum 5. v. 7. *Patres nostros peccaverunt, & non sunt; & nos iniquitates eorum portavimus*. Nonne multa sunt in Scripturis hujus substitutionis & imputationis exempla? Omnes Adæ posterii ejus peccatum nascendo contrahunt: ob factum Cham, execrationi subicitur Canaan, Gen. 19. v. 26. ob factum Davidis, pereunt septuaginta hominum millia, 2. Regum 24 v. 15. Quin & Matth. 23. v. 37. Christus Judæis interminatur penas eorum delictorum, quæ à suis majoribus tam longo antè tempore patrata fuerant.

Cum igitur Deut. 24. citato cap. Deus prohibet ne occidantur patres pro filiis, & vigissim legem hanc imponit Deus Judicibus, ut unus pro alio non puniatur, sed ut pæna sequatur reum. Periculum quippè erat, cum audirent Deum visitare peccata patrum in filiis, id sibi quoque licere arbitrarentur: verum legem hanc sibi non imponit Deus, qui potest unius penam in alium transferre; quia omnes peccatores sumus.

Cum verò apud Ezechielem pronuntiat Deus, animam, quæ peccaverit, ipsam morituram; noli inde concludere, Deum omnem alieni peccati imputationem improbare: sed vel pro subjecta materia sensus est, imposterum non fore amplius talem imputationem. Agitenim ibi Scriptura de penis quas Judæi propter peccata Manassise luere conquerebantur; ac respondet Deus, futurum ut non amplius peccata Manassis imputentur, sed ut quisque sua tantum luat. Vel sensus est, neminem innoxium mori; quia quisquis moritur, peccator est, nec ullus potest suam innocentiam objicere Deo. Scopus ergo Scripturæ est, ut eos reprimat, qui innocentiam suam jactabant & obtendebant, quos isto argumento efficaciter reprimat: Omnes moriuntur; ergo omnes peccaverunt: anima enim quæ peccaverit, morietur; id est, homo moritur propter peccatum suum. Moriuntur quidem infantes, qui non peccaverunt propria sua voluntate, sed voluntate Adami, in quo omnes peccaverunt, ait Apostolus: Moritur etiam Christus, non ex necessitate, sed ex voluntate, *Oblatus est quia voluit*, quia nempe peccata nostra portavit, stipendium autem peccati, mors.

Ad secundum, resp. fallaciam esse à dicto secundum quid, ad dictum simpliciter: Christus enim non simplex Deus est, nec simplex homo, sed Deus homo, utramque simul naturam habens, divinam & humanam, in unitate personæ; igitur simpliciter dici non debet, Christum sibi metipsi satisfecisse. Non enim satisfecit sibi ut homini & mediatori inter Deum &

hominem: sub illo quippe respectu Deo satisfecit, licet dici possit sibi satisfecisse ut Deo. Et in hoc posita est fallacia adversariorum à dicto secundum quid, quòd nimirum concludant simpliciter & absolute Christum sibi satisfecisse, cum tamen sibi non satisfecerit, nisi ut Deo, non autem ut homini: Christus autem Deus est simul & homo. Itaque nulla est contradictio quòd eadem persona duplici natura constans, dicatur sibi metipsum satisfacere & non satisfacere, sub diverso respectu: Christus ut Deus, sibi metipsum satisfacit; ut homo, satisfactionem Deo exhibet. Cum autem Christus præcipue satisfecerit ratione suæ humanitatis, quæ tanto intervallo à Deo distat, propriè ejus satisfactio est ad alterum, scilicet ad Deum Patrem, qui hac in parte personam sustinet Judicis, cui satisfactio persolvenda est; non ad seipsum. Adde quòd Christus etiam ut Deus, persona sit à Patre realiter distincta; & ita satisfactio ipsius offertur personæ ab ipso distinctæ, Patri nimirum: ex quo facile solvitur quod in confirmationem additur, nempe Christum simul iratum esse, & placatum; simul acceptare solutionem, & eam offerre; sub diverso nempe respectu, & ratione diversæ naturæ.

Ad tertium, nego Christum pro se debuisse Legi obedientiam: nihil enim ille peccaverat, ut pro se quidquam solveret. Ratio est, quia non alio titulo debuit Legi obedientiam, quam quòd debuit homo fieri; obedientia enim Legi debita fundatur in subjectione creaturæ ad Creatorem: at non pro se Verbum caro factum est, sed pro nobis; igitur nec pro se Legem implevit, sed pro bono nostro, pro expiatione nostrorum delictorum. Re ipsa quidem Christus homo factus, ratione naturæ suæ humanæ subditus fuit Patri eique obedientiam debuit, sed obedientiam planè liberam, quia liberè homo factus est, & oblati, quia voluit. Dici etiam posset, personam quidem privatam non posse pro alio solvere quod ipsa debet; at hoc posse personam publicam: ita Consul v.g. suo & civitatis nomine cum hoste pacificat; Rex pro se & pro populo suo fœdera sancit. Christus autem est persona publica, & pro omni humano genere piacularis hostia Deo devota; & ita si quid Deo debet propter suam naturam humanam, potest illud tum pro se, tum pro aliis solvere, licet diversâ ratione, ac diverso titulo: pro se solvit obedientiam, titulo subjectionis naturæ humanæ; pro aliis verò reddit, titulo redemptionis & satisfactionis pro alienis peccatis.

Ad quartum, æquivocatio est. Si enim nihil aliud volunt adversarii, quam Christum loco nostro Legem non implevisse, ita ut immunes facti fuermus ab illa observanda, ultro fatemur Christum eo sensu Legem non implevisse; sicut non eo sensu dicitur satisfecisse, quòd nos ab omni satisfactione exemerit, sed quòd nostris operibus, aliunde infirmis & insufficientibus, valorem & pretium comparaverit in ordine ad vitam æternam. Si verò sensus sit, Christum pro nobis Legem non observasse, negamus: omnis quippe vitæ Christi series, pro nobis, ad expiationem scilicet peccatorum nostrorum, destinata fuit.

Ad ultimum, nego non alium in Scripturis assignari finem passionis & mortis Christi, quam ut sit nobis exemplum patientiæ & charitatis: ille quidem finis partialis est ac inadæquatus; sed non omnis nec adæquatus, ut constat ex testimoniis inter probationes adductis.

Obijciunt 4. impossibile esse Christi satisfactionem ex parte poenæ. Pro-
bant:

bant: Quia is verè pro nobis non satisfecit, qui non solvit id omne quod à nobis debebatur: atqui Christus non solvit id omne quod à nobis debebatur; debebamus enim ex iustitia Dei poenam seu mortem æternam sustinere, quam tamen Christus non sustinuit. Ita Socin. p. 3. de Servat. c. 3. & Catech. Racov. de morte Christi cap. 8.

Resp. dist. maj. Qui non solvit quod à nobis debebatur, neque quoad durationem, neque quoad pretium & valorem æquivalentem, concedo: qui non solvit tantum quoad durationem poenæ, nego. Dist. min. Christus non solvit quod à nobis debebatur, quoad poenæ durationem, concedo: quoad pretium & valorem æquivalentem, nego. Poenæ quidem Christi ac mors illius temporaneæ fuerunt, ac finitæ physice, poenæ autem damnatorum æternæ; sed poenæ Christi valorem habent æquivalentem pro redemptione à poenis in duratione æternis, quia sunt à persona infinita toleratæ, adeoque infinitatem quamdam ex illa contrahunt moralem, quæ plusquam sufficienter compensat poenas in duratione æternas.

Obijciunt 5. impossibile esse satisfactionem ex parte hominum. Pro-bant: Quia singulis peccatoribus mors una infinita debebatur, imò & pro unico peccato; ergo vel plures mortes, imò innumere requireban-tur infinitæ, vel Christus verè & plenè pro omnibus non satisfecit. Ita Soc. par. 3. de Servat. c. 4.

Resp. unicam Christi mortem pro omnibus omnium hominum peccatis ex-piandis sufficientissimam fuisse, cum fuerit à persona infinita, & à Deo ipso tolerata. Id directè Scriptura proficitur: *Si unus pro omnibus mortuus est*, ait Apostolus secundæ Cor. 5. v. 14. *ergo omnes mortui sunt*. Et certè ex eodem Apostolo, Rom. 5. v. 18. *Sicut per unius delictum in omnes homines in con-demnationem; sic & per unius iustitiam in omnes homines in iustificationem vitæ. Sicut enim per inobedientiam unius hominis peccatores constituti sunt multi; ita & per unius obediendum, iusti constituentur multi*.

Obijciunt denique aliqua absurda ex doctrina de satisfactione emergentia.

Primum: Si Christus pro nobis satisfecit, plus ipsi debemus, quam Patri cœlesti, qui pro nobis non satisfecit.

Secundum: Si Christus pro nobis satisfecit legi divinæ, non tenemur amplius legem observare: cum enim pro re aliqua pretium alterius lo-co solutum est, non tenetur iste denuò solvere: atque hinc aditus aper-ritur socordiz & projectæ ad peccandum licentiæ.

Tertium: Si Christus pro omnibus satisfecit, ergo omnes etiam mani-festè impii salvabuntur.

Quartum: Posita satisfactione Christi, gloria & omnipotentia Dei to-ta obscuratur: nam Deus peccata nostra sine satisfactione remittere vel noluit, vel non potuit: si noluit, injuria fit ejus misericordiz; si non potuit, ejus omnipotentiz.

Resp. ad singula.

Ad primum: nos què obligatos esse tribus sanctissimæ Trinitatis personis, quia Incarnationis mysterium, etsi subjectivè ac terminativè sit solius Filii, efficienter tamen est à tota Trinitate. Quod si multum debemus Filio, qui homo pro nobis factus est, nonne multum debemus & Patri, qui Filium suum unigenitum dedit? nonne multum & Spiritui sancto, qui charitas est diffusa in

cordibus nostris? Peccant in eo adversarii, quòd ea dividantur separanda non sunt.

Ad secundum: Christus non eo fine pro nobis satisfecit ac implevit Legem; ut nos à satisfatione ac Legis observantia immunes faceret: non ita est; exemplum enim suum nobis proponit, nosque ad virtutem & bona charitatis opera continuo adhortatur; sed ut nostris bonis operibus ac Legis observantia pretium & valorem condignum vitæ æternæ acquireret, quia sine Christo ejulque gratia nihil sumus, nihil possumus; omnia verò possumus in eo qui nos confortat. Unde tantum abest ut doctrina satisfationis Christi sit impietatis janua, ac securitatis & negligentiae incitamentum, quin potius eo potissimum motivo ad bona opera excitari debemus, quòd præunte Christo capite nostro, non possumus nisi per illa ad æternam gloriam pervenire: *Heredes sumus Dei & coheredes Christi*, inquit Apostolus Rom. 8. v. 17. *si tamen compatimur, ut & conglorificemur.*

Ad tertium: Negro omnes in impietate perseverantes, & in ea ultimum diem obcutes, salvandos esse, etsi Christus pro omnibus satisfecerit ac mortuus sit: mortuus quippe est, ut in novitate vitæ ambulemus, *ut abnegantes impietatem, & secularia desideria, sobriè, & justè, & pietè vivamus in hoc sæculo.* Qui ergo ex inveterata malitia & impietate in malo pertinaces sunt ac moriuntur, ii culpa sua fructu meritorum ac satisfationis Christi privantur, & à vita excluduntur æterna.

Ad quartum: Nec misericordia, nec omnipotentia Dei per Christi satisfationem obscurantur, imò illustrantur magis. Noluit quidem Deus infinitè justus, imò nec, ut putamus, ex lege ordinaria potuit peccatum impunitum relinquere: at in eo plurimum eluxit ejus benignitas ac misericordia, quòd cum inimicis essemus, ipse prior dilexit nos, dando nobis proprium suum ac dilectum Filium, qui pro nobis Deo Patri abundè & plus quàm abundè satisfaceret: omnipotentia quoque ac sempiterna ejus virtus in eo apparuit, quòd per crucem suam, quæ *Judæis scandalum, & Gentibus stultitia fuit*, omnes conjurati adversus nos inferni vires ac conatus fregit ac superaverit.

A R T I C U L U S III.

De perfectione satisfationis Christi.

Variis est præsentis disputationis sensus ac status, pro diversitate personarum cum quibus & à quibus agitur: unde ad fidem spectat, vel ad merum Scholæ dissidium.

Calvinistæ cæterique Novatores eo sensu ajunt perfectam esse Christi satisfationem, ut nullus amplius locus esse debeat privatis nostris satisfationibus; nosque Catholicos contumeliosè exagitant, quòd præstantiam satisfationis Christi elevemus, cum privatas nostras necessarias tuemur: sic tamen perfectam contendunt iidem Novatores Christi satisfationem, ut negent eam superabundantem fuisse, ne si quidquam in ea residui ac superexcellentis faterentur, consequenter Indulgentiarum doctrinam ipsi adeo invisam admittere cogerentur.

De satisfatione Christi sic considerata hic cum Hæreticis non disputamus: suus

suus huic controversiæ locus erit, cum de Sacramento Pœnitentiæ differendo, de operibus satisfactoriis, ac de Indulgentiis verba faciemus.

Mera igitur hic ventilatur Scholæ controversia. Licet enim omnes Scholæ Magistri agnoscant Christi satisfactionem reipsa sufficientem fuisse omnibus nostris redimendis peccatis, nostrasque privatas satisfactiones eo titulo necessarias non esse, ut suppleant defectum & insufficientiam satisfactionis Christi; dissentiunt nihilominus inter se, ut exponant quæ ratione satisfactio Christi sufficiens & condigna fuerit.

Alii volunt eam ex se condignam & perfectam non fuisse, sed ex sola Dei acceptantis liberalitate: alii, eam non fuisse ex virtute, seu titulo veræ justitiæ factam: alii è contra, licet fateantur eam titulo justitiæ factam, nolunt tamen ad omnes rigorosos juris apices exactam illam fuisse, de quibus Vasques hic disp. 5. c. 1.

Quatuor igitur hic inquirenda.

I. An satisfactio Christi ex se perfecta & condigna fuerit; an verò ex sola Dei acceptantis liberalitate.

II. An fuerit æquivalens & superabundans.

III. An fuerit ex vera justitia.

IV. An ex stricta justitiâ, & ad rigorosos juris apices.

An satisfactio Christi ex se perfecta fuerit; an ex sola Dei acceptantis liberalitate.

Qui inter Theologos arbitrantur satisfactionem Christi potuisse à Deo non acceptari, ii consequenter docere tenentur eam ex sola Dei acceptantis liberalitate vim obtinuisse: ad quid enim prodesset, si non acceptaretur? *Christi satisfactio*, ait Cardinalis de Lugo, de Mysterio Incarn. disp. 3. sect. 10. *pro nostris peccatis, si quantitatem & valorem respicias, non solum condignum pretium est, sed excedens & superabundans; & ex hoc capite fuit iuxta; imò & supra rigorem justitiæ punitivæ; adhuc tamen quantacumque illa est, potuit juxta rigorem justitiæ non acceptari à Deo.* Non satis, fateor, intelligo, quo sensu dici possit Christi satisfactionem potuisse à Deo non acceptari, quam, perinde ac Incarnationem, & Deus liberè decrevit, & Verbum liberè acceptavit. Fingere potest Verbum esse hominem factum, Deo non consentiente, imò non cooperante? Fingi-ne potest posse Filium velle aliquid quod Pater non velit, cum una & eadem sit utriusque voluntas? Itaque sit

CONCLUSIO.

Satisfactio Christi ex se perfecta & condigna fuit, non ex sola Dei acceptantis liberalitate.

Probatur multiplici argumento ex Scripturis.

I. à dignitate personæ satisfaciæntis, in qua ad officium Mediatoris & Redemptoris adimplendum dux potissimum conditiones requiruntur; sanctitas seu justitia perfecta, & virtus infinita: atqui Christus, qui pro nobis satisfecit, perfectè justus & sanctus fuit, qui peccatum non novit nec sentit.

Tournely de Incarnatione.

N 3

cii,

est, secundæ Cor. 5. v. 21. inò sanctitas ipsa, Lucæ 1. v. 35. Pariter infinita virtute seu potentia instructus fuit, utpote verus Deus, in quo, ait Apostolus Coloss. 2. v. 9. *inhabitat plenitudo divinitatis corporaliter*. Porro satisfactio quæ fit à persona infinitè iusta & sancta, infinita quoque est quoad valorem & pretium. Quamquam enim natura humana, quæ se habet ut principium quo, finita sit; satisfactio nihilominus infinita est ob infinitam personam, quæ illius est principium, ut vocant, quod, cui tribui illa debet, tum quia actiones, ut fert commune axioma, sunt suppositorum; tum quia ipsamet divina Christi persona pars est illius satisfactionis, qui semetipsum humiliavit, factus obediens usque ad mortem. Porro satisfactio infiniti valoris ac pretii ex se se perfecta est ac condigna, non ex sola Dei acceptantis liberalitate.

Philipp.
1. v. 8.

II. ab unitate sacrificii & oblationis Christi. S. Paulus in Epist. ad Hebr. ostendit sacrificiorum Legis insufficientiam seu imperfectionem, ex frequentia eorum iteratione; sacrificii verò Christi excellentiam, ex ipsius unitate, quia semel in cruce oblatum & mortuus est. Lege cap. 7. & 10. Epist. ad Hebr. Porro si satisfactio Christi non ex se condigna & perfecta fuisset, sed ex una Dei acceptantis liberalitate, nihil ferè habuisset supra sacrificia legalia, quæ ex liberali Dei acceptance valebant ad purganda peccata.

III. ex gravitate penæ quæ Christo imposita fuit. Namque ea satisfactio perfecta & condigna est, quæ adæquat & exhaurit omne debitum ab iis contractum, pro quibus persolvitur satisfactio: atqui talis est Christi satisfactio: per peccatum enim Legi, pœnis ac morti ipsi obnoxii facti sumus: sed Christus factus est sub Lege, mandata Patris ex vera obedientia observavit, pœnis denique ac ipsi morti subditus fuit, qui dolores nostros portavit; ergo Christi satisfactio adæquat & exhaurit debitum omne quod ex peccato contraximus.

IV. ab effectibus qui attenduntur, vel respectu Dei, vel respectu peccati, vel respectu Fidelium. Respectu Dei, perfectæ cum ipso reconciliatio quam operatus est Christus, Rom. 5. v. 10. & secundæ Cor. 5. v. 18. Respectu peccati, perfectæ illorum expiatio ac condonatio, Eph. 1. v. 7. Hebr. 1. v. 3. Respectu Fidelium, plena consummatio & redemptio, Hebr. 9. v. 12. & 10. v. 14. Porro ubi effectus alicujus causæ perfecti sunt, causam perfectam esse oportet.

V. denique, ex Dei Judicis approbatione. Namque si Deus iustus Judex Christi satisfactionem gratam & acceptam habuit, haud dubiè perfecta illa fuit ac condigna: porro approbatam illam fuisse constat, tum quando Pater divinus solemniter declaravit hunc esse Filium suum dilectum in quo sibi benè complacuit; tum quando eum à mortuis suscitavit: resurrectio quippe Christi non modo indubitatum fuit divinitatis ejus argumentum, sed etiam certissimum perfectissimæ satisfactionis pignus. Etenim nisi plenissime & ad ultimum usque quadrantem satisfecisset, vix credi potest Deum Judicem, ac inexorabilem ejus iustitiam, quæ plenam solutionem postulat, eum liberatum fuisse & evehurum ad summam illam gloriam, ad quam exaltatus est in præmium perfectæ suæ obedientiæ, Philipp. 2. v. 9.

Confirmari Conclusio posset multis SS. Patrum testimoniis; sed quæ laudata sunt, ubi de necessitate Incarnationis & satisfactionis egimus, sufficiunt.

Acce-

Accedit & manifesta ratio Theologica. Ea scilicet satisfactio infinite perfecta est ac condigna, quæ sit à persona infinite perfecta; crescit enim valor & pretium satisfactionis, pro majori perfectione ac dignitate personæ satisfacientis: atqui satisfactio Christi est à persona infinite perfecta, nempe persona Verbi; ergo &c.

Solventur Objectiones.

Obicies 1. Satisfactioni Christi aliquid deest, dicente Apostolo Coloss. 1. v. 24. *Adimpleo ea quæ defunt passionum Christi in carne mea.* Ergo satisfactio Christi ex se perfecta & condigna non est.

Resp. dist. ant. Satisfactioni Christi aliquid deest, ex parte carnis nostræ, quæ assidenda est & castiganda, ut merita Passionis Christi nobis applicentur, concedo: aliquid deest ex parte Christi, nego. Vide quæ paulò ante ad hanc Socinianorum objectionem dicta sunt, in responsione ad sextam confirmationem secundæ Objectionis.

Instabis 1. Christus oravit ut nobis delictorum veniam impetraret: *Pater, dimitte illis, quia nesciunt quid faciunt.* Porro si fuisset infinita Christi satisfactio, delictorum nostrorum venia debita ipsi fuisset, non precibus exoranda. Luc. 23. v. 34.

Resp. nego min. Etsi enim debita foret, precibus tamen eam exorare voluit Christus, tum ut orandi præceptum ac exemplum nobis daret; tum ut hac ipsa oratione, quæ demissionem & obedientiam ejus demonstrabat, impetraret ac mereretur id quod postulabat; erat enim ipsamet oratio Christi pars quædam ipsius satisfactionis: sic autem orabat Patrem, ut simul significaret omnia sibi esse cum ipso communia, *Omnia tua mea sunt.* Tum denique ut mediatoris officium & partes adimpleret.

Instabis 2. Necessè fuit ad valorem satisfactionis Christi, ut à Deo acceptaretur; ergo ex se sufficiens ac condigna non fuit.

Resp. dist. ant. Necessè fuit ut à Deo acceptaretur, nec potuit, supposito Incarnationis decreto, non acceptari, concedo: & potuit non acceptari, nego. Acceptatio verò seu approbatio satisfactionis, nihil detrahit de ipsius condigna perfectione, quia nulla pars debiti per acceptationem gratuito remittitur: ea quippe acceptatio sola condignitatem satisfactionis immittit, quæ aliquid gratis remittit, & vocari solet acceptatio creditoris. Adde quòd, ut initio hujus disputationis observatum est, non satis intelligitur quomodo recusari, seu non acceptari potuisset Christi satisfactio, supposito decreto libero futuræ Incarnationis.

Obicies 2. Si satisfactio Christi condigna foret & æquivalens ad solvendum quod ex peccato contraximus debitum, & superflua essent Sacramenta, aliaque salutis assequendæ subsidia, & immerito novæ penæ satisfactoriæ à nobis exigenterentur: cum enim totum debitum solutum est à sponse, iterata ejus solutio à reo exigenda non est.

Resp. nego sequelam ant.

Ad primam: Sacramenta & alia salutis subsidia necessaria non sunt, ut solvatur pretium redemptionis nostræ, quod abundè & superabundè Christus persolvit; sed ut applicetur nobis: sunt etenim illa publica instrumenta,

quibus Deus utitur, ut quam sanguine suo gratiam promeruit, nobis communicetur. *Mors Christi*, ait S. Thomas L. 4. contra Gent. c. 59. n. 26. *est quasi quædam universalis causa salutis, sicut peccatum primi hominis fuit quasi universalis causa damnationis; oportet autem universalem causam applicari ad unumquemque specialiter; ut effectum universalis causæ participet; effectus igitur peccati primi parentis pervenit ad unumquemque, per carnis originem; effectus autem mortis Christi pertingit ad unumquemque, per spirituale regenerationem, per quam homo Christo quodammodo coniungitur & incorporatur: & ideo oportet quod unusquisque querat regenerari per Christum, & alia suscipere in quibus virtus mortis Christi operatur.*

Ad secundam: Novæ pœnæ nobis imponuntur quidem, non in supplementum pretii sanguinis Christi, quod infiniti valoris fuit, sed ut pretium illud nobis applicetur & communicetur. Reipsa totum pretium redemptionis nostræ à Christo solum est, sed cum ista condicione ac lege, ut pretii huius participes non simus, nisi per cruces, dolores & afflictiones, *Cohæredes Christi, si tamen computimur, ut & conglorificemur.* Ira sapienter divina ordinavit sapientia & iustitia. 1. ut membra suo capiti conformia forent; & quemadmodum Christus ad gloriam suam pervenit per crucem, *Hac oportuit Christum pati, & ita intrare in gloriam suam*, ita & nos per vitæ huius dolores & ærumnas ad vitam æternam perduceremur. 2. quia virtus in infirmitate perficitur, secundæ Cor. 12. v. 9. & ad agonem ac victoriæ meritum relinquitur nobis stimulus carnis. 3. ne fortè si homines per Christum ab omni pœna liberarentur, solo rerum temporalium affectu ipsi adhererent. 4. ut à bonis temporalibus abstracti, ac pœnis huius vitæ fatigati, cœlestia bona ardentius concupiscerent. 5. ut tollatur negligentia occasio. 6. denique, ut gloriæ nostræ consulere: gloriosum quippe homini est, in negotio suæ salutis suo Redemptori ac Servatori cooperari.

Obijcies 3. Conclusio nostra falso nititur fundamento, nempe satisfactionem Christi esse infinitam. At non ita est: satisfecit enim Christus per actiones humanas, seu per humanitatem, quæ certè finita est, non per divinitatem, quæ demissionis, passionis & satisfactionis prorsus est incapax.

Resp. nego ant. ad probationem dist. Christus satisfecit per actiones humanas quæ finitæ sunt, quoad entitatem physicam, concedo: quoad valorem moralem, nego. Itaque actiones Christi satisfactoriæ spectari possunt, vel quoad entitatem physicam, sub quo respectu finitæ sunt; vel quoad pretium & valorem moralem, quo respectu infinitæ sunt propter unionem personalem Verbi cum humanitate. Quod nō intelligas, tria in Christo satisfaciente sunt attendenda: persona ipsa satisfaciens; natura divina, quæ valorem & pretium infinitum actionibus Christi communicat; & natura humana, quæ physicam illarum actionum quas elicit, entitatem subministrat. Unde autem præcisè repeti debeat valor infinitus satisfactionis Christi, non vana, sed multiplex est Theologorum sententia; de qua re, vide, si vacat, Cardinalem de Lugo, de Mysterio Incarnationis Disp. 6. sect. 1. Ut verò quæstionem solvas,

Observa valorem in satisfactione triplicem distingui posse. Primus est objectivus, qui tum in ipsa entitate actionis, tum in ejus objecto circa quod versatur, & modo quo in illud tendit, positus est. Secundus, radicalis dicitur

dicitur, qui fuit à persona ipsa satisfaciente, seipsam demittente ac humiliante. Tertius, derivatus est, dimanans ex principiis ex quibus fit actio. Principium autem, vel *quod*, vel *quo* dicitur: principium *quod*, est suppositum agens; actiones quippe sunt suppositorum: principium verò *quo*, aliud est substantiale, nempe natura ipsa; aliud accidentale, nempe habitus, gratia &c. His positis,

Dico 1. valorem objectivum satisfactionis Christi finitum fuisse, tum ratione entitatis actionis humanæ, tum ratione objecti seu materiæ circa quam versabatur, quæ sepius finita erat, tum ratione nîs voluntatis & modî quo circa objectum tendebat.

Dico 2. valorem radicalem infinitum fuisse: hîc enim fluebat à persona Verbi infinita, quæ & offerebat simul & oblata erat, simul Sacerdos & hostia; ipsa etenim Verbi persona, ut jam dictum est, pars erat satisfactionis, *Humiliavit semetipsum*, Philipp. 2. v. 8. *Dedit semetipsum in redemptionem pro omnibus*, primæ ad Tim. 2. v. 7. Simul Christus & Sacerdos fuit offerens, & hostia oblata; ex utraque autem parte satisfactio ipsius infinitum valorem contrahebat: satisfactio quippe, ut Schola loquitur, reflexiva est supra suppositum, illudque involvit.

Dico 3. valorem ex principiis satisfactionis Christi derivatum, diversum fuisse, pro diversa conditione illorum principiorum. Christi persona erat principium *quod*, adeoque infinitum: principium verò *quo* substantiale duplex erat; natura scilicet divina & humana: principium *quo* accidentale, erat gratia accidentalis in Christo. Ex parte principii *quod*, seu personæ Christi, valor satisfactionis infinitus est: ex parte principii *quo* substantialis primarii, nempe divinitatis, infinitus quoque est; non autem ex parte humanitatis præcisè quæ finita est, perinde ac principium *quo* accidentale, nempe gratia, quæ natura sua finita quoque est. Cave autem ne cum de satisfactione Christi tractas, divinam ab humana sejungas naturam; neque enim aut divina, aut humana seorsim pro nobis satisfecit, sed utraque simul modo suo: divina valorem infinitum impertiendo, humana materiam actionum & passionum subministrando; hæc physicè, illa moraliter.

Instabis 1. Vix intelligitur qua ratione Verbi persona parcesse possit satisfactionis; ad hoc enim necesse foret Verbum sese demittere, ac subicere legi satisfactionis: atqui de divina persona concipi istud non potest; ergo &c.

Resp. dist. min. De divina persona solitarie sumpta id concipi non potest; concedo: hypostatice unita cum natura humana, nego. Verbum quippe, cum caro factum est, *exinaniit semetipsum, formam servi accipiens*. . . & *humiliavit semetipsum, factus obediens usque ad mortem*. Philipp. 2. v. 7. & 8. Reipsa mens humana non capit quomodo id fieri possit: mysterium est à sæculo absconditum.

Instabis 2. Quoties dux causæ concurrunt ad eundem effectum, quarum una infinita est, altera verò finita, effectus simpliciter finitus est, ut patet in Deo cum creaturis agente, & in visione beatifica: atqui divinitas & humanitas concurrunt ad eandem actionem Christi meritoriam; ergo effectus ex duplici illa causa resultans simpliciter finitus est.

Resp. dist. maj. Si dux illæ causæ eodem modo, nempe physicè ac effectivè concurrant, concedo: si modo diverso, ita ut causa infinita moraliter tantum,

tum, causa verò finita physicè concurrat, nego. Dist. min. Divinitas & humanitas concurrunt ad eandem actionem Christi meritoriam, diverso modo, divinitas nimirum moraliter valorem omnem actionibus Christi impertiendo, & humanitas physicè materiam satisfactionis subministrando, concedo: eodem modo, nego. Unde patet discrimen inter exempla laudata, & causam præsentem: Deus quippe agens cum creaturis, & in ipsa etiam visione beatifica, physicè influit ac concurrat: in actionibus verò Christi satisfactoriis divinitas moraliter dumtaxat influit, iis valorem ac pretium infinitum communicando; humanitas autem physicè ac effectivè, entitatem actionis producendo.

Instabis 3. Creatio mundi, suscitatio Lazari ex mortuis, & alia huiusmodi, nullum contrahunt ex persona operante infinitum valorem; ergo nec actiones Christi satisfactoriæ, ex persona Verbi.

Resp. dist. ant. Nullam contrahunt ex persona operante valorem infinitum, in ordine satisfactionis, concedo: in alio ordine, nego. Creatio equidem præstantissima est actio in ordine beneficii, non autem in ordine satisfactionis, quia scilicet à solo Deo est qui solvenda satisfactionis est incapax: est tamen actio hæc ratione principii & modi agendi infinita, quam ratione termini creati, finita. Pariter, excitatio Lazari ex mortuis, infiniti valoris est in genere beneficii; quin & spectata in homine Deo, habuit in se valorem meriti & satisfactionis correspondentem dignitati personæ Christi: non tamen propriè satisfactoria fuit, quia ad merendum & satisfaciendum non sufficit valor rei oblate, nisi referatur ab offerente in finem merendi & satisfaciendi.

Instabis 4. Est valor infinitus quem divinitas influit in actiones Christi satisfactorias, non limitetur per humanitatem; at saltem limitari potest ex objecto & modo actionis magis vel minus intenso, ex voluntate ipsius operantis. Sic verò probant: Tam actus satisfactorii Christi, et si personæ infinitæ, limitantur ex objecto, modo actionis ac operantis voluntate, quam actiones hominis iusti habentis v.g. intensissimam charitatem limitentur, tum ex objecto, modo actionis & voluntate ipsa operantis: atqui actiones hominis iusti habentis intensissimam charitatem, ita limitantur; aliàs sequeretur hominem iustum qui charitatem habet intensissimam, ex illa semper operari, quod certè falsum est, aliàs eo ipso impeccabilis redderetur.

Resp. nego. ant. ad cujus probationem neganda est maior propositio & paritas. Disparitas est, quia sanctitas illa & charitas æcidentaliter est & adventitia in homine iusto, non naturalis; illiusque usus semper subiacet liberrimo voluntatis arbitrio: unde mirum non est si homo habens intensissimam charitatem, remissiores actus aliquando eliciat. E contra verò sanctitas & dignitas personæ Christi substantialiter est, naturalis, intrinseca ac necessaria: quapropter eo ipso quo Verbum hypostaticè unitur cum humanitate, ac pars est satisfactionis quam Deo persolvit, necesse est ut actionibus Christi valorem infinitum communicet; neque penes ipsum est, modò finitum, modò infinitum valorem impertiri, sed necesse est ut semper sit infinitus, Deus enim semetipsum negare non potest.

Instabis 5. Si omnis & qualibet actio Christi satisfactoria infinita foret,

ret, omnes in merito æquales forent, nec una altera dari posset nobilior; imò omnes simul sumptæ majorem dignitatem ac valorem non haberent, quàm una simplex; infinito quippe nihil addi potest: atqui consequens istud absurdum videtur; ergo &c.

Resp. dist. maj. Omnes æquales forent in merito, ratione valoris personalis, concedo: valoris objectivi, nego. Valor personalis qui est ab ipsa Verbi persona, æqualis est: valor autem objectivus, qui est ab objecto & circumstantiis actionis, major vel minor esse potest, pro majori vel minori dignitate objecti.

Instabis 6. Si unica Christi actio sit infiniti valoris ac meriti, superflue Christus tot dira perpassus est, ac moriendo totum effudit sanguinem, cujus vel unica gutta universo mundo redimendo sufficiens erat.

Resp. nego sequelamant. Voluit enim Christus ex abundantissima charitate opus redemptionis nostræ ipsa morte sua complere ac consummare, ad quam quodlibet vitæ suæ mortalis opus satisfactorium ordinavit. *Mors, Tom. 5. ait S. Augustinus Serm. 101. de temp. nunc 32. in Append. nisi à morte super-* *Append. perari non poterat; ideo mortem Christus sustinuit, ut iniusta mors justam vin-* *p. 64. B. ceret mortem, & liberaret reos iustè, dum pro eis occidebatur iniuste.* Non major ergo valor est personalis & intensivè, ut ajunt, in una, quàm in altera Christi actione; licet major sit objectivè & extensivè in pluribus.

Instabis 7. Valor actionum Christi non est quid increatum, alioquin esset ab æterno; ergo est aliquid creatum, & consequenter finitum.

Resp. valorem istum esse aggregatum ex ipsis operibus & ex dignitate increata Verbi; nihil enim aliud est valor, quàm bonitas operis exigentis à Deo præmium eximium, & majestas operantis, cui nihil finitum est magnum in ratione præmii: hoc autem aggregatum infinitum est in ratione valoris, licet includat aliquid creatum.

At, inquires, istud aggregatum componitur ex aliquo finito & ex aliquo infinito; ergo non est simpliciter infinitum, sed secundum quid.

Resp. istud aggregatum quantum ad valorem & pretium, simpliciter infinitum esse, tametsi ratione entitatis aliquid finitum includat: eo scilicet modo quo actiones meritorie hominis iusti merentur præmium extensivè & quoad durationem infinitum, nempe vitam æternam; tametsi quoad entitatem finitæ illæ sint ac limitatæ.

Instabis denique: Si valor operum Christi simpliciter infinitus esset, non posset adæquari seu compensari nisi præmio simpliciter infinito: sed nullum est hujusmodi; ergo &c.

Resp. 1. nego maj. Sufficit enim ad compensandum meritum Christi, nullum esse præmium tam excellens ipsi collatum, quin majus & majus in infinitum ipsi debeatur. 2. Negari etiam absolute de hujusmodi præmium infinitum esse impossibile: si enim v.g. altera persona SS. Trinitatis carnem assumeret in præmium Incarnationis Filii, nonne præmium illud æquale ac simpliciter infinitum foret?

An satisfactio Christi æquivalens fuerit, imò & superabundans.

CONCLUSIO.

Satisfactio Christi non tantum æquivalens fuit, sed etiam superabundans.

Probatur 1. ex Scripturis, Rom. 5. v. 15. *Non sicut delictum, ita & donum: si enim unius delicto multi mortui sunt; multo magis gratia Dei, & donum in gratia unius hominis Jesu Christi in plures abundavit.* Et v. 20. *Ubi abundavit delictum, superabundavit gratia:* quibus verbis Apostolus præfert meritum Christi ad salvandum, peccato Adæ ad perdendum: non quidem quoad extensionem, quasi gratia Christi in plures derivata sit, quam Adæ peccatum; certum siquidem est, peccatum Adæ in omnes omnino homines (exceptis Christo & B. Virgine) pertransisse, in quo omnes peccaverunt; vitam autem gratiæ non omnibus omnino communicari, puta infantibus qui sine Baptismo moriuntur.

Nec obstat quòd vulgatus Interpres dicat in *plures* abundasse gratiam Christi: vox enim illa, *plures*, non comparative, sed absolute sumenda est, idemque sonat ac in *multos*; & quidem in græco textu legitur, πολλοις, *multos*. Apostolus igitur præfert Christi meritum ad salvandum, Adæ demerito ad perdendum, ratione valoris, dignitatis & virtutis: tum quia plura excellentiora dona per gratiam Christi adepti sumus. *Veni*, ait Christus ipse Joan. 10. v. 10. *ut vitam habeant, & abundantius habeant.* Tum quia major est in meritis Christi efficacia in salutem procuranda, quam in peccato Adæ in promerenda damnatione, quia potest Deus quos voluerit per gratiam Christi à morteliberare, non potest dæmon quos voluerit perdere. Hinc meritò S. Petrus Epist. primæ, c. 1. v. 19. ait, *nos redemptos esse pretioso Christi sanguine;* hoc est, pretio quod æstimari satis pro dignitate non potest, cum sit à persona infinita, nempe Deo ipso.

Probatur 2. ex SS. Patribus.

P. 137. S. Cyrillus Hierosolymitanus Catech. 13. *Assumpsit*, inquit, *Christus peccata nostra in corpore, in lignum, ut per mortem ipsius nos peccatis mortui, iussitque viveremus.* Non parvus erat, qui mortuus est pro nobis: non erat ovis sensibilis: non erat simplex homo: non erat Angelus tantum, sed Deus incarnatus, Non tanta erat peccantium iniquitas, quanta pro illis morientis iussit; non tantum nos peccavimus, quantum ille iussit exire.

T. 1. p. S. Gregorius Nazianz. Orat. 42. ubi ait: Nullum cum salutis meæ miraculo conferendum est, in quo exiguae cruoris gutte orbem universum instaurarunt. Porro non alique tantum guttæ, sed omnis Christi sanguis fusus est.

Edir. S. Joan. Chrys. Hom. 10. in Epist. ad Rom. Multo plura, inquit, *iis que debebamus, dependit Christus; atque adeo tantò plura, quantum mare immensum ad pusillam guttam collatum, majus esse possit.* Noli ergo ambigere homo, cum tantam bonorum opulentiam videas; neque interrogato, qui id fieri potuerit, ut illa mortis ac peccati scintilla, tanto donorum veluti mari restineta, soluta sit.

S. An-

Com-
mend. p.
102.

S. Anselmus L. de conceptu virginali & peccato originali cap. 22. *Deus non exigit ab ullo peccatore plus quam debet. Sed quoniam nullus potest red- dere quantum debet, solus Christus reddidit pro omnibus qui salvantur, plus quam debent.* P. 104. col. 1. A.

Denique Clemens VI. S. P. in ea Bulla quam dedit anno 1350. ut annus Jubilæus, qui quolibet anno centesimo celebrabatur, ad quinquagesimum reduceretur, quæ extat inter Extravagantes communes L. 5. Decretalium, titulo de *pœnitentiis & remissionibus*, incipitque ab his verbis, *Unigenitus Dei Filius*, in ea, inquam, Bulla tria docet S. Pontifex ad rem nostram præsentem maximè pertinentia. Edit. Rom. 1582. p. 351.

I. modicam sanguinis guttam, propter unionem cum Verbo, sufficientem fuisse. *Gutta sanguinis illius modica, propter unionem ad Verbum, pro redemptione totius humani generis sufficere potuisset.*

II. ne supervacua, inanis ac superflua tantæ effusionis (id est, Christi sanguinis profluvii) miseriam redderetur, thesaurum infinitum Ecclesiæ militanti acquisivisse; quo qui usi sunt Dei amicitie participes sunt effecti. ib. n. 60.

III. de illius thesauri consumptione seu imminutione formidandum non esse, tam propter infinita Christi merita, quam pro eo quod quantò plures ex ejus applicatione irabuntur ad justitiam, tantò magis accrescit ipsorum cumulus meritorum. Nihil ad Conclusionis nostræ confirmationem disertius proferri potest. ibid. p. 352.

Eadem, quæ paulò antè, recurrit hic Theologica ratio, quæ omnibus Theologis communis est, petita nimirum ab infinitate personæ operantis & satisfaciæntis, à qua ejus satisfactio redditur infinita. Quia sicut dignitas personæ offensæ auget gravitatem offensæ, multò magis dignitas satisfaciæntis auget valorem satisfaciæntis: multò enim plus est Deum humiliari, quam hominem adversus Deum se erigere; & ideo plus movet ad placandum Deus se humilians, quam ad irascendum homo adversus Deum se erigens. Cum ergo dignitas personæ Christi sit simpliciter infinita, fatendum est ejus satisfaciæntiam habere valorem simpliciter infinitum; & hunc quidem non solum ad impetrandum, sed etiam ad merendum, & ad satisfaciendum.

Confirmatur: Quia etsi peccatum hominis aliqua ratione infinitum sit, quia lædit Dei majestatem infinitam, attamen infinitum est dumtaxat extrinsecè, objectivè ac secundùm quid, non intrinsecè: è contra verò satisfactio Christi est infinita intrinsecè, propter unionem personalem Verbi divini cum humanitate; ipsa etenim persona satisfaciens intrinseca est, ac speciem dat ipsi satisfaciænti. Porro quod est intrinsecum ac per se infinitum, superat id quod objectivè tantum & extrinsecè infinitum est: unde quantum Deus creaturam, tantum satisfactio hominis Dei superat omnem creaturæ offensam; ac multò major ex satisfaciæntia Christi redundat in Deum honor, quam ex peccato hominis injuria.

Momenta quæ adversus doctrinam hanc opponi possunt, mox ad superiorem Conclusionem retulimus & diluimus.

An satisfactio Christi fuerit ex vera justitia.

Non hic quaestio est de justitia commutativa, sed de vindicativa. Est autem

autem iustitia vindex, voluntas puniendi delicta propter bonum & honestatem quæ apparet in ipsa correctione & punitione peccati, quæ virtus in Deo propria est ac naturalis. Satisfactionem Christi ex vera iustitia fuisse, negant nonnulli cum Cardinali de Lugo, de Myst. Incarn. Disp. 3. sect. 10. Dicendum, inquit, satisfactionem Christi, licet fuerit rigorosa quoad equalitatem & condignitatem pretii soluti, non tamen fuisse rigorosam quoad modum solutionis, sed indignasse aliqua libera gratia Dei; nempe gratuita Dei acceptione: poterat quippe Deus, in mente hujus Theologi, satisfactionem Christi non acceptare. Adversus hanc sententiam sit

CONCLUSIO.

Satisfactio Christi fuit ex vera iustitia.

Probatur ex Scripturis, Rom. 3. v. 25. *Quem (Christus) proposuit Deus propitiationem per fidem in sanguine ipsius, ad ostensionem iustitiæ suæ.* Et c. 5. v. 18. *Igitur sicut per unius delictum in omnes homines in condemnationem; sic & per unius iustitiam in omnes homines in justificationem.*

Huc & referenda Scripturæ testimonia quæ suprâ laudavimus, agendo de necessitate Incarnationis, ubi ex ratione divinæ iustitiæ demonstratum est, Deum de potentia sua ordinaria & virtute iustitiæ temperata, non potuisse peccatum omnino impunitum, & sine debita satisfactione dimittere: quo motivo ductus est, ut tam severam & rigorosam de proprio suo Filio vade ac sponse nostro penam repeteret.

Communis ista est SS. Patrum sententia, quorum plura testimonia loco mox indicato retulimus. Sufficiat hic laudasse

T. 2. p. 93. S. Augustinum L. 13. de Trinit. c. 13. initio. *Placuit Deo, inquit, ut propter erendum hominem de diaboli potestate, non potentia diabolus, sed iustitia vinceretur.* Et L. 3. de lib. arb. c. 10. *Dei unicus Filius, ait, diabolum homine indutus.... subiungavit: nihil ei extorquens violento dominatu, sed superans eum lege iustitiæ.*

P. 176. S. Leonem Serm. 12. de Passione Domini, non longè ab initio, *Ad dominationem diaboli destruendam, inquit, magis usus est iustitiæ rationis, quam potestate virtutis.*

S. Gregorium Magnum L. 17. Moral. c. 30. aliàs 15. *Fecit, ait, pro nobis sacrificium: corpus suum exhibuit pro peccatoribus, victimam sine peccato; quæ humanitate mori, & iustitia mundare potuisset.*

Favet & Theologica ratio. Ille quippe ex vera iustitia satisfecit, qui omne debitum per nos contractum exactè solvit, honorem Dei ex peccato læsum ad qualitatem restituit. Quid enim est iustitia? nisi constans ac perpetua voluntas reddendi unicuique quod suum est. Atqui Christus omne debitum nostrum exactè solvit, poenas nobis debitas in se transferendo, honorem Dei ad æqualitatem restituit, qui cum in forma Dei esset, exinanivit semetipsum, formam servi accipiens.... humiliavit semetipsum factus obediens usque ad mortem. Qua sui exinanitione ac humiliatione, non tantum ad æqualitatem læsum Dei honorem restituit, sed etiam multò plus reddidit, quam per peccatum ablatum fuerat, propter infinitam suæ divinæ personæ dignitatem.

Dices

Dices 1. Hominis ad Deum dari non potest actus propriæ ac veræ justitiæ: atqui Christus Dominus satisfecit pro nobis, quatenus homo fuit.

Resp. dist. maj. Hominis puri, esto: hominis Dei, nego. Dist. min. Christus Dominus pro nobis satisfecit, ut homo Deus, concedo; ut homo purus, nego. Jam sapius monuimus, ubi de satisfactione Christi agitur, utramque naturam divinam & humanam non seorsum sumendam esse, sed simul ac conjunctim.

Dices 2. Ex Philosopho Ethnic. 3. c. 6. inter patrem & filium non intercedit actus justitiæ propriæ dictæ: atqui Christus filius est Patris æterni; ergo &c.

Resp. dist. maj. Quamdiu filius est sub cura paterna, nec habet bona quædam propria, concedo: si habeat propria bona, & sit, ut ajunt, emancipatus, nego. Porro Christus habet propria bona, suum nempe corpus cujus dominus est; habet propriam suam humanam voluntatem, *Oblatus enim est, quia voluit*. Potuit ergo ex bonis propriis Patri suo satisfacere.

Dices 3. Non potest satisfactio ex vera fieri justitia, nisi peccatum commissum fuerit contra justitiam: atqui dici id non potest; alioqui sequeretur, in uno eodemque peccato v.g. intemperantiæ, duplicem occurrere malitiam seu deformitatem, unam ex parte justitiæ; alteram ex parte temperantiæ, atque ita duplex peccatum foret, quod falsum est & absurdum.

Resp. nego min. Ad ejus probationem, esto duplex sit deformitas, non tamen sequitur duplex esse peccatum. Ratio est, quia omnis & qualibet deformitas speciem non confert actui peccaminoso, sed ea tantum quæ obiecti rationem induit. Ita in adulterio v.g. reperitur & injustitia, cum uxor alterius usurpatur; & intemperantia, qua acceditur ad non suam: attamen unicum peccatum est.

An satisfactio Christi fuerit ad strictos juris apices.

Pendet hujus questionis solutio ex conditionibus quæ ad strictam & rigorosam satisfactionem exiguntur: illæ verò in definitione satisfactionis continentur, quæ ex antè dictis talis est. Satisfactio est redditio voluntaria honoris ac reverentiæ æquivalens, ex propriis & aliis indebitis, & ad alterum. Sex igitur illæ conditiones requiruntur in satisfactione, ut accurata sit & ad strictos juris apices. Prima, ut sit voluntaria; secunda, ut sit æquivalens; tertia, ut fiat ex bonis propriis; quarta, ut illa bona alio titulo debita non sint; quinta, ut sit ad alterum; sexta, ut in ea nihil gratis remittatur.

C O N C L U S I O.

Satisfactio Christi rigorosa fuit ad strictos juris apices.

Probatur: Quia omnes conditiones ad strictam & rigorosam satisfactionem requisitæ, reperiuntur in satisfactione Christi.

I. Est voluntaria. Isaïæ 53. v. 7. *Oblatus est quia voluit*. Et Joan. 10. v. 17. *Ego pono animam meam. Nemo tollit eam à me, sed ego pono eam à me ipso*.

II. Est

II. Est æquivalens, imò & superabundans, sicut jam abundè probatum à nobis est.

III. Fuit ex propriis bonis Christi. Patet tum ex mox citato testimonio Joan. 10. v. 17. tum quia ea satisfactio fit ex propriis bonis, quæ fit ex bonis speciali Christi dominio subditis: atqui talis fuit satisfactio Christi. Namque spectari potissimum illa debet ratione valoris & pretii, non autem ratione materie seu entitatis: porro satisfactio Christi spectata ratione valoris & pretii, subest speciali ac singulari ejus dominio. Namque valor ille in eo positus est, quod satisfactio ipsammet Verbi personam tanquam partem includat, vel quòd persona Verbi valorem & pretium insluit in actiones satisfactorias: at utroque modo spectatus valor satisfactionis, subest singulari & absoluto Christi dominio; persona enim Verbi, utpote divina, nemini subjacet, sive ut pars est satisfactionis, sive ut valorem influens in actiones satisfactorias.

IV. Satisfactionem Christi fuisse ex bonis aliis indebitis, manifestè sequitur ex tertia conditione mox exposita. Illa quippe bona sunt alteri indebita, quæ subsunt singulari & absoluto Christi dominio: atqui tales sunt actiones Christi satisfactoriæ. Deinde, ille ex indebitis satisfecisse censendus est, qui in satisfactione plus obtulit quàm necesse foret ad omnia nostra debita extinguenda: atqui id præstitit Christus; obtulit enim semetipsum: quid verò omni ex parte infinitum magis? debita verò nostra, id est, peccata quæ eluenda susceperat, non erant eodem modo infinita, sicut beneficia quæ humanitati Christi Deus contulit, finita prorsus erant, vel quoad entitatem, v. g. gratia, scientia &c. vel quoad modum, ut communicatio divinitatis.

V. Omnis redditio est ad alterum: satisfactio est redditio; ergo ad alterum. Quo verò sensu Christi satisfactio dici possit esse ad alterum, disputant Theologi. Nonnulli asserunt hoc sensu esse ad alterum, quia refertur ad Patrem, qui suppositum est à Filio distinctum. Verùm obstat, quòd satisfactio ipsi reddi debeat cui illata est injuria, atqui non soli Patri, sed Deo in tritus personis subsistenti per peccatum illata est injuria: ergo Deo exhibenda est satisfactio. Alii ajunt Christum noluisse sibi metipsum satisfacere, sed de jure suo hac in parte cessasse. At si ita est, Christus aliquid gratis remisit ex debito quod contraxeramus, ac consequenter satisfactio ejus stricta, & ad rigorosos juris apices non fuit. Alii denique dicunt, ad satisfactionem ex stricta justitia non requiri distinctionem suppositorum, sed sufficere distinctionem naturarum; atque Christum, in quo duplex natura est distincta, divina scilicet & humana, potuisse ut hominem, sibi satisfacere ut Deo. Ratio est, quòd distincta sunt jura & bona nature utriusque; & una, humana nempe, divinè reddere iliquid potest & debet. Addunt, quòd etsi una sit realiter in Christo persona, duplex nihilominus virtualiter possit admitti; atque hujus virtualis distinctionis beneficio, Christi satisfactionem esse ad alterum: quæ ratione eadem virtualis distinctio in Deo efficit, ut Filio divino communicetur Patris natura, non communicata persona.

VI. denique, satisfactio Christi plena fuit, nullamque debiti partem gratis remisit. Quare? quia infinita fuit & superabundans.

Solvuntur Objectiones.

Adversus primam conditionem, nihil est quod hic opponatur : fatentur quippe omnes, satisfactionem Christi liberrimam fuisse.

Quæ verò spectant æquivalentiam & perfectionem ejusdem, jam paulò ante discussa sunt.

Objicies itaque 1. Illa satisfactio non fuit ex bonis Christi propriis, ejusque singulari & absoluto dominio subjectis, cujus elicativum principium totum est sub dominio SS. Trinitatis : atqui elicativum satisfactionis Christi principium totum est sub dominio SS. Trinitatis ; principium quippe illud est humana natura, quæ sola subjectionis, humiliationis, doloris & mortis capax est.

Resp. nego. min. Principium enim elicativum *quod*, est persona Verbi; principium verò *quo* humanis Christi actionibus valor & pretium infinitum communicatur, est natura divina: porro nec persona, nec natura divina subiacet dominio SS. Trinitatis. Ad probationem dist. Natura humana principium seu causa est satisfactionis, physicè & quoad entitatem spectantæ, concedo : moraliter & quoad valorem & pretium, nego. Solutio patet ex jam dictis.

Instabis 1. Ipsamet entitas physica humanarum actionum Christi prorsus necessaria est ad satisfaciendum, sine qua non potuisset Verbum Deo pro nobis satisfacere : sed ista entitas physica subiacet dominio totius SS. Trinitatis; ergo &c.

Resp. dist. maj. Entitas physica humanarum actionum Christi prorsus necessaria est, tanquam conditio præsupposita ut fiat satisfactio, concedo : tanquam forma pretium & valorem influens, nego. Porro in satisfactione id potissimum attenditur, unde fluit valor & pretium : valor autem ex persona Verbi ac divina ejus natura profluit, non ab humanitate.

Instabis 2. Satisfactio Christi, etiam quoad valorem spectata, fundatur in unione hypostatica, & quidem infinita: atqui unio hæc beneficium est totius SS. Trinitatis, & quidem infinitum.

Resp. dist. maj. Satisfactio Christi fundatur in unione hypostatica, tanquam in conditione præsupposita, concedo: tanquam in activo principio valoris & pretii, nego. Unio quippe ex se activa non est, sed mera est conditio necessaria ut Verbum humanitati personaliter unitum capax sit satisfactionis Deo offerendæ. Dist. pariter min. Unio hypostatica est beneficium infinitum, ratione termini, hoc est, personæ Verbi cui natura humana conjuncta est, concedo : ratione sui & modi, nego. Finita quippe in se est, quia finito dumtaxat modo divinitas sese cum humana Christi natura communicavit.

Instabis 3. Suammet personalitatem & naturam Filius accipit à Patre per æternam generationem; ergo etiam valor actionis satisfactoriæ qui est à persona Verbi, subest dominio Patris æterni.

Resp. dist. ant. Filius suam & naturam & personalitatem accepit à Patre, necessariò & sine ulla dependentia, concedo : liberè & cum dependentia, nego. Et nego conseq. Pater etenim ex necessaria naturæ suæ inclinatione,

Tournely de Incarnatione.

O

Filius

Filium generat sibi coequallem & consubstantialiorem, adeoque minimè dependentem; ac consequenter non subditum Patris dominio.

Instabis 4. Quodlibet dominium fundatur in voluntate libera; ergo dominium Christi repeti debet ex libera ipsius voluntate, seu divina, seu humana. Atqui neutra voluntas fuit ipsi propria: non divinæ, quæ una est & eadem in tribus divinis personis: non humana, quia subjacet communi ejusdem Trinitatis dominio; ergo actiones Christi ipsi propriæ non fuerunt.

Resp. dist. maj. Dominium fundatur in voluntate libera quoad usum, & tanquam in conditione quam præsupponit, concedo: quoad jus & tanquam in re à qua oritur, nego. Dominium scilicet est facultas disponendi de re aliqua ad libitum, proindeque libertatem supponit; at verò jus ipsum in alio, quam liberæ voluntatis, titulo fundatur. Quapropter Christus ratione suæ liberæ voluntatis, dominus quidem fuit ut eliceret, vel non eliceret has vel illas actiones; atpostquam determinavit se ad illas eliciendas, non possunt quin illius propriæ sint, quarum valor est ab ipsa persona Verbi: imò, ut non semel observatum fuit, persona Verbi pars est ipsiusmet satisfactionis.

Objicies 2. Christus omnes suas humanas actiones, utpote creatas, Deo debebat multiplici titulo, nempe gratitudinis, religionis, obedientiæ, justitiæ; ergo ejus satisfactio non fuit ex bonis indebitis, nec consequenter ad strictos juris apices.

Resp. dist. ant. Christus omnes suas humanas actiones, utpote creatas Deo debebat, ratione physici entitatis, concedo: ratione pretii & valoris, nego. Pretium enim illud oritur à persona Verbi, quæ nulli subjacet; imò est ipsamet Verbi persona humanitati conjuncta. Deinde verò, quoties debiti alicujus solutio major est debito, seu debitum excedit ac superat, potest ex illa solutione, quamquam alio titulo debita strictè & abundanter quis satisfacere: atqui Christus cum pro nobis solvit, debitum longè superavit; ergo superabundanter solvit; atque consequenter eadem solutione, quamquam nonnullis aliis titulis debita, strictè ac rigorosè divinæ justitiæ satisfecit.

Instabis; Christus infinitum à Deo beneficium accepit, per unionem hypostaticam infinitam; infinito autem beneficio debetur gratitudo infinita.

Resp. dist. maj. ut paulò antè. Unio hypostatica infinita fuit ratione termini seu Verbi uniti, concedo: ratione sui & modi unionis, nego.

Objicies 3. Illa satisfactio non est ad strictos juris apices, quæ supponit aliquam partem debiti gratis remissam, ac tota fundatur in gratia creditoris: atqui talis est Christi satisfactio. 1. Fundatur in gratia creditoris nempe in infinita benignitate ac misericordia Dei, qui proprium suum Filium dedit; hoc est, fundatur in ipsamet hypostatica unionem Verbi cum humanitate, pro qua Christus haud dubiè non satisfecit: non potuit quippe satisfacere, nisi supposita illa sui cum humanitate unionem. 2. Supponit aliquam debiti partem gratis remissam, debitum scilicet quod contraxeramus carenti omnibus gratiæ auxiliis, tum internis, tum externis; id est, carenti ipso met redemptore ac servatore, quod debitum gratis relaxavit Deus, cum Filium suum gratuito nobis concessit: unde vel ipsamet Christi satisfactio Dei donum est.

Resp. nego min.

Ad

Ad primam ejus probationem, dist. Satisfactio Christi fundatur in gratia creditoris seu Dei; id est, in unione hypostatica, tanquam in conditione præsupposita, concedo: tanquam in causa seu principio valoris ac pretii satisfactionis, nego. Ut Christus posset Deo pro nobis satisfacere, necessaria quidem erat unio hypostatica Verbi cum humanitate, tanquam conditio necessarii præsupposita, non autem tanquam causa & principium valoris satisfactionis: unio quippe ex sese activa non est, ut jam observavimus, sed totus satisfactionis valor est à Verbi persona. Quamobrem licet liberatio hominis non fiat nisi ex accurata Christi satisfactione, vis tamen ipsa liberandi, seu fundamentum liberationis non est simpliciter à satisfactione seu solutione qua tali, sed à liberalitate & clementia Dei, qui Filium suum pro nobis vadem ac sponso rem gratuito donavit, ejusque solutionem gratam habuit & acceptam.

Ad secundam: Proprie & accurate loquendo, non contraximus per peccatum debitum carendi redemptore; sed hoc unum, non posse hominem lapsum à peccato resurgere sine gratia Liberatoris Christi. An verò liberandus sit, vel non liberandus, gratia donandus, vel non, unice pendet ab arbitrio & voluntate Dei, qui potuit misereri, vel non misereri: at ex parte nostri, nullum ea in re propriè meritum est vel demeritum; sed homo quasi passivè se habet, ut liberatorem habeat, vel non habeat. Addunt nonnulli, debitum carendi redemptore (si verum debitum est) gratis quidem condonatum fuisse respectu nostri, non autem respectu Christi, qui infinito & superabundanti sanguinis pretio, etiam debitum illud totum expunxit.

Quod addunt, satisfactionem Christi esse donum Dei, æquivocum est. Præsuppositivè quidem donum Dei est, qui ex libera & misericordia sua voluntate Filium suum pro nobis dedit; sed non ita Dei donum est, quin satisfactio illa sit in pleno & absoluto dominio Christi, *Oblatus enim est quia voluit*: unde plenè ac stricte satisfecit. Quin ipsamet nuda & simplex assumptio humanæ naturæ fuit in Christo satisfactoria, quando nempe *semetipsum humiliavit, formam servi accipiens*. Accedit quòd gratia unionis non cadat in Verbum, sed in humanam naturam: Verbum autem non satisfecit, saltem quoad pretium & valorem, per humanam naturam, sed per divinam, suamque propriam personam, quæ nullius dominio & imperio subjacet.

Instabis 1. Cùm creditor debitori suo dat unde sibi satisfacere possit, non tam stricta censetur esse satisfactio, quàm tacita quorundam debiti relaxatio: atqui Deus, qui creditor est, nobis, qui debitoribus sumus, dedit Filium suum qui pro nobis satisfaceret; ergo non tam, stricte loquendo, vera hæc censenda est satisfactio, quàm debiti relaxatio.

Resp. dist. maj. Non tam censetur satisfactio, quàm gratuita debiti relaxatio, respectu veri debitoris, nempe hominis, cui peccatum gratis remittitur, concedo: respectu sponsois Christi, à quo plena & stricta reposcitur satisfactio, nego. Concessa minore, dist. pariter conseq. Ergo non tam stricta fuit satisfactio, quàm gratuita debiti remissio, respectu hominis veri debitoris, concedo: respectu Christi sponsois nostri, nego. Itaque Deus creditor est, homo verò debitor, qui cùm solvendo impar omninò esset,

Deus libere ac misericorditer Filium suum dedit, qui pari erga nos amore ac benignitate seipsum pro nobis sponforem obtulit. Inde factum, ut nobis quidem gratis remittatur peccatum, in Christo vero sponfore severissime puniatur: qua quidem punitione accuratè ac strictè divinæ justitiæ satisfecit, & quidem, ut dictum fuit, ex bonis propriis, quæ nullius dominio & imperio subjacent, ex propria nimirum sua divina persona, ex qua defluit omnis satisfactiois Christi valor & pretium.

Instabis 2. Pactum quod ex parte creditoris necessarium est, imminuit rationem strictæ justitiæ, quia pactum hujuscemodi aliquam supponit gratiam: atqui necesse fuit intercedere pactum inter Patrem divinum & Filium, ut quæ offerenda erat satisfactio, acceptaretur: potuisset etenim Deus exigere, ut is solus satisfaceret, qui reus erat læsæ majestatis divinæ, non sponsor pro eo.

Resp. dist. maj. Pactum intrinsecum, concedo: pactum extrinsecum, nego. Dist. min. Necesse fuit intercedere pactum inter Patrem divinum & Filium, pactum extrinsecum, concedo: intrinsecum, nego. Pactum intrinsecum vocamus, quod supplet defectum seu insufficientiam condignitatis in opere satisfactorio; pactum verò extrinsecum dicimus, quod, supposito pretio condigno in opere satisfactorio, postulat tantum mutuum contrahentium consensum. Reipsa quidem pactum intrinsecum nocet strictæ justitiæ: at nullum fuit ejusmodi inter Patrem & Filium divinum, quia independenter ab omni conditione & pacto satisfactio Christi pretii ac valoris erat infiniti, & plusquam condigna omni debito nostro extinguendo: unde jam superius observavimus, inutilem prorsus & otiosam videri questionem, quam movent nonnulli, an scilicet Deus potuerit non acceptare Christi satisfactioem. Namque vel supponitur decretum de incarnando Verbo divino, vel non supponitur: si prius, certissimum est non potuisse Patrem non acceptare Filii sui satisfactioem, quam ipsemet decreverat, decernendo Filii sui incarnationem; si posterius, illusorium videtur quærere, an Pater divinus potuerit non acceptare satisfactioem Filii, quasi contingere posset Filium aliquid velle, quod Pater non velit, cum una & eadem sit utriusque voluntas ac consensio.

Quod de pacto extrinseco & intrinseco dictum est, hoc ipsum & de gratia Christo concessa dici debet: nimirum gratiam internam, quæ satisfactiois, quasi minus condignæ, pretium suppleret, tollere strictæ justitiæ rationem; talem verò gratiam in Christo non agnoscimus; gratiam verò externam, v.g. unionis, concursus &c. non imminuere strictam justitiam, quia condignum meritum supponit, non facit.

Obijcies denique: Satisfactio Christi non fuit ad alterum; ergo non fuit ad strictos juris apices. Ant. probatur, quia Christus Deo satisfecit: at ipsemet Deus ille est cui debita est satisfactio; ergo sibi, non alteri satisfecit.

Resp. rectè dici posse Christum & sibi tanquam Deo satisfecisse, & simul satisfactioem ejus esse ad alterum: ad hoc quippè, ex dictis inter probandam Conclusionem, non requiritur distinctio suppositorum, sed sufficit distinctio naturarum. Vide loco indicato ad numerum 5.

De merito Christi.

Quæstioni de Christi satisfactione affinis est altera de merito ipsius.

Observe 1. meritum generatim nihil aliud esse, quam operis dignitatem ac valorem in ordine ad præmium. Duplex distinguitur, unum de condigno, alterum de congruo. Meritum de condigno est opus bonum cui ex iustitia merces & præmium debetur: meritum verò de congruo illud est, cui ex quadam duntaxat decentia & congruitate præmium debetur.

Observe 2. in actionibus quibus Christus Deo pro nobis satisfecit, distinguere debere, entitatem, valorem, satisfactionem, & meritum. Entitas actionis physica est efficienter seu elicitivè ab humana natura; valor à persona Verbi unita cum humanitate; satisfactio est ab homine Deo, solvendo quod divinæ iustitiæ debebamus; meritum à Christo, cui Deus ipsam mercedem retribuit.

Observe 3. ad merendum istas condiciones requiri, nempe statum viatoris, sanctitatem in operante, libertatem in opere, & promissionem remunerante. His præsuppositis,

Quæritur 1. an Christus meritus fuerit.

2. quando.

3. per quos actus.

4. quibus personis.

5. quidnam meritus fuerit.

P R I M A C O N C L U S I O.

Christus verè meritus est per eas ipsas actiones per quas Deo pro nobis satisfecit.

Probatur 1. iis omnibus Scripturæ testimoniis quibus hætenus demonstratum est Christum pro nobis satisfecisse.

Probatur 2. Quia nulla ex conditionibus mox recensitis ad merendum Christo defuit.

Non status viatoris qui ad terminum tendit. Lucæ 24. v. 26. *Nonne oportuit pati Christum, & ita intrare in gloriam suam?* Gloria igitur terminus & præmium fuit, ad quod tendebat Christus dum erat in via, seu dum mortalem vitam debebat. In via scilicet, seu vita præsentis datur tantum merito locus, non in termino, seu in altera vita: sive id fiat ex sola Dei ordinatione, qua cessante nihil obstaret quominus v.g. & opera Beatorum in Cælis essent meritoria, & peccata damnatorum in inferno, demeritoria; sive ex ipsamet rei natura ad meritum, quæ postulat ut aliquod spatium temporis figuratur, intra quod homo mereri possit, vel demereri: spatium autem illud intra vitæ hujus terminos clauditur; Christus igitur dum fuit in via meruit; extra viam autem, meritum fructum percipit.

Non sanctitas. Lucæ 1. v. 35. *Quod nascetur ex te sanctum, vocabitur Filius Dei.*

Non operis dignitas ac præstantia. *Empti estis pretio magno*, primæ Cor. 6. v. 20.

Tamneli de Incarnatione.

O 3

Non

Non libertas in opere. Isaïa 53. v. 7. *Oblatus est quia voluit.*

Non promissio in remunerante. Psal. 2. v. 8. *Postula à me, & dabo tibi gentes hereditatem tuam.* Isaïa 53. v. 10. *Si posueris pro peccato animam suam, videbit semen longævum.*

Tr. 14. Conc. p. 719. Probatur denique auctoritate Concilii Trid. Sess. 6. cap. 7. ubi Christus appellatur nostræ justificationis causa meritoria.

Dices : Christus etiam dum mortalem vitam agebat, sanctus & comprehensor erat, Deo enim intuitivè fruebatur ; quomodo igitur tanquam viator, mereri potuit ?

Resp. Christum simul & comprehensorem & viatorem fuisse : comprehensor, tanquam essentialiter beatus Deo intuitivè fruens ; viator, tanquam nondum adeptus accidentalem nominis gloriam, quam post suam à mortuis suscitationem obtinuit.

SECUNDA CONCLUSIO.

Christus meritis est à primo conceptionis instanti, usque ad extremum vitæ suæ mortalis spiritum.

Probatur ex Apostolo Hebr. 10. v. 5. *Ingrediens in mundum dicit : Hostiam & oblationem nolui ; corpus autem aptasti mihi : holocausta pro peccato non tibi placuerunt.* Tunc dixit, *Ecce venio... ut faciam, Deus, voluntatem tuam... in qua voluntate,* pergit Apostolus v. 11. *sanctificati sumus per oblationem corporis Jesu Christi semel.* Per ingressum autem in mundum, intelligi debet primum illud instans quo persona Verbi in utero Virginis humanitati hypostaticè conjuncta fuit ; in hoc enim primo instanti, Filius Dei exinanivit semetipsum, formam servi accipiens, quæ exinanitione meritoria profectò fuit, cum Christus vel in ipso primo conceptionis suæ instanti cognitione ac libertate præditus, adeoque & meriti capax fuerit, longè supra communem cæterorum infantium conditionem quantum ad animam positus : vir quippè erat, id est homo perfectus, juxta istud Jeremiæ 31. v. 22. *Femina circumdabit virum.*

Tr. 1. p. 718. A. Dices 1. Ubi est impetratio, ibi est meritum, ex Aug. Epist. 194. aliàs 105. ubi ait, *Neque ipsa remissio peccatorum sine aliquo merito est, si fides hanc impetrat.* Atqui Christus etiam rediivus à mortuis, & sedens ad dexteram Patris, pro nobis interpellat cælestia dona impetrans ; ergo etiam in Cælo pro nobis aliquid meretur.

Resp. dist. maj. Ubi est interpretatio propriè dicta, fundata in merito ; concedo : impetratio latè sumpta, nego. S. Augustinus loco citato loquitur de impetratione latè sumpta, non prout est effectus proprius orationis : agit quippè de impetratione, quæ provenit ex actu fidei, non quidem orando, sed merendo, quæ impetratio non differt à merito. Alia verò est impetratio stricta & propria orationis, & hæc sub isto respectu non est meritoria : namque in oratione distinguitur ratio meriti, & ratio impetrationis ; & potest quis mereri sibi, & pro alio impetrare. Cum igitur Christus pro nobis intercedit, ac cælestia dona impetrat, non de novo meretur, sed meritum in morte sua consummatum Deo offert ac repræsentat, nobisque applicat.

Dices

Dices 2. Christus meritis est per vulnus illud quo ipse latus post mortem apertum est, siquidem ex eo vulnere nostra Sacramenta eorumque vim & efficaciam fluxisse asserunt SS. Leo Epist. 4. c. 6. Ambrosius L. 10. in Lucam, Aug. Tract. 15. & 120. in Joan. Chrysostomus Hom. 84. in Joan. Ergo Christus etiam post mortem meritis est.

Resp. vulnus illud duplici sensu dici posse fontem Sacramentorum; primo, quatenus objective fuit meritorium; hoc est, ut obiectum voluntatis bonæ & meritoriz, qua Christus adhuc vivens accepit illud vulnus, & obtulit se ad effundendum totum suum sanguinem pro nobis, qui tamen nondum erat completè effusus ante illud vulnus; secundo, Christus dicitur eo vulnere abluisse nostra peccata, repræsentativè, quatenus illa effusione mirabili sanguinis & aquæ repræsentavit munditiem & redemptionem nostram atque etiam efficaciam Sacramentorum novæ Legis, quæ illa aqua & sanguine figurabantur. Sic etiam Rom. 4. v. 25. Christus traditus esse dicitur propter delicta nostra, & resurrexisse propter justificationem nostram: non quod ejus resurrectio causa fuerit meritoria nostræ justificationis, sed quia repræsentabat nostram resurrectionem spiritualem ad vitam gratiæ. Hoc ipso sensu intelligendus S. Thomas ad quæstionem 52. art. 1. ubi dicit, Christum descendisse ad inferos, ut nostram poenam adæquatè portaret, & nos ab omni poena eriperet: quibus verbis indicare videtur, Christum per suum ad inferos descensum satisfecisse pro nobis, & nos ab inferno liberasse; sed Angelicus Doctor intelligendus est sensu mox exposito, quod scilicet descensus ad inferos magis expressè significaret efficaciam suæ Passionis, qua nos ab omni poena temporali & æterna redemit, saltem quoad sufficientiam.

Dices 3. Christus sedens in Cælo ad dexteram Patris, quotidie interpellat seu orat pro nobis; ergo meretur. Ant. patet ex Apostolo Rom. 8. v. 34. *Christus Jesus qui mortuus est, imò qui & resurrexit; qui est ad dexteram Dei, qui etiam interpellat pro nobis.* Et Hebr. 7. v. 25. *Semper vivens ad interpellandum pro nobis.* Primò Joan. 2. v. 1. *Advocatum habemus apud Patrem, Jesum Christum.*

Resp. nego consequ. Ex mox dictis enim, Christus à morte redivivus orando nihil de novo meretur, sed tantum merita sua Patri æterno pro nobis offert, nobisque applicat in finem salutis æternæ.

TERTIA CONCLUSIO.

Christus meruit per omnes actus amoris & dilectionis Dei, quos ex scientia infusa, non verò per eos quos ex beatifica visione eliciebat. Pariter meruit per actus obedientiz, humilitatis, Legis observantiz; uno verbo, per omnes actus virtutum moralium.

Prima pars aperta est: Meruit quippè Christus per actus liberos, bonos, Deo gratos & acceptos: atqui tales erant actus amoris & dilectionis Dei ex scientia infusa; imò ipsa charitas est principium & forma omnis meriti.

Secunda pars non minùs videtur certa. Namque amor ex beatifica visione profluens, liber non est, neque à viatore, sed comprehensione. Unde S.

Thomas hic articulo tertio ad primum, ait Christum non meruisse per charitatem, in quantum erat charitas comprehensoris, sed in quantum erat viatoris: quæ responsio supponit duplicem in Christo fuisse Dei amorem, unum qui visioni beatificæ; alterum, qui scientiæ ejus infusæ responderet, hunc liberum, illum verò necessarium fuisse. Sunt qui non nisi unum in Christo amorem, eumque beatificum agnoscunt, qui simul & necessarius, & liber est, pro diverso respectu quo tendit in suum objectum. Necessarium dicunt, prout terminatur ad bona Deo essentialia & intrinseca; liberum, prout terminatur ad bona extrinseca, puta gloriam Dei externam & accidentalem.

Tertia pars ex mox dictis sequitur. Actus quippè illi obedientiæ, humilitatis, Legis observantiæ &c. boni erant & liberi: quamquam enim, supposito mandato Patris de subeunda morte, non potuerit Filius non obtemperare; quia tamen mandatum illud, quod conditionatum erat, nempe si vellet Filius, liberè Filius acceptavit, idcirco meritoria fuit ejus obedientia: *Filius est obediens usque ad mortem, mortem autem crucis*. Philip. 2. v. 8.

QUARTA CONCLUSIO.

Christus sibi meruit gloriam corporis, nominis exaltationem, Gentium cultum & adorationem, Ecclesiæ suæ splendorem, firmitatem, diffusionem &c.

Lucæ 24. v. 26. generatim de Christo dicitur, *Nonne hæc oportuit pati Christum, & ita intrare in gloriam suam?* Philipp. 2. v. 8. & seq. *Humiliavit semetipsum factus obediens usque ad mortem; mortem autem crucis*. Propter quod Deus exaltavit illum, & donavit illi nomen, quod est super omne nomen: ut in nomine Jesu omne genu flectatur, cælestium, terrestrium & infernorum, & omnis lingua confiteatur, quia Dominus Jesus Christus in gloria est Dei Patris.

Gloriam hanc à Patre postulabat Christus, Joan. 17. v. 4. *Ego te glorificavi*, dicebat, *super terram: opus consummavi quod dedisti mihi ut faciam, & nunc clarifica me tu Pater apud te ipsum, claritate quam habui priusquam mundus esset apud te*.

Neque dicas gloriam corporis, ac nominis exaltationem Christo debitam fuisse titulo unionis hypostaticæ, seu Filii Dei naturalis. Ita quidem: at non statim concessa, sed quasi suspensa illa fuit, ob officium Redemptoris quod implere Christus debebat, nec implere potuisset, nisi doloribus ac ipsi etiam mortui fuisset obnoxius. Voluit præterea Christus, proprii sanguinis pretio mereri quod sibi jure civitatis debitum erat.

Non tamen propriè Christus meruit gratiam & gloriam, quæ statim à primo conceptionis instanti anima ipsius ornata & cumulata fuit. Ratio est, quia quidquid datur naturæ in primo conceptionis instanti, tantquam proprietas connaturaliter debita, & tanquam principium connaturale merendi modo perfectissimo, Christo datum non fuit ex merito; quæ ratione nituntur Theologi, ut dicant unionem hypostaticam Christum non meruisse, sed gratis à Deo fuisse concessam: atqui gratia & gloria essentialis animæ Christi, talis fuit. Adde quòd omne opus Christi meritorium.

torum præsupponebat habitus infusos, tanquam principia connaturalia operationum: omnes enim actus Christi connaturali modo sunt elicti, quia elicti sunt modo perfectissimo; ergo præsupponebant gratiam habituales: unde ista sub Christi meritum cadere non potuit.

QUINTA CONCLUSIO.

Christus ea omnia gratiæ cœlestis dona quæ vel antecedunt vel subsequuntur justificationem, nobis abundè promeritus est.

Ephes. i. v. 3. *Qui benedixit nos in omni benedictione spiritali in cœlestibus in Christo, sicut elegit nos in ipso ante mundi constitutionem, ut essemus sancti & immaculati.* Et v. 7. *In quo habemus redemptionem per sanguinem ejus, remissionem peccatorum secundum divitias gratiæ ejus.* Tam hæc apud omnes certa & indubitata sunt, ut fusiori probatione non indigeant.

Quæres 1. an gratia primo parenti, & Angelis in creatione concessa, fuerit ex meritis Christi.

Resp. negativè. 1. Quia decretum Incarnationis posterius fuit & Adami lapsu, (si enim ille non peccasset, Christus non venisset) & Angelorum creatione: quapropter gratia illis in primo ortu concessa fuit ex pura Dei liberalitate, necumquam Christus Angelorum, sicut hominum Servator dictus fuit, Hebr. 2. v. 16. *Nusquam Angelos apprehendit, sed semen Abrahæ apprehendit.*

Quæres 2. an Christus ad inferos descendens impios omnes ac infideles liberaverit; an solos Patriarchas, & quotquot in veteri Testamento sancti extiterent.

Resp. solos pios & sanctos liberatos fuisse, non alios. Ecclesiastici 24. v. 45. *Pertrabo omnes inferiores partes terre, & inspiciam omnes dormientes, & illuminabo omnes sperantes in Domino.* Zachariæ 9. v. 11. & 12. *Tu quoque in sanguine testamenti tui emisisti vinctos tuos de lacu, in quo non est aqua. Convertimini ad munitionem vincti spei.*

QUESTIO SEXTA.

De causis efficiente, finali, ac meritoria Incarnationis.

Circa efficientem Incarnationis causam nulla hic movetur quæstio: certum enim est, Incarnationem, quantum ad efficientiam, prout est opus Dei externum, ejusque concursus postulat, opus esse totius SS. Trinitatis; quantum verò ad terminationem formalem humanitatis, ejusque personalem assumptionem, esse à sola personalitate Verbi terminante naturam humanam, ejusque personalitatis vices supplente. Itaque de causa dumtaxat finali seu motiva Incarnationis, & de causæ ejusdem meritoria hic nobis agendum.

ARTICULUS PRIMUS.

*De causa finali seu motivo Incarnationis.**An si Adam non peccasset, Christus non venisset.*

Pelagiani negarunt Christum in hunc finem venisse, ut homines à labe originali mundaret, quos innocentes nasci affirmabant, contra expressam istam Apostoli sententiam, *In quo (Adamo) omnes peccaverunt*, & Christum ipsum dicentem Matth. 9. v. 15. *Non veni vocare justos, sed peccatores*. Et cap. 18. v. 11. *Venit Filius hominis salvare quod perierat*. Non alium ergo Incarnationis finem illi agnoverunt, quam ut Christus exemplo suo, doctrina, miraculis homines erudiret, ac promptiores redderet ad vitam æternam capessendam.

Abelardus, referente S. Bernardo Epist. 190. cap. 5. docuit Christum non venisse ut hominem à captivitate diaboli liberaret. At, inquit ille, *ut nobis videtur, nec diabolus unquam in aliquo in homine habuit, . . . nec Filius Dei, ut hominem liberaret, carnem assumpsit*. Verùm aperte reluctatur S. Joan. Epist. 1. c. 3. v. 8. his verbis, *In hoc apparuit Filius Dei, ut dissolveret opera diaboli*.

De isto Incarnationis fine seu motivo hic controversia non movetur; sed hoc unum inquirimus. Si Adam non peccasset, fuissetne Deus incarnatus? Vix ullum hujusce controversiæ apud veteres rerum Theologicarum Tractatores extat vestigium: Scholæ fatus est, tempore Scoti & Divi Thomæ exortus. Ubi observa, senum quæstionis propositæ non esse, utrum in alio rerum ordine, ac virtute alterius decreti, venisset Christus, si Adam aut ejus posterì non peccassent; quis enim id certò scire potest? Quis Dei consiliarius fuit? Quæstio igitur in eo tota est, utrum in præsentì rerum ordine, ac virtute præsentis decreti, redemptio humani generis à peccato ita sit motivum totale & adæquatum Incarnationis, ut si Adam non peccasset, nec homo redimendus foret à peccato, Christus non venisset. Affirmat S. Thomas, & cum ipso major pars Theologorum. Negat Scotus cum suis in 3. dist. 7. q. 3. ad quem accedunt Alensis 3. p. q. 2. membro 14. Albertus Magnus in 3. dist. 7. Catharinus in Opusculo de eximia prædestinatione Christi, Suares hic disp. 5. sect. 5. & ex nostris Ylambertus. Hi omnes docent, Deum ante res omnes destinasse Filii sui Incarnationem faciendam eo meliori modo quo expediret pro bono Universi, maximè verò humani generis; ac consequenter, etiam Adamo non peccante, venturum Christum, non quidem in carne passibili & tanquam redemptorem, sed in carne impassibili, tanquam ductorem, rectorem ac pastorem hominum: post peccatum verò eundem venturum in carne passibili, tanquam redemptorem ac mediatorem.

CONCLUSIO.

Motivum totale & adequatum Incarnationis Verbi divini, fuit humani generis redemptio: unde si Adam non peccasset, Christus non venisset.

Probatur 1. ex Scripturis, quæ hoc generatim tanquam præcipuum assignant Incarnationis motivum. Lucæ 19. v. 10. *Venit Filius hominis querere & salvum facere quod perierat.* Galat. 4. v. 4. *Misit Deus filium suum factum ex muliere, factum sub lege, ut eos qui sub lege erant redimeret.* 1. ad Tim. 1. v. 15. *Fidelis sermo & omni acceptione dignus; quod Christus Jesus venit in hunc mundum peccatores salvos facere.* 1. Joan. 3. v. 8. *In hoc apparuit Filius Dei, ut dissolveret opera diaboli.* Et c. 4. v. 10. *Deus misit Filium suum propitiationem pro peccatis nostris.*

Non tantum redemptionem humani generis præcipuum esse Incarnationis motivum, sed etiam unicum, eadem Scripturæ testantur. Matth. 9. v. 12. *Non est opus valentibus medicus, sed male habentibus.* Ergo cum Christus venerit tanquam medicus animarum nostrarum, earum remedium unicus fuit finis seu unicum motivum ipsius adventus. Unde Joan. cap. 10. v. 10. Christus addit, *Ego veni ut vitam habeant, & abundantius habeant.* Denique ibid. 3. v. 17. *Non misit Deus Filium suum in mundum, ut iudices eundem; sed ut salvetur mundus per ipsum.* Hinc S. Paulus Hebr. 2. v. 14. rationem reddens cur Christus carnem assumpserit, sic loquitur: *Quia ergo pueri communicaverunt carni & sanguini, & ipse similiter participavit eisdem; ut per mortem destrueret eum, qui habebat mortis imperium, id est, diabolum.*

Vaticinantur porro adversæ sententiæ patroni, dum reponunt venisse quidem in præsentium ordine Christum in carne passibili; sed venturum nihilominus in carne impassibili, si non peccasset Adam. Ubi enim in laudatis testimoniis hujusce distinctionis vel leve vestigium?

Probatur 2. ex SS. Patribus tum Græcis, tum Latinis.

Ex Græcis.

S. Irenæus L. 5. c. 14. *Si non haberet caro salvari, nequaquam Verbum Dei P. 310. caro factum esset. Et si non haberet sanguis iustorum inquiri, nequaquam sanguinem habuisset Dominus.*

S. Athanasius Orat. 2. aliàs 3. contra Arianos. *Illi, inquit, factio homini T. 1. p. 522. A. antecedit hominum necessitas, sine qua (Deus) carnem minime induisset. Et postea: Ipsum autem Verbum nequaquam homo factus esset, nisi causa fuisset 524. D. hominum necessitas.*

S. Gregorius Nazianzenus Oratione 36. *Quæ, inquit, humanitatis à Deo propter nos suscepta causa extitit? Profecto ut nobis salus pareretur. Quid enim aliud causæ afferri possit?* T. 1. p. 578. B. C.

S. Basilii Homilia adversus calumniatores S. Trinitatis, aliàs Hom. 29. *Hoc Verbum, inquit, Filius Dei, homo factum est lapsus hominem Adam.* T. 2. p. 611. E.

S. Chrysostomus Homilia 31. in Matth. ad hæc verba, *Non veni vocare*

Edir. care iustos sed peccatores &c. Adeo procul abest, inquit, ne peccatores abominetur, ut eorum causa solum se advenisse testetur.

Com. Origenes Hom. 24. in Numeros. Si non fuisset peccatum, non necesse
mel. p. fuerat filium Dei agnum fieri, nec opus fuerat eum in carne positum turgelari; sed mansisset hoc quod in principio erat Deus Verbum. Verum quoniam introiit
T. 1. p. peccatum in hunc mundum, peccati autem necessitas propitiationem requirit, & propitatio non fit nisi per hostiam, necessarium fuit provideri hostiam pro peccato.
165. F.

Ex Latinis.

p. 319. Tertullianus L. de Carne Christi cap. 14. Eadem est ergo causa, ut hominem gestaret Christus: salus hominis fuit causa, scilicet ad restituendum quod perierat.

T. 2. p. S. Ambrosius L. de Incarnatione cap. 6. Didicistis igitur, inquit, quia
116. b. sacrificium de nostro obtulit. Nam quæ erat causa Incarnationis, nisi ut caro
C. quæ peccaverat, per se redimeretur?

S. Augustinus pluribus in locis. L. 1. de peccat. meritis & remiss. cap. 26. Quibus apparet, inquit, Dominum Jesum Christum non aliam ob causam in carne venisse, ac forma servi accepta factum obedientem usque ad mortem crucis, nisi ut hac dispensatione misericordissime gratiæ, omnes, quibus tanquam membris in suo capite constitutis caput est ad capeffendum regnum celorum, vivificaret, salvos faceret, liberaret. Et Serm. 174. aliàs 8. de verbis Apost.

T. 5. p. Venit Filius hominis querere & salvare quod perierat. Si homo non perisset,
831. b. filius hominis non venisset. Et Serm. 175. aliàs 9. Nulla causa fuit veniendi
161d. Christo Domino, nisi peccatores salvos facere. Tolle morbos, tolle vulnera; &
835. C. nulla est causa medicini: si venit de cælo magnus medicus, magnus per totum Orbem lacebat agrotus.

S. Leo Serm. 3. de Pentecoste. Si homo ad imaginem & similitudinem Dei factus in sua honore natura mansisset, nec diabolica fraude deceptus à lege sibi posita per concupiscentiam deviasset, Creator mundi creatura non fieret: neque aut sempiternus temporalitatem subiret, aut equalis Deo Patri filius Deus, formam servi & similitudinem carnis peccati assumeret.

Denique S. Gregorius Magnus Lib. 4. in Libros Regum cap. 1. Et quidem, *T. 3. p.* inquit, nisi Adam peccaret, Redemptorem nostrum carnem suscipere nostram
2. p. 179 non oporteret. Non enim venit vocare iustos, sed peccatores ad penitentiam.
D. Si ergo pro peccatoribus venit, si peccata deessent, eum venire non oporteret.

Ad cumulum accedit hæc publica Ecclesiæ totius in Symbolo Nicæno professio, Qui propter nos homines, & propter nostram salutem descendit de caelis, & incarnatus est, & homo factus est.

Solvuntur Objectiones.

Obijcies 1. Multa in Scriptura de Christo referuntur, quæ probare videntur ipsum etiam non supposito Adæ peccato, venturum esse.

I. Christus dicitur ante omnes creaturas à Deo intentus & prædestinatus; ergo decretum Incarnationis anteedit decretum creationis hominum & Angelorum; adeoque non sequitur ex prævisione lapsus humani generis in peccatum.

Ante-

Antecedens probant.

I. exc. 8. Proverb. v. 22. *Dominus possedit me in initio viarum suarum*: seu, ut vertunt Septuaginta, *Dominus creavit me*: quem locum de Christo seu Sipientia incarnata intelligendum esse, affirmant multi è SS. Patribus, adversus Arianos, qui eo loco abutebantur, ut probarent Filium Dei meram esse creaturam: quibus reponebant SS. illi Doctores, citata verba interpretanda esse, non de æterna, sed temporali Filii generatione in utero B. Virginis. Ita S. Cyrillus Alexandrinus L. 5. Theofauri n. 4. & S. Augustinus L. 1. de Trinit. c. 12. S. Epiph. hæ. 69.

II. Coloss. 1. v. 15. de Christo dicitur, *Qui est imago Dei invisibilis, primogenitus omnis creatura: quoniam in ipso condita sunt universa in cælis & in terra, visibilia & invisibilia, sive throni, sive dominationes, sive potestates; omnia per ipsum & in ipso creata sunt, & ipse est ante omnes, & omnia in ipso consistant; & ipse est caput corporis Ecclesie*. Et Rom. 8. v. 29. *Christus appellatur primogenitus in multis fratribus*. Ergo Christus ante omnem creaturam à Deo intentus seu prædestinatus fuit.

III. Christus dicitur finis ad quem omnes creature ordinantur: finis autem prius intenditur. Hæbr. 2. v. 10. *Dicebat eum propter quem omnia, & per quem omnia*. Et 1. Cor. 3. v. 23. *Omnia vestra sunt: vos autem Christi, Christus autem Dei*. Et Rom. 8. v. 29. *Quos præcivit & prædestinavit conformes fieri imaginis filii sui*. Unde Conc. Trid. Sess. 6. c. 7. ait justificationis nostræ causam finalem esse gloriam Dei & Christi.

IV. Christus est caput hominum & Angelorum, in quos necessariam gratiam influit; ergo cum, nullo etiam supposito peccato, gratia tum hominibus tum Angelis concessa fuisset, ut re ipsa concessa fuit, sequitur etiam nullo peccato supposito, Christum venturum fuisse tanquam caput hominum & Angelorum. Ephes. 1. v. 22. *Omnia subiecit sub pedibus ejus; & ipsum dedit caput super omnem Ecclesiam*. Et Coloss. 1. v. 20. *Pacificans per sanguinem crucis ejus, sive quæ in terris, sive quæ in cælis sunt*.

V. Sublato redemptoris ac liberatoris titulo, adhuc alii multi supersunt propter quos, etiam nullo existente peccato, venisset Christus, nempe ut caput Universi, rector, doctor ac legislator.

Resp. nego antecedens.

Ad primam probationem, nego Christum ante omnem omnino creaturam à Deo intentum ac prædestinatum fuisse. At Christus Proverb. 1. dicitur *initium viarum Domini*. Dist. ratione lux æternæ generationis, quia per ipsum omnia facta sunt, & sine ipso factum est nihil, concedo: ratione generationis temporalis & assumptionis humanitatis, iterum dist. est initium viarum redemptionis & reparationis hominum, quia viz Domini misericordia & veritas, concedo: initium creationis, quasi ante omnem creaturam à Deo prædefinitus sit, ut veniret Adamo non peccante, nego. Laudatus igitur Proverbiorum textus intelligendus est de æterna Verbi divini generatione, non de temporali carnis assumptione: aliàs sequeretur Christum etiam quoad humanitatem suam extitisse ante creatum mundum; eodem enim capite Proverb. v. 25. Sipientia de se ipsa ait, *Ante colles ego parturiebar. ... Quando præparabas calos aderam: cum eo eram cuncta componens &c.* Re ipsa quidem nonnulli ex antiquis SS. Patribus citatum textum interpretati sunt de Sapien-

Sapientia incarnata, occasione nimirum versionis 70. Interpretum, qui loco *possedit me*, ut legit Vulgata, reddiderunt, *creavit me*, quo verbo abutebantur Ariani, ut Verbum creaturam esse ostenderent: at necesse non erat ut Catholici, ad illud Arianorum argumentum confutandum, dicerent Salomonem de Sapientia in utero Virginis incarnata loqui, non de aeterna in sinu Dei; verbum quippe hebraicum generatim significat, *producere, possidere, generare*: unde immerito per verbum *creare*, redditum fuit, si creationis nomine intelligatur productio rei ex nihilo. Quamquam observat Eusebius L. 3. Ecclesiasticae Theologiae cap. 2. mecum irrepisse in textum 70. Interpretum incuria exscriptoris, qui loco *interius*, vel *intus* posuit, per eta, ac significat, *possedit me*, posuit *interius*, per jota, & significat, *creavit*. Sic ex hebreo emendant S. Hieronymus Epist. 139. S. Basilus Lib. 2. & S. Gregorius Nyssenus L. 1. contra Eunomium, sanctus Epiphanius haeresi 69. num. 25. Quamquam si quis tenacius Septuaginta versionem sequi vellet, facile esset reponere, Christum Sapientiam incarnatam esse initium viarum Domini, quantum ad opus redemptionis humanæ, quia auctor & finis est nostræ redemptionis ac prædestinationis; non verò quantum ad creationem, quasi extiterit in carne Christus, ut creationi mundi cooperaretur.

Ad secundam, dist. Christus Coloss. 1. dicitur *primogenitus omnis creaturae*, ratione divinitatis, concedo: humanitatis, subdist. primogenitus honore ac dignitate, concedo: tempore & ordine, nego. Prima solutio est S. Ambrosii L. 1. de fide cap. 7. *Primogenitus*, inquit, *non primò creatus; ut & genitus pro natura, & primus pro perpetuitate credatur*. Et S. Augustinus L. 1. de Trinit. cap. 12. *Secundum formam Dei*, ait, *Primogenitus omnis creaturae, & ipse ante omnes est, & omnia in illo constant*: nempe hoc sensu dicitur primogenitus, quia nemo ante illum genitus. Secunda solutio est S. Hieronymi in caput 1. Epist. ad Coloss. in hæc verba, *Primogenitus omnis creaturae. Secundum assumpti hominis formam*, inquit, *non tempore, sed honore*; juxta illud Exodi 4. *Filius meus primogenitus Israel*. Nempe Scriptura solet aut viros merito præcellentes, aut singulari dilectione charos, primogenitos nuncupare. Ita de Davide dicit Deus Psal. 88. v. 28. *Et ego primogenitum ponam illum, excelsum præ Regibus terra*. Jeremix 31. v. 9. *Ephraim primogenitus meus est*.

Ad tertiam, dist. ant. Christus dicitur finis ad quem creaturæ ordinantur, ratione suæ divinitatis, concedo: ratione humanitatis, iterum dist. Est finis creaturarum, supposito peccato, & decreto de homine redimendo, concedo: quia, ut ait Apostolus 1. Cor. 3. v. 23. *Omnia vestra sunt: vos autem Christi, Christus autem Dei*. Secluso peccato, & decreto de homine redimendo, nego. Locus autem Apostoli ex cap. 2. ad Hebr. in Objectione propositus, non est ad rem præsentem; neque enim verba illa de Christo, sed de Deo Patre intelligenda sunt, sicut expressè docet S. Joan. Chrysostomus in hunc locum, & series sermonis satis indicat. Et verò per Christum, quatenus homo est, omnia facta esse dici non possunt. Inde patet solutio ad verba citata ex cap. 8. Epist. ad Rom. & ad auctoritatem Concilii Tridentini. Christus enim ut Salvator & Redemptor finis quidem est hominis salvandus, sed non simpliciter creandi; titulus autem Salvatoris supponit peccatum, ac consequen-

quenter Christus post prævisum Adæ peccatum à Deo prædefinitus ac prædestinatus fuit, tametsi ante omnes salvandos intentus fuerit; siquidem in ipso, tanquam in capite, quotquot salvandi sunt eliguntur & prædestinantur.

Ad quartam, dico Christum caput quidem esse tum hominum, tum Angelorum; at diversa ratione. Caput est hominum, & ratione gratiæ essentialis, quam ipsis impertitur eos redimendo & salvando, & ratione præcellentiæ & auctoritatis: Angelorum verò caput est, ratione præcellentiæ ac potestatis quam in eos exercet; ratione etiam influxus gratiæ, non quidem essentialis, quam non ex meritis Christi, sed ex una Dei liberalitate habuerunt, sed gratiæ accidentalis, quæ consistit tum in revelatione multorum mysteriorum, ac præsertim Incarnationis, tum in gaudio quodam accidentali quo fruuntur illi ex salute nostra per Christum facta. Unde ad primum testimonium ex c. 1. Epist. ad Ephes. dist. Christus est caput supra omnem Ecclesiam hominum, quantum ad influxum gratiæ essentialis, supposito peccato & decreto reparationis humanæ, concedo: est caput supra Ecclesiam Angelorum, subdist. quantum ad influxum gratiæ accidentalis, concedo: essentialis, nego: *Nusquam enim Deus Angelos apprehendit, sed semen Abraham apprehendit*, ait S. Apostolus Hebr. 2. Ad secundum testimonium ex cap. 1. ad Coloss. dico Christum pacificasse & instaurasse ea quæ in Cælis & in terris sunt, tum quia ruinas Angelorum ex hominibus supplevit, tum quia nos Angelis sanctis reconciliavit, justificans nos à peccato ratione cujus illis infensi eramus, & illi nobis.

Ad quintam, dico alios omnes Christi titulos, doctoris, legislatoris &c. subordinatos esse præcipuo titulo redemptoris, quo sublato, ceteri necessarii non fuissent; per mortem quippe suam Christus omnia consummavit. Cum ergo diximus motivum Incarnationis totale & adequatum fuisse liberationem hominis à peccato, alia motiva in hoc præsentī statu exclusa nolimus; sed tantum ea præcipuo motivo subordinata fuisse.

Obijcies 2. nonnullos ex SS. Patribus qui Scoti sententiam præoccupasse videntur.

Tertullianus L. de resurrectione carn. c. 6. *Quodcunque*, inquit, *limus exprimitur, Christus cogitabatur homo futurus*. Ergo Christus ante res omnes fuit D. prædefinitus. p. 328.

S. Hieronymus in caput 1. Epist. ad Ephes. *Cruce Christi*, ait, *non tantum ea quæ in terris, sed etiam ea quæ in cælis sunt, purgasse perhibetur*. T. 4. p. 1231.

S. Augustinus L. 1. de nupt. & conc. cap. 21. docet futurum ut matrimonium, etiam quatenus Sacramentum est in Christo & in Ecclesia, locum habuisset in statumaturæ innocentis; ergo etiam seculo peccato; gratia per Christum data fuisset, adeoque venisset Christus in carne. T. 16. p. 291. D.

S. Fulgentius L. 2. ad Trasim. c. 3. *Non alia*, inquit, *stantem Angelum à ruina potuit custodire, nisi illa, quæ lapsum hominem post ruinam potuit reparare. Una est in utroque gratia operata: in hoc, ut surgeret; in illo, ne caderet: in illo; ne vulneraretur: in isto, ut sanaretur*. p. 90.

S. Bernardus Serm. 22. in Cant. *Qui exivit*, ait, *hominem lapsum, dedit stanti Angelo ne laboretur; sic illum de captivitate eruens, sicut huic à captivitate defendens*. T. 1. p. 1336. B.
Et hac ratione fuit utrique redemptio, solvens illum, & servans ipsum.

Deni-

Denique Rupertus Abbas Tuisiensis in Libris de gloria & honore filii hominis, expressè nostram impugnat sententiam; sicut & Jacobus Naclantus Episcopus Clugienfis in ditione Venetorum, qui Conc. Trid. interfuit, scribens in caput 1. Epist. ad Ephesios, ubi totus est ut ostendat Christum ante omnem creaturam prædestinatum fuisse.

Resp. nego antecedens.

Ad Tertullianum: Loquitur ille in præsentì hypothesi, lapsus nempe hominis, quem cum Deus prævidisset, atque in ejus remedium Christum destinaret, bellè dixit Tertullianus, *Quodcumque limus exprimebatur, Christus cogitabatur homo futurus.*

Ad S. Hieronymum: non ex sua, sed ex Origenis sententia loquitur. Hic verò existimabat Angelos non tantum ex meritis Christi gratiam in ortu suo percepisse, sed etiam à damnatione, quam eorum nonnulli peccando incurrerant, aliquando liberandos esse.

Ad S. Augustinum, nego ant. Matrimonium quidem Adæ in statu innocentiz fuit signum conjunctionis futuræ Christi cum Ecclesia, quia re ipsa Christus jam tum destinatus erat venturus: at inde non sequitur, quòd si status ille innocentiz perseverasset, matrimonium fuisset signum illius conjunctionis; quæ, Adamo non peccante, futura non fuisset.

Ad S. Fulgentium, mensejus hæc est, gratiam quidem tum Angelis, tum hominibus, pro assequenda saluteneccesariam omnino fuisse; at non eodem modo, nec eodem auctore. Gratia necessaria fuit Angelis bonis, ut firmi ac constantes starent in bono; at non ex meritis Christi, sed ex pura Dei liberalitate collata illis fuit: è contra gratia homini lapsò data, per quam à peccato liber factus, & æternæ salutis particeps, fuit ex meritis Christi: utrobique eadem est gratiæ necessitas quoad substantiam; non eadem quoad modum, & ejus auctorem.

Ad S. Bernardum, eadem est solutio. In Sermone feriz 4. majoris hebdomadæ sic loquitur sanctus ille Doctor de Passione Christi: *Mibi data est, quia alteri dari non potuit. Numquid Angelo? Sed ille non eguit. Numquid diabolo? Sed ille non resurgit. Denique non in similitudinem Angelorum.... sed in similitudinem hominum factus est.*

Ad Rupertum & Naclantum, fatemur eos hic nobis adversari: at eorum auctoritas præponderare non debet tot gravissimis momentis, quibus Conclusio nostra nititur. Adde quòd non satis sibi cohæreat Rupertus, qui L. 2. de operibus Spiritus sancti c. 6. Christum alloquens, hæc habet: *Multum nobis debes homo Christe, quia propter nos in Deum assumptus es: Nam nisi fuisset peccatores, causa cur tu assumi in Deum debges, nulla fuisset... nisi peccassent servi, nec assumpta fuisset in Dominum Deum natura servilis.*

Objicies 3. ex S. Thoma 2. 2. q. 2. art. 7. Adamus innocens fidem habuit Incarnationis Christi: non tamen sui peccati præsciis fuit, ait S. Augustinus L. 11. de Gen. ad litt. cap. 18. Ergo Deus incarnandus erat, etiam Adamo non

peccante.

Resp. agnovisse quidem Adamum futuram Verbi divini Incarnationem, sed causam ipsius, seu finem ignorasse. An non multa Prophetæ prædixerunt, quorum causas & rationes ignorarunt?

Objicies 4. Cyrillus Alexandrinus Theauri Assert. 15. ait, antiquiorem in no-

Edir.
Mogunt.
1631.
T. 1. p.
612. col.
2.

T. 3. p. 1.
p. 183.
D.

in nobis fuisse benedictionem, quam maledictionem; antiquiorem promissionem ad vitam, quam condemnationem in mortem; antiquiorem adoptionem in libertatem, quam diabolicam servitutem. Ergo, in mente S. hujus Doctoris, prius destinatus est Christus venturus, quam prævius sit futurum Adæ peccatum. Unde sic arguunt: Ex S. Cyrillo, benedictio prior est maledictione: atqui Christus, ut homo futurus, est humani generis benedictio, peccatum verò Adami est ipsius maledictionis causa; ergo Christus ut homo futurus prior est Adami lapsu, nec ab eo pendet.

Resp. dist. maj. Benedictio prævius prior est maledictione actuali & in tempore existente, concedo: maledictione prævius, nego. Equidem benedictio prævius & ab æterno destinata, prior est maledictione actuali & in tempore existente, non autem maledictione ab æterno prævius; siquidem, in mente ac doctrina S. Cyrilli, prius cognovit Deus Adami lapsum, quam Christum tanquam ejus reparatorem destinaverit: morbi etenim cognitio præcedere debet remedii destinationem ac præparationem: non quidem prioritatem temporis in Deo, sed prioritatem ordinis, ac pro nostro intelligendi modo. Hanc esse S. Doctoris mentem demonstrant hæc ipsius verba.

Ante secula, inquit, fundavit Deus Filium suum, quantum ad suam prænotione T. 4. P. 1.
tem attinet, ut nos super eum edificati, resurgamus in incorruptionem... sciebat enim nos per peccatum movituros.... Cum autem que ex te nostra erant, etiam 1. P. 172.
ab æterno præcogitaverit omnium nostrum conditor & creator, prævidit atque præsumpsit etiam eum, qui propter nos & pro nobis homo futurus esset, hoc est, E.
Verbum suum, ut initium viarum & fundamentum reperitur insaturate in ipso humane nature in incorruptionem. Ergo in mente S. Cyrilli, prænotio lapsus prior fuit prænotione Christi liberatoris, & hæc ab altera quasi à fundamento pendet ac suspensa est; ac tantum abest ut laudatus S. Cyrilli textus sententia nostra adversetur, quin magis favet.

Obijces denique: Deus utpote summè ac infinitè bonus, etiam nullo præsupposito peccato, sese modo perfectissimo ad extra communicasset: sed modus ille perfectissimus in alio reperiri non potest, quam in unionem hypostatica nature divinæ cum humana.

Deinde, nonne divinæ Christi excellentiæ quodammodo derogare est, asserere eum occasione alterius, non ratione sui præcise, nec ante omnia prædefinitum à Deo fuisse?

Resp. dist. maj. Deus modo perfectissimo ex parte sui sese communicasset, concedo: modo perfectissimo ex parte termini, subdist. appositè ad finem quem Deus sibi præfixit, concedo: modo perfectissimo absolute, nego: neque enim Deus semper id operatur, quod absolute in se perfectius nobis videtur; aliàs naturam Angelicam assumpsisset, sicut humanam assumpsit. Vide quæ diximus initio hujus Tractatus, ubi de necessitate Incarnationis.

Quod additur, nullius planè momenti est. An, quæso, dignitati ac præstantiæ peritissimi medici quidquam detrahitur, cum occasione morbi vocatus venit, ut remedium ferat?

Querunt hic aliqui, an Christus principalius venerit propter originale, quam propter actualia peccata; & an solo supposito originali, vel solis actualibus peccatis suppositis, venisset Christus?

Tournely de Incarnatione.

P

Verùm

Verum ab his inutilibus & otiosis quæstionibus, de quibus nihil habet Scriptura vel Traditio, prorsus abstinendum iudicamus. Viro Theologosatis est, nosse venisse Christum ut peccata nostra sanguine suo expiaret: *Sanguis Jesu Christi filius ejus emundat nos ab omni peccato*. Et Joannes Baptista in deserto dicebat: *Ecce Agnus Dei, ecce qui tollis peccata mundi*.

1. Joan.
1. v. 7.
Joan. 1.
v. 29.

ARTICULUS SECUNDUS.

De causa meritoria Incarnationis.

Quid sit meritum & quotuplex, paulò antè exposuimus, ubi de merito Christi.

Præsens autem controversia intelligi potest

I. de substantia, aut de circumstantiis dumtaxat Incarnationis, quarum nonnullæ per se ac necessariò requiruntur, v. g. nasci ex muliere, ex aliqua gente &c. aliæ verò necessariò non requiruntur, v. g. nasci hoc vel illo tempore, ex hac vel illa gente vel familia.

II. Spectatur in Christo, vel humanitas pro illo priori instanti naturæ ad unionem; vel ipse Christus constans ex utraque natura.

III. Opera Christi meritoria considerantur, vel prout antecedunt, vel prout sequuntur unionem, acquiruntur, Christus meruitne suam Incarnationem per opera sive antecedentia, sive consequentia suam unionem?

IV. Spectari præsens quæstio potest, vel de facto, vel de possibili: nempe, Meruitne Christus suam unionem hypostaticam cum humanitate; aut si non meruit, potuitne fieri ut mereretur?

V. denique, non tantum de Christo hic quæstio est, sed de veteribus Patriarchis, & de ipsa B. Virgine, an meruerint Incarnationem Verbi.

Communis sententia est, Christum re ipsa non meruisse suam cum humanitate unionem: attamen potuisse illam absolutè mereri, aliqui arbitrantur; alii verò negant. At jam monuimus satis otii nobis non esse, ut in hujusmodi otiosis quæstionibus de possibili immoremur. Itaque sit

CONCLUSIO.

Nec humanitas Christi in priori naturæ instanti ad unionem, nec Christus ipse hypostaticam unionem meruit,

Probatur utraque pars communi argumento ex Scripturis: nempe, Quod divinæ clementiæ ac liberalitati unicè tribuitur, non est meriti præmium: atqui Incarnatio in Scripturis unicè tribuitur divinæ clementiæ ac liberalitati. Joan. 3. v. 16. *Sic Deus dilexit mundum, ut filium suum unigenitum daret*. Ad Titum 3. v. 4. *Benignitas & humanitas apparuit salvatoris nostri Dei, non ex operibus iustitiæ quæ fecimus nos, sed secundum suam misericordiam salvos nos fecit*.

Suffragatur S. Augustinus L. de prædest. Sanctorum cap. 15. Est, inquit, T. 10. præclarissimum lumen prædestinationis & gratiæ, ipse Salvator, ipse Mediator Dei & hominum, homo Christus Jesus, qui ut hoc esset, quibus tandem suis

809. E.

suis vel operum, vel fidei præcedentibus meritis natura humana, quæ in illo est, comparavit? Respondeatur, quæso. Ille homo, ut à Verbo, Patri coeterno, in unitatem personæ assumptus Filius Dei unigenitus esset, unde hoc meruit? Quod ejus bonum quaecumque præcessit? Quid egit antè, qui credidit, quid petiit, ut ad hanc ineffabilem excellentiam perveniret? Idem docet L. de Corrupt. & Gr. cap. 11. Idem & cap. 39. Enchiridii. Hic, inquit, (id est in Mysterio Incarnationis) granditer & evidenter Dei gratia commendatur. Quid enim natura humana in hominè Christo meruit, ut in unitatem personæ unici Filii Dei singulariter esset assumpta? Quæ bona voluntas, cuius boni propositi studium, quæ bona opera præcesserunt, quibus mereretur iste homo una fieri personæ cum Deo?

Ibid. p. 766. F. T. 6. p. 210. D.

Accedit & manifesta ratio.

Primo quidem, humanitatem pro priori naturæ ad unionem non meruisse, manifestum est. Namque pro illo priori non agit nec agere potest, in quo nondum concipitur singularis & ultimò completa per subsistentiam: natura etenim abstracta non agit, sed natura singularis seu concreta, unde vulgatum Scholæ axioma, *Actiones sunt suppositorum*. Atqui pro illo priori naturæ ad unionem humanitas singularis non est, nec ultimò completa per subsistentiam.

Neque dicas 1. naturam pro illo priori ad suam subsistentiam suas effundere proprietates, ac consequenter agere. 2. naturam vim agendi à subsistentia non mutuari: hæc enim in actionem non influit, seu non est activa, sed merus naturæ terminus. Namque 1. natura proprietates suas non modo physico, sed metaphysico duntaxat, & utajunt, per simplicem emanationem effundit; hic verò loquimur de veris ac physice actionibus. 2. Et si personalitas non sit ipsa vis agendi, seu, ut dicitur, principium quo, est tamen principium quod, & conditio planè necessaria ad agendum.

Secundò, Christum per opera unionem subsequenter non meruisse aperte constat. 1. Quia, ut ait S. Thomas, principium omnis meriti non cadit sub meritum, alias, idem esset meritum & premium, causa & effectus; adeoque idem seipso prius & posterius: atqui unio hypostatica in Christo est principium & radix omnis meriti. 2. Quod supponit aliquid jam existens, non est causa meritoria ut existat: atqui actus meritorius unionis hypostaticæ, illam jam supponeret. Ut enim actus aliquis sit meritorius unionis hypostaticæ, debet esse infiniti valoris: atqui valor ille infinitus non habetur nisi ex hypostaticæ unionis: ergo illam supponeret.

Dices: Apocal. 5. v. 12. de Christo dicitur. *Dignus est agnus qui occisus est, accipere virtutem & divinitatem*. Et Psal. 44. v. 8. *Dilexisti iustitiam, & odisti iniquitatem; propterea unxit te Deus Deus tuus oleo lætitiæ præ consortibus tuis*. Unctio verò illa procul dubio est ipsamet unio divinitatis cum humanitate.

Resp. ad primum, divinitatem eò loci usurpari pro manifestatione divinitatis; hoc est, pro gloria externa quæ ex cultu & adoratione hominum in Deum resultat, de qua dicit S. Paulus Philipp. 2. v. 8. *Humiliavit semetipsum.... propter quod Deus exaltavit illum, & donavit illi nomen quod est super omnem nomen*. Ad secundum, lenius est, Christum unctum fuisse gratia & divinitate ut diligeret iustitiam; ita ut dilectio iustitiæ sit finis unctio-
P. 2. ipsius.

ipsius causa meritoria. Particula ergo *propterea*, ibi idem significat, ac *in hunc finem*, ad hoc; nec præteritum tempus spectat, sed futurum.

Utrum Patriarchæ, cæterique Veteris Testamenti patres meruerint, aut mereri potuerint substantiam Incarnationis, vel aliquas dumtaxat ejus circumstantias.

PRIMA CONCLUSIO.

Patriarchæ, cæterique veteris Testamenti patres non meruerunt, nec mereri potuerunt de condigno substantiam Incarnationis.

Prima pars probatur iisdem planè argumentis, quibus mox probatum fuit nequidem Christum suam hypostaticam unionem meruisse. Omne scilicet meritum humanum ex Christo vim & efficaciam trahit: quomodo igitur Veteres illi substantiam Incarnationis meruissent?

Secunda pars etiam probatur: Quia quodcunque meritum puræ creaturæ ex quacunque gratia supernaturali elicitedum, condignum non est, seu non satis proportionatum cum unionem hypostatica; hæc enim infiniti pretii ac valoris est, omne autem meritum humanum est finitum.

SECUNDA CONCLUSIO.

Patriarchæ, cæterique veteris Testamenti patres, de congruo saltem aliquas Incarnationis circumstantias meruerunt.

Ita Abraham sua prompta obedientia hanc gratiam meruit, ut ex semine suo Messias nasceretur. Gen. 22. v. 18. *Benedicentur in semine tuo omnes gentes terre, quia obedisti voci meæ.* Ita David Psal. 131. v. 11. *Juravit Dominus David veritatem, & non frustrabitur eam: de fructu ventris tui ponam super sedem tuam.* Ita Daniel suis desideriiis ac votis meruit contrahi tempus adventus Messie: *Septuaginta hebdomades abbreviate sunt*, ait Angelus c. 9. v. 24. *super populum tuum.* Meritum porro illud de congruo dumtaxat fuit, non de condigno; quia nullum Deum inter & homines pactum intercessit.

An beata Virgo meruerit esse matrem Dei.

PRIMA CONCLUSIO.

Beata Virgo de condigno meruit illum gratiæ ac sanctitatis gradum; quo posito electa est in matrem Dei.

Probatur ex SS. Patribus: Hieronymo Ep. 22. Ambrosio L. de Virginitate, Basilio in Hom. de natali Christi, Augustino, Sermon. 111. de natali Christi, Epiphanio hæresi 78. Bernardo Sermon. 4. de Assumptione. Ecclesia ipsa publicis in precibus declarat beatam Virginem meruisse ut dignum filii Dei habitaculum fieret.

Ratio est, quia conditiones ad meritum de condigno hic omnes concurrunt: sanctitas in operante, in opere dignitas & libertas, in remunerante promissio.

S E

SECUNDA CONCLUSIO.

Beata Virgo non meruit de condigno, ut feret mater Dei.

Probatur ex antè dictis: Tùm quia licèt opera B. Virginis præstantissima fuerint, & excellentiæ singularis, non tamen pretii ac valoris simplicitet infiniti; ac consequenter non ejusdem ordinis cum unione hypostatica: tùm quia nulla Dei promissio intercefferat, nec ad dignitatem illam aspirabat humillima Virgo, quæ, Angelo tantum beneficium amuntiante, turbata fuit.

TERTIA CONCLUSIO.

Si meritum de congruo strictè & accuratè sumatur, beata Virgo suam maternitatem non meruit.

Ratio est, quia meritum de congruo strictè & accuratè sumptum illud dicitur, quod vel ex se suaque propria & interna bonitate, vel saltem ex intentione agentis, ad aliquod bonum obtinendum refertur: atqui tale non fuit beate Virginis meritum respectu maternitatis Dei: tùm quia B. Virginis opera seu pietatis actus per quos meruit, ejusdem erant cum nostris speciei seu ordinis; atqui tamen nostra pietatis opera, cujuscunque illa sint, ad Dei maternitatem promerendam non referuntur: tùm quia id repugnasset humilitati beate Virginis, quæ, ut mox observavimus, turbata fuit cùm ipsi Angelus denunciavit eam destinatam esse ut esset mater Dei, Lucæ c. i.

QUARTA CONCLUSIO.

Si meritum de congruo latiori sensu accipiatur, pro eo scilicet quod habet quamdam coaptationem ad bonum ad quod ordinatur, dici non immerito potest, B. Virginem de congruo suam meruisse maternitatem.

Ratio est, quia hoc sensu mereri, nihil aliud est, quàm ad eum gratiæ ac sanctitatis gradum pervenire, quo posito B. Virgo in matrem Dei eligatur: atque ex dictis Conclusionibus prima, B. Virgo ad eum gratiæ ac sanctitatis gradum evecta est, quo posito in Dei matrem electa fuit, Lucæ 1. *Invenisti gratiam apud Deum, ecce concipies & paries filium.*

Dices 1. Antiqui Patriarchæ, ceterique patres veteris Testamenti, de congruo aliquas Incarnationis circumstantias meruerunt: quidni ergo & B. Virgo, cujus longè superius ac excellentius fuit meritum?

Resp. dist. ant. meruerunt de congruo propriè, vel impropriè sumpto, concedo: propriè, subdist. quando preces suas, desideria & vota ad tales circumstantias referebant, concedo: quando non referebant, nego. Dist. consequ. Ergo B. Virgo de congruo suam maternitatem promeruit, impropriè, ac latiori sensu mox exposito, concedo: proprio ac stricto, nego: quia B. Virginis pietatis actus seu opera, neque ex se, neque speciali ipsius directione ad illam maternitatem dirigebantur.

Tournely de Incarnatione.

P 3

Dices

Dices 2. SS. Patres paulò antè designati, asserunt B. Virginem suis bonis operibus dignam fuisse quæ mater Dei evaderet.

Resp. dignam fuisse quæ mater Dei evaderet, dist. id est meruisse eum sanctitatis gradum, quo supposito congruè in matrem Dei electa fuit, concedo: id est, actiones B. Virginis vel ex se propriaque sua natura, vel ex speciali ejus directione ac intentione, ordinatas fuisse ad hoc ut mater Dei fieret, nego.

QUÆSTIO SEPTIMA.

De quidditate seu natura Incarnationis, id est, unione duarum naturarum, divine & humane, in una Verbi persona.

Incarnationis quidditas seu natura duobus potissimum articulis continetur, duplici natura, & una in Christo Domino persona. Nitidè totam istud mysterium exponit Symbolum, quod Athanasianum dicitur. Est ergo fides recta, inquit, ut credamus & confiteamur, quia Dominus noster Jesus Christus Dei filius, Deus & homo est: Deus est ex substantia Patris, ante secula genitus; & homo est ex substantia matris, in seculo natus. Perfectus Deus, perfectus homo, ex anima rationali & humana carne subsistens. Aequalis Patri secundum divinitatem, minor Patri secundum humanitatem, Qui licet Deus sit, & homo, non duo tamen, sed unus est Christus. Unus autem non conversione divinitatis in carnem, sed assumptione humanitatis in Deum. Unus omnino non confusione substantia, sed unitate personæ. Nam sicut anima rationalis & caro unus est homo, ita Deus & homo unus est Christus.

Summa igitur mysterii nostri, est unio hypostatica seu personalis naturæ divinæ & humanæ in una Verbi persona.

Circa istam unionem hæc sunt à nobis inquirenda & discutienda: ejus veritas, essentia, & proprietates,

ARTICULUS PRIMUS.

De Veritate unionis hypostaticæ naturæ divinæ ac humanæ in una Christi persona.

Prænotanda.

Observandum 1. unionem generatim esse nexum extremorum, quæ in eo unum sunt, in quo uniuntur.

Observandum 2. quætionem hic non esse de unionem physica & essentiali duarum rerum seu partium, ad unam tertiam quamdam naturam totalem constituendam, qualis est unio corporis & animæ ad constituendum hominem.

Non de unionem morali, relativa & affectus, quæ in animarum concordia & consensione posita est, qualis est unio inter amicos.

Non de unionem per meram assistentiam, qualis occurrit in Angelis, quando corpora assumunt.

Non de unionem quoad efficaciam & sustentationem generalem, per quam
 ad. 17. omnia in Deo sunt, & ab eo dependunt, in quo vivimus, movemur & sumus.
 v. 18.

Non

Non de unione mystica seu morali gratiæ, qualis est unio Fidelium cum Christo.

Non de unione per solam præsentiam & assistentiam singularem qualis est unio Christi cum Sanctis, & Dei in templo.

Non de unione essentiali personarum SS. Trinitatis in una numerica essentia.

Quæstio igitur est de unione hypostatica seu personali utriusque naturæ, divinæ & humanæ, in una Verbi persona.

Observandum 3. nos in præsentî Quæstione promiscuè usurpare voces *subsistentiæ*, *hypostasis*, *suppositi*, & *persona*, quibus idem significatur, nempe una singularis & individua substantia, quæ dicitur subsistentia, quatenus per se, & non in alio subsistit; hypostasis, quatenus est individua substantia; suppositum, prout subsistit seu supponitur vel naturæ universali, vel accidentibus; persona denique dicitur, quatenus est individua naturæ rationalis substantia. Sic personam definiit Boetius: unde personæ nomen nihil addit supra suppositum, præter naturæ rationalis dignitatem.

Observandum 4. disputatum quidem olim fuisse, de significatione vocis *hypostasis* ac *naturæ*, an idem foret vocis utriusque sensus: at tandem usus invaluit, ut suppositum pro persona, & *seia* seu essentia, pro natura sumeretur.

Observandum denique, duas hic extremè oppositas hæreses debellandas esse, Nestorianam, & Eutychianam. Prior, ut duas distinctas in Christo naturas agnoscit, ita & duas personas, duos Christos, & moralem seu accidentalem dumtaxat inter utramque naturam unionem: altera, unam post unionem naturam, sicut unam personam. De hac utraque hæresi diximus initio hujus Tractatus: consule quæ dicta sunt.

Consultatur Nestoriana hæresis.

CONCLUSIO.

Una est in Christo persona: unus est Christus: Beata Virgo verè Deipara seu Dei genitrix est ac dicitur.

Veritas hujus Conclusionis dogma continet in Religione Christiana fundamentale, quod ex Scripturis, Conciliis, SS. Patribus, ac Theologicis rationibus demonstramus.

PRIMUM MOMENTUM.

Ex Scripturis.

Triplex, & quidem invictum Scripturæ nobis argumentum suppeditant.

PRIMUM ARGUMENTUM.

Filius Dei homo factus.

Joan. 1. v. 14. *Verbum caro factum est:* non quidem conversione divinitatis in Symb. S.
Arhan.
carnem,

carnem, sed assumptione humanitatis in Deum; nempe per unionem veram & hypostaticam. Quomodo Sociniani textum hunc S. Joannis pervertant, exposuimus agendo de Trinitate, ubi de consubstantialitate Verbi divini.

Philipp. 2. v. 6. *Qui cum in forma Dei esset.... humiliavit semetipsum, formam servi accipiens, in similitudinem hominum factus.* Revera enim, uno excepto peccato, per omnia nobis similis factus est Christus.

Galat. 4. v. 4. *Misit Deus Filium suum factum ex muliere, factum sub lege, ut eos, qui sub lege erant, redimeret.* Quibus in locis verbum, factum, vel factus est, veram, physicam ac personalem unionem utriusque naturæ in Christo manifestè demonstrat, non moralem dumtaxat & affectus, qualis est inter amicos, aut Deum inter & Sanctos. Quantumlibet enim arcta & intima sit unio moralis duorum amicorum, nusquam unus alter factus dicitur: pariter nusquam de aliquo viro sancto dictum est aut dici potuit, Deus factus est, formam Dei accepit.

SECUNDUM ARGUMENTUM.

Una & eadem Christi persona simul homo & Deus est.

Istud evincunt loca mox citata. Unum quippe & idem Verbum dicitur *caro factum*: unus & idem Christus dicitur *in forma Dei*, & *in forma servi*: unus & idem *filius Dei factus ex muliere*: unus & idem *manifestatus in carne*. Si unus, ergo non duz sunt, sed una in Christo persona; duz verò distinctæ naturæ, divina scilicet & humana, ex quarum intima & personali in Christo conjunctione, fit ut naturæ utriusque proprietates uni Christo tribuantur.

I. naturæ humanæ, *Factus ex muliere*, Galat. 4. *Formam servi accipiens*; Philipp. 2. *Parvulus nobis natus*, Isaïa 9. v. 6. *Ex quibus est Christus secundum carnem, qui est super omnia Deus benedictus in sæcula*, Rom. 9. v. 5. *Qui Ecclesiam sanguine suo acquisivit*, Act. 20. v. 28.

II. Quæ propria sunt divinitatis, sibi Christus attribuit. Joan. 8. v. 58. *Antequam Abraham fieret, ego sum.* Et cap. 10. v. 30. *Ego & Pater unum sumus.* Et cap. 16. v. 28. *Exi vi a Patre, & veni in mundum.* Et cap. 3. v. 13. *Non ascendit in cælum, nisi qui descendit de cælo, filius hominis, qui est in cælo.* Et Ephes. 4. v. 10. *Qui descendit, ipse est & qui ascendit super omnes cælos ut impleret omnia.* Denique Joan. 20. v. 28. cum Thomas Apostolus Christum à mortuis excitatum attrectasset, ac suam de ipso fidem aperire vellet, exclamavit, *Dominus meus & Deus meus!* In his omnibus locis mutua fit ac reciproca proprietatum utriusque naturæ in uno Christo societas & communicatio: certius profectò ac evidentius haberi non potest, tum unius personæ, tum duarum distinctarum in Christo naturarum, argumentum.

TERTIUM ARGUMENTUM.

Beata Virgo Deipara, seu mater Dei.

Isaïa 7. v. 14. *Ecce Virgo concipiet, & pariet filium, & vocabitur nomen ejus: Matth. 1. v. 23. Emmanuel, quod est interpretatum, Nobiscum Deus.*

Luce:

Lucæ 1. v. 35. *Quod nascetur ex te sanctum, vocabitur Filius Dei.*

Galat. 4. v. 4. *Misit Deus filium suum, factum ex muliere.*

Rom. 1. v. 2. & 3. *Quod antè promiserat per Prophetas suos in Scripturis sanctis de Filio suo, qui factus est ei ex semine David secundum carnem.*

His in locis unus & idem & Filius Dei est, & filius hominis; ergo beata Virgo, quæ Dei filium genuit, verè Dei mater est ac dicitur: non quidem hoc sensu, quòd vel divinitatem ipsam, vel Deum nudum genuerit, nihil insulsius cogitari aut dici posset; sed quòd eum genuit, qui simul & Deus & homo est, propter intimam & hypostaticam unionem utriusque naturæ, divinæ & humanæ, in unam Christi personam.

SECUNDUM MOMENTUM.

Ex Conciliis & publicis fidei professionibus.

I. In Symbolo Apostolico legimus, *Credo... & in Jesum Christum filium ejus unicum Dominum nostrum; qui conceptus est de Spiritu sancto, natus ex Maria Virgine.* Prioribus verbis æterna Filii à Patre generatio; posterioribus verò temporalis ejusdem de Spiritu sancto ex Maria Virgine nativitas declaratur: *Conceptus est de Spiritu sancto, natus ex Maria Virgine.*

II. Nicænum Concilium generale primum an. 325. in Symbolo fidei postquam declaravit Christum esse Deum de Deo, lumen de lumine, Patri consubstantialem, statim addit: *Qui propter nos homines, & propter nostram salutem descendit de celis, & incarnatus est de Spiritu sancto ex Maria Virgine, & homo factus est.* Idem ergo Christi suppositum, seu eadem persona, & Filius Dei est, & filius Mariæ; ergo una est in Christo persona duplici constans natura.

III. Idem omninò statuit Concilium Constantinopolitanum, quod est secundum generale, in Symbolo.

IV. Concilium Ephesinum an. 431. ex professo dogma nostrum Catholicum adversus Nestorium definivit, & Anathematismos S. Cyrilli probavit, quorum primus est, *Si quis non confitetur, Emmanuelem verè Deum esse, & ob id sanctam Virginem Deiparam, (genuit enim illa incarnatum Dei Patris Verbum secundum carnem) anathema sit.* Secundus sic habet: *Si quis non confitetur, Dei Patris Verbum carni secundum hypostasim unitum, unumque... esse Christum, eundem nimirum Deum simul & hominem, anathema sit.* Tertius iste est: *Si quis in uno Christo post unionem dividit hypostases, eaque dumtaxat conjunctione easdem inter se nectit, quæ est secundum dignitatem, hoc est, auctoritatem vel potestatem, & non ea potius quæ est secundum naturalem unionem, anathema sit.* Lege aliosejusdem S. Doctoris Anathematismos eorumque explanationem parte 3. Conc. Ephesini c. 1. Tom. 3. Conc. pag. 812. & seq.

V. Concilium Chalcedonenſe an. 451. in professione fidei, *Confitemur*; Tom. 4. *ajunt Patres, unum eundemque Christum Filium, Dominum, Unigenitum, Conc. p. 568. B. in duabus naturis inseparabiliter, inconfuse, indivise, immutabiliter agnoscendum; nusquam sublata differentia naturarum propter unionem, magisque salva proprietate utriusque naturæ, & in unam personam atque subsistentiam.*

tiam concurrente. Nihil expressius, significantius nihil proferri potest.

VI. Denique, Concilium Constantinopolitanum II. quod est V. generale an. 553. omnem elabendi viam Hæreticis præcludit, Collat. 8. anathematif-
 Tom. 5. an. 553. Si quis dicit, secundum gratiam, vel secundum operationem, vel secundum
 Conc. p. 115. C. dignitatem, vel secundum honoris aequalitatem, vel secundum auctoritatem,
 570. C. aut relationem, aut affectum, aut virtutem..... Et non secundum compositionem, seu secundum substantiam, unionem Verbi ad carnem factam esse, anathema sit. Et infra..... Sancta Dei Ecclesia utriusque perfidia impietatem reliciens, unionem Dei Verbi ad carnem secundum compositionem consistetur, quod est secundum substantiam..

T E R T I U M M O M E N T U M

Ex SS. Patribus..

Multa tùm ex Scripturis, tùm ex antiquioribus Ecclesiæ Scriptoribus adversus Nestorium testimonia collegit S. Cyrillus, parte 1. Concilii Ephesini cap. 4. & Actione 1. Concilii, quæ omnia hic referre non vacat, quod operæ foret prolixioris. Ad tres dumtaxat ordines eorum testimonia revocamus.

I. Ad eos qui unionem substantialem, seu secundum hypostasim, agnoscunt, inter divinam & humanam in Christo naturam..

II. Ad eos qui unam in Christo personam, non duas, unum Christum, non duos profitentur.

III. Ad eos qui beatam Virginem Deiparam, seu Dei genitricem declarant..

I.

SS. Patres substantialem seu hypostaticam agnoscunt in Christo naturam utriusque unionem..

Nihil eam in rem disertius proferri potest, quàm quod ex Patribus V. Concilii mox relatum fuit: disertè quippè illi excludunt à Christo omnes unionis species, seu modos qui non sunt secundum substantiam seu hypostasim.

Sanctus Ignatius Martyr Epistola ad Ephesios n. 18. Deus noster Jesus Christus, ait, in utero gestatus est à Maria, juxta dispensationem Dei, ex semine Davidis, Spiritu autem sancto. Qui natus est; & baptizatus est, ut passionem aquam purificaret. Et n. 20. Singuli communiter omnes, ex gratia, nominatim convenitis in una fide, & uno Jesu Christo, secundum carnem ex genere Davidis, filio hominis, & Filio Dei. Hæc testimonia laudantur à Theodoro Dial. 1. Jesus Christus unus ergo est, simul Filius Dei & filius hominis, unione scilicet substantiali & hypostatica: si enim unus dumtaxat foret unione morali & accidentaliter, re ipsa physicè & quoad hypostasim, duo essent, non unus Christus..

S. Gregorius Nazianzenus Orat. 51. in Apollinariū. Si quis, ait, divinitatem in eo, (Christo) velut in Propheta; per gratiam operatum fuisse, non autem secundum essentiam copulatum fuisse, atque copulari dixerit; à præstantiori afflatu vacuus sit, imò contrario impleatur..

S. Cy.

S. Cyrillus Anathematismo 3. in Nestorium. *Si quis in uno Christo post unionem dividit hypostasies, eaque dumtaxat conjunctione easdem inter se necesse, quæ secundum dignitatem, hoc est, auctoritatem vel potestatem, & non ea potius quæ est secundum naturalem unionem; anathema sit.* Tom. 3.
Conc. p.
408. D.

Et Epist. 2. ad Nestorium, *Afferimus Verbum unita sibi secundum hypostasim carne animata rationali anima, inexplorabili incomprehensibilique modo hominem factum, & hominis filium extitisse, non per solam voluntatem aut beneplacitum... propter nos, & propter nostram salutem, humana natura secundum hypostasim sibi unita, ex muliere natus est.* Ibid. p.
317. D.
P. 310. A

S. Joannes Damascenus L. 3. orthodoxæ fidei cap. 3. sic loquitur: *Ex duabus naturis perfectis, hoc est divina & humana unionem esse faciãd dicimus, non ad modum consensionis, nec per confusionem, vel commixtionem, aut temperationem.... nec personalem, aut secundum relationem, aut in ratione dignitatis, aut in una voluntatis conspiratione, aut honoris qualitate, aut eadem ac promiscua nuncupatione aut benevolentia positam.... sed per compositionem, hoc est, secundum hypostasim, sine ulla conversione, nec confusione, nec mutatione, nec divisione, nec distantia, inque duabus perfectis naturis, unam Filii Dei & incarnati personam constituimus; unam dicentes divinitatis ipsius & humanitatis hypostasim, duas autem post unionem naturas in ipso incolumes servari consistentes. Tam clara ista sunt, ut expositione non indigeant. Alia verò plura ejusdem ordinis congerere necesse non est, cum novam non afferant lucem.* Tom. 1. p.
207. C.

I I.

SS. Patres unam, non duas in Christo personas: unum Christum, non duos agnoscunt ac profitentur.

Necessariò sequitur hæc veritas ex testimoniis quæ mox adducta sunt: ubi enim est unio hypostatica duarum naturarum, ibi est unitas personæ in qua naturæ illæ conjunguntur. Ista inter se ita connexa sunt & colligata, ut disjungi non possint. Idem prorsus demonstrant

S. Ignatius mox citatus Epist. ad Ephesios. *Convenitis, ait, in una fide & uno Jesu Christo secundum carnem ex genere Davidis, filio hominis, & filio Dei.* Pagina
858. B.

S. Irenæus L. 3. c. 16. aliàs 18. ubi egregiè ex Scriptoris adstruit, unum & eundem esse Verbum Dei, & hanc esse unigenitum, & hunc incarnatum pro salute nostra, Jesum Christum Dominum nostrum. P. 204.
n. 2.

Dionysius Alexandrinus in Epistola Synodica ad Paulum Samosatenum, ubi hæresiarcham illum redarguit, *duas hypostasies, & duas personas asseverantem unius Christi; sive Christos duos, duosque filios.* Tom. 1.
Conc. p.
840. C.

S. Athanasius Libro de Incarnatione Verbi Dei: *Homo, inquit, una persona & unum animal est, ex spiritu & carne compositum: ad cuius similitudinem intelligendum est Christum unam esse personam, & non duas, ut iam incredulitas magnitudine divine gratiæ destituta, & in gentiliū scandalum prolapsa, aperte & summa vi contendit.* Tom. 1. p.
34. D.

S. Greg. Nazianzenus Orat. 31. *Id, quod erat, inquit, exinanivit: id, quod non erat, assumpsit: non duplex factus, sed unum ex duplici natura fieri susti-* Tom. 1. p.
497. C.

sustinens. Ambo enim Deus, nimirum quod assumpsit, & quod assumptum est: due natura in unum concurrentes, non duo filii.

S. Hilarius L. 9. de Trinit. Mediator ipse, inquit, in se ad salutem Ecclesie constitutus, & illo ipso inter Deum & homines mediatoris sacramento utrumque unus existens, dum ipse ex unitis in idipsum naturis, natura utriusque res eadem est. Hoc est, suppositum, seu persona eadem est.

S. Ambrosius L. de Incarnatione cap. 5. Cum Deus, inquit, semper esset aeternus, incarnationis sacramenta suscepit, non divisus, sed unus; quia utrumque unus, & unus in utroque, hoc est, vel divinitate, vel corpore: non enim alter ex Patre, alter ex Virgine; sed idem alter ex Patre, aliter ex Virgine.

S. Augustinus L. de corrept. & gratia cap. 11. Deus, inquit, naturam nostram, id est, animam rationalem carnemque hominis Christus suscepit, susceptione singulariter mirabilis, vel mirabiliter singulari; ut nullis iustitiis suis praecedentibus meritis, Filius Dei sic esset ab initio quo homo esse coepisset, ut ipse & verbum quod sine initio est, una persona esset.

Adde S. Cyrillum, imò & universam Synodum Ephesinam, à qua scripta fuit impietas Nestorii asserentis duas esse in Christo personas, duos filios, duos Christos,

III.

SS. Patres beatam Virginem Deiparam, matrem & genitricem Dei agnoscunt.

S. Cyrillus Alexandrinus Lib. de recta fide ad Reginas n. 9. Vocem hanc, Deipara, inquit, veteribus Patribus, quorum sanctimoniam & fidei integritatem admiramur; necnon omnibus qui eos deinceps bucusque sunt secuti per universum (ut ita dicam) terrarum orbem, familiarem esse, ostendendum esse existimavi. Profert deinde multa Veterum testimonia, inter quae istud legitur Theophili Episcopi, Hoc unum non pratermisim, optimos ac sapientissimos quosque Patres, quotquot ante nos existerunt, omnes sacram Virginem Deiparam appellare.

Revera etenim B. Virgini recusari Deiparae nomen non potest, nisi funditus subvertatur Incarnationis mysterium: alterutrum enim sequitur, aut filium, quem B. Virgo peperit, Deum esse, ut revera est, & consequenter B. Virginem esse Deiparam, quae Filium Dei verum Deum genuit; aut Deum verum non esse, quo supposito funditus ruit Incarnationis ac redemptionis humanae mysterium, ac falsa erit ista S. Joannis propositio, Verbum caro factum est; quae summa est impietatis dementia.

Non nostrum est, sed S. Cyrilli ratiocinium loco mox citato. Illi autem, ait n. 6. qui sacram Virginem Deiparam esse imperitè negant, hoc necessariò adiguntur, ut duos Dei filios constituant. Nam si sacra Virgo Deum incarnatum secundum carnem non peperit, vel invitè concedant, oportet, hominem tantum vulgare, nobisque nihilo excellentiorem in lucem edidisse. Et n. 8. Igitur si eum qui ex sacra Virgine prodiit, hoc est Dei Patris Verbum carnis secundum naturam unitum, verum Deum esse agnoscunt, cur eandem Virginem esse Deiparam fateri verentur? Porro meritò asseruit S. Cyrillus, & ante illum Theophilus, omnes SS. Patres ad sua usque tempora B. Virginem Deiparam appellasse. Ita

S. Igha.

S. Ignatius Martyr in Epistola jam laudata ad Ephesios, ubi Christum vocat *filium hominis & Filium Dei*. Christum autem Maria mater genuit; *Pagina* ergo Filium Dei, hoc est verum Deum hominem factum genuit; ergo *85. B.* verè Deipara est ac dicitur.

S. Justinus Dial. cum Tryphone, ubi ait, *Christum prius existisse Filium* *Pagina* *Conditoris omnium, ac Deum, qui genitus est homo ex Virgine.* Ergo B. Virgo *267. C.* genuit Deum hominem.

S. Irenæus L. 3. c. 21. aliàs 31. Verbum, inquit, *existens ex Maria, que ad-* *P. 218.* *buc erat Virgo, rectè accipiebat generationem Ade recapitulationis.* Hunc S. *210.* Irenzi locum laudat Theodoretus Dial. 1.

S. Dionysius Alexandrinus in Epist. ad Paulum Samosatenum. Una, inquit, sola Virgo filia vñta, genuit vivens Verbum, & subsistens. Ibidem: *Tom. 1.* *Quomodo ais tu hominem esse eximium Christum, & non revera Deum, &* *Conc. p.* *ab omni creatura cum Patre & Spiritu sancto adoratum, incarnatum ex san-* *854. D.* *cta Virgine & Deipara Maria?* *ibid. C.*

Tertullianus L. de Præscriptionibus cap. 13. de Verbo divino ex regula fidei hæc habet. Postremò delatum ex spiritu Dei Patris & virtute, in Virginem Mariam, *Pagina* *capnem factum in utero eius, & ex ea natum egisse Jesum* *206. D.* *Christum.* Et Lib. de carne Christi cap. 17. Ante omnia, inquit, *Pagina* *commen-* *310. D.* *danda erit ratio qua præfuit, ut Dei filius de Virgine nasceretur.*

S. Athanasius Orat. 3. aliàs 4. contra Arianos: Hic igitur, inquit, scopus & character est sanctæ Scripturæ, uti sæpè diximus, nempe ut duo de Salvatore demonstraret, illum scilicet Deum semper fuisse, & Filium esse, quippe cum sit Patris Verbum, splendorque & sapientia, ipsumque postea propter nos, carne ex Virgine Deipara Maria assumpta, hominem factum esse. *Tom. 1. p.* *579. B.*

S. Cyrillus Hierosolymitanus Catech. 4. Crede, ait, hunc unigenitum Dei filium, propter peccata nostra de cælis in terram descendisse, assumpta humanitate isdem affectibus obnoxia quibus afficitur nostra, ex sancta Virgine atque Spiritu sancto natum esse. *Pagina* *26. D.*

S. Greg. Nazianzenus Orat. 51. Si quis, inquit, sanctam Mariam Deiparam non credit, extra divinitatem est. *Tom. 1. p.* *738. D.*

S. Cyrillus L. de recta fide jam laudato, nu. 9. ut probet nomen Deiparæ B. Virgini à veteribus Patribus datum fuisse, laudat testimonia S. Athanasii, Attici Constantinop. Episcopi, Antiochi, Amphilochoii Episcopi Iconiensis, Ammonis Episcopi Andrinopoleos, Joannis Chrysostomi, Severiani Gabalorum, Vitalii Episcopi, & Theophili Alexandrini. *Tom. 3.* *Conc. p.* *115. &* *seq.*

Eorundem Patrum auctoritatem, ac totius Ecclesiæ fidem urget contra Nestorium, in Epistola ad Acacium Episcopum Beroensem, additque: *ibid. p.* *Deus nique nemo, opinor, ex Orthodoxorum numero illam Deiparam nominare dubita-* *381. A.* *vit; quandoquidem verum est, Emmanuelem Deum esse. Erunt itaque anathe-* *mate confecti SS. Patres, qui jam dudum ad Deum evolaverunt, ceterique om-* *nes, quotquot Christum Deum esse confessi, recta veritatis dogmata confe-* *stantur.* Laudat ibidem S. Athanasium, Theophilum, Basilium, Grego- *ibid. p.* *rium, Atticum: & in Epistola 3. ad Nestorium: Hoc, inquit, sanctior* *321. A.* *Patres sensisse reperiemus. Ita non dubitarunt sacram Virginem Deiparam ap-* *pellare: non quòd Verbi natura, ipsius-ve divinitas ortus sui principium ex* *sancta Virgine sumperit; sed quòd sacrum illud corpus anima intelligente perse-* *ctum*

flum ex ea traxerit, cui & Dei Verbum secundum hypostasim unitum, secundum carnem natum dicitur. Idem disertè confirmat Anathematismo 3. paulò antè n.r. relato. Plura brevitatis causa missa facimus.

TERTIUM MOMENTUM

Ex Theologicis rationibus.

Theologicæ illæ rationes quasi è re nata erumpunt ex laudatis hæcenus Scripturæ & SS. Patrum testimoniis.

Prima ratio hæc est. Idem Christus à Scripturis & SS. Patribus dicitur Deus & homo: atqui fieri istud non potest, nisi propter unionem substantialem & hypostaticam naturæ humanæ cum persona Verbi. Impossibile quippè est, ut duæ naturæ formaliter ab invicem distinctæ, de se invicem in concreto prædicentur, nisi uniantur in persona seu supposito: nunquam enim duorum qui hypostasi distinguuntur, unus de altero prædicatur, quantacumque sit inter illos animorum & affectuum consensus: nusquam Plato v. gr. Socrates, aut vicissim Socrates Plato propriè appellabitur.

Secunda. Joannis 1. *Verbum dicitur caro factum.* At non est caro factum, per sui conversionem in carnem: quis tam impius ut istud fingat? Ergo est caro factum per assumptionem carnis in Verbi personam.

Tertia. Philipp. 2. de Christo dicitur, *Exinanivit semetipsum, formam servi accipiens.* Atqui exinanitio illa concipi non potest sine unionem hypostaticam. Si enim Verbum semetipsum exinanivisse ideo diceretur, quòd sit in Christo per inhabitationem tanquam in templo, ut volebat Nestorius; pari ratione Pater & Spiritus sanctus, qui in Sanctis inhabitant, exinaniti quoque dicerentur, quòd quidem per se absurdissimum est. Exinanivit ergo se ipsum Verbum, quòd cum in forma Dei esset, formam servi, id est naturam servi, in unitatem suæ personæ assumpsit.

Quarta. Pronomina demonstrativa ad personam vel hypostasim referuntur: neque enim quis diceret v. g. alio currente, *Ego curro*, nisi fortè figurativè, sinempè alius ipsius loco curreret. Atqui ille homo qui dictus est Jesus Christus, de seipso ait, *Ego sum qui de celo descendi. Antequam Abraham fieret, ego sum. Ego & Pater unum sumus. Exivi à Patre; & Veni in mundum* &c. quæ omnia manifestè ad divinitatem pertinent; ergo homo ille Christus verè Deus erat.

Quinta. Si Christus verus non est substantia Deus, funditus ruit Christiana Religio; & omnes quotquot hæcenus extitere Christiani, idololatricæ rei sunt, utpote qui Christum tanquam Deum adoraverint, qui tamen, juxta impietatem Nestorii, verus Deus non est.

Sexta denique. Si duæ sunt in Christo personæ, divina una, humana altera, quænam, quæso, pro nobis passæ est, mortuæ? quænam pro nobis satisfecit, à peccato & damnatione nos redemit, Sacramenta instituit? &c. An divina? sed hæc nec pati, nec mori, nec pro nobis satisfacere potest. An humana? verùm hæc cum finita sit, pretium infiniti valoris Deo pro nobis offerre non potest; nec Sacramenta instituere, cum incapax sit illis impertienti vim gratiæ productivam. Ex illo igitur Nestorii nefando errore uno ictu ruit.

ruit Incarnatio Verbi, ejus pro nobis satisfactio, humani generis redemptio, institutio & efficacia Sacramentorum; uno verbo, universa Religio Christiana funditus labefactatur ac subvertitur. *Non ignoravi*, ait S. Cyrillus Tom. 3. Conc. p. 82. B. C. Libro de recta fide ad Theodosium, n. 28. *futuros, qui interrogent, Uter verè est Jesus Christus? siue qui homo ex muliere natus est, an Verbum quod ex Deo genitum est?* Næ stultum est supervacaneis verbis contendere, ac quibuslibet anilibus nugis sese opponere. Respondeo nihilominus, non solum periculosum, sed etiam perniciosum esse, hominem & Verbum seungere, satlaque divisione utrumque scorsim statuere: quippè cum dispensationis mysterium ejusmodi sectionem nequaquam admittat, & divina præterea Scriptura unum dumtaxat Christum esse disertè tradat. *Afferro enim neque Dei Verbum absque humanitate, neque templum rursum, quod ex muliere in lucem editum est, nisi cum Verbo conjunctum sit, Christum Jesum appellari posse.*

Hæc & alia multa passim adversus Nestorium urget S. Cyrillus, quem impie hæreticos coram universa Ephesina Synodo convincit. Unde à Cælestino S. Pontifice in Epistola ad Clerum & plebem Constantinopolitanam, & à Patribus Ephesinis in sententia depositionis, *novus Judas* appellatur. Theodosius Imperator sectatores Nestorii *Simonianos* infamari, eorumque Libros omnes, data lege, flammis absumi jussit.

Solvuntur Objectiones Nestorianorum.

Obicies 1. Moyses, Angeli, Judices ipsi nonnunquam in Scripturis dii appellantur, neque tamen ulla est in illis hypostatica cum divinitate conjunctio.

2. Joan. cap. 2. Christus ait, *Solvite templum hoc*, id est corpus suum seu humanitatem; ergo improbari non debet in Nestorio, quòd humanitatem Christi Dei templum appellaverit. Porro inter templum, & Deum qui in templo habitat, hypostatica non intercedit conjunctio.

3. Philipp. 2. Christus dicitur *factus in similitudinem hominum, & habitu inventus ut homo*. Ergo Christus verus homo fuit: quomodo igitur cum divinitate personaliter uniri potuit?

4. Deus immortalis est ac impassibilis; ergo Christus qui passus est ac mortuus, verus Deus non est.

Resp. ad primum, Moysen, Angelos & Judices improprio ac figurato sensu deos appellari, nempe propter singularem auctoritatem seu potestatem qua à Deo donati fuere. Quapropter postquam Judices deos appellavit, statim addit, *Verumtamen sicut homines moriemini*; quæ verba aperte innuunt, *Psalm. 81. v. 7.* eos improprie ac figuratè deos appellari. Legenda sunt quæ eam in rem diximus, ubi de Mysterio sanctissimæ Trinitatis.

Ad secundum: Non ideo improbatus est Nestorius, quòd dixerit humanitatem Christi templum esse divinitatis; sed quòd accidentalem dumtaxat & moralem, non physicam & hypostaticam admitteret unionem inter humanam & divinam in Christo naturam.

Ad tertium: Meritò Christus dicitur *in similitudinem hominum factus*, quia revera cæteris hominibus (excepto peccato) quantum ad naturam similis fuit, iidem infirmitatibus obnoxius, quibus obnoxia est humanitas: vel dicitur habitu inventus ut homo, quia specie tenus velut homo purus appare-

parebat, communi ceterorum hominum via genitus, qui tamen veruserat Deus, in utero Virginis virtute Spiritus sancti conceptus. Nequeras autem qui fieri istud possit. Namque Incarnationis modus, ait S. Cyrillus L. de recta fide ad Theodosium, n. 23. admodum subtilis est verèque inexplicabilis; talis demum qui cogitationis captusque nostri angustias multis partibus excedat.... Nempe, ut periculo non vacat curiosius in ea inquirere, quæ humana non sunt; ita extremae dementiæ videri, ea quæ mentis nostræ aciem excedunt, humani iudicii scrutina subficere moliri.

Ad quartum: Deus quidem non homo factus, impassibilis est, immortalis; sed homo factus, ratione humanitatis quam in unitatem personæ assumpsit, verè passus est ac mortuus: Verbum enim caro factum est.

Instabis. Si Dei Filius passus ac mortuus dici potest; ergo dici pariter poterit, Divinitas passa est, mortua &c.

Resp. nego consequens. Istæ quippè denominationes in suppositum ipsum, seu personam Verbi ex duabus naturis constantem, cadunt, non verò in ipsam divinam naturam. Passus est Deus, ait Vigilii Tapfensis in Africa Episcopus initio sexti sæculi L. 2. contra Eutychem, in unione personæ, non est passus in proprietate naturæ. Siquidem passionis iniurias etiam divinitas pertulit, sed passionem sola ejus caro persensit.... Ita ergo suscipiendo passiones, & exim non cedendo affectibus, apparet Deum Verbum impassibiliter passum... Ergo perferre passionem, naturæ est utriusque; sed cedere passioni, non est utriusque naturæ, cum sit unus ejusdemque personæ.

Et L. 5. Proprium est illi mori, propter naturam carnis, quæ mortalis est; & proprium est illi non mori, propter naturam Verbi, quæ mori non potest. Item propter ineffabile mysterium unionis utrumque naturarum communis in ipso fuit mortalitas carnis, Verbi naturæ, quæ mori non potuit; & communis in ipso est immortalitas Verbi, naturæ carnis, quæ morti succubuit.

Obicies 2. Si unica in Christo esset persona, Christus merito dici posset unus de sancta Trinitate passus; & asserti, unum de Trinitate esse passum. Atqui id dici non potest, iudice vel ipso Hormisdæ S. Pontifice, qui propositionem hanc velut erroneam damnavit in Monachis Scythiæ.

Resp. nego min. Vera enim & orthodoxa est propositio, quam S. Pontifex Hormisdæ nusquam erroris inculcavit, sed tantum ut novam ac dissidiorem causam silentio premendam esse judicavit, repressa Monachorum Scythiæ temeritate ac pertinacia, qui hujusmodi loquendi formam definitioni Concilii Chalcedonenfis necessario adjiciendam esse contendebant, quasi absque tali additione, manca illa & imperfecta foret. Ceterum hanc loquendi rationem Ecclesia suo Judicio probavit ac confirmavit in V. generali Concilio Can. 4. & 5. Probavit & S. P. Joannes II. in Epist. ad Justinianum, in qua & Imperatorem laudat qui eam tuebatur, & Acoemetas monachos contra sentientes condemnat.

Probarunt sanctus Fulgentius Lib. de fide ad Petrum n. 15. Facundus Hermianensis L. 1. pro defensione Conc. Chalcedonenfis cap. 1. Fernandus Diaconus in Epistola ad Anatolium; & in Epist. ad Severum Scholasticum, servente adhuc harum concertationum æstunum. 9. tres distinguunt hujus propositionis, Christus unus est de sancta Trinitate, quæ nonnulli, inquit nimis cautè negabant, sensus. Primus est, ne ideo Christus unus de Trinitate prædi-

Tom. 1.
Conc. p.
74. E.

Biblist.
P. P. T.
8. pag.
727. D.

libid. p.
738. B.

Tom. 5.
Conc. p.
170. E.
& pa.
111. B.
C.

Tom. 1.
Conc. p.
1746.
p. 506.
Pag. 4.
Biblist.
P. P. T.
9. pag.
505.

predicari putetur, ut alius ipse, alia Trinitas de qua unus esse dicitur, inculcetur: Velut cum de Patre esse Filium credimus, alius est procul dubio Filius, alius Pater de quo esse Filius... Secundus modus est, ne fortasse unus de Trinitate fraudulenter intimetur; propter hoc videlicet, ut non ejus humanitas, sed divinitas predicetur esse passibilis. Tertius modus est, ne queratur, Quid unus? Cum verò dixerimus, pergit Auctor, Christum unum esse de Trinitate, interrogati, Quid unus? non possumus dicere, Unus Deus; quia Trinitas illa non est deorum &c. . . . non possumus respondere, Unus filius; quia Trinitas illa non est filiorum. En argutiz, propter quas nonnulli nimis cautè refugiebant dicere, Christus unus est de Trinitate. Alii igitur, quibus favet Ferrandus, ut ab istis interrogationum laqueis se extricarent, nudè ac simpliciter dicendum arbitrabantur, Christum unam esse Trinitatis personam. *Reclissimè hoc dicitur*, ait Ferrandus: *convenientius una persona, quam unus dicitur; ne parum intelligentibus aut malè suspicantibus scandalum procurretur*. In rei quippè veritate de dogmate dissensio non erat, sed de modo loquendi: nec aliud volebant, qui unum de Trinitate passum dicebant, quam Filium Dei passum esse carne.

Ibid. p. 513. A.

Ibid. B.

Objicies 3. Quæ divinitatem non genuit, Dei genitrix dici non potest: atqui B. Virgo divinitatem non genuit, ut certum est, aliàs ipsa dea foret.

Resp. nego maj. Satis enim est ut B. Virgo eum genuerit, qui Dei filius est, ac verus Deus: quemadmodum ut in humanis mulier dicatur hominis mater, satis est quòd eum generet, qui homo est, tametsi præcipuam hominis partem, animam scilicet rationalem, ipsa non generet. Ita respondet S. Cyrillus in Epist. ad Monachos, n. 12. Inde manifesta est ratio, cur B. Virgo dea nec sit, nec dici possit, quia nempe divinitatem ipsam non genuit, sed hominem dumtaxat Deo intimè seu personaliter conjunctum. Erroris igitur ac putidæ calumniæ reus erat Nestorius, qui supposebat existentia Catholicorum sequi, beatam Virginem deam esse, atque ut deam ab illis agnosci & coli debere. Non ita est: beatam Virginem quacumque creatura gratiæ donis ac insigni matris Dei privilegio longè superiorem & excellentiorem esse agnoscimus, Deo solo minorem, sed non æqualem Deo.

Tom. 3. Conc. p. 30. B. C.

Instabis 1. B. Virgo dici non potest mater Verbi divini; ergo nec Filii Dei Verbum enim proprius est Dei Filius; ergo si B. Virgo potest dici mater Filii Dei, quidni & mater Verbi?

Resp. nego consequens. Disparitas est, quòd nomine Verbi intelligatur terminus generationis æternæ in sinu Patris: nomine autem Filii, intelligatur terminus æternæ, tum temporalis generationis in utero materno beatæ Virginis. Cum ergo Verbum sit caro factum, & carnem in utero B. Virginis sumpserit, ratione hujus assumptæ humanitatis Filius Dei homo factus merito B. Virginis filius dicitur. Distingui ergo potest ista propositio: Filius Dei non potest esse filius Mariæ, ratione divinitatis, & prout est æternæ generationis filius, concedo: ratione humanitatis Verbi personæ hypostatice conjunctæ, nego.

Instabis 2. Mater debet esse filio consubstantialis: at B. Virgo, ex concessis, non est filio suo consubstantialis.

Resp. dist. ant. Debet esse filio suo consubstantialis, aliqua ex parte, concedo: omni ex parte, nego. Cum mater filium generat duabus constan-

Tournely de Incarnatione.

Q

tem

tem naturis, divina & humana, filio consubstantialis esse debet ratione naturæ humanæ, non autem ratione naturæ divinæ. Frustrâ hujusce rei accuratum exemplum in creatis quæreres, nullum perfectio invenies: est enim planè singulare ac stupendum Incarnationis Verbi mysterium.

Instabis 3. Tot sunt in Deo admittendæ personæ, quot naturæ perfectæ: atqui duæ sunt in Christo naturæ perfectæ, divina scilicet & humana; ergo & duæ personæ.

Major propositio probatur, quia persona, ex Boetio, est naturæ rationalis individua substantia: atqui duplex est in Christo individua substantia, divina nempe & humana; ergo & duplex persona.

Resp. nego maj. Cum enim natura inferior à superiori in unitatem personæ assumitur, ab illa perficitur, completur, & ultimò terminatur; adeoque non propria, sed aliena subsistit personalitate. Nomen substantiæ in definitione personæ, apud Boetium, supponit personam completa & ultimò terminata, totum aliquod peculiare seorsim constitutæ, non pro qualibet substantia individua, seu particulari: alias anima rationalis à corpore separata, quæ substantia quædam est rationalis & particularis, vera dici posset persona, quod falsum est. Verùm de hujusmodi difficultatibus jam diximus, ubi solvimus objectiones adversus possibilitatem mysterii Incarnationis.

Instabis 4. Aut Verbum assumpsit humanitatem in abstracto, aut in concreto. Non in abstracto: abstractio enim illa merus est fœtus mentis, non quid reale ac solidum; ergo assumpsit humanitatem in concreto, id est, hominem seu personam habentem humanitatem.

Resp. meram hic argutam esse de nomine quæstionem. Si per humanitatem in abstracto intelligis substantiam particularem non completam, nec ultimò terminatam, uno verbo, personam, Verbum hoc sensu humanitatem abstractè sumptam sibi personaliter conjunxit; neque sic sumpta humanitas fictitium aliquid est, & merus fœtus mentis abstrahentis, sed reale quid ac solidum: abstractio, mentis dumtaxat fœtus est, cùm natura universalis in se, præcisè omnibus individuis, spectatur tanquam communis. Pariter si per humanitatem in concreto intelligis formam & subiectum formæ, id est, humanitatem & personam in qua est humanitas, falsum est hoc sensu Verbum assumpsisse humanitatem in concreto: si verò intelligis tantum hanc vel illam numero humanitatem particularem, hoc sensu concedimus Verbum assumpsisse humanitatem in concreto.

Instabis 5. Ex una substantia generari nullatenus possunt duæ substantiæ: atqui Deus & homo sunt duæ substantiæ; ergo B. Virgo non potest esse simul hominis Deique genitrix.

Resp. dist. maj. Si duæ substantiæ separatim generentur, esso: si una per se non generetur, sed ratione alterius, atque in unam concurrant hypostasim, nego. Ita nodum solvit Ferrandus Diaconus in Epist. ad Anatolum. *Nunc verò, inquit, in magno illo & mirabili sacramento, quod manifestatum est in carne, divina substantia secundum humanam substantiam propriè nata est; quia non separatim nata est, nec humanitatem propriè natam sibi divinitas adunavit, sed adunando eam sibi, propriè nata est. Dicam adhuc planius pro captu infirmitatis meæ. Propriè est nata de Patre divinitas pura, propriè est nata de matre eadem incarnata divinitas.*

Bibliot.
P. P. To.
9. pag.
528. B.

Obijcies

Objicies 4. nonnullorum SS. Patrum auctoritatem, inter quos

I. Alii Christum vocant *hominem Deiserum*. Ita S. Basilius apud Theodoretum in reprehensione Anathematismi quinti. *Deiserum hominem*, inquit Theodoretus, sicut à multis sanctis Patribus dictus est, non devitamus; quorum unus magnus ille Basilius in Sermone de sancto Spiritu ad Amphiloichium hoc usus est nomine, & in explanatione quinquagesimi noni Psalmi.

To. 4. p.
714. D.

II. Christus ipse vocatur *homo Deificatus*, *homo Dominicus*. Ita Eustathius Episcopus Antiochenus contra Arianos, laudatus à Gelasio, Libello adversus Eutichen & Nestorium. Ita S. Athanasius in Expositione fidei, Augustinus Lib. 83. quaestionum quaest. 36.

III. Alii dicunt *hominem fuisse à Verbo assumptum*. Ita S. Ambrosius Lib. 5. de Fide cap. 5. S. Augustinus Lib. 11. de Civit. Dei cap. 2.

IV. Sunt qui humanitatem Christi appellant *divinitatis instrumentum*. Ita S. Athanasius L. de Incarnatione; Eusebius L. 4. Demonstr. Evang. cap. 13. Cyrillus Dial. de Incarnatione; Joannes Damasc. L. 3. de fide c. 15. post medium.

V. Denique, nonnulli humanam naturam *divinitatis templum* esse asserunt. Ita Eustathius Antiochenus apud Theodoretum, Dial. 1. Gregorius Nyssenus L. 2. contra Eunomium; Cyrillus ipse L. 6. in Joan.

Resp. has & similes loquendi rationes studiosè à Theodoro Mopsuesteno & Diodoro Tarsensi in causæ suæ defensionem collectas fuisse: at frustra profectò. Ut enim rectè respondet Leontius Byzantinus L. 3. contra Nestorianos, non de verbis, sed de sententiis ac verborum sensu quaestio movenda est; iidem enim vocibus, & veritas fidei exprimi potest; sola igitur loquentis mens, scopus, consilium, status controversiæ, temporis ac personarum circumstantiæ accuratè pensandæ sunt, ac verus & genuinus Sanctorum illorum sensus apparebit.

Biblioth.
PP. To.
699. A.

I. Rectè S. Basilius carnem Christi *Deiseram* appellavit, quia reipsa Dei propria est, propter unionem hypostaticam inter carnem seu humanitatem, & Deum ipsum.

II. Christus ipse non immeritò *Deiser*, *homo Deificatus* seu *Deificus* dici potest, ob eandem hypostaticam unionem inter divinam & humanam naturam. In Nestorio quidem has loquendi rationes jure meritò reprehendebat S. Cyrillus, ob pravam ipsius sententiam, unionis scilicet dumtaxat moralis & accidentaliter inter utramque in Christo naturam: at in viris Catholicis, nec suspectis, omni vitio ac suspitione erroris carebant.

III. Humanitas Christi sano & catholico sensu divinitatis instrumentum dici potest, non quidem separatam, qualis est ferra v.g. in fabro lignario ad secandum lignum; sed conjunctum & intimè unitum, cujusmodi est corpus respectu animæ, ad operationes vitæ sensitivas exercendas. Ita solvit S. Thomas L. 4. contra Gentes c. 41.

IV. Humanitas Christi rectè templum Dei ab aliquibus Orthodoxis dicitur, non quidem ad mentem & sensum Nestorii, qui Deum in Christo non aliter inhabitare contendebat, quam in templo & in sanctis suis inhabitat, per meram scilicet assistentiam, ac gratiæ subministrationem; sed ad sensum Apostoli ad Coloss. 2. v. 9. *in ipso inhabitat omnis plenitudo divinitatis corporaliter*, per unionem scilicet veram, realem, physicam & hypo-

Q 2 stati-

staticam; non moralem tantum, non accidentalem, vel affectus, concordiam, gratiam, aut adoptionis.

Denique nonnulli absque suspitione erroris asseriebant Verbum Dei assumptis hominem, id est, humanitatem, concretum pro abstracto usurpantes. Id quidem merito damnat in Nestorio S. Cyrillus, quia per hominem, non tantum naturam, sed & personam humanam à Verbo assumptam esse impius ille affirmabat; unde non unum, sed duos Christos esse fatebatur, ac Christum Redemptorem nostrum non esse verum substantiam & naturam Deum, sed tantum per gratiam & adoptionem.

Objicies. auctoritatem S. Joannis Chrysostomi Homil. 3. ad caput 1. Epist. ad Hebr. ubi disertè varios confutans errores, duas in Christo personas admittere videtur. En verba: *Vide quomodo & quam dilucidè dividat creaturas & creatorem, ministros & dominum, verumque ac proprium habedem & filium, ac servos. Ad filium autem dicit, Thronus tuus Deus in seculum seculi. Ecce regni signum. Virga æquitatis, virga regni tui. Ecce rursus aliud quoque signum regni. Deinde rursus de eo quod est carne indutum, Dilexisti iustitiam & odisti iniquitatem: propterea unxit te Deus, Deus tuus. Quid est Deus tuus? Nam quoniam magnum est locutus, id rursus lenit ac mitigat. Hic & Judæos, & Pauli Samosatani asseclas, & Arianos, Marcellumque & Sabellium servit & Marcionem. Quomodo? Judæos quidem, ostendens duas personas, & Deum, & hominem. Alios autem, Pauli, inquam, Samosatani asseclas, quod hæc dicas de æterna substantia, & increata essentia. Nam ad discernendum & ex adverso distinguendum illud, fecit, hoc opposuit, Thronus tuus Deus in seculum seculi. Adversus Arianos autem, & rursus hoc ipsum, & quod non sit servus. Si autem creatura, servus. Adversus Marcellum autem & alios, quod sint duæ personæ divise per hypostasim. Adversus Marcionitas autem, quod divinitas non ungitur, sed humanitas. En integer S. Doctoris textus, ex quo sic arguitur: S. Joannes Chrysostomus de Christo Domino verba faciens, duas in ipso personas disertè agnoscit: *Ostendens (Propheta) duas personas, & Deum, & hominem; ergo &c.**

Resp. nego ant. Falsò supponitur S. Doctorem verbis mox relatis solum Christum Dominum designasse. Christinomen nullo in codice, nulla in editione, in nulla interpretatione latina citati Chrysostomi textus legitur. De Deo Patre & Filio, qui re ipsa duæ sunt personæ distinctæ; ac de Filio incarnato seu homine factio, in quo duæ sunt, non quidem personæ, sed duæ naturæ, S. Doctor loquitur. Temeritas ergo fuit castiganda in Auctore interpretationis Gallicæ Homiliarum S. Chrysostomi, quæ ante aliquot annos publici juris facta est, in qua S. Doctoris verba sic ille reddit gallicè: *S. Paul confond les Juifs, en leur montrant qu'il y a deux personnes en Jesus-Christ, Dieu, & l'homme. Il confond Marcel, en montrant que les deux personnes qu'il sont en Jesus-Christ, sont substantielles par elles-mêmes, & séparées entre elles.*

Tota profectio Nestoriana est hæc interpretatio, atque sanctissimo Doctori gravissimum imponit errorem, cuius accusatus, quod sciam, nunquam ille fuit: eoque gravior Interpretis gallici culpa est, quod nullus ante ipsum in nulla interpretatione latina, Chrysostomi verba in hunc sensum reddiderit. Anxii & solliciti quidem nonnulli fuere, circa interpretationem citati

S. Chry.

Edit.
Comp.
mel. p.
1769.

S. Chrysoſtomi textus, in quo illuſtrando maximè laborarunt; at nullus auſus eſt pronuntiare, reipſa duas à Chryſoſtomo admiſſas in Chriſto diſtinctas perſonas.

Quatuor maximè inter Litteratos viros, ſcrupuli aliquid circa mentem Chryſoſtomi paſſi aliquando videntur: Itali duo, Flaminius Nobilius, & Sixtus Senenſis. Duo pariter Angli, Haleſius & Dounzus, quicquid textum variè legunt ac interpretantur.

Flaminius Nobilius, qui unus fuit ex iis qui juſſu Gregorii XIII. S. Pontificis recognoscendis SS. Patrum Operibus utiliſſimam operam impenderunt, editionem Veronenſem ſecutus, ſic legit: *Judæos quidem percuffit, ostendens eis duas eſſe perſonas, & Deum, & hominem*: quæ verba de uno Chriſto dicta eſſe, atque *ἑπὶ τῶν*, & *ἐν τῷ*, improprie, non perſona, ſed pro natura & eſſentia uſurpari à Chryſoſtomo contendit; ut ſenſus ſit, Judæos confundi, adverſus quos oſtenditur, Chriſtum Deum eſſe ſimul & hominem, ſeu duas in ipſo eſſe naturas. Si hanc interpretationem ſequi voluiſſet gallicus Interpres, duas dicere debuifſet in Chriſto naturas, non duas perſonas.

Huic interpretationi obſtare videtur 1. quia ætate Chryſoſtomi vocabulum *ὑπόστασις* vix unquam pro natura & eſſentia uſurpatum legimus. 2. quia ipſe Chryſoſtomus idem vocabulum hoc eodem ſenſu aliis in locis uſurpat. Epistoſola ad Cæſarium, *Eſt enim*, inquit, *duplex natura, veruntamen indiviſibilis & indiſſipabilis unitio, in una filiationis conſtenda perſona, & una ſubſiſtentia*. 3. Chryſoſtomus duas ſimul iſtas voces conjungit, *ἑπὶ τῶν*, & *ἐν τῷ*: ut certum eſt, vocabulum *ἑπὶ τῶν*, nuſquam uſurpatum fuiſſe ad ſignificandam naturam & eſſentiam. 4. denique, quia eodem prorsus ſenſu *ὑπόστασις* uſurpat ibidem adverſus Judæos, quo adverſus Marcellum, Sabellium & alios: adverſus Marcellum & alios ait, *Oſtendit quid ſint duæ perſonæ diviſæ per hypochſiſim*. Porro nomen perſonæ proprie ſumitur, cum Marcelli, Sabellii & aliorum tres in Deo perſonas negantium error designatur ac revincitur.

Sixtus Senenſis L. 6. Bibliothecæ ſanctæ annotatione 329. ſic legit; *Duas P. 899* perſonas oſtendens, Deum, & Deum. Et textus: *Chryſoſtomus Homilia in Epistoſolam ad Hebræos tertia, videtur duas in Chriſto ponere perſonas, divinam & humanam, quod Theologi neſas & dicere & ſentire arbitrantur*. Tum relatis verbis S. Chryſoſtomi, ſic pergit: *Suſpicio hunc locum etiam in græcis codicibus eſſe depravatum; & pro eo quod in eis ſcriptum eſt, Deum & hominem, legendum fore, Deum & Deum*. Occaſionem ſuſpicionis præbens gemina conſectura: harum prior eſt, quod Theophylaſtus referenti hæc eadem Chryſoſtomi verba, omiſſa hominis mentione, & Dei nomine biſ poſito, ſic ſcribat: Hoc adverſus Judæos, & Sabellium & Marcellum pugnat, tanquam duas perſonas indicans, Deum & Deum. Altera conſectura eſt, quod conduplicatio particule, *Dei*, aptiſſimè congruat cum propoſita Pauli ſententia, in qua geminato Dei nomine dicitur, *Unxit te Deus, Deus tuus*, ad expreſſionem ſcilicet duarum perſonarum, reclamantibus Judæis, Sabellio & Marcello, qui unam tantum deitatis perſonam agnoſcunt. At ſi quis urgeat lectionem græcorum codicum eſſe integram, & legendum eſſe, duas perſonas, Deum & hominem, non multum repugnabimus; mo-

Tournely de Incarnatione.

Q 3

do

ad per hominem, Christi simul & hominis personam significari intelligamus; per Deum vero, personam Patris, aut Spiritus sancti.

Hæc Senensis, cujus interpretatio longius distat ab illa Interpretis gallici, de qua antea, & à Chrysostomo omnem prorsus removet erroris Nestoriani suspicionem.

Halesius, cujus notas Savilius in suam editionem transtulit, ita citata S. Chrysostomi verba sic legit, *Duo eundem esse ostendens, & Deum & hominem*; ut non de Filio solo, sed de Patre & Filio dicatur: ita ut sensus iste sit, Pater & Filius duæ sunt personæ, & unus Deus; Filius autem, & Deus & homo est: quæ professio sententia verissima est, ac duplici Judæorum errori contraria. Vetustissimum Chrysostomi Interpretem, Mutianum Scholasticum, qui sic legit, *Ostendens eis personas duas, sed unum Deum*, sequutus est Halesius.

Dounaus Anglus alter ita legit: *Duas personas ostendens, & eundem esse Deum & hominem*. Nequaquam, inquit, ibi Chrysostomus dicit, *Deum & hominem esse duas personas, ut Nestorius*; sed Patrem & Filium designatos in istis verbis Scripturæ, *Thronus tuus &c.* & *Propterea unxit te Deus, Deus tuus*, quibus verbis duæ distinguuntur personæ, Pater qui ungit, & Filius qui ungitur.

Ex dictis hæcenus, constat duas esse verborum S. Chrysostomi interpretationes. Prima, verba ista, *duas ostendens personas*, non de Christo, sed de Patre & Filio dicta esse contendit; altera vero, de solo Christo dicta intelligit; ita tamen ut personæ nomine natura seu essentia intelligatur, non hypostasis seu persona propriè ac strictè sumpta.

Si verò postules quænam ex his duabus interpretationibus ad verum accedere magis videatur.

De Patre & Filio loquitur S. Chrysostomus. Probatur.

Resp. primam ad mentem & sententiam S. Chrysostomi longè propius accedere nobis videri. Momenta quibus ducimur, ista sunt.

I. Quia eodem planè sensu nomen personæ initio citati textus usurpat adversus Judæos, quo in fine, adversus Marcellum, Sabellium & alios: atqui adversus istos nomen personæ in propria & accurata significatione, pro hypostasi scilicet usurpat, ut certum est; ergo &c.

II. Quia, ut jam observavimus, Chrysostomus personæ nomen nusquam assumit ad significandam naturam & essentiam.

III. Quia S. Chrysostomus verba Prophetæ & Pauli, *Propterea unxit te Deus, Deus tuus &c.* de duabus SS. Trinitatis personis, Patre & Filio, intelligit Homilia 5. de incomprehensibili Dei natura contra Anomæos: *Visione*, inquit, *discere ubi Patrem & Filium simul positos Deum & Deum vocet? Audi Prophetam David & Apostolum Paulum hoc ipsum nobis declarantes: Thronus tuus, Deus, in sæculum sæculi; virga directionis, virga regnitui. Propterea unxit te, Deus, Deus tuus &c.* Eodem prorsus modo hæc ipsa verba ad Patrem & Filium referunt ex Veteribus S. Cyprianus L. 2. testimoniorum adversus Judæos; Origenes L. 1. contra Cellum; Eusebius Cæsariensis L. 4. Demonstr. Evang. c. 15. S. Hieronymus Epist. 140. Theophilactus ad Theodoretus Chrysostomi Exscriptores, Comment. in caput primum Epist. ad Hebr.

IV. Quia tam disertis ac conceptis verbis unam in Christo personam agnoscit

scit S. Chrysostomus in Epistola ad Cæsarium Monachum, ut in suspitionem præformati erroris nestoriani venire nunquam possit. *Pium*, inquit, & valde *pium*, Christum qui morte circumdatus est, confiteri in divinitate perfectum, unum filium unigenitum non dividendum in filiorum dualitatem: portantem tamen in semetipso indivisarum duarum naturarum inconvertibiliter proprietates. Non alterum & alterum, absit; sed unum & eundem Dominum Jesum Deum Verbum, carne nostra amictum & ipsa non inaninata aut irrationali, sicut impius Apollinaris dixit. Istitis mentem intendamus: fugiamus eos qui dividunt naturam. Est enim duplex natura, verumtamen indivisibilis & indissipabilis unitio, in una filiationis confitenda persona & una substantia. Non potuit Nestoriana impietas verbis significantioribus in antecessum penitus confodi & atteri.

Tom. 3.
745. D.
E.

V. Scopus Prophetæ & Apostoli, ad quem intendit S. Doctor, postulabat ut duplicem Judæorum errorem contra Trinitatem & contra incarnationem, confutaret, ostendendo Patrem & Filium duas esse in Deo distinctas personas, non unam, ut ipsis videbatur; & Christum Dominum simul & Deum & hominem esse, quem illi purum ac simplicem hominem arbitrabantur.

VI. Probata semper fuit & acceptissima Cœlestino S. Pontifici doctrina S. Chrysostomi, atque Nestorium, inter alia multa, novitatis & erroris arguebat, quod nullus ante ipsum in Constantinopolitana Sede eundem ipso docuisset. Ita S. Pontifex in Epistola ad Clerum & populum Constantinopolitanum. Eandem rationem adducit S. Cyrillus in suis ad eodem Litteris. Numquid, ait, qui illum (Nestorium) antecesserunt, doctrinæ fidei operam non dederunt? Numquid eloquentior est Joanne? Et in altera: Prædicabant illi (prædecessores Nestorii) apud vos, non duos Christos, sed unum tantum; eundem nimirum Deum verum, & hominem. rursus secundum carnem ex muliere ortum.

Tom. 3.
Conc. p.
364. B.
Ibid. p.
373. E.
Ibid. p.
441. A.

VII. Denique, citata ex Chrysostomo verba tam apertè nestorianum errorem spirant, ut mirum videri debeat ea (si vera & genuina forent) nec à Nestorio, nec à Joanne Antiocheno, cæterisque Nestorii amicis ac defensoribus in patrocinium sui erroris laudata unquam fuisse. Quos illi, quæso, triumphos egissent, quanta arrogantia Catholicis insultassent, si tanti viri nomine ac auctoritate tutari se potuissent! At eos scilicet fugit locus iste Chrysostomi. Fugit & Theodoretum, qui in exegeticis Scriptis unum ferè præ oculis habuisse Chrysostomum videtur, quem exscribit ac contrahit. An illum verò omisisset, aut S. Cyrillum oppugnans, aut Nestorium defendens? Fugit & Facundum Hermianensem Episcopum, acerrimum trium famosorum Articulorum defensorem. L. II. cap. 5. S. Chrysostomum ad partes suas trahere totis viribus nititur. Nonnulla ex ejus Scriptis refert, quæ dictis à Theodoro Mopsuesteno consentire putat; verum de proposita, hic sententia, ne verbum quidem. Fugit denique prætextus ille S. Chrysostomi locus Cassianum ejus discipulum. Is enim L. 7. de Incarnatione Christi c. 30. magistrum suum defendit, ejusque auctoritate Nestorium debellat. Non res tantum, inquit, blasphemias tuas sunt oppositæ, sed & verba rerum: ut apertè intelligamus, olim adversus blasphemias tuas munimen à Deo inextinguibile præparatum, quod venturam quandoque vim hæreticæ impugnationis

P. 173.

P. 128

parato jam muro frangeret veritatis. Et tu, ò impiissime atque impudentissime præclare Urbis contaminator, Catholica ac sanctæ plebis gravis & exitiosa contagio, stare in Ecclesia Dei ac loqui audes, & blasphemis ac furiosis vocibus tuis Sacerdotes semper illasa fidei & Catholica confessionis infamas &c?

Hactenus de famolo S. Chrysostomi testimonio, de quo legi potest docta & elegans Dissertatio eruditi Theologi Societate Jesu P. Daniel, quæ extat Tomo tertio Collectionis diversorum Operum ipsius, pag. 569. & seq.

Pagina
1045.C

Objicies denique S. Hilarium L. 10. de Trinit. n. 16. ubi ait, *Corpori Christi Mariam originem non dedisse; licet ad incrementa partiumque corporis, omne quod sexus sui naturale est, contulerit.* Porro si Maria corpori Christi originem non dedit, Dei mater dici non potest.

Resp. hoc ipso argumento, si quid valeret, ostendi, Mariam nequidem Christi matrem dici posse, siquidem corpori Christi originem non dedit. Mens igitur assentientia S. Hilarii hæc est, Mariam corpus Christi cæterorum hominum more, ex commercio viri cum muliere non genuisse, sed operante Spiritu sancto, & carnem Christi ex purissimo B. Virginis sanguine efformante. Virgo, inquit ibidem S. Doctor n. 15. *nonnisi ex suo Spiritu sancto genuit quod genuit. Et quamvis tantum ad nativitatem carnis ex se daret, quantum ex se semina edendorum corporum susceptis originibus impenderent, non tamen Jesus Christus per humane conceptionis coaluit naturam.* Vide in eum locum, Monachos Benedictinos Operum S. Hilarii editores.

B.A.B.

Huc usque impiam Nestorii hæresim validissimis ex Scriptura & Traditione momentis confutavimus. Quæ verò ad personam ejus spectant, indolenti animi, fortunam variam, amicos, defensores, turbas & commotiones quas in Ecclesia Christi excitavit, Historicis narranda relinquimus.

Legatur ampla & erudita præfixa editioni Operum Mariæ Mercatoris, junctis Commentatoris P. Garnerii Societatis Jesu Dissertationibus. Legatur Natalis Alexander Doctor sacræ Facultatis, in Historiam quinti sæculi. Accedat & Historia Nestorianismi gallicè adornata ab uno è Societate Jesu Theologo P. Doucin.

Tria dumtaxat, eaque breviter, hic expendemus.

- I. An legitime & canonicè damnatus ac depositus fuerit Nestorius.
- II. An Joannes Antiochenus cæterique Orientales, non tantum personæ, sed errori Nestorii adhaerent.
- III. An S. Cyrillus Nestorium summo ardore impugnans, in alium errorem lapsus fuerit.

Utrum legitime ac canonicè damnatus & depositus fuerit Nestorius.

In duo extrema opposita hic nonnulli feruntur.

Sunt qui Nestorium erroris accusant, non tantum contra Incarnationis Mystrium, sed etiam contra Trinitatem, negata cum Ario Verbi consubstantialitate; & cum Sabellio, personarum reali distinctione.

Sunt è contra quibus Nestorius ab omni, etiam contra Incarnationem, errore purus videtur, ac de solo nomine, seu, ut ait Socrates, de una *vocula* litem ipsi intentatam fuisse contendunt. *Vocula* autem illa est *Deipara* appellatio, à qua totus animo refugiebat Nestorius; in qua tamen una totius

tius Myſterii Incarnationis veritas ac ſubſtantia, & quaſi ſumma continetur: unde vox *horius* in præſenti cauſa, teſtera eſt fidei, ſicut *quius* in cauſa S. S. Trinitatis. Qui Neſtorium ab errore circa Incarnationem purum vindicant, conſequenter aſſerunt eum illegitimè ac injuſtè damnatum & depoſitum fuiſſe. Ita ex Calviniſtis Albertinus in Opere de Euchariftia, Ægidius Gaillard, Joannes Crojus, David de Rodone qui famoſum *De ſuppoſito* Librum eo conſilio ſcripſit, ut Neſtorium abſolveret; è contra verò Cyrillum, totamque Ephēſinam Synodum probris ac contumeliis laceſceret.

Alii inter hæc duo extrema medium tenent. Erroris circa Incarnationem Neſtorium reum fatentur, quod noſ ipſi oſtendimus, prolatis in medium ejus verbis initio hujus Tractatus pag. 51. & ſeq. cùm varios circa Incarnationem errores exponebamus: ab erroribus verò circa Verbi conſubſtantialitatem, & diſtinctionem realem perſonarum abſolvunt, ſequuti Vincen-
Bibliot.
P. P. T.
7. p. 253.
E.
*reſi Adinenſem in Communitorio c. 16. ubi ait, Neſtorium, ut uni ſue hæ-
 reſi aditum pateſceret, cunctatim hæreſeon blaſphemias inſectatum eſſe.*

Eleganter omnino ac verè Commentator Marii Mercatoris Diſſert. 1. de hæreſi & Libris Neſtorii, pag. 283. ait: *Nonnulli opinantur Neſtorium vel nullatenus erraſſe, quod diſtu impium; vel leviter, quod temerarium; vel ultra modum, quod injuſtum..... Scelus eſt, pergit ille, hominem ſceleratiſſimum abſolvere; & injuſtitia, hominem ſceleratiſſimum alienis criminibus onerare.*

Neſtorius Germanicia oriundus oppidulo Syriæ, quamquam Marcellinus Antiochiæ natus prodidit. Addit Caſſianus, in eadem urbe inſtitutum, ac baptiſatum adhuc infantem: ſcribit Evagrius, monaſticam vitam eum profeſſum in Laura ſancti Euprepri prope Antiôchiam; cùmque diu ſe exercuiſſet, atque parum in liberalibus diſciplinis proſeciſſet, ait Theodoretus hæreticorum fabularum Lib. 4. n. 12. factus eſt ex Monacho Presbyter à Theodoro Epifcopo. Socios habuit in Monaſterio, Joannem, poſtea Epifcopum Antiochenum, & Theodoretum; Præceptorem verò Theodorum Mopſueſtenum, cujus errorem circa Chriſtum a vidiùs combibit. Pulcherri-
Theod.
T. 4. p.
244. Bv
C.
 ma & maxima voce præditus ille erat, dicendi facundia celebris; moribus in ſpeciem auſteris, fucata modestia ac pietate. Mortuo Siſinnio Conſtantinopolitano Epifcopo, cùm Clerus in partes varias diviſus eſſet, & alii Proclum, alii Philippum Presbyterum ad illius regimen Eccleſiæ promoveri conarentur, ac vix ulla concordie ſpes aſſulgeret, à Theodoſio juniore anno 427. ad Sedem Conſtantinopolitanam evehitur, ibique ordinatus.

Tùm brevi poſt conceptum errorem evomere cœpit, primò aliorum arte ac miniſterio, tum ſuis & Sermonibus & Quaternionibus. De novo graſſante errore Coeleſtinum pro more monuit Cyrillus Alexandrinus; monuit & Neſtorium, tum S. Pontifex, tum Cyrillus ipſe: at cùm nihil proſeciſſent, coacta eſt an. 431. Ephēſina Synodus, quæ poſt diligentem & accuratam, ut rei gravitas poſtulabat, diſcuſſionem, Neſtorium ejuſque impium errorem anathemate percutit, eumque ab Epifcopatu depoſitum, in exilium amandæ Imperator, ubi exſeſt à vermibus lingua miſerè perit. Hæc quæ fuſiori ſtylo Hiſtorici proſequentur, paucis contraho, ut aliis dogmaticis quaſtionibus quæ ſuperſunt, petraſtandis, per tempus ac præfixos huic Tractationi limites nobis liceat.

CON.

CONCLUSIO.

Nestorius legitimè ac canonicè ab Ephesina Synodo damnatus ac depositus fuit.

Probat: Quia conditiones omnes ad canonicam & legitimam damnationis & depositionis sententiam istæ requiruntur: criminis notitia & probatio; testium fides non suspecta: diligens & accuratum examen; diluendi obiecti criminis plena reo concessa facultas; legitima in Judicibus auctoritas; in reo pertinacia. Atqui omnes istæ conditiones in sententia damnationis ac depositionis contra Nestorium à Concilio generali Ephesino pronuntiata reperiuntur, ut constat ex Historia & Actis Concilii Ephesini.

Publica & omnibus nota erat impietas Nestorii, ad quam infremuerat universa plebs Constantinopolitana, tum cum ore primùm Anastasii Presbyteri, tum suo apertè declaravit B. Virginem Deiparam non esse. Testes fuerunt quotquot utrumque concionantem audiverunt; testis S. Cyrillus; testes ducenti Episcopi Ephesi congregati, qui summa cura & diligentia Nestorii Sermones, Quaterniones, Scripta excusserunt, facta eorum cum Symbolo

Act. 1. Nycæno, ac SS. Patrum, quos referunt, sententiis, comparatione. Plena criminis diluendi facultas Nestorio concessa, qui tertio à Patribus Concilii honestè invitatus, ac monitus ut se Concilio sisteret, contumaciter recusavit, nequidem in conspectum suum admittis Concilii Legatis.

Plures, quàm decem dierum, induciæ, quas S. Pontifex Cælestinus præfixerat, ipsi concessit: Synodus etenim indicta fuerat ad diem Pentecostes septimam Junii; dilata nihilominus Patrum indulgentia ad diem vigesimam secundam ejusdem mensis, ut ipsi resipiscendi locus, & Joanni Antiocheno adventandi tempus daretur. Episcopis verò, qui Judices sedebant, annon plena & legitima fuit à Christo Domino concessa auctoritas?

Annon ipsis datum est regere Ecclesiam Dei, ac concredendum fidei depositum servare? Dic Ecclesie, id est, Ecclesie Præpositis; & si Ecclesiam non audierit, sit tibi sicut ethnicus & publicanus. Magna igitur fuit in Nestorio animi pertinacia, qui tot Episcoporum, etiam in variis ante generalem Ephesinam Synodis congregatorum, judicio acquiescere noluit.

Observat enim Marii Commentator Garnerius, plures ante Ephesinam habitas in causa Nestorii particulares Synodus: Romæ quatuor; totidem Alexandriæ; Constantinopoli quatuor; duas saltem ab Orientalibus, priorem Antiochiæ ante pacem Ecclesiarum, posteriorem Bercæ. Singulas ille percurrit Tom. 2. Marii Mercat. Dissert. 2. p. 331. & seq. Tandem anno 431. œcumenica Synodus Ephesina in contumacem Nestorium sententiam damnationis ac depositionis pronuntiavit his verbis: Sancta Synodus dixit: Cum

præter cetera impiissimus Nestorius neque nostræ citationis parere, neque sanctissimos religiosissimosque Episcopos à nobis destinatos admittere voluerit, non potuimus ad eorum quæ impiè docuit, examinationem animum non adungere. Deprehendentes itaque partim ex Litteris Commentariisque ipsius, partim ex Sermonibus, quos imperrimè in hac Ephesiorum Metropoli habuit, quique testimoniis comperti sunt, illum impiè sentire & predicare: coacti per sacros Canones, &

Epi-

Epistolam sanctissimi Patris nostri & Commisistri Cœlestini Romana Ecclesia Episcopi, lachrymis subinde persusi, ad lugubrem hanc contra eum sententiam necessario venimus. Igitur Dominus noster Jesus Christus, quem suis ille blasphemis vocibus impetivis, per sanctissimam hanc Synodum eundem Nestorium Episcopali dignitate privatum, & ab universo Sacerdotum consortio & cœtu alienum esse definivit.

Hanc depositionis sententiam Synodus ad Nestorium transmisit cum hac epigraphe: *Sancta Synodus.... Nestorio novo Judæ. Agnosce te, propter impias predicationes tuas & adversum Canones contumaciam, Vigesimo secundo die mensis Junii presentis, juxta Ecclesiasticarum Sanctionum decreta à sancta Synodo depositum; atque ab omni Ecclesiastico gradu alienum esse.*

*Ibid. p.
549. A.*

Solvuntur Objectiones.

Objicies 1. Quo tempore pronuntiata fuit in Nestorium sententia, Synodus Ephesina verè œcumenica non erat: nondum enim advenerant Legati Cœlestini S. Pontificis; aberat Joannes Antiochenus cum suis; aberat & ipse met Nestorius Constantinopolitanus: nonnulli ex parte ipsius Episcopi contestati jam fuerant, se tanquam nullum & irritum habituros quidquid in absentia Joannis & aliorum Orientalium adversus Nestorium actum fuisset. Ergo tunc legitima & canonica non fuit lata in Nestorium depositionis sententia.

*Extrae
conce-
ssario
Synodi-
ca c. 9.
Nov.
Collect.
Conc. p.
701.*

Resp. 1. nego ant. Legitimè convocata fuerat Synodus, legitimè ac canonice celebrata, vocatis qui vocandi erant. Aderant Episcopi ducenti, S. Pontifex Cœlestinus suas & totius Occidentis vices Cyrillo Alexandrino commiserat: suam uterque sententiam synodice jam pronuntiaverat, Cœlestinus Romæ, Cyrillus Alexandriæ: ter vocatus Nestorius, venire recusavit; aliunde reus ille erat, qui fidei suæ rationem coram Synodo reddere tenebatur: Joannes verò Antiochenus, plus æquo in Nestorium propensus, diu expectatus, de industria moras necebat, ut amico faveret. *Tanta enim dilatione, ait Synodus in Relatione ad Cœlestinum, malitiosè usus est, cum ipsum anteverterint qui longè majorem viarum intercapedine distarent.* Inter Episcopos autem quos Joannes secum adduxerat, ex quibus Conciliabulum suum Ephesinum composuit, alii erant extorres, otiosi, Ecclesiæque carentes: alii ante multos annos ob graves culpas à suis Metropolitanis depositi: cum ipsis etiam Pelagiani & Cœlestiani &c. Vide Relationem Synodi ad Cœlestinum. Contestationis verò aliquorum Episcoporum nullam rationem habuit Synodus. Denique Legati Summi Pontificis subinde rata & firma habuerunt, quæcumque acta in Nestorium fuerant. Ergo plena & integra stat sua œcumenicæ Synodo Ephesinæ auctoritas.

*Ad. 1.
Conc.
Ephes.
Tom. 3.
Conc. p.
659. E.
Ibid. p.
663. A.
B.*

Resp. 2. nego conseq. Quasi canonica & legitima non foret sententia, quæ ab alia, quàm ab œcumenica Synodo pronuntiaretur? aut Ecclesiæ dispersæ consensus non sufficeret, ad firmam & inconcussam latæ alicujus sententiæ auctoritatem?

Instabis: Et Joannes Antiochenus expectari debuisset, & Nestorius tribus distinctis vicibus intra certum tempus citari: atqui observatum istud non fuit.

Resp. 1. Joannem de industria, ut mox dictum est, morastraxisse; culpa-

paigi-

pa igitur ejus fuit, si citius Ephesum non appulit, quod nempe particeps noluit esse pronuntiatæ in amicum Nestorium sententiæ. Quæ in Conciliabulo Ephesino postea gessit Joannes, malè affectum ejus animum manifestant.

Resp. 2. tribus distinctis vicibus, juxta Imperialia Constituta, vocatum accitatum fuisse Nestorium, quod ad formam juris sufficiebat: neque enim intervallum temporis, quod intercedere debet inter unam & alteram citationem, fixum ac determinatum erat. Monitiones suas canonicas vocant ipsimet Patres Ephesini, Actione 1. pag. 460. Quin & in Concilio Chalcedonensi, ter eadem die appellatus Dioscorus, damnationis sententiam pariter reportavit.

To. 4.
Conc. p.
384.

Objicies 3. Cyrillus Nestorio suspectus meritò erat, cum quo graves gerebat inimicitias, unde sese mutuo erroris inculcabant. Aliunde, Cyrillus, ipso Imperatore teste, fervidioris erat animi, ac turbarum plùs æquo amans.

To. 3.
Conc. p.
433. D.

Scitjo, inquit Theodosius in Epist. ad Cyrillum; *magnam à te rerum perturbationem excitatam esse*. Deinde verò, jam sententiam suam in particulari sua Synodo Cyrillus aperuerat: qua igitur æquitate, non tantum ut Judex, sed etiam ut Præses in Ephesina Synodo federe potuit? Tandem culpam suam agnovisse videtur Cyrillus, cum absolvi voluit ab excommunicatione quam in eum tulerat in Conciliabulo Ephesino Joannes Antiochenus.

Resp. ad primum, S. Cyrillum Nestorio, antequam hæreticus factus sit, amicum fuisse; hæretico verò pertinaci strenuè oppositis, non in felle amaritudinis, sed studio fidei & charitatis.

Ad secundum: Solent Hæretici Principum animos quantum possunt, suis mendaciis ac calumniis contra Catholicos occupare. Gratia & auctoritate plurimum in Aula valebat Nestorius Regiæ Urbis Antistes, Candidiani & Irenæi fretus præsidio: quid ergo mirum, si Cyrillum, tanquam virum inquietum, turbarum ac dissidiorum auctorem apud Theodosium accusaverint, quas solus sua novitate Nestorius excitaverat? Deceptus est Imperator, ut sæpe fit, falsa hæreticorum hominum relatione: at postea comperta veritate, calumniam agnovit, & quo par erat loco Cyrillum strenuum fidei defensorem habuit.

Ad tertium: Annon licet Episcopis sæpius, ut fert occasio & Ecclesiæ necessitas, suum de rebus ad Religionem pertinentibus interponere judicium? Nonne Alexander in sua privata Synodo damnatum Arium, postea in Concilio Nicæno iterum damnavit? Quidni ergo idem potuit Cyrillus in Nestorium? Apage ineptias hujusmodi. Inde quippe sequeretur, nullam ferè hæcenus legitimam habitam fuisse Synodum œcumenicam, quia vix ullæ fuit, in qua, qui Judices sedebant Episcopi, suam jam antè non protulissent sententiam.

Ad quartum: Quamquam Memnon Antiochenus & Cyrillus Alexandrinus injunctam ac notorie irritam agnoscerent excommunicationis sententiam quam in ipsos tulerat Joannes Antiochenus, attamen ex œconomia quadam ac pacis restaurandæ studio, ne fortè scrupuli aliquid in animis simplicium resideret, ab illa absolvi postularunt.

Objicies 3. lidem simul judices, testes & accusatores esse non possunt: atqui Cyrillus, Theodotus Ancyranus, & Acacius Melitenfis in Concilio Ephesino judices, testes & accusatores fuerunt.

Resp.

Resp. Cyrillum propriè nec testem nec accusatorem fuisse erroris Nestorii. Plebs ipsa universa Constantinopolitana contra impietatem reclamavit & insurrexit: Monachi ejusdem Urbis novitate doctrinæ turbati, supplicii Libello ab Imperatoribus Synodum postulante, cujus auctoritate error, ne longius serperet, proferibatur: non alias autem partes hic egit Cyrillus, quam peritissimi Doctoris, ac fidei defensoris eximii. *Cum fidei tam insigniter ledatur, ait in Epistola ad Nestorium, totque passim sint insecti, qui tandem tacere hic licuit? Annon ante Tribunal Christi sistemur? An intemperivi silentii rationem reddiduri non sumus?*

To. 3.
Conc. p.
425.
ibid. p.
315. C.
D.

Addit ibidem, turbas excitatas fuisse, non quidem à se, sed ab Homiliis ipsius Nestorii, quæ non sine grandi Fidelium offensione ac scandalobique circumferebantur, & ipsimet S. Pontifici Cælestino innotuerant, cujus rei veritatem anxie sciscitabatur. Si quid verò alii duo Episcopi mox appellati, contra Nestorium protulerunt, non ut accusatorum personam sustinerent, protulerunt, sed (quod Judicibus semper licitum fuit) ad confirmationem suam, quod ferebant, judicii.

Objicies 4. Immetitò erroris circa Incarnationem damnatus est Nestorius, qui B. Virginem Deiparam fateri non renuebat, modò dea non diceretur. Serm. 5. n. 4. *Si quis, inquit, hac voce Teotocos gaudeat, apud me nulla est de voce invidia: tantum ne Virginem faciat deam.* Et Serm. 12. num. 7. *Damna eos, inquit, qui dicunt, secundum Apollinaris & Arii sensum, Dei genitricem; & ego una tecum clamo Θεοτόκος Filius Dei natus est, Deus Verbum & homo, ergo quæ peperit, propter unitatem dicatur Dei genitrix.*

Apud
Mar.
par. 2.
pag. 30.
ibid. p.
86.
ibid. p.
86. n. 14.
224

Resp. dist. maj. B. Virginem Deiparam confiteri non renuebat, subdolo & hæretico sensu, ob unionem dumtaxat accidentalem & moralem utriusque naturæ in Christo, in quo tanquam in templo divinitas inhabitabat, concedo: sensu catholico, nego. Vide quæ suprà Qu. 1. Art. 4. conguessimus à pag. 51. ad pag. 58. Sufficiat hic sensum, quem ipsemet Nestorius aperit in Epistola 1. ad Cælestinum, exponere. *Ferri, inquit, potest hoc vocabulum (Θεοτόκος). propter ipsam considerationem, & quod solum nominetur de Virgine hoc verbum, propter inseparabile templum Dei Verbi ex ipsa; non quia ipsa mater sit Dei Verbi; nemo enim antiquiorem se putat.* Aperta hæc sunt, non obscura, non involuta. Inde est quòd Synodus V. œcumenica Collat. 8. Canon. 6. observat Nestorium abusivè, non verè dicere sanctam gloriosam semper Virginem Mariam Dei genitricem esse.

To. 3.
Conc. p.
351. A.

To. 5.
Conc. p.
571.

Instabis 1. Semper contestatus est Nestorius, se vocem Deiparam sensu dumtaxat Apollinaris & Arii rejicere, qui, ut ait in mox citata ad Cælestinum Epistola, *Dominicam in homine unionem ad cuiusdam contemperationis confusionem passim commiserunt; adeo ut & quidam apud nos Clerici blasphemant Deum Verbum Patri homousion, tanquam originis initium de Christo loco Virgine sumpsisse & carnem post resurrectionem in naturam transmissa deitatis.*

To. 3.
Conc. p.
350.

Resp. animo planè subdolo & hæretico id contestatum fuisse Nestorium: at re ipsa dum unum Arii & Apollinaris sensum rejicere se fingit, alium a què impium & execrandum apertè declarat, nempe B. Virginem non genuisse personam quæ simul verè ac substantialiter Deus & homo sit. Illud por-

ro hæ-

ro Hæreticis ferè omnibus solemne semper fuit, doctrinam suam excusare ob-
tentu ac studio declinandi oppositam erroneam: sic contestabantur Ari-
ani, ut à Sabellianis recederent; Pelagiani, à Manichæis; Eutychiani, à
Nestorianis; Monothelitæ, ab Eutychianis; Nestoriani ipsi, ab Arianiis
& Apollinaristis. At Catholicos in fraudem non inducit simulata hæc
ac mendax professio; veritas enim catholica ab extremis erroribus
æqualiter distat & abhorret.

Instabis 2. Nestorius unam dumtaxat in Christo admisit personam;
atque in eo Cyrillum laudat, quòd duarum naturarum conjunctionem
ibid. p. in una Christi persona admitteret. In eo autem laudo, ait in Epistola ad Cy-
314. C. rillum n. 2. quòd distinctionem naturarum, secundum divinitatis & humanitatis
rationem, harumque in una persona conjunctionem prædicat. Cohærenter Nes-
torius non duos, sed unum Christum; non duos, sed unum filium agnoscit.
Sermone 2. *Christus*, inquit, secundum quod est *Christus*, indivisus est; & Fi-
lius, secundum quod est *Filius*, indivisus est. Non enim habemus duos *Chri-*
stos, vel duos *Filios*; neque est apud nos primus *Christus*, & secundus; neque
par. 7. alter & alter: neque iterum alter *Filius*, & iterum alter *Filius*; sed idem ip-
pag. 9. se est duplex, non dignitate, sed natura.

Resp. ad primum, dist. Nestorius unam admisit personam, moraliter
seu unam unitate affectus voluntatis ac concordie, concedo: unam physicè,
seu unam unitate physica & personali, nego. Lege quæ superius dicta sunt à
pag. 51. usque ad pag. 58. Turpi huic æquivocationi ac effugio locum præ-
clulit Synodus V. generalis Collat. 8. Can. 4. his verbis. Si quis dicit, se-
cundum gratiam, vel secundum operationem, vel secundum dignitatem, vel
Te. 1. secundum aequalitatem honoris, vel secundum auctoritatem, aut relationem,
Conc. p. 570. C. aut affectum, aut virtutem, unionem Dei Verbi ad hominem factam esse,
vel secundum bonam voluntatem, quasi quòd placuit Deo Verbo homo, eo quòd
benè visum ei de ipso, sicut Theodorus dixit: vel secundum homonymiam,
per quam Nestoriani Deum Verbum Filium & Christum vocantes, & homi-
nem separatim Christum & Filium nominantes, & duas personas evidenter di-
centes, per solam nominationem, & honorem, & dignitatem, & adorationem,
unam personam, unum Filium, & unum Christum consingunt dicere. Sed non
consentitur unitatem Dei Verbi ad carnem animatam anima rationali & intel-
lectuali, secundum compositionem sive secundum subsistentiam factam esse, si-
cut SS. Patres docuerunt, & ideo unam eius subsistentiam compositam, qui est
Dominus noster Iesus Christus, unus de SS. Trinitate, talis anathema sit.

Ad secundum, eadem est responsio. Dolose ac fraudulenter non duos,
sed unum Filium dicit Nestorius, unum scilicet moraliter, affectu, concor-
dia &c. non physicè, hypostasi ac persona.

Instabis 3. Eam unionem inter utramque naturam in Christo admisit Nes-
torius, ex qua, ipsemet fatente, sequitur reciproca proprietatum, seu, ut
ajunt, idiomatum communicatio. Rectum proinde, Evangelicæque traditio-
ni consentaneum est, ait Epistola ad Cyrillum, n. 3. ut Christi corpus divinita-
tis templum esse consueamus, illudque nexu usque adeo sublimi, divinoque &
admirabili ipsi conjunctum, ut dicamus divinam naturam ea sibi vindicare, quæ
corporis alioqui sunt propria. Porro unio ex qua sequitur reciproca propieta-
tum utriusque naturæ communicatio, verè hypostatica est ac personalis.

Resp.

To. 3.
Conc. p.
325. D.

Resp. dist. maj. Si verè ac sincerè illam communicationem admisit, concedo: si dolosè, fraudulenter, & ad fucum dumtaxat faciendum, nego. Porro quæ immediatè post subjungit Nestorius, malam ejus fidem, aut ignorantiam manifestè produnt. *Verum*, pergit ille, *propter hanc appropriationem, divino Verbo adscribere nativitatem, passionem, mortem, ceterasque* *ibid. E.* *carnis proprietates, id demum, mi frater, mentis est aut Ethnicorum more verè errantis, aut certè insani Apollinaris & Arii, aliorumque Hæreticorum morbo, aut alio etiam graviore laborantis.* Negat hic Nestorius, quod modò concesserat, *divinam nempe naturam ea sibi vindicare, quæ corporis propria sunt.* Ergo vel sibi crasse contradicit, vel fallit; vel quod scribit, non intelligit.

Instabis 4. Nestorius Serm. 12. affirmat Christum esse Deum, & infaniam Apud Pauli Samosatani, asserentis Christum esse purum ac nudum hominem, procul à se removet; ergo &c. *Mar. Mercat. Par. 2. pag. 85.*

Resp. Socinianos etiam fateri Christum Deum esse; sed quo sensu? eo ipso quo Nestorius: nempe, per gratiam, auctoritatem à Deo acceptam, per adoptionem, dignitatem, honorem &c. non per naturam atque substantiam; anathematismo enim primo, damnat eos qui dixerint eum, qui *To. 1. Conc. p. 413. C.* *est Emmanuel, Deum esse verum, & non potius à Deo inhabitatum.*

Objicies 5. eorum auctoritatem qui Nestorium ab errore purum fuisse testantur. Ita

I. Joannes Antiochenus cum suis Orientalibus in Epistola ad Nestorium 1. parte Conc. Ephesini c. 25. significat eum cum cæteris SS. Patribus idem sentire, & à voce *Deipara* dumtaxat abhorreere, quamquam pium ejus sensum non aversetur. *ibid. p. 392. D.*

II. Idem testatur Acacius-Beroensis Episcopus in Epistola ad Cyrilum, ubi etiam multos alios testes laudat. *ibid. p. 384.*

III. Accedit & Theodoretus Epistola 2. ad Alexandrum Hierapolitanum, Epistola ad Andream Samosatenum.

IV. Socrates L. 7. Hist. c. 32. ubi declarat, excussis omnibus causis Nestorii momenti, sibi videri, eum neque cum Paulo Samosateno, neque cum Photinosentire, sed solam *Deipara* vocem tanquam larvam reformidare.

V. Idem testantur Diodorus Tarsensis, & Theodorus Mopsuestenus: utrumque verò Catholicæ fidei vindicem fuisse probat Facundus in defensione trium Capitulorum.

Resp. hæc testimonia nunquam præponderare posse Judicio ducentorum Episcoporum, qui Nestorium contumacem hæreticum anathemate perculserunt, & à Sede Episcopali, quam obtinebat, dejecerunt in Concilio generali Ephesino: item testimonio tot Monachorum, tot Presbyterorum, imò & Laicorum, totiusque plebis Constantinopolitanæ, qui omnes summo religionis ardore in Nestorium statim insurrexerunt.

Joannes Antiochenus Nestorio amicissimus fuit: culpam, quantum potuit, elevavit, personæ favit, non errori. Fortè cum ad Nestorium scripsit, nondum plebè evolutus ac distinctus erat amici error; quamobrem utcumque illum emollire ac extenuare conatus est: subinde tamen comperta rei veritate, ab illo recessit.

Idem dicendum de Acacio Beroensi. Idem & de Theodoro, qui totus

totus primùm Nestorio additus, deinde ipsi anathema dicere in Concilio Chalcedonensi coactus fuit, cujus etiam errorem memorat in Librishxreticarum fabularum.

Socrates vix audiendus: cum Theologum agit, extra metam excurrit, nec quidquam ponderis & auctoritatis habere potest. Idem esto de aliorum, qui appellati sunt in gratiam Nestorii, testimoniis.

Utrum Joannes Antiochenus caterique cum ipso Orientales, non tantum persone, sed etiam errori Nestorii adhaeserint?

Quæ in gratiam Nestorii egerit Joannes Antiochenus, nemo ignorat. Eò temeritatis & audaciæ processit in suo Ephesino Conciliabulo, ut & Cyrillum Alexandrinum, & Memnonem Antiochenum sententia excommunicationis percellere non erubuerit. Hinc assertæ impietatis nestorianæ vehementer suspecti fuerunt apud Patres Ephesinos: an verò reipsa non tantum personæ, sed etiam errori Nestorii adhaeserint, disputatur.

To. 3.
Conc. p.
595.

CONCLUSIO.

Joannes Antiochenus cum suis Orientalibus, personæ dumtaxat Nestorii, non ejus errori adhaesit.

I. Non adhæsit ante Concilium. Siquidem in Epistola quam ad Nestorium scripsit, hortatur eum ut & vocem, & sensum *Deiparæ* admittat, tanquam à Patribus usurpatum, & mysterio divinæ dispensationis exprimendo idoneum maxime & accommodatum. Cùm ergo, inquit n. 3. hoc periculosum non sit, æquum non est ut sanctitas tua illud refuset; neque id nunc apud se cogitet, turpe esse sibi pugnancia docere. Si enim mens tua eadem sapit & sentit, quæ sancti Patres Ecclesiæque Doctores sentiunt & sapiunt.... quorsum veris pium sensum convenienti voce publicare? Et n. 4. Ego verò, non ad probrosam aliquam orationis correctionem, neque ad puerilem palinodiam, ut sic loquar, pietatem tuam invito; sed quia multi, ut intelligo, non infrequenter ex te audierunt, quòd ipsam solam vocem, non piam quoque ipsius Vocis notionem adferis: si quis Verò celebrioris famæ Ecclesiastici auctores tibi fuerint, ut ipso quoque nomine admissio, sacram Virginem Mariam *Deiparam* appelleret, te istud neutiquam recusaturum esse. Hanc ob rem te moneo, hortorque, ut libera id voce deprobas, quod citra errorem sapere certò dignosceris....

Et enim si id quod nominis significatione offertur, non recipimus, restat ut in gravissimum errorem prolabamur; imò verò ut inexplicabilem illam unigeniti filii Dei æconomiam abnegemus: quandoquidem nomine hoc sublatò, vel huius potius nominis notione repudiata, sequitur mox illum non esse Deum, qui admirabilem illam dispensationem nostræ salutis causa suscepit &c. Hæc certè verba hominis non sunt errori Nestorii adhaerentis.

Ibid. p.
389. D.

Ibid. p.
392. D.

Ibid. p.
395. A.

II. Non adhæsit in Concilio. In tota scilicet Actorum Conciliabuli Ephesini serie, ne verbum quidem extat de approbata Nestorii doctrina: atque Sixtus S. Pontifex in Epistola quam post initam pacem scripsit ad Cyrillum

rillum expressè ait: Non se exuli vestro sanctus frater noster Joannes addiderat; non eius est blasphemia predicatione deceptus; nam quantum rerum exitus docet, suspendit sententiam suam, non negavit.

Et sanctus Cyrillus Epistola ad Valerianum Episcopum, Religiosissimi, ait, totius Orientis Episcopi, una cum domino meo Joanne.... scripta dilucidatque confessione omnibus palam fecerunt, se profanas Nestorii vocum novitates aquè ac nos condemnasse & anathematizasse, seque nullo unquam loco eas habuisse. Ibid. p. 1176. A.

Rursus Epistola ad Acacium Melitenum, qui per Epistolam conquestus fuerat, Cyrillum Orientalibus tandem consensisse, sic loquitur: Quis verò Ibid. p. 1117. B. sanctissimi Orientales Episcopi cum Ephefi essent, à nobis dissentiebant, eaque de causa, quasi blasphemiarum Nestorii laqueis irretiti tenerentur, suspectabant; ut eo crimine se liberarent, inculpataque fidei amatoribus per omnia satisfacerent, ac nestorianæ impietatis se expertes esse ostenderent, apologiam composuerunt, & id quidem admodum prudenter, tantum abest ut hoc ipsorum factum aliqua omnino nota aut reprehensione dignum videatur. . . . Quid igitur temerè convitiis insectantur sanctissimos Phœnicie Episcopos, eorum consensum novum symbolum appellantes, quem illi utiliter & necessariò ediderunt, ut nimirum se purgarent, eosque demulcerent, qui ipsos nestorianam doctrinam approbare existimaverant. Scilicet cum Nestoriani pacem ac concordiam inter Cyrillum ceterosque Orientales initam esse intellexissent, nihil non moverunt ut convitiis ac mendaciis eam perturbarent. Vehementer Ibid. A; propter sanctarum Ecclesiarum pacem consternati, ait ibidem S. Cyrillus, eos qui eadem cum ipsis sentire nolunt, malissimè lacerant, sanctiorumque Episcoporum, Orientalium inquam, apologiam non absque amarulentia profcindunt. Se se in omne latus vertebant pacis ac fidei hostes, ut diffidia inter Episcopos spargerent: Quibus sanè, ait eleganter ibidem Cyrillus, eiusmodi quidpiam accidisse videtur mihi, quod illis evenire solet, qui cum natate nesciant, è navis tamen subito prolapsi sunt. Hi enim postea quàm mergi incipiunt, pedes manusque hac illac incompositè iactant, retinendaque vitæ cupidi, quidquid in manus fortè venerit, id temerè arripunt miseri. An non verè dici potest, eos vehementer perturbatos consternatosque esse, quod se desolatos, & extras Ecclesiaselelos pulsosque animadvertunt, quas sibi adiumento futuras sperabant?

III. Multò minus post initam inter Ecclesiase pacem, Joannes Nestorii impietati adhæsit, quam simul cum auctore suo publicè damnavit. Fatetur ingenuè ipsemet Joannes, scribens ad Sixtum S. Pontificem, se primum Nestorii depositioni ac damnationi consensisse, atque agrè tulisse, quæ adversus ipsum acta fuerant: verum, addit, cum mutuis inter se discordiis Ecclesiæ Ibid. p. 1088. B. dissiderent, unumque illud omnes maximè curare oportere visum esset, ut omni diffidio sublato, amicè inter se iterum congruerent.... placuit & nobis quoque, in sanctæ Synodi sententia, qua Nestorium deposuit, acquiescere, Ibid. p. 1089. A. ipsamque pro deposito habere, ac blasphemiam illius doctrinam anathematizare, ad quod nostræ Ecclesiæ, perinde ac vestra sanctitas, rectam semper inculpataque fidem tenuerint, ac servaverint, eandemque populis tradiderint. Assentimur etiam Ordinationi Maximiani.... & cum universi orbis religiosissimis Episcopis, quicunque orthodoxam sinceramque fidem habent, eamque servant, communicamus.

Tourney de Incarnatione.

R

Dices:

Dices: Pluribus in locis Patres Ephesini Joannem cum suis erroris accusant. Epistola Synodica ad Clerum Constantinopolitanum, Joannem Antiochenum, ajunt, & qui cum illo faciunt, in facie Ecclesie, iam anathematizamus: primum quidem, quod impietatis praconem Nestorium unâ nobiscum deponere noluerunt, sed & familiariter cum illo versati, eidem semper patrocinari perrexerint Postremò autem, quod cum Nestorio sentire nequam cessant.

Ibid. p. 1044. B. Et S. Cyrillus in sua ad Imperatorem Apologia. Qui Antiochie Ecclesie praefectus, inquit, à vestra Majestate ad praesentum diem adesse iussus, à sancta Synodo absuit. Studio enim in itinere haerebat, ut ea cunctatione illius improbitati gratificaretur, qui contra Christum nugatus fuerat; vel etiam (quod verisimile est, aut verum potius & indubitatum) quod eadem cum illo sentiret.

Ibid. p. 762. A. Idem in Epistola ad Clerum Constantinopolitanum, de Orientalibus ita scribit: Illud quoque sciatis, nempe, cum fidei expositionem componerent, inter se contendisse, & in ea altercatione etiamnum versari. Nam alii ex illis sanctae Virgini Deiparae appellationem concedunt, ut etiam fatentur illam hominis matrem; alii verò proorsus negant, adduntque paratiores se esse ut manus suas amputandas praebeant, quam ut huiusmodi vocis subscribant. Ubique autem turpiter se gerunt, haereticos se declarantes.

Ibid. p. 747. C. Resp. meritò Joannem cum suis erroris nestoriani suspectum fuisse, ob tam apertum quod Nestorio impendit patrocinium; nec improbanda illa suspicio, quæ tot firmis nixa erat momentis. Verùm ex eventu manifestum est, eos ex animo errorinon adhaesisse, sed tantum ex nimia propensione ac immoderata amicitia personæ Nestorii plus æquo favisse. Joannem Antiochenum, ajunt Patres in Relatione ad Imperatores per Palladium missa, ita animo comparatum esse odorati sumus, ut qui amicitiae mallet gratificari, quam fidei utilitatem spectare, ex eo consecuturam facientes, quod neque Majestati vestrae minas veritus, neque pia fidei iam inde ab initio tradita zelo permotus, sanctam Synodum post terminum à vestra Majestate praestitutum, per dies viginti & unum suspensam tenuisset Erat autem hæc nostra de Joanne Episcopo religiosissimo suspicio non inanis, nec vana. Nam cum primum appulisset, Nestorii sententia se adhaerere, apertè sanctæ Synodo declaravit: sive hoc inde eveniret, quod amicitia gratificaretur; sive inde, quod in dogmatis errore cum eo communicaret. Rem quasi in dubio ac suspensio relinquit Synodus: ex consecutura, & suspicione dumtaxat, Joannem errori Nestorii adhaesisse affirmat.

Ibid. D. Ad verba S. Cyrilli ex Epistola ipsius ad Clerum Constantinopolitanum, dico S. Doctorem vel non omnes Orientales designare voluisse, sed tantum Nestorianos quosdam, scilicet Heliadum, Himerium, & Dorotheum, iisque junctos Pelagianos; vel si omnibus notam hæreseos inussit, priorem de illis emendasse sententiam, discussis contentionum nebulis.

Instabis. Joannes Antiochenus & Orientales Capitula seu Anathematismos S. Cyrilli errori nestoriano directè contrarios impugnarunt, imò & Synodum ipsam Ephesinam contumeliosè irriserunt, explosa ejus auctoritate.

Resp. non errore juris & odio fidei, sed tantum errore facti oppugnatos à Joanne aliisque Orientalibus Cyrilli Anathematismos, ac explosam aliquando Synodi Ephesinæ auctoritatem: quia scilicet errore facti arbitrabatur

tur illi, S. Cyrillum, dum Nestorium expugnabat, in oppositum errorem Apollinaris declinasse, ac Synodum Ephesinam verè Oecumenicam non esse, propter absentiam Joannis Antiocheni & Orientalium qui eum sequebantur: at in utroque facto illi aberrabant.

Utrum S. Cyrillus Nestorium impugnans, in oppositum errorem lapsus fuerit.

Cyrillus Christum in duos à Nestorio divisum; Nestorius vice versa, confusas à Cyrillo duas Christi naturas criminabatur: Cyrillus Scripta Nestorii variis anathematismis confutabat; Nestorius vicissim, Cyrillo alios opponebat anathematismos. Hinc Arii, inde Apollinaris reciproca erroris insinuatio, quo in conflictu quantum divisio hinc & inde animis Ecclesie pax & concordia miserè turbata fuerit, ignorat nemo: at tandem vicit Cyrillus, aut potius vicit in eo ac triumphavit fidei veritas.

Cum Scriptor recentior paulò liberius minùsque reverenter de S. Cyrillo scripisset, quasi factionis cujusdam auctor & incensor fuisset, gravi censura Parisiensis Archipræsulis Harlæi repressus fuit die 16. Aprilis an. 1693. & ad palinodiam compulsus.

CONCLUSIO.

S. Cyrillus Nestorium impugnans, in oppositum Apollinari erroris lapsus non fuit; ejusque Scripta ab omni erroris labe, qua ab Orientalibus aspersa fuerant, aliena sunt & omnino pura.

Probatur testimoniis Veterum.

I. Cælestini S. Pontificis in Epistola ad Cyrillum, ubi zelum illius, ac pro tuenda fide studium & doctrinam commendat. Nos quoque, inquit, dilecte frater, nonnulla addituri eramus, nisi eadem omnia quæ nos sentimus ac tenemus, te itidem sentire ac tenere perspiceremus, & in fide tuenda fortissimum te propugnatorem esse exploratum haberemus. Nam quacumque sanctitas tua de hoc negotio perscripisti, ea omnia Possidorius Diaconus ordine nobis exposuit. Omnes sermonum illius (Nestorii) technas retexisti, fidemque ad eum modum corroborasti, ut corda in Christum Deum nostrum credentia, in alteram partem abduci non facile queant. Magnus sanè hic fidei nostre triumphus est, quòd nimirum & nostra tam valide probaveris, & his opposita per divinatarum Scripturarum testimonia tam potenter expugnaveris. Et in Epistola ejusdem Pontificis ad Nestorium, Alexandrina, inquit, Ecclesia sacerdotis fidem & probavimus & probamus: & tu admonitus per eum, rursus eadem senti nobiscum, si vis esse nobiscum. Si tibi sensus datur, damnatis omnibus quæ huc usque sensisti, statim hæc volumus prædices, quæ ipsum videas prædicare. An verò illud jussisset Pontifex, si quid erroneum lateret in Scriptis Cyrilli?

Te. 3.
Canc. p.
348. A.

Ibid. p.
361. B.

II. Synodus Alexandrina in Synodica ad Nestorium Epistola n. 2. sic loquitur: Ad Epistolas porro quod attinet, quas Alexandrina Ecclesia ad te misit, eas cum à sacra Romana Synodo, tum à nobis omnibus quoque, ab omni errore & vitio immunes iudicatas esse scias. Hæc autem Litteris no-

Ibid. p.
397. C.

R. 2. stris

stris utraque subiunximus, & ea quæ se oportet sapere & docere, & earum sum à quibus se convenit abstinere. Hæc enim est Catholica Apostolicaque Ecclesiæ fides, in qua universi Occidentis & Orientis orthodoxi Episcopi consentiunt.

III. Cùm Actione 1. Conc. Ephesini lecta fuisset Epistola S. Cyrilli ad Nestorium, Cyrillus rogavit, ut quid de illa sentirent congregati Episcopi, vellet aperire. *Sanctitatem vestram rogatam cupio*, ait, *ut coram exponat, recedens & inculpate, sanctoque illi Concilio convenienter hæc scripserim, an secus*. Omnes Episcopi communi consensu declararunt, Epistolam illam fidei Nicænæ evidenter consentire. Inter cætera Episcoporum suffragia unum hic sufficit, quod est Theodoti Ancyran, *Sanctæ fidei*, ait, *expositionem à trecentis decem & octo sanctis Patribus, qui Nicæna convenerunt, editam, admirabilem, rectamque & apprime piam, religiosissimam, piissimamque Patris nostri & Episcopi Cyrilli Epistola clarius & apertius ostendit: quæ in nullo ab ea fidei expositione dissentit, & ea tractat scilicet, quæ illa differuerat angustius. Quare cognita Epistola & trecentorum decem & octo SS. Patrum mentis & fidei concordia, ut illis annuimus, & per omnia ad stipulamur, ita etiam Patri nostro Cyrillo, qui illorum dicta planius per hanc Epistolam exposuit.*

IV. Synodus ipsa Ephesina in Relatione ad Imperatores, de Cyrilli Epistola sic loquitur: *Ac principio quidem Cyrilli religiosissimi sanctissimique Archiepiscopi Epistolæ de fide conscriptas cum hac expositione (Concilio Nicæni) consulimus, collatasque dogmatibus ac sententiis consentaneas comperimus, nec ulla in re doctrinam eius à pia illa expositione discrepantem.*

Et in Relatione ad S. P. Cælestinum, *Lectæ sunt Litteræ quas sanctissimus Deoque dilectissimus Alexandrinæ Ecclesiæ Episcopus Cyrillus ad eum (Nestorium) scripserat, quas sancta Synodus approbavit, ut rectè inculpateque exaratas, atque in nullo dissentaneas divinis Scripturis &c. Quamobrem S. Cyrillus in sua ad Imperatorem Apologia, quæ extat parte 3. Conc. Ephesini c. 13. à pag. 1028. usque ad pag. 1057. confidenter affirmat, fidei suæ rectitudinis testimonium perhibuisse, & Romanam Ecclesiam, & sanctam quoque Synodum ex universo orbe qui sub cælo est congregatam.*

V. Actione 2. Concilii Chalcedonensis cùm lectæ essent dux S. Cyrilli Epistolæ, Reverendissimi Episcopi clamaverunt: *Omnes sic credimus: Papa Leo sic credit: Leo & Anatolius ita credunt: Omnes sic credimus: sicut Cyrillus, ita credimus: æterna memoria Cyrilli.*

Et Actione 5. in definitione fidei prostantur Patres, se Epistolæ S. Cyrilli suscepisse & approbasse. *Propter illos autem, inquit, qui dispensationis mysterium corrumpere conantur, & purum hominem esse genitum ex S. Virgine Mariæ impudenter delirant, Epistolæ Synodicas beatissimi Cyrilli, Alexandrinæ Ecclesiæ Præsulis, ad Nestorium & ad Orientales, congruenter habentes suscepimus.*

VI. denique, quinta Synodus generalis non alia de causa Can. 13. nonnulla Theodoretæ Scripta, & Can. 14. defensores Epistolæ Ibæ configit, quam quod tùm Theodoretus, tùm Ibas Edesenus Scripta S. Cyrilli adversus Nestorium pro fidei defensione, impugnassent.

Dices 1. S. Cyrillus in duabus ad Successum Epistolis, & alibi, frequenter inculcat, unam esse in Christo postunionem naturam. In prioribus loquitur: *Post unionem naturas alteram ab altera non dividimus, neque in duos*

duos filios unum illum impartibilemque secamus, sed unum asserimus Filium, P. 138.
 & ut sancti Patres dixerunt, unam naturam Dei Verbi incarnatam. Quod
 ibidem confirmat exemplo unionis animæ cum corpore, ex qua una resul-
 tat hominis natura.

In altera verò ad eundem Epistola, Orientales confutans, quos noverat
 ista sua loquendiratione, Una post unionem natura incarnata, abulosuisse,
 ut naturas confusas ac permixtas, & divinitatem passam esse inferrent, di-
 ctum suum sic rursus confirmat. Cum utrumque (divinitas & humanitas in
 Christo) in sua proprietate naturali permaneat.... unam nobis Filii naturam
 ostendit, sed, ut diximus, incarnatam.

Ibid. p.
143. F.

Idem repetit scribens ad Acacium Melitinensem Episcopum. Quapro-
 pter, inquit, ea ex quibus est unus & solus Filius ac Dominus Jesus Chri-
 stus, cogitationibus complexi, duas quidem naturas unitas esse dicimus: ve-
 rum post hanc adunationem, tanquam sublata jam in duas sectiones, unam es-
 se credimus Filii naturam, tanquam unius, verum inhumanati & incarnati.
 Atqui dicere unam esse in Christo post unionem naturam incarnatam, Apol-
 linaris errorem omnino redolet; neque mirum si Eutychiani hanc Cyrilli
 sententiam in erroris sui confirmationem traherent.

Ibid. p.
115. D.

Resp. nego min.

I. Quia nomine *natura*, intelligi potest persona, seu hypostasis, sicut
 plurimi ex Antiquis intellexerunt, quæ interpretatio non tantum omni pro-
 fus erroris suspicione caret, sed maxime Catholica est, imò ad errorem Ne-
 storii confidendum apta maxime & accommodata. Sic ipsemet Cyrillus in
 defensione octavi Anathematismi, adductis S. Athanasii testimoniis *naturam*
 usurpat pro *persona*; qua supposita interpretatione, proposita evanescit ob-
 jectio. Ephraemius Patriarcha Antiochenus in Libro quem de laudata Cy-
 rilli propositione scripsit, cujus meminit Photius codice 229. responsum
 suo calculo confirmat.

Ta. 3.
Cone. p.
86. &
87.
Phot. p.
786.

II. Et quidem, ut videtur, ad mentem Cyrilli aptius; Per *naturam*, san-
 ctus Doctor intelligit Verbi divini essentiam seu substantiam, quæ una qui-
 dem est, sed humanitatem assumendo, duplex evasit, natura scilicet divi-
 na assumens humanitatem, & humanitas ipsa assumpta, quæ duæ sunt distin-
 ctæ naturæ. Scipsum nitide interpretatur & exponit sanctus Doctor, in secun-
 da ad Successum Epistola. Si, inquit, dicentes unam Verbi naturam, tacuisse-
 mus ac minime adiunxissemus, incarnatam, excluso prope modum dispensationis
 mysterio, esset illorum fortasse oratio non inepta, dum interrogare se simulant,
 Ubinam est in humanitate perfectio, aut quomodo substituit illa nostra essentia?
 Sed quia & illa in humanitate perfectio, & essentia nostra declaratio, illata est,
 dum dicimus incarnatam, desinunt baculo inniti arundineo. Jam paulò antè
 dixerat: Super vacuè igitur ratiocinantur qui asserunt, Si una sit natura Verbi
 incarnata, prorsus consequi per mixtionem atque confusionem factam fuisse,
 imminuta nimirum atque subtracta hominis natura.

Ta. 5.
parr. 2.
p. 143.
E.

Eundem loquendi modum tanquam minime suspectum, imò catholi-
 cum, cum Cyrillo usurpavit Flavianus Constantinopolitanus in sua fidei pro-
 fessione quam Imperatori obtulit. Unam quidem, ait, Verbi Dei naturam, in-
 carnatam tamen & inhumanatam dicere non negamus, eo quòd ex ambobus unus
 atque idem sit Dominus noster Jesus Christus, Quinta pariter Synodus, cum ap-
 p.

Ta. 4.
Cone. p.
15. D.

Tournely de Incarnatione.

R 3

pro-

probat Justiniani Imperatoris contra tria Capitula Edictum; & Synodus Lateranensis sub Martino I. eandem loquendi formam approbat. *Siquis*, ait Synodus Lateran. Can. 5. *secundum sanctos Patres non constituitur propriè & secundum veritatem unam naturam Dei Verbi incarnatam, per hoc quòd incarnata dicitur nostra substantia perfectè in Christo Deo & indiminutè, absque tantummodo peccato significata, condemnatus sit.*

Eadem est mens ac sententia seu Gelasii, seu Vigiliï Tapfenis Libro contra Eutychem. Eadem & S. Fulgentii in Responsione ad quæstionem secundam Ferrandi. Quapropter tantum abest, ut laudata Cyrilli propositio errori Apollinaris & Eutychemis faveat, quin nocet maximè.

Dices 2. Joannes Antiochenus cum tota Orientis Diçesi duodecim Capitula Cyrilli, velut Apollinaris errore aspersa, damnavit, atque Andreæ Samolateni, & Theodoretæ illa refellendi provinciam imposuit: Genadius quoque Constantinopolitanus, qui Anatolio successit, vir orthodoxus & sanctus, in duodecim Cyrilli Capitula summo ardore insurrexit, atque ut hæretica damnavit, ut constat ex Fragmentis illius à Facundo relatis.

2. cap. 4. S. pariter Isidorus Pelusiota Lib. 1. Epist. 310. testatur Cyrillum parum orthodoxè tractasse quæ Christi erant, & contentionis æstu, animoque ad privatarum injuriarum ultionem accenso alreptum, Ecclesiam turbasse; & Theophilum avunculi sui turbulentam indolem imitatum, Ecclesiæ Constantinopolitanæ Antistitem Nestorium ejusque amicos vexasse, sicut ipse Theophilus Chrysostomum vexaverat. Idem repetit Epist. 370. Inde est

quòd Cyrillus, etiam post initam pacem, suorum Capitulorum nec mentionem facere, nec, ut iis subscriberent, Orientales adigere voluerit; imò ut ea retractaret, pro conditione ad pacem prævia, postulabant Orientales.

Resp. omnem hic Joanni Antiocheno cæterisque Orientalibus fidem derogandam esse. *Mentiens*, ait Cyrillus in Apologetico, *dicit* (Joannes) *quodcum impio Apollinario sentiamus, & execranda impiaque Arrii & Eumoniæ dogmata approbemus. Fecit autem hoc, ut dixi, implacabilis ira impulsibus omnem lapidem movens, totasque impio furori & arrogantiae habenas permittens.*

Revera, teste eodem Cyrillo in Epistola ad Acacium Meliten. postulabant Orientales omnia Cyrilli Opera aboleri: at Cyrillus nusquam consensit. *Quæ*, inquit, *rectè contra Nestorii blasphemias scripsimus, ea efusmodi sunt, ut nulla nobis ratione persuaderi possit, ut rectè scripta esse negemus.* Fervente igitur disputationis ac contentionum æstu, Joannes cum suis totus in calumnias in Cyrillum effusus est: at sedatis paulò post animis, ac deservescente controversiarum ardore, inita tandem pace, illi omnes mutuis ad se invicem Litterarum amicitia ac in una fide concordia testimoniis plenis, ad eandem Catholicam communionem, omni deposito animorum odio, sincerè redierunt.

Ex prudenti quidem dispensatione & æconomia coacti non fuere Orientales ut Cyrilli Anathematismis subscriberent: imò & illos defendens Cyrillus, interdum exposuit, actandem siluit; sed nusquam earevocavit.

Fuisse hujus hæresis (Apollinaris) nomine suspectum Orientalibus Cyrillum, ait Commentator Martii Mercatoris Dissert. 1. nemo fortè mirabitur, qui apud se perpendit, vel temporum conditionem, quibus latebat adhuc Incarnationis mysterium suis omnibus tenebris involutum, vel suspicantium affectionem, quos livor urebat. Nam unioni natura secundum hypostasim, quam Cyrillus Caibo-

Tom. 6.
Conc. p.
351. C.

Tom. 3.
P. 83.
A. B.

P. 97. A.

Tom. 3.
Conc. p.
1045. B.

Ibid. p.
1113. D.

P. 300.

Catholicè defendebat, eadem quæ ariana heresi, & consequentia & pugnantia videbantur, istis præsertim hominibus quos partim invidia commoverat, partim fascinaverat vesanus amor sui Nestorii. . . . Ita porro altè insederat ipsorum animis isthæc suspicio, ut quamvis Cyrillus nullam prætermiserit occasionem sive Arjo anathema dicendi, sive conversionem Verbi confusionemque ac mixtionem oppugnandi, sive affirmanter docendi totam humanitatem, ipsamque adeo animam, assumptam esse, vix tamen unquam facere sibi fidem potuerit; imò coactus sit aliquando, cum pax Ecclesiarum iniretur, de suis Anathematismis, tanquam discordia causis, filere: usque adeo discrimen utriusque sententiæ obscurum tunc erat, nec nisi oculatissimis quibusque perspicuum. Hæc Garnerius.

Ad testimonium Gennadii Constantinopolitani, dico 1. Opus illud ipsi à Facundo ascriptum, non extare; atque in eo laudando, ut & in aliis nonnullis, deceptum fuisse Facundum: neque enim verisimile videtur, orthodoxum & sanctum Episcopum Gennadium, etiam post Concilium Chalcedonense, à quo Cyrilli Epistolæ probatæ sunt, tam duro & intemperanti stylo in Cyrillum insurrexisse. Quòd si re ipsa insurrexit, dicendum 2. falsis rumoribus deceptum illum, nec Cyrilli mentem assecutum fuisse. Responsum hanc subjicit vel ipse Facundus L. 2. cap. 2. *Talia*, inquit, *Gennadius de Cy. P. 28. D.* *nillo non scriberet, nisi dicentis intentionem minus intellexisset.*

Ad S. Isidorum Pelusiotam, dico, ipsum Capitula S. Cyrilli non damnasæ, sed Orientalium clamoribus & calumniis à fautoribus Nestorii in vulgus sparsis, & longè latèrè per Provincias diffusis, conturbatum, S. Cyrillum amicè ac paterno affectu monuisse: ipsum quippe Cyrillus patrem appellabat, & ut patrem venerabatur.

Dices 3. S. Cyrillus docuit, sola contemplatione naturas duas in Christo discerni. Ita in Epistola 2. ad Successum, in qua Hæreticos redarguens, qui duas in Christo subsistentes naturas negabant, ait, *illos ignorare, quæ* *T. 5. par. 2. p. 145.* *cumque non sola mentis consideratione distingui solent, ea prorsus etiam in diversitate distinctam omnifariam ac privatim à se mutuo segregari.* Ergo divinitas & humanitas Christi, ex mente S. Cyrilli, sola contemplatione animi, non re ipsa, discernuntur.

Resp. nego ant: ad cujus probationem, dico S. Cyrillum duas post unionem naturas sola cogitatione divisas, & quasi à se mutuo separatas asserere, non verò sola cogitatione distinctas, quæ duo valdè diversa sunt; unde ibidem exemplum affert animæ rationalis & corporis: at inter corpus & animam reale discrimen intercedere nemo dubitat; tametsi, quamdiu homo vivit, non dividantur nec separentur. *Duas namque;* ait sanctus Doctor, *in eo (homine) naturas intelligimus; unam animam, alteram corporis.* Sed *ibid.* *cum sola discreverimus intelligentia; & differentiam subtili contemplatione seu mentis imaginatione conceperimus, non tamen seorsim ponimus naturas; neque illis in totum per divisionem virtutem immittimus; sed unius hominis esse intelligimus; ita ut illæ due non iam sint duo, sed utraque animal unum absolvetur.* Quo exemplo rectè ostendit sanctus Doctor, duas in Christo naturas re ipsa distinctas esse, sicut distinguitur in homine corpus & anima; sed non esse divisas seu separatas, nisi sola mentis cogitatione.

Comparatio verò illa, qua sanctus Cyrillus utitur, unionis animæ cum

R 4. corpo.

corpore, in eo stat 1. quòd sicut intima est ac physica unio animæ & corporis in homine, ita & unio divinitatis cum humanitate in Christo. 2. sicut ex unione animæ & corporis una resultat hominis persona, ita & in Christo ex unione naturæ utriusque. In eo verò comparatio manca est ac deficit, quòd in homine ex unione animæ & corporis, tanquam ex duabus partibus incompletis & inadæquatis, una totalis exurgit natura, quæ dicitur humanitatis: non ita in Christo, in quo sunt duæ naturæ perfectæ ac integræ, impermixtæ ac inconfusæ.

Cæteras omnes Orientalium in 12. Anathematismos S. Cyrilli objectiones, & S. Doctoris responsiones consule parte 3. Conc. Ephesini c. 2.

Consutatur hæresis Eutychiana.

Eutyches Presbyter & Archimandrita, id est, Abbas seu Praefectus celeberrimi Monasterii Constantinopolitani, dum errorem Nestorii acrius insequitur, in oppositum lapsus est. Duas Nestorius in Christo personas, perinde ac duas admittebat naturas; Eutyches, ut unam personam, ita & unam post Incarnationem naturam: quo verò sensu unam intellexerit, facile non est definire. Vide quæ eam in rem superius dicta fuere à pag. 59. usque ad pag. 63, ne sæpius eadem repetamus. Sit itaque.

CONCLUSIO.

Dux sunt in Christo post unionem distinctæ, inconfusæ ac impermixtæ naturæ, divina scilicet & humana, salvæ utriusque proprietatibus.

Primū argumentum. Probatur 1. ex Scripturis triplici argumento. Primum ex iis locis ducitur, quibus dux in Christo naturæ evidenter asseruntur. Joan. 1. v. 14. *Verbum caro factum est, & habitavit in nobis.* Quomodo autem est caro factum? An conversione divinitatis in carnem? Quid insulsius cogitari posset? Ergo assumptione humanitatis in Deum, per quam habitavit in nobis, per omnia similis nobis absque peccato.

Et 1. Joan. 1. v. 1. *Quod fuit ab initio, quod audimus oculis nostris, quod perspeximus, & manus nostræ contrectaverunt de Verbo vitæ.* Duplex hic Christi natura distinguitur: divina, de Verbo vitæ; humana quæ oculis visa est, manibus atrectata &c.

Phil. 2. v. 6. *Qui cum in forma Dei esset, non rapinam arbitratus est esse se æqualem Deo; sed semetipsum exinanivit formam servi accipiens, in similitudinem hominum factus, & habitu inventus ut homo.* Duplex hic in Christo forma, Dei, & servi, non confusa & permixta, sed distincta.

Secundū argumentum. Secundum argumentum ea Scripturæ loca suppeditant, quæ duas in Christo voluntates, ac consequenter naturas distinguunt. Lucæ 22. v. 42. *Non mea voluntas, sed tua fiat.* Et Matth. 26. v. 39. *Non sicut ego volo, sed sicut tu.* Porro voluntas Christi quatenus Deus est, eadem prorsus erat cum voluntate Patris; ergo aliam habebat, quatenus homo; ergo Deus simul & homo erat. Nec idcirco sequitur duos esse in Christo volentes: quia nempe voluntas, ad naturam; volens, ad personam: atque voluntatem non statim.

ex

ex personalitate inferri, patet, quia tres sunt in Deo personæ, una verò tantum voluntas.

Tertium argumentum ex iis locis petitur, in quibus contraria Christo tribuuntur, propter nimirum duplicem diversam ac distinctam naturam : Tertium argumentum.
v.g. quòd à nobis abscesserit, & nobiscum tamen æternum maneat, Joan. 16. Matth. 28. Quòd è Cælo descenderit, & in terra verteretur, & tamen simul sit in Cælo, Joan. 3. v. 13. Quòd infans natus sit in tempore, & tamen egressus ejus sit à diebus æternitatis, Mich. 5. v. 2. Quòd mortificatus, & vivificatus: *Mortificatus quidem carnis, vivificatus autem spiritus.* 1. Petri 3. v. 18. & alia hujusmodi benè multa, quæ absque duplici Christi natura exponi & intelligi non possunt. Ad hæc accedant quæ superius prolata sunt contra Nestorium Scripturæ testimonia, quibus B. Virgo Deipara ostenditur; Deipara verò non est, quòd divinitatem genuerit, sed hominem Deum; ex quo necessariò sequitur, in Christo duas esse distinctas naturas.

Probatur 2. ex Conciliis.

Nicæno primo generali. In Symbolo fidei, postquam divinitatem Filii asseruit, de suscepta hominis natura ait: *Qui propter nos homines, & propter nostram salutem descendit, & incarnatus est, & homo factus est.* Secunda probatio ex Concilio.

Constantinopolitano an. 449. Adversus Eutychen sic definiunt Patres: *Constatemur ex duabus naturis Christum esse post incarnationem in una subsistentia, & in una persona, unum Christum filium, unum Dominum confitentes.*

Constantinopolitano altero an. 450. ubi Anatolius Constantinopolitanus alique Patres dicto anathemate Nestorio & Eutychi, ajunt: *Catholica fides & ante incarnationem unam tantum Verbi fuisse, & post incarnationem duas id est, Verbi & perfecti hominis, fatetur in una persona, inconsusa proprietate sui manere naturas.* Tom. 7. Conc. p. 1576. C.

Chalcedonenfi an. 451. In definitione fidei adversus Eutychen pronuntiat, *Christum Dominum nostrum eundem perfectum in deitate, & eundem perfectum in humanitate, Deum verum & hominem verum, eundem ex anima rationali & corpore, consubstantialem Patri secundum deitatem, consubstantialem nobis secundum humanitatem: ante secula quidem de Patre genitum secundum deitatem, in novissimis autem diebus eundem propter nos & propter nostram salutem ex Maria Virgine Dei genitrice secundum humanitatem, unum eundemque Christum, Filium, Dominum, Unigenitum, in duabus naturis inconsuse, immutabiliter, indivise, inseparabiliter agnoscendum; nusquam subblata differentia naturarum propter unionem, magisque salva proprietate utriusque nature, & in unam personam atque subsistentiam concurrente.* Accuratioꝝ profecti non potest in rem præsentem fidei definitio ac professio. Tom. 4. Conc. p. 568. A.

Definitionem hanc jam ante Synodum Chalcedonensem præformaverant SS. Ecclesiæ Doctores, quorum plures referuntur Actione 2. dicti Concilii: ab eorum testimoniis hic exscribendis superfedeo, quòd obvia sint omnibus. Legatur imprimis Epistola dogmatica S. Leonis ad Flavianum, quæ à Patribus sexcentis & triginta in Synodo Chalcedonenfi suscepta & probata fuit, ubi egregiè mysterium Incarnationis evolvit ac tuetur adversus eos omnes à quibus impugnatur.

Probatur 3. variis rationibus Theologicis, ex Incarnationis Dominicæ veritate depromptis.

Prima:

Biblist. Prima ex voce unionis. *Unio* enim est duarum naturarum; non cuius-
pp. To. cunque alterius abolitio, inquit Gelasius aut Vigilius Taplensis L. contra Eu-
8. pag. tychen; resenim una simplex secum unita non dicitur: unio autem Verbi
702. f. cum carne manifestè his verbis declaratur, *Verbum caro factum est*. Et verò
 idem Christus dicitur Deus & homo: atqui fieri istud non potest, nisi per unionem substantialem naturæ humanæ cum persona Verbi; impossibile quippe est ut duæ naturæ formaliter ab invicem distinctæ, de se invicem prædicentur in concreto, nisi uniantur in supposito.

Secunda ratio hæc est. Si ex duabus naturis unica in Christo facta esset, nec humana illa esset, nec divina; adeoque Christus nec Deus esset, nec homo; nec patri, nec matri consubstantialis. Sic ratiocinatur Leontius, •pud Eutymium in *Panoplia* parte 2. tit. 15.

Tertia ratio. Naturæ uni ac simplici contrariæ proprietates non conveniunt, cuiusmodi sunt in Christo passibilem esse v.g. & impassibilem; mortalem, & immortalem. Hæc quidem de uno & eodem Christi supposito in concreto, ut ajunt, rectè prædicantur, ob diversas quibus constat naturas: at si una supponatur, in eam cadunt tam contrariæ & oppositæ proprietates; & ita divinitas passa esse dicenda erit, sicut reipsa dicere compulsi sunt Eutychiani, Theopaschitæ inde dicti, quo certè nihil absurdius cogitari ac dici potest.

Quarta ratio. Funditus ruit divinæ dispensationis ac reparationis humanæ mysterium, nisi duæ sint in Christo distinctæ naturæ, quarum una, humana scilicet, satisfactionis materiam, altera verò, nempe divinitas, pretium ac valorem infinitum communicet, sicut pluribus antea probatum fuit.

Quinta denique ratio est S. Thomæ hic & L. 4. contra Gentes c. 35. quæ præfilius refelluntur Eutychiani contententes ex duabus naturis post Incarnationem unam coaluisse. Unum fieri non potest, nisi aliquo ex his modis: vel ex duobus integris ac perfectis remanentibus; vel ex duobus perfectis permixtis aut permutatis; vel denique ex duobus imperfectis in unum coalescentibus: atqui nullo ex his modis facta dici potest in Christo naturarum unio. Non primo: Tùm quia totum ex duobus integris perfectis remanentibus, non est totum per se, sed per accidens: & forma in toto hujuscemodi non est natura, sed ars, ut patet in constructione alicujus ædificii: porro Christus non est totum per accidens & ex arte, sed per se ac natura & substantia. Tùm quia totum ex duobus integris perfectis remanentibus, totum non est absolute ac simpliciter, sed secundum quid, & in duo potest equaliter dividi: atqui Christus unus est simpliciter, in duos non partitus nec divisus.

Non secundo; Tùm quia divinitas quæ purissima est, simplicissima, & immutabilis, permisceri cum alia natura, aut in aliam transire ac mutari non potest; vel una divinitatis idea & notio id evincit. Tùm quia humanitas nunquam in divinitatem converti potest, à qua infinito distat intervallò. Tùm quia post illam conversionem humanitatis in divinitatem, corpus Christi verum non esset & nostro simile, sed phantasticum ac umbratile; ut contendebant Manichæi. Tùm denique, quia ex his quorum unum altero longè præstantius & excellentius est, mixtio propriè fieri non potest, solvitur quippe unius eorum species: v.g. si quis paululum mellis in fluvium injiciat, vera non est mellis mixtio, sed potius corruptio; & lignum in ignem immisum, non.

To. 14.
p. 638

non dicitur cum igne misceri, sed ab igne consumi ac destrui. Porro natura divina infinitè superat humanam, & propriè cum ipsa in Christo non permisceretur, sed tota penitus absorpta foret & destructa.

Secundum istud momentum egregiè urget Gelasius, seu potius Vigilius Tapfensis Libro adversus Eutychen & Nestorium. *Si aliquid, ait, quod absit, vel divinitati vel humanitati inde decesserit, sequitur ineffabilis resolutio sacramenti, & quod dictu audiuntque fugiendum est, vel homo Deus esse iam desinat, si sola illic humanitas, non etiam deitas perseverat; vel Deus homo consequenter esse desinat, si sola illic divinitas, non etiam humanitas unita permaneat: nec glorificata videatur nostra conditio unitione deitatis, sed potius esse consumpta, si non eadem subsistit in gloria, sed sola existente deitate humanitas illic destituit. Videbitur autem, quod abhorret animus dicere, sed cogit necessitas non tacere, divinitas in utroque mutabilis, si vel in carnem est ipsa conversa; vel sic est in deitatem humanitatis transfusa conditio, ut proprietates eius esse desierit. Si enim ex se ipsa ex toto iam non est, restat ut accesserit, accreveritque deitati, sic in deitatis naturam scilicet transeundo, ut esse destituerit prorsus humanitas, ubi modis omnibus divina substantia mutabilitatem recipere videtur, quæ cum nec minui possit omnino, nec crescere, transusione humanitatis adiectione, velut aucta videatur. Nontertio denique modo: Quod enim fit ex duobus imperfectis, vel sit tanquam corpus ex pluribus partibus quantitativis, vel tanquam ex materia & forma: at neutro modo divinitas concurrere potest ad unam naturam constituendam. Non primo, quia Deus simplex est & incorporeus: non secundo, quia divina natura nec materiz, nec formæ rationem habere potest.*

Biblioth.
PP. T. 4.
8. pag.
781. A.

Solvuntur Objectiones Eutychianorum.

Obijcies 1. hæc S. Joan. verba cap. 1. v. 14. *Verbum caro factum est, & habitavit in nobis*, quæ loquendi ratio veram innuit Verbi in carnem mutationem: quemadmodum cum Joan. 2. v. 9. dicitur aqua in vinum conversa; & cap. 6. v. 51. *Panis est caro mea*; & Matth. 26. v. 26. *Hoc est corpus meum*; vera procul dubio intelligitur conversio aquæ in vinum, & panis in corpus Christi.

Resp. 1. ne Eutychianos quidem docuisse unquam, quod sciam, Verbum in carnem transmutatum fuisse: imò potius humanitatem à divinitate totam absorptam asserabant; ergo frustra & in vanum citata S. Joannis verba hic opponuntur.

Resp. 2. Verbum carnem factum esse, non quidem per mutationem sui in carnem, sed per assumptionem carnis in unitatem personæ Verbi, quod ista verba, *& habitavit in nobis*, clarè demonstrant. Quomodo enim in nobis habitavit Verbum; nisi quia carnem assumpsit; *in similitudinem hominum factus, & habitu inventus ut homo*, ait sanctus Paulus Philipp. 2. v. 6. Ita citata verba exponunt SS. Patres. Cum ita loquitur (S. Joannes) ait S. Epiphanius hæresi 77. *Verbum caro factum est; non illud indicat, Verbum in carnem fuisse conversum, aut in eam omnino transiisse, sive divinitatem in carnem esse mutatam: Verum cum divinitate Verbum propriam hominis assumpsisse naturam.*

Te. 1. P.
104. A.

S. Am.

To. 2. p. 717. A. S. Ambrosius Lib. de Incarnatione cap. 6. verba hæc S. Joannis, *Verbum caro factum est*, ex istis explicat, & *habitavit in nobis*. Hoc est, illud Verbum quod carnem suscepit, hoc *habitavit in nobis*, hoc est, in carne *habitavit humana*; & idem Emmanuel dictus est, hoc est, nobiscum Deus. Ante ipsos S. Ignatius Martyr in Epistola ad Trallianos scripserat, *Verè genitus est* (Christus) *ex Deo & ex Virgine*; verum non simili modo: nec enim eadem res est Deus & homo: verè corpus *assumpsit*; Verbum enim caro factum est.

Nec te moveat verbum, *factum est*, quasi mutatio Verbi in carnem inde sequatur: siquidem Christus Galat. 3. v. 13. dicitur pro nobis *factus maledictum*. An verò quisquam tam insulsus fuerit, ut dicat, Christum in *maledictum* peccati conversum fuisse? non puto. Desinant, ait S. Ambrosius L. de Incarnatione. 6. adversus Apollinaristas, *dicere naturam Verbi in corporis naturam esse mutatam*; ne pari interpretatione videatur natura Verbi in contagium mutata peccati. Christus igitur dicitur factus pro nobis *maledictum*, quia pro nostra redemptione ac salute crucifixus, similitudinem gessit hominis à Deo maledicti, & pro tali reputatus est ab hominibus, juxta quod à Propheta dicitur *cum sceleratis reputatus*.

Estius in hunc locum. 1/44. 53. v. 12. Non sine causa autem Evangelista verbum, *factum*, usurpavit. 1. ut expressius significaret intimam unionem divinæ cum humana nature. 2. ut effusam charitatem Dei commendaret, qui propter nos ad id ulque quod deterius est sese demisit. Ita S. Greg. Nazianz. Epistola 1. ad Cledonium. 3. ne apparentem ac umbratilem dumtaxat carnis speciem in Christo quis suspicaretur. Ita S. Chrysostomus Homil. 10. in Joann. *Quam*, inquit, *gratia*, hoc verbo, *factum est*, utitur? *Ut hæreticorum os obstruat. Cum enim sint, qui dicant imaginationem quandam & figmentum esse, quæcunque de Incarnatione feruntur, ab ipso principio eorum excludens blasphemiam, factum esse asserit.*

Ad exempla verò mutationis aquæ in vinum, in nuptiis Cana Galilee, & panis in corpus Christi, nemo non videt quantum hæc disparata sint, tum ex ipsa rerum natura, tum ex circumstantiis adjunctis. Aquæ in vinum, & panis in corpus suum veram mutationem aperte declarant temporis & loci circumstantiæ: aquam in vinum convertit, ut nuptiarum sanctitatem; panem verò in corpus suum, ut insigne ac stupendum amoris erga nos sui argumentum declararet. Porro Verbum carnem esse factum, sine ulla ex parte divinitatis immutatione, eleganti exemplo illustrat sanctus Augustinus Sermone 187. aliàs 27. de tempore. *Neque enim*, inquit, *quia dictum est, Deus erat Verbum, & Verbum caro factum est; sic Verbum caro factum est, ut esse desineret Deus: quando in ipsa carne quod Verbum caro factum est, Emmanuel natum est, Nobiscum Deus. Sicut verbum quod corde gestamus, fit vox cum id ore proferimus, non tamen illud in hanc commutatur, sed illo integro ista in qua procedat assumitur; ut & intus maneat quod intelligatur, & foris sonet quod audiatur: hoc idem tamen profertur in sono, quod antè sonuerat in silentio; atque ita verbum cum fit vox, non mutatur in vocem; sed manens in mentis luce, & assumpta carnis voce procedit ad audientem, & non deserit cogitantem.*

Instabis: Philipp. 2. v. 7. Filius Dei *semetipsum* dicitur *exinanivisse*. Resp. Filium Dei *semetipsum exinanivisse*, non quidem conversione divinitatis,

nitatis in carnem, sed ipsa carnis assumptione: *formam servi accipiens*, ait Apostolus, *in similitudinem hominum factus.... factus obediens usque ad mortem, mortem autem crucis*. Non major certe in Filio Dei exinanitio & humiliatio cogitari potest, cum nempe, ut ait S. Leo in celebri ad Flavianum Epistolâ, *suscepta est à maiestate humilitas, à virtute infirmitas, ab aeternitate mortalitas; & ad resolvendum conditionis nostræ debitum, natura inviolabilis naturæ est unita possibilis*.

T. 1. p.
480. s. 3

Objicies 2. multos ex SS. Patribus, qui cum de Incarnationis mysterio loquuntur, *mixtionis*, seu *permixtionis* nomen usurpant. Ita S. Irenæus L. 2. c. 31. Tertull. Apolog. c. 21. S. Cyprianus L. de idololorum vanitate, S. Augustinus Epist. ad Volusianum, S. Leo Serm. 3. in die Natalis Domini.

Resp. dist. ant. Mixtionis nomen usurpant, ad significandam intimam & hypostaticam utriusque naturæ in Christo unionem, concedo: ad significandam naturæ utriusque confusionem, nego. *Sienim sermo*, ait Tertull. L. contra Praxeam c. 27. *ex transfiguratione & demutatione substantiæ caro factus est, una jam erit substantia Jesus ex duobus, ex carne & spiritu mixtura quadam, ut electrum ex auro & argento; & incipit nec aurum esse, id est spiritus; neque argentum, id est caro, dum alterum altero mutatur, & tertium quid efficitur. Neque ergo Deus erit, Jesus. Sermo enim desit esse, qui caro factus est, neque caro, id est homo: caro enim non propriè est, qui sermo fuit. Ita ex utroque neutrum est: aliud longè tertium est, quam utrumque. Sed enim invenimus illum directè, & Deum & hominem expositum*. Refellit postea Tertullianus illam naturarum in Verbo Dei mixturam & confusionem.

Pagina
516. D.

Rem apertissimè distinguit & exponit S. Augustinus Epistola 137. aliàs 3. ad Voluf. Sicut, inquit, *in unitate personæ anima unitur corpori, ut homo sit; ita in unitate personæ Deus unitur homini, ut Christus sit. In illa ergo personæ mixtura est anima & corporis; in hac personæ mixtura est Dei & hominis: si tamen recedat auditor à consuetudine corporum, quæ solent duo liquores ita commisceri, ut neuter servet integritatem suam, quamquam & in ipsis corporibus aeris lux incorrupta misceatur*.

T. 2. p.
405. F.

Objicies 3. cum Eutychianis auctoritatem Julii Romani Episcopi in Epist. ad Dionysium Corinth. ubi ait: *Neceffe est eos, cum duas naturas dicunt, unam adorare, alteram non adorare; ac in divinam quidem baptisari, in humanam verò non baptisari*.

Respondet Leontius L. de Sectis Aët. 8. Epistolam illam Julii non esse, sed ipsi ad Eutychianis falsò ascriptam. 1. quia nihil Julio dignum continet. 2. quia ea in Epistola corporis mentio fit, non animæ qua informatur, contra usum hujus temporis. 3. quia S. Greg. Nyssenus in Opere contra Apollinarem multa ex illa Epistola laudat, quæ Apollinaris haud dubiè sunt; non Julii.

Bibliar.
P. P. T. o.
9. p. 67.
A. B.

II. Responderi potest, etiam supposita Epistolæ veritate, S. Pontificem Julium nomen naturæ pro persona usurpasse, cum negat duas esse in Christo naturas. Ita Eulogius Alexandrinus Patriarcha, apud Photium codice 230:

Phot. p.
831.

Objicies 4. auctoritatem S. Greg. Thaumaturgi Neocæsariensis Episcopi in Expositione fidei, cujus verba referuntur ab eodem mox citato Eulogio. *Non duæ*, inquit, *personæ, neque duæ naturæ; non enim quatuor nos adorare dicimus*.

Hid. p.
246. n.
30.

Respon-

Resp. Leontius in fragmento adversus Apollinaristas Patrum depravatores, Opus illud falsò Gregorio tribui, cum sit Apollinaris, aut Eutychis, aut alterius cuiusdam hæretici hominis. *Quidam, inquit, ex hæresi Apollinarij, vel Eutychis, vel Dioscori, cum vellent suam hæresim confirmare, 9. pag. quasdam Orationes Apollinarij Gregorio Thaumaturgo, aut Athanasio, aut Iulio inscripserunt, ut simpliciores fallerent.*

Obijcere hic etiam solent, tum S. Cyrillum in duabus ad Successum Epistolis, tum comparisonem, qua utitur cum aliis benè multis, unionis animæ & corporis.

Verùm paulò antè, ubi ex professo Cyrillum à suspitione erroris purgavimus, utrumque istud momentum discussum fuit ac plenè solutum.

ARTICULUS II.

Quid sit unio hypostatica, & in quo consistat.

Quamquam ex Veteribus quàm plures in exponendo Incarnationis mysterio promiscuè vocibus *unionis*, *unitionis*, & *assumptionis* utantur, nihilominus in rigore Scholastico, discriminis nonnihil inter eas statui debet: *unitio* quippè actionem denotat unièntis; *unio* verò terminum actionis; *assumptio* verò naturam quæ ad unionem assumitur. Unde observat sanctus Thomas, Verbum divinum rectè quidem dici unitum, non verò assumptum, quia propriè ac strictè non assumitur à natura humana, sed potius illam assumit tanquam inferiorem.

Unanimitè quidem consensu Orthodoxi omnes docent, naturam humanam unionè intima, reali, physica & hypostatica cum Verbo conjungi; at valde discordes sunt inter se Scholæ Doctores, in assignanda hujus unionis natura, quæ certè tota in abstruso ac recondito mysterio posita est, nec satis potest explicari: neque verò id mirum videri debet, siquidem ne ipsa quidem unio naturalis animæ spiritualis cum corpore materiali, hæcenus liquidò exponi & explicari potuerit.

Varias in partes hic scinduntur Scholastici.

Alii existimant unionem hypostaticam esse qualitatem quamdam supernaturalem absolutam, quam vocant *gratiam unionis*, non quidem sensu Nestorii, qui moralem dumtaxat inter utramque naturam, non hypostaticam admittebat unionem, & Christum per gratiam & adoptionem Deum appellabat; sed quodam philosophico sensu, quia existimant duas illas tam diversas & à se invicem distinctas naturas copulari simul in una persona non posse, quàm per qualitatem quamdam absolutam. Ita Gabriel in 1. dist. 30. q. 4. art. 1. & in 3. dist. 1. q. 1. art. 1.

Putant alii, unionem esse relationem realem, qua humana natura vel ad naturam divinam, vel ad divinam personam refertur. Tribuitur hæc opinio Scoto, in 3. dist. 1. q. 1.

Putant alii, esse modum substantialem transcendentem, relativum, ab extremis unitis realiter distinctum. Ita Suarez 3. parte disp. 8. sect. 2.

Alii arbitrantur, unionem hypostaticam esse ipsammet actionem per quam humanitas Christi producta fuit, ita ut eadem actione & producta fuer-

fuerit, & Verbo unita; eo ipso ferè modo quo, in mente aliquotum Philosophorum, forma simul è materia educitur, & cum ipsa unitur.

Alii denique sentiunt unionem nihil esse extremis unitis superadditum, adeoque naturam humanam seipsa, absque ulla qualitate vel modo, Verbo divino in unitatem personæ conjungi: quam sententiam ut faciliorem amplectimur. Itaque sit

CONCLUSIO.

Unio hypostatica non est quid distinctum à Verbo & humanitate, sed Verbum & humanitas se ipsis formaliter absque ullo medio uniantur.

Probatur exemplo apud SS. Patres familiari, unionis scilicet animæ rationalis cum corpore, quæ unio absque ullo superaddito medio exponi utcumque potest. Nempè, per id anima corpori conjungitur, per quod fungitur munere & officio formæ, unumque totale & adequatum constituit principium omnium proprietatum, actionum & passionum; atqui anima rationalis per semetipsam immediatè, absque ullo superaddito, fungitur munere & officio formæ, unumque totale constituit proprietatum, actionum, & passionum principium, quia per seipsam est actus & forma corporis, modò adsint ex parte corporis conditiones prærequisitæ. Pariter igitur Verbum divinum per se ipsum humanitati copulatur, quia per se ipsum eam terminat, complet ac perficit, per suam nempe subsistentiam seu personalitatem infinitam; creatam nimirum naturæ humanæ subsistentiam excludendo: seu, ut loquitur Typhanus eam impediendo. *Consumptio*, ait S. Thomas 3. p. q. 4. art. 2. ad 3. & in 3. dist. 5. q. 3. art. 3. ad 4. *ibi non importat destructionem alicujus, quod prius fuerit, sed impeditionem ejus, quod aliter esse posset. ... quia persona divina sua unione impedit, ne humana natura suam personalitatem haberet.* Verùm quæstio hæc tota videtur esse de nomine, de qua multum non curamus.

*Tiph. de
hypost.
& pers.
P. 144.
& seq.*

Si verò quæsieris, quid sit humanitatem in Verbo subsistere, & quomodo id concipi & exponi possit.

Resp. 1. clarè ac nitidè à nemine mortalium exponi posse, cùm sit fidei mysterium humanæ rationi prorsus inaccessum. *Hic si ratio quaritur*, ait S. Augustinus Epistola 137. aliàs 3. ad Volustanum, *non erit mirabile: si exemplum pascitur, non erit singulare. Demus Deum aliquid posse, quod nos fateamur invigilare non posse. In talibus rebus tota ratio facti est potentia facientis.*

*T. 2. p.
404. A.
B.*

Resp. 2. utcumque exponi ac declarari istud posse, eodem exemplo unionis animæ cum corpore. Sicut enim 1. ex unione illa resultat una natura totalis per se subsistens ultimò terminata & completa, & idcirco alteri tanquam supposito incommunicabilis. 2. sicut ex illa unione resultat unum suppositum, quod talis homo dicitur, atque unum est principium & subiectum denominationis omnium actionum & passionum. 3. denique, sicut anima rationalis in homine est principium superius dirigens ac moderans omnes ejus actiones; ita quoque per subsistentiam Verbi humanitas subsistere dicitur. 1. Quia ex unione Verbi cum humanitate resultat, non quidem una totalis natura, (qua ex parte deficit exemplum animæ & corporis) sed unus totum duplici constans natura, nempe unus Christus, cujus humana natura-

natura ita est ultimò completa & terminata & in Verbo subsistens, ipsique tam propria & intima, ut non possit alteri homini tanquam supposito communicari. 2. Ex illa utriusque naturæ in Christo unione, una exurgit persona, quæ est principium quod, & subiectum denominationis omnium Christi actionum & passionum; hincque nascitur idiomatum communicatio, quæ sit, ut Deus dicatur homo, & vicissim homo Deus; ut Deus dicatur mortuus, & homo immortalis &c. 3. denique, quia natura divinx tanquam superior ac domina, conjunctam sibi humanitatem in uno Christi supposito regit, moderatur, ac specialem in eam dominatum exercet: atque inde, velut à fonte, fluit valor ille infinitus qui universas Christi actiones afficit, tum propter Verbi personam, quæ est illarum actionum principium quod, & veluti pars est satisfactionis Deo Patri oblatæ, ut non semel antea dictum à nobis fuit; tum propter divinam naturam, quæ illarum actionum moderatrix est, unde vocantur *Theandrica*, id est *Dei-viriles*. Jus illud ac dominium speciale Verbi in humanitatem Christi, vulgò adducunt SS. Patres, tanquam veram à priori causam & rationem, cur una dumtaxat sit in Christo persona. Ita SS. Gregorius Nazianz. Orat. 35. seu 3. de Theologia; Augustinus Epist. 137. alijs 3. ad Volus. Cyrillus Alexandrinus Epist. ad Valerianum, & 1. ad Successum, & L. de recta fide; S. Maximus Martyr apud Euthymium in Panoplia, Damascenus L. 3. de fide orthodoxa &c.

Solvuntur Objectiones.

Obijcies 1. Quod passivè indifferens est ut cum aliquo uniatur, debet per aliquid superadditum determinari, ut cum illo potius quàm cum alio uniat: atqui natura humana Christi prorsus indifferens erat ut uniretur cum persona vel Patris, vel Filii, vel Spiritus sancti; ergo necesse fuit eam per aliquid superadditum determinari: atqui istud superadditum modus est; ergo &c.

Resp. nego maj. Namque indifferentia illa æquè fuit in Verbo, ut cum tali numero humanitate conjungeretur, ac in humanitate, ut ab hac vel illa assumeretur divina persona: atqui tamen novam in Verbo entitatem, novumque modum superadditum non admittunt adversarii; ergo nec in humanitate debet admitti: par quippè videtur ex utraque parte ratio, quia par est hinc & inde unio extremorum.

Instabis. Duo contradictoria non possunt successivè de eodem prædicari, nisi facta mutatione quadam reali in subiecto; atqui de eadem humanitate duo contradictoria successivè prædicantur, nempe quòd de non unita, unita fuerit Verbo divino; ergo realiter mutata fuit: quæ mutatio absque aliqua superveniente entitate, seu aliquo modo, exponi non potest. Fertur Ochamum hoc argumento superatum, à prioribus sententiis recessisse, admissa modorum necessitate.

Resp. 1. simili argumento probari posse, Verbum esse mutatum per aliquam entitatem superadditam, quando nempe humanitatem assumpsit, quam antea non assumpserat: atqui tamen id falsum est.

Resp. 2. dist. ant. In rebus absolutis, concedo: ita non potest homo de indocto fieri doctus, sine acquisitione scientiæ & quadam in animo mutatione.

tatione: in rebus relativis, subdist. nisi facta mutatione saltem relativa & connotativa, concedo: entitativa, nego. Sic v.g. non potest unus paries albus de non simili fieri alteri similis, quin in alio pariete sit & connotetur albo; sed necesse non est ut nova quædam entitas accrescat parieti albo, ut denominetur alteri similis. Porro cum humanitas de non unita Verbo divino facta est unita, mera relatio accessit: uniri enim alteri unione personali, quid est? nisi fieri juris alieni, & connotare personam cui intimè uniris, tanquam principium quod omnium actionum & passionum: id autem sine ulla entitate superveniente ac mutatione substantiali exponi utcumque potest.

Objicies 2. Omnis actio habet aliquem terminum: atqui incarnatio, unio, assumptio, voces sunt quæ actionem denotant, cujus terminus alius esse non potest, quam unio ab extremis distincta. Quis enim ille foret? Verbum divinum? at per actionem transeuntem, qualis est incarnatio, non producit. Corporis & animæ Christi productio? at talis actio unio non appellatur; sed vel creatio, vel generatio.

Resp. dist. maj. Omnis actio habet terminum, vel quem producat, vel ad quem tendat, concedo: quem semper producat, subdist. si actio sit productiva, concedo: si sit tantum unitiva vel adductiva, nego. Sic v.g. motus localis est actio, non quidem productiva, sed adductiva tantum ad locum: visio etiam beatifica est actio, nec tamen, in sententia multorum, verbum seu speciem, ut ajunt, expressam producit, sed tantum tendit ad objectum. Ita pariter actio qua humanitas assumitur in unitatem suppositi Verbi divini, non est productiva, sed unitiva tantum. Porro terminus actionis unitivæ non est entitas de novo producta, sed est totum compositum ex partibus unitis conflatum.

Instabis: Ubi mutatio intervenit, nova quædam fit productio: atqui in Mystero incarnationis vera mutatio intervenit, saltem in humanitate; ergo &c.

Resp. dist. maj. Ubi mutatio intervenit entitativa, concedo: mutatio dumtaxat connotativa, licet intima & personalis, nego. Patet responsio ex mox dictis.

Objicies 3. ex S. Thoma hic: Unio de qua loquimur, quædam est relatio quæ consideratur inter divinam & humanam naturam, secundum quod conveniunt in una persona Filii Dei; ergo unio est relatio.

Resp. dist. ant. Unio sumpta pro mutuo respectu qui oritur ex conjunctione Verbi & humanitatis, concedo: unio sumpta pro formali utriusque nexu ac vinculo, nego. Sicut enim, ait Cajetanus in hunc locum, *super conjunctione substantiali corporis & anime fundatur relatio inter animam & corpus, ita super conjunctione substantiali persone Verbi & nature humane, fundatur in opinione D. Thome relatio unionis inter duas naturas, vel inter naturam humanam & personam Verbi. Talis autem relatio unionis, præ vocum inopia, vocatur unio.*

Objicies denique, si verum est, quod nostra fert sententia, humanitatem in Verbo subsistere, quia non ampliùs sui juris est, sed à Verbo regitur, à quo in humanas actiones pretium infiniti valoris derivatur, sequitur neque Deo satisfecisse Christum, cujus humanitas jure sibi proprio ac naturali spoliata fuit, neque consequenter liberam in eo fuisse humanitatis actiones.

Tournely de Incarnatione.

S nes,

nes, quæ juris alieni fuere, non propriæ: utrumque autem istud consequens falsum & absurdum est.

Resp. nego utrumque illud consecrarium. Primum, quia ideo potius Christus divinæ justitiæ satisfecisse dicitur, quia Verbum humanas ejus actiones ita dirigebat, ut valorem infinitum in eas influeret, cujus valoris per sese incapax erat humanitas à Verbo sejuncta.

Alterum quoque consecrarium falsum est: quia principium illarum actionum, sive quod, nempe persona, sive quo, nempe natura, liberrimum est. Et verò, nonne voluntas creata actiones hominis dirigit, & in eas dominium suum exercet? attamen non minus illæ liberæ sunt, quia nempe libera est voluntas à qua eliciuntur aut imperantur. Ita & de humanis Christi actionibus sentiendum.

ARTICULUS TERTIUS.

De proprietatibus hypostaticæ unionis.

Circa proprietates unionis hypostaticæ hæc præcipuè inquirenda.

1. An sit aliquid creatum.
2. An sit in Christo naturalis, vel per gratiam.
3. An facta sit in natura vel in persona.
4. An sit unionum maxima.
5. An sit perpetua & indissolubilis.

An unio hypostatica sit aliquid creatum.

Qui existimant unionem hypostaticam esse vel qualitatem, vel modum ab extremis unitis distinctum, si consequenter asserunt, unionem illam esse aliquid creatum.

Qui pariter eam non distinguunt ab unitione, assumptione, incarnatione, id est, ab actione qua humanitas cum Verbo intimè copulatur, consequenter asserunt eam ratione termini in humanitate recepti, esse quid creatum, quia actio illa Dei humanitatem cum Verbo unientis externa est ac transiens, cujus terminus sequitur conditionem subiecti in quo recipitur: ex vulgari enim Scholæ axiomate, *Quidquid recipitur, ad modum recipientis recipitur.*

Qui verò putant unionem nihil esse ab extremis distinctum, illi consequenter volunt illam partim increatam esse, partim creatam, pro natura extremorum quæ uniuntur, nempe Verbi æterni & increati, & humanitatis creatæ: ubi vides propositæ quæstionis solutionem in æquivoco esse, ac pendere ex varia sententia circa naturam unionis,

An unio hypostatica sit in Christo naturalis & substantialis; an verò per gratiam.

Pendet tota hæc quæstio ex sensu ac significatione varia vocis hujus *naturalis*: naturale quippè pluribus modis usurpatur.

- I. Quatenus opponitur ficto & umbratili, & est aliquid verum ac reale: quo

quo sensu Apostolus Galat. 4. v. 8. dixit, *iis qui natura non sunt dii, serviebatis*. Hoc sensu unio hypostatica naturalis est, quia vera & realis, non fictitia nec imaginaria. Reprehensus à Theodoro S. Cyrillus, quæsumam in Christo naturam admisisset, eo quòd illos improbasset, qui negabant Verbum divinum cum humanitate conjunctum esse *secundum naturalem unionem*, reposuit S. Doctor in defensione tertii Anathematismi, se per *naturalem unionem*, veram & realem, non fictam nec umbratilem intellexisse.

Tom. 3.
Conc. p.
817.

II. Naturale dicitur, quod debitum est naturæ, & opponitur gratuito beneficio. Ita per naturam dicimur homines, & per gratiam, filii Dei adoptivi. Hoc modo unio hypostatica naturalis non est, quia gratuita est, nec ullis humanis meritis debita, adeoque ex gratia, seu ex pura Dei benignitate, qui mundum sic dilexit, ut unigenitum Filium suum pro eo dederit. Cave tamen hic à dolo Nestorii sensu, qui unionem illam soli gratiæ ita tribuebat, ut vellet eam physicam non esse, non substantialem, non personalem, sed moralem dumtaxat & accidentalem, unde Christum Deum solummodo dicebat per gratiam & adoptionem, non per naturam ac substantiam. Illa igitur unionis gratia extrinseca dumtaxat fuit, Dei scilicet voluntas gratuito humanitatem cum Verbo unientis; non intrinseca unioni, quasi formalis ille nexus in sola gratia consisteret, ut agebat Nestorius.

III. Naturale idem est ac necessarium, quod opponitur libero. Ita belluz dicuntur naturæ instinctu ac impetu in objecta sensibilia ferri. Hoc sensu naturalis non est nec dici debet unio hypostatica, quæ libera fuit, tùm ex parte Dei eam liberè decernentis, tùm ex parte Christi eam liberè acceptantis: *Obiatus enim est quia voluit.*

IV. Naturale idem significat ac quod à nativitate inditum est, non labore nec arte comparatum. Ita dicimur natura filii iræ & indignationis, propter originale peccatum quod nascendo contrahimus. Hoc modo unio hypostatica naturalis est, quia humanitas à primo, quo concepta est, instanti, Verbo personaliter conjuncta fuit: quin & ipsamet gratia habitualis statim Christo concessa, naturalis in ipso fuit.

V. Naturale contra personam aliquando distinguitur; unde duplex dicitur in Christo natura, & una persona: atque hoc sensu, hypostatica unio naturalis dici potest, quia natura, non verò persona hominis à Verbo assumpta fuit. Non est tamen naturalis perverso Apollinaris aut Eutychie sensu, quasi ex duabus naturis, post unionem, una conflata fuerit.

VI. Denique, naturale dicitur quod naturæ debitum est, seu quod ipsa exigit natura; & opponitur supernaturali: atque hoc sensu hypostatica unio naturalis nec est, nec dici potest, sed supernaturalis, omnem naturæ exigentiam longè superans.

Utrum unio hypostatica facta sit in natura, vel in persona.

Eutychie sic in natura unionem factam esse contendebat, ut post Incarnationem, seu unionem, una tantum superfuisset in Christo natura, quem errorem paulò antè confutavimus.

Communis Orthodoxorum sententia est, unionem in Christo non in natura, sed in persona propriè ac immediatè factam esse. 1. Quia unio in eo propriè ac immediatè facta dici debet, ex quo unus resultat Christus: atqui unus resultat Christus ex unione humanæ naturæ cum una Verbi persona, non cum una natura; aliàs ex duabus naturis simul unitis una composita coaluisset, qui error Eutychis fuit. 2. Quia si unio immediatè facta fuisset in natura divina, Pater & Spiritus sanctus non minùs incarnati dicendi forent, quàm Filius, cum natura divina una & eadem numero sit in tribus divinis personis.

Hac ratione utitur Ferrandus Diaconus ad Anatolium. *Pater & Filius, inquit, substantia unum sunt, non in personis: una est natura Patris & Filii, sed alia est persona Patris, alia Filii. Filius verò suscipiens carnem ..., naturam sibi adunavit humanam, sed in unitate persone, quam non habet cum Patre communem. Ideo non Trinitas, sed tantummodo Filius & natus & passus est. Et Toletana Synodus XI. in professione fidei sic loquitur: Incarnationem huius Filii Dei tota Trinitas operata esse credenda est. . . . solus tamen Filius formam servi accepit in singularitate persone, non in unitate divinæ naturæ; in id quod proprium est Filio, non quod commune Trinitati.*

Biblioth.
PP. To.
9. pag.
504. G.

Tom. 6.
Conc. p.
144. A.

Inde intelligi facile potest, quo sensu nonnulli ex SS. Patribus, de quibus Petavius L. 5. de Incarn. dixerint humanam naturam à divinitate assumptam fuisse. Ita S. Augustinus L. 1. de Trinit. S. Leo Serm. 3. de Nativitate c. 3. scilicet per divinitatem Verbum ipsum intelligunt, abstractum pro concreto nonnunquam usurpantes, vel assumptam volunt mediante hypostasi, scilicet persona Verbi propria, non autem immediatè.

Utrum unio hypostatica sit omnium unionum maxima.

Dignitas & magnitudo unionis hypostaticæ spectari potest, vel ex parte extremorum quæ conjunguntur, vel ex parte illius in quo conjunguntur: atqui ex utraque parte unio hypostatica est omnium maxima. 1. ex parte extremorum realiter distinctorum, naturæ scilicet divinæ, & naturæ humanæ. Eò enim major æstimari debet unio extremorum, quò extrema longius à se distant: sed Deus & homo infinito à se distant intervallo; ergo unio per quam duo hæc extrema in unum conveniunt, est maxima. 2. ex parte illius in quo dux conveniunt naturæ, nempe ex parte personæ Verbi, unio pariter maxima est. Nihil quippè Verbo superius ac dignius cogitari potest: nihil etiam excellentius ac præstantius eo bono, quod humanitati accedit per sui cum Verbo personalem unionem, qua fit ut homo natura & substantia verus Deus evadat. Tam evecta est natura humana, inquit S. Augustinus. L. de prædest. SS. c. 15. ut quo attolleretur altius non haberet.

T. 10. f.
810. E.

Utrum unio hypostatica perpetua sit, constans & indissolubilis.

Ad calcem
Dei
monstr.
Evan-
gelic. p.
276.

Marcellus Ancyranus, referente Eusebio L. 3. de Eccles. Theol. cap. 9. docuit Christum post ultimum Iudicii diem omni officio suo Mediatoris ac Servatoris perfundum, corpus & animam suam depositurum, quibus in nihi-

nihilum redactis, Regnum, quod ad hoc usque tempus occupaverat, dimittet ac Patri suo resignabit.

Ariani, teste S. Gregor. Nazianz. Orat. 36. censuerunt, divinitatem accedente morte Christi, conterritam ita fuisse, ut ab ipso ante obitum recesserit. Tom. 1. p. 580. C.

Certum apud omnes Catholicos fidei dogma est, ita constanti & indissolubili nexu unitum cum humanitate Verbum, ut eam nunquam deseruerit, aut deserturum omnino sit: unde aeterna dicitur in Scripturis Christi potestas, aeternum regnum, aeternum & sacerdotium. Danielis 7. v. 14. *Potestas eius* (Christi) *potestas aeterna, quae non auferetur; & regnum eius, quod non corrumpetur*. Lucæ 1. v. 33. *Regni eius non erit finis*. Et Joan. 12. v. 34. *Christus manet in aeternum*. Hebr. 13. v. 8. *Iesus Christus heri & hodie, ipse & in secula*. Et cap. 7. v. 24. dixerat: *Hic autem (Christus) eo quod maneat in aeternum, sempiternum habet sacerdotium*. Denique Psal. 109. v. 4. *Tu es Sacerdos in aeternum secundum ordinem Melchisedech*.

Accedit & definitio fidei in Concilio Chalcedonensi facta, ubi utraque natura dicitur concurrisse in eandem personam *indivisibiliter & inseparabiliter*. Hæc apud omnes Orthodoxos certa & explorata sunt. Tom. 4. Conc. p. 568. B.

Tota præfens quaestio vertitur de triduo mortis Christi, ac duo quaruntur. Primum, Cum anima Christi ab ejus corpore triduo mortis separata fuit, deseruit-ne Verbum animam & corpus Christi? An hypostatice cum illis unitum semper fuit?

Secundum, Sanguis Christi passionis ac mortis tempore effusus & à corpore sejunctus, habuit-ne sibi eo in statu hypostatice unitam divinitatem?

An triduo mortis Christi Verbum unitum semper permanserit cum anima & corpore.

Multi è Veteribus negasse videntur. Tertullianus L. contra Praxeam c. 30. Eusebius L. 4. Demonstr. Evang. c. 13. S. Hilarius Can. 33. in Matth. S. Epiphanius tum hæresi 20. quæ est Herodianorum, tum 69. quæ est Arianorum; S. Ambrosius L. 10. in Lucam, & in Expositione Symboli c. 13. Leporius in Libello emendationis, Vitalis & Constantius Hispani Episcopi in Epistola ad Capreolum Carthaginensem Episcopum.

Communis ac certa sententia est, triduo mortis Christi, Verbum divinum neque à corpore, neque ab anima recessisse.

Probat 1. ex fidei publico Symbolo, in quo Christus dicitur, mortuus, sepultus, & ad inferos descendisse. Jacuit in sepulchro Christus, quantum ad corpus; & anima ejus ad inferos descendit: qui autem Christum dicit, divinitatem dicit cum humanitate, aut tota simul, aut cum ejus partibus conjunctam. Utrumque autem istud Symboli caput, & sepultum esse Christum, & ad inferos descendisse, expresse docet S. Petrus primæ Epist. c. 3. v. 18. & 19. *Christus, inquit, semel pro peccatis mortuus est... mortificatus quidem carne, vivificatus autem spiritu: in quo & his, qui in carcere erant, spiritibus vivens predicavit*. Psalmo 15. v. 10. & Act. 2. v. 27. *Non dabis sanctum tuum videre corruptionem*. Unde autem ista corporis Christi incorruptio? nisi ex insita ipsi ac permanente divinitate.

Tournely de Incarnatione.

S 3

Proba.

Probatur 2. ex SS. Patribus.

S. Athanasius L. de salutari adventu Christi disputans contra Appollinaristas, & S. Gregor. Nyssenus L. I. contra Eunomium, demonstrant Verbum divinum animæ vices & locum in Christo non obiisse, isto potissimum argumento, quod caro Christi nec mortalis fuisset, nec mortua, quia nulla vis mortis potuisset unquam divinitatem ab humanitate divellere: quæ ratio manifestè supponit, tam firmo ac indissolubili nexu divinitatem cum assumpta humanitate connecti, ut ab ea sejuncta nusquam fuerit. Et Oratione prima de Resurrectione, idem S. Gregorius ait, *Deum qui totum hominem per suam cum illo conjunctionem, in naturam divinam mutaverat, mortis tempore à neutra illius, quem semel assumpserat, parte recessisse.* Et paulò post *Quoniam igitur, inquit, duplex est hominis concretio, simplex autem atque una divinitatis natura, cum homo dirimatur atque distrahitur, divinitas ipsa, quæ individua est, non separatur; sed contrà potius propter unitatem naturæ divinæ quæ utrique hominis parti ex æquo inest, quæ sejuncta separataque erant, rursus coeunt & conjunguntur.*

S. Augustinus L. contra Felicianum Arianum, c. 14. qui Liber in Appendicem Tom. 8. Operum S. Augustini rejectus est ab Editoribus Benedictinis, & Vigilio Taplensi restitutus: sic autem loquitur Auctor antiquus, quisquis ille sit, Augustinus, aut Vigilius Taplensis. *Sic in sepulchro carnem suam commorando non deseruit, (divinitas) sicut in utero Virginis conassendo formavit. . . sic mortuus est non descendente vita, sicut passus est non pereunte potentia.*

Ipsemet S. Augustinus in genuinis suis Operibus Tractatu nimirum 67. in Joan. & Epist. 187. aliis 57. ad Dardanum, hujus nexus planè indissolubilis inter divinitatem & humanitatem fundamentum statuit, nempe Christum & Deum esse & hominem. *Homo Christus, ait citata Epistola n. 7. illo die (mortis) secundum carnem in sepulchro, secundum animam in inferno futurus erat: Deus verò idem ipse Christus ubique semper est.* Deinde n. 40. *An etiam præter hoc, quod tanquam in templo in illo corpore habitat omnis plenitudo divinitatis, est aliud quod intersit inter illud Caput, (Christum) & cuiuslibet membri excellentiam? Est planè quòd singulari quadam susceptione hominis illius, una*

facta est persona cum Verbo. Et Tract. 68. in Joan. *Formam servi accepit, non tamen formam Dei amisit.* Magistrum sequitur Discipulus S. Fulgentius, L. 3. ad Fa. 122. Tractum. c. 16.

Sanctus Leo Serm. 17. de Passione, *In tantam, inquit, unitatem Dei & hominis natura convenit, ut nec supplicio potuerit dirimi, nec morte disjungi.* Et Ser. 29. c. 1. 8. de Nativitate, *Utrique naturæ, ait, in suis proprietatibus permanenti, tantæ unitatis facta communio, ut quicquid ibi est Dei, non sit ab humanitate disjunctum; quicquid autem est hominis, non sit à deitate divisum.*

Denique S. Joannes Damascenus Libro 3. de fide orthodoxa cap. 27. rem totam nitidè explanat ac conficit. *Quamvis, inquit, Christus ut homo mortem obierit, sanctæque ipsius anima ab immaculato corpore distracta sit, divinitas tamen à neutro, hoc est, nec ab anima, nec à corpore, quoquomodo sejuncta est, neque propterea personæ una in duas personas divisa fuit: siquidem & corpus & anima simul ab initio in Verbi personæ existentiam habuerunt; ac licet in morte divulsa fuerint, utramque tamen eorum unam Verbi personam*

To. 1. p.
824. D.

Ibid. p.
826. B.

T. 8. Ap.
pend. p.
47. B. C.

To. 1. p.
680. C.

Ibid. p.
691. E.

To. 3. 2.
p. 348.
677. G.
Fa. 122.

To. 1. p.
29. c. 1.
Ibid. f.
169. c. 1.

To. 1. p.
251. A.

nam qua subsisteret, semper habuit. Quamobrem una eademque Verbi hypostasis tum Verbi tum corporis hypostasis erat. Neque enim unquam, aut anima, aut corpus, peculiarem, atque à Verbi subsistentia diversam subsistentiam habuit. Veram una semper fuit Verbi hypostasis & subsistentia, nec unquam duplex. Idcirco una quoque semper Christi persona fuit: tamen enim quoad locum, anima à corpore sejuncta erat, hypostaticè nihilominus per Verbum uniebatur.

Tam aperta & clara ista sunt, ut commentario non indigeant. Atque inde prodiit effatum, quod omnes Scholas pervasit, Quod semel Verbum assumpsit, nusquam dimisit.

Accedit & Clemens VI. S.P. in Extravag. *Unigenitus*, De pœnitentiis & remissionibus, ubi de fuso in ara crucis Christi sanguine sic loquitur: In ara crucis innocens immolatus, non guttam sanguinis modicam, quæ tamen propter unionem ad Verbum pro redemptione totius humani generis sufficiebat, sed velut quoddam profusum nescitur effudisse. Supponit tanquam rem certam S. P. Christi sanguinem, qui in ara crucis effusus est, cum Verbo unitum fuisse, unde fluxit valor illius infinitus ad redemptionem nostram plus quàm sufficiens.

Narrat Suavis, & post eum Card. Pallavicinus Lib. 17. Historiæ Concilii Tridentini, cap. 6. Amandum aut Amantem è Familia Servitarum B. Virginis Theologum, quem Episcopus Sebenicenfis secum adduxerat, inter disputandum de Communionem sub utraque specie, dixisse, *Corpus Christi demortui sejunctum fuisse à divinitate*; atque exorto inter Patres strepitu, dictum illud improbatum fuisse. Observat nihilominus ibidem Pallavicinus, in Acta nullum hujus Servitæ errorem relatatum fuisse.

Qui verò in oppositam sententiam paulò antè laudati fuere Ecclesiastici Scriptores, vel, falsa, quæ ipsis debetur, reverentia, deserendi hic sunt; vel, quod satius esse videtur, interpretandi de separatione divinitatis ab humanitate ipso mortis Christi tempore, quoad singularem divinæ protectionis influxum; siquidem permisit Deus Christum turpissimæ & acerbissimæ morti addictum fuisse. Ita S. Ambrosium interpretatur Magister L. 3. dist. 21. Ita & Hilarius doctissimi Benedictini, in præfixa ad Opera Hilarii Præfatione.

An sanguis è corpore Christi tempore Passionis effusus, hypostaticè unitus remanserit cum Verbo divino.

Quæstio hic non est de sanguine Christi corpori ejus, dum viveret, unito, sed effuso ac separato per triduum mortis Christi. Durandus quidem in 4. dist. 10. q. 1. n. 19. Gabriel Lectione 53. in Canonem Missæ, & alii nonnulli, etiam unito sanguini, quantò magis effuso ac separato, negant immediatam cum Verbo conjunctionem, sed remotam dumtaxat, ratione totius corporis, concedunt. Verùm opinio hæc paucos habet patronos ac defensores. De solo igitur effuso ac separato sanguine triduo mortis Christi hic quæstio movetur.

Non etiam hic controversia est, de illis sanguinis Christi particulis, quæ in quibusdam Ecclesiis asservari dicuntur, qualis à Dominicanis ostenta-

tur inclusus in ampulla quam B. Magdalena, cum Massiliam appulit, asportasse secum, & in antro, ubi delituit, assevasse dicitur: quique, ut ajunt, quotannis in die Parasceves ebulliens apparet; qualis etiam jamdiu Mantuæ ostenditur, multis illustratus miraculis, de quo Annales Francorum in vita Caroli Magni, Platina in Leone III. Baronius ad an. Chr. 804. Quædam etiam sanguinis vestigia impressa in syndone cruore illo suo tincta, Taurini exhibentur. De illis, inquam, particulis sanguinis Christi hic non loquimur, neque animus nobis est, aut ad severioris criticæ leges facta hujusmodi expendere, aut Fideles ab illa pia credulitate, & sancto in sanguinem Christi affectu, vel tantillum dimovere; absit. Hoc unum observo, Theologos, qui pretiosas illas sanguinis Christi reliquias ut veras admittunt, fateri tamen eas hypostatice cum Verbo unitas jam non esse: communis ferè sententia est, totum, qui è corpore Christi tempore cruentæ mortis sanguis effluxit, à Christo redivivo assumptum rursus fuisse.

Scimus
dantur
ad an.
1462.

Pauci è veteribus Scholæ Magistris præsentem quæstionem attigisse leguntur. Anno 1462. sedente Pio II. S. Pontifice, gravis ea de reorta contentio fuit Dominicanos inter & Franciscanos: negabant isti, triduo mortis effusum Christi sanguinem divinitati unitum permanisse; alii verò pugnaciter affirmabant. Per tres dies, ipso præsentem S. Pontifice, magno animorum æstu, hinc & inde agitata fuit quæstio. Nihil à Pontifice tunc pronuntiatum, sed biennio post, Calendis Augusti, die ante obitum 15. edita Constitutione, sub pena excommunicationis litigantibus silentium imponit, junctâ lege, ne aliqua erroris, aut alterius cujuslibet censuræ nota, sese mutuo eam ob rem configerent, donec à sancta Sede res ea conclusa & definita fuisset: sed adhuc sub judice lis est. Inde duas in partes scinduntur Theologi: alii cum Durando, in 4. dist. 10. q. 1. Tostato Paradoxo 2. Gabriele Leâ. 53. in Canonem, Cardinali S. Petri ad vincula, in suo Tractatu, Veritate 5. Richardo de Media Villa L. 3. Sentent. dist. 2. art. 2. q. 1. ad 2. Mayrone in 4. dist. 23. q. 1. negant; alii verò cum Capreolo in 4. dist. 11. q. 1. art. 3. in responsione ad 5. Bartholomæo Medina 3. part. q. 5. in expositione 2. articuli concl. 1. Vasquesio 3. part. q. 5. art. 2. disput. 36. cap. 4. contendunt, triduo mortis sanguinem Christi effusum cum Verbo unitum semper fuisse; imò sententiam oppositam velut temerariam, falsam & erroneam, & à sancta Sede damnatam tradunt. Amplam de præsentem controversia Dissertationem Libris quinque edidit Franciscus Collius Collegii Ambrosiani Doctor Mediolani an. 1617.

Non audet illenegantem opinionem velut erroneam damnare; sed affirmantem ut longè probabiliorem, imò & veram ipse amplectitur.

Utriusque verò sententiæ ista momenta sunt ac præsidia. Negantis

I. Quia effusus sanguis mutatur ac corrumpitur; non ergo in eo intimè unita divinitas residet. Act. enim 2. v. 27. dicitur, *Non dabis sanctum tuum videre corruptionem.*

II. Naturæ humanæ partes propter totum assumuntur: sed triduo mortis totum illud, quod Christus est, integrum non permanfit, nec Christus homo verus fuit, propter separationem animæ à corpore.

III. Unio hypostatica ab ea sanguinis parte, etiam vivente Christo, recede-

cedebat, quæ calore naturali continuò resolvebatur: quanto magis à sanguine effuso & separato recedere debuit?

IV. Aqua illa mixta sanguine, quæ de latere Christi fluxit, haud dubiè hypostaticam cum Verbo unionem non retinuit; quare autem eam sanguis retinisset?

V. Unio hypostatica non remansit cum præputio Christi: ergo nec cum effuso sanguine.

VI. Communis opinio est, Verbum anima mediante carnem & sanguinem assumpsisse: sed triduo mortis anima separata fuit à corpore; ergo ea mediante non potuit sanguis effusus cum Verbo conjungi.

VII. Cum tot numero fuerint guttæ sanguinis Christi tempore Passionis dispersæ, an verisimile est in illis singulis perseverasse hypostaticam unionem, quæ pro numero illarum guttarum sanguinis crescere ac multiplicari pariter debuisset?

VIII. Ex unione hypostatica Verbi cum humanitate sequitur idiomatum communicatio, unde Deus dicitur natus, passus, mortuus &c. At dici similiter non potest, Deus *effusus*: id tamen dici deberet, si in effuso sanguine unita perseverasset divinitas.

IX. Commune istud effatum, *Quod Verbum semel assumpsit, nunquam dimisit*, exponunt de partibus essentialibus vel integrantibus: alias, inquit, dicendum foret, etiam cum humoribus, pilis, unguibus &c. Verbum hypostaticè conjunctum fuisse.

X. denique, observant, S. Joannem Damascenum L. 3. de fide c. 27. de corpore & anima dumtaxat loqui, non de effuso sanguine, de quo ne verbum quidem.

Affirmans verò sententia his momentis nititur.

I. Quia frequenter testatur Scriptura, nos pretiosum Christi sanguine redemptos fuisse: at unde virtus illa & efficacia, nisi ex unione ipsius cum Verbo?

II. Testimonia SS. Patrum quæ superiùs adduximus, de sanguine non minùs, quàm de corpore & anima intelligenda sunt.

III. Sanguis Christi ab omni corruptione immunis fuit. Vera enim simpliciter est ista propositio, *Non dabis sanctum tuum videre corruptionem*. AA. 2.
v. 27.

IV. Multiè SS. Patribus sanguinem, qui ex aperto Christi latere fluxit, salutarem ac vivificum appellant; ergo cum divinitate conjunctum supponunt.

V. Si triduo mortis Apostolorum aliquis Sacra peregrisset, nonne vi verborum verus sanguis Christi præfens factus fuisset, quanquam ab anima tunc sejunctus? Nonne cultu latræ adorandus? At cultus ille soli divinitati debetur; ergo necesse est supponere sanguinem illum à divinitate tunc separatum ac sejunctum non fuisse.

VI. Gratis omnino ac sine ullo fundamento supponit adversa sententia, adductum S. Joannis Damasceni effatum, *Quod semel Verbum assumpsit, nunquam dimisit*, de anima dumtaxat & corpore debere intelligi, excluso sanguine: in corpore quippe vivente sanguis tum nutritionis, tum vitæ pars est non ignobilis, imò prorsus necessaria.

VII. Huic sententiæ apertè favent Pius II. Clemens VI. Paulus II. quan-

quancquam fatendum sit, eos Pontificia auctoritate nihil eam in rem statuisse. VIII. denique, esto Deus *effusus* dici non debeat, sicut dicitur sanguis effusus; quid inde? Deum cum effuso sanguine conjunctum non fuisse, nec in Christo locum habere idiomatum communicationem? minimè: sed hoc unum, quòd cum ista idiomatum communicatio cadat in totum suppositum, nec ab aliqua dumtaxat parte, sed à tota & integra humana natura sumatur, sanguis autem sit tantum pars corporis humani, non totum corpus, multò minùs tota humana natura; consequenter Deus *effusus* aptè non dicretur, licèt rectè dicatur sanguis *effusus*.

Q U Æ S T I O O C T A V A.

De extremis unionis, persona Verbi assumente, & humana natura assumpta.

PRÆcipuas, quæ fidem spectant, circa personam Verbi quæstiones jam expendimus: nempe, Verbum reipsa carnem assumpsisse; convenientius fuisse incarnari Verbum, potius quàm Patrem & Spiritum sanctum; Incarnationem factam esse in unitate personæ, ac duplici natura; Christum denique verè, propriè ac stricte pronobis Deo Patri satisfecisse. Quæ igitur hic discutienda sunt, merum spectant Scholæ exercitium, & varias, easque liberas, Theologorum opiniones. Nimirum

I. An subsistentia, per quam Verbum divinum supplet ac perficit creatam humanæ naturæ subsistentiam, sit aliquid à substantia distinctum.

II. An creata subsistentia possit alienam terminare seu assumere naturam.

III. An natura divina præcisa à suis relationibus, immediatè ac per se possit uniri cum humanitate; & utrum, si daretur in Deo absoluta subsistentia, posset immediatè cum humanitate copulari.

IV. Utrum plures personæ divinæ possint eandem assumere humanitatem, vel plures; vel una persona pluribus naturis simul conjungi.

A R T I C U L U S P R I M U S.

An subsistentia sit aliquid à substantia realiter distinctum.

HYPOTASIM à natura quodammodo distingui ignorarunt Philosophi quibus fides non illuxit, & Hæretici qui mysterium Trinitatis oppugnare. Fide quippe certissimum est, esse in Deo unicam numero essentiam, & tres personas quæ à se invicem realiter distinguuntur, non essentia, sed personalitate. Certum etiam est, in Mysterio incarnati Verbi, neque Patrem, neque Spiritum sanctum, sed solum Filium carnem sibi in unitatem personæ assumpsisse, tametsi una sit & prorsus eadem Filii cum Patre ac Spiritu sancto natura; certum consequenter esse debet, non nihil distinctionis intercedere inter naturam & personam. Quapropter fidei principiis minùs consona videtur eorum opinio, qui nullam, nequidem virtutalem, admittunt distinctionem inter naturam & personam. Scholæ igitur controversia est, quid sit subsistentia, quidve naturæ superaddat. Quatuor præcipue sunt eam in rem opiniones Scholæ.

Prima

Prima eorum qui subsistentiam nihil aliud esse ajunt, quam substantialem rei existentiam.

Refellitur. 1. Quia tres sunt in Deo substantiæ, unica verò substantialis existentia. 2. In Christo humanitas propriam habet existentiam, non autem propriam subsistentiam. 3. Alia est ratio existentiae, & alia subsistentiæ: per existentiam res est extra nihil, per subsistentiam verò in se ac per se subsistit.

Secunda opinio subsistentiam creatam in duplici, increatam verò in triplici negatione reponit: nempe quatenus incommunicabilis est alteri, ut subiecto, ut parti, ut supposito, quia nempe est ens per se subsistens, id est sui juris; nec in suis proprietatibus aut operationibus dependet ab alio, tanquam à particulari principio.

Refellitur. Tum quia subsistentia est quid positivum, cum sit ultimum naturæ complementum: tum quia triplex illa negatio supponit subsistentiam. Ideo enim substantia incommunicabilis est alteri, ut subiecto, ut parti, & supposito, quia est ens per se subsistens, id est sui juris; nec in suis proprietatibus & operationibus dependet ab alio, tanquam à principio particulari.

Tertia opinio contendit subsistentiam esse modalem entitatem à substantia realiter & modaliter distinctam. Ita Suares, & cum illo multi recentiores.

Quarta, subsistentiam, non re ipsa, sed virtute dumtaxat à natura distinguit.

CONCLUSIO.

Subsistentia non est entitas realiter modaliter à substantia distincta, sed est ipsamet natura prout sui juris est, non alieni.

Prima pars probatur. 1. Quia natura humana in Christo perfecta est, nec ulla caret entitate naturali; Christus etenim perfectè nobis similis fuit, excepto peccato. Hebr. 2. v. 17. *Debuit per omnia fratribus assimilari, ut misericors fieret, & fidelis Pontifex ad Deum, ut repropitiaret delicta populi.* T. 6. p. 205. F. Augustinus Ench. cap. 34. *Nihil, inquit, natura humana in illa susceptione fas est dicere defuisse.* Idem asserunt S. Athan. Tract. de adventu Christi contra Apollinarem, S. Gregorius Nazianz. Orat. 51. S. Cyrillus Alexandr. L. ad Reginas. Porro defuit in humana Christi natura personalitas propria; ergo personalitas illa non est quid realiter modaliter distinctum à natura.

II. Entitas illa naturæ superaddita inutilis planè ac superflua videtur, quia sine illa exponi potest quomodo natura per se subsistat.

III. Subsistentia est naturæ totalitas: sed totalitas illa non est entitas superaddita.

Secunda pars probatur. I. Quia subsistentia est naturæ incommunicabilitas alteri tanquam supposito: sed illa incommunicabilitas est ipsamet natura ultimò & per se terminata & completa. Sicut enim substantia per se, nullo superaddito, incommunicabilis est alteri tanquam subiecto inhaerentis, & alteri tanquam comparti, quia substantia, quando completa est, ex se apta non est inhaerere alteri, & tanquam compars uniri; ita quoque per

per seipsam singularis est, & incommunicabilis alteri tanquam supposito. II. Cùm substantia alteri nobiliori non unitur, nec alterius, sed sui juris est, tunc per se, nullo superaddito, subsistere censetur; ergo humanitas Christi ideo per se non subsistit sua propria subsistentia seu personalitate, quia non sui, sed alieni juris est; sicut exposuimus suprà, ubi de natura hypostaticæ unionis.

Inde colliges, subsistentiam virtualiter tantùm à substantia distinctam esse.

Dices: Quæ realiter separantur, & separatim existunt, ea realiter à se invicem distinguuntur: atqui subsistentia & natura realiter separantur, ut patet ex mylterio Trinitatis & Incarnationis. In Filio v.g. divino tota est Patris substantia, non verò persona: in Christo tota natura humana, sine humana persona; ergo &c.

Resp. dist. maj. realiter distinguuntur, connotativè, concedo: realiter entitativè, nego. Sic v.g. inflexio digiti & digitus possunt à se invicem separari; quia potest esse digitus sine inflexione; neque tamen digitus realiter entitativè distinguitur ab inflexione, sed tantùm realiter connotativè, prout scilicet digitus inflexustali situi correspondet. Pariter subsistentia non distinguitur à substantia, quoad entitatem, sed tantùm quoad connotationem: quia nempe substantia potest non connotare alienam subsistentiam nobiliorem, adeoque sui proprii juris esse; potest etiam eam connotare, & connotando definire esse sui juris.

Instabis 1. Inde sequitur, humanam subsistentiam entitativè spectatam in Christo fuisse; ac consequenter humanam personam, saltem quoad entitatem. Probatur sequela: Quia subsistentia realiter & entitativè non distinguitur à substantia; ergo ubi est substantia, ibi est entitativè subsistentia seu persona. Ergo duplex in Christo agnoscenda erit persona, una formalis, eaque divina; altera entitativa, eaque humana.

Resp. dist. sequelam antecedentis: sequitur, subsistentiam humanam materialiter & entitativè spectatam, quatenus est ipsa met natura humana, fuisse in Christo, concedo: subsistentiam humanam formaliter & connotativè spectatam, nego. Sic v.g. numerus binarius est in ternario materialiter & entitativè, non verò formaliter & connotativè, quatenus nempe tertium negat unitatem. Nego verò dici posse quòd sit in Christo humana persona saltem entitativè & materialiter, quia scilicet nomen personæ formalem sonat effectum subsistentiæ formaliter & connotativè sumptæ; hoc est, subsistentiæ quatenus est ultimus naturæ terminus, eamque reddit alteri tanquam supposito incommunicabilem. Humana porrò subsistentia formaliter & connotativè spectata in Christo non reperitur; quandoquidem natura ejus humana sui juris non est, sed alieni; nec propria, sed aliena subsistit Verbi subsistentia.

Instabis 2. Si natura humana eo ipso per se non subsisteret, quo Verbo divino unitur, Verbum quoque vicissim definiret per se subsistere, eo quòd cum humanitate conjungitur.

Resp. nego ant. & parit. Disp. est, quia natura humana à Verbo tanquam à nobiliori perficitur, & ea quidem perfectione, qua ut altius ascendat, non habet: è contra, Verbum sui cum humanitate conjunctione *exinanitur*, nedum perficitur.

Instabis 3. Si substantia eo ipso propriam à mitteret subsistentiam, & sui juris

juris esse desineret, quonobiliornaturæ conjungeretur, nullonegotio SS. Patres contra Nestorium probassent unam dumtaxat esse in Christo personam.

Resp. dist. maj. Si Nestorius substantialem agnovisset unionem inter Verbum & humanitatem, concedo: si moralem dumtaxat & accidentalem, nego. Porro, ex dictis sapius, Nestorius nonnisi moralem admisit Verbum inter & humanitatem unionem.

ARTICULUS SECUNDUS.

An possit creata substantia alienam terminare naturam.

Substantia creata comparari potest vel cum nobiliori, ut homo cum Angelo; vel cum æquali, ut homo cum homine; vel cum inferiori, ut homo cum bruto.

Nonnulli à Veteribus, ut Origenes, de quo S. Hieronymus Præfatione in Malachiam, & alii, de quibus idem sanctus Doctor in caput 1. Aggzi, videntur existimasse Malachiam, Joannem Baptistam, & Aggeum veros Angelos fuisse in assumpta carne, quos refellit sanctus Hieronymus; atque illos aliquando Angelos appellatos, non natura, sed officio.

Thomistæ, quibus se adjungit Suares, Vasques & alii nonnulli è recentioribus, putant impossibile esse ut creata substantia alienam terminet naturam, rati virtute infinita ad hoc opus esse. Scotus verò, Gabriel, & alii è contra sentiunt.

CONCLUSIO.

Substantia creata non potest assumere naturam nec se perfectiorem, nec sibi æqualem, sed tantum inferiorem.

Prima pars manifesta videtur. Quia substantia naturam, quam assumit, assumendo complet ac perficit: porro natura inferior ac imperfectior non potest superiorem, imò nec sibi æqualem, perficere ac complere: Ita non potest homo Angelum, vel alterum hominem in unitatem personæ assumendo perficere. Hac ratione S. Athanasius L. de Incarnatione Verbi, Apollinari- stas garrientes carnem Christi Verbo consubstantialem esse, premebat, quia nempe quod alteri est consubstantialis, assumi ab illo non potest in unitatem personæ, eo quòd perfici ab illo non possit: at caro Christi seu humanitas longè perfectior facta est ex unionem cum Verbo; ergo non est Verbo consubstantialis.

Secunda pars non minus aperta videtur. Naturæ quippe superior ac perfectior inferiorem & imperfectiorem assumendo, perficere illam potest; nec ad hoc necessaria videtur virtus infinita: ad supplendum quippe aliquid finitum, qualis est substantia creata, necessaria non videtur infinita virtus.

Scio quidem SS. Basilium in Psal. 44. Hilarium L. 4. de Trinit. Maximum Dial. 5. de Trinit. Augustinum L. 4. de Trinit. cap. 20. ex eo capite infinitam esse virtutem ac potentiam Verbi ostendere, quòd sibi hypostaticè humanitatem conjunxerit. Fatemur ultro: verum discrimen est, quòd Verbum pro-

propiis suis viribus alienam sibi conjunxerit naturam, ad quod infinita virtute opus esse non negamus: Conclusio verò nostra intelligitur de natura creata superiore quidem ac perfectiore, sed quæ ex potentia dumtaxat obedientiali, ut vocant, seu Dei concursu extraordinario, alienam ac inferiorem naturam terminaret.

ARTICULUS TERTIUS.

An natura divina præcisa à suis relationibus, immediatè ac per se possit uniri humanitati; Et utrum si daretur in Deo absoluta subsistentia, posset humanitati immediatè conjungi.

PRIMA CONCLUSIO.

Divina essentia à suis relationibus præcisa, immediatè ac per se non potest humanæ naturæ conjungi.

Probatur: Quia, ex dictis antea contra Eutychianos, impossibile est ut ex unione naturæ divinæ ac humanæ aliqua tertia natura resultet; totum quippe per se, ex duobus entibus completis exurgere nunquam potest: atqui utraque natura divina & humana completa est in ratione naturæ; ergo &c.

SECUNDA CONCLUSIO.

Ex hypothesi impossibili quòd unica foret in Deo absoluta subsistentia seu personalitas, impossibile non esset humanam naturam à divina assumi.

Probatur: Quia in ea hypothesi, procul dubio falsa, unica foret in Deo persona, quæ æquè posset humanam naturam assumere & terminare, ac illam de facto assumpsit ac terminavit divina Verbi persona. Verum tædio nobis sunt ejuscemodi scititæ ac impossibiles hypotheses.

ARTICULUS QUARTUS.

An plures divine persone possint eandem assumere humanitatem, aut plures: vel una persona pluribus naturis simul uniri.

Triplex in hoc Articulo continetur hypothesi. Prima, utrum plures divinæ persone v. g. Pater & Filius, eandem numero humanitatem assumere possint. Secunda, utrum possint plures numero naturas assumere. Tertia, utrum una persona possit pluribus naturis simul conjungi.

CONCLUSIO.

Impossibile non videtur, aut plures personas divinas eandem, vel plures naturas simul assumere; aut unam personam pluribus simul naturis conjungi.

Pro-

Probatur: Quia nulla videtur esse repugnantia, aut ex parte divinarum personarum assumptum, aut ex parte naturæ creatæ assumptæ.

Non ex parte divinarum personarum, quæ infinitam habent ad terminandum virtutem: & reipsa in mysterio SS. Trinitatis, tres divinæ personæ eamdem numero divinam terminant essentiam.

Non ex parte naturæ assumptæ: illa etenim licet ex se non nisi unam eamque ordinis naturalis subsistentiam exigat, nihil tamen ob stare videtur, quo minus reipsa plures actu habeat supernaturales; non quod eas exigat, sed quod ex potentia obedientiali eas recipiat.

Neque verò sequeretur inde, quod nonnulli contendunt, naturam illam eo in casu infinitam fore, sicut infinita est divina, quæ una numero in tribus distinctis personis subsistit. Namque disparitas aperta est: divina scilicet natura ex se infinita, triplicem, in qua subsistit, personalitatem seu subsistentiam postulat & exigit; non ita natura creata, quæ unica sibi quæ connaturali subsistentia ultimò completur ac perficitur.

Neque etiam inde sequeretur, talem naturam simul totaliter completam fore, & non completam, utpote quæ per unam subsistentiam totaliter completa, per aliam etiam compleretur. Namque sub diverso respectu totaliter completa foret, & non completa. Si v.g. Pater & Filius eamdem assumerent naturam, totaliter completa illa foret per subsistentiam Patris in ratione paternitatis, non verò filiationis; & vice versa, completa totaliter foret per subsistentiam Filii in ratione filiationis, non autem paternitatis. Et verò res ita se habet in mysterio SS. Trinitatis, in quo divina essentia triplici distincta subsistentia completur ac subsistit.

In ea porro hypothesi in qua plures personæ unicam humanitatem, aut una persona plures assumeret naturas, non plures, sed unus homo foret. Ratio est, quia vox *homo* concretum est substantivum: ad multiplicandum autem concretum substantivum, necesse est multiplicetur simul & forma, & subiectum formæ. Porro in ea hypothesi, una foret, non multiplex humanitas; ac consequenter unus, non multiplex homo: eo ferè modo quo unus est Deus in tribus distinctis personis, quia una & eadem est in illis divina essentia. In mysterio pariter Incarnationis Verbi, licet duæ sint naturæ distinctæ, non tamen duplex, sed unus est Christus, quia non duæ, sed una est persona eaque divina.

In ea pariter hypothesi nulla daretur idiomatum communicatio inter divinas personas. V.g. si Pater & Filius eamdem humanitatem assumpissent, Pater dici non posset genitus, aut Filius ingenuus. Ratio est, quia idiomatum communicatio fundatur in unitate suppositi, ac pluralitate naturarum: atqui in ea hypothesi, vel plures essent naturæ, & una persona; vel plures personæ, & unica natura; & ideo nulla inter illas admitti deberet idiomatum communicatio.

DE NATURA ASSUMPTA.

Præsentem quæstionem in quinque Articulos distribuemus.

Primus, an Verbum divinum veram nobisque consubstantialem naturam humanam assumpserit.

Secun-

Secundus, an humanitatem per se subsistentem, seu personam assumpserit, aut assumere potuerit.

Tertius, an assumpserit naturam universalem ab omnibus individuis abstractam, an singularem.

Quartus, utrum angelica natura, vel etiam irrationalis, potuerit à Verbo assumi.

Quintus, de ordine quo assumpta fuit à Verbo humanitas: an carnem immediatè, vel mediante anima Verbum assumpserit.

ARTICULUS PRIMUS.

An Verbum divinum veram nobisque consubstantialem naturam humanam assumpserit.

QUANTA furoris insania inter veteres Hæreticos nonnulli in veram Christi humanitatem debacchati fuerint, exposuimus initio hujus Tractatus à p. 34. ad 41. Proprius hic verò locus est, eos omnes confutandi, tum eos qui Docetæ seu Phantasiastæ dicebantur, quibus corpus Christi non verum ac solidum, sed umbratile ac phantasticum videbatur; tum eos, qui verum quidem illud ac solidum corpus esse agnoscebant, sed ex Maria Virgine natum inficiebantur; tum denique eos qui humanitatem Christi anima, aut saltem mente spoliabant, rati Verbum divinum in Christo animæ ac mentis vices abundè supplevisse.

CONCLUSIO.

Verbum divinum veram nobisque consubstantialem humanitatem, solidum corpus, veram carnem ex Maria Virgine natam assumpsit.

Tam disertè ac clarè fundamentale istud Religionis nostræ caput in Scripturis exprimitur, ut mirum sit ab aliquibus negari potuisse. Quatuor argumentis ex Scriptura invictè illud demonstramus.

- I. ex nativitate, ac tota vitæ Christi mortalis serie.
- II. ex genealogia Christi.
- III. ex nominibus quibus Christus insignitur.
- IV. ex natura quæ ipsi tribuitur.
- V. ex variis Christi officiis ac muneribus: -

I. *A nativitate.*

Futuram istam ex Virgine nativitatem, nullus inter Prophetas clariùs indicavit, quàm Isaias c. 7. v. 14. his verbis. *Ecce Virgo concipiet, & pariet filium, & vocabitur nomen ejus Emmanuel.* Cujus prophetiæ complementum refert S. Matth. c. 1. v. 23. & S. Lucas c. 1. v. 30. *Ne timeas, Maria, inquit Angelus Gabriel, invenisti enim gratiam apud Deum: ecce concipies in utero & paries filium, & vocabis nomen ejus Jesum.* Et v. 35. *Quod nascetur ex te sanctum, vocabitur Filius Dei.* Apud S. Matth. cap. 1. v. 18. refertur Christi nativitas: *Cum esset, inquit, desponsata mater ejus Maria Joseph, antequam convenirent, inventa est in utero habens de Spiritu sancto.* Etc. 2. v. 1.

Cum

Cum ergo natus esset Iesus in Bethleem Juda in diebus Herodis Regis. Inde S. Paulus Galat. 4. v. 4. Christum vocat factum ex muliere; & Hebr. 7. v. 14. Tribum designat ex qua natus est: Manifestum est enim quod ex Juda ortus sit Dominus noster, in qua Tribu nihil de sacerdotibus Moyses locutus est.

Hæc ne, quæso, alium, quàm verum hominem designare possunt? An hominis phantastici nativitas, familia, tempus, ac modus nativitatistam accuratè describi potuissent? An natus ex Maria Virgine Christus diceretur, sicaro è Cœlo delapsa, per Mariam tanquam per merum canalem dumtaxat transiisset; quid insultius? Adde & omnes vitæ mortalis Christi circumstantias. Circumciditur; à Magis adoratur; parentibus subditus est; docet; patrat miracula; lachrymas fundit; flagellis cæditur; cruci affixus moritur. An hæc omnia totidem fuere sensuum nostrorum ludificationes, & ab homine umbratili ac phantastico factæ præstigii? Quis sui compos credat? Momentum hoc ex nativitate, vitæ & morte Christi urgent contra hæreticos Phantasticas SS. Patres.

S. Ignatius Martyr in genuina ad Trallianos Epistola. *Obturate igitur, inquit, aures vestras, cùm vobis quispiam loquitur sine Iesu Christo, qui ex genere Davidis, qui ex Maria; qui verè natus est, edit, & bibit; verè persecutionem passus est sub Pontio Pilato; verè crucifixus & mortuus est, videtur cælestibus, terrestribus, & subterraneis; qui & verè resurrexit à mortuis, resuscitante ipsum Patre ipsius. Et in Epistola ad Smyrnenles docet, quòd si Christus specie tenus & opinione tantùm natus sit, passus & mortuus, Ignatius ipse non verè, sed fictè tantùm ac opinione pati & cruciari debeat, quia, in mente Hæreticorum, nonnisi pro phantastico homine patetur ac cruciaretur.* Edit.
Cærell.
p. 864.
D.

S. Irenæus Lib. 5. c. 1. Tertull. Lib. 3. contra Marc. c. 8. hac ipsa ratione ex passione ac morte Christi ducta utuntur, ut evincant illum verum, non phantasticum fuisse, cujus sanguine, non fictè, non simulatè, sed verè redempti & à servitute dæmonis liberati sumus. *Nihil solidum ab inani, ait Tert. loco mox citato, nihil plenum à vacuo perfici licuit. Putativus habitus, putativus ætus; imaginarius operator, imaginaria opera. Sic nec passionem Christi ejus fidem merebuntur: nihil enim passus est, qui verè non est passus; verè autem pati phantasma non potuit. Eversum est igitur totum Dei opus: totum christianis nominis & pondus, & fructus, mors Christi negatur... nec de resurrectione constabit... Proinde resurrectione Christi infirmata, etiam nostra subversa est.* P. 401.
D.

Idem Tertullianus L. de carne Christi cap. 5. eosdem Hæreticos festivè ac elegantè carpebat isto momento, Christum scilicet potius voluisse verè nasci, quàm in semetipsum, falsa solidæ carnis specie, mentiri. *Maluit, crede, nasci, quàm ex aliqua parte mentiri, & quidem in semetipsum; ut carnem gestaret sine ossibus duram, sine musculis solidam, sine sanguine cruentam, sine tunica vestitam, sine fame esurientem, sine dentibus edentem, sine lingua loquentem.* P. 310.
D.

II. *A genealogia Christi.*

Refertur genealogia Christi à SS. Matth. c. 1. & à S. Luca c. 3. Inde Apostolus Rom. 1. v. 3. ait, *Filium Dei factum esse ex semine David secundum carnem.* An verò hominis scititii seu phantastici genealogia tanta cura & diligentia describitur? Posco nunc, ait Alcimus Avitus Epistola 3. hīs proavorum successionibus ac nepotum, ex memorato patre usque ad virginium factum, toto derivata hereditatis accessu, phantasmatis linea ducatur, an traducis?

Idem ex genealogia Christi momentum urgebat Tertull. L. de carne Christi cap. 20. adversus eos Hæreticos qui delapsum è Cælo corpus Christi, ac per Mariam veluti per canalem transisse putabant, quòd in ea, non ex ea natum dicatur, *Quod in ea natum est, de Spiritu sancto est.* Nempe, ait Tertull. *tametsi ex ea dixisset, in ea dixerat. In ea enim erat, quòd ex ea erat...* sed bene, quòd idem dicit Matthæus, *originem Domini decurrens ab Abraham usque ad Messiam: Jacob, inquit, genuit Joseph virum Mariæ, ex qua nascitur Christus.* Sed & Paulus Grammaticis illis silentium imponit: *Misit, inquit, Deus filium suum factum ex muliere.*

Hujusce momenti vi ac pondere oppressi Manichæi, hanc Scripturæ partem, in qua Christi genealogia textitur, expungere coacti fuere.

III. *Ex nominibus Christi.*

I. Christus sæpissime vocatur in Scripturis, filius hominis, filius David, homo. Joan. 8. v. 40. Nunc autem, ait Christus, *quæritis me interficere hominem.* Matth. 17. v. 21. *Filius hominis tradendus est in manus hominum.* Ec cap. 1. v. 1. *Liber generationis Jesu Christi filii David, filii Abraham.* 1. ad Timot. 2. v. 5. *Unus mediator Dei & hominum, homo Christus Jesus.*

Neque est quòd dicas, Angelos in assumptis corporibus nonnunquam filios hominum dictos esse. Esto ita sit, quàm lata est disparitas! Homines dicti sunt, ob apparentem ac visibilem, qua induti erant, hominis speciem; non ex propria eorum natura: nusquam Angelorum nativitas, parentes, familia, genealogia, & alia hujusmodi, sicut de Christo, referuntur.

Neque etiam vim habet quòd ajunt, Christum filium Abraham & Davidis ideo appellari, quòd illis promissus fuerit. Tùm quia Evangelistæ asserunt Christum ex semine David natum esse: istud, ex semine, veram procul dubio nativitatem significat. Tùm quia Christus omnibus sanctis ac prædestinatis promissus est, à Gentibus expectatus: an idcirco illorum filius aliquando dictus est aut dici potuit?

II. Christus in Scripturis vocatur *semen mulieris*, Gen. 3. v. 15. *semen Abraham*, Gen. 12. v. 3. *filius Abraham*, Aâ. 3. v. 25. *filius Davidis*, & *fructus lumborum eius*, Lucæ 1. v. 32. *semen Virginis* & *fructus ventris eius*.

IV. *Ex natura Christi.*

Joan. 1. v. 14. *Verbum caro factum est.* Rom. 1. v. 3. *Factus ex semine David secundum carnem.* Philipp. 2. v. 6. *Semetipsum exinavit formam servi accipiens,*

eipiens, in similitudinem hominum factus, & habitu inventus ut homo. Hebr. 2. v. 14. *Quia ergo pueri communicaverunt carni & sanguini, & ipse pater communicavit eisdem.* Et v. 16. *Nusquam Angelos apprehendit, sed semen Abrahæ apprehendit.* Denique Lucæ ultimo, *Palpate & videte, quia spiritus carnem & ossa non habet, sicut me videtis habere.* Nihil expressius præferri potest ad conterendam Hæreticorum impietatem.

V. *Ex officiis & muneribus Christi.*

I. ex officio Redemptoris: proprio etenim sanguine Christus & Ecclesiam acquisivit, & nos à peccato & dæmonis servitute liberavit, ut superius abundè probatum est.

II. ex officio Pontificis. *Omnis Pontifex,* ait Apostolus Hebr. 5. v. 1. *ex hominibus assumptus, pro hominibus constituitur in iis quæ sunt ad Deum.* Unde cap. 5. v. 15. de Christo idem Apostolus dixerat, *Non habemus Pontificem qui non possit compati infirmitatibus nostris: tentatum per omnia pro similitudine absque peccato.*

III. ex officio Mediatoris; is etenim verus homo esse debet, ut & verus Deus: verus homo, ut possit pro nobis intercedere; verus Deus, ut intercessionem valorem ac pretium tribuat, *Unus mediator Dei & hominum, homo Christus Jesus,* ait Apostolus 1. ad Timoth. 2. v. 5.

IV. ex officio doctoris & legislatoris. Filius scilicet divinus, ut nos viam salutis edoceret, missus à Patre fuit: divinæ autem majestatis splendorem homo mortalis sustinere non potuisset, nisi carnis indumento temperatus ac conditioni nostræ fuisset accommodatus. Hac ratione utuntur S. Irenæus L. 5. adversus hæreses c. 1. S. Augustinus L. 1. de doctr. Christiana c. 11.

Atque hæc potissimum Scripturæ testimonia urgebant sancti Ecclesiæ Doctores adversus Manichæos, Marcionitas, Apollinaristas, aliosque veræ ac solidæ carnis Christi oppugnatores.

Addebant & ista rationum momenta. 1. Quia si Christus verè ac substantialiter homo non esset, nihil foret discriminis inter Incarnationem Dei novissimis temporibus factam, & modum, quo veteribus Patriarchis in Lege veteri apparuisse legitur: atqui discrimen istud exponit ipse Apostolus Hebr. 1. v. 1. *Multifariam, multisque modis,* ait, *olim Deus loquens patribus in Prophetis, novissimè, diebus istis locutus est nobis in Filio; quem constituit heredem universorum, per quem fecit & secula.* Veteribus Patriarchis loquebatur Deus per Verbum suum nondum carnè indutum, nobis verò in carne loquitur. Ita S. Irenæus Lib. 5. toties laudato. 2. Idem sanctus Doctor L. 3. c. 20. Christum verè passum inde ostendit, quòd nos ad cruces, arumnas ac labores hujus vitæ patienter tolerandos exemplo suo incitat & adhortatur: at nisi prior ipse arumnis ac doloribus subditus fuisset, nos seduxisset, ac mendaciter imposuisset nobis: unde concludit ibidem Irenæus, nos supra magistrum Christum futuros, qui verè, non fìctè, ut Christus, patimur & affligimur. 3. Suprema & increata veritas nec falli potest, nec fallere: at si Christus phantasticum & umbratile corpus, non verum ac solidum assumpsisset, nos induxisset in errorem, qui tam aptè simulata carnis veritate, se verum hominem exterius gerit ac demonstrat, qualis tamen, si Hæ-

Iren.
p. 292.
Aug. T.
3. part.
1. p. 8.

reticis credimus, reipsa non erat. Ita SS. Irenaeus ibidem; Epiphanius, Augustinus L. 83. quæst. qu. 1. 4. Si Christus fictus dumtaxat ac phantasticus homo erat, ergo & fictus ac umbratilis Deus: neque enim evidentiùs Scriptura ejus divinitatem designat, quàm humanitatem. Ita Tertull. L. 3. contra Marcionem c. 8. 5. Si Christus humanitatis nostræ verè ac propriè particeps non fuit, neque nos divinitatis illius ac cœlestis, qua fruimur, gloriæ, participes esse possumus; omnis enim spes ac salus nostra in Christo capite nostro ac sponse, fidei auctore ac consummatore posita est. Liceat ergo cum S. Joanne Epist. 1. c. 4. v. 2. concludere, *Omnis spiritus, qui confitetur Jesum Christum in carne venisse, ex Deo est: & omnis spiritus, qui solvit Jesum, ex Deo non est, & hic est antichristus.*

Solvuntur Objectiones veterum Hæreticorum.

Obicies 1. Philipp. 2. v. 7. Christus factus dicitur *in similitudinem hominum, & habitu inveniens ut homo*. Et Rom. 8. *Deus Filium suum misit in similitudinem carnis peccati*. Sicut ergo Christus verè peccati carnem non assumpsit, ita nec veram & humanam carnem, sed tantùm externè & apparenter similem.

Resp. nego consequ. Duplex est similitudo: una externæ tantùm apparentiæ; altera, internæ veritatis, ac naturalium proprietatum. Priori modo Christus factus dicitur in similitudinem carnis peccati, quia caro ejus, quoad externam speciem, videbatur caro peccati, tametsi reipsa purissima foret, & ab omni vel minima peccati umbra remota: *Quod ex te natus est sanctum, vocabitur Filius Dei*. Lucæ 1. v. 35. *Qui non novet peccatum*, ait Apostolus 2. Cor. 5. v. 21. *pro nobis peccatum fecit*, (hoc est penas peccati tulit) *ut nos efficeremur iustitia Dei in ipso*. Posteriori modo Gen. 5. v. 3. Adam genuisse dicitur Seth *in similitudinem suam*: hoc est, sibi planè in natura similem seu consubstantialem. Et Jacobi 5. v. 17. Elias dicitur *homo similis nobis passibilis*. Hoc sensu Apostolus dixit Christum factum esse in similitudinem hominum, & habitu ut hominem inventum; id est, verè & quoad substantiam similem nobis fuisse: *qui cum in forma Dei esset, semetipsum exinanivit formam serviti accipiens*. Nomine autem formæ, natura ipsa seu substantia tùm divina, tùm humana intelligitur.

Obicies 2. Christus ipse carnem despexit ac damnat: 1. Cor. 15. v. 50. *Caro & sanguis regnum Dei non possidebunt*: Quomodo igitur veram carnem Verbum assumpsisset? Non aliter ergo Christus caro factus dicendus est, quàm dicitur pro nobis factus *maledictum ac peccatum*; non quidem propriè ac verè, sed apparenter tantùm ac specie tenus.

Resp. dist. ant. Christus carnem ipsam, id est opera carnis, seu peccata damnat, concedo: carnem, id est substantiam carnis, nego. Ita Tertull. L. 5. contra Marc. c. 14. Inde patet longè dissimili ratione Christum pro nobis *maledictum & peccatum* factum: non quòd peccatum fecerit, qui sanctus est ac impollutus, segregatus à peccatoribus; sed quòd peccati penas à nobis, quibus debitz erant, in se transfulerit.

Obicies 3. Joan. 3. v. 13. Christus ait: *Nemo ascendit in cœlum, nisi qui descendit de cœlo, Filius hominis qui est in cœlo*. Et c. 6. v. 41. *Ego sum panis*.

nis virum qui de celo descendit. 1. Cor. 15. v. 47. Primus homo de terra, terrenus; secundus homo de celo, celestis. Quibus in locis videtur Scriptura innuere, corpus Christi de Cælo delapsum esse, ac per Mariam Virginem, tanquam per canalem, transisse: neque enim Deus, ut Deus est ubique diffusus, è Cælo propriè descendere dici potest. Deinde Apollolus corpus Christi opponit terreno, quod corruptioni obnoxium est; non ita verò corpus Christi, de quo dicitur Act. 2. v. 27. Non dabis sanctum tuum videre corruptionem.

Resp. Christum de Cælo descendisse. 1. non ratione corporis, sed divinæ Verbi personæ, non quidem per motum localem, quasi Cælum paternam sedem aliquando deseruerit, absit; sed per assumptionem humanæ nostræ naturæ, qui modus descensus, summa est Verbi demissio & exinatio. Ita S. Hilarius L. 10. de Trinit. 2. Christus è Cælo descendisse dicitur, ratione causæ efficientis, nimirum Spiritus sancti, cujus operatione ac virtute humanitas Christi in utero B. Virginis concepta & formata est. 3. ratione conditionis vitæ Christi, quæ tota divina & celestis fuit, propria & innata sanctitate ac potestate, non autem ipsa corporis conditione. Ad hunc sensum respexisse videtur Apostolus: unde colligit, Christum ejusque discipulos spiritalia sectari; homines verò ex Adamo progenitos, mundana & terrestria, ac concludit: Igitur sicut portavimus imaginem terreni, portemus & imaginem celestis. Ita Tertull. L. de carne. Chr. c. 8. Quamobrem antithesis quæ Joan. 3. instituitur, cum Christus dicitur venire de Cælo, homines verò è terra; antithesis, inquam, illa, non probat carnem Christi è Cælo descendisse, sed tantum nudos & meros homines è terra oriundos S. Joannes Christo opponit: cum verò 1. Cor. 15. Christus opponitur Adamo, oppositio non fit ratione carnis, secundum quam vocatur filius Adami, Lucæ 3. v. 38. sed ratione personæ ac officii. Pariter corpus Christi ante mortem celestis ac immortalis corporis dotibus ornatum non fuit, tametsi corruptionem non senserit quamdiu jacuit in sepulchro: fieri etenim non poterat, ut corpus, cui unita erat divinitas, corruptioni aliis corporibus propriæ ac communi subjaceret.

Objicies 4. S. Matth. ait quidem in Maria natum Christum, non ex Maria; quæ loquend ratio significataliunde in Mariam adductam Christi carnem, non ex illa genitam: quapropter Christus ipse profitetur, se neque matrem, neque fratres habere: *Quæ est mater mea, inquit, & qui sunt fratres mei?* Matth. 12. v. 48. & Joan. 2. v. 4. *Quid mihi & tibi est mulier?* dicebat Mariam alloquendo, quam nusquam matrem suam appellasse legitur, sed nudè ac simpliciter mulierem.

Resp. vanam omnino ac futilem esse illam Hæreticorum argutiam, seu, ut ait Tertullianus L. de carne Christi cap. 20. *tortuositatem*, in assignando discrimine inter particulas *in* & *ex*; in eundem enim sensum hic recidunt: *In ea enim erat*, ait Tertull. *quod ex ea erat*. Præterea S. Lucas usus est particula *ex* c. 1. v. 35. *Quod ex te nascetur sanctum, Filius Dei vocabitur*. Christus non negat sibi & matrem & fratres, id est consanguineos revera esse; sed falsam dumtaxat Judæorum mentem, qui communi cæterorum hominum more illum ex matre genitum esse opinabantur, emendare vult ac corrigere. Deinde citatis verbis innuit, matrem ac fratres spirituales, qui legem Dei religiosè

observant, carnalibus longè anteponendos esse, & potiori apud se in loco habendos. Quapropter ibid. Matth. 12. v. 49. Christus manus in Discipulos suos extendens dicebat: *Ecce mater mea & fratres mei. Quicumque enim fecerit voluntatem Patris mei qui in celis est, ipse meus frater, & soror, & mater est.* Et Lucæ 11. v. 27. cum quædam de turba mulier exclamasset, *Beatus ventris qui te portavit:* respondet Christus, *Quinimò beati qui audiunt verbum Dei, & custodiunt illud.* Cum verò Jo. 2. Christus ad matrem dixit, *Quid mihi & tibi mulier?* non negavit Mariam suam esse matrem; sed apposuit ad circumstantias temporis & miraculi quod mox operaturus erat, convertendo scilicet aquam in vinum in nuptiis Cana Galilææ, (quod miraculum postulaverat B. Virgo) Christus reponit, nihil sibi & matri ea in re commune esse: virtutem etenim & potentiam tanti miraculi patrandi, non à matre per temporalem, sed à Patre suo per æternam in splendoribus sanctorum generationem accepit. Ita S. Augustinus Libro de Fide & Symbolo c. 4. *Nec nos, inquit, ad negandam Christi matrem cogit, quod ab eo dictum est, Quid mihi & tibi &c. sed admonet potius ut intelligamus secundum Deum non cum habere matrem, cuius maiestatis personam parabat ostendere, aquam in vinum vertendo.* Et si verò Christus B. Virginem nulquam conceptis verbis matrem suam appellaverit, (ne forte, ait S. Epiphanius hæresi 79. errandi occasione aliquibus daret) non obscurè tamen hanc maternitatis in ea dignitatem declaravit, cum se *filium hominis* professus est. Aliunde verò S. Joannes clarè & expressè Mariam Christi matrem appellat: *Stabat, inquit, iuxta crucem Jesu mater ejus, & soror matris ejus.* Et, *Cum vidisset Jesu matrem, & discipulum stantem quem diligebat, dixit matri suæ: Mulier, ecce filius tuus.*

Objicies 5. Christus olim veteribus Patriarchis carne indutus apparuit, ambulavit, manducavit, locutus est &c. Angeli pariter sub eo carnis velo visi sunt multas vitæ corporis & animalis operationes exercuisse; neque tamen ex istis eorum operationibus inferre libet, eos veram humanitatem in unitatem suppositi assumpsisse; ergo pariter concludi illud non potest ex operationibus Christi dum in terris apparuit.

Resp. imò potius contrarium inferri debere. Cum enim Lex vetus novæ dumtaxat figura & umbra fuerit, ut veritas figuræ responderet, necesse fuit Christum in nova Lege veram ac solidam carnem sibi assumere, quam in veteri, fictam tantum & umbratilem gestaverat: (si tamen verum est, quod nonnullis videtur, Christum ipsum, & non potius ejus loco Angelos, in assumptis corporibus aliquando Veteribus apparuisse, & cum illis conversatum esse) *At caro illa, inquit Tertullianus, nondum tunc nata erat, quia nondum tunc moritura erat: si autem vera caro erat, hanc per meram & extrinsecam assistentiam movebat Deus, non per veram sui cum illa hypostaticam unionem.* Angeli verò qui visibiles aliquando facti leguntur, vel ex aere, aut alia qualibet materia compactum corpus certa quadam ratione moverunt, in quo actiones vitæ, quales sunt, loqui, ambulare, manducare &c. exercere quidem visi sunt: at verè illæ non erant vitales & animales operationes, sed apparentes dumtaxat & externæ; quod quidem apertè declaravit Angelus Tobie, *Videbar quidem, ajebat, vobiscum manducare & bibere; sed ego cibo invisibili & potu, qui ab hominibus videri non potest, utor.* Christi autem verè, reales ac vitales erant actiones; verè manducavit, sitivit, verè passus ac mortuus.

ARTI-

ARTICULUS SECUNDUS.

An Verbum divinum humanitatem per se subsistentem, seu personam hominis, assumpserit, vel saltem assumere potuerit.

CONCLUSIO.

Verbum divinum non assumpsit, imò nec assumere potuit humanitatem per se subsistentem, seu personam hominis.

Prima hujus Conclusionis pars abundè demonstrata manet ex iis quæ contra Nestorium superius pertractata sunt. Quippe, si Verbum non tantum naturam, sed & personam hominis assumpsisset, duplex in Christo agnoscenda foret persona, una divina, humana altera, qui ipsemet fuit Nestorii error.

Secunda verò pars ostenditur.

I. Quia implicat in terminis, naturam per se subsistentem, seu personam, hypostaticè cum altera persona conjungi. Quid enim est hypostaticè uniri cum aliquo? nisi naturam in alio subsistere, per alium compleri & ultimò terminari in ratione suppositi. At persona ex sese subsistit, completur, & ultimò terminatur; est quippe subsistentia seu personalitas, naturæ ultimum complementum, reddens eam alteri tanquam supposito incommunicabilem.

II. Quod ex duabus naturis completis ac unitis resultaret, non esset totum per se, sed totum per accidens: at implicat Verbum divinum summè ac infinitè perfectum, fieri totum per accidens.

III. Non alio fundamento, qui adversus Nestorium nianus conseruerunt, ducti sunt ut errorem ejus confoderent, oppositamque fidei veritatem tuerentur, quàm quòd unio duarum personarum nunquam physica esse possit ac hypostatica, sed moralis dumtaxat & accidentalis, quam solam re ipsa Nestorius admittebat in Christo inter Deum & hominem: unde consequens erat, sicut antea demonstratum est, Christum natura & substantia Deum non esse, sed per gratiam dumtaxat, per adoptionem, & potestatem à Deo acceptam.

IV. Ita sentiunt Veteres.

Rusticus Diaconus in disputatione contra Acephalos. *Ex præexistenti-* *Biblist. P.P.Te.*
bis, inquit, per se personis unio secundum substantiam fieri nequit. *10. p.*

S. Maximus martyr in Opusculo de S. Cyrilli sententia, negat ex duabus *375. D.*
hypostasis separatis, quid unum posse confici.

Boetius L. de duabus naturis & una Christi persona, ante medium, Omnino, ait, *ex duabus personis nihil unquam fieri potest. Unum igitur esse dicimus Christum: quod si ita est, unam quoque sine dubitatione personam esse necesse est; nam si duæ personæ essent, unus esse non posset.*

ARTICULUS TERTIUS.

An Verbum divinum assumpserit naturam universalem ab omnibus individuis abstractam, an singularem.

CONCLUSIO.

Verbum divinum naturam singularem assumpsit, non universalem ab omnibus individuis abstractam.

Probatur, & quidem apertissime. Quia nempe Verbum assumpsit aliquid reale ac positivum: at natura universalis ab omnibus individuis abstracta, non nisi per mentem abstrahentem subsistit: sola quippe natura singularis & individua quid reale ac positivum est; ergo hanc assumpsit Verbum. Et verò Christus est hic homo, non omnis homo; ergo naturam singularem assumpsit, non universalem.

Præsentī quæstioni locum dedisse videntur ex Veteribus nonnulli, qui nonnunquam asserunt Verbum assumpsisse naturam communem. Ita Marius Victorinus L. 3. contra Arium; S. Damasc. L. 3. de fide orth. cap. 6. Verum loquuntur illi de communitate physica, quia Verbum nostræ prorsus similem ac consubstantialē naturam assumpsit; non de communitate universalitatis logicæ, quæ merus est mentis fœtus. Vel intelligendi sunt de assumptione morali, quia omnes homines unum quid sunt in Christo, veluti membra in suo capite, à quo spiritum vitæ percipiunt.

Dices: Natura rationalis, singularis & individua, eo ipso subsistens est ac vera persona; ergo Verbum assumendo naturam humanam singularem & individua, simul & assumpsit personam.

Resp. nego ant. Ex alio enim capite Philosophi repetunt tum individuationis naturæ, tum personalitatis principium. Natura eo ipso singularis est ac individua, quoniam non est universalis, qualis certè nulla est in rerum natura: neque enim v. g. aut humanitas est homo, aut homo est universa humanitas; quæcumque tandem causa supponatur, vel principium individuationis, de quo disputant Metaphysici. Natura verò rationalis subsistens dicitur ac vera persona, eo ipso quo in se ac per se subsistit ac tota est & perfecta, nec ab alia digniori in unitatem suppositi assumitur. Porro Verbum divinum in ipso primo conceptionis Christi momento, naturam ejus singularem apprehendit, nondum per se subsistentem, nec totam ac perfectè completam, ac consequenter non veram personam.

ARTICULUS QUARTUS.

Fuitrum angelica natura, vel etiam irrationalis, potuerit à Verbo assumi.

Naturam angelicam perinde ac humanam à Verbo assumptam fuisse, nonnulli, de quibus Tertullianus Lib. de Carne Christi, existimasse videntur.

Ori-

Origenes, referente S. Hieronymo Episk. ad Avitum, censuit Christum etiam in aere, & in supernis locis aliquando passurum pro dæmonum salute.

Verum huiusmodi figmentis apertè contradicit Apostolus Hebr. 2. v. 16. *Nusquam, inquit, Angelos apprehendit, sed semen Abrahæ apprehendit.*

PRIMA CONCLUSIO.

Verbum divinum potuisset, si voluisset, naturam angelicam sibi in unitatem suppositi uniri. Quare verò eam non assumpserit, non certò, sed ex conjecturis dumtaxat definiri potest.

Prima pars certissima est. Non enim magis repugnat angelicam naturam à Verbo assumi, quàm humanam; imò major, si dicere fas est, videtur esse repugnantia ex parte humanæ, quàm angelicæ naturæ.

Secunda pars non minùs certa & evidens est. Eorum enim quæ à libera Dei voluntate unicè pendent, nulla certa ratio reddi potest, cur sint, vel non sint.

Conjecturis igitur hic indulgendum, cur scilicet angelicam naturam Verbum assumere noluerit.

I. Quia gravior fuit Angelorum culpa, quàm hominum. Eo quippè gravior culpa est, quò perfectior natura. *Tamò, ait S. Augustinus Tract. 110. in Joan. damnabilior eorum iudicata est culpa, quando erat natura sublimior.*

To. 3. p.
2. pag.
779. B.

II. Quia licèt & Angelus & homo superbia lapsus fuerit, superbix Angelorum accessit invidia: Angeli non tantùm inobedientiæ rei fuere, sed & suosores, homines ad peccandum impellendo. *Serpens*, id est dæmon sub specie serpentis, *decepit me*, inquebat Eva Gen. 3. v. 13. Ita S. Augustinus L. 3. de lib. arb. capite ultimo.

To. 1. p.
612. A.
B.

III. Cùm homo sit Angelo longè magis versatilis ac mutabilis, còetiam capax magis fuit reparationis: Angeli quippè in proposito tenaces ac constantes sunt, unde à lapsu erecti ac reparati non fuere. Ita Jobius apud Photium.

Phot.
Bibl. p.
591.
Pa. 96.
col. 1.

IV. Quia non omnes Angeli lapsi sunt, sicut in lapsu unius Adami omnes homines inclusi fuere, in quo omnes peccaverunt. Ita S. Anselmus L. 1. Cur Deus homo, c. 21.

V. Quia in angelica natura non potuisset, sicut in humana, Christus mori. Ita S. Anselmus ibidem.

VI. Per reparationem hominum, reparatæ quoque fuerunt Angelorum ruinæ. Ita S. Bern. Sermon. 1. de Adventu Domini, n. 9.

To. 1. p.
719. A.
B.

SECUNDA CONCLUSIO.

Verbum non potuit naturam irrationalem assumere.

Pudet huiusmodi quæstiones movere, quæ per sese absurdæ sunt ac insulæ; quasi brutum animal assumi unquam posset in unitatem divinæ personæ, ac

ac consequenter Deus natura & substantia fieri, sicut homo Christus Verbo hypostaticè conjunctus, Deus est ac dicitur; quasi proprietates utriusque naturæ, tum bruti, tum Dei, de una & eadem divina persona prædicari unquam possent! Verùm hæc omittamus, à quibus refugium aures christianæ.

ARTICULUS V.

De ordine quo humanitas à Verbo assumpta fuit. An immediatè Verbum carnem assumpserit, an verò anima mediante.

Ordio ille considerari potest secundùm prioritatem, vel temporis vel naturæ. Prius tempore dicitur, quod alio priùs existit: sic in creatis, pater prior est filio. Prius verò natura, quod vel causa est alterius, vel saltem prærequiritur ut aliud sit. Ita Sol v.g. natura prior dicitur lumine, cujus est causa; & ultima materię dispositio prior infusione formæ, quia ad istam prærequiritur.

Priori sensu queritur, quo præcisè temporis momento humanitas Christi Verbo unita fuerit; an aliqua sui parte priùs tempore perfecta extiterit, quàm unita Verbo.

Posteriori verò sensu queritur, an priùs prioritate quadam naturæ, mediationis ac præsuppositionis assumpta fuerit anima, quàm caro.

Adversus primum errarunt Origenes & Nestorius. Ille Christum priùs existisse hominem perfectum, tum essentia, tum persona, quàm à Verbo assumeretur: ille priùs creatam ejus animam, quæ suis bonis operibus meruit hypostaticam cum Verbo conjunctionem, existimavit.

Circa caput alterum, communis SS. Patrum ac Theologorum sententia est, Verbum anima humana mediante, carni unitum fuisse. Disputant Scholæ Theologi, quæ ratione anima medium fuerit unionis Verbi cum carne: andignitatis tantum, an causalitatis; an ex congruentia, vel ex necessitate.

His positis, sit

PRIMA CONCLUSIO.

Verbum divinum nullo instanti temporis priùs assumpsit animam quàm corpus, nec Christus priùs homo perfectus fuit, quàm hypostaticè conjunctus fuerit cum Verbo: sed eodem instanti temporis. Verbum & animam & corpus humanum assumpsit.

Prima pars ex Scripturis manifesta est. Lucæ 1. *Quod ex te nascetur sanctum, vocabitur Filius Dei.* Non ergo priùs Christus extitit quantum ad unionem naturæ utriusque, quàm natus sit ex Maria Virgine: humana porro natura animam includit humanam; ergo non priùs extitit anima Christi, quàm ejus humana natura. Hoc ipsum evincunt verba hæc planè decretoria Joan. 1. *Verbum caro factum est. Ubi enim, ait S. Augustinus, hoc factum est? nisi in utero virginali, ubi fuit initium hominis Christi.*

Sententia Origenis de præexistentia animarum, ab Ecclesiæ rejecta semper

per fuit & improbata: ſpeciatim verò præexiſtentiam animæ Chriſti damnat Juſtinianus Imperator in Epistoſta ad Mennam, quam à Vigilio S. Pontifice approbatam fuiſſe teſtatur Liberatus . Anathematismi ſecundi hæc verba ſunt: *Si quis dicit aut ſentit Domini animam prius exiſtiſſe, atque unitam fuiſſe Deo Verbo ante incarnationem & generationem ex Virgine, anathema ſit.* De hoc ipſo errore loquitur S. Joannes Damascenus Lib. 4. de fide orthodoxa c. 6. Non, inquit, quemadmodum quidam falſò prædicant, mens ante carnem ex Virgine aſſumptam, Deo Verbo copulata eſt, & iam tunc Chriſti nomen accepit. Commentum enim hoc inter Origenis deliramenta recenſetur, qui animas corporibus eſſe vetuſtiores docuerit.

Tom. 5.
Conc. P.
678. E.
Pagina
256. D.

Secunda Concluſionis pars, quæ Neſtorium ſpectat, fuſè ſuperius à nobis demonſtrata eſt.

Tertia pars, eodem ſcilicet instanti temporis, humanitatem Chriſti conceptam fuiſſe, & cum Verbo hypoſtaticè conjunctam, nec ulla ſui parte prius exiſtiſſe Chriſtum ut hominem, quàm cum Verbo conjungeretur,

Probatur communi SS. Patrum ſententia.

Sancti Athanaſii Libro 1. de Incarnatione contra Apollinarium, n. 4. *Carnis, inquit, cum Verbi divinitate conjunctio ex utero facta eſt: inde enim ipſi Verbum, cum à Cælo adveniſſet, originem dedit; quippè non erat antequam Verbum adveniret, aut ante Deiparam Mariam &c.*

Tom. 1. p.
924. C.

S. Auguſtini Enchiridii c. 36. *Quid enim, inquit, humana natura in homine Chriſto meruit, ut in unitatem perſonæ uniti Filii Dei ſingulariter eſſet aſſumpta? Quæ bona voluntas, cujus boni propoſiti ſtudium, quæ bona opera præceſſerunt, quibus mereretur iſte homo una fieri perſona cum Deo? Numquid antea fuit homo, & hoc ei ſingulare beneficium præſtitum eſt, cum ſingulariter promeretur Deum? Nempe ex quo eſſe homo capit, non aliud capit eſſe homo, quàm Dei Filius.*

Tom. 6. p.
210. D.

S. Cyrilli Alexandrini Epistoſta ſecunda ad Neſtorium, ubi ait: *Non enim primò vulgariſ quiſpiam homo ex Virgine ortus eſt, in quem Dei Verbum deinde ſe de miſerit; ſed in ipſo utero carni unitum, ſecundum carnem progenitum diſci- tur, utpote ſue carnis generationem ſibi ut propriam vindicans.*

Tom. 3.
Conc. P.
320. A.

Theodoretſ Dialogo 2. *Si ergo, inquit, ne punctum quidem temporis inter- ſectum fuit inter aſſumptionem carnis & unionem, & aſſumpta natura non fuit ante aſſumptionem & unionem, eandem rem ſignificant incarnatio & unio; una igitur natura ante unionem ſeu incarnationem fuit.*

Tom. 4. p.
67. C.

S. Fulgentii in Lib. de fide ad Petrum cap. 18. ſeu Regula 15. *Firmiſſimè te- ne, ait, & nullatenus dubites, carnem Chriſti non ſine divinitate conceptam in ute- ro Virginis, priuſquam ſuſciperetur à Verbo, ſed ipſum Verbum Deum ſuæ carnis accptione conceptum, ipſamque carnem Verbi incarnatione conceptam.*

P. 525.

Denique, ut alios plures omittamus, S. Leo Epistoſta 25. alias 11. ſic loqui- tur: *Natura noſtra non ſic aſſumpta eſt, ut priuſ creata, poſt aſſumeretur; ſed ut ipſa aſſumptione crearetur.*

Tom. 1. p.
487. 2. 3

Probatur maniſeſta ratione. Anima ſcilicet Chriſti ejuſdem planè fuit cum noſtra conditionis: atqui anima humana non priuſ creatur, quàm in- fundatur corpori; ſed infundendo creatur, & creando infunditur. Hoc unum diſcrimen occurrit, quòd in humana & ordinaria generatione, paulatim & quaſi per gradus materia diſponitur ac præparatur, organa apte con- for-

formantur; Christi verò corpus, operante Spiritu sancto, statim & præparatum, & perfectum fuit.

SECUNDA CONCLUSIO.

Verbum divinum carnem assumpsit anima mediante; adeoque priùs prioritate naturæ aut quasi naturæ, assumpta est anima, quam caro, non ex congruentia tantum, sed ex necessitate.

Ita sentiunt SS. Patres.

S. Gregorius Nazianz. Orat. 1. *Ob hanc causam, inquit, Deus animæ intervenit carni junctus est; ac res inter se distinctæ ac dissidentes per interposita rei cum utraque illarum affinitatem & cognationem copulata sunt: atque omnia propter omnia, & pro uno illo generis nostri principe in unum coierunt.* Et Orat. 35. *Per intermediam mentem, ait, Verbum cum carne conjunctum est.* Rursus 575. A. *Oratione 51. seu Epistola 1. ad Cledonium: Mens menti, inquit, ut propinquiori & conjunctiori jungitur, ac per eam carni; inter divinitatem & carnis molem intervenientem.*

S. Ambrosius Tract. de Trinit. aliàs in Symbol. c. 13. *Verbum, inquit, & substantia Dei, quæ per omnia incorporea est, corpori humano inseri non poterat, nisi aliqua spiritali natura mediante, id est anima.*

Rufinus scribens pariter in Symb. eandem sequitur doctrinam, & comparatione illustrat. Nempè, *Sicut lux omnia membra corporis illustrare quidem potest, à nullo tamen eorum, nisi à solo oculo capi potest; solus est enim oculus qui capax est lucis. Et Filius ergo Dei nascitur ex Virgine, non principaliter soli carni sociatus; sed in anima in carnem Deumque media generatur. Anima ergo media, & in secreta rationabilis spiritus arce Verbum Dei capiente, absque ulla quamvis picaris injuria, Deus est natus ex Virgine.*

S. Augustinus Epist. 137. aliàs 3. ad Volusianum: *Ipsa (Deitas), inquit, animam rationalem, & per eandem etiam corpus humanum totumque omnino hominem sibi coaptavit.* Et Epist. 140. aliàs 120. c. 4. *Verbum, ait, particeps carnis effectum est rationali anima mediante.*

S. Greg. Magn. L. 18. Moral. cap. 20. aliàs 12. *Dominus, inquit, per divinitatem lumen est; quod, mediante anima, in eius utero (B. Virginis) fieri dignatus est per humanitatem corpus.*

Ante illos omnes vel ipse Origenes L. 2. de principiis c. 6. sic scripserat: *Hæc ergo substantia animæ inter Deum carnemque mediante: non enim possibile erat, Dei naturam corpori sine mediatore misceri.*

Idonea maxime visa est hæc doctrina confutandis tum Paganis Mysteriorum nostrum irridentibus, tum Apollinaristis Christum anima humana spoliatis. Et verò si non potuit divinitas cum humanitate, nisi anima mediante, copulari, omnino necesse est animam humanam in Christo agnoscere.

Quod verò Paganos spectat, eo imprimis argumento Incarnationem irridebant illi, quod fieri non posset spiritum simplicissimum, qualem Deum agnoscunt & adorant Christiani, intimè uniri cum crasso corpore.

Reponebant verò Ecclesiæ Doctores 1. animam humanam, quæ spiritua-

ritualis est, intimè tamen uniri cum humano corpore. 2. Deum nonnisi mediante anima spiritali, humano corpori copulatum fuisse, ac consequenter nullam ex illa unione maculam contraxisse. Ex verò si anima hominis ex commercio seu societate cum corpore non foedatur nec polluitur, multò minùs Deus ex sui unione cum anima humana: minor quippè disproportionis est, saltem ratione naturæ spiritalis, inter Deum & animam, quàm inter animam & corpus.

Conclusio istis rationibus confirmatur. 1. Natura spiritalis perfecta & completa, quæ nata non est ut sit alterius pars, non potest cum substantia corporea seipsa immediatè conjungi. 2. Divinitas ex sese veritas est, sapientia, sanctitas: at caro immediatè ac per se incapax est veritatis, sapientiæ & sanctitatis. 3. Deus longè faciliùs attingitur operatione, quàm substantia: cum ergo substantia materialis ac corporea operatione sua Deum atrectare non possit, quantò minùs propria & immediata substantia. 4. Substantia corporea nonnisi animæ interventu gratiæ & sanctitatis capax est; ergo nec increatam ac substantialem divinæ personæ gratiam, nonnisi anima mediante, percipere potest. 5. Non corpora, sed animæ Justorum dicuntur esse sedes sapientiæ & sanctitatis. 6. Vis tota Incarnationis divinæ sita est in altissima divinitatis in naturam assumptam immutatione; hæc porro immutatio deitatis in carnem, vix intelligi potest sine interventu animæ spiritalis.

Ista rationum momenta eleganter collegit Pètrus Cluniacensis Abbas, L. 2. Epistolarum, Epistola prima.

Ex quibus faciliè inferes, non tantùm ex congruentia, ut omnes fatentur, sed ex necessitate, Verbum nonnisi anima mediante, humanam sibi carnem assumpsisse.

Dices 1. Anima humana, licet spiritalis, immediatè unitur corpori: quidni pariter Verbum cum carne immediatè uniri potest?

Resp. disparem esse rationem. Anima quippè humana pars est hominis, ex sese nata & destinata ut cum altera comparte, humano nempe corpore, copuletur ad hominem efficiendum: at divinitas non est pars, sed totalis & adequata substantia, quæ non destinatur ad totum aliquod cum altera parte componendum; at seipsa sola perfecta est, ac sibi sufficit.

Dices 2. Triduo mortis Christi Verbum reipsa unitum permanxit cum corpore sine anima: quidni ergo cum ipso sine anima copulari primum potuit?

Resp. Verbum triduo mortis remansisse quidem unitum cum corpore; at priùs nonnisi anima mediante cum illo conjunctum fuerat: quamdiu autem anima à corpore separata fuit, Verbum tamen si corpori conjunctum, nullas humanas actiones exercuit; quia hoc intervallo temporis, Christus verus homo non erat, sicut existimavit Magister Sententiarum, eo in capite reprehensus, & à suis discipulis derelictus.

QUÆSTIO NONA.

De consecratiis unionis hypostaticæ.

Sunt hæc præcipua unionis hypostaticæ consecraria.

I. An duæ sint in Christo voluntates & operationes.

II. An, & quæ admittenda sit idiomatum communicatio.

III. An Christus dici possit compositus. An dici possit esse duæ naturæ; vel ex, aut in duabus naturis; aut ex tribus substantiis.

ARTICULUS PRIMUS.

An sit in Christo duplex voluntas & duplex operatio, divina & humana.

Negatunt Monothelitæ, quorum error circa annum Christi 629. vel 630. exortus est, auctore Athanasio Jacobitarum Patriarcha. Quosensu verò Monothelitæ unam in Christo voluntatem & operationem intellexerint, fusè à nobis expositum fuit initio hujus Tractatus à pag. 41. ad pag. 50. quem in locum lectorem remittimus.

Monothelitarum error ab Eutychiano, tanquam rivulus à fonte nascitur: pronum quippè est, ut qui unam tantum post unionem in Christo naturam admittunt, nonnisi unam quoque voluntatem & operationem agnoscant.

Sergius in Epistola ad Honorium S. P. quæ relecta est Actione 12. Sextæ Synodi generalis, in eo errorem unius voluntatis reponere videtur, quòd sola divinitas in Christo ageret, humanitas verò esse velut quoddam passivum instrumentum. Operatur quippè, ait, *verè deitas per corpus... ut sit carnis quidem passio, Dei autem operatio.*

Tom. 6.
Conc. p.
925. A.

Et Theodorus Pharanita, in fragmentis quæ referuntur in Concilio Lateranensi sub Martino I. Secretario, seu Sessione tertia: *Oportet igitur, inquit, ita sapere & dicere nos, omnia quæ in Incarnatione Salvatoris Christi dicuntur esse, unam operationem esse, huius autem opificem & creatorem, Deum Verbum; organum verò, humanitatem consistere. Ergo quæque velut de Deo aut humanè de ipso dicuntur, omnia una operatio est, Verbi divinitas.* Et Cyrillus Alexandrinus Antistes, in capitulo septimo quod ibidem relectum fuit, ait eundem unum Christum & unum Filium, operari Deo decibilia & humana: *una Dei & viri operatione*, quia omnis divina & humana operatio ex uno eodemque incarnato Deo. Verbo procedebat. Operationis unitatem ille repetit ex unitate personæ operantis.

Ibid. p.
166. D.
E.

Ibid. p.
175. B.

Paulus Constantinopolitanus, unus ex præcipuis erroris Monothelitarum assertor, in Epistola ad Theodorum S. Pontificem, quæ refertur in eodem Concilio Lateranensi, Secretario quarto, fingit se ea præcipuè de causâ, unam, non duas in Christo voluntates propugnare, ne contrarietatem ac dissonantiam cogatur inter illas agnoscere: *Unam, inquit, voluntatem Domini nostri Jesu Christi intelligimus, ne contrarietatem aut differentiam voluntatum uni eidemque personæ Domini nostri Jesu Christi applicemus... aut duos volentes introducamus.* Addit postea, *ex unica voluntate in Christo*, non sequi natu-

Ibid. p.
226. E.

TATUM

ratum confusionem. Ex quo faciliè intelliges, non omnes Monothelitas eutychiano errori addictos fuisse.

CONCLUSIO.

Duplex fuit in Christo voluntas & operatio.

Triplici argumento ex Scripturis, catholicum istud dogma demonstramus. 1. ex verbis Christi. 2. ex factis: 3. ex actionibus & passionibus Christi.

PRIMUM ARGUMENTUM

Ex verbis Christi.

Matth. 26. v. 39. discretè Christus suam à paterna voluntatem distinguit. *Pater mi, ajebat, si possibile est, transeat à me calix iste. Verumtamen non sicut ego volo, sed sicut tu.* Lucæ 22. v. 42. *Verumtamen non mea voluntas, sed tua fiat.* Joan. 6. v. 38. *Descendi de Cælo, non ut faciam voluntatem meam, sed voluntatem eius qui misit me.* Voluntas porro illa Christi humana fuit, non divina; siquidem, ut una est in tribus divinis personis essentia, ita & una voluntas, *Ego & Pater unum sumus*, Joan. 10. v. 30. Imò & humana illa Christi voluntas, quamquam motu & inclinatione naturali mortem refugeret, perfectè tamen divinæ Patris sui voluntati subdita & obediens fuit. Ita laudatos Scripturæ textus exponunt ac interpretantur SS. Ecclesiæ Doctores.

S. Gregorius Nyssenus in Libro contradictionum contra Apollinarem, laudato in VI. Synodo, Actione 10. *Quis igitur, inquit, alia est humana voluntas, & alia divina, loquitur quidem & quasi ex homine, quod infirmitati nature congruit, qui nostras passionibus assumpsit. . . . Qui enim dixit, Non mea, humanam hoc sermone significavit, Addens verò, tua, ostendit consuetudinem suæ deitatis ad Patrem, cuius nullæ voluntatis est differentia propter communis-tem naturæ. Nam Patris dicens, voluntatem etiam Filii demonstravit.* Tom. 6. Conc. 2. 796. B.

S. Athanasius, Libro de Incarnatione contra Arianos n. 21. *Cum ait (Christus) inquit, Pater, si possibile est, transeat à me calix iste: verumtamen non mea voluntas, sed tua fiat. Et, Spiritus quidem promptus est, cæro autem infirma: duas voluntates ibi ostendit, alteram humanam, quæ est carnis; alteram divinam, quæ Dei est. Siquidem humana ob infirmitatem carnis, deprecatur, passionem; divina autem eius voluntas prompta est.* T. 1. p. 887. D.

S. Ambrosius L. 10. in Lucam n. 59. & 60. *Quod autem ait (Christus): Non mea voluntas, sed tua fiat; suam, ad hominem retulit; Patris ad divinitatem: voluntas enim hominis, temporalis; voluntas divinitatis, æterna: Non alia voluntas Patris, alia Filii: una enim voluntas, ubi una divinitas.* T. 1. p. 1517. B.

Denique S. Augustinus L. 2. contra Maximinum c. 20. *In hoc, inquit, quod ait, Non quod ego volo; aliud se ostendit voluisse quam Pater; quod nisi humano corde non potuisset, cum infirmitatem nostram in sumum; non divinum; sed humanum transiret affectum. Homine quippe non assumpto, nullo modo posset immutabilis illa natura quidquam aliud velle quam Pater.* T. 8. p. 720. E. F.

SE.

SECUNDUM ARGUMENTUM

Ex factis Christi.

Tria hic ex multis aliis, quæ urget S. Maximus in Disput. cum Pyrrō, feligimus.

Primum. Joan. 1. v. 43. refertur voluisse Christum *in crastinum exire in Galileam*. Unde sic arguit S. Martyr: Si Christus intrare voluit in Galileam; ergo ibi non aderat. Quomodo autem non aderat? non divinitate profectō, quæ ubique est; ergo humanitate; ergo non quatenus Deus, sed quatenus homo voluit in Galileam ire. Ergo humana in ipso fuit voluntas: de divina quippè non disputabant Monothelitæ.

Secundum colligitur ex cap. 7. S. Marci c. 24. ubi dicitur: *Inde surgens (Christus) abiit in fines Tyri & Sidonis; & ingressus domum, neminem voluit scire, & non potuit latere*. Inde sic arguit S. Maximus: Voluit Christus latere, & non potuit: sed de divina ejus voluntate, cui omnia possibilis sunt, istud intelligi non potest; ergo intelligi debet de humana voluntate. Erat ergo in Christo humana voluntas à divina distincta; ac latere voluit quatenus homo, non quatenus Deus erat. Idem argumentum proponit S. Joan. Damasc. l. De duabus Christi voluntatibus.

Tertium petitur ex cap. 7. S. Joan. v. 1. ubi dicitur: *Post hæc ambulabat Jesus in Galileam; non enim volebat in judæam ambulare, quia quærebant Judæi eum interficere*. Sic autem inde argumentatur S. Maximus: Christus, quæ natura ambulabat, eadem voluntate voluit aut noluit ambulare: atqui procul dubio secundum humanam naturam ambulabat; ergo ex voluntate humana voluit aut noluit ambulare. Ergo humana fuit in Christo voluntas.

TERTIUM ARGUMENTUM

Ex actionibus & passionibus Christi humanis.

I. Christus passim in sacris Litteris turbatur, tristatur, lachrymas fundit, indignatur, elurit, stitit, & alia id genus similia, quæ sine humana natura & voluntate exponi non possunt. Docet etenim S. Augustinus l. 14. de Civitate Dei, laudato in Synodo Lateranensi sub Martino I. Secretario 5. *non ex carne tantum animam affici ut metuat, cupiat, latetur &c. Verum etiam ex seipsa his posse motibus agitari. Intereff autem, qualis sit voluntas hominis: quia si perversa, & perversos habebit hos motus; si autem recta est, non solum inculpabiles, verum etiam laudabiles erunt*. Christus igitur ex voluntate humana, sicut & natura, varios illos motus expertus est. *Suscipit ergo, ait S. Ambrosius l. 2. de fide ad Grac. 3. Actionem* 10. Syn. VI. *laudatus, voluntatem meam, suscipit tristitiam meam. Confidenter tristitiam nomino, quia Crucem prædico. Mea est voluntas, quam suam dixit: quia ut homo suscepit tristitiam meam, ut homo locutus est. Et S. Joan. Damasc. l. De duabus voluntatibus n. 8. Divine, ait, voluntatis non est cibi, potusque*

tusque appetitio, ac velle locum ex loco mutare, & similia; sed humane. Sanctius pariter Joannes Chrysostomus Hom. 66. in Joan. exponens qua ratione Christus turbatus fuerit, docet id factum ex humana ejus voluntate; ut nempe se verum hominem probaret ac demonstraret, & occurreret illorum querimoniæ, qui forte dicturi erant, non magnum quid illum facere, qui ad mortem perferendam alios hortaretur, cum ipse illam non timeret, quam sentire non posset; qua re, ait S. Doctor, ostendebat, non se ab humanis esse affectionibus immunem. *Quemadmodum enim, neque esurire, neque dormire crimini dandum est, ita neque vitam presentem optare. Christus autem corpus omni peccati labe purum habebat, non tamen naturalibus non obnoxium necessitatibus, siquidem non fuisset corpus.*

Edic.
Cœmel.
P. 345.
A.

II. Christus in Scripturis factus dicitur obediens usque ad mortem, mortem autem crucis. At virtus obedientiæ in Christum, quatenus Deus est, cadere non potest; obedientia quippe superiorem indicat, cui subiectus est ille qui obsequitur: Deus autem nullum supra se agnoscit. Ita S. Maximus, De duabus unius Christi Dei nostri voluntatibus. In eo, inquit, quod orat, naturalem sponte infirmitatem (carnis scilicet) timore ac pavore ostentat, nec prorsus innititur, sed ait: Si possibile est. Et, Non quid ego velim, sed quid tu... Moxque rursus maximam adversum mortem animi vim exerit, summamque humane suæ voluntatis, cum propria sua, Patrisque voluntate, necessitudinem ac unionem prodit, iudicio suo approbans, dicensque, Non mea, sed tua voluntas fiat: hinc quidem divisionem, illincque rursus confusionem procul eliminans atque submoventes.

Tom. I. p.
106.

Ad hæc ex divinis Scripturis argumenta accedunt & invicta rationum momenta, quæ ex ipsamet Mysterii, de quo agimus, natura erumpunt.

Prima ratio petitur ex duplici eaque perfecta & distincta natura divina & humana, qua Christus constat; unde sequitur, naturam quamlibet suas habere inconfusas & impermixtas affectiones seu proprietates; imò non aliunde melius ostenditur, naturas confusas & permixtas non esse, quam ex proprietatibus quæ impermixtæ remanent & inconfusæ. Ita Martinus I. S. P. in Concilio Lateranensi, istud ex S. Basilio dictum profert, *Quorum operatio una est, horum essentia una est.*

Et S. Joannes Damascenus Lib. 3. de fide orthodoxa cap. 15. Cum itaque, ait, *duæ in Christo nature sint; duas quoque in eo actiones dicere necesse est.* *Quorum enim diversa natura est, horum quoque dispar est actio.*

Tom. I. p.
232. A.

Secunda ratio petitur ex perfecta Christi humanitate, quæ sanè perfecta non esset, si propria careret voluntate ac operatione. Ita mox laudatus Martinus I. in Conc. Lateranensi.

Tertia petitur ex ipsa conditione actionum seu operationum quæ naturam ipsam sequuntur: quamquam autem persona sit, ut ajunt, principium quod actionis, principium tamen quo eliciuntur actiones, est ipsamet natura; ergo sicut natura in Christo duplex est, ita & voluntas & operatio duplex, non una potest esse. Idque manifestum apparet in mysterio Trinitatis, ubi actio non personam, sed naturam sequitur: indivisa quippe sunt opera SS. Trinitatis, propter unam & indivisam, quæ in tribus personis est operandi virtutem ac potentiam, *Si personalem quispiam intelligat voluntatem.*

Tom. 6.
Cœmel. p.
637. B.

Tournely de Incarnatione.

V

tem,

tem, ait Agatho S.P. in Epistola quæ extat Aëione 4. VI. generalis Synodi, dum tres persone in S. Trinitate dicuntur, necesse est ut tres voluntates personales & tres personales operationes dicantur, quod nimis absurdum & proph-
num est.

Quarta ratio hæc est: Verbum id assumpsit, quod sanavit: at voluntatem nostram vulneratam ac depravatam sanavit. Si non assumpsit humanam voluntatem, ait S. Joan. Damasc. Orat. De duabus Christi voluntatibus, remedium ei non attulit, quod primum sauciaturum erat. Quod enim assumptum non est, nec est curatum, ut ait Gregorius Theologus. Ecquid enim offenderat, nisi voluntas?

Denique, Iudicio Ecclesiæ totius proscriptus est Monothelitarum error, & veritas Catholica in sexto Concilio generali definita Aëione 18. his verbis: *Unum eundemque Christum Filium Dei unigenitum, in duabus naturis inconfuse, inconvertibiliter, inseparabiliter, indivise cognoscendum; nusquam extincta harum naturarum differentia propter unionem, salvataque magis proprietate utriusque nature, & in unam personam & in unam substantiam concurrente, non in duas personas partitum vel divisum, sed unum eundemque unigenitum Filium Deum Verbum Dominum Jesum Christum, iuxta quod olim Prophe-
tas de eo, & ipse nos Dominus Jesus Christus erudit, & sanctorum Patrum nobis tradidit Symbolum; & duas naturales voluntates in eo, & duas naturales operationes indivise, inconvertibiliter, inseparabiliter, inconfuse secundum SS. Patrum doctrinam prædicandas.*

Solventur Objectiones Monothelitarum.

Objicies 1. auctoritatem S. Dionysii, qui Arcopagita dicitur, L. de divinis nominibus, ubi unam ait esse in Christo deivirilem actionem. Idem habet in Epistola 4. ad Cajum. Ab Incarnationis tempore, inquit, non secundum Deum divina gessit Christus; nec humana secundum hominem: verum Deo viro factio novam quandam theandricam seu deivirilem operationem expressit in vita.

Resp. 1. cum Martino I. in Conc. Lateranensi, turpissima hæreticorum hominum fraude S. Dionysii textum corruptum & adulteratum fuisse. Novam deivirilem actionem scripserat Dionysius, Hæretici vero unam legebant. Res manifesta fuit, tum in Concilio Lateranensi, tum in VI. generali Aët. 14. Ibidem observant Patres, non paucos ex Eutychanis bona fide agnovisse, his Dionysii verbis duplicem Christi naturam disertè confirmari, quæ causa eos adduxit, ut textum corrumpèrent.

Resp. 2. cum SS. Maximo & Joanne Damasceno, novam à Dionysio dici deivirilem operationem, quod revera mirus ac planè novus sit modus operandi divina & humana propter hypostaticam unionem utriusque naturæ divinæ ac humanæ in Christo.

Resp. 3. cum S. Maximo, unam sensu Catholico dici potuisse à S. Dionysio deivirilem Christi operationem, sive propter unitatem suppositi agentis; sive propterea quòd Verbum divina non ageret sine humanitate, nec vicissim humana, sine ductu & influxu divinitatis; sive denique quòd de iis tantummodo operationibus loqui voluerit S. Dionysius, quæ utriusque naturæ concursum postulant. Scilicet triplex operationum genus secerni potest

in

Tom. 6.
Conc. p.
960. D.

in Christo: aliz solius humanitatis propriæ sunt, ut manducare, sitire &c. aliz propriæ divinitatis, ut peccata remittere, dare Spiritum sanctum: aliz denique quæ naturæ utriusque concursus seu influxum postulant v. g. mortuos verbo suscitare, tactu corporis morbos curare &c. qualiscunque fuerit S. Dionysii sensus, orthodoxus erat ab errore Monothelitarum longè alienus.

Objicies 2. cum iisdem Hæreticis, S. Athanasium Lib. de salutari adventu Christi, ubi ait, Christum fuisse sine carnalibus voluntatibus & cogitationibus humanis, quia solius divinitatis voluntas in eo fuit.

Resp. cum Theophane Presbytero & Abbate Actioe 8. sextæ Synodi generalis, relatum ex Athanasio testimonium truncatum fuisse: quod si integrum relatum fuisset, omnes facillè intellexissent, S. Doctorem excludere dumtaxat à Christo voluntates carnales & cogitationes humanas perverfas ac culpabiles, non eas quæ simpliciter humanæ sunt. Cum igitur sanctus Doctor ait, voluntatem Christi solius fuisse divinitatis: intellige non quantum ad naturam & entitatem, sed quantum ad regimen ac directionem: divinitas quippè Christi, tanquam totius suppositi domina, omnes humanitatis actiones singulari ratione regebat ac moderabatur.

Objicies 3. S. Greg. Nyssenum adversus Eunomium, ubi scribit, divinitatem per corpus, quod induit, hominum omnium reverà salutem operari, ut propria sit carnis perpassio, Dei autem operatio. Ita refertur in Actis sextæ Synodi A. 12.

Resp. 1. cum SS. Maximo & Joanne Damasc. retorquendo contra Monothelitas argumentum. Scilicet, si una dumtaxat operatio Christi ideo agnoscenda est, quod operatio solius sit divinitatis, passio verò humanitatis, una pariter agnoscenda erit in Christo natura divina, quia sola hæc operatur, & humana sola patitur.

Resp. 2. cum eodem S. Maximo, Disp. cum Pyrro, carnis passiones five affectiones inter veras ejus operationes recenseri debere; quia res omnes creatæ eo ipso patiuntur, quo moventur; quia nempe alterius moventis impressionem admittunt & in se recipiunt.

Resp. 3. Dei operationem in negotio humanæ redemptionis potissimam partem habere, à qua omnis valor ac pretium ipsarum actiones humanas Christi satisfactorias derivatur ac desluit.

Objicies 4. S. Cyrillum L. 4. in Joan. ubi affirmat Christum, unam quamdam cognatam operationem per ambas naturas ostendisse.

Resp. cum eodem S. Maximo, duarum naturarum unam dici cognatam operationem, tum ratione principii seu personæ agentis, tum ratione intimæ conjunctionis utriusque naturæ, divinæ & humanæ, qua fit ut omnes actiones Christi sint Deiviriles ac Theandricæ. Porro eo ipso quo actio Deivirilis dicitur, duplex innuitur ejus principium, utraque scilicet Christi natura, divina & humana. Unde merito S. Cyrillus in VI. Synodo A. 4. laudatus, ait: Quæ Deo decenter dicta vel acta sunt, ostendunt salvatorem Christum Deum: Et iterum, Quæ secundum hominem dicta sunt, vel facta, ostendunt veraciter hominem.

Objicies 5. S. Greg. Nazianz. Orat. 36. ubi dicit Christi voluntatem non fuisse Deo contrariam, quia tota deificata fuit.

V. 2.

Resp.

Tom. 6.
Conc. p.
760. B.

Tom. 6.
Conc. p.
669. B.

Resp. cum S. Maximo & Basilio Gortynensi in VI. Synodo, hoc S. Gregor. rii dicto humanam Christi voluntatem potius astrui, quam everti. Quippè si quæ sit in Christo voluntas divinæ non contraria, sed deificata, ea certè humana est; neque enim divina propriè deificata & Deo non contraria, nisi absurdissimè dici potest.

Tom. 6. rii dicto humanam Christi voluntatem potius astrui, quam everti. Quippè si quæ sit in Christo voluntas divinæ non contraria, sed deificata, ea certè humana est; neque enim divina propriè deificata & Deo non contraria, nisi absurdissimè dici potest.

Conc. p. 776. D. Obijcies 6. ubi una est persona operans, ibi una est operatio: ex vulgari quippè axiomate, *Actioes sunt suppositorum*. Atqui in Christo unica est persona; ergo & unica operatio.

Resp. nego maj. & retorqueo argumentum. Si ubi est una persona operans, ibi unica est operatio; ubi sunt tres personæ, tres quoque operationes admittendæ forent: atqui postremum istud falsum esse, vel ipso mysterio SS. Trinitatis apertè demonstratur, in quo tres sunt personæ realiter distinctæ, & una ad extra operatio; igitur operatio & vis operandi non sequitur personam, sed naturam, quæ dicitur & est principium quo elicitivum operationum. Personalitas enim, ut non semel observavimus, ex se iners est, non activa; merus naturæ terminus ac ultimum complementum, seu tota & perfecta natura singularis & individua: atqui operatio non semper, nec necessariò sequitur naturam, quatenus tota est ac ultimò completa in ratione personæ, ut constat exemplo animæ rationalis separatæ, quæ haud dubiè persona non est, nec aliquod totum, sed pars, & tamen suas operationes spirituales exerit intelligendo & volendo. Dicendum nihilominus, personalitatem omninò necessariam esse, non quidem ut principium activum & elicitivum, sed tanquam conditionem, ut totum seu suppositum, quod appellatur principium quod actionis, operetur: atque inde ductum commune axioma, *Actioes sunt suppositorum*, non quidem elicitivè, sed denominatione & attributione, quia supposito tribuuntur, à quibus denominatur agens.

Instabis 1. Humanitas in Christo est dumtaxat organum seu instrumentum divinitatis: sed organum & instrumentum non habet operationem propriam & distinctam ab operatione causæ principalis. Ita calamus in manu scribentis, unicè sequitur motum sibi à scribente impressum.

Resp. dist. maj. Humanitas in Christo est organum & instrumentum conjunctum & activum, concedo: separatum & merè passivum, ut volebant Monothelites, nego.

Instabis 2. Si duplex in Christo distincta voluntas admittatur, necesse est discordes illas ac inter se contrarias agnoscere: humana quippè mortem refugiebat, *Transit à me calix iste*; divina verò hanc imperabat.

Resp. nego maj. Humana quippè voluntas divinæ semper conformis ac subdita fuit, *Non mea, sed tua voluntas fiat. Factus obediens usque ad mortem, mortem autem crucis*. Et verò cum duplex humana in Christo voluntas, aut potius duplex quasi pars humanæ voluntatis Christi distinguatur, superior nempe seu rationalis una, & inferior altera, seu sensitiva, neutra cum divina pugnavit, sive cum mortem refugit, sive cum eam acceptavit: pars enim hominis inferior, motum sibi ab auctore naturæ impressum sequitur cum mortem averfatur, qua ex parte Deo conformis est, nedum contraria: cum verò pars superior mortem à Deo imperatam acceptat, ut reipsa liberè illam acceptavit Christus, *Oblatus est enim quia ipse voluit*, Deo etiam contraria non fuit, imò perfectè subdita, *Factus obediens usque ad mortem*.

Ergo

Ergo nulla ex parte humana Christi voluntas divinæ repugnans ac contraria fuit.

Quærent hic nonnulli Theologi, quæ fuerit mens ac sententia Honorii circa Monothelitarum errorem : an ipsi ex animo adhaerent ; an tantum faverit silentio ; an ut hereticus, an verò ut erroris dumtaxat fautor à VI Synodo simul cum Sergio, Pyrrho & aliis damnatus fuerit. Verùm à facto huiusmodi discutiendo hic superfedemus, tum quia de Honorio bis & ter verba jam fecimus, ubi de Ecclesia ; tum quia multa nobis adhuc supersunt gravissimi momenti de præsentis nostro Mysterio discutienda capita.

ARTICULUS II.

De communicatione idiomatum in Christo : an, & quæ sit admittenda.

Admittit semel duarum in Christo naturarum hypostatica seu personalis unione, negari amplius meritò non potest ea, de qua loquimur idiomatum communicatio, quæ fit ut de una eademque persona Christi verissimè sint istæ propositiones, *Christus est homo : Christus est Deus ; Homo est Deus, Deus est homo ; Deus natus est, passus ac mortuus ; homo impassibilis est ac immortalis.*

Est igitur idiomatum communicatio, mutua & reciproca nominum, attributorum & proprietatum naturæ utriusque in Christo prædicatio & communio in concreto, & ratione unius Christi personæ. Quam definitionem ut intelligas,

Observandum 1. nomina alia esse abstracta, quæ formam significant sine subiecto, ut divinitas, humanitas ; alia verò concreta, quæ formam simul & subiectum exprimunt, ut *Deus, Homo* : *Deus* quippè idem sonat quod habens divinitatem ; *homo*, idem quod habens humanitatem.

Communicatio autem idiomatum vel in abstracto considerari potest, respectu scilicet naturæ ; ut si dicas, *Divinitas est humanitas*, vel, *Natura divina est mortalis, humana natura est immortalis* : vel considerari potest in concreto respectu personæ, ut si demonstrato Christo dicas, *Deus est homo, Homo est Deus ; Deus est mortalis, homo est immortalis.*

Observandum 2. nomina concreta alia esse substantiva, quæ substantiam ipsam ejusque subiectum exprimunt, ut *Homo, Deus* ; alia verò adjectiva, quæ subiectum & formam ei adjacentem aut accidentalem indicant. Rursus inter nomina concreta adjectiva, alia esse quæ ex substantivis derivantur, ac participationem quamdam substantiæ denotant, ut *humanus, divinus* ; alia verò absoluta, quæ proprietates, actiones, aut passionem innuunt, ut *natus, passus, mortalis.*

Observandum 3. circa communicationem idiomatum errare Nestorianos & Lutheranos. Nestorius, rejecta unione hypostatica utriusque naturæ in Christo, consequenter rejectit idiomatum communicationem, etiam in concreto & respectu personæ. Ferre quippè ille non poterat, Deum dici bimestrem vel trimestrem, natum, passum, mortuum ; B. Virginem esse Deiparam &c. isto nimirum falso præjudicio occupatus, denominationes illas in ipsam di-

Turnely de Incarnatione.

V 3

vinam

winam cadere naturam, atque ita B. Virginem divinitatis matrem esse, divinitatem natam esse, passam, mortuam &c. E contra invictè demonstrabat S. Cyrillus in Expositione ac defensione quarti Anathematis, communicationem illam reciprocam proprietatum utriusque naturæ in ipsam cadere personam, non in naturam. *Eapropter*, inquit sanctus Doctor, *non in duas personas, sed tanquam in unum Christum & Filium, & Deum, Evangelistas & sanctorum Apostolorum referentes voces, neque divinam eius imminuimus naturam & gloriam propter humanam, neque dispensationem negamus, sed propter nos factam esse ipsius Verbi Incarnationem credimus.*

Tom. 3.
Conc. p.
916. A.
B.

Lutherani in extremum errorem lapsi, communicationem idiomatum, etiam in abstracto & respectu naturæ, admittunt. Scilicet existimant illi, aliquas naturæ divinæ proprietates in humanam naturam verè transfusas fuisse, v.g. immensitatem, ubiuitatem seu ubique præsentiam, omnipotentiam, omniscientiam. Insuper hic error est, quem primò asseruit Lutherus in *Confessione de Carne Domini*, quem subinde latius propagavit Brentius, *Ubiquitarum* idcirco quasi parens habitus. Non ad omnes tamen Lutheranos tam absurda opinio pervasit. Errori occasionem dedisse videtur controversia inter Lutheranos & Calvinistas excitata circa realem corporis & sanguinis Christi in Eucharistia præsentiam. Nempè cum Lutherani ex istis Christi verbis, *Hoc est corpus meum*, satis sibi præsidii non esse intelligerent ad debellandos Calvinistas, aliunde verò articulo Ascensionis Christi in Cælum premerentur, addogma *ubiquitatis* velut ad tutissimum portum se contulere, contendendo corpori Christi hanc vim inditam fuisse, ut sit ubique, quemadmodum ubique est Verbum hypostaticè cum corpore Christi conjunctum. Sic aliquas divinæ naturæ proprietates, in naturam humanam, vi unionis hypostaticæ, transfusas fuisse docere compulsi sunt. Quapropter in Colloquio Maulbrunensi, voluerunt unionem personalem formaliter consistere in communicatione proprietatum, vel in communicatione subsistentiæ Verbi divini, cujus formalis effectus consequens sit communicatio idiomatum. De illo ubiquitatis corporis Christi errore lege Bellarminum L. 3. de Christo cap. 1. & 10.

De communicatione idiomatum in concreto & respectu personæ, adversus Nestorianos.

CONCLUSIO.

Admittenda est in Christo idiomatum communicatio in concreto, seu respectu ipsius personæ.

Conclusio hæc ipsædem prorsus momentis stat ac demonstratur, quibus supra demonstravimus contra Nestorium, unicam esse in duabus distinctis naturis Christi personam: inde quippè necessariò sequitur, de uno & eodem Christo, propter diversas, quibus constat, naturas, veras esse istas propositiones, *Deus est homo, Homo est Deus: Deus natus est, passus, mortuus; Homo est impassibilis, immortalis*: quæ omnia in hoc uno conclusa sunt, *Verbum caro factum est*, ubi & unitas personæ, *Verbum*, & duplex natura discretè significatur, *est caro factum*, non per sui conversionem in carnem, quæ planè

Joan. 1.
v. 14.

planè fieri non potest, sed per assumptionem humanitatis in Deum. Abstinere hic ab aliis Scripturæ testimoniis laudandis, quibus superius Nestorii errorem confutavimus.

Abstineo pariter à longa enumeratione SS. Patrum qui Conclusionem nostram suo suffragio confirmant, quos consule apud Petavium L. 4. de Incarn. cap. 15. & 16. Unum hic profero Vigilium L. 2. contra Eutychen, ubi rem totam solidè ac nitidè exponit. Ergo, inquit, unus atque idem & equalis est Patri secundum deitatem, & inferior est Patri secundum humanitatis naturam: atque ita nec initium habet, quia Deus est; & habet initium, quia idem Deus homo est. Si ergo me interroges, utrum Christus habeat initium, an non habeat; respondebo tibi: Et habet, & non habet: habet secundum humanitatem suam; non habet secundum divinitatem suam. Cum dico, habet vel non habet, ad personæ pertinet unionem: cum dico, secundum divinitatem & secundum humanitatem, ad naturarum pertinet proprietatem. Et L. 4. Constat, ait, & divinitatem humanitatis, & humanitatem divinitatis habere vocabulum; id est, Verbum dici carnem, & carnem dici Verbum: non quia in se utrumque mutatum sit, sed quia utrumque una persona, id est, unus Christus sit. Et ideo rectè credimus & predicamus cum Apostolo, Deum crucifixum & mortuum in humana natura, quæ ex uniti Verbi consortio, deitatis possidet nomen.

Biblicor.
pp. T.
8. pag.
816. G.

Ibid. p.
731. G.

Ut verò paulò explicatiùs evolvatur de communicatione idiomatum doctrina, certumque de variis circa Christum propositionibus feratur iudicium, solent Theologi certas regulas præfigere, alii plures, alii pauciores, ex quibus de veritate vel falsitate propositionum certò judicari possit.

Regule observandæ circa communicationem idiomatum.

PRIMA REGULA.

Nomina concreta substantiva, id est, quæ naturam ipsam, sive divinam, sive humanam, earumque proprietates exprimunt, de Christo prædicari possunt: unde veræ sunt istæ propositiones, *Deus est homo*, *Homo est Deus*; *Deus est mortalis*, *Homo est immortalis*. Ratio est, quia prædicatio vera est, quoties subiectum & prædicatum veram habent unitatem & identitatem: atqui concreta substantia, v.g. divina & humana natura, unitatem habent personæ in Christo, ac intimè uniuntur; ergo &c.

Isti nihilominus regulæ triplex adhibenda cautio seu limitatio.

Prima est, ut nomina substantiva suppositum creatum non inferant: sic dici non potest, *Homo factus est Deus*; sicut meritò dicitur, *Deus factus est homo*. Ratio est, quia in priori propositione, vox *homo* suppositum denotat humanum; ac sensus est, Humana persona, id est, homo, factus est Deus, qui error Nestorii fuit duas in Christo personas admittentis: in posteriori verò propositione, vox *Deus* suppositum divinum exprimit, de quo verum dictum est, *Deus factus est homo*, seu, Verbum caro factum est. Neque dicas, istam propositionem, *Deus factus est homo*, per simplicem conversionem in istam converti, *Homo factus est Deus*. Namque ad simplicem conversionem necesse est, ut non mutetur suppositum, seu suppositio: ut

V 4 igit-

igitur hic legitima foret conversio, dicendum esset, *Is qui factus est homo, Deus est*, quæ propositio est verissima.

Secunda cautio seu limitatio est, ut nulla fiat reduplicatio. Hujus conditionis defectu, falsæ sunt istæ propositiones, *Christus quatenus Deus, homo est, natus est, passus, mortuus*; item, *Christus quatenus homo, Deus est, immensus, impassibilis &c.* Ratio est, quia particula reduplicativa, *quatenus*, ipsam naturam afficit, non personam; ac sensus esset, Christus ratione naturæ divinæ homo est, natus, passus, mortuus: pariter, Christus ratione humanitatis, Deus est, immensus, immutabilis &c. qui sensus falsus est & absurdus.

Tertia cautio est, ut propositio, tametsi aliunde vera, errori tamen vel hæresi favere non videatur: atque ita licet è Veteribus nonnulli Christum aliquando creatum, vel creaturam appellaverint, non tamen simpliciter ac nudè admittenda est ista propositio, *Christus est creatura*; quia errori Ariano- rum faveret. Ratio est, quia prædicata substantiva quæ aliquem naturæ defectum important, ac personæ non minùs quàm naturæ possunt imputari, simpliciter de Christo enuntianda non sunt, sed facta quadam restrictione: aliàs, defectus aliquis de persona Christi enuntiaretur, qualis est v.g. creaturam appellari, aut filium Dei adoptivum. Dicitur ergo, *Christus ratione humanitatis est creatura*; *Homo ratione personæ Verbi cui hypostaticè coniungitur, est immortalis, impassibilis &c.* Non ita est de prædicatis, quæ propriè ac primariò naturæ conveniunt, personæ verò denominativè, quales sunt propositiones istæ, *Christus est passus, mortuus*. Ratio est, quia actiones & passiones propriæ sunt naturæ; denominativè autem, personarum seu suppositorum, sicut non semel observavimus.

Dices 1. Si valeret ista propositio, *Deus factus est homo*, valeret & ista, *Deus factus est hic homo*: sed hæc propositio admittenda non est; aliàs legitimus foret iste syllogismus expositivus, *Hic homo est Deus: Verbum factum est hic homo; ergo Verbum factum est Deus*.

Resp. vitiosum esse syllogismum illum expositivum, ac merum esse sophisma, in eoque peccare, quòd sint quatuor termini. In majori quippè propositione *Deus* solitariè sumitur, in conclusione verò additur *factus*: *Deus* autem, & *factus Deus*, sunt duo termini. Adde quòd in ista majori propositione, *Hic homo est Deus*, vox *homo* supponit pro persona quæ duplici constat natura: in ista verò conclusione, *Verbum factum est Deus*, *Verbum* supponit pro persona ipsa Verbi una constante natura.

Dices 2. Licet anima rationalis intimè corpori conjuncta sit, ex illa tamen unione non resultat idiomatum communicatio inter animam & corpus: neque enim dici potest, *Homo est anima*, aut *anima est homo*; *Homo mortalis est*, *homo est immortalis*.

Resp. disparitatem esse, quia anima & corpus duæ sunt partiales & incomplete substantiæ, quæ simul unite unam integram & totalem efficiunt hominis naturam: neque enim homo est aut anima sola, aut solum corpus; unde vera esse non potest inter animam & corpus idiomatum communicatio. At natura divina & humanæ in Christo partiales non sunt & incomplete naturæ, ex quarum unione una totalis & integra resultet natura, sed duæ sunt naturæ perfectæ in una Verbi persona conjunctæ; ex qua unione sequitur mutua & reciproca idiomatum communicatio.

SECUNDA REGULA.

Concreta adjectiva substantialia, quæ substantiam designant, non possunt prædicari de Christo: secus verò concreta adjectiva, quæ significant proprietates naturæ divinæ aut humanæ.

Patet ex prænotatis, concreta adjectiva ea dici, quæ nominibus adjectivis, id est, formam quasi adjacentem significantibus, exprimuntur. Illa autem forma vel purè accidentalis est; ut cum quis albus dicitur; vel substantialis, ut cum dicitur *humanus*, *dominicus*, *divinus*; vel aliquas naturæ proprietates significat, ut cum aliquis mortalis, vel immortalis dicitur.

Dico igitur 1. concreta adjectiva substantiam seu naturam designantia non posse de Christo prædicari: atque ita probandæ non sunt propositiones istæ, *Christus est homo dominicus*; *est homo desicatus*, *deser* &c. Ratio est, quia huiusmodi propositiones in sensu Nestorii à SS. Patribus damnatæ fuerunt (quamquam ab aliquibus è Veteribus, sive ante hæresim Nestorii, tum cum securi loquebantur, & nullus aderat hostis, sive post, adjecta nempe aliqua explicatione, usurpatæ fuerint.) Deinde verò ejuscemodi concreta adjectiva innuere videntur formam accidentaliter tantum subiecto seu supposito unitam esse; unde dictarum propositionum hic sensus videretur esse, Christus naturam divinam unionem tantum morali & accidentali sibi copulatam & conjunctam habet: qui sensus nestorianus est.

S. Thomas excipit propositionem istam, *Christus est homo divinus*. Quia, inquit, *nomen illud prædicari solet de iis, de quibus Deus essentialiter prædicatur*. Ita dicimus *essentiam divinam*, *Patrem*, *vel Filium divinam*. Sitamen ex rigore dialectico loqui velimus, minus etiam accurata videtur ista propositio *Christus est homo divinus*; quia innuit formam accidentaliter unitam: ut cum dicimus, *Plato est homo divinus*. Rectè quidem dici potest, *caro & anima Christi est desicata*; non verò, *est dea*: quia priori modo significatur, animam unitam supposito quod verus Deus est; posteriori verò, ipsam carnem vel animam esse suppositum, quod absurdum est. Observa hic obiter, omnes ferè syllogismos expositorios qui in præsentī argumento fieri possunt, laborare fallacia accidentis: ut v. g. *Hec persona est divina*; *Hec persona est homo*; Ergo *hic homo est divinus*. Nomen quippe personæ in majori sumitur quasi partialiter, prout est aliquid Dei; in minori verò sumitur totaliter, prout est Deus.

Dico 2. concreta adjectiva quæ significant proprietates divinæ vel humanæ naturæ, posse de Christo prædicari. Ira legitime ac sanè dicitur, *Christus est æternus & temporalis*, *finitus vel infinitus*, *mortalis & immortalis*. Ratio est, quia prædicata illa denominativè in recto significant suppositum, quod illorum attributorum, propter unionem hypostaticam naturæ utriusque, unum est subiectum.

TERTIA REGULA.

Nomina abstracta naturæ divinæ de Christo identicè dici possunt, non item nomina abstracta naturæ humanæ. Ratio est, quia persona Verbi est quid.

quid idem identicè ac realiter cum natura divina, non verò cum natura humana. Sic persona Verbi potest dici sensu identico ac reali, *est divinitas, est omnipotens*: non potest autem dici, *est humanitas, est mortalitas*.

QUARTA REGULA.

Nomina abstracta unius naturæ non possunt de altera prædicari. Sic dici non potest, *Divinitas est humanitas*; aut, *Humanitas est divinitas*. Ratio est, quia naturæ ipsæ distinguuntur, sicut & illarum proprietates. Nihilominus cum abstracta non rarò pro concretis usurpentur, hinc S. Joan. c. 1. v. 14. ait, *Verbum factum esse carnem*; & vicissim cum nomen concretum aliquando pro abstracto sumatur, nonnulli è Veteribus dixerunt Verbum assumpsisse hominem, idest, humanitatem, non verò humanam personam.

QUINTA REGULA.

Proprietates naturæ utriusque in Christo, nec de se invicem, nec de naturis in abstracto prædicari possunt. Ratio est, quia distinctæ sunt naturarum proprietates, sicut & natura ipsa: sicut ergo dici non potest, *Divinitas est humanitas*, aut, *Humanitas est divinitas*; ita nec dici potest, *Divinitas est passibilis*, *Humanitas est impassibilis*, *æterna*, *immensa* &c.

Quæres quid sentiendum sit de istis propositionibus de quibus aliquando inrer Orthodoxos ipsos acrius disputatum fuit, *Unus de Trinitate natus*. *Unus de Trinitate passus*, *mortuus*.

Resp. de ista controversia nos, solvendo Objectiones Nestorianorum contra unitatem personæ in Christo, mentem nostram jam aperuisse. Et verò, pro vario sensu qui dictis propositionibus tribuebatur, damnandæ sunt vel probandæ: falsæ sunt ac erroneæ sensu Nestorianorum, qui duas personas, & sensu Eutychianorum, qui unam post unionem, in Christo naturam admittebant; ac consequenter divinitatem ipsam passam esse arbitrabantur.

De communicatione idiomatum in abstracto, adversus Lutheranos.

An ubiquitas seu ubique præsentia corpori Christi tribuenda sit.

Ex regula quinta mox exposita, proprietates naturæ utriusque in Christo, nec de se invicem, nec de naturis in abstracto prædicari possunt. Sit itaque

CONCLUSIO.

Non est admittenda communicatio idiomatum in abstracto, proprietatum naturæ divinæ respectu humanæ; multò minùs proprietatum naturæ humanæ respectu divinæ. Unde prorsus falsæ sunt istæ propositiones Lutheranorum, *Humanitas Christi est ubique*, & *omnipotens* &c.

Probatur 1. auctoritate ac testimoniis Scripturæ, quibus apertum est humanitatem Christi ubique non fuisse; sed certo loco, quantum ad corpus,

pus, additam & circumscriptam fuisse, sive in statu exinanitionis & mortalis illius vitæ, sive in statu & exaltationis, & gloriæ. Non in primo statu: apertè quippe Scriptura significat Christum ubique non fuisse, sed de loco in locum transisse. Joan. 11. v. 15. Christus dicebat: *Lazarus mortuus est; & gaudeo propter vos, ut credatis: quoniam non eram ibi.* Ibidem v. 21. Domine, ait Martha, si fuisses hic, frater meus non fuisset mortuus. Matth. 28. v. 6. *Fesum, qui crucifixus est, quaeritis: non est hic, surrexit.* Ibid. c. 26. v. 11. *Semper pauperes habetis vobiscum, me autem non semper habetis.* Joan. 16. v. 28. *Exivi à Patre, & veni in mundum: iterum relinquo mundum, & vado ad Patrem.* Lucæ 24. v. 51. *Recessi ab eis, & ferebatur in celum.* Neque etiam in statu gloriæ & exaltationis Christus corporaliter ubique est, sed in Cælo. Joan. 17. v. 11. *Non sum in mundo,* ait Christus: hoc est, Brevi discessurus sum à mundo. *Relinquo mundum,* ut mox dixerat, *& vado ad Patrem,* Act. 3. v. 21. *Quem (Christum) oportet celum suscipere, usque in tempora restitutionis omnium.* Denique Hebr. 8. v. 4. *Si ergo esset super terram, nec esset sacerdos, cum essent qui offerrent secundum legem munera.*

Hæc ipsa Scripturæ testimonia contra Lutheranos retorquent Calvinistæ, ut ostendant Christum realiter seu corporaliter in Eucharistia præsentem non esse.

At immeritò prorsus: hoc unum etenim ex mox laudatis testimoniis efficitur, Christum jam in terris præsentem non esse, eo ipso nempe sensibili ac visibili modo quo præsens erat dum in terris degeret ac nobiscum conversaretur; quamquam alio modo, reali quidem ac substantiali, sed sacramentali, id est invisibili ac insensibili, præsens sit in Eucharistia, quod suo loco, Deo dante, demonstraturi sumus.

Probat 2. ex SS. Patribus quos enumerant Bellarm. L. 3. de Christo cap. 14. Petavius L. 10. cap. 7. & alii passim Theologi. Unum hic laudabo Augustinum Epistola 187. alias 557. quæ est ad Dardanum, de præsentia Dei. Cap. 3. exponens ista verba Lucæ 13. *Hodie mecum eris in paradiso.* Non secundum id quod homo erat, ait n. 7. sed secundum id quod Deus erat, Christus dixisse accipitur, *Hodie mecum eris in paradiso.* Homo quippe Christus illo die secundum carnem in sepulchro, secundum animam in inferno futurus erat. Deus verò idem ipse Christus ubique semper est. Etn. 9. *Nectamen cum Filium Dei Christum dicimus, hominem separamus; aut cum eundem Christum filium hominis dicimus, separamus Deum.* Secundum hominem namque in terra erat, non in cælo ubi nunc est, quando dicebat, *Nemo ascendit in Cælum, nisi qui de Cælo descendit, Filius hominis qui est in Cælo: quare is secundum id quod Filius Dei erat, esset in Cælo; secundum verò id quod filius hominis erat, adhuc esset in terra, nondumque ascendisset in Cælum.* Etn. 10. *Cui immortalitatem dedit, naturam non abstulit.* Secundum hanc formam non est putandus ubique diffusus. Cavendum enim est, ne ita divinitatem adstruamus hominis, ut veritatem corporis anseramus. Non est autem consequens, ut quod in Deo est, ita sit ubique ut Deus... aliter homo ille in Deo, quoniam aliter & Deus ille in homine, proprio quodam & singulari modo. Una enim persona Deus & homo est, & utrumque est unus Christus Jesus, ubique per id quod Deus est; in Cælo autem, per id quod homo,

T. 2. p.
680. B.

ib. F.

ibid. p.
681. B.

Probatur 3. Quia pugnat ubiquitatis doctrina cum multis fidei ac Religionis nostræ articulis: cum nativitate Christi ex utero B. Virginis: cum ejus morte, sepultura, ad inferos descensu, resurrectione à mortuis. Quippe subicumque Verbum est, ibi est Christi humanitas, quomodo ex utero B. Virginis in lucem exire potuit? Quomodo mortuus, si anima semper cum corpore perinde ac cum Verbo unita fuit? Quomodo jacuit in sepulchro corpus exanime, cum totus ibi Christus foret? Quomodo descendit ad inferos, ubi jam erat? ascendit in Cælum, quod non deseruerat?

Probatur quartò his rationum momentis.

I. Sicut naturæ duæ in Christo distinctæ sunt, nec de se invicem prædicari possunt in abstracto, ita & distinctæ proprietates; nec una prædicari de altera potest. Sic dici non potest, *Divinitas est passibilis, humanitas est impassibilis*.

II. Aut omnes divinæ naturæ proprietates possunt humanitati communicari, aut nullæ: atqui ne Lutherani quidem concedunt, omnes divinæ naturæ proprietates communicari posse; ergo nullæ possunt communicari: non enim potior ratio est pro una quàm pro altera; cur v.g. ubiquitas potius quàm æternitas communicetur.

III. Non magis proprietates divinæ possunt homini communicari, quàm humanæ Deo: atqui fatentur Lutherani, proprietates humanas, v. gr. passibilitatem, mutabilitatem &c. Deo convenire non posse: ergo fateantur etiam necesse est, divinas proprietates humanitati communicari non posse.

IV. Implicat corpus quod in suo statu naturali loco circumscribitur, esse ubique: at corpus Christi, dum in terris degebat, in suo erat naturali statu, ac loco circumscriptum.

Solvuntur Objectiones.

Obijcies 1. Constat ex multis Scripturæ locis, aliquas divinæ naturæ proprietates humanitati Christi communicatas fuisse: quidni ergo & ubiquitatem, omniscientiam, omnipotentiam?

I. Coloss. 2. v. 9. de Christo Apostolus ait: *In quo inhabitat plenitudo divinitatis corporaliter*.

II. Joan. 3. v. 34. *Non ad mensuram Christo datus est Spiritus, sed Pater omnia dedit in manu eius*. Christus ipse Matth. 28. v. 18. declarat sibi datam esse omnem potestatem in Cælo & in terra.

III. Joan. 6. v. 48. Caro Christi vivifica dicitur, seu *panis vite*.

IV. Matth. 22. v. 44. Christus *sedet ad dexteram Dei*: sed dextera Dei ubique est; ergo Christi humanitas ubique est.

V. denique, Matth. 18. v. 20. *Ubi sunt duo vel tres congregati in nomine meo, ait Christus, ibi sum in medio eorum*. Etc. 28. v. 20. *Ecce ego vobiscum sum usque ad consummationem sæculorum*.

Resp. nego ant. Lutheranos nihil planè juvant, quæ hic opponunt Scripturæ loca; atque in eo illi falluntur aut fallunt, quod quæ Christo in concreto seu personaliter tribuit Scriptura, ii humanitati Christi abstractè consideratæ tribuant. Nullus autem Catholicorum negavit unquam, quin pro-

proprietates divinæ naturæ Christo homini abundè communicatæ fuerint, in quo sunt absconditi omnes thesauri sapientiæ Dei, Coloss. 2. v. 3. ob intimam scilicet unionem naturæ utriusque in Christo.

Ad primum: *Plenitudo divinitatis corporaliter*, id est verè, realiter, non fectè, non figuratè, non per meram efficaciam aut assistentiam, in Christo inhabitat. Sed quid inde in gratiam ubiquitatis humanitati Christi concessa? nihil omnino.

Ad secundum: De Christi persona hic sermo est, non de humanitate: *Data est mihi omnis potestas*; non ait, humanitati meæ. Quamquam si diceret, apertus esset sensus, datam nempe eam omnem potestatem, cuius illa capax est: maiorem quidem & abundantiorē comparatè ad nos, sed tamen finitam, pro conditione & capacitate subiecti.

Ad tertium: Caro Christi vivifica dicitur, non ratione sui præcisè, sed ratione personæ Verbi cui hypostaticè copulatur. Adde quòd in huiusmodi loquendi formulis agnoscenda sit figura synecdoche, per quam quod personæ proprium est ob utramque naturam, carni vel sanguini tribuitur.

Ad quartum: Animæ Iustorum dicuntur esse *in manu Dei*. Sap. 3. v. 1. An inde concludes eas ubique esse? Christus igitur ratione suppositi, sedet ad dexteram Dei, non autem præcisè ratione naturæ. Aliud porrò est sedere ad dexteram Dei, & aliud esse dexteram Dei: istud nihil aliud denotat, quàm omnipotentiam & maiestatem ipsam Dei; sedere verò ad dexteram, idem est ac officium Mediatoris exercere, ad quod exercendum omnis potestas & dominatio Christo concessa fuit. *Oportet illum regnare*, ait Apostolus primæ Cor. 15. v. 25. *donec ponat omnes inimicos sub pedibus eius*. Regnare autem ad personam pertinet, non ad naturam.

Ad quintum: Promittit Christus se adfuturum, quoties duos vel tres in ejus nomine congregabuntur, non quidem præsentia corporali, sed auxilio gratiæ, protectione, auctoritate, qua Ecclesiæ suæ semper adest; *Iobiscum sum omnibus diebus*. Unde fit ut adversus Ecclesiam portæ inferi prævalere nunquam possint.

Obiicies 2. Verbum divinum est ubique: Christus est Verbum divinum; ergo Christus est ubique.

Resp. vitiosum esse istum syllogismum, in quo plures sunt quàm tres termini. In majori quippe propositione, *Verbum* supponit pro sola natura divina: in minori verò, *Christus* duplicem includit naturam; divinam & humanam: secundum divinam, seu prout Deus est, ubique est, non verò quatenus est homo. Distinguenda igitur minor propositio: Christus est Verbum incarnatum duplici constans natura, concedo: non incarnatum, nego.

Obiicies 3. Eorum quæ intimo & indissolubili nexu uniuntur, unum sine alio esse non potest: atqui Verbum & humanitas in Christo intimo & indissolubili nexu uniuntur; ergo unum sine alio esse non potest: at Verbum ubique est; ergo & humanitas.

Resp. 1. Retorqueo argumentum contra Lutheranos. Eorum qui intimo uniuntur, unum non potest esse æternum, impassibile, immortale, quia aliud similiter æternum sit, impossibile & immortale: atqui Verbum unitum humanitati, æternum est, impassibile, immortale; ergo similiter & humanitas æterna est, immortalis &c.

Resp.

Resp. 2. dist. maj. Eorum quæ intimè uniuntur, unum non potest esse sine alio, si intimè & adæquatè uniuntur, ita ut unum alium non excedat, seu latius eo non pateat, concedo: si intimè uniuntur, sed non adæquatè, quia unum alio latius patet, nego. Sic v.g. oculus & anima intimè uniuntur; nec tamen oculus est ubicumque est anima: hæc enim per totum corpus diffusa est, oculus verò, & unumquodque aliud corporis humani membrum, suum fixum ac determinatum locum habet & occupat. Porro divinitas longè latius patet ac extenditur quàm humanitas, cui intimè conjungitur: unde meritò dixit Augustinus paulò antè laudatus, *Non est autem consequens, ut quod in Deo est, ita sit ubique ut Deus.*

Instabis: Si humanitas Christi non est ubicumque est Verbum, sequitur Verbum alicubi esse ubi homo non est; ac consequenter Verbum humanitatem quam assumpsit, alicubi dimittere seu deponere.

Resp. nego sequelam antecedentis: quia reipsa nullibi Verbum est, quin sit homo, quia nusquam separator ab humanitate, quam semel assumptam nunquam dimittit: sed non inde sequitur, ibi esse hominem, ubi est Verbum; quia nempe Verbum non ubique localiter includit humanitatem, quam non assumpsit per localem coexistentiam, sed per hypostaticam unionem. Unde propositio ista, verbum alicubi non est homo, duplici sensu potest intelligi. 1. Verbum alicubi deferuit humanitatem; qui sensus falsus est. 2. Verbum alicubi est, ubi non est caro Verbi; & hic sensus verus est.

Instabis 2. Christus homo est ubique.

Resp. dist. Est ubique ratione divinitatis, seu Christus ut Deus, concedo: ratione humanitatis, seu Christus ut homo, nego. Sedulò distinguendæ persona & natura: nomen istud, *Christus*, suppositum seu personam sonat: nomen verò, *humanitas*, naturam. Suppositum Christi, quia divinum, ubique est; humanitas, quia creata, ubique non est. Lege Augustinum locò jam laudato, ex Epistola ad Dardanum.

ARTICULUS TERTIUS.

An Christus dici possit compositus. An dici possit due natura, vel ex, aut in duabus naturis, aut ex tribus substantiis.

TOta in æquivoco ac nominis expositione posita est ista quaestio. S. Thomas hic ad secundum, duplicem distinguit compositionis speciem: unam quæ fit ex partibus propriè dictis incompletis, mutuum ad sese invicem habitudinem dicentibus ad totum aliquod efficiendum; quarum partium una se habet per modum actus, altera verò per modum potentie: hoc modo homo componitur ex anima & corpore, tanquam materia & forma. Altera verò compositio fit, quoties est distinctorum unio. Prior dicitur compositio *ex his*, altera compositio *cum his*, & vulgò dicitur compositio per modum numeri; numerus enim multitudinem importat unitatum. Scotus cum suis negat Christum dici debere compositum: affirmat verò S. Th. 3. p. q. 2. art. 4.

Christus compositus non est ea compositione quæ sit ex partibus incompletis propriè dictis, quæ mutuam ad se invicem habitudinem dicant ad totum constituendum.

Probatur auctoritate S. Athanasii apud Euthymium in Panoplia parte 2. tit. 15. *Cernis, inquit, in una persona non partium compositionem, sed perfectarum naturarum conjunctionem, quæ non duæ una sunt essentia, sed una dignitas & gloria declaratur.* *Biblier. T. 19 p. 176. C.*

S. Augustinus L. 2. contra Maximinum Arianum cap. 10. *Christus, inquit, una persona est gemina substantiæ, quia & Deus & homo est. Nec tamē Deus pars huius personæ dici potest: alioquin Filius Dei Deus, anequam susciperet formam servī, non erat totus, & crevit cū homo divinitati ejus accessit.* *T. 8. p. 698. E.*

Ratio aperta est. Tūm quia qualibet natura in Christo completa est ac perfectā, non pars propriè dicta & incompleta, quæ cum alia totum aliquid efficiat: *Non duæ una sunt essentia*, ait S. Athanasius, mox laudatus. Tūm quia natura utraque etiam post unionem inconfusa & impermixta remanet. Quod si sē Veteribus nonnulli aliquando dixerint divinitatem & humanitatem esse partes Christi; partium nomen impropriè usurpant, quatenus scilicet in unum & idem suppositum confluunt naturæ, divina & humana.

SECUNDA CONCLUSIO.

Christus non immeritò compositus dici potest, ea compositionis specie quæ sit per modum numeri, & appellari solet compositio *cum his*.

Probatur auctoritate Veterum, qui compositionis nomen non refugerunt, cū de Christo actum fuit. Concilium V. œcumenicum Collat. 8. Anathematismo 4. sic loquitur. *Qui non confitetur unitatem Verbi Dei ad carnem animatam anima rationabili & intellectuā, secundū compositionem, sive secundū subsistentiam factum esse, sicut & SS. Patres docuerunt, & ideo unam ejus subsistentiam compositam, qui est Dominus noster Jesus Christus, unus de sancta Trinitate, talis anathema sit.* Eodem compositionis vocabulo utuntur S. Cyrillus L. de recta fide ad Theodosium, qui laudatur Aët. 1. Concilii Ephesini, S. Maximus in Tractatu contra unam naturam, Sophronius in Epistola ad Sergium, S. Joan. Damascenus L. 3. de fide orthod. c. 3. & 5. & alii benè multi, qui data opera, compositum Christum dicunt, ut adversus Eutychianos ostendant duas esse in Christo inconfusas & impermixtas naturas. Ratio suffragatur; quia ad compositionem sufficit distinctorum unio: atqui sunt in Christo duæ naturæ *distinctæ* in una Verbi persona; ergo &c.

Quæres 1. an dici possit Christum unam habere naturam ex duabus compositam.

Resp. minimè. Erat hic error Eutychetis, qui naturas in Christo confundebat, atque humanam sic à divina fuisse absorptam contendebat, ut una quædam resultaverit.

Quæres 2. an Christus dici possit esse duæ naturæ.

Resp.

*To. 5.
Canc. p.
170. D.*

T. 6. p. 21. B. Resp. 1. affirmativè post S. Augustinum, Enchiridii c. 38. *Utraque substantia, inquit, divina scilicet & humana, Filius est unicus Dei Patri omnipotentis.*

Resp. 2. damnatam fuisse hanc propositionem à Concilio Constantensi in Joanne Hus, qui ea loquendi ratione abutebatur, ut innueret post magistrum suum Vviclefum, unamquamque naturam, sive divinam, sive humanam sigillatim sumptam esse totum Christum. Quapropter propositiones hujuscemodi, quæ æquivocæ sunt, ac in pravum sensum à malevolis usurpantur, exponendæ primùm sunt, facta sensuum distinctione.

Quæres 3. an dici possit Christum esse ex duabus naturis.

Resp. optimo sensu id dici posse, quia reipsa duæ sunt in Christo distinctæ naturæ. *Mediator Christus, ait S. Hilarius L. 9. de Trin. n. 3. ex unitis in seipsum naturis, nature utriusque res eadem est.* Flavianus in prima fidei professione Christum confessus est ex duabus naturis esse, quod à Concilio Constantinopolitano probatum fuit. Nihilominus erroris eutychiani suspecta nonnunquam fuit illa propositio, propter scilicet Eutychianorum fraudes. Concedebant illi quidem, Christum ante unionem ex duabus esse naturis; ac post unionem duas non agnoscebant in ipso naturas.

Quæres 4. an necesse sit dicere Christum in duabus vel ex duabus naturis esse.

Resp. affirmativè. Narrat Petavius L. 3. c. 5. quòd cùm Anatolius Constantinopolitanus, ex mandato Synodi Chalcedonensis Actione 4. formulam fidei exarasset, in qua dicebatur, *Christum esse ex duabus naturis*, statim summo zelo Episcopos ac præsertim Legatos reclamasse, & additum fuisse, Christum esse non tantùm ex duabus, sed etiam in duabus naturis: ut nempe obviam irent Eutychianorum fraudi ac perversæ expositioni.

Quæres 5. an Christus dici possit ex tribus substantiis.

Resp. 1. nihil in eo periculi esse: in Christo enim est divinitas, corpus, & anima, quæ tres sunt substantiæ.

Resp. 2. necessarium aliquando fuisse asserere Christum esse ex tribus substantiis, occasione scilicet erroris Apollinaris, qui Christum anima humana spoliabat, ejus vices, ut putabat, supplente Verbo divino. Ita S. Augustinus L. 23. de Trinit. c. 17. *Sic, inquit, Deo conjungi potuit humana natura, ut ex duabus substantiis foret una persona; ac per hoc iam ex tribus, scilicet Deo, anima, & carne.* Et Isidorus Hispalensis L. 1. de differentiis n. 6. *Nos, inquit, ex duabus subtilissimis substantiis, corporis quidem & anime: ille (Christus) ex tribus, Verbi, corporis, & anime.* Ita pariter Synodus Toletana XI. in professione fidei.

Nihilominus hunc loquendi modum postmodum improbavit Benedictus II. S. P. ac tanquam minus cautè dictum à Synodo Toletana reprehendit: quòd cùm intellexissent Hispani, coacta altera Synodo, mentem suam exposuerunt, contententes utrumque dici posse; sed tamen ad elidendas Ariænorum & Apollinaristarum fraudes, longè satius sibi videri, si tres substantiæ agnoscerentur.

QUÆSTIO DECIMA.

De carne Christi, & pertinentibus ad illam.

QUæ in præfenti Quæstione discutienda nobis sunt, ad hæc capita revocamus.

I. An Verbum veram & solidam carnem ex B. Virgine assumpserit; an tantum phantasticam, cœlestem vel æream.

II. An omnes humani corporis partes, etiam sanguinem, assumpserit.

III. Quomodo corpus ex B. Virgine assumpserit, illibata semper ejus virginitate permanente.

IV. An Christus specie seu forma decorus fuerit.

V. An defectus humanos assumpserit.

VI. An doloribus obnoxius verè fuerit.

VII. denique, de modo quo humanitas Christi miracula operabatur.

ARTICULUS PRIMUS.

An Verbum divinum veram & solidam carnem assumpserit.

INitio hujus Tractatus varios circa corpus seu carnem Christi errores exposuimus, & Quæstione octava demonstravimus, Christum veram ac nostræ consubstantiali naturam assumpsisse, adeoque nec phantasticum, aut cœlitus delapsum, sed verum, physicum ac solidum corpus in eo fuisse.

CONCLUSIO.

Verbum divinum veram, physicam & solidam carnem assumpsit, non umbratilem, non phantasticam, aut cœlitus delapsam, quæ per Mariam Virginem, tanquam per merum canalem transierit.

Probatio facilis & aperta est. Ex dictis etenim Qu. 8. Verbum divinum veram, ac nostræ consubstantiali naturam humanam assumpsit; ergo & veram carnem solidumque corpus.

Duplici ex Scripturis argumento capitale istud fidei nostræ caput demonstratur.

I. Ex iis locis in quibus aperta fit carnis seu corporis Christi mentio.

Joan. 1. v. 14. *Verbum caro factum est.* Si factum: ergo non umbratilis, nec phantastica caro fuit, sed vera & realis.

Psalmo 39. v. 7. & Hebr. 10. v. 5. *Hosiam & oblationem noluisti, corpus autem aptasti mihi.* Hostiæ porro & oblationes Legis veteris non fictæ erant, non umbratiles, sed veræ ac reales; tametsi figuræ veræ hostiæ, quam Christus in ara crucis pro salute omnium oblaturus erat. Ergo ut veritas umbris ac figuris responderet, necesse fuit verum ac solidum in Christo corpus fuisse.

Hebr. 5. v. 7. de Christo ait Apostolus: *Qui in diebus carnis sue preces, supplicatio-*

Tournely de Incarnatione.

X

catio-

cationesque ad eum, qui possit illum saluum facere à morte, cum clamore valido & lachrymis offerens, exauditus est pro sua reverentia. Dies carnis vocat Apostolus, dies vitæ mortalis Christi.

Roman. 1. v. 3. *Qui factus est ex semine David secundum carnem*. Christus ipse pridie mortis suæ declaravit Matth. 26. v. 26. hoc, quod Apostolis tradebat, esse corpus suum quod cruci assignandum erat, cujus latus apertum est, quod sepultum fuit, in quo homines Deo Patri reconciliavit. Coloss. 1. v. 21. & 22. *Et vos cum essetis aliquando alienati, & inimici sensu in operibus malis, reconciliavit in corpore carnis ejus per mortem*. Et primæ Petri v. 2. 24. *Peccata nostra ipse pertulit in corpore suo super lignum*.

Denique Christus à mortuis redivivus seipsum Thomæ tractandum præbuit, Joan. 20. & Lucæ 24. v. 39. *Videte, inquit, ostendens manus, & pedes & latus, manus meas & pedes; quia ego ipse sum. Palpate & videte, quia spiritus carnem & ossa non habet, sicut me videtis habere*.

II. Demonstratur ex iis locis in quibus tum ex Maria Virgine natus dicitur, tum ejus describitur genealogia.

Isaia 7. v. 14. *Ecce virgo concipiet, & pariet filium*: quod oraculum in Maria Virgine impletum referunt Evangelistæ, Matth. 1. v. 23. & Lucæ 1. v. 31. & Matth. eodem c. 1. v. 16. *Jacob autem genuit Joseph virum Mariæ, de qua natus est Jesus, qui vocatur Christus*. Et v. 20. *Quod ex ea natum est, de Spiritu sancto est*. Lucæ 1. v. 35. *Spiritus sanctus superveniet in te*, ait Angelus ad Mariam, & *virtus Altissimi obumbrabit tibi: ideoque & quod nascetur ex te sanctum, vocabitur Filius Dei*. Denique, genealogia Christi, quam S. Matth. describit, invicem est argumentum veritatis corporis ipsius: neque enim hominis fictiti genealogia, patria, parentes, locus & circumstantiæ nativitatis tam accuratè describerentur: infusus ille profectò haberetur, qui tale figmentum in mentem suam induceret. Plura eo de argumento vide superius ad Quæstionem octavam.

Dices 1. Rom. 8. v. 3. *Deus misit Filium suum in similitudinem carnis*. Ergo ficta erat, non vera caro.

Resp. nego consequ. Sensus Apostoli est, Deum misisse Filium suum in similitudinem carnis peccati, ut ait ibidem; non in similitudinem puram seu vacuum. Etenim specie tenus Christus videbatur habere, sicuti nos habemus, carnem peccati; at re ipsa nobis per omnia similis factus, absque peccato.

Dices 2. Apostolus 2. Corinth. 5. v. 16. ait: *Itaque nos ex hoc neminem novimus secundum carnem*. Et si cognovimus secundum carnem Christum; sed nunc jam non novimus. Ergo jam saltem Christus veram non habet carnem.

Resp. nego consequ. Mens Apostoli hæc est, interprete Estio in hunc locum, quod et si Discipuli Christi, aliquando magnum & gloriosum putaverint, gentilem & consanguineum esse Christi secundum carnem; nunc tamen ita penitus mortui sint affectibus vitæ veteris, ut non amplius in hujusmodi re gloriandum sibi censcant. Etenim pseudoapostolos in eo vel imprimis gloriatos fuisse, quod Christo essent carne & sanguine conjuncti, dubitandum non est: verum tamen id non esse magni faciendum, ipse etiam Christus docuit; quando quibusdam sibi nuntiantibus adventum suæ matris, & fratrum, respondit: *Mater mea & fratres mei hi sunt; qui Verbum Dei audiunt & faciunt*. Lucæ 8. Hæc Estius.

Dices

Dices 3. Matth. i. v. 20. Angelus Iosephum alloquens, ait quidem Iesum natum in B. Virgine, sed non ex ea, *Quod in ea natum est, de Spiritu sancto est.*

Resp. jam supra observatum fuisse, Evangelistas promiscuè particulas *in*, vel *ex*, hic usurpasse; & Matth. quidem dixisse, *quod in ea*; Sverò Lucam, *quod ex ea natum est.*

ARTICULUS SECUNDUS.

An Verbum divinum omnes humani corporis partes, etiam sanguinem, assumpserit.

Partes humani corporis aliæ sunt ad integritatem, ut membra, ossa, nervi &c. aliæ ad vitam & omnes vitales actiones, ut sanguis, spiritus, humores; aliæ ad ornatum, ut capilli.

Quæritur an Verbum eas omnes partes assumpserit.

CONCLUSIO.

Verbum divinum omnes humani corporis partes sibi hypostaticè conjunxit.

Ratio ex dictis sæpius manifesta est: Quia Verbum veram ac nostræ similem humanitatem, verum corpus, veramque carnem hypostaticè assumpsit, quia verus homo fuit, *Verbum caro factum est.* Eas igitur partes omnes sibi conjunxit, quas anima in humano corpore informat ac vivificat, membra, ossa, carnem &c.

De sanguine dubium vix moveri potest, adeo disertè Scriptura declarat per sanguinem Christi redemptos nos fuisse. Ephes. i. v. 7. *Habemus redemptionem per sanguinem eius, remissionem peccatorum.* i. Petri i. v. 18. *Non corruptibilibus auro & argento redempti estis.... sed pretioso sanguine quasi agni immaculati Christi.* Denique i. Joan. i. v. 7. *Sanguis Jesu Christi Filiæ eius, emundat nos ab omni peccato.* Virtus autem illa, seu pretium sanguinis Christi, ex ipsa Verbi persona hypostaticè humanitati sociata nascitur, unde infert Clemens VI. S. P. in Extravaganti jam à nobis laudata, vel unica pretiosi sanguinis gutta universum genus humanum redimi potuisse, propter illam hypostaticam Verbi cum humanitate conjunctionem. Utrum sanguis qui tempore Passionis effusus est, ac triduo mortis à corpore separatus fuit, hypostaticè cum humanitate junctus permanferit, fuscè antea disputatum fuit, ubi de indissolubilitate hypostaticæ unionis.

Quæres, an Christus omnem effusum in Passione sanguinem resurgendo reassumpserit, ac in Cælo etiamnum conservet.

Resp. affirmativè: Quia Christus à mortuis suscitatus, & qualis sedet ad dexteram Patris, homo verus est ac perfectus; ergo eas omnes retinet partes quæ ad perfectionem & integritatem humanitatis pertinent. Similem questionem S. Augustino proposuerat Consentius, utrum nunc corpus Domini ossa & sanguinem habeat, aut reliqua carnis lineamenta. *Quid si adderes,*

T. 2. p. 767. F. *deres, ait S. Augustinus Epistola 105. alias 146. utrum etiam vestimenta, nonne augetur questio? Ego proinde, pergit sanctus Doctor, Domini corpus ita in carno esse credo, ut erat in terra, quando ascendit in celum. Molestè fert sanctus Doctor huiusmodi particulares disquisitiones de quibus silet Scriptura. Non ergo, addit ibidem n. 3. nos addamus inquirere, quod ille (Christus) non addidit dicere; & de compendio, si placet, finita sit questio.*
 768. A. *Forassis enim, accepta occasione sanguinis, urget nos molestior perscrutator, & dicit, Si sanguis, cur non & pisina, cur non & fel flavum & fel nigrum, quibus quatuor humoribus naturam carnis temperari etiam Medicina disciplina testatur? Sed quodlibet quisque addat, corruptionem addere caveat, ne sua fidei sanitatem castitatemque corrumpat.*
 Ibid. B.

ARTICULUS TERTIUS.

De modo quo Verbum divinum carnem ex B. Virgine assumpsit: an illibata semper ac integra remanente ipsius Virginitate.

BEATÆ Mariæ Dei genitricis virginitas spectari potest, vel ante partum, vel in partu, vel post partum; quocumque autem modo spectata suos habuit hostes. Qui ex veteribus Hæreticis, ut Cerinthus, Ebion, Carpocras &c. Christum purum hominem communi cæterorum more ex commercio viri cum muliere ortum existimarunt, iiprocul dubio virginitatem Mariæ, antequam pareret, non agnovere. Jovinianus quarto sæculo B. Virginem cæterarum ac vulgariarum feminarum, quæ matres sunt, conditioni subjecit, ut nempe violato virginitatis claustro partum in lucem emittant. Alii post natum Christum ajunt Mariam cum Josepho viro suo congressam plures ex eo suscepisse filios, qui in Evangelio fratres Christi dicuntur. Ita nonnulli atate Origenis, de quibus mentionem facit Hom. 7. in Lucam; Apollinaris apud S. Epiphani. hæresi 77. & 78. &c. Octavo sæculo fuere qui plus æquo morosi ac quasi de potentia Dei diffiderent, ne fortè corpus Christi nisi rupto virginitatis claustro in lucem exire posset, commenti sunt illud ex latere Beatæ Virginis prodiiisse. Hos refellit sanctus Joannes Damascenus Libro 4. capite 15. Sit itaque

CONCLUSIO.

Verbum divinum carnem ex B. Virgine, miro prorsus ac stupendo modo operante Spiritu sancto, assumpsit; perpetua & inviolata permanente genitricis Mariæ, sive ante partum, sive in partu, sive post partum, virginitate.

I. **Modus** I. Mirum ac planè stupendum fuisse modum quo caro Christi in utero B. Virginis, operante Spiritu sancto, concepta est, demonstrat Historia Evangelica. Matth. 1. v. 18. *Cum esset desponsata mater eius Maria Joseph, antequam convenirent, inventa est in utero habens de Spiritu sancto.*
 Lucæ 1. v. 26. & seq. *Missus est Angelus Gabriel à Deo in Civitatem Galilææ, cui nomen Nazareth, ad Virginem desponsatam viro, cui nomen erat Joseph, de domo David, & nomen Virginis Maria. Et ingressus Angelus*

gelus ad eam, dixit: Ave gratia plena, Dominus tecum, benedicta tu in mulieribus. Que cum audisset, turbata est in sermone eius, & cogitabat quales esset ista salutato. Et ait Angelus ei: Ne timeas Maria, invenisti enim gratiam apud Deum: ecce concipies in utero & paries filium, & vocabis nomen eius Jesum Dixit autem Maria ad Angelum: Quomodo fiet istud, quoniam virum non cognosco? Et respondens Angelus dixit ei: Spiritus sanctus super-veniet in te, & virtus Altissimi obumbrabit tibi. Mira igitur fuit & supra consuetam naturæ legem Christi conceptio in utero B. Virginis, operante Spiritu sancto.

Tria verò in ea conceptione notanda sunt: materiz, seu purioris sanguinis Mariz preparatio; corporis Christi conformatio, & perfectio. Communis Theologorum opinio est; corpus Christi non paulatim ac successivè, ut solent alia vulgarium hominum corpora, sed statim ac in instanti conceptum ac perfectum fuisse. Ita sentiunt S. Greg. Magnus L. 18. Mor. c. 7. 1. p. 52. al. 36. Angelo numtante, inquit, & Spiritu sancto adventante, mox Verbum in utero, mox intra uterum Verbum caro.

S. Joannes Damascenus Libro 3. De fide orthodoxa cap. 2. Quomobrem, ait, simul atque caro extitit, simul quoque Dei Verbi extitit caro, simul caro animata, rationis particeps & intelligentis: ceteri Theologi, apud quos istud verum ac certum est, non prius tempore carnem Christi extitisse, quam à Verbo assumpta fuerit. Neque enim hominem perfectum, seu personam, sed naturam dumtaxat humanam Verbum sibi unione personali conjunxit: at eodem instanti natura illa singularis, seu caro Christi, & concepta fuit, & à Verbo assumpta.

Communem hanc Ecclesiæ fidem tum auctoritate sua, tum istis rationum momentis confirmant sancti Ecclesiæ Doctores. 1. Consentaneum maxime fuit, temporalem Dei nativitatem ex utero Virginis peculiari modo & extra legem naturæ consuetam fieri, ut verum dictu sit, *Generationem eius quis enarrabit?* Ita S. Ignatius in Epistola ad Ephes. S. Justinus Dial. cum Tryphone. 2. Sicut homo primus immediatè à solo Deo productus est, atque Eva ex viro sine femina prodiit, ceteri verò mortales ex consortio viri & mulieris nascuntur, ita necesse fuit quantum superaddi nativitatis modum, ex muliere scilicet sine viro, qui planè novus est ac inauditus: unde meritò Jeremias c. 31. v. 22. *Crescit Dominus novum super terram, femina circumdabit virum*, in utero nempe suo. Ita S. Irenæus L. 3. contra Valent. c. 26. 27. 3. Necesse erat, ut Salvator, qui ut nos renovaret, in mundum venit, ad nos novo planè & insolito modo accederet. Ita Tertull. L. de carne Christi cap. 17. 4. Non decuit ut idem filius duos haberet patres, æternum unum, & temporalem alterum; sed ut nullam matrem habuit in Cælo quatenus Deus, ita nullum patrem in terris habere debuit, quatenus homo. Ita Lactantius L. 4. Institut. 50. Christus sua ex Virgine nativitate, suam comprobare voluit infinitam potentiam ac naturam planè divinam. Ita Theodotus Ancyranus Hom. 1.

II. Dei genitricem Mariam ante partum virginem fuisse, demonstrant quæ mox dicta sunt. Quomodo fiet istud, quoniam virum non cognosco? . . . Spiritus sanctus superveniet in te, & virtus Altissimi obumbrabit tibi. Luc. 1. Dicit autè Isaias cap. 7. v. 14. prædixerat: *Ecce virgo concipiet, & pariet filium*, partu.

Tournely de Incarnatione.

X 3

& vo.

& vocabitur nomen eius Emmanuel, hoc est, Nobiscum Deus: quem textum à contortis Judæorum expositionibus antea vindicavimus, cum de vaticiniis Prophetarum agebamus. In Christo vaticinium illud completum fuisse referunt Evangelistæ. S. Matth. c. i. v. 18. conceptis verbis affirmat: *Antequam convenirent, inventa est in utero habens de Spiritu sancto.*

III. In partu quoque integram & illibatam fuisse Dei genitricis virginitatem, ostendunt verba mox laudata Isaïæ, *Virgo concipiet & pariet filium.* Ergo non tantum concipiendo, sed etiam pariendo filium virgo permansit. Favet Ecclesiæ Judicium, quæ pro hæreticis eos semper habuit, qui violato virginittatis claustrum Christum ex Maria natum esse asseruerunt. Favet & universa SS. Patrum, tum Græcorum tum Latinorum traditio: eorum seriem dabit Petavius L. 4. c. 3. 5. & 6. nonnullos dumtaxat hic appellasse sufficiet.

S. Augustinum Epistola 137. aliàs 3. ad Volusianum. *Ipsa, inquit, virtus per inviolatæ matris virginæ viscera membra infantis eduxit, quæ postea per clausa ossa membra juvenis introduxit.* Et in Enchiridio cap. 34. *Quo si vobis nascente, inquit, corrumperetur eius (Mariæ) integritas, non iam ille de virgine nasceretur; eumque falsò, quod absit, natum de Virgine Maria tota confiteretur Ecclesia.* Denique Serm. 21. de tempore nunc 120. in Append. *Virgo, inquit, genuit; quia Virgo concepit. Inviolata peperit; quia in conceptu libido non fuit. Utrobique miraculum: & sine corruptione gravida, & in partu Virgo puerpera.*

Sanctum Leonem Sermone 1. de Nativitate, *Merito igitur, inquit, virginæ integritati nihil corruptionis intulit partus salutis, quia custodia fuit pudoris, editio veritatis.*

S. Ambrosium Epist. 7. ad Siricium S. Pontificem, quæ Synodica est Mediolanensis Concilii adversus Jovinianum, & Lib. de Instit. Virginis cap. 7. Hieronymum Comment. in caput 44. Ezechielis, Joan. Damasc. L. 4. De fide orth. c. 15. & alios de quibus Petavius loco mox indicato. Istud verò stupendum miraculum alio duplici exponunt SS. Doctores. Nimirum, sicut Christus clausis januis intravit in cubiculum ubi congregati erant Apostoli, & sicut intactis sepulchri sigillis, nec fracto aut revoluta lapide, à mortuis redivivus è sepulcro exivit; ita integro ac inviolato pudoris ac virginittatis claustrum ex utero matris in lucem emissus fuit.

IV. Etiam post partum Maria mater Dei virgo permansit, nec ullos, ut impii nonnulli fingunt, filios ex Joseph suscepit.

Constat ex Judicio Ecclesiæ, quæ in pietatem illam semper detestata fuit, quam Origenes *magnam insaniam*, Ambrosius *sacrilegium*, Gennadius *blasphemiam*, appellat. In tantam, ait Origenes Hom. 7. in Lucam, *nescio quis prorupit insaniam; ut assereret negatam fuisse Mariam à Salvatore, eò quòd post natiuitatem illius juncta fuisset Joseph.* S. Basilii Homilia in sanctam

Christi generationem, aliàs 25. *Christi amantes, inquit, audire non sistent, quòd Desperata aliquando deserit esse virgo.* S. Epiphanius Hæres. 78. n. 6. scribit eos pro hæreticis haberi, qui dicerent Mariam post editum Christum cum Josepho viro suo consuetudinem habuisse, quos *Antidicomarianitas* appellat, variisque confutat momentis, isto præsertim, quòd ad

ita usque tempora, nemo B. Mariam appellasset, nisi præposito virginis nomine.

B. Maria
virgo
post partum.

T. 1. p.
137. A.

T. 2. p.
600. A.

T. 1. p.
1037.

nomine. S. Ambrosius L. De instit. virginis c. 6. *Fieri non poterat, ait, ut Joseph vir iustus in hanc prorupisset amentiam, ut matri Domini corporeo concubitu misceretur.* S. Hieronymus ex professo contra Helvidium ostendit, Mariam perpetuò constanter virginem permanfisse. *Natum esse Deum de virgine credimus, ait, quia legimus: Mariam nupfisse post partum non credimus, quia non legimus.* Et Comment. in caput 44. Ezech. v. 2. *Pulchrè quidem, inquit, clausam portam, per quam solus Dominus Deus Israel ingreditur, Mariam Virginem intelligunt, quæ & ante partum, & post partum virgo permanfit.* S. Augustinus Tract. 10. in Joan. *Unde, inquit, fratres Domino? Num Maria iterum peperit? absit. Inde cœpit dignitas virginum. Illa femina mater esse potuit, mulier esse non potuit.* Denique Concilium generale Chalcedonenſe in Allocutione ad Marcianum Imperatorem, asseverat, *virginitatem (Beatae Mariz à Christo) sacratam esse, etiam post partum, necrumque ejus fuisse integritate obſignatam, ut nullius injuria deinde pateret.*

Quæres an B. Maria perpetuè virginitatis votum emisisset? An vero matrimonio cum Josepho juncta fuerit, & qua ratione verum flare potuerit matrimonium cum voto virginitatis perpetuò servanda?

Resp. 1. Virginitatis votum à B. Virgine emissum fuisse, probant hæc ipsius verba, *Quomodo fiet istud, quoniam virum non cognosco?* Ita S. Augustinus mox laudandus.

Resp. 2. B. Virginem vero & propriè dicto matrimonio cum Josepho viro suo conjunctam fuisse, cujus quidem mysterii causas & rationes illas passim adducunt SS. Patres. 1. ut Mariz & Christi genus seu prosapia, ex Joseph, qui fuit ex familia David, clarè innotesceret. 2. ut Virginis, quæ de Spiritu sancto conceptura erat, honori cōsuleretur. 3. ne Christus pro spurio haberetur, & rejiceretur à Judæis. 4. ut Joseph uxoris suæ castitatis ac illibate virginitatis & testis & cultus foret. 5. ait S. Ignatius Martyr, *ut partus B. Virginis diabolo celaretur.*

Resp. 3. Virginitatis votum flare rectè posse cum matrimonio, ex mutuo partis utriusque consensu: matrimonium etenim in animorum unionē, consensione, ac individue vitæ societate consistit potius, quàm in carnali cohabitatione. Quapropter non sine divina inspiratione Joseph Mariam accepit in conjugem, ad quam nusquam erat accessurus. Rem totam exponit S. Augustinus L. De sancta Virginitate c. 4. *Profecit, inquit, non diceret (B. Virgo), Quomodo fiet istud, quoniam virum non cognosco: nisi Deo virginem se antè vovisset. Sed quia hoc Israelitarum mores adhuc recusabant, sponsata est viro iusto, non violenter ablaturò, sed potius contra violentos custodituro quod illa jam voverat.*

Solvuntur Objectiones.

Obicies 1. cum Tertulliano L. de carne Christi c. 23. & Origene Hom. 4. in Lucam, hæc verba S. Lucæ c. 2. v. 22. *Postquam impleti sunt dies purificationis Mariæ secundum legem Moysi, tulerunt illum in Jerusalem; ut sifterent eum Domino, sicut scriptum est in lege Domini, Quia omne masculinum adaperiens vulvæ, sanctum Domino vocabitur.* Ex quibus verbis inferunt, Christum ex B. Virgine referato virginitatis clauſtro prodiisse.

X 4

Resp.

Resp. nego conseq. Namque verbis citatis hoc unum dumtaxat intendit S. Lucas, quod lex ferebat, omne masculinum primogenitum offerri Deo debere, quocumque tandem modo natum esset, sive ordinario, sive extraordinario ac singulari; lex autem iis concepta est verbis quæ communem spectant nascendi modum. In legibus quippe ferendis Legislator ad id attendit quod communi ac consuetæ naturæ ordine contingit, non ad id quod est singulari, & supra ordinarium naturæ ordinem positum est, qualis est nativitas ex virgine. Tertulliani ac Origenis auctoritate parum movemur, qui, ut & in aliis bene multis, hic à nobis deferendi sunt.

Objicies 2. cum Helvidio. Matth. 1. v. 18. dicitur: *cum esset desponsata mater eius Maria Joseph, antequam convenirent inventa est in utero habens de Spiritu sancto*. Particula *antequam* denotat postea convenisse Mariam cum Josepho.

Resp. verba ista, *antequam convenirent*, exponi de cohabitatione, vel domicilii, vel thori: si prius, sensus est, Antequam Maria Joseph desponsata simul in eadem domo habitarent nuptias brevi celebraturi, hoc temporis intervallo *inventa est Maria habens in utero de Spiritu sancto*. Huic expositioni favere videtur anxietas Joseph, qui dubitabat an Mariam in uxorem acciperet: *Joseph vir iustus*, ait S. Matth. c. 1. v. 19, *cum nollet eam traducere, voluit occultè dimittere eam*. Hæc autem eo cogitante, ecce *Angelus Domini apparuit in somnis ei; dicens: Joseph fili David, noli timere accipere Mariam conjugem tuam: quod enim in ea natum est, de Spiritu sancto est*. Si verò de cohabitatione thori citata verba intellexeris, dico cum S. Hieronymo, S.ripturam quid factum non sit (nempe non convenisse Mariam cum Joseph, antequam pareret filium) aperire, non verò quid postea contigerit, cum nec quæreretur, nec foret necessarium. Quapropter falsa est ista consecutio, Antequam Maria pareret filium, non convenerat cum Joseph; ergo postea venit. Perinde est ac si quis diceret: Helvidius antequam poenitentiam ageret, morte præventus fuit; ergo postea poenitentiam egit. Quis non rideat ad tam insulsam consecutionem?

Objicies 3. Eodem cap. 1. v. 25. de Joseph S. Matthæus ait: *Et non cognoscebat eam, donec peperit filium suum primogenitum*. Ergo postea eam cognovit: particula quippe illa *donec*, hunc sensum præferre videtur.

Resp. nego conseq. Particula *donec*, quid antea factum non sit ibi dumtaxat demonstrat. Scilicet particula ista *donec*, non semper certum ac definitum tempus designat, sed indefinitum; nec ita tempus præcedens connotat, ut futurum etiam non respiciat. V. g. Isaïa 46. Deus ait, *Ego sum, ego sum, & donec senescatis ego sum*. An inde inferes, postquam sequerint illi, Deum non amplius futurum? nihil insulsius. Pariter 1. Cor. 15. v. 25. ex Psalmo 109. Apostolus ait: *Oportet illum regnare, donec ponat inimicos sub pedibus ejus*: an, quæso, inde bene colligitur, destruendum fore regnum Christi; cum sub pedibus ejus positi fuerint ejus inimici? Similiter L. 2. Regum c. 6. v. 23. legimus, *Michol filia Saul non est natus filius usque in diem mortis sue*: an inferet quis natum ei filium post mortem? non puto. Ergo pariter cum dicitur, *Antequam convenirent* (Maria & Joseph), *inventa est in utero habens de Spiritu sancto*; non sequitur eos postea convenisse.

Obji-

Obijcies 4. Christus dicitur Mariæ filius primogenitus; ergo alios habuit Maria filios.

Resp. nego conseq. Primogenitus ille dicitur, ante quem nullus genitus est, non autem post quem aliquis natus fuerit. Apud Jurisconsultos *primus* dicitur, *quem nemo precedit; ultimus, quem nemo sequitur*. Quin & Hebræi primogenitos appellare solent unigenitos: Exodi 4. v. 22. Israel vocatur *primogenitus* Dei, licet solus esset populus à Deo electus. Et cap. 13. v. 2. *primogenitus* sanctus Deo dicitur, qui primo partu editur, sive alii sequantur, sive non: alias primogenita redimenda non fuissent, nisi post aliam prolem susceptam, quod tamen falsum esse Lex ostendit, qua præcipitur ea redimenda esse primo à partu mense. Num. 18. v. 16.

Obijcies denique: Matth. 13. v. 55. plures Christo fratres assignantur, Jacobus & Joseph, & Simon & Judas; ergo Maria plures post natum Christum filios suscepit ex Joseph viro suo.

Resp. nego conseq. Namque pro more Scripturæ, consanguinei fratres appellantur. Gen. 13. Abraham Loth nepoti suo dicebat, *Nos fratres sumus*. Et c. 19. v. 15. Laban ad Jacob: *Num quia frater meus es, gratis servies mihi?* Fratres igitur Christi, consanguinei ac consobrini ejus sunt.

A R T I C U L U S IV.

An Christus specie seu forma decorus fuerit.

Nihil hic certò definiri potest, sive ex Scripturis, sive ex sanctis Patribus, sive ex depictis, quæ circumferuntur, Christi imaginibus.

I. Non ex Scripturis. Quæ etenim formam ejus speciosam commendant;

Psal. 44. v. 3. *Speciosus forma præ filiis hominum, diffusa est gratia in labiis*

ad animæ pulchritudinem, seu virtutes & spiritualia dona Interpretes referunt. *Hic, ait S. Chrysost. ad Psal. 44. speciosus forma præ filiis hominum significans gratiam, sapientiam, doctrinam, miracula.* Et Theodoretus in eum-

Ed. rec.
Ta. 5. p.
163. C.

dem locum, *Psalmus autem, ait, ejus pulchritudinem vocat, non corporis, sed virtutis & totius iustitiæ.* Eadem est interpretatio SS. Basilii & Augustini

Ta. 1. f.
568. C.

in Psal. 44. & Tract. 9. in Epistolam 1. S. Joan. & Hieronymi Epistola ad Principiam. Fundatur hæc interpretatio in hoc ipso Psal. 44. qui totus est

in commendationem virtutis & excellentiæ Christi: quapropter immediatè post verba citata, Psaltes Regius addit, *Propterea benedixit te Deus æ-*

ternum. Et v. 8. *Dilexisti iustitiam, & odisti iniquitatem: propterea unxit te Deus tuus oleo lætitiæ præ consortibus tuis.* Speciosa ergo illa forma, &

diffusa in labiis gratia, sensu figurato & allegorico de pulchritudine animæ intelligi debet, quemadmodum quod v. 4. ibidem additur, *Accingere gladio tuo super femur tuum, potentissime;* non de vero ad litteram gladio,

sed de virtute ac potestate Christi exponunt Interpretes.

Quæ verò deformem ac despicabilem ejus formam indicant, qualia ista sunt Isaiæ 52. v. 14. *Sicut obstupuerunt super te multi, sic inglorius erit inter vi-*

vos aspectus ejus. Et cap. 53. v. 2. *Non est species ei neque decor: vidimus eum, & non erat aspectus;* hæc, inquam, ad tempus Passionis Christi referunt

Interpretes, non ad cursum vitæ mortalis.

II. Mul-

II. Multò minùs ex depictis Christi imaginibus colligi potest quæ ipsi fuerit vultus conformatio, an decora & venusta, an disformis & sordida; aliquas reipsa imagines Christi depictas, excisas aliquas statuas fuisse negari non potest, sed qualis vultu ac specie Christus fuerit, inde certò rescire jam non possumus. De imaginibus autem Christi, quæ Abgari & Veronice fuisse memorantur, sileo, quòd à multis non sine causa revocantur in dubium, de quibus vide Baronium ad an. 34. & Gretserum, *De imaginibus Christi non manu factis*.

III. SS. Ecclesie Patres variè hùc sentiunt, ex quibus proinde nihil certò statui ac definiri potest.

Christus forma decorum ac pulchrum non fuisse, testantur omnes ferè Scriptores ad quartum usque sæculum.

Tertullianus L. de Carne Christi c. 9. veritatem carnis Christi inde probat, quòd nihil illa novi, nihil miri præferret. *Unde, inquit, despicientium formam ejus, hæc erat vox, Unde huic doctrina & signa ista? Adeo nec humane honestatis corpus fuit, nedum celestis claritatis. Tacentibus apud nos quoque Prophetis de ignobili aspectu ejus, ipsa passiones, ipsaque contumelia loquuntur: passiones quidem, humanam carnem; contumelia verò, inhonestam. An ausus esset aliquis ungue summo perstringere corpus novum; sputaminibus contaminare faciem nisi merentem?*

S. Clemens Alexandrinus Libro tertio Pædagog. cap. 1. sic loquitur: *Ipsum autem Dominum fuisse aspectu deformem, testatur Spiritus per Isaiam, Et vidimus ipsum, & non habebat speciem nec pulchritudinem, sed species ejus vilis, deficiens præ hominibus. Quis est autem Domino præstantior? Sed non carnis pulchritudinem quæ visione apprehenditur, sed veram animæ & corporis pulchritudinem: animæ quidem beneficentiam; carnis verò, immortalitatem. Et Lib. 6. Stromatum istam rationem reddit: Jam verò, inquit, Dominus non præstans pulchritudinem, absistat ab iis quæ dicuntur; & attendens iis quæ relinquuntur, abducatur ab iis quæ percipit intelligentia.*

Magistrum sequitur discipulus Origenes Lib. 6. contra Celsum: Cùm iste in derisionem Christianis objiceret; colli ab ipstis tanquam Deum, hominem statura pusillum, ac deformem specie, respondet Origenes: *Fateatur quidem, scriptum de Jesu corpore despicabili; quamvis non habeatur apertè adscriptum, parvum fuisse ac vile. Est autem locus apud Isaiam prædicentem Venturum cum non supra modum decora specie, nec excellenti pulchritudine.* Cello non concedit Origenes; Christum statura parvum seu pusillum fuisse; at fatetur specie admodum decora & eleganti non fuisse.

Sanctus Cyrillus Alexandr. Glaphyrorum in Exodum Lib. 1. Nemo verò, inquit, dubitaverit, quin pulchritudo (Christi) intelligatur de ea qua est in gloria & natura deitatis omnia superantis, quandoquidem carnis gloriationes nemo adscripserit Christo, neque in gloriam ipsius censuerit. Absit hoc. Totum enim mysterium incarnationis ipsius est exinanitio & humiliatio, sicut scripsit de eo Propheta Isaias.

Ineamdem sententiam haud dubiè conspirant, qui verba jam laudata ex Psal. 44. *Speciosus forma præ filiis hominum*, non ad corpus, sed ad virtutes animæ referunt, quos initio hujus Articuli appellavimus.

E con-

E contra verò non defunt inter SS. Patres, præsertim SS. Hieronymus, & Joannes Chrysostomus, qui existimant Christo venustam & elegantem oris formam fuisse.

S. Hieronymus in caput 9. S. Matth. Certè, inquit, *fulgor ipse & majestas divinitatis occultæ, quæ etiam in humani facie relucebat, ex primo ad se videnter trahere poterat aspectu.* Et in caput 21. *Igneum quiddam, inquit, atque splendorem radiabat ex oculis ejus, & divinitatis majestas lucebat in facie.* Et in Epist. ad Principiam. *Nisi, inquit, habuisset & in vultu quiddam oculisque splendorem, nunquam eum statim sequuti fuissent Apostoli; nec qui ad comprehendendum eum venerant, contuissent.*

S. Joannes Chrysostomus Homil. 28. in Matth. sic habet: *Nam ut in faciendis signis erat mirabilis, sic visu gratiosissimus fuisse traditur: idque ipse Prophetæ significans multò ante clamaverat, Speciosus pulchritudine super filios hominum.* Quod autem dicit Isaias, *Non habebat speciem neque pulchritudinem, aut quoniam ad deitatis suæ ineffabilem gloriam, aut quoniam passionis cruentam deformationem, & lividos tumores respexit, id ita dixit: Vel etiam quia tenui eum & vultu & vestitu usurum significare voluit.*

Incertum quidem videtur de quo fulgore vultus Christi loquatur S. Hieronymus; an de fixo & permanente; an de fluxo & transeunte. Exemplis Moïsi ac Stephani quæ profert sanctus Doctor, innuere videntur eum loqui de fulgore quoddam transeunte, & per quædam dumtaxat intervalla temporis in ore Christi emicante. Quidquid sit, inter illas duas extreme oppositas opiniones tertia feligi posse videtur, quæ statuat Christum nec eleganti ac venusta specie fuisse, nec etiam deformi ac turpi, sed communem ac mediocri, quæ nec splendida pulchritudine oculostraheret, nec turpi deformitate offenderet. Mediam hanc sententiam, quæ extremas conciliat, innuunt Tertull. citato Lib. de Carne Christi cap. 9. ubi ait, *non miram fuisse terrenæ carnis Christi conditionem..... nec adeo humane honestatis corpus fuisse, nedum celestis claritatis.* Origenes citato L. 6. contra Cellum, ubi ait, *Christum nec supra modum decora specie, nec excellenti pulchritudine fuisse.* Ergo mediocri ac vulgari. S. Hieronymus in caput 52. Isaïæ. *Hinc, ait, erit malus miraculum, quòd inglorius erit inter homines aspectus ejus: non quo forme significet sed ditatem, sed quòd in humilitate venerit & paupertate.* Denique S. Chrysostomus in Psal. 44. *Diffusa est gratia in labiis tuis. Quomodo ergo dicit alius Prophetæ, Vidimus ipsum, & non habuit speciem nec pulchritudinem? Non dicit de deformitate, absit: sed de ejus contempione.*

Edi.
Cōmel.
p. 176.
A.

Pagina
316.C.

Tr. 2. p.
504.M.
Tr. 3. p.
181.

Ed. rec.
Tr. 5. p.
163.A.

ARTICULUS QUINTUS.

An Christus humanos defectus assumpserit.

INter humanos defectus alii ad corpus, alii ad animam pertinent: Corporis defectus vel omnibus communes sunt, ut esse corruptibile, passibile, mortale; vel speciales sunt ac proprii, qui ex certis ac singularibus causis oriuntur, ut febris, deformitas quædam in membris malè coaptatis, v.g. claudicatio, cæcitas &c. Defectus verò animæ, vel physici sunt, ut ignorantia, concupiscentia; vel morales, ut peccatum, inordinati affectus &c. De his postre-

postremis suis erit postea dicendi locus, ubi de anima Christi: de solis huc loquimur humani corporis defectibus.

C O N C L U S I O.

Christus omnes humani corporis communes defectus assumpsit: non speciales, qui ex singulari causarum secundarum dispositione nascuntur.

Probatur. Quia Christus, ex dictis hactenus, verus homo fuit, verum ac solidum nostroque simile corpus assumpsit: *Tentatus per omnia pro similitudine absque peccato.* Hebr. 4. v. 15. Ergo eos omnes corporis defectus assumpsit, qui omnibus sunt communes, quique ad opus redemptionis humanæ perficiendum maximè conducunt, quales sunt esse passibile, esse mortale &c. una excipitur per triduum mortis carnis corruptio, dicente Propheta Psal. 15. v. 10. *Non dabis sanctum tuum videre corruptionem*, tum quia hæc ad negotium redemptionis nostræ consummandum necessaria non videtur; tum quia indecens fuisset corpus illud corrumpi, cui etiam mortuo, hypostatice unitum Verbum permansit. Speciales verò defectus, qui ex singularibus causis, seu certa quadam causarum secundarum dispositione nascuntur, Christus non assumpsit: sive quia necessarii non erant ad finem propter quem venerat; sive quia perfectum esse oportuit corpus quod speciali operatione Spiritus sancti formatum est.

A R T I C U L U S VI.

An Christus doloribus verè obnoxius fuerit.

Observanda.

I. QUæ in nobis est doloribus cæterisque infirmitatibus subjacendi necessitas, ex duplici fonte oritur; ex naturæ principiis, & ex pœna peccati. Omne compositum ex contrariis, natura sua dissolvi potest, & corruptioni obnoxium est; nec sine speciali gratiæ privilegio, Adamus in ortu suo factus est immortalis, à quo privilegio culpa sua excidit: Gen. 2. v. 17. *Quocunque die comederis, morte morieris.* Rom. 5. v. 12. *Peccatum intravit in mundum, & per peccatum mors.* Etc. 6. v. 23. *Stipendia peccati, mors.*

II. Ex peccato factum est ut tot humanis premamur infirmitatibus, quas ad nutum excutere non possumus. Illarum jugum tam durum sentiebat vel ipse Paulus, ut à corpore mortis huius liberari exoptaret. *Non enim,* inquiebat ibid. v. 15. *quod volo bonum, hoc ago: sed quod odi malum, illud facio.*

Rom. 7.
v. 24.

III. Certissimum est Christum, non ex peccato, cujus prorsus incapax fuit, doloribus, cæterisque humanis infirmitatibus, obnoxium fuisse. Non minus certum, infirmitates illas & humanas affectiones ita voluntati Christi perfecte subditas fuisse, ut nec usurpationis ejus anteverterent, nec animi perturbarent; *Turbavit enim semetipsum,* Joan. 11. v. 33.

Quæstio igitur est, an Christus doloribus subditus fuerit ex sola dumtaxat sua

sua voluntate, an etiam ex necessaria naturæ quam assumpsit, conditione. Circa præsentem questionem errarunt nonnulli ex veteribus Hæreticis: Catholici verò, salva fide, variè sentiunt.

Ariani & Appollinaristæ eò dementiæ proruperunt, ut dicerent, etiam divinitatem ipsam passam fuisse. Cum enim illi docerent, divinitatem animæ vel mentis vices ac locum in Christo supplere, consequenter eum doloris sensum in Christo divinitas experiebatur, quem experta fuisset anima, si adfuisset. Vide quæ initio de variis circa Incarnationem erroribus à nobis dicta sunt.

Post damnatum in Concilio Chalcedonensi anno 451. Eutychen, induas præsertim sectas divisi sunt ejus discipuli, quarum una *Corrupticolarum*, altera *Incorrupticolarum* dicta fuit. Petrus Cnaphæus Antiochenus Episcopus, cum anathema dixisset Concilio Chalcedonensi, ac Trisagio istam adjecisset clausulam, *Qui passus es pro nobis, miserere nobis; Theopaschitarum* errori ac sectæ nomen & ortum dedit; sic dicti, quod existimarent divinitatem carni factam consubstantialiorem verè passam fuisse. Cum verò Petrus Moggus Sedem Alexandrinam invasisset, & Chalcedonensi Synodo anathema dicere cunctaretur, scissi sunt ab eo Eutychiani hujus Urbis ac Regionis; inde *Acephali* dicti sunt, inter quos Severus Monachus Corrupticolarum, Julianus Halicarnensis Incorrupticolarum novam sectam peperit: quod illi corruptibilem naturam ipsam Christi carnem fuisse, utpotè veram carnem ac nostræ consubstantialiorem; hi verò incorruptibilem, utpotè unius jam cum Verbo naturæ, profiterentur.

Rem sic narrat Liberatus Breviar. c. 19. *Sub Timotheo de corruptibili & incorruptibili apud ipsam Ecclesiam questio mota est hoc modo. Requisivit qui- Tom. 5. dam Monachus Severum, quid oporteret dicere corpus Domini nostri Jesu Christi, Cons. p. corruptibile, an incorruptibile. Ille respondit ei, sanctos Patres corruptibile il- 762. l. lud dixisse. Hoc audientes quidam Alexandrinorum, cum requisissent Julianum in alio loco sedentem, quid & ipse diceret de eadem questione; ille dixit SS. Patres contraria dicere. Horum itaque singuli statuere proprium responsum volentes, scripserunt libros adversus alterutrum, qui venientes in multitudinem civitatis, Ecclesiam illam diviserunt; & alios quidem fecerunt Corrupticolas appellari, verum incorruptibilis assertores, Phantasiastas. Hæc Liberatus. Phantasiastæ autem illi dicebantur, non quod phantasticum dumtaxat & umbratile corpus Christo affingerent; sed quod naturales in Christo affectiones, non veras, sed apparentes dumtaxat esse contenderent.*

Tota porro hæc controversia, seposito errore Eutychis utramque naturam confundentis, nihil in fide periculi habere videtur, si intra istos limites concludatur: nempe an Christus corruptibilis fuerit, ac doloribus obnoxius, ex sola sua voluntate; an etiam ex necessitate naturæ simul & libera voluntate. Qui enim ex Veteribus dixere Christi carnem incorruptibilem, non negarunt Christum revera passum ac mortuum; sed hoc unum voluisse videntur, Christum non ex naturæ suæ necessitate, sed ex voluntate dumtaxat, doloribus, passioni ac morti subiectum fuisse.

Duplex igitur hic sententia est.

Prima eorum qui existimant, vi unionis hypostatice carnem Christi ex Spiritu sancto conceptam, natura sua corruptioni, doloribus caterisque infirmita-

mitatibus obnoxiam non fuisse : quia , inquit , Christus carnem assumpsit , non qualis nostra est post peccatum , sed qualis Adami innocentis fuit , verè impassibilis & immortalis ; ex peccato etenim orta est moriendi necessitas , *suspensum peccati* , mors . Christus autem non via ordinaria ex homine peccatore natus est ; ergo natura sua immunis erat à necessitate patiendi & moriendi : passus tamen est ac mortuus , quia voluit , ac necessarium duxit ad opus nostræ redemptionis . Addunt , miraculo opus fuisse , ut naturalis ejus impassibilitas & immortalitas suspenderetur , ac locum daret doloribus , quibus affligi propter nos voluit , *Dolores nostros ipse portavit* . Eo serè modo quod necesse fuit gloriam , qua ex visione Dei intuitiva perfusa erat anima Christi , quodammodo retineri ac suspendi , ne tota in corpus ejus disfluere . Laudantur hujus sententiæ patroni SS. Clemens Alexand. L. 6. Stromatum , Leo Magnus in Dominicam primam Quadragesimæ , Maximus Hom. 1. de Jejunio Quadrag. quidam Catholici apud Leontium L. 2. contra Eutyrianos , Augustinus Tract. 31. 49. & 60. in Joan. Hugo Victorinus L. 2. de Sacramentis , parte 1. c. 7. Philippus Abbas Bonæ Spei ex Ordine Præmonstratensi , in Epistolis de sententia Hilarii , qui quidem eò etiam procedit ut dicat , sola vi immunitatis à peccato , & firmæ corporis Christi constitutionis , absque ullo alio subsidio , potuisse Christum nec elurire , nec pati , nec mori ; qua in re ab Hunaldo reprehensus fuit .

Secunda sententia contendit Christum , non tantum ex voluntate , sed etiam ex necessitate naturæ quam assumpsit , doloribus subditum fuisse ; quia nempe carnem assumpsit per omnia nostræ similem , absque peccato , & eam ipsam , quam liberaturus erat : sed caro hujuscemodi ipsa nativa sua conditione doloribus ceterisque humanis infirmitatibus subjacet . Ex hac parte stare videntur S. Augustinus L. 2. de pecc. merit. c. 29. Boetius de duabus naturis , Leontius L. 2. S. Bernardus Serm. 1. de Epiph. Joannes Præpositus contra Philippum Bonæ Spei Abbatem , de sententia Hilarii , & Hunaldus ab utroque illius controversiæ delectus arbiter .

C O N C L U S I O .

Christus dolori , ceterisque communibus humanæ naturæ infirmitatibus obnoxius fuit ; quamquam à nostris , tum causa , tum necessitate ac effectu , longè diversis .

Dux sunt Conclusionis partes . Prima pars , tum quoad corpus , tum quoad animam Christi , facile probatur ex Scripturis . Quantum ad corpus : Isaias c. 1. v. 6. de Christo spiritu prophetico ait : *Aplanta pedis usque ad verticem non est in eo sanitas* . Etc. 53. v. 3. Christum virum appellat *dolorum* , scientem infirmitatem . Et v. 4. *Perè languores nostros ipse tulit , & dolores nostros ipse portavit : & nos putavimus eum quasi leprosum & percussum à Deo & humiliatum . Ipse autem vulneratus est propter iniquitates nostras , attritus est propter scelera nostra* .

Hujus prophetiæ finem ac complementum Historia Evangelica demonstrat . Accerbissima scilicet tormenta passus est Christus , sive cum flagellis cedebatur , sive cum affigebatur cruci ; ad quæ oculos convertens , vel ipsa compellente natura , dicebat Matth. 26. v. 39. *Pater si possibile est transeat à me calix* .

calix iste. Hinc ex timore tam acerbi supplicii, sudor ille sanguinis quo totus in Olivarum horto perfusus fuit, Lucæ 22. v. 44. Passim in vitæ suæ mortalis cursu, varia humanæ infirmitatis signa & argumenta dedit. Matth. 4. v. 2. post jejunium quadraginta dierum & noctium, *esuriit.* Joan. 4. v. 6. *Fatigatus ex itinere, sedet ad fontem.* Lucæ 19. v. 41. *Flevit super Jerusalem.* Joan. 11. v. 33. & 35. *Infirmuit spiritu, & lachrymatus est.* Sitit in cruce, ac tandem *inclinato capite tradidit spiritum.* Joan. 19. Merito igitur Apostolus pronuntiat 2. Cor. 13. v. 4. *Crucifixus ex infirmitate, sed vivit ex virtute Dei.*

Quantum verò ad animam Christi attinet, eos tristitiæ ac doloris affectus sensit, quos & ipsi homines etiam iusti experiuntur, Marci 14. v. 33. *Capit pavere & cadere.* Matth. 26. v. 37. *Capit contristari & maestus esse.* Tristis est anima mea usque ad mortem, ibidem. Quanta verò fuerit hujus doloris ac tristitiæ magnitudo, duo potissimum demonstrant, tum oratio qua Patrem rogat, ut si fieri potest, transeat à se calix iste; tum sudor sanguinis, quem vis & acerbitas doloris ex venis expressit.

Istos porro humanos tristitiæ ac doloris affectus expertus est Christus, non tantum ex voluntate, sed etiam ex naturali carnis conditione, quam nostræ in omnibus absque peccato similem ac substantialem assumere voluit: *Tentatus per omnia pro similitudine absque peccato.* Hebr. 4. v. 15. *Non enim, ait ibidem Apostolus, habemus Pontificem, qui non possit compati infirmitatibus nostris.* Et cap. 2. v. 17. *Debit per omnia fratribus assimilari, ut misericors fieret & fidelis Pontifex ad Deum, ut repropitiaret delicta populi.* In eo enim in quo passus est ipse & tentatus, potens est & eis, qui tentantur, auxiliari. Ibid. v. 14. *Quia ergo pueri communicaverunt carni & sanguini, & ipse similiter participavit eisdem.* Eam scilicet carnem assumere voluit Christus, quam liberaturus erat, in qua & per quam redemptionis humanæ opus perficere ac consummare posset: illa porro ex naturæ suæ necessitate doloribus ac morti subdita est. Non equidem carnem peccati assumpti Christus agnus impollutus & innocens: non peccatum, non ignorantiam, aut concupiscentiam; sed appendices seu alios omnes effectus carnis peccati ad opus redemptionis nostræ necessarios.

Superfluum foret hic multa congerere SS. Patrum testimonia, quæ jam laudavimus, ubi de vera Christi humanitate, corpore vero ac solido, non phantastico nec umbratili: unus hic sufficiat Tertullianus L. 3. contra Marcionem cap. 8. *Sic, (in opinione Marcionis) inquit, nec passionis Christi ejus fidem merebuntur; nihil enim passus est, qui non verè passus est: verè autem patii phantasma non potest. Eversum est igitur totum Dei opus: totum Christiani nominis & pondus & fructus, mors Christi negatur.*

Pagina
401. D.

Accedit & ratio ducta ex legibus unionis animæ & corporis; qua sit ut ex certis animæ cogitationibus seu perceptionibus, certa quædam in corpore resultet spirituum & sanguinis commotio; ac vicissim ex commotione corporis, certa quædam excitetur in anima perceptio. Mutuum istud commercium ineffragionis animæ in corpus, & corporis in animam, potuisset Adamus innocens ad nutum impedire ac suspendere; similiter & id potuisset Christus; at noluit, quia naturæ, quam assumpsit, legibus ea in parte seipsum subicere voluit.

Secunda verò Conclusionis pars aperta est. Triplici maxime ex capite distant infirmitates quas nos patimur, ab iis quas Christus assumpsit.

I. Ne-

I. Necessitate. Neque enim illas excutere ad libitum possumus; & contra Christus, qui, ut ait Iſaia c. 53. v. 7. *Oblatus est quia ipse voluit*: Et Joan. 10. v. 17. Christus ipse dicit: *Ego pono animam meam, ut iterum sumam eam. Nemo tollit eam a me; sed ego pono eam a me ipso, & potestatem habeo iterum sumendi eam*. Ergo, ait S. Augustinus in Psal. 93. *tristis fuit Christus. Propterea tristis fuit, sed voluntate suscipiens tristitiam, quomodo voluntate suscipiens carnem*. Ratio manifesta est: quia caro Christi non fuit, sicut nostra, caro peccati; quapropter non ineluctabili necessitate infirmitates illas contraxit, quæ ex peccato veniunt: *Stipendium enim peccati, mors*: eas autem liberè in se suscepit, quia *decebat eum propter quem omnia, & per quem omnia, qui multos filios in gloriam adduxerat, auctorem salutis eorum per passionem consummare*, ut loquitur Apostolus Hebr. 2. v. 10.

Ts. 4. p.
102. 4. f.

II. Causis. Tum quia necessitas subjacendi naturæ infirmitatibus, non fuit in Christo, perinde ac in nobis, ex peccato, cujus illæ poenæ sunt: tum quia Christus eas propter se non assumpsit, sed nostri causa, quas in bonum accommodum nostrum divinæ gratiæ auxilio convertere possumus.

III. Effectibus. Humanæ scilicet affectiones nobis ut plurimum dominantur, indeliberatæ sunt, rationis usum anteverunt ac sæpius perturbant, & a sede sua deiciunt; inde impatientis vel dejecti & desperantis animi commotiones: in Christo verò ordinatæ erant, deliberatæ, placidæ, quas ad nutum ille regebat ac moderabatur. Illis autem defectibus triplici titulo Christus caruit, sanctitatis & innocentiae, beatitudinis qua fruebatur, & unionis hypostatice cum Verbo divino. Nec te moveat quod Joan. 12. v. 27. fateatur Christus *animam suam turbatam esse*; & c. 13. v. 21. dicatur *turbatus spiritu*. Namque commotio illa, quæ non ex desperatione animi, (horresco referens) sed ex timore dumtaxat mortis oriebatur, indeliberata non erat, nec involuntaria, quam in seipso volens ac lubens Christus excitavit. Joan. 11. v. 33. *Turbavit seipsum*: nempe ut se hominem verum demonstraret, ac nobis solatio & exemplo foret in doloribus ac infirmitatibus hujus vitæ constanti animo perseverandis. *Qui enim*, ait S. Augustinus in Psal. 49. *suscepit similitudinem peccati, cur non susceperet similitudinem vocis peccati?*

Ts. 4. p.
445. C.

Solvuntur Objectiones.

Objicies 1. Necessitas subjacendi humanis infirmitatibus ex peccato orta est; si enim non peccasset Adamus, mortuus non fuisset, *Stipendia peccati mors*. Rom. 6. v. 23. Atqui nullum fuit, nec esse potuit in Christo peccatum, *Tentatus pro omnia pro similitudine absque peccato*; Hebr. 4. v. 15. Ergo non fuit in Christo necessitas subjacendi humanis infirmitatibus, ex naturæ conditione, sed ex libera ipsius voluntate.

Resp. dist. maj. Necessitas subjacendi humanis infirmitatibus ex peccato orta est in nobis, ac post lapsum Adam, qui potuisset non mori, concedo: in Christo, nego. Christus etenim qui naturam per peccatum sauciatam liberaturus venit, eam ipsam assumpsit, qualis fuit post peccatum, nempe infirmitatibus ac doloribus obnoxiam. Sunt quidem in homine, infirmitates proprii sui peccati effectus ac poenæ; in Christo verò effectus sunt ac poenæ alieni peccati, pro quo se vadem ac sponsores dedit.

Insta-

Instabis 1. Sapientie 9. *Corpus quod corrumpitur aggravat animam*. Et Pl. 15. *Non dabis sanctum tuum videre corruptionem*. Ergo Christus ex necessitate naturæ corruptibilis non fuit.

Resp. nego conseq. Ad primum dico, corruptionem, de qua loquitur Sapiens, ex peccato esse, quæ tota homini peccatori incumbit; & animam aggravat, qualem professio in Christo non fuisse, patet ex secunda Conclusionis nostræ parte. Ad secundum: Corruptio illa, cui tradita non fuit caro Christi, corruptio est putredinis, non mortis: verè quippè corpus Christi, quamdiu jacuit in sepulchro, corruptionem non sensit.

Cùm verò ex SS. Patribus nonnulli sentire videntur, incorruptibilem fuisse carnem Christi, ii excludunt dumtaxat, ut probat Leontius L. 2. de sectis, vel corruptionem, quæ ex peccato sequatur; vel eam quæ putredini sit, non verò mortis aut passionis; vel eam quæ Christo, aut dum viveret, aut etiam à mortuis redivivo accidisset.

Instabis 2. Anima Christi statim à conceptione beata fuit, intuitiva Dei visione donata: quomodo autem anima beata doloribus obnoxia esse potuit? Nonne id implicare videtur?

Resp. vix istud à nobis intelligi ac exponi posse. Utrumque tamen verum est; nec aliter implicatus ille nodus dissolvi potest, quàm ad miraculum recurrendo, quo Deus impedit ne animæ Christi felicitas & gloria in corpore ejus afflueret.

Objicies 2. S. Clementem Alexandrinum, Lib. 6. Stromatum, ubi sic loquitur: *In Salvatore corpus, ut corpus, necessaria postulare ministeria ut per-* Pagina 468. B.
maneant, fuerit ridiculum. Comedebat enim, non propter corpus quod sancta virtute continebatur; sed ne eis qui una cum eo versabantur, in mentem veniret de eo aliter sentire, sicut certè postea quidam existimant eum apparuisse visione & phantasmate. Ipse autem, ut semel dicam, passionis erat expertus, ut quem nullus subiret motus affectionis, neque voluptas, nec dolor.

Idem cum S. Clemente docuisse videtur S. Maximus Hom. 1. de Jejunio Quadragesimæ. Ignorabat, inquit, *diabolus, quia quòd Christus nutrimenta per-* Biblot. PP. T. 6. pag. 14. F.
ferebat infantie, quòdque esuriebat ut homo, non erat fragilitatis corporea, sed celestis gratie sacramentum.

Addunt & S. Augustinum Traët. 49. in Joan. n. 18. cujus hæc verba sunt: *Turbatis tu nolens; turbatus est Christus, quia voluit. Esurivit Jesus, verum est, sed quia voluit; dormivit Jesus, verum est, sed quia voluit; contristatus est Jesus, verum est, sed quia voluit.... In illius potestate erat, sic vel sic affici, vel non affici. Verbum enim animam suscepit & carnem, totius hominis sibi coaptans in personæ naturam, quibus verbis innuere videtur S. Doctor, Christum ex sola voluntate, non ex naturæ necessitate infirmitatibus humanis subiectum fuisse.* To 3. p. 2. pag. 626. C.

Et Traët. 60. *Transfiguravit, inquit, in se affectum infirmitatis nostræ, compatiens nobis affectu anime sue. Proinde quando turbatur magnus, fortis, certus, invictus, non ei timeamus quasi deficiat: non perit, sed nos querit. Nos, inquam, nos omnino sic querit: nos ipsos in illius perturbatione videamus, ut quando turbamur, non desperatione pereamus. Quando turbatur qui non turbaretur nisi volens, eum consolatur qui turbatur & nolens.* Ibid. p. 665. A.

Resp. 1. S. Clementem Alexandrinum paulò liberius ultra metam stricte de incarnatione.

Y

Etioris

ctioris Theologiæ processisse, ex cuius verbis suspicari quis posset, Christum putative tantum ac fictè, non verè ac physicè humanas infirmitates expertum fuisse.

Resp. 2. SS. Maximi, Augustini & aliorum nonnullorum sensum esse, Christum non ineluctabili necessitate, quam à se amoliri & avertere non posset, infirmitatibus nostris subiectum fuisse, sed necessitate quam sibi volens imposuit, dum carnem spontè ac libere sibi coniunxit.

Obijcies 3. auctoritatem S. Hilarii, qui omnem prorsus à Christo doloris sensum removere videtur Libro 10. de Trinit. n. 23. his verbis. *Homo* *Jesus Christus unigenitus Deus, per carnem & Verbum ut hominis filius, ita & Dei Filius, hominem verum secundum similitudinem nostri hominis, non deficiens à se Deo, sumpsit: in quo, quamvis aut ictus incideret, aut vulnus descenderet, aut nodi concurrerent, aut suspensio elevarer, afferrent quidem hæc impetum passionis, non tamen dolorem passionis inferrent. Illud verò S. Doctor variis confirmat & exemplis & rationibus.*

Ibid. D. I. Exemplis. *Ut telum aliquod, ait ibid. aut aquam perforans, aut ignem compungens, aut aera vulnerans, omnes quidem has passiones naturæ suæ insert, ut foret, ut compungat, ut vulneret, sed naturam suam in hac passio illata non retinet, dum in natura non est vel aquam forari, vel pungi ignem, vel aera vulnerari, quamvis naturæ telus sit & vulnerare, & compungere, & forare. In mente igitur S. Hilarii, non magis passiones in Christo veri doloris sensum excitant, quàm excitet telum aliquod aut aquam perforans, aut ignem compungens, aut aera vulnerans.*

Eodem tendit quod ibidem sequitur, nempe corpus Christi naturam nostri doloris non habere, sicut corpus nostrum hujus naturæ non est, ut super aquas gradiatur, aut aliud corpus pervadat ac penetret. Habneris sanè, *Pagina* *1051. A.* *ait, illud Domini corpus doloris nostri naturam, si corpus nostrum id naturæ habet, ut calcet undas, & super fluctus eat, & non depravetur ingressu, neque aquæ insistentibus vestigiis cedant, penetret etiam solida, nec clausæ domus obstaculis arceatur, quas dotes corpus Christi habuisse, ait ibidem S. Doctor. Tam ergo, ex S. Hilario, repugnat Christum sensum doloris percipere, quàm repugnat corpus nostrum undas calcare, super fluctus ambulare, & aliud corpus solidum penetrare.*

Ibid. B. II. Ex mira conceptione Christi impassibilem ejus naturam colligit S. Hilarius. *Conceptam, inquit, ex spiritu carnem iudicamus? Caro illa, id est, panis ille de Cælis est, & homo ille de Deo est: habens ad patiendum quidem corpus, & passus est; sed naturam non habens ad dolendum. Et n. 25. Habuit corpus, sed originis suæ proprium, neque ex vitiis humanæ conceptionis existens, sed in formam corporis nostri virtutis suæ potestate subsistens. Quasi diceret S. Doctor. Cùm Christus non ex carne peccati natus sit, sed ex Spiritu sancti virtute, non debuit subiacere iis infirmitatibus quæ ex peccato ducunt originem.*

III. Ibidem n. 24. Neque enim tum, cum sitivit, aut esurit, aut flevit, bibisse Dominus, aut manducasse, aut doluisse monstratus est; sed ad demonstrandam corporis veritatem, corporis consuetudo suscepta est. Verè igitur, nec sitivit Christus, nec esuriit, nec flevit, nec doluit; sed tantum specie tenus, & ad solam demonstrandam corporis veritatem.

P. 1058. C. D. IV. *Ibid. n. 35. Non ambiguum est, inquit, in natura ejus corporis infirmita-*

mitatem naturæ corporeæ non fuisse, cui in virtute naturæ fueris omnem corporum depellere infirmitatem; & passionem illam, licet illata corpori sit, non tamen naturam dolendi corpori intulisse: quia quævis forma corporis nostri esset in Domino, non tamen in vitiosæ infirmitatis nostræ esset corpore, qui non esset in origine, quod ex conceptu Spiritus sancti Virgo progeniit.

V. Ibid. n. 47. Fallitur humanæ estimationis opinio, putans hunc dolere quod patitur. ... Et pro nobis dolet, & non doloris nostri dolet sensu; quia & habitu ut homo repertus, habens in se doloris corpus, sed non habens naturam dolendi, dum & ut hominis habitus est, & origo non hominis est, nato eo de conceptione Spiritus sancti. Pagina 1066. B

VI. Qui Apostolos ad mortem fortiter subeundam hortatus est, an ille verbis quam factis valentior mortem timuisset? Interrogo, ait S. Hilarius n. 10. an ratione subsistat, ut mori timuerit, qui omnem ab Apostolo terrorem mortis propellens, ad gloriam eos sit martyris adhortatus. Pagina 1042. B

VII. Si Apostoli, si Martyres immanibus suppliciis cruciati nihil doloris sentientes, hymnos Deo mediis in cruciatibus alacres concinebant, an Christus, ipsamet fortitudo, mortem timere potuisset? Quid si illi, ait n. 45. fidei calore, & beati martyris gloria timere nesciunt quæ timentur; Christus per crucem mansurus Deus, & mundum iudicaturus tristis me- Pagina 1065. A
tu crucis esset?

VIII. An ille mortem timuit, qui volens mortuus est, & qui militibus tantum incussit metum, ut una voce territi ac prostrati fuerint? *Anno me- Pagina 1055. B*
tuit, ait n. 27: qui armatis ad corripiendum se obuius prodiit? Et in corpore eius infirmitas fuit, ad cuius occursum conseruata persequentium agmina conciderunt?

IX. Qui pro Christo moriuntur, æternam consequuntur vitam: illis itaque mors, vita est. An porro Christus mortem reformidasset, quæ vitæ principium est? Cum enim, ait Hilarius n. 10. pro eo mori vita sit, quid ipse in mortis sacramento doluisse existimandus est, qui pro se morientibus vitam re- Pagina 1042. B
pendit?

X. Christus ad mortem tanquam ad triumphum properavit: quomodo igitur illam timuisset? Tu vero, inquit n. 33. quo sensu rationis intelligis Dominum nostrum Jesum Christum ad quod festinat, timere; & conseruantem fortes, infirmitate trepidare; & vulnera non permittentem dolori, vulneratum dolere? Pagina 1057. C

Denique ista Christi verba, *Tristis est anima mea usque ad mortem*, sic interpretatur S. Doctor, ut mors tristitiæ causa non sit, sed finis, ideoque votis accersenda, non metu deprecanda. Non ejusdem, inquit n. 36. significationis est, *tristem esse propter mortem*, & *tristem esse usque ad mortem*: quia ubi propter mortem tristitia est, illic ipsa mors causa tristitiæ est; ubi vero tristitia usque ad mortem est, mors iam tristitiæ non est causa, sed finis. Pagina 1059. A

En eorum synopsis, quæ ex Hilario possunt opponi, ut à Christo removeatur omnis dolendi ac patiendi necessitas. Eam ob rem erroris accusatus primùm fuit Hilarius à Claudiano Mamerto L. 2. de statu animæ c. 9. tum à Berengario apud Lantfrancum, Epist. 50. postea à Joanne quodam Praeposito, scriptis ex professo eam in rem ad Philippum Bonæ Spei, Ordinis Præmonstratensium Abbatem, Litteris, & ab aliis nonnullis.

Resp. i. verba S. Hilarii ex scopo ipsius, seu ex instituta adversus Arianos, quos confutabat, controversia commodè interpretanda esse. Nempe Ariani saltem nonnulli, ut & Apollinaristæ, divinitatem ipsam in Christo doloribus ceterisque nostris infirmitatibus subjectam fuisse asseverabant; cujus quidem impietatis primus auctor non fuit Apollinaris, qui annodumtaxat 360. hæreticus audiri cœpit: jam autem anno 357. in Concilio Sirmiehensi Can. 11. & 12. impietas illa notata & proscripta fuerat. Quidquid sit, certum est S. Hilarium eos sibi confutandos proponere, qui Deo ipsi dolores & infirmitates humanas inferunt. In Matth. scribens S. Doctor, statim ab initio cap. 31. declarat sibi cum iis rem esse, quorum ea opinio est, quòd cadere propter se multitudo in Deum potuerit, eumque futura passionis metus fregerit, quia dixerit, Tristis est &c. quique volunt ex infirmitate corporis arumnam spiritus adharere. Et L. 10. de Trinit. n. 9. Volunt,

Pagina 741. D. inquit, plerique eorum, (Arianorum) non in natura cum impassibilis Dei fuisse: ut qui timuit & doluit, non fuerit in ea potestatis securitate qua non timet, vel in ea spiritus incorruptione qua non dolet; sed inferioris à Deo Patre nature, & humane passionis trepidaverit metu, & ad corporalis pene congemuerit atrocitatem. Eodem prorsus spectant, quæ Phœbadius Agennensis Hilario æqualis, de Epistola ab Oriente & Occidente missa dicit.

P. 1041. B. C. Unus vestrum asserit, carne & spiritu Christi coagulatis per sanguinem Mariæ, & in unum corpus redactis, passibilem Deum factum. Hic igitur Hilarii unus scopus est, ut & à divinitate omnem excludat doloris ac tristitiæ sensum, & ostendat Christum à vera & summa deitate idcirco non exidere, quòd dolorem expertus fuerit; quia dolor ille non in divinam, sed humanam dumtaxat naturam cecidit. Ac si, ait S. Hilarius cap. 31. in Matth.

Biblior. PP. T. 4. pag. 301. A. n. 2. virtutem illam incorrupte substantiæ, imbecillitatis sue sorte assumptio carnis infecerit; & eternitas naturam fragilitatis acceperit. Que si ad metum tristis est, si ad dolorem infirma, si ad mortem trepida; jam & corruptioni subdita erit. Tùm Deum corruptionis aut demutationis prorsus expertem esse ostendit.

Pagina 741. B. Displicet nonnullis hæc responsio, duplici potissimum de causa, tum quia ex ipso contextu clarum est, S. Doctorem etiam de ipso loqui Christi corpore. Habuerit sane, inquit, illud Domini corpus doloris nostri naturam. Jam &c. Tùm quia idem omnino est, in quem S. Doctor asserit impetum quidem passionum, non autem dolorem ipsum irruisse; quemadmodum nullus doloris sensus excitatur, cum aqua, vel ignis, vel aer aliquo telopungitur: at corpus est, non autem divinitas, in quod impetus passionum irruit; ergo de corpore dumtaxat, non de divinitate loquitur S. Hilarius; atque contendit in illud impetum quidem passionum irruere, non ipsam dolorem.

P. 1051. A. Verùm ista non obstant, atque utrumque rectè conciliari potest, nempe S. Hilarium & de divina Christi natura, & de ipsius corpore simul agere; ac velle, ex veris passionibus corporis Christi, non magis commotam & doloris sensu affectam fuisse divinitatem, quàm si telum aliquod aquam perforet, aut ignem compungat, aut aerem verberet, atque ita dum à divinitate dolorem removet, eum corpori asserit ac vendicat. Profitetur scilicet Hilarius, se Libro 10. cum Hæreticis disputaturum, qui quæ dispensationis dicta gesta que sunt,

in Deum cadere volunt : atqui Hæretici (Ariani) cum quibus ei disceptatio est, rapiunt quidquid de Christi timore, tristitia, dolore scriptum est, ut cum infirmum Deum (adeoque Patri natura inferiorem) ostendant. Concedit igitur S. Doctor, ea omnia, quæ in Christi timore, tristitia, dolore scripta sunt, dispensationis diſta gestaque esse, hoc est, in hominem à Verbo assumptum cadere. Et verò multis in locis, à quibus referendis brevitatæ causa superſedemus, agnoscit S. Doctor, Christum verè doloris sensum expertum fuisse, ac verè passum. *Passus est*, ait L. 10. de Trinit. n. 67. *unigenitus Deus, quæ homines pati possunt*. Et n. 62. dixerat: *Habes in conquerente ad mortem se relictum esse, quia homo est: habes eum, qui moritur, proſtitem se in Paradiso regnare, quia Deus est*.

Pagina
1078 B
P. 1076
D.

Sic igitur ad laudatum in Objectione Hilarii textum cum distinctione respondeo. Doloris sensum à Christo removet S. Doctor, à Christo, quatenus Deus est, concedo : à Christo, quatenus homo est, nego. Vel iterum distinguo : à Christo etiam homine dolorem removet, qualem nos mortales experimur, qui nempe à peccato est, impotens, ineluctabilis, indeliberatus; qui mentem perturbat, & animam à sede sua deficit, concedo : dolorem omnem simpliciter & absolute, nego. Uno verbo, S. Doctor ab humana Christi natura eos omnes defectus ac imperfectiones excludit, quæ humanis nostris doloribus ac infirmitatibus annexæ sunt, sicut paulò antè ad secundam præsentis Conclusionis partem non semel exposuimus.

His adde, quòd in stylo S. Hilarii, passionis nomine, inordinata commotionis ac perturbationis affectio intelligitur, ut patet ex Libro de Synodo n. 49. ubi exponit Christum duodecimum Concilii Sirmiensi. Certum autem est, nullam in Christo fuisse huiuscemodi passionem inordinatam, plenam commotionis ac perturbationis.

Pagina
1180 F.

Egregiè idem S. Hilarius eodem Libro 10. de Trinit. n. 67. humana cum divinis componens ac quasi librans, ait : *Natus ex Virgine, Christus est : sed, secundum Scripturas, conceptus de Spiritu sancto est. Flevit Christus : sed secundum Scripturas, ut in eo quòd flevit gratulatus sit. Et esurivit Christus : sed secundum Scripturas, sine cibo in non habentem fructus arborem Deus operatus est. Passus Christus est, sed secundum Scripturas, tunc à dextris virtutis sessurus est. Derelinqui se ad mortem questus est : sed secundum Scripturas, tunc confessorum suum secum in regno Paradisi recepit. Mortuus est : sed secundum Scripturas, resurgens à dextris Domini Dominus asedit. In huius igitur sacramenti fide visa est : calumniam confessio ista non recipit.*

P. 1078
D.

Ex his porro omnibus facile est dissolvere singula quæ ex textu S. Hilarii momenta priùs excerpta sunt, eaque aliquo, ex mox dictis, sensu interpretari.

ARTICULUS SEPTIMUS.

De modo quo humanitas Christi miracula operabatur.

Observa 1. duobus modis humanitatem Christi dici posse miracula operari, physicè, vel moraliter : physicè per verum, realem ac physicum influxum : moraliter verò per orationem, consilium, vel imperium. *Tournely de Incarnatione.*

Y 3

Causa.

Causalitas autem moralis vera est & realis, cui effectus aliquando magis imputatur, quàm causa physica: v.g. mors hominis rei qui suspenditur magis imputatur crimini quam instrumentum, quàm carnifici.

Observe 2. humanitatem Christi esse instrumentum Verbi intimè ipsi conjunctum. In omni autem instrumento duplex distinguenda operatio: una propria instrumenti, quæ consistit in ejus dispositione apta ad agendum, quales sunt v.g. acuti dentes in serra ad secandum lignum; alia verò propria agentis principalis, & est motus impressus instrumento, serræ v.g. ad lignum dividendum. Ita pariter in humanitate Christi sanitatem ex miraculo restituentis, aliquid occurrit humanitatis proprium, physicus nempe contactus; & aliquid proprium divinitatis, restitutio nimirum sanitatis ex propria sua virtute.

Observe 3. inter miracula quæ operatus est Christus, alia esse quæ physico contactu in subjecta præsentia operatus est, qualis fuit v.g. restitutio visus cæco nato, per contactum manus oculos luto linientis; & excitatio puellæ à mortuis, apprehendendo & tenendo manum ejus: alia verò quæ in subjecta distantia, nullo adhibito physico contactu, peregit, ut quando filium Centurionis absentem sanavit. His positis

CONCLUSIO.

Probabile est humanitatem Christi physice ad ea miracula concurrisse, quæ contactu, aut actione physica in subjecta præsentia, moraliter verò ad illa quæ in subjecta distantia peracta fuerunt.

Prima pars probatur. 1. Quia modus ille physicus operandi miracula in subjecta præsentia, magis accommodatus videtur modo loquendi tum Scripturæ, tum SS. Patrum. Lucæ 6. v. 19. dicitur: *Omnis turba querebat eum tangere, (Christum) quia virtus de illo exibat, & sanabat omnes.* Et cap. 8. occasione mulieris quæ à fluxu sanguinis, tacta fimbria vestimentorum Christi, sanata est, v. 46. Christus ait: *Quis me tetigit? Tetigit me aliquis; nam ego novi virtutem de me exisse.* His in locis virtus sanandi morbos, contactui, & quidem physico, humanitatis Christi tribuitur.

Sancti Patres physicum illum agendi modum innuere videntur.

S. Hilarius cap. 9. in Matth. loquens de sanitate reddita mulieri fluxu sanguinis laboranti, *Est autem, inquit, in simplici intelligentia, magnæ virtutis Dominicæ admiratio, cum potestas intra corpus manens rebus caducis efficiens adderet sanitatis, & usque in vestium fimbrias operatio divina procederet.* At si humanitas Christi moraliter tantum, Deum movendo & excitando, miraculum illud perfecisset, non videretur esse tantæ admirationi locus.

S. Joannes Chrysostomus Hom. 56. in Joann. agens de restituto lumine cæco nato, proficitur rem adeo stupendam sibi videri, ut modum explicare non possit.

Edit.
Cotel.
p. 376.
D.

Euthymius in cap. 7. S. Lucæ, hunc physicum in humanitate Christi agendi modum exemplo satis apto exponit. *Quemadmodum, inquit, ferrum quod in igne aliquo tempore permansit, habet ignis operationes; ita quoque sancta Christi caro divinitati unita, quæ divinitatis sunt, operabatur.*

S. Joan.

S. Joan. Damasc. L. 3. De fide c. 9. *Caro vicissim, inquit, cum operante Verbi divinitate communicabat, tum quia per corpus, veluti per instrumentum quoddam, divinas actiones efficiebat.* Inde sic nostra confirmatur Conclusio. Humanitas in Christo est instrumentum divinitatis, eo fere modo quo corpus hominis est instrumentum animæ ad operationes vitales exercendas: atqui corpus physicè ac efficienter concurret ad operationes vitales exercendas; ergo &c.

Pagina
143.C.

Secunda pars conclusionis inde probatur, quòd intelligi vix potest ac exponi, quomodo corpus physicè agere possit in distans sine ullo substantiæ aut virtutis diffusæ physico contactu: moraliter igitur, hoc est, impetratione seu oratione, humanitas Christi miracula operabatur in subiecta quæ diffusa erant & absentia. Sicut enim homo extra se, jussu & imperio, moraliter tantum non physicè agit; ita miracula quæ Christus virtute divinitatis jussu ac imperio operabatur, humanitati tanquam causæ dumtaxat morali tribuenda sunt.

QUÆSTIO UNDECIMA.

De anima Christi, & pertinentibus ad illam.

Quæ de natura Christi differenda nobis sunt, ad quatuor generatim capita revocantur..

I. Ad veritatem animæ Christi: an reipsa humanam animam Verbum assumpserit; contra Apollinaristas.

2. Ad perfectionem animæ Christi, quantum ad intellectum seu scientiam: fuit-ne in Christorum omnium perfecta scientia, & quotuplex?

III. Ad perfectionem animæ Christi, quantum ad voluntatem, seu gratiam, virtutes, dona Spiritus sancti &c.

IV. Ad perfectionem Christi, quantum ad libertatem: fuit-ne Christus verè liber, & ad quas actiones?

ARTICULUS I.

An Verbum divinum veram animam & mentem humanam assumpserit..

Ariani Christum & divinitate & anima spoliaverunt. Apollinaristæ, duce Apollinari Laodicensi, primò animam, tum mentem Christo detraxerunt, Verbo divino vices & locum, tum animæ, tum mentis supplente; unde consequens est, quod ipsi fatebantur, Verbum ex percusso ac vulnerato Christi corpore, eundem doloris sensum percipisse, quem anima ipsa percipisset. Vide quæ initio hujus Tractatus pagina 20. & 21. de illo errore Arianorum & Apollinaristarum dicta sunt. Adversus illos sit:

CONCLUSIO.

Verbum divinum animam & mentem humanam sibi assumpsit.

Quaduplex argumentum nobis suppeditat Scriptura in confirmationem catholici hujus dogmatis: ex ipsa nempe animæ substantia; ex affectionibus ejus & proprietatibus; demum ex ipsa corporis morte.

I. Veram in Christo animam declarant hæc Scripturæ verba. Joan. 10. v. 15. *Ego pono animam meam pro ovibus meis*. Et v. 17. *Ego pono animam meam, ut iterum sumam eam*. Nemo tollit eam à me; sed ego pono eam à me ipso: & potestatem habeo ponendi eam, & iterum sumendi eam. Anima porro illa, quam Christus ponit pro ovibus suis, quam nemo ab illo invito tollere, quam semel dimissam sumere iterum potest, haud dubie non est ipsamet divinitas, quam Christus nusquam dimisit; ergo vera est quoad substantiam anima humana, mente ac ratione prædita.

II. Scriptura animæ humanæ veras affectiones (detractis omnibus imperfectionibus quæ nobis adhærescunt) Christo tribuit; ergo & veram animam. Marci 14. v. 33. *Capit pavere & cadere*. Matth. 26. v. 38. *Tristis est anima mea usque ad mortem*. Lucæ 22. v. 15. *Desiderio desideravi hoc Pascha manducare vobiscum*. Et cap. 2. v. 52. *Iesus proficiebat atate & sapientia*. Denique Hebr. 4. v. 15. Christus tentatus dicitur per omnia pro similitudine abque peccato. Illas porro affectiones tristitiæ, desiderii, doloris, in divinitatem ipsam cadere, nemo nisi projectæ impietatis & insanix assereret; ergo in animam ipsam cadunt humanam. Caro enim, ait S. Leo Serm. 8. de jejunio, *sine anima nihil desiderat, & inde accipit sensus, unde sumit motus*.

III. Facultates quæ humanæ animæ propriæ sunt, intellectum scilicet ac voluntatem, Christo Scripturæ tribuunt. Isaiæ 11. v. 2. *Requiescet super eum spiritus Domini, spiritus sapientiæ & intellectus, spiritus consilii*. Lucæ 2. v. 52. *Proficiebat atate & sapientia*. Coloss. 2. v. 3. *In quo sunt omnes thesauri sapientiæ & scientiæ absconditi, quæ certè ad intellectum, seu ad mentem pertinere, nemo est qui facile non intelligat*. Jam verò humanam in Christo fuisse voluntatem supra jam demonstravimus. Lucæ 22. v. 42. *Non mea voluntas, sed tua fiat*. Joan. 6. v. 38. *Descendi de Cælo, non ut faciam voluntatem meam, sed ejus qui misit me*.

IV. Mortuum fuisse Christum, quis inficiari potest? Joan. 19. v. 30. *Inclinato capite tradidit spiritum*. Quem? Divinitatis? non certè: hæc quippe seu corpus, seu animam etiam in triduo mortis non dereliquit, ex dictis antea; ergo spiritus ille quem Christus tradidit, anima ipsa est spiritalis: mors etenim in illa separatione animæ à corpore posita est.

Communem hanc Ecclesiæ fidem ante Apollinatem propugnaverant unanimi suffragio SS. Patres: S. Justinus Apol. Ad Senatum, in fine; Tertull. L. de carne Christi c. 10. & L. de resurrectione carnis c. 34. Origenes L. 6. contra Celsum. Quamobrem cum Apollinaris caput extulit, ad reinovitatem obstupuit Ecclesia, atque hæreticum simul & hæresim compressit. In Concilio Alexandrino, cui præerat S. Athanasius, Epistola Synodica hæc prolata.

ra definitio est: *Non corpori dumtaxat, sed & anima quoque nostra per ipsum Verbum salus est conciliata.* Et Synodus œcumenica II. in Epistola Synodica ad Damasum, & alios in Romam Synodo congregatos, ait *se nec animæ aut mentis expertem, nec imperfectam carnis œconomiam admittere, quærum nosse se perfectum ante secula Dei Verbum, & perfectum hominem in novissimis diebus propter nostram salutem fuisse.* Et in Synodo Romana contra Macedonianos & Apollinaristas convocata, anathema dicitur iis, qui vice animæ rationalis Verbum fuisse censent assumptæ carni.

Tom. 1.
Cone. p.
816. D.

Ibid. p.
94. C.
D.

Ibid. p.
900. D.

Istud catholicum dogma tum auctoritate sua, tum bene multis rationum momentis confirmant ac muniunt SS. Patres. 1. Quia Christus fuit homo perfectus, & nobis per omnia similis absque peccato: at sine anima vel mente perfectus non fuisset; sine anima non vivit homo, sine mente non intelligit, nec ratiocinatur, sed jumentis insipientibus similis est. Ita S. Augustinus Epist. 187. alias 57. ad Dardan. num. 4. *Quæro, inquit, quemadmodum accipias hominem Christum. Non utique, sicut quidam Hæretici Verbum Dei & carnem, hoc est sine anima humana, ut Verbum esset carni pro anima; vel Verbum Dei & animam & carnem, sed sine mente humana, ut Verbum Dei esset anima pro mente humana. . . . profectio cum dicis hominem perfectum, totam illi naturam humanam vis intelligi. Non est autem homo perfectus, si vel anima carni, vel animæ ipsi mens humana defuerit.* 2. Christus totum assumpsit quod sanavit: sed animam, quam mali labes præcipue infecerat, sanavit; hanc ergo assumpsit. Ita S. Gr. Nazianz. Ep. 1. ad Cledonium. *Siquis, inquit, in hominem mente carentem sperat, amens profectio est, nec dignus, cui omni ex parte salus afferatur: nam quod assumptum non est, curationis est expertus.* 3. Verbum assumpsit carnem anima mediante, ut antea ostendimus; ergo est in Christo vera anima humana. 4. Quia varix affectiones, quæ Christo tribuuntur, dolor, tristitia, mors, descensus ad inferos, in solam animam cadere possunt, non in divinitatem. Ita S. Athanasius L. de Incarnatione, & L. de salutari adventu Christi. 5. Quia beneficia non tribuuntur corpori, nisi animæ interventus; ergo Verbum carnem non nobilitavit, nisi anima mediante. Ita Petrus Venerabilis L. 2. Epist. 1. 6. Quia absurdum foret, assumptum à Verbo id quod in nobis deterius est, nempe corpus, relicta nobiliori parte, anima nimirum. Ita S. Augustinus L. de agone Christiano c. 19. *Si execrandi sunt illi, inquit, qui cum negant humanum corpus habuisse, quod est infimum in homine; miror quod isti non erubescant qui hoc negant eum habuisse quod est optimum in homine.* Denique, ut arguit S. Fulgentius L. 1. ad Tras. c. 14. nullam Apollinaristæ causam & rationem proferre possunt, cur Christus animam humanam assumere dedignatus fuerit. An quod à Deo facta non sit? sed Deus omnium est conditor. An quod peccato vitata non fuerit; sed imò potius gravius illa vulnerata est, quam corpus; atque meriti vel demeriti illa capax est. An quod sit carne vilior? imò longè præstantior, quæ carni vitam impertitur. An quod Christus animam lauciatam curare non potuerit? sed cur non potuisset eam curare, sicut corpus curavit &c.?

T. 1. p.
699. A.

T. 1. p.
740. B.

T. 6. p.
254. D.

P. 81.

Tractant hic Theologi de descensu animæ Christi ad inferos.

Utrum anima Christi post mortem ad inferos descenderit.

Lutherani & Calvinistæ hic tum à se invicem, tum à nobis dissident. Non una est etiam inter Calvinistas ratio exponendi descensum animæ Christi ad inferos: alii volunt reipsa animam Christi descendisse in locum damnatorum, ut istorum poenas ferret; alii verò negant.

Localem illum descensum variè interpretantur. Nonnulli cum à sepultura non distinguunt: alii ad cruciatum damnatorum, quos Christum, ut plenè pro nobis satisfaceret, sustinere necesse fuit; cruciatus autem illos nihil aliud esse volunt, præter anxietatem ac terrorem conscientiæ, quem expertus est Christus, ajunt, cum se à Patre derelictum vidit, & exclamavit, *Deus meus, Deus meus, quare me dereliquisti?* Alii verò descensum illum explicant de suprema Christi exinanitione ac humiliatione, tum ratione corporis in sepulchro detenti, tum ratione animæ, propter dolores ac cruciatus quos experta est decursu Passionis suæ, sive in Olivæ horto, sive in Prætorio, sive in Cruce.

Matth.
27. v. 45.

Lutherani verò asserunt Christi animam non tantum in Limbum, ut vulgò dicitur, sed etiam in locum damnatorum descendisse, ut ibi victoriam suam ac triumphum ostentaret.

Errandi occasionem arripuisse videntur Novatores, ex varia, quæ solet usurpari, vocis *inferni*, significatione. Aliquando enim sumitur pro sepulchro: Psal. 48. v. 15. *Sicut oves in inferno positi sunt, & mors depascet eos.* Unde descendere in infernum, idem aliquando significat, ac sepeliri, esse in sepulchro. Gen. 42. v. 38. *Deducetis canes meos cum dolore ad inferos.* Et c. 37. v. 35. *Descendam ad filium meum lugens in infernum.* Aliquando usurpatur pro loco damnatorum: Lucæ 16. v. 23. *Mortuus est drues, & sepultus est in inferno.* Hoc sensu, descendere in infernum, idem est ac descendere in locum damnatorum. Num. 16. v. 33. de Chore, Dathan & Abiron dicitur: *Descenderunt vivi in infernum aperti humo.* Aliquando pro acerbis ac maximis doloribus ac cruciatibus sumitur: Psal. 17. v. 6. *Dolores inferni circumdederunt me.* Et Psal. 114. v. 3. *Pericula inferni invenerunt me.* Hoc sensu descendere in infernum dicuntur, qui diris cruciantur doloribus. Lib. 1. Reg. cap. 2. v. 6. *Dominus mortificat & vivificat, deducit ad inferos, & reducit.* Denique usurpatur pro extrema humiliatione: Isaïæ 14. v. 15. *Veruntamen ad infernum detraheris in profundum lacu.* Quo sensu Matth. 11. v. 3. dicitur: *Capharnaum, numquid usque in Cælum exaltaberis? usque in infernum descendes.*

Orthodoxi omnes communi suffragio hic nomine *inferni* intelligunt inferiores ac profundiores terræ partes, quas Limbum vocamus, ad quas descendit anima Christi post mortem, ut inde animas Patriarcharum, Prophetarum, & aliorum Sanctorum veteris Testamenti, expectantes beatam spem, & adventum gloriæ magni Dei, erueret ac liberaret.

CONCLUSIO.

Anima Christi verè in infernum descendit, hoc est in inferiores ac profundiores terræ partes, ut inde Sanctos veteris Testamenti erueret ac liberaret.

Probatur 1. Quia descensus ille Christi ad inferos prænuntiatus est in veteri Testamento, ac in novo adimpletus. S. Iustinus Dial. cum Tryphone, conqueritur à Judæis ex prophetia Jeremiæ deleta fuisse verba quibus descensus Christi ad inferos exprimebatur. *Ex Jeremiæ similiter dictis, ait, istaresecuerunt: Recordatus est Dominus Deus mortuorum suorum ex Israele, qui obdormierunt in terra ægeris; & descendit ad eos, ut evangelisaret, & lato eis significaret nuntio salutare suum.* P. 198.

Ecclesiastici c. 24. v. 45. Penetrabo omnes inferiores partes terræ, ait Sapientia, & inspiciam omnes dormientes; & illuminabo omnes sperantes in Domino.

Prophetiæ complementum refert S. Petrus Epistolæ primæ cap. 3. v. 19. *His, inquit, qui in carcere erant spiritibus veniens prædicavit.* Et S. Paulus Ephes. 4. v. 9. *Quod autem, ait, ascendit, quid est, nisi quia & descendit primum ad inferiores partes terræ?* hoc est, interprete S. Hieronymo, in infernum. Denique Act. 2. v. 24. descensum illum Christi non obscure indicant ista S. Petri verba, *Quem Deus suscitavit solutis doloribus inferni, juxta quod impossibile erat teneri illum ab eo.* Et v. 27. istud Psal. 15. *Non derelinques animam meam in inferno, Christo adaptat.* Quo loco vox inferni, sepulchrum procul dubio non significat; neque enim anima, sed solum corpus jacet in sepulchro. Neque etiam de sola Resurrectione Christi, aut incorruptione carnis ejus citata verba intelligi possunt: siquidem tria hæc apertè distinguit S. Petrus; resurrectionem, *Quem Deus suscitavit;* incorruptionem, *Non dabis sanctum tuum videre corruptionem;* descensum ad inferos, *Non derelinques animam meam in inferno.*

Probatur 2. ex Symbolo Apostolico, ubi expressus ac distinctus est duplex iste articulus, *Descendit ad inferos. Resurrexit à mortuis.* Nec te moveat quòd in Symbolis Nicæno & Constantinopolitano articulus ille non exprimitur; nemo etenim ignorat, salva & integra fide, nonnihil discriminis occurrere in antiquis illis Symbolis, quæ magis vel minus evolūtè aliquos articulos proponunt.

Huic catholico dogmati consonat universa Ecclesiæ utriusque traditio: nonnullos dumtaxat ex utraque Doctores hic appellamus.

Ex Græcis, S. Iustinus Dial. cum Tryphone, S. Irenæum L. 4. c. 39. Clementem Alexandr. L. 6. Stromat. Athanas. L. de salutari adventu Christi, Cyrillum Hierosolymit. Catech. 4. Basilium in Psal. 48. Epiphani. hæresi 20. &c.

Ex Latinis, Tertull. L. de anima c. 4. Lactantium L. 4. c. 9. Hilarium L. 10. de Trinit. Ambrosium L. 5. de Incarnat. Augustinum L. 12. de Gen. ad litt. c. 33. & in Psal. 87. Hieronymum Epist. 15. ad Algasium, Fulgentium L. 3. ad Tras. cap. 30.

Hujusce descensus Christi ad inferos varias causas & rationes adducunt iidem

iidem SS. Doctores. 1. ut tempora adventus sui à Patribus tamdiu expectata & desiderata, tandem impleta esse Christus ostenderet, ac plenam redemptionem annuntiaret. Ita S. Iren. L. 4. adversus Valent. cap. 45. 2. ut Patriarchas & Prophetas sui consortes faceret; & ut hominis mortui formam in omnibus suscipere. Ita Tertull. 3. ut Patres in inferno detenti, audita Christi prædicatione, poenitentiam agerent, & ad ipsum converterentur. Ita censent S. Clemens Alexandr. L. 6. Stromat. & ejus discipulus Origenes L. 2. contra Celsum. 4. ut Patres in Lymbodetentos de sua salute Christus certiores faceret, ac dæmonis destrueret potestatem. Ita S. Epiph. hæresi 69. 5. ut Patres indeliberaret. Ita S. Augustinus L. 20. de Civ. Dei. c. 15. Denique, ut Christus eo pervaderet, quò homo per peccatum detrusus est. Plura vide apud Petavium L. 13. de Incarnat. c. 17. & 18.

Atque ex his quæ hæcenus dicta sunt manifestum est, inferorum, seu inferni nomine, in re nostra præsentem non intelligi, aut sepulturam Christi, aut ejus exinanitionem; multò minus damnatorum cruciatus, quos ferre debuerit.

Non sepulturam: Quia in Symbolo Apostolico articulus descensus Christi ad inferos distinctus est ejus morte, sepultura, & à mortuis suscitatione.

Non exinanitionem, seu incarnationem, quæ pariter distincto articulo proponitur, *Verbum caro factum est*; quando scilicet accepit formam servi.

Non denique dolores ac cruciatus damnatorum: tum quia Christus descendit ad inferos post suam passionem ac mortem, quo tempore nullis doloribus ac infirmitatibus obnoxius erat, tum quia diserte S. Petrus Act. 2. v. 24. de Christo ait: *Quem Deus suscitavit, soluit doloribus inferni, juxta quod impossibile erat teneri illum*. Ergo liber fuit Christus ab his doloribus. Non

T. 2. p. 574. D. quod, ait S. Augustinus Epist. 164. aliàs 99. illis alligatus aliquando fuit; sed velut solvi possunt laquei venantium, ne teneant, non quia tenuerunt; vel

P. 135. quia solvit dolores, quibus ipse teneri non poterat, sed quibus alii tenebantur quos noverat ille liberandos. Et S. Fulgentius L. 3. ad Tras. cap. 30. Responsum, inquit, ad plenum nostræ redemptionis effectum, ut illuc usque homo sine peccato à Deo susceptus descenderet, quousque homo separatus à Deo peccati merito cecidisset, id est, ad infernum, ubi solebat peccatoris anima torqueri; & ad sepulchrum, ubi consueverat peccatoris caro corrumpi; sic tamen, ut nec Christi caro corrumperetur, nec inferni doloribus anima torqueretur. Non potuit diserte magis eorum impietas confundi, qui contendunt Christum damnatorum cruciatibus torqueri debuisse, ut plene pronobis Deo Patris satisfaceret, quasi vel unica pretiosi sanguinis ipsius gutta omnium hominum peccatis redimendis plus quam sufficiens non fuisset.

Dices: Lucæ 23. v. 43. Christus latroni poenitenti dicit: *Hodie mecum eris in Paradiso*. Ergo anima Christi statim ac à corpore separata fuit, in Paradisum avolvit, nec descendit in infernum.

Resp. Paradisi nomine eo in loco, non sedem Beatorum, ubi Deus se ipsum clarè ac intuitivè conspiciendum exhibet, intelligi, sed locum pacis ac refrigerii, quem Limbum appellamus, in quem latronis poenitentis anima descendit cum anima Christi. Latro igitur, ait S. Thomas 3. part. q. 52. art. 4. ad 3. simul fuit cum Christo in inferno, quoad locum; & in Paradiso, quoad præmium ac refrigerium.

ARTICULUS SECUNDUS.

*De perfectione animæ Christi quantum ad intellectum ;
seu, de scientia Christi.*

Non hic movetur quæstio de scientia Christi, quatenus Deusest; sed quatenus est homo: seu, non de divina, sed humana Christi scientia hic agimus, quam oppugna vere Hæretici veteres, Gnostici & Valentiniani, Ariani, Nestoriani, imò & Eutychiani.

Gnostici & Valentiniani, referente S. Irenæo L. 1. c. 17. Christum sub sæcula Præceptoris alphabeto dedisse operam fabulabantur.

Ariani & Nestoriani, qui Christum pro mere habebant homine, omnem ipsi in primo conceptionis instanti infusam scientiam consequenter denegarunt. De Arianis testatur S. Athanasius Orat. 4. contra illos. Nestorio idem tribuit S. Cyrillus L. 3. contra ipsum: quem errorem à magistro suo ac præcurfore Theodoro Mopsuesteno, de quo quinta Synodus Collat. 8. cap. 12. & Leontius L. 3. in Eutychen, hauserat. Idem & Leporinus Nestorii discipulus, cujus Libellus retractationis omnibus notus est.

De Eutychianis res paulò magis implicata videtur, quòd eorum placitis minus consentiat. Quippe eum illi post Incarnationem, unam, eamque solam divinam, in Christo naturam agnoscerent, necesse est ut ignorantiam, quam Christo affingebant, in ipsammet divinitatem refunderent, quod quidem per se absurdissimum est: Quapropter S. Gregorius Magnus Epistola 39. Libri 10. aliàs 42. Libri 8. dicebat: *Quisquis Nestorianus non est, Agnoita esse nullatenus potest.*

T. 2. p.
1070.
D.

Emersit nihilominus inter eos Secta dicta *Themistiana*, auctore Themistio Diacono, & *Severiana*, à Severo; à dogmate autem dicta *Corrupticolarum*, à corruptione, & Agnoitarum, ab ignorantia cui Christum obnoxium fuisse asseriebant, de quibus Eulogius apud Photium, Codice 230.

Grotius in caput 13. S. Marei, docet Christo nonnisi post Resurrectionem omnem scientiam concessam fuisse, & hanc esse Veterum sententiam: *Sicut igitur, inquit, post Resurrectionem accepit omnem potestatem, ita & omnem scientiam.*

Phor.
Bibl. p.
882.
T. 2. p.
323. col.
1.

Inter Scholæ Doctores Hugo Victorinus Librum ex professo scripsit, ut probaret Christum non modò nihil ignorasse, sed etiam nullam aliam in eo, quàm divinam, fuisse scientiam. Alii nonnulli, etsi ab anima Christi omnem profus excludant ignorantiam labem, non tamen existimant ipsi à primo conceptionis instanti visionis beatificæ gratiam indultam fuisse, quòd coherere ac conciliari illa non possit, ut ipsis videtur, cum doloribus ac passionibus quibus Christum, dum viveret, subiectus fuit.

Multiplex autem hic distingui solet scientia: una beata, quæ in clara Dei visione posita est; altera, comprehensiva; tertia, infusa, qua per species à Deo infusas res in seipsis cognoscuntur: infusa autem dicitur, vel per se, quia supernaturalis est, nec aliter quàm infusione potest haberi; vel per accedens, qualis licet aliunde comparari possit, à Deo tamen liberaliter conceditur. Denique alia est acquisita, quæ speciebus à sensibus haustis, experien-

perientia & labore acquiritur. Ista verò spectatur aut ut habitualis est, aut actualis, seu quatenus est aliquod iudicium ortum ex sensibus de re aliqua: prior vocatur propriè scientia acquisita; posterior, scientia experimentalis. Ignorantia autem quæ scientiæ opponitur, duplex vulgò distinguitur: una privativa, quæ solet dici prævæ dispositionis, quæ causa & effectus est peccati; altera purè negativa, quæ simpliciter *nescientia* dicitur. His præmissis, quæritur utrum anima Christi statim à primo conceptionis instanti, & infusa rerum omnium humana scientia, & beatifica visione donata fuerit; ac Deum verè comprehenderit.

CONCLUSIO.

Anima Christi statim à primo conceptionis instanti & perfectissima humanarum rerum omnium scientia, & beatifica seu intuitiva Dei visione donata fuit; nectamen Deum propriè comprehendit.

Prima pars. Tres sunt Conclusionis partes. Prima pars probatur 1. ex Scripturis. Isaïæ 11. v. 2. de Christo prænnuntiatur, *Requiescet super eum spiritus Domini, spiritus sapientiæ & intellectus, spiritus scientiæ & pietatis*. Completam in Christo prophetiam testatur Apostolus Coloss. 2. v. 3. *In quo, ait, sunt omnes thesauri sapientiæ & scientiæ absconditi*, quæ certè loquendi ratio, plenam ac cumulatissimam designat rerum omnium notitiam. Non enim, ut dicitur Joan. 3. v. 34. *ad mensuram dat ei Deus spiritum; sed plenus fuit gratiæ & veritatis*, ut ait S. Joan. cap. 1. v. 14. Et cap. 21. v. 17. S. Petrus apertè declarat, Christo omnia nota fuisse: *Domine tu omnia nosti, tu scis quia amo te*. Intelligebat autem de homine Christo, à quo interrogatus fuerat.

Probatur 2. ex SS. Patribus, quos immeritò Grotius in opposita sententia fuisse supponit.

Pag. 414. D. Ex Græcis. S. Justinus qu. 58. ad Orthodoxos ait, *impietatis esse Christo ignorantiam adscribere, atque id certum, eum omnium obtinere præscientiam perfectam*.

Part. 2. p. 6. M. Origenes Comment. in Matth. ad illa Christi verba, *Intellexistis hæc omnia?* de quibus c. 13. sic disputat: *Qui novit quæ sunt in cordibus hominum Christus Jesus . . . non ignorans interrogat, sed quoniam semel assumpserat hominem, utitur omnibus quæ sunt hominis, quorum unum illud est, interrogare. Nec mirandum si id facit Servator, cum ipse etiam omnium Deus, moribus hominum sese accommodans, perinde ac si quis homo morem gerat filio suo percontetur. Velut in hoc, Adam ubi es? & Ubi est Abel frater tuus?*

Edit. vet. T. S. Basilii Epist. 141. Propter te, inquit, & horam & diem iudicii ignorat: *quamquam nihil latet veram illam sapientiam. Nam per illam omnia sunt condita*. 2. p. 919. 1a: *nemo enim mortalis usquam est, qui opus suum, quod fecit, ignoret*.

C. S. Cyrillus Alexandr. L. 3. adversus Nestorium, ejus solvens objectionem ex eo ductam, quod incrementum aliquod sapientiæ Christo accesserit, respondet, id planè stultum esse. *Credimus enim, pergit, ex ipso ventre atque utero virgineo ipsum Emmanuel cum Deus esset, hominem prodiisse plenum* gra.

procul dubio sapientia & gratia quæ illi naturaliter inerat. Quodnam igitur is *Edit.*
sacrementum susceperet, in quo sunt omnes; thesauri sapientie *Com-*

S. Joan. Chrysostomus Hom. 78. in Matth. Quomodo, inquit, is per quem *mel. p.*
omnia facta sunt, & sine ipso factum est nihil, diem illum (ultimi Judicii) *661. E.*
ignorabit?

Et Serm. in Lazarum, cum nonnulli Christum Deum esse negarent, eo
quoddam locum in quo positus fuerat Lazarus videretur ignorare, à sorori-
bus enim ejus postulat, ubi posuissent eum, reponit sanctus Doctor, lo-
cum hunc Christum non latuisse. Ignoravit, ait, Christus, ò Judæe, quia *Edit.*
dixit, Ubi posuistis eum? Itaque ignoravit etiam in paradiso Pater, ubi ab- *rec. T.*
scanditus esset Adam? Circuibat enim quasi eum in paradiso quarens, ac di- *p. 525.*
cens, Adam ubi est quasi diceret, Ubi absconditus est? Scilicet, ut mox ob- *D.*
servabat Origenes, humano modo hæc narrat Scriptura, ut sese moribus
nostris accommodet.

S. Joannes Damascenus Libro 3. De fide orthodoxa cap. 19. Caterum, *T. 3. p.*
inquit, cum operante Verbi deitate, qua cuncta reguntur & gubernantur, *244. A.*
communicat (mens & anima Christi) omnia intelligens, cognoscens, & ad-
ministrans, non ut simplex & nuda mens hominis, sed ut quæ Deo secundum
hypostasim unita sit, Deique mens existat.

Ex Latinis. S. Ambrosius L. 5. de fide c. 18. n. 222. Multò magis arbitror, *T. 1. p.*
inquit, quia Filius, qui cum hominibus conversatus est, & hominem egit, & *591.*
carnem suscepit, nostrum assumpsit affectum; ut nostra ignorantia nescire se di-
ceret, non quia aliquid ipse nescierit. . . . Nihil ergo fuit quod ignoraverit *ibid. C.*
Dei Filius; nihil enim fuit quod ignoraverit Pater.

S. Hieronymus Epist. ad Damalium: Nullus homo, inquit, excepto eo qui *Edit.*
ob nostram salutem carnem est dignatus induere, plenam habuit scientiam & *recens.*
certissimam veritatem. *T. 2. p.*

S. Augustinus L. 2. de peccat. mer. & rem. cap. 29. sic loquitur: Quam planè *T. 10. p.*
ignorantiam, nullo modo crediderim fuisse in infante illo, in quo Verbum ca- *65. F.*
ro factum est ut habitaret in nobis, nec ullam ipsius animi infirmitatem, in Chri- *G.*
sto parvulo fuerim suspicatus quam videmus in parvulis.

S. Bernardus Hom. 2. in illa verba, Missus est. Nec fuit hora, inquit, in *T. 1. p.*
quacumque ætate sua, qua de plenitudine illa, quam in sui conceptione accepit *739. F.*
in utero, vel aliquid minueretur, vel aliquid eidem adiceretur; sed à principio
perfectus, à principio, inquam, plenus fuit spiritu sapientia & intellectus,
spiritu consilii & fortitudinis, spiritu scientia & pietatis.

Multas, easque gravissimas, hujusce doctrine rationes & causas passim ad-
ducunt SS. Patres, quas omnes omnium disertissime collegit & amplificavit
S. Fulgentius Ruspensis Episcopus. Rogatus enim à Ferrando Diacono,
utrum anima Christi plenam haberet deitatis notitiam; respondet, habere:
suamque responsionem illis confirmat momentis. 1. ex unione hypostatica hu-
manitatis cum persona Verbi. Non existimo, ait, illi animæ in aliquo plenam *P. 253.*
divinitatis deesse notitiam, cujus una est persona cum Verbo; quam sic sapientia *n. 29.*
suscepit, ut eadem sapientia ipsa sit. 2. ex plenitudine spiritus quæ Christo
concessa fuit: In quantum spiritus datur, inquit, in tantum cognitio divini-
tatis accipitur: ubi autem spiritus non est ad mensuram datus, necesse est ut ple-
na sit divinitatis immense notitia. Spiritus verò sanctus datus non est divi-
nitati

- nitati Christi, cum qua unius est naturæ, sed animæ Christi, utribidem probat sanctus Doctor. 3. ex plenitudine gratiæ & veritatis qua Christus donatus fuit. Non autem, inquit, tota plenitudo veritatis habetur, quando veritatis ipsius aliquid ignoratur, quod absit ut de Christo aliquatenus sentiamus.
- P. 255. n. 33. 4. ex eo quod Christus sit Patris sapientia & virtus. Quod si, inquit, anima Christi minorem habet in aliquo divinitatis suæ notitiam, non in se habet totam sapientiam, totamque virtutem. Participium ergo habet Christi, non ipsa est Christus, si partem habet notitiæ divinitatis suæ. 5. ex eo quod Christus sit ipsa veritas; ergo nihil plane latere illum potest. Quis dicit, inquit, animam Christi aut minus aliquid percipere veritatis, aut minus habere aliquid charitatis? Ipse autem Christus est Veritas. Quomodo ergo anima illa minus in se notitiam veritatis habere dicitur, quæ ipsius veritatis anima singulariter invenitur? 6. ex immutatione ac mutua, si ita loqui fas sit, utriusque in Christo naturæ compenetratione, qua Deus homo, & homo Deus fit. Sic, inquit sanctus Doctor, humanam naturam Deus unigenitus suscipere dignatus est, ut ipse sit Deus, qui homo est; & idem sit homo, qui Deus est. Proinde sicut est plenitudo divinitatis in homine Christo, sic ibi est plenitudo humanitatis in Deo. Sicut ergo Christus homo singulariter habet, ut verus Deus sit, sic totam divinitatem suam singulariter novit. Denique ex plenitudine divinitatis quæ est in Christo: Quocirca, inquit, ab illo plenitudo capitur divinitatis, in quo ipsa divinitatis habitat plenitudo. In eo autem capitur, in quo cognoscitur. Illi ergo in quo habitat omnis plenitudo divinitatis, non potest ipsius plenitudinis plena non inesse notitia.
- P. 257. n. 34.

His rationibus alias adjiunt ductas ex titulis, quibus Christus insignitur, Doctoris, Legislatoris, Capitis, Mediatoris, Redemptoris &c. qui certè plenam à primo conceptionis instanti rerum omnium cognitionem ac scientiam Christo asserunt ac vindicant; quia scilicet Christus ab ipso primo conceptionis puncto vir perfectus fuit: *Novum creavit Dominus super terram*, ait Jeremias cap. 31. v. 22. *Femina circumdabit virum*. Neque decebat Verbum incarnatum, more cæterorum hominum, paulatim & quasi per gradus ætatis ad sapientiam & plenam rerum omnium scientiam pervenire. Cum verò dicitur Lucæ 2. *profecisse ætate & gratia apud Deum & homines*, de scientia acquisita seu experimentaliter dictum fuit, quæ infusus non excludit, imò præsupponit. In hac texenda traditione paulò diutius immorati fuimus, ut Grotium aliter sentientem confutarem.

Secunda Conclusionis pars, nempe animam Christi statim à conceptione, beatifica seu intuitiva Dei visione donatam fuisse,

Probatur: quamquam statim dissimulandum non sit, non tam disertè in Scripturis eam contineri, neque ad fidem pertinere, cum pauci sint inter Veteres, qui de illa tractaverint, & nonnulli etiam Catholici eam in dubium revocent. Attamen ex iis, quæ in Scripturis continentur, atque ex communi Theologorum sententia tam certè eruitur, ut temeritatis reus haberetur, qui eam negaret: communis scilicet Scholæ consensus unus est ex Locis Theologicis, teste Melchione Cano L. 12. de Locis c. 14. ex quibus sufficiens ad probandum argumentum desumitur.

Probatur itaque ex Scripturis, hoc argumento: Certum est plenam atque perfectam cognitionem animæ Christi concessam fuisse; plenus quippe fuit

gratia

Secunda pars. Anima Christi statim à conceptione intuitiva Dei visione donata fuit.

gratia & veritatis, Joan. 1. v. 14. *de cuius plenitudine nos omnes accepimus*. Ibid. v. 16. *in quo sunt omnes thesauri sapientie & scientie Dei*, Coloss. 2. v. 3. Certum etiam est omnem hujus vitæ, in qua peregrinamur a Domino, cognitionem imperfectam esse, multaque caligine involutam: Videmus nunc per speculum & in enigmate, ait Apostolus 1. Cor. 13. v. 12. tunc autem facie ad faciem. Nunc cognosco ex parte, tunc autem cognoscam sicut & cognitus sum. Et v. 9. dixerat: Ex parte cognoscimus, & ex parte prophetamus: cum autem venerit quod perfectum est; evacuabitur quod ex parte est. Cum igitur anima Christi perfectissima cognitione seu scientia ornata fuerit, necesse est ut Deum intuitivè viderit; alias perfectissima simpliciter & absolute non esset ipsius cognitio ac scientia.

Idem colligitur ex duplici loco S. Joannis c. 1. v. 18. *Deum nemo vidit unquam: Unigenitus Filius qui est in sinu Patris ipse enarravit*. Loquitur eò loci S. Joannes de Christo, nontantum ut Deus est, sed ut homo: Christus igitur ut homo, est in sinu Patris; nimirum per claram, intuitivam ac beatificam Dei visionem, quam nemini hac in vita concessam fuisse testatur Evangelista. Alter locus extat Joan. 3. v. 13. *Nemo ascendit in cælum, nisi qui descendit de cælo, filius hominis qui est in cælo*. De Christo homine loqui S. Joannem, demonstrant verba ista, *filius hominis*: quo tempore autem hæc dicebat Christus, nondum corpore in Cælum ascenderat: erat tamen in Cælo; quomodo? per visionem scilicet Dei intuitivam ac beatificam: qua ratione Matth. 18. Angeli ad custodiam nostram in terris deputati dicuntur *semper videre faciem Patris qui in cælis est*; quia nempe licet in terris sint, Deo tamen intuitivè fruuntur. Nec est quod objicias, mox relata Christi verba SS. Patres adejus divinitatem referre, ubi Arianos impugnant. Fatemur; istud enim eorum institutum postulabat, quide præsentì nostrâ controversia tunc haud dubiè non cogitabant, cujus ventilandæ nulla se dederat occasio: at nihil obstat eadem verba interpretari & de divinitate, & de humanitate Christi, quamquam diversa ratione: Christus ut Deus, semper fuit in Cælo, etiam antequam homo fieret; ut homo autem etiam in terris degens, in Cælo erat, non quidem reali & corporali præsentia, sed per intuitivam & beatificam Dei visionem.

In eundem sensum adduci potest & aliud Christi testimonium Joan. 8. v. 14. *Et si ego testimonium perhibeo de me ipso, verum est testimonium meum, quia scio unde veni & quò vado: vos autem nescitis . . .* Et v. 55. *Non cognovistis eum, (Patrem meum) ego autem novi eum: & si dixero quia non scio eum, ero similis vobis, mendax*. Christus ut homo Deus proficitur se Deum nosse, *novi eum: scio eum*. At non certè per fidem; ergo per beatificam seu intuitivam Dei visionem; & quidem quatenus homo, *scio eum, & sermonem ejus servo*.

Probatur 2. ex Patribus.

Augustino L. 1. de peccat. mer. & rem. cap. 31. ubi docet Christum in Cælo esse, *per unitatem personæ Verbi quæ in cælo est*. Et in Psalm. 15. ad ista verba, *Tu es qui restitues hereditatem meam mihi*, ait: *ut nota sis & his quos libero, claritas quæ eram apud te priusquam mundus fieret. Non enim restitues mihi quod non amisi, sed restitues his qui amiserunt ejus claritatis notitiam; in quibus quia ego sum, mihi restitues*. Humanitas igitur Christi non amisit

Tourneley de Incarnatione.

Z

cam

eam claritatem quam virtute unionis hypostaticæ cum Verbo statim adeptus est; nec consequenter ea restituenda illi fuit, sed aliis tantum restituenda fuit hujus claritatis notitia, seu manifestatio. Denique L. 4. de consensu Evangelist. cap. ultimo, postquam asseruit, neminem in hac vita videre posse limpidissimam illam lucem, ubi Trinitatis æqualitas & incommutabilitas cernuntur, sic addit: *Qua maxime proprietate distat à cæteris homo, cuius susceptione*

T. 3. p. 2.

p. 160. C. Verbum caro factum est.

T. 1. p.

456. c. 2.

S. Leone Epist. 25. aliàs 11. ad Julian. Cum, inquit, *simplex & incommutabilis naturæ deitatis, tota sit semper in sua essentia, nec damnum sui recipiens, nec augmentum; & sic naturam assumptam beatificans, ut glorificata in glorificante permaneat.*

Idem censuit Eusebius L. 10. Demonstr. Evang. c. 21. exponens illud Psal.

P. 500.

B.

27. *In te profectus sum ex utero, sic loquitur: Cum enim adhuc intra cellam gestantis me in utero laterem, (Christum loquentem inducit) te tamen Deum meum videbam.*

Probatur Denique iisdem planè rationum momentis quibus in confirmationem primæ partis Conclusionis nostræ usi fuimus; quibus adde, quod observant vulgo Scripturæ Interpretes, non tam ex novo miraculo propriè contigisse, quòd in Transfiguratione Christi facies ejus insolita claritate tanquam Sol resplenderet, qua splendescere semper potuisset, tum ex insidentis divinitatis majestate, tum ex gloria & beatitudine animæ; sed potius non sine miraculo factum esse, ut toto vitæ Christi decursu, quasi suspensa & impedita fuerit illa animæ Christi gloria & claritas, ne in corpus ipsum tota efflueret: nimirum propter negotium redemptionis nostræ, quod passio ac morte sua consummare ac perficere Christus debebat.

Tertia

pars.

Anima

Christi

Deum

non co-

prehendit.

Tertia pars Conclusionis, nempe animam Christi cognitione comprehensivā non vidisse Deum,

Probatur I. Quia cognitio comprehensiva duo importat: primum, ut objectum quantum quantum est cognoscatur; alterum, ut tam perfectè cognoscatur, ac cognosci potest & postulat; hoc est, ut Schola loquitur, ut cognitio tam *extensivè*, quam *intensivè* objecto sit commensurata. Porro etsi anima Christi totum quod Dei est, ac modo perfectissimo creatæ capacitati accommodato Deum cognoscat, non tamen modo infinito, quo & potest, & exigit cognosci, ac revera seipsum cognoscit Deus: infinita etenim cognitionis prorsus incapax est anima creata.

II. Scripturæ consentanea est ista sententia: Deus quippe Jeremiæ 32. v. 19. dicitur, *magnus consilio & incomprehensibilis cogitatu*. Quapropter Veteres ista potissimum ratione Anomalos stolidè comprehensivam Dei cognitionem sibi arrogantes, revincunt, quòd, qui semetipsos satis non cognoscunt, Deum, qui comprehendendi non potest, se perfectè cognoscere gloriantur.

III. Ista, inter alias multas, Augustini de Roma propositio, *Anima Christi Deum videt tam clarè & intensè, quam Deus videt seipsum*, damnata fuit

To. 12.

Conc. p.

556. D.

in Concilio Basileensi Sess. 22.

IV. denique, S. Fulgentius prima parte Conclusionis jam laudatus, quem nonnulli nobis hic adversari contendunt, non obscure Conclusioni nostræ favere videtur his verbis: *Possumus planè dicere, ait, animam Christi*

P. 254.

n. 31.

habere plenam notitiam deitatis sui; nescio tamen utrum debeamus dicere, quòd anima

anima Christi sic suam deitatem novit; quemadmodum se ipsa divinitas novit; an hoc potius dicendum est, quia novit quantum illa, sed non sicut illa. Ipsa enim deitas sic se novit, ut hoc se naturaliter inveniat esse, quod novit: anima autem illa sic totam deitatem suam novit, ut ipsa tamen deitas non sit. Non poterat sanctus Doctor disertius declarare, animam quidem Christi extendere totum objectum cognoscere, quod Deus cognoscit; sed non intensive, seu non eodem modo, eademque cognitionis perfectione, cuius postrema conditionis defectu cognitio comprehensiva esse non potest.

Solvuntur Objectiones.

Objicies 1. contra primam Conclusionis partem: Christus Matth. 24. v. 36. ignorat diem ultimi Judicii, *De die autem illa & hora nemo scit, neque Angeli caelorum, nisi solus Pater.* Et Marci 13. v. 32. *De die autem illa vel hora nemo scit, neque Angeli in caelo, neque Filius, nisi Pater.* Crescit vis Objectionis ex auctoritate Veterum, qui Arianis divinitatem Christi ex illa ignorantia impugnantibus, respondent, ignorantiam illam cadere in Christum ut hominem, non in Deum. Ita SS. Athanasius Orat. 4. Gregor. Nazianz. Orat. 36. Basilii Epistola 381. ad Amphil. Cyrillus Alexandr. Lib. 22. Thefauri, Hilarius L. 9. de Trinit. &c.

Resp. propositam jam a nobis fuisse, ac discussam illam Arianorum objectionem in Tractatu de SS. Trinitate pag. 396. & 397. Qui fieri enim potest, ut Christus homo diem ultimi Judicii nescierit, qui constitutus est à Deo Judex vivorum & mortuorum; per quem *Deus fecit omnia secula*, Hebr. 1. v. 2. qui omnes illius diei circumstantias novit; horam, Lucæ 17. locum, Matth. 24. signa, & causas, Lucæ 21. Ad quæ attendens S. Ambrosius L. 5. de fide c. 16. n. 203. *Quomodo, inquit, nescivit Judicii diem, qui horam Judicii, & locum & signa expressit & causas?*

T. 3. p. 488. D. C.

Quo autem sensu diem illum Christus ignorasse dicatur, variè Interpretes exponunt: Nulla verò aptior ac stylo Scripture magis consentiens videtur expositio, ea quæ ait, Christum diem hanc nescire, quia non aperit, non revelat: quippe nihil hominibus revelat Filius, nisi jubente ac mandante Patre: Ego, inquit Joan. 12. v. 49. *ex me ipso non sum locutus; sed qui misit me Pater, ipse mihi mandatum dedit, quid dicam & quid loquar.* Porro mandatum istud à Patre non accepit Christus, ut diem hanc nobis aperiret, quia non est nostrum nosse tempora vel momenta quæ Pater posuit in sua potestate, Act. 1. v. 7. Igitur sicut in stylo Scripture, Deus illud primum cognoscere dicitur, quod publico experimento manifestat, ut v. g. quando Gen. 22. v. 12. ait de Abrahamo, *Nunc cognovi, quod timeas Dominum;* an ignorabat antea? non certè: sed quod occultum hominibus erat, palam tunc declaravit. Ita etiam aliquid ignorare Christus dicitur, nempe respectu nostri, quod nobis non manifestat. Distinguenda igitur ista propositio, Christus diem ultimi Judicii ignoravit; respectu nostri eam non revelando, concedo: respectu sui, nego.

Audiat S. Augustinus L. 83. questionum questione 60. *Sicut, inquit, scire Deus dicitur, etiam cum scientem facit, sicut scriptum est, Tentat vos Dominus Deus vestrer, ut sciat si diligatis eum. Non enim sic dictum est hoc, quasi* T. 6. p. 33. B. Z. 2. *nesciat.*

nesciat Deus; sed ut ipsi sciant, quantum in Domini dilectione profecerint. Et ipsum Tentat, pro eo positum est, quod tentari finit. Sic & cum dicitur nescire, aut pro eo dicitur, quod non approbat, id est, in disciplina & doctrina sua non agnoscat, sicut dictum est, Nescio vos: aut pro eo quod utiliter nescientes facit, quod scire inutile est. Ideo non bene accipitur, id quod dictum est, solum scire Patrem, sic dictum esse, quia facit Filium scire; & quod dictum est, nescire Filium, sic dictum esse, quia facit nescire homines, id est, non prodis eis quod utiliter scirent.

Neque dicas hoc sensu non tantum Filium, sed etiam Patrem ignorare diem ultimi Judicii, quia eum non revelat nobis nec manifestat. Non ita est: quia scilicet Pater per semetipsum ac immediate nobis jam non loquitur, nec quidquam manifestat, sed per Filium suum, quia ea tantum loquitur, quæ mandat Pater. *Multifariam, multisque modis*, ait Apostolus Hebr. 1. v. 1. *olim Deus loquens patribus in Prophetis, novissime diebus istis locutus est nobis in Filio, quem constituit heredem universorum, per quem fecit & sæcula.* Ergo non Pater, sed Filius ignorare id dici potest, quod non aperit. Diem autem Judicii sapienter omnino nos ignorare vult, ut nimirum vigiles semper, arrecti, ac in bonis operibus ferventes simus. *Expectatio quippe perpetua ferventiores ad pietatem facit, cognitio negligenter*, ait S. Basilius L. 4. contra Eunomium.

T. 1. p.
290. A.

Ad confirmationem ex SS. Patribus,

Dico 1. vix ullum esse, qui crudè ac simpliciter affirmet Christum, id est, Verbum incarnatum, diem hanc ultimi Judicii ignorasse; ista quippe ignorantia labe in ipsam personam Verbi caderet: at quis tam falsam & absurdam sententiam SS. Patribus affingat?

Dico 2. ex SS. Patribus aliquos, facta utriusque in Christo naturæ distinctione, videri Christo homini, non ut Deo, ignorantiam illam imputasse. Nempe rem illi habebant cum Arianis & Apollinaristis, qui ex illa ignorantia concludebant Christum verum non esse Deum: adversus quos SS. illi Doctores figura, ut vocant, *concessionis*, utebantur: scilicet, dato & non concessio Christum diem illam ignorasse, eam non ignoravit ut Deus, sed tantum ut homo; ergo immerito prorsus inde inferitur, eum verè Deum non esse: quæ certè arguendi ratio, non supponit à Patribus re ipsa concessum fuisse, Christum hominem aliquid nescivisse; quin è contra potius. Cum enim explicationem illam secutus aliquando fuisset Leporius Presbyter, subinde eam rejecit ac improbavit in Libello emendationis, qui ab Augustino & cæterisque Africanis Præsulibus probatus fuit. *Nunc, inquit, non solum dicitur, certe non præsimo, verum etiam priorem anathematis prolatam in hac parte sententiam; quia dici non licet, etiam secundum hominem ignorasse Dominum Prophetarum.*

Bibliot.
PP. T.
7. p. C.

Dico 3. Veteres, ignorantiam, quam Christo homini tribuere videntur, unice referre ad nativam carnis nostræ conditionem: ita ut eorum sensus sit, Christum in carne existentem nihil quidem ignorasse; attamen ex ipsa carnis nostræ conditione eum non habuisse ut aliquid sciret. Caro quippe nostra, seu humanitas, ex se ipsa ignorantiam habet: atque cum Christus carnem nostram assumpserit, sic interdum loquitur, quasi ignorantiam etiam nostram assumpsisset. *Qui enim*, ait S. Augustinus in Psal. 49. *insepit* fini-

T. 4. p.
425. C.

similitudinem carnis peccati, cur non susceperes similitudinem vocis peccati? Tertiam istam responſionem dilucidè omnino exponit ac confirmat S. Gregorius Magnus Epistola 39. L. 10. aliàs 42. L. 8. *Unigenitus*, inquit, factus pro nobis homo perfectus, in natura quidem humanitatis novit diem & horam iudicii; sed tamen hunc non ex natura humanitatis novit. Quod ergo in ipsa novit, non ex ipsa novit.

T. 2. p. 1070.
A. C.

Non alia professio mens ac sententia fuit S. Athanasii, cùm scripsit Christum ut hominem diem ultimi Iudicii ignorasse. *Homini enim*, inquit Orat. 3. aliàs 4. contra Arianos n. 43. proprium est ignorare, maximèque res huiusmodi. Verùm hoc ipsum singularis Salvatoris benevolentia & benignitatis est effectus. Quoniam enim homo factus est, idcirco propter carnem ignorantem dicere non erubescit, Nescio: ut scilicet ostendat se ut Deum scire, ac secundum carnem ignorare. Idem paulò antè n. 38. jam dixerat: Omnibus perspicuum est, ignorantem ad carnem pertinere . . . Id autem fecit sanctissimum Dei Verbum, quod omnia nostri causa sustinuit, cùm ut hoc modo nostram ignorantiam portans, nobis solius veri sui Patris cognitionem impertiret; tum ut nos doceret, seipsum propter nos ad omnium salutem missum esse, qua gratia nulla certè maior possit esse.

T. 1. p. 193. A.

Ibid. p. 188. A. Ibid. C.

Eundem exponendi ignorantiam Christi modum adoptat Eulogius Patriarcha Alexandrinus apud Photium Codice 230. Sunt, inquit, qui censent illum dixisse quòd ignoraret ultimum diem, ut humane nature signum n. 10. proprium quòd illi inest declararet & ostenderet: non quòd ipse ignoraret: absit (quod ipse ignoraverit.) Quicumque enim vel divinitatis ipsius, vel humanitatis ignorantiam adscribet, nunquam certissimè temeritatis crimen effugiet. Sed cùm, ut B. Cyrillus docet, subtili mentis conceptu & animi imaginibus per contemplationem, rem à re dividimus; tum videmus proprias nature utriusque, ut in se est, notas & proprietates. Aut, ut Gregorius Theologus tradit, quando nature ratione distinguuntur, etiam nomina naturarum simul dividuntur. Sed nude utraque humanitatis signum proprium est ignorantia. Hæc ratione ergo Christi humanitati, ut simplici & puræ humanitatis nature considerata (præcisè secundum ea quæ à seipsa habet) adscribi poterit ignorantia. Et hoc est quod Theologus explicavit, quando dixit: Scit quidem ut Deus; nescit verò ut homo, si quis videlicet id quod apparet, ab eo quod intelligitur discernat.

T. 88; n. 10.

His dictis Eulogius hæc addit, quibus secunda nostra responsio confirmatur. Quòd si qui ex Patribus ignorantiam in Salvatore ex parte humanitatis ib. n. 30. admisserunt; id tamen non ut dogma sanxerunt, sed Arianorum insaniam repræsentari, (qui omnia, quæ in Christo erant, humana ad Unigeniti divinitatem transtulerunt, ut increatum Dei Verbum creaturam ostenderent) relictis hæc de humanitate dici posse existimaverunt, quam humana ab illis (Ariani) ad divinitatem trahi.

Responsionis nostræ hæc summa est: Christus ignoravit diem Iudicii, dist. ignoravit respectu nostri, quia diem hanc non detegit nec revelat nobis, concedo: ignoravit simpliciter & absolute ac respectu sui, subdist. habita ratione humanitatis, cui post peccatum ignorantia ingenerata est, concedo: habita ratione unionis hypostaticæ, nego. *Vidit in carne; at non ex carne.*

Tournely de Incarnatione.

Z 3

Insta.

Inslabis 1. Lucæ c. 2. v. ultimo, Christus dicitur *profecisse sapientia, & atate & gratia apud Deum & homines*: ei autem qui proficit, aliquid novi accidere debet, quod prius non habebat; ergo Christus statim à primo conceptionis puncto perfecta rerum omnium cognitione ac scientia instructus non fuit.

Hunc textum cum Ariani & Apollinaristæ Catholicis objicerent, reponebant fidei nostræ vindices, Athanasius, Gregorius Nazianzenus, Ambrosius, hæc de humana Christi natura dicta esse, non de divina. *Uli* (Ariani) ait S. Athanas. Orat. 3. aliàs 4. contra illos n. 52. *claudunt oculos, ne videant quòd hic in sapientia proficere, non significet ipsam sapientiam proficere, sed humanam tantum naturam in eo proficere.*

Resp. 1. ut mox, nempe figura *concessionis*, SS. Patres Arianos & Apollinaristas hic ad hominem premere. Illi scilicet Christum non tantum divinitate, sed etiam anima & mente humana spoliabant, quæ duo stare non possunt, ac malè coherere cum proposita Objectione: 1. quia Christus non profecit ut Deus, in sapientia increata & divina; sed profecit tantum ut homo in sapientia creata, experimentalis & acquisita; ergo malè inde inferebant Hæretici Christum non esse Deum. 2. Si Christus sapientia profecit & atate; ergo, velint nolint Hæretici, animam & mentem humanam habebat; sapientia quippe ut & scientia & rerum cognitio, ad animam & mentem humanam pertinent: ita sibi malè coheret ac pugnantia loquitur hæresis. Sic ratiocinatur S. Epiphanius hæresi 77. n. 26. *Jam viderè, inquit, qui sapientia Patris esset, quomodo ullas sapientie progressiones habere potuit, si ab humana mente vas illud, ut ita dicam, fuit? Ac si mentis experti extiterit, qui fieri potuit, ut sapientia corpore animaque profectus faceret?*

Resp. 2. Christum profecisse sapientia experimentalis, quando scilicet eas in anima sua humanas doloris ac tristitiæ affectiones expertus est, quas licet antea novisset, non tamen senserat.

Resp. 3. Christum sapientia profecisse, non quoad se, sed quoad nos, quibus in dies magis ac magis proficere videbatur; tametsi re ipsa non proficeret. Ita nodum solvunt.

T. 1. p. 343. C. S. Gregor. Nazianz. Orat. 20. *Ut atate, inquit, ita & sapientia proficiebatur: non quòd hæc in eo incrementum caperent, (quid enim eo quòd à principio perfectum erat, perfectius esse possit?) sed quòd hæc paulatim detegerentur ac elucerent.*

T. 1. p. 601. E. S. Athanasius Orat. 3. aliàs 4. contra Arianos n. 53. *Corpore atate crescente, ait, in illo quoque crescebat maior divinitatis explicatio, omnibusque ostendebatur templum Dei ipsum esse, & Deum esse in corpore.*

T. 6. p. 87. A. S. Cyrillus L. 3. contra Nestorium. *Quomodo igitur, inquit, profecisse dicitur? Ut ego arbitror, quia Deus Verbum pro incremento & atate sui corporis, divinum bonorum quæ sibi inerant manifestationem admittebatur.*

Denique S. Bernardus Hom. 2. de laudibus B. Mariæ Virginis. *Neque enim, inquit, minus habuit sapientia, vel potius non minus fuit sapientia Jesus conceptus, quàm natus; parvus, quàm magnus. Sive ergo latens in utero, sive vagiens in præsepio, sive iam grandisculus interrogans Doctores in Templo, sive jam perfecte atatis docens in populo, aequè profectò plenus fuit Spiritu sancto...*

Ho... Nam quod de sapientia & gratia hic dictum est (Lucæ 2.) non secundum quod erat, sed secundum quod apparebat, intelligendum est: non quia videlicet aliquid ei novum accederet, quod antea non haberet; sed quod accedere videretur, quando volebat ipse, ut videretur.

Instabis 2. Eadem prorsus ratione Christus gratia & sapientia proficiebat, qua ætate: atqui non tantum apparenter & in opinione hominum, sed verè ac realiter ætate proficiebat; ergo &c.

Resp. nego ant. Alia quippe in Christo conditio est corporis, & alia conditio animæ: omnes corporis nostri defectus & infirmitates ad opus salutis nostræ perficiendum necessarias Verbum assumpsit, adeoque varias ætatis vices & incrementa; defectus verò animæ, ignorantiam, concupiscentiam, non assumpsit: non igitur ut ætate, ita & sapientia quasi per gradus proficere debuit.

Instabis 3. Non tantum coram hominibus & in eorum opinione dicitur Christus profecisse in sapientia, sed etiam coram Deo; ergo non opinione tantum, sed verè proficiebat.

Resp. nego conseq. Namque coram Deo sicut & coram hominibus sapientia Christus profecisse dicitur, quia publica omnibusque, tum Deo, tum hominibus, perfecta dedit eximie sapientie suæ argumenta.

Instabis. 4. De nonnullis Christus anceps ac dubius fuisse videtur. Joan. 11. de loco ubi sepultus fuisset Lazarus, anxius inquit: *Ubi posuisti eum?* Etc. 21. quasi dubitans ter Petrum interrogat: *Petre amas me?* Quin Matth. 8. v. 10. admiratur fidem Centurionis: porro admiratione ignorantie factus est. Denique Hebr. 4. v. 15. *tentatus dicitur per omnia pro similitudine absque peccato.* Ergo vel ipsa etiam ignorantia tentatus fuit.

Resp. nego ant. Humano more interrogabat Christus, & ubi sepultus esset Lazarus, & utrum plus amaretur à Petro; non quòd utrumque ignoraret: *Tu scis Domine, quia amo te*, respondit Petrus. Sed cum homo esset, modo nobis accommodato se gerebat; atque interrogando, non dubitabat, neque ignorabat, sed rei præstantiam declarare seu commendare volebat, nempe suscitationem Lazari à mortuis, & magnitudinem amoris Petri. Deus ipse Gen. 3. interrogans ait, *Adam ubi es?* non quòd ignoraret, sed ut increparet; non dubitantis enim, sed increpantis ista vox est. Ita dicitur fidem Centurionis admiratus, non quòd eam antea non prænovisset, sed ut eam laudaret ac commendaret. *Mirando laudabat*, ait S. Augustinus L. 1. T. 8. p. contra adversar. Legis & Proph. c. 7. *Tentatus dicitur Christus per omnia; excepto peccato*, & iis animæ defectibus, qui ex peccato sunt, ignorantia scilicet & concupiscentia, quique non modò inutiles forent, sed etiam noxii peragendo redemptionis nostræ negotio.

Instabis 5. Lucæ 22. *Apparuit autem illi (Christo) Angelus de celo confortans eum:* At si Christus omnia novisset, futuros etiam non ignorasset cruciatus, nec opus ipsi fuisset Angelo confortante, quasi aliqua ipsi nova suggessisset motiva patientiæ ac consolationis.

Resp. 1. hæc ad probationem veræ humanitatis Christi dicta esse: naturæ quippe instinctu; natura nostra mortem refugit & abhorret.

Resp. 2. cum S. Epiphanio hæresi 69. n. 60. verba hæc, *Confortans eum*, idem sonare, ac laudans fortitudinem ejus, qua se mortilubens obtulerat,

Z. 4. dicens:

salutis nostræ opus consummaret ac perficeret; quomodo etiam impedivit; ne in toto vitæ suæ mortalis cursu, animæ suæ gloria in corpus ipsum redundaret.

Ad secundum, mox ostendemus nec fidem, nec spem in Christo fuisse; è contra salvam & integram in eo stetit libertatem.

Ad tertium, intelligendus est S. Lucas, tum de gloria Christi completa & consummata, ratione animæ & corporis, quod gloriosum, impassibile ac incorruptibile exsepulchro exivit; tum de nominis Christi exaltatione, cultu, adoratione &c. *Propter quod Deus exaltavit illum, & donavit illi nomen quod est super omne nomen.* Philipp. 2. v. 9.

Quæres 1. quamvis objecta Christi cognoverit per scientiam beatificam.

Resp. ea omnia quæ à Beatis in Cælo videntur, aut videri possunt, de quibus egimus, ubi de divinis Attributis. Christi scilicet animæ perfectissima omnium quæ excogitari potest, cognitio & scientia tribuenda est, quantumcumque autem illa perfectissima supponatur, essentia tamen divinæ non est comprehensiva, ex antè dictis.

Quæres 2. Quanam objecta anima Christi cognoverit per scientiam infusam.

Resp. naturalia, sive necessaria, sive libera, cognovisse per proprias eorum species; supernaturalia verò per species alienas. Ratio est 1. Quia scientia Christi infusa perfectissima fuit, & angelica longè superior: sed Angeli res naturales necessarias immediatè ac per proprias species infusas cognoscunt. Liberas autem cordium cogitationes Christo plenè cognitæ & manifestas fuisse testatur S. Lucas c. 6. v. 8. *Ipsè verò*, ait, *sciebat eorum cogitationes*. 2. Res supernaturales, fidei scilicet mysteria Christum cognovisse, quis negare ausus fuerit, cum ipse auctor sit ac consummator fidei? Ea tamen non intuitivè ac in se, quod proprium est scientiæ beatificæ, sed per scientiam infusam ac species alienas cognovit, nempe in revelatione, fide nostrâ, lumine gloriæ &c. hæc quippè omnia per scientiam infusam quidditativè cognoscendo, simul etiam cognovit mysteria fidei cum iis connexa. Res autem creatas, sed supernaturales, ut gratiam, Sacramenta, intuitivè ac immediatè per scientiam infusam cognovit, quia sic cognosci possunt, nec ad ea cognoscenda absolutè necessaria est beatifica visio.

Quæres 3. quamvis anima Christi cognoverit per scientiam acquisitam & experimentalem.

Resp. ea omnia quæ per varias operationes vel mentis, vel sensuum externorum, successive aut intellexit, aut in se expertus est. Usus quippè fuit Christus & sua ratione, ac suis sensibus, visu, auditu, tactu: identidem famem, sitim, aliasque humani corporis infirmitates expertus fuit; quo sensu intelligi potest profecisse ætate ac sapientia, acquisita nimirum & experimentaliter.

ARTICULUS III.

De perfectione anime Christi quantum ad voluntatem : seu de gratia, donis ac virtutibus anime Christi concessis.

GRATIA generatim donum est Dei supernaturale, ex pura Dei misericordia, sine ullis precedentibus meritis concessum. Multiplex in Christo gratiæ species distingui potest. 1. Est gratia unionis, seu substantialis, quæ resultat ex intimo nexu naturæ divinæ cum humana, in una Verbi persona. 2. Gratia habitualis, accidentalis & adventitia, quæ internum est ac connaturale principium actionum supernaturalium. 3. Gratia actualis, quæ est Dei motio & influxus ad actionem supernaturalem concurrentis. 4. Gratia capitis. 5. Gratiæ gratis datæ ad commodum & utilitatem aliorum. 6. Sunt virtutes infusæ morales vel theologicæ, spes, fides & charitas. Denique, dona sunt Spiritus sancti. De quibus sigillatim ac paucis sic statuimus.

PRIMA CONCLUSIO.

Fuit in Christo gratia unionis, seu substantialis, per quam humanitas Christi substantialiter sancta, Deoque acceptissima erat.

Vix aliqua probatione indiget hæc Conclusio, postea quæ superius abundè dicta sunt, ad demonstrandam contra Nestorium, unionem personalem ac substantialem duarum naturarum in Christo, in unitatem personæ Verbi, ex qua certè unione resultat substantialis gratia, iustitia, & sanctitas in humanitate Christi, qua sit ut Deo sit acceptissima & planè impeccabilis, ut postea dicemus. *Quod nascetur ex te sanctum, vocabitur Filius Dei.* Lucæ 2. v. 35. Ita sentiunt SS. Doctores.

Dionysius Alexandrinus in Epistola Synodica ad Paulum Samosatenum : *Ob id, inquit, planè apparet, quod Christus magna puritate & iustitia incomparabili Joanni antecelleret; quia in Joanne quidem erat opus & labor iustitiæ, in Jesu verò natura.* Tom. 1.
Conc. 7.
851. A.

S. Cyrillus Alexandrinus Libro 11. in Joan. cap. 9. *Sanctum, inquit, est quodcumque cernitur à mundi sordibus immune, quod quidem est in Christo naturaliter, sicut in Patre: adscititium verò & adventitium in sanctis Discipulis, sanctificatione nimirum per gratiam.* Paulò antè dixerat : *Naturalis est in Christo.... puritas : Deus enim est verus, qui peccato obnoxius esse nequit, cum virtutis omnis sit fons, & ejus quæ sanctificatione constat sanctitatis.* Eodem Libro cap. 10. probat Christum non esse sanctum participatione, nec alienam à substantia sua per Spiritum habere sanctificationem. Te. 4. p.
985. D.

Ibid. p.
985. C.
D.
Ibid. p.
986. C.
seq.
Te. 6 p.
112. D.

S. Augustinus Enchir. c. 40. *Profecit, inquit, modus iste quo natus est Christus de Spiritu sancto non sicut filius, & de Maria sicut filius, insinuat nobis gratiam Dei, qua homo, nullis precedentibus meritis, in ipso exordio naturæ suæ quo ejus cepit, Verbo Dei copularetur in tantam personæ unitatem, ut idem ipse esset Filius Dei, qui filius hominis; & filius hominis, qui Filius Dei: ac* fi na-

si naturæ humanæ susceptione fieret quodammodo ipsa gratia illi homini naturalis ; quæ nullum peccatum posset admittere .

Dices : Non magis vi unionis hypostaticæ communicari potest humanitati Christi substantialis gratia , quàm immensitas v.g. omnipotentia , infinitas &c.

Resp. nego paritatem : Quia humanitas capax est recipiendæ istius substantialis gratiæ , cum uniri possit unione personali cum Verbo ; ista quippè gratia substantialis nihil est ab unionem hypostaticam distinctum . E contra humanitas neque immensitatis , aut omnipotentis , aut infinitatis capax est , cum sit essentialiter finita & limitata .

Instabis : Non magis potest Verbi persona virtute suæ unionis cum humanitate naturalem suam sanctitatem ei communicare , quàm humanitas Verbo suas imperfectiones : atqui humanitas , tametsi Verbo conjuncta , suas ipsi imperfectiones communicare non potest .

Resp. disparem esse causam ac rationem : quia scilicet Verbum per propriam suam personalitatem immediatè conjungitur cum humanitate ; humanitas verò non immediatè conjungitur cum divinitate , sed mediante Verbi personalitate . Unde naturales humanitatis imperfectiones de supposito Verbi enuntiarique possunt in concreto , ut diximus , non verò de divinitate in abstracto : unde rectè dicimus Verbum caro factum , passum , mortuum , loquendo de Christo : at non benè diceretur , Divinitas facta est caro , divinitas passa est , mortua &c.

S E C U N D A C O N C L U S I O .

Præter gratiam unionis & sanctitatem substantialem , fuit in Christo gratia habitualis , & sanctitas adventitia perficiens animam in ordine ad operationes supernaturales .

Probat . Isaïæ 11. v.2. *Requiescet super eum Spiritus Domini ; spiritus sapientiæ & intellectus . . . scientia & pietatis .* Joan. 1. v. 14. *Plenus dicitur gratiæ & veritatis .* Et Coloss. 2. v. 3. *In quo sunt omnes thesauri sapientiæ & scientiæ Dei .*

Ratio est manifesta : Quia genus omne perfectionis necessarium ad operationes supernaturales modo connaturali eliciendas , in anima Christi admitti debet : at talis est gratia habitualis inhzrens . Observa , gratiam illam habitualement sub diverso respectu naturalem aliquando appellari , aliquando verò accidentalem . Dicitur naturalis , cum spectatur humanitas in sensu composito unionis hypostaticæ ; dicitur verò accidentalis & adventitia in sensu diviso unionis . Cave tamen cogites ex tali gratia Christum aut sanctum dici posse per participationem , aut filium adoptivum , tum quia gratia hæc aliam supponit naturalem & substantialem , tum quia proprius ac natus hujus habitualis gratiæ effectus quasi formalis , est reddere subiectum in quo est . gratum Deo & acceptum , illudque juvare ad operationes supernaturales modo magis connaturali exercendas .

TERTIA CONCLUSIO.

Fuit in Christo gratia actualis, non quidem excitans, sed operans & cooperans.

Prima pars clara est. Gratia quippè excitans dicitur, quæ nos quasi sopitos ad bonum excitat: at tali gratia non indiguit Christus, ad optima quæque semper vigil & erectus; nullaque difficultate, obice nullo retardatus.

Secunda pars facile probatur. Gratia quippè operans vel cooperans est ipsamet Dei nobiscum operantis actio seu concursus, qui ad quamcunque creatam actionem semper necessarius est, ob essentialē ac necessariam dependentiam creaturæ à Creatore.

QUARTA CONCLUSIO.

Fuit in Christo gratia Capitis.

Gratia Capitis Christo necessaria fuit, tum ut Ecclesiam regeret ac moderaretur, eamque interioris gratiæ subministratione ad destinatum finem perduceret. Coloss. 1. v. 18. *Ipsè (Christus) est Caput corporis Ecclesiæ.* Ephes. 1. v. 22. *Ipsū dedit Caput supra omnem Ecclesiam, quæ est corpus ipsius & plenitudo ejus, qui omnia in omnibus adimpletur.* Ut Caput Ecclesiam regit, cui semper præsentissimus adest. Ephes. 4. v. 11. *Ipsè dedit quosdam quidem Apostolos, quosdam autem Prophetas; alios verò Evangelistas; alios autem Pastores & Doctores, ad consummationem sanctorum in opus ministerii, in edificationem corporis Christi quod est Ecclesia: unde Apostolus secundæ Cor. 5. v. 20. dicebat: Pro Christo legatione fungimur, tanquam Deo exhortante per nos: Perpetuam sui assistentiam Christus ut Caput Ecclesiæ suæ pollicetur, Vobiscum sum omnibus diebus. Portæ inferi adversus eam non prævalebunt. Ipsi*

tanquam vitis palmitibus continuo influxu spiritum vitæ subministrat. *Matth. 18. v. 18. Ibid. 16. v. 18.*

Quæres, an hæc gratia Capitis distincta sit à gratia unionis & à gratia habituali. Resp. affirmativè; quia diversi sunt triplicis illius gratiæ formales effectus. Namque gratiæ unionis proprium est naturam humanam terminare, ac substantialiter sanctam constituere; gratiæ verò habitualis, eam Deo acceptam reddere, & idoneam ad operationes supernaturales modo connaturalis eliciendas; gratiæ verò Capitis proprium est jus & auctoritatem conferre regendi Ecclesiæ membra; & in ea per auxilia interioris gratiæ influendi. Nihil quidem entitativum, nihil physicum gratia Capitis addit gratiæ unionis & habituali, sed aliquid dumtaxat morale, jus scilicet ad regendam & moderandam Ecclesiam, quam sanguine suo Christus acquisivit.

QUIN-

QUINTA CONCLUSIO.

Fuerunt in Christo gratiæ gratis datæ.

Probatur: Quia gratiæ gratis datæ dicuntur illæ, quæ ad commodum & utilitatem aliorum conferuntur. Novem earum species enumerat S. Paulus primæ Cor. 12. v. 7. & seq. *Unicuique*, ait, *datur manifestatio Spiritus ad utilitatem. Alii quidem per Spiritum datur sermo sapientiæ; alii autem sermo scientiæ secundum eundem Spiritum; alteri fides in eodem Spiritu; alii gratia sanctorum in uno Spiritu; alii operatio virtutum; alii prophetia; alii discretio spirituum; alii genera linguarum; alii interpretatio sermonum.* Illæ autem omnes gratiæ gratis datæ in Christo fuerunt.

Dices: Prophetia nonnihil obscure cognitum involvit: porro Christus omnia clarè cognovit.

Resp. dist. aliquando, & ratione subiecti cui datur gratia prophetiæ, concedo: semper, & ratione sui, nego. Hoc unum ex se prophetia exigit, ut sit futuri prædictio.

SEXTA CONCLUSIO.

Fuerunt in Christo virtutes omnes morales, siue infusæ, siue acquisitæ, detractis omnibus imperfectionibus, quæ vel peccatum supponunt, vel statui beatitudinis adversantur.

Probatur & exponitur Conclusio. Virtus moralis infusa, juxta S. Thomam, ea dicitur quæ ordinatur ad bonum quod modificatur per Legem divinam, & non per rationem humanam, ac in nobis causatur per operationem divinam: virtus autem acquisita ordinatur ad bonum quod modificatur secundum regulam humanæ rationis, & potest causari per actus humanos quorum principium est ratio. Atqui fuerunt in Christo hujusmodi virtutes. 1. Fuere infusæ, quia, ex dictis, fuit in Christo gratia habitualis; virtutes autem illæ simul cum habituali gratia infunduntur, & animam inclinant ad faciilius exercendos illarum virtutum actus. 2. Fuere quoque virtutes acquisitæ; quia Christus bonum operabatur; & virtutes exercebat sicut & alii homines.

Dixi, seclusis imperfectionibus, quæ vel peccatum supponunt, vel statui beatitudinis repugnant: quia in Christo nulla fuit nec esse potuit vel levissima peccati umbra; & aliunde beatifica visio statim à primo conceptionis instanti positus est. Inde est quod in Christo nec spes nec fides fuerit, quia compati non possunt cum visione Dei beatifica, ut mox dicemus; nec etiam virtus continentis, saltem quantum ad aliquam partem: ista quippè virtus duo in nobis importat, abstinentiam scilicet ab omni voluptate venerea, & resistentiam pravis concupiscentiæ motibus: fuit autem in Christo quantum ad primum officium, non quantum ad secundum, quia nulla fuit in Christo concupiscentia, nullum prorsus peccatum.

S E P T I M A C O N C L U S I O .

Non fuit in Christo aut fides, aut spes theologica.

Non fides: quia versatur circa res obscuras & inevidentes; Christus autem omnia clare ac evidenter cognovit.

Non spes: quia versatur circa res futuras, & nondum possessas: at Christus statim à conceptione beatus fuit, & Deum intuitivè possedit.

Si quando verò fides Christo tribuitur, non virtus est theologica, sed moralis.

U L T I M A C O N C L U S I O .

Fuere in Christo dona Spiritus sancti.

Probatur Isaia 11. v. 2. *Requiescat super eum spiritus Domini: spiritus sapientia & intellectus, spiritus consilii & fortitudinis, spiritus scientia & pietatis; & replebit eum spiritus timoris Domini.*

Theodoretus in hunc locum: *Propheta, inquit, singuli particularem quidem gratiam quamdam acceperunt: in ipso autem (Christo) habitavit tota plenitudo divinitatis corporaliter, & secundum humanitatem omnia Spiritus habuit charismata. De plenitudine enim ipsius, secundum divinum Joannem, nos omnes accipimus.* To. 1. p. 12. C.

Ratio est: Dona illa in hunc finem conferuntur, ut homo promptè ac expeditè Spiritui sancto moventi obsequatur. Quòd si per accidens & ratione subiecti, dona illa in nobis nonnihil imperfectionis admixtum habent; non ita fuit in Christo, in quem confluit genus omne perfectionum. Atque ita v.g. timor, qui in nobis non tantum filialis est & castus, sed etiam servilis ex metu gehennæ conceptus, in Christo purè filialis fuit, castus & reverentialis, qualis est in Sanctis Deo apertè fruentibus. Consilium pariter, quod in nobis aliquam dubitationem involvit, in Christo nihil aliud fuit, quàm sanum & rectum de agendis iudicium.

A R T I C U L U S I V .

De libertate, sanctitate, ac impeccantia Christi.

DUO hæc sigillatim tractanda, libertas Christi, ejusque sanctitas & impeccantia. Ac primò, de sanctitate ac impeccantia.

De sanctitate animæ Christi, ejusque impeccantia. An aliquod in Christo peccatum fuerit, aut esse absolute potuerit; & quæ impeccantiæ ipsius vera causa & ratio.

Horret animus, fateor, cùm audio eò prorupisse nonnullos inter Christianos, ut Christo peccatum aliquod imputare non erubuerint, qualem fuisse in d. nomine *Premonstratensem*, referunt Lindanus Dialogo 2. Hofius

Græc. de Incarn. q. 15. art. 1. T. 2. p. 281. T. 180. & seq. *fius* L. 1. de hæresibus nostri temporis, & Prateolus verbo *Antichristus*; & verbo *Præmonstratensis*. Eiusdem impietatis Calvinum reum agit Bellarminus L. 4. de anima Christi cap. 8. quod nempe in caput 17. S. Matth. & L. 2. Infit. c. 16. n. 11. & 12. innuat ista Christi verba, *Deus meus, Deus meus, quare dereliquisti me?* verba fuisse animi dejecti, impatientis ac quasi desperantis. Reclamant hic equidem, ac magistrum ab illa impietate vindicare tentant discipuli: verum ab omni labe eum hic purgare difficile est: quippe qui insolitam quandam animi perturbationem, quam vis & acerbitas doloris extorsit, in Christo agnoverit Hæresiarcha scribens in Matth. *Metu percussus*, inquit, & *anxietate confectus fui*, ut necesse foret inter violentos tentationum fluctus, alternis votis quasi *vacillare*. Hæc ratio est, cur mortem deprecatus, mox sibi frenum iniicit; *Patrisque imperio subiciens*, votum illud subito elapsum castiget ac revocet.

Communis ac certissima Theologorum omnium sententia est, Christum ab omni umbra peccati maxime alienum semper fuisse. An verò peccare absolute potuerit, querunt nonnulli Scholæ Magistri, nostro quidem iudicio, non satis caute ac reverenter. Ad quid enim quæstiones huiusmodi subtiles & argute, quæ christianas aures offendunt, nihilque afferunt utilitatis?

Existimant ergo nonnulli, Christum ex sola vi unionis hypostaticæ cum Verbo, non habuisse ut non posset peccare; sed ex adjunctis, visione beatifica, virtutibus infusis, gratia sanctificante, singulari Dei protectione &c. quæ si à Christo separarentur, ut nonnulli ea separari absolute potuisse affirmant, Christum homo Deus peccare posset. Ita sentire videntur Durandus in 3. dist. 12. q. 2. Gabriel dist. 2. & 12. q. 1. & Scotus, quatenus impeccantiam Christi reperit à beatitudine, & putat naturam humanam sine beatitudine assumi potuisse. Ut illi subtiles sunt & acuti, ac quæstionum de possibili plus æquo amantes, hypothesis possibilem fingunt: at præsentem non impugnant; neque enim docuerunt illi unquam, Christum in præsentem rem statu peccare aliquando potuisse. Itaque sit

PRIMA CONCLUSIO.

Fuit in Christo sanctitas quædam naturalis ac substantialis, ex sua cum Verbo divino unione derivata.

Probatur conceptis Angeli ad Virginem Mariam verbis, Lucæ 1. v. 35. *Spiritus sanctus superveniet in te, & virtus Altissimi obumbrabit tibi; ideoque & quod nascetur ex te sanctum, vocabitur Filius Dei.* Jure igitur nativitatis ex Virgine, operante Spiritu sancto, Christus sanctus est ac Filius Dei, non sanctitate tantum adventitia & accidentali, sed naturali ac substantiali, vi unionis hypostaticæ humanitatis cum Verbo. Eadem scilicet sanctitas Christo competit, quæ Filio Dei: at hæc substantialis est, à natura ejus distincta. Inde toties in Scripturis Christus sanctus appellatur, imò & iustitia nostra. *Factus est nobis sapientià à Deo, & iustitia, & sanctificatio, & redemptio.* Primæ Corinth. 1. v. 30. Vide quæ paulò antè dicta sunt, cum ostendimus fuisse in Christo gratiam naturalem ac substantialem; eadem quippe hic argumenta recurrunt.

Inde

Inde merito S. Augustinus Enchiridii c. 40. ait: *Modus iste quo natus est Christus de Spiritu sancto insinuat nobis gratiam Dei quæ homo, nullis præcedentibus meritis Verbo Dei copularetur, in tantam personæ unitatem ut fieret quodammodo gratia ipsa homini illi naturalis, quæ nullum peccatum posset dimittere.* T. 6. p. 211. D.

S E C U N D A C O N C L U S I O .

Nullum unquam fuit, nec esse potuit in Christo peccatum; ejusque impeccantia, non gratiæ tantum, sed naturæ, vi unionis hypostaticæ, referenda est.

Dux sunt Conclusionis partes.

Prima pars probatur 1. ex Scripturis. Secundæ Corinth. 5. v. 21. Apostolus ait, *eum qui non noverat peccatum, pro nobis peccatum, fecisse; (id est, hostiam pro peccato) ut nos efficeremur iustitiam Dei in ipso.*

Hebræor. 4. v. 15. *Tentatus per omnia pro similitudine absque peccato.* Et cap. 7. v. 26. *Talis decebat ut nobis esset Pontifex, sanctus, innocens, impolutus.* Hinc primæ Joan. Epistolæ c. 3. v. 5. *Scitis quia ille apparuit ut peccata nostra tolleret, & peccatum in eo non est.* Quapropter Christus Joan. 8. v. 46. confidenter agebat: *Quis ex vobis arguet me de peccato?*

S. Petrus primæ Epistolæ c. 1. v. 18. *Scientes, ait, quod non corruptibilibus auro vel argento redempti estis de vana vestra conversatione, sed pretioso sanguine quasi agni immaculati Christi & incontaminati.* Et cap. 2. v. 21. *Christus passus est pro nobis, vobis relinquens exemplum ut sequamini vestigia ejus: qui peccatum non fecit, nec inventus est dolus in ore ejus.*

Secunda pars, nempe veram & physicam in Christo impeccantiam fuisse, ex ipsa unionem hypostaticam profluentem,

Probatur constanti SS. Patrum traditione, qua tria ista simul demonstrantur; nunquam peccasse Christum, nec potuisse peccare, hancque ipsius impeccantiam ex ipsamet præcisè unionem hypostaticam provenire. Ita

Ex Græcis.

S. Hippolytus Martyr apud Theodoretum Dial. 1. *Arca, inquit, ex lignis, quæ putrescere non poterant, erat ipse Salvator Nam qui peccavit, constitetur & dicit, Putruerunt & corruptæ sunt cicatrices meæ a facie infipientiæ meæ. Dominus autem a peccato alienus erat.* T. 4. p. 36. B.

Origenes L. 2. de principiis cap. 6. *Tota anima Christi, ait, totum recipiens, atque in ejus lucem splendoremque ipsa cedens, facta est cum ipso principaliter unus spiritus.* Quod illustrat duplici comparatione; ferricadentis quod frigus capere, quamdiu candens est, non potest. Hoc modo, inquit, illa anima (Christi) quæ quasi ferrum in igne, sic semper in Verbo semper in Deo posita est, omne quod agit, quod sentit, quod intelligit, Deus est; & ideo nec convertibilis & mutabilis dici potest. Altera similitudo est vasis, quod aliquo suavi unguento imbutum, nihil foetidum redolere potest. Sicut, inquit, vas ipsum quod substantiam continet & unguentum, nullo genere potest aliquid recipere satoris ita Christus velut vas ipsum in quo erat unguenti substantia, impossibile fuit ut contrarium reciperet odorem. T. 1. p. 441. C. Ibid. p. 442. G. Ibid. T. 1. Conc. p. 855. C.

S. Dionysius Alexandrinus Epist. ad Paulum Samosatenum: *Nisi, in Journely de Incarnatione. Aa quit,*

quit, fuisset (Christus) idem qui qui erat Deus Verbum, non poterat esse alienus à potestate peccandi: nemo enim est qui peccare non possit, nisi unus Christus, qui & Pater Christi, & Spiritus sanctus..... Non enim est homo iustus super terram, qui faciet bonum, & non peccabit.

S. Athanasius Libro de Incarnatione Verbi: Impossibile est, inquit, humanam naturam puram & sine peccato exhiberi, nisi Deus in carne esse credatur, qui iustitiam peccati expertem in mundum induxerit.

S. denique Cyrillus Alexandrinus, ut alios omittam, L. 5. in Joan. cap. 5. probat Christum natura sua impeccabilem fuisse, sicut ignis natura & non voluntate calidus est, ac nix frigida. Unigenitus, inquit, propriæ naturæ legibus insilens, nihilque aliud cogitare aut agere sciens, quam quod in eis qui genuit ipsam voluntate positum est. Ecqui enim omnino fieri possit, uti consubstantialis & una deitas ipsa contra seipsam dissideat? Ex propria igitur sua natura, hoc est, unione hypostatica cum Verbo, Christus habuit, ut peccare nullatenus potuerit.

Ex Latinis idem prorsus testantur

Tertullianus L. de carne Christi c. 16. Argumentandi libidine, ex forma ingenii heretici, ait, locum sibi fecit Alexander ille, quasi nos affirmemus, idcirco Christum terreni census induisse carnem, ut evacualet in semetipso carnem peccati..... Ut evacuatam non possumus dicere, ita nec peccatricem; nec evacuatam, in qua dolus non fuit. Defendimus autem, non carnem peccati evacuatam esse in Christo, sed peccatum carnis; non materiam, sed naturam; nec substantiam, sed culpam, secundum Apostoli auctoritatem dicentis, Evacuavit peccatum in carne.

S. Ambrosius Apologiæ secundæ David. c. 4. Nemo, inquit, sine peccato, nisi unus Deus. Si igitur non potest non esse Deus, qui Dei Filius est, Autique Dei Filius arbiter iustitiæ est, non obnoxius culpa.

S. Augustinus L. de corrept. & gr. cap. 11. sic loquitur: Neque metuendum est, inquit, ne isto ineffabili modo in unitatem personæ à Verbo Deo natura humana suscepta, per liberam voluntatis peccaret arbitrium, cum ipsa susceptio talis esset, ut natura hominis à Deo ita suscepta, nullum in se motum male voluntatis admitteret. Et Traët. 108. in Joan. ad illa verba, Sanctifico meipsum.

Verbum illud, inquit, in principio Deus, in quo & ipse filius hominis sanctificatus est ab initio creationis sue, quando Verbum factum est caro: quia una persona factum est Verbum & homo. Tunc ergo sanctificavit se in se, hoc est, hominem se in Verbo se: quia unus Christus Verbum & homo, sanctificans hominem in Verbo. Et cap. 36. Enchiridii ait, per eandem gratiam iustificari homines à peccatis, per quam factum est ut homo Christus nullum habere posset peccatum.

S. Fulgentius L. 3. ad Trasim. c. 29. Deitas, inquit, non potest superari: propterea utique etiam Christi humanitas sine peccato permansit, quia eam in unitate personæ divinitas accepit, quæ naturaliter peccare non novit.

Denique S. Bernardus Serm. ferix quartæ hebdomadæ sanctæ. Hoc Verbum, inquit, quia carnem purissimam & animam sanctissimam unierat sibi, libere moderabatur actiones corporis sui: tum quia sapientia & iustitia erat; tum quia nullam habebat prorsus legem in membris suis repugnantem legi mentis sue.

His

His omnibus abundè confutata manet eorum inter Theologos opinio, qui arbitrantur ex sola supposita unione hypostatica, cæteris aliis gratiæ adjunctis præcisissè amputatis, Christum impeccantiam non contraxisse.

Ex illis porro hæcenus laudatis SS. Patribus, istud firmum & ineluctabile colligitur argumentum.

Qui substantia & natura Deus est, & una cum Verbo persona, is ex se se, vi unionis cum Verbo, nunquam peccati capax esse potest; alias dici posset Deum saltem peccare posse, quod certè vel cogitare impium est: atqui Christus natura sua & substantia Deus est, & una cum Verbo persona.

Confirmatur istud argumentum, ex eo quòd si supponi posset humanitatem Christi peccare, peccatum illud directè imputandum foret ipsimet divinitati ac personæ Verbi, non verò soli humanitati. Ratio aperta hæc est, quia nempe natura divina humanæ intimo ac personali nexu conjuncta, tenetur, utpote superior ac totius suppositi domina, omnes naturæ humanæ inferioris actiones regere ac moderari, ut mox ex S. Bern. audivimus. Quemadmodum enim anima rationalis in homine, tanquam pars superior ac totius suppositi magistra, tenetur omnes corporis ac partis inferioris motus regere & in officio continere, ac ni faciat, peccati conscia est; ita si divinitas in Christo omnes humanitatis motus dirigeret, si permitteret eam à bono vel tantillum deflectere, à culpa profectò excusari non posset, quam, ut oportuisset, non impedivisset. Cohæret hæc sententia ac sequitur ex iis quæ supra diximus circa naturam unionis hypostaticæ: eam nempe in eo esse, aut saltem commode per id exponi posse, quòd natura divina speciale imperium ac dominatum exerceat in omnes humanitatis actiones, quas moderari ac regere tenetur; eo ferè modo quo anima humana tanquam domina suppositi, particeps ac conscia est cuiusque actionis hominis deliberatæ. *Sensus* T. 1. p. 488.
corporei, ait S. Leo Epist. 25. aliàs 11. *vigebant sine lege peccati, & veritas affectionum sub moderamine deitatis & mentis, nec tenebatur illecebris, nec cedebat injuriis.*

Dices 1. Hæc Psalmi 21. verba, *Longè à salute mea verba delictorum meorum.* Et ista, *Pater, si fieri potest, transeat à me calix iste.* Et rursus, *Deus meus; Deus meus, ut quid dereliquisti me?* verba, inquires, ista nonne in animo Christi defecto & impatienti nævum aliquem seu defectum arguere videntur?

Resp. absit. Namque Christus nostra delicta, sua esse dicit, quia eorum pœnam in se transtulit: *Dolores nostros ipsi portavit*, Isaïa 53. ver. 4. Quo sensu dixit Apostolus secundæ Cor. 5. v. 21. *eum, qui non noverat peccatum, pro nobis peccatum fecisse*; id est, hostiam pro nobis se obtulisse. Cum Christus dixit, *Pater, si fieri potest, transeat à me calix iste*, non absolute id postulavit; alias pro sua reverentia exauditus fuisset: aliunde verò moriendi præceptum lubens acceptaverat, *Oblatus est enim, quia voluit*, Isaïa 53. v. 7. Humana igitur voluntate mortem naturali instinctu ultro refugiente, hæc dixit Christus, ut nempe se verum demonstraret hominem: *Veruntamen*, addit, *non mea, sed tua voluntas fiat.* Humana scilicet Christi voluntas divinæ semper subdita fuit ac perfectè conformis; ut supra non semel diximus, ubi de duplici in Christo voluntate & operatione. Verba autem ista, *Quare me dereliquisti?* impatientis aut desperantis hominis non

sunt; exhorrescit animus ad tantam impietatem; sed hominis dolotis sui acerbitem, ac suæ humanitatis veritatem demonstrantis. Neque enim derelictus fuit Christus quantum ad superiorem animæ suæ partem, quæ Deo intuitivè fruebatur, sed solummodo quantum ad inferiorem & sensitivam, utpote qui ad finem redemptionis nostræ iis cruciatibus ac doloribus obnoxius esse voluit. Hanc Arianorum objectionem ita dissolvit S. Epiphanius hæresi 69. n. 64. *Quinam, inquit, ex persona divinitatis usurpatum illud est, Deus meus, Deus meus, ut quid dereliquisti me? Restat igitur ut ex humane naturæ persona & affectu quodam humano dictum illud videatur; ut Incarnationem non specie dumtaxat adumbratam, sed reipsa verèque administratam fuisse discamus.*

T. I. p.
790. B.

Dices 2. In hypothesi quæ supponeret humanitatem Christi peccare, peccatum verbo divino imputari non posset, nisi tantum per denominationem, ut ajunt: actiones enim, ut notum est, non sunt suppositorum effectivæ, sed tantum denominativæ; neque magis repugnare videtur Deum in Christo à peccato humanitatis denominari peccantem, quam à passione & morte denominari passum & mortuum.

Resp. Esto ita sit, actiones non sint suppositorum nisi denominativæ; an patienter ferrent aures christianæ, Deum peccantem aut peccatorem denominari? non certè. Quare? quia divinitatis est, ut diximus, regere ac moderari omnes animæ & corporis Christi actiones: quapropter culpa, si quæ foret, humanitatis, in ipsam divinitatem recideret.

Ad paritatem: longum discrimen est inter defectus physicos seu naturales, & defectus morales: Verbum sibi uniendo humanitatem, eos omnes naturales defectus assumpsit, qui ad opus redemptionis nostræ perficiendum erant necessarii; unde dici merito potest, passum, mortuum &c. at morales defectus, ignorantia, concupiscentia, peccatum &c. non tantum in hunc finem inutiles fuissent, sed etiam noxi, & in Christo impossibiles, quia, ut non semel dictum fuit, defectus illi morales ipsimet divinitati imparetentur.

Quæres, an fuerit aut esse in Christo potuerit fomes peccati ac concupiscentia.

Fomes peccati est inclinatio seu propensio ad malum, orta ex primæva labe originali.

Concupiscentia vel sumitur nudè ac simpliciter pro ipso appetitu sensitivo, qui ex natura sua ad res sensibiles tendit, vel pro appetitu vitioso, seu lege membrorum, quæ rationis usum antevertit ac plerumque perturbat, de qua dicebat Apostolus Rom. 7. v. 14. *Scimus quia lex spiritualis est: ego autem carnalis sum, venundatus sub peccato. Quod enim operor non intelligo: non enim quod volo bonum, hoc ago; sed quod odi malum, illud facio.* Talis concupiscentia seu peccati fomes poena est seu effectus, simul & causa peccati; spectari enim potest, vel ut habitualis est, seu propensio ad malum; vel ut actualis, seu actus rationi ac legi Dei contrarius. *illa est poena peccati, ait S. Augustinus L. 2. de nupt. & concup. c. 9. illa plaga velligiumque peccati, illa illecebra fomesque peccati, illa lex in membris repugnans legi mentis, illa ex nobis ipsis adversus nos ipsos inobedientia iustissimo reciprocatu inobedientibus reddita. Hujus nos pudet, & merito pudet.*

T. 10. p.
311. D.

Resp.

Resp. igitur, in Christo Domino non fuisse, nec esse potuisse fomitem peccati ac concupiscentiam, quæ lex membrorum dicitur.

Ratio manifesta est ex jam dictis, quia nullum in Christo fuit, nec esse potuit peccatum; ergo nec fomes peccati, nec concupiscentia quæ expectato profuit. *Vivificatis igitur mortalibus corporibus nostris*, ait S. Augustinus *ibid. p. 422. E.* L. 1. contra duas Epistolas Pelagianorum c. 11. *non solum ad peccandum consensio nulla erit, sed nec ipsa cui non consentiatur carnis concupiscentia remanebit. Quam spiritui resistentem non habere in carne mortali, ille tantummodo homo habuit, qui non per ipsam ad homines venit.* id est, qui non communi ceterorum hominum via natus est, sed ex virgine, divino Spiritu specialiter operante. Unde idem S. Doctor L. 4. Operis imperfecti n. 48. docet Christum humanas suas affectiones in sua potestate semper habuisse, nec ullam expertum fuisse indeliberatam, quæ rationem suam anteverteret, aut turbaret. Quapropter si quando horrore mortis turbata dicitur ejus anima, conturbatio illa voluntaria fuit ac deliberata, quam in seipso volens excitavit, ut se verum, non phantasticum hominem demonstraret. *Infermus spiritu, & turbavit semetipsum.* Joan. 11. v. 33. Unde S. Augustinus mox citatus L. 4. Operis imperfecti n. 47. ait: *Quisquis credit carnem Christi contra spiritum concupisse, anathema sit.* Et n. 58. *Si igitur Christus abstinuit à peccato, ut abstineret etiam ab omni cupiditate peccati: non ut ei existenti resisteret, sed ut illa nunquam prorsus existeret.* *ibid. A. 1168. F.*

At, inquires, tentatus est Christus. Ita est: à diabolo tentatus fuit, quia permittitur non verò à propria sua concupiscentia. Egregie id exponit S. Greg. Magnus Hom. 16. in Evangelia, his verbis. *Nos cum tentamur, plerumque in delectationem, aut etiam in consensum labimur, quia de carnis peccato propagati, T. 1. p. 1392. D.* in nobis ipsi etiam gerimus unde certamina toleremus. Deus Verò, qui in utero Virginis incarnatus, in mundum sine peccato venerat, nihil contradictionis in semetipso tolerabat. Tentari ergo per suggestionem potuit, sed in ejus mentem peccati delectatio non momordit; atque ideo omnis diabolica illa tentatio foris non intus fuit.

De libertate Christi.

*Qua ratione conciliari illa possit cum ejus
impeccantia.*

Jamdudum Theologos exercet ista quæstio & diu procul dubio adhuc exercebit, adeo intricata est & involuta. Certum autem ac exploratum istud omnibus videri debet, Christum subeundo mortem, & sibi & nobis meruisse per veram obedientiam. *Humiliavit enim semetipsum factus obediens usque ad mortem, mortem autem crucis.* Si autem meruit, liber fuit. Qua porro ratione & moriendi præceptum à Patre impositum, & liberam ac meritariam Christi obedientiam, cum ejus impeccantia conciliari possit, vix exponi potest. Quippe vel liber non fuit, si non potuit mandatum Patris non observare; vel peccati non incapax, si illud violare potuit. Utrumque tamen verum est, & liberum fuisse Christum, & non potuisse Patris mandato non obedire. Ut nodum illum intricatissimum pro more Scholæ solvamus,

Townley de Incarnatione.

Aa 3

Oblet.

*Philipp.
2. v. 18.*

impeccantia, cum multi sint jam penitus obsoleti, nec ullos ferè jam defensores habeant. Præcipuos dumtaxat ac magis vulgatos proponemus.

Primus modus.

Primus difficultatem propositam solvendi modus est, stante quidem præcepto de subeunda morte, Christum in sensu composito non potuisse non mori; liberum nihilominus fuisse, quia absolute & in sensu diviso potuit non mori: necessitas quippe consequentis, ut ajunt, non officit libertati, sed tantum necessitas consequentis.

Christus liber non in sensu composito, sed in sensu diviso. Rejicitur.

Verum hic explicandi modus, præter subobscuram sensus compositi & divisi significationem, gravissimam difficultatem patitur: siquidem hypothesis seu suppositio antecedens, quæ voluntatis consensum antecedit, & tollit potentiam ad oppositum, tollit quoque libertatis indifferentiam. Talis porro fuit impeccantia Christi orta tum ab unionem hypostaticam, tum a beatifica visione: stare quippe cum illis non potest libera & expedita ad malum, seu ad non obediendum præcepto divino potentia.

Nec dicas, unionem hypostaticam non immutare modum operandi voluntatis, nec principium proximum, quia nihil illa effectivè producit. Esto; at id certum, vi unionis illius hypostaticæ Christum peccati prorsus incapax fuisse; ergo illa stante, non potuit non observare mandatum Patris de subeunda morte; ergo liber non fuit. Deinde visio beatifica, qua fruebatur Christus, in omnium sententia immutat modum operandi, ac physicè determinat ex parte principii ad servanda præcepta; ergo non fuit in Christo potentia ad ea non observanda.

Addunt aliqui, determinationem quæ ab impeccantia Christi petitur, physicam non esse, sed moralem tantum, ortam scilicet à mediis infallibiliter quidem, sed non necessariò determinantibus. Verum quidquid sit de illis mediis, certum est, ex unionem hypostaticam & beatificam Dei visionem physicam oriri peccandi, ac consequenter non observandi Dei mandata impotentiam.

Secundus modus.

Existimant multi è Recentioribus post Vasquesium, Christum liberum fuisse circa præcepta, quia licet omittere non potuerit obiectum præcepti, veluti genericè consideratum, & quantum ad substantiam, v.g. mortem; attamen liber fuit non solum circa mortis circumstantias, sed etiam circa interiores actus subeundæ mortis, & circa hoc vel illud motivum exequendi præcepti: hæc quippe omnia Christo imperata non fuere, sed ejus arbitrio relicta. Probant exemplo Martyrum, qui, sicut & cæteri homines, licet necessariò sint aliquando morituri, merentur tamen liberè anticipando mortem quam à Tyrannis patiuntur.

Christus liber circa circumstantias, non circa substantiam præcepti.

Verum hic expositionis modus istud incommodi habet, quòd si Christus ad substantiam mortis imperatæ liber non fuit; nec per eam meruit, nec verò in obeunda morte fuit obediens, quod Scripturæ consentire non videtur. Exemplum Martyrum ad rem nostram aptum non videtur: quia licet omnibus hominibus statutum sit semel mori, non tamen nobis determinatum est

Rejicitur.

Aa 4. mortis.

mortis tempus; ac spes ulteriùs prorogandæ vitæ afulgere potest: quapropter Martyres mortem anticipando, & isti spei renuntiando, veri meriti laudem habent, ac præmium reportant.

Tertius modus.

Facilis ille quidem est, sed singularis. Ajunt scilicet nonnulli, Christo imposuit non fuisse præceptum mortis obligans sub peccato, sed solum præceptum, seu mandatum Dei, quatenus extenditur (ait Cardinalis de Lugo hanc opinionem referens) ad ordinationem, directionem & regulam Superioris potentis obligare sub peccato; non tamen obligantis: sicut Regulæ Religionum, & Ordinationes Prælatorum diriguntur ad subditos, & tamen regulariter non obligant sub peccato; sunt verò materia obedientiæ, & quidem perfectioris obedientiæ, ut docet S. Thomas secunda secundæ q. 104. art. 2. in corp. his verbis: *Voluntas Superioris, quomodocumque innoscatur, est quodam tacitum præceptum; & tanto videtur obedientia perfectior, quanto expressum præceptum obediendo prævenit, voluntate Superioris intellecta.* Juxta quam doctrinam postea art. 5. ad 3. explicat tres gradus obedientiæ. Sic ergo, inquit, potest triplex obedientia distinguí: una sufficiens ad salutem, quæ scilicet obedit in his ad quæ obligatur; alia perfecta, quæ obedit in omnibus licitis; alia indiscreta, quæ etiam in illicitis obedit. Sententiam hanc, teste Cardinali de Lugo, sequuntur Victoria, Medina, Lorca, Paludanus, Albertus Magnus &c.

Rejicitur. Iste modus exponendi ac conciliandi libertatem Christi cum ejus impecantia, facilis quidem est, ut diximus; at planè singularis, in eo quod supponat nullum verè obligans moriendi præceptum Christo imposuit fuisse: sed manifestè repugnat Scriptura. Joan. 10. v. 17. & seq. *Ego pono animam meam, ut iterum sumam eam. Nemo tollit eam à me; sed ego pono eam à meipso, & potestatem habeo ponendi eam; & potestatem habeo iterum sumendi eam. Hoc mandatum accepi à patre meo.* Duo hic apertè declarat Christus; & mandatum moriendi quod à Patre accepit, & suam in moriendo libertatem. Et cap. 12. v. 49. *Ego ex meipso non sum locutus: sed qui misit me Pater, ipse mihi mandatum dedit quid dicam & quid loquar.* Et cap. 14. v. 31. *Sicut mandatum dedit mihi Pater, sic facio.* Philipp. v. 8. *Humiliavi semetipsum factus obediens usque ad mortem, mortem autem crucis.* Rom. 5. v. 19. *Sicut per inobedientiam unius hominis peccatores constituti sunt multi; ita per unius obeditionem iusti constituuntur multi.* Obedientia porro mandatum, cui obeditur, respicit; & qui negant verum Christo imposuit fuisse præceptum, veram & in ipso obedientiam, ejusque laudem ac meritum negant.

Quartus & verisimilior modus conciliandi libertatem Christi cum imposito moriendi mandato, ejusque impecantia.

Quartus ille modus dub continet.

Primum, Christum verè liberum fuisse, non tantum circa circumstantias, sed etiam circa substantiam ipsam mortis crucis.

Alterum, libertatem Christi tum cum mandato Patris de subeunda morte, tum

tum cum sui peccantia in eo conciliari, quod moriendi mandatum non fuerit absolutum, & à libero Christi illud acceptantis consensu omnino independens, sed conditionatum, si nempe vellet Christus illud acceptare, quod re ipsa volens ac lubens accepit: quæ duo duplici Conclusionem conficienda sunt.

PRIMA CONCLUSIO.

Christus verè liber fuit, non tantum circa circumstantias imperatæ mortis, sed etiam circa mortem ipsam.

Probatur 1. testimonio Scripturarum. *Isaia 53. v. 7. Oblatus est, quia ipse voluit. Joan. 10. v. 17. Ego pono animam meam, ut iterum sumam eam. Nemo tollit eam à me, sed ego pono eam à meipso; & alia quæ paulò antè laudata sunt. Philipp. 2. v. 8. Factus obediens usque ad mortem, mortem autem crucis. Non tantum de circumstantiis mortis hic agitur, sed de morte ipsa, & morte quidem crucis.*

2. Ille verè liber fuit circa mortem ipsam, non verò tantum circa mortis adjunctas circumstantias, qui morte ipsa, seu proprio suo sanguine, & sibi, & nobis meruit: sibi, nominis exaltationem; nobis, salutem æternam. *Hebr. 1. v. 9. Consummatus factus est omnibus obtemperantibus sibi causam salutis æternæ. Philipp. 2. v. 8. & 9. Humiliavit semetipsum factus obediens usque ad mortem... Propter quod & Deus exaltavit illum; & donavit illi nomen, quod est super omne nomen. Ephes. 1. v. 7. In quo (Christo) habemus redemptionem per sanguinem eius in remissionem peccatorum. Primæ Petri 3. v. 18. Christus semel pro peccatis nostris mortuus est, iustus pro iniustis, ut nos offerret Deo. Alia sexcenta sunt huiusmodi, quæ omittimus, testimonia. Porro si morte ipsa meruit Christus, liber fuit in ea subeunda, quam potuisset non subire; nullum quippe sine libertate meritum. Caveant igitur, ne dignitatem, pretium ac meritum mortis Christi pro nobis elevent, quicunque asserunt, necessitate præcepti, vel propriæ suæ naturæ compulsi sunt Christum ad mortem; ac liberum dumtaxat illum fuisse circa quasdam mortis circumstantias. *Si natura necessitate, ait S. Greg. Nyssen. Orat. 11. T. 1. p. 191. C. adversus Eunomium, beneficium Incarnationis à Filio hominibus factum esse dicunt, nullam omnino gratiam habent; quia non ad liberam & absolutam potestatem, sed ad naturalem necessitatem, quod factum est, referunt.**

3. Si liber non fuit Christus circa mortem ipsam subeundam vel non subeundam, alterutrum sequitur, aut nullam in ipso fuisse obedientiæ virtutem, aut nullum ejus meritum. Ratio aperta est: quia vel Christus verum accepit à Patre moriendi mandatum, vel non: si non accepit, obedientiæ locus non fuit; si verò accepit, liber non fuit ex adversa opinione; ergo non meruit. Circa verò circumstantias mortis, quæ sub præcepto injunctæ Christo non fuerunt, liber quidem fuit Christus ac meruit; at obediens propriè non fuit, quia nullum de illis præceptum habuisse dicitur, quod tamen obedientiæ præsupponit. Ergo ex adversa sententia sequitur, aut nullam in Christo fuisse obedientiæ laudem, aut nullum meritum: utrumque autem falsum & absurdum est.

4 In communi hominum iudicio nusquam ille simplicitet ac sponte mortem obire aestimatur, qui iudicis sententia ad suspendium v.g. damnatus, locum tamen & horam supplicii eligere potest.

Probatur 2. auctoritate SS. Patrum.

S. Joan. Chrysostomus Hom. 28. in Epist. ad Hebr. ad ista verba, *Edit. Cō. Qui proposito sibi gaudio sustinuit crucem confusione contempta*, sic habet: *mel. p. Hoc est, licebates nihil pati, si voluisset. Neque enim peccatum fecit, neque inventus est dolus in ore eius... Erat ergo ei promptum, si voluisset, non venire ad crucem.*

T. 2. p. S. Ambrosius L. 4. de fide cap. 10. aliās 5. *Sicut, inquit, potestatis suae esse significat ponere animam, & libera voluntatis; ita etiam quod secundum* 543. B. *mandatum deposuit Patris, sua ac paternae voluntatis significat unitatem.*
Ibid. p. Et L. 1. de Spiritu sancto c. 12. *Tradidit ergo Pater Filium; & ipse Filius se tradidit Tradidit (Pater) volentem, tradidit offerentem.*

616 F. S. Augustinus L. de natura & gratia c. 24. Illi, inquit, etiam nasci, potestas misericordiae, non conditio naturae fuit; sic etiam mortuus ex potestate, & hoc est pretium nostrum. Et in Psal. 93. *Tristitiam sic assumpsit, quomodo carnem... voluntate suscipiens tristitiam, quomodo voluntate suscipiens car-* 1014. E. *nem.* L. denique 4. de Trinitate c. 13. *Qui posset, ait, non mori, si nol-* 1104. F. *let, procul dubio quia voluit mortuus est.*

821. D. S. Leo Serm. 17. de Passione. *Tradi Dominum passioni, inquit, tam fuit* T. 1. p. *paternae, quam ipsius voluntatis: ut enim non solum Pater relinqueret, sed etiam ipse se quadam ratione desereret, non trepida discessione, sed voluntaria cessione..* 293. C. 2.

P. 90. Denique S. Anselmus L. 2. Cur Deus homo cap. 10. *Videō, inquit, hominem illum planē, quem quærimus, talem esse oportere, qui nec ex necessitate moriatur, quoniam erit omnipotens; nec ex debito, quia nunquam peccator erit, & mori possit ex libera voluntate.* cel. 2. B.

Probatur denique ratione: Quia Christo vero homini neganda non est proprietas seu appendix naturae humanae, qualis est libertatis indifferencia, non quidem contrarietatis, qua possit malum, sed contradistinctionis, qua possit hoc vel illud bonum, ex hoc vel illo motivo. At, inquires, quomodo hzc Christi libertas cum mandato Patris de subeunda morte, & ipsa Christi impeccantia stare ac conciliari potest? Resp. id. sequenti Conclusionē à nobis exponendum esse..

S E C U N D A C O N C L U S I O .

Libertas Christi in obeunda morte, tum cum mandato Patris mortem imperantis, tum cum ipsamet Christi impeccantia, in eo conciliari recte potest, quod moriendi mandatum absolutum non fuerit, & à libero Christi illud acceptantis consensu omnino independens, sed conditionatum, si nempe vellet Christus illud acceptare, quod reipsa volens ac lubens acceptavit.

Probatur & explicatur Conclusio ex doctrina SS. Patrum. Duplex scilicet in Christo fuit voluntas, divina & humana: sed ex utraque Christus liberè se subiecit mandato Patris de subeunda morte..

Quan-

Quantum ad divinam Christi voluntatem, nullum dubium esse potest: una quippe ac indivisa est Patris & Filii divina voluntas, sicut una & indivisa natura divina; unde qua libertate Pater Filium sui mortem decrevit, eadem prorsus & Filius moriendi legem sibi imposuit.

Hanc voluntatis Patris & Filii unitatem asserunt imprimis SS. Patres, ut inde probent Christum nulla inductum antecedente necessitate, sed propria voluntate ac libertate mortem subiisse. Ita

S. Cyrillus Dial. 7. de Trinit. *Nemo dixerit, inquit, Filium in aliam, quam Patris voluntatem abire, & in aliud ferri quam quod Patri placuerit, sed cum iure potius existimaverit eadem cum ipso sentire ac velle, præsertim cum ex ipso & in ipso secundum naturam sit & intelligatur.* T. 4. p. 1. B. C.

S. Basilii Libro de Spiritu sancto cap. 8. ad ista verba, *Et quemadmodum mandavit mihi Pater, sic facio; Non quod, inquit, carneris libero arbitrio neque quod ex signis ab imperante datis occasione expectavit; sed ut declaret suam mentem per naturæ unitatem & indivisum consensum cum Patre coniunctum esse.* Edit. vet. T. 2. p. 162. B.

S. Augustinus in Psal. 32. Enarrat. 2. *Quid, ait, posset aliud velle Christus quam Pater? Quorum una est divinitas, non potest esse dispar voluntas.* T. 4. p. 188. B.

Atque hinc SS. Patres inferunt

I. mandatum Patris de subeunda morte, propriè ac strictè mandatum non esse respectu Christi, quatenus Deus est, sed voluntatem Patris fuisse à Christo mandati nomine nuncupatam, ut more nostro loqueretur. Ita

S. Cyrillus L. 10. in Joan. *Habes igitur, inquit, in subiectione voluntaria voluntatem Patris adimpletionem, quas loco mandatorum Filius apud se esse ait. Nam cum Patris consilia, ut Verbum intelligat, et usque profunda scrutetur, inò verò cum sit sapientia & virtus Patris, voluntatem ejus ad opus perducit, mandati loco eam habens, atque ita humano more eam nuncupans.* T. 4. p. 882. C.

S. Basilii loco mox citato ex L. de Spiritu sancto, post citata verba, *Proinde, inquit, quod dicitur mandatum, ne sermonem imperiosum per vocalia organa prolatum intelligamus, Filio velut obedienti præscribentem quid scire debeat; sed juxta sensum Deo dignum intelligamus voluntatis traditionem, instar formæ cuiuspiam in speculo relucantis, à Patre in Filium sine tempore dimanantem.* Edit. vet. T. 2. p. 162. C.

S. Augustinus L. 2. contra Maximinum c. 14. probat ex isto præcepto Patris quod Christo datum est, nihil posse inferri in favorem ac præsidium erroris Maximini, *Quia, inquit, si ut homo illud accepit; nulla quaestio est, quia, ut homo, est Patre minor, si ut Deus, non hinc ostenditur minor, quia nascendo id accepit non indigendo.* T. 2. p. 709. A.

II. Inferunt causam cur Christus supposito Patris mandato mori non potuerit, esse ipsius immutabilem, qua fit ut non possit non velle, quod semel voluit. Cum dicimus, ait S. Anselmus L. 2. Cur Deus homo c. 18. aliàs 17. *quia homo ille qui secundum unitatem personæ idem ipse est qui Filius Dei Deus, non potuit non mori, aut velle non mori, postquam de Virgine natus est, non significatur in illo ulla impotentia sed immutabilitas voluntatis ejus, qua se sponte fecit ad hoc hominem, ut in eadem voluntate perseverans moreretur, & quia nulla res potuit illam voluntatem mutare. Quamquam, ut mox dicemus, ratio illa ducta ex immutabilitate, omnino decretoria & pe-* P. 94. col. 1. A.

& peremptoria non sit, quia potuisset Christus sine ullo mutationis vitio, finit & velle mori, & postea petere dispensationem à morte.

Quantum verò ad humanam voluntatem, Christus homo imperatam à Patre mortem liberè accepit, quam quidem poterat non acceptare, cum non absolutè, sed sub conditione tantum liberè ipsius acceptationis, imposita fuisset, à qua, etiam post acceptationem, dispensare se potuisset, si voluisset, sed noluit. Unde Matth. 26. v. 53. ad Petrum dixit: *An putas, quia non possum rogare Patrem meum, & exhibebit mihi modò plus quam duodecim legiones Angelorum?* Liberam autem illam mortis acceptationem probant SS. Patres, tum ex perfecta conformitate voluntatis humanæ Christi cum voluntate Patris, qua id omne planè voluit, quod Pater; tum ex ipsa persona Verbi, quæ cum humanam voluntatem regeret ac moderaretur, fieri non potuit ut quidam oppositio & contrarietas fuerit inter voluntatem divinam & humanam in Christo. Ita S. Joan. Damasc. L. 3. de fide c. 14. 15. & 18. ubi postquam disertè probavit duplicem esse in Christo voluntatem, sic

T. 1. p. 241. C. pergit cap. 18. *Et enim cum mortem detestaretur, hanc divina ipsius voluntate ita ferente & concedente, naturaliter detestabatur, atque in mortis agonia erat. Rursus divina ipsius voluntate volente ut humana voluntas mortem amplecteretur, voluntaria ipsi passio fuit. Non enim quâ Deus dumtaxat morti se sponte tradidit, sed etiam quatenus homo.*

Et S. Anselmus L. 2. Cur Deus homo cap. 18. aliàs 19. *Quoniam, inquit, ipse est Deus & homo, secundum humanam quidem naturam, ex quo fuit homo, sic accepit à divina natura, quæ alia est ab humana, esse suum quicquid habebat; ut nihil deberet dare, nisi quod volebat: secundum personam verò, sic à se ipso habebat quicquid habebat, & sic perfectè sibi sufficiens erat, ut nec aliis quicquam retribuere deberet; nec, ut sibi retribuere, dare indigeret.*

Dices 1. Si moriendi præceptum absolutum non fuisset, sed conditionatum à libero Christi acceptantis consensu dependens, ut quid conqueritur Christus se derelictum esse? ut quid postulat ut à se transeat calix passionis? Si quidem illum liberè accepit, ex nobis, ac liberè potest se ipsum ab illo dispensare: inutiliter postulat, quod in sua habet potestate. Præterea, qualecunque fuerit illud mandatum, vel absolutum, vel conditionatum, non potest ejus dispensatio postulari absque præjudicio immutabilitatis sive Dei Patris, sive Christi: si enim absolutum supponatur, impossibile est illud revocari à Deo planè immutabili; nec postulari istud potest, nisi supponatur Deum mutari posse, & aliquando illum nolle quod antea voluit: si verò supponatur conditionatum & à Christo acceptatum, ut nos supponimus, quomodo posset Christus sine vitio mutationis, nolle subinde acceptare & exequi, quod antea supponitur liberè acceptasse, ac exequi decrevisse?

Resp. 1. cum S. Augustino in Psal. 32. Christum conqueri se derelictum, & mortis timorem exterius declarare voluisse, ut humanam suam naturam & voluntatem demonstraret: quapropter humano more, ut se nobis accommodaret, locutus est. *Ex persona hominis, ait sanctus Doctor, transfurans in se suos, ostendit quendam hominis propriam voluntatem.* Et S. Leo Ser. 5. de Passione Domini, ad ista verba, *Transeat à me calix iste. Non sicut*

T. 1. p. 254. c. 1. *ego volo, sed sicut tu &c.* Prima petitio, inquit, infirmitatis est, secunda virtutis. Illud optavit ex nostro, hoc elegit in proprio, Nec enim aequalis Patri Filius

Filius omnia esse possibilia Deo nesciebat, aut ad suscipiendam crucem sine sua in hunc mundum descenderat voluntate. Hæc igitur Christi petitio absoluta non fuit, sed conditionata, quæ ab appetitu sensitivo mortem refugiente ortum trahebat, quæ tamen divinæ voluntati semper conformis & consentiens fuit.

Resp. 2. falsò supponi non posse Deum sine mutationis vitio, aut legem ferre & ab ipsa subinde dispensare; pariter non posse Christum petere dispensationem à lege, quam liberè acceptavit: utrumque enim sine labe ulla mutationis ex parte Dei vel Christi stare potest; quia scilicet qui legem tulit, simul statuit à lege dispensare. Ita legem illicitæ proligamiz tulit Deus, à qua tamen dispensavit. Ita Christus liberè acceptando legem moriendi, simul facultatem sibi servavit, petendi, si vellet, dispensationem ab illa lege; nec tamen propterea quid minus rectum fecisset, si postulasset dispensationem, seu legis revocationem. Nonne Loth, Gen. 19. post impositum sibi à Deo præceptum fugiendi in montem, petiit dispensationem ut liceret sibi fugere in civitatem Segor? Nonne Moyses, Exodi 3. & 4. & post impositum sibi à Deo præceptum educendi filios Israel ex Ægypto, petiit semel & iterum dispensationem seu revocationem illius præcepti? Nonne Deus ipse post prohibitam polygamiam, dispensavit cum Abrahamo & aliis Patriarchis ut possent simul plures ducere uxores, sicut communiter docent Theologi cum Bellarmino L. 1. de matrimonio c. 11. Quamquam Objection non est ad rem nostram: namque de facto dispensationem ab imposita moriendi lege, nusquam Christus postulavit; & alium planè sensum ingerunt ejus verba relata in Objectione.

Dices 2. Tenebatur Christus ex præcepto naturali charitatis, mori pro redemptione generis humani, atque præceptum illud absolutum fuit, à quo nulla dari potest dispensatio; ergo circa præcepti hujus substantiam Christus liber non fuit, sed ad summum circa varias illius circumstantias.

Resp. nego ant. Ex summa quidem charitate voluit Christus homo fieri, ut hominem perditum liberaret: at nullo ad id naturali, sed positivo dumtaxat præcepto obstrictus obligabatur; siquidem etiam alia, quàm mortis, via potuisset Deo Patri satisfacere.

Instabis. At tenebatur Christus ad id quod optimum est: sed optimum est velle ex charitate hominem salvum facere.

Resp. Christum, sicut & Deum, non teneri semper ad id quod optimum est absolute, sed tantum relativè, & appositè ad opus & ad finem sibi præfixum. Vide quæ hanc in rem diximus cum de necessitate Incarnationis.

An fuerint in Christo humane nature passionēs.

Jam ex antè dictis satis superque innotescere potest, fuisse in Christo defectus naturales corporis, easque passionēs animæ, aut appetitus sensitivi, quæ ex se nullum moralem defectum important. Sit itaque

QUÆSTIO DUODECIMA.

De variis Christi titulis & officiis.

I.

An Christus dici possit filius Dei adoptivus.

Filius alius naturalis dicitur, alius verò adoptivus.

Naturalis ille est, cui jure nativitatis & sanguinis paterna hereditas debetur: adoptivus verò ille dicitur, qui tantum per assumptionem & gratiam ad hereditatem vocatur; unde Jurisconsulti adoptionem definiunt, *personæ extraneæ gratuitam acceptionem ad hereditatem.*

Octavo sæculo exeunte, Felix & Elipandus, hic Toletanus, ille Urgelitanus Episcopus, docuerunt Christum esse filium Dei adoptivum. Proscriptus error ille fuit an. 791. in Concilio Forojulensi, Præside Paulino Aquileensi Episcopo, & ann. 792. in Concilio Ratisbonensi; præsertim verò in Francofordienſi anno 794. quod Carolus Magnus, ex omnibus Imperii sui partibus, annuente Adriano Summo Pontifice, convocavit.

Jam sexto sæculo erroris hujus semina sparserat Facundus Hermianensis Episcopus L. 9. c. 5. pro defensione trium Capitolorum, ubi Theodorum Mopsuestenum excusat, quòd dixisset Christum hominem adoptionem filiorum suscepisse, quando circumcissus & baptizatus fuit: *Sicut, inquit, natura Filius Dei est, propter veram deitatem; ita gratia Filius Dei est propter veram humanitatem.*

P. 144.
P. 145.
B. C.

Errori occasione primus octavo sæculo dedit Elipandus, à quo Felix per Litteras consultus, an Christus adoptivus Dei filius dicendus foret, respondit & dici posse ac debere. Rem sic narrat Eginhardus ad an. 792. Felix, inquit, ab Elipando consultus quid de humanitate Christi Dominis sentiret, an secundum quòd homo est, proprius an adoptivus Dei filius dici debeat, valde incautè atque inconsideratè & contra antiquam Catholicæ Ecclesiæ doctrinam, adoptivum non solum pronuntiavit, sed etiam scriptis ad memoratum Episcopum libris pertinacissimè pravitatem opinionis suæ defendere curavit. Hujus rei causa ductus ad Palatium Regis quintunc apud Reginum Bajoariæ civitatem, in qua & hyemaverat, residebat, ubi congregato Episcoporum Concilio auditus est & errasse convictus, ad præsentiam Adriani Pontificis Romam missus, ubi etiam coram ipso in Basilica Beati Petri Apostoli heresum confessus est atque abdicavit: quofacto ad civitatem revertere fuit. Ibi autem cum ad vomitum, infligante Elipando, Felix rediisset, celebrata est Francofurti Synodus, in qua proscriptus ille iterum fuit ac damnatus.

Duplici autem modo defendi potest error ille. Primus Nestorianus est, qui cum asserat duas esse in Christo personas, Christum & personam & naturam filium Dei adoptivum agnoscit: secundus limitat ac restringit titulum filii adoptivi ad unam humanitatem. Ita Durandus L. 3. dist. 4. q. 1. docet Christum ratione naturæ humanæ dici posse filium adoptivum Spiritus sancti, à quo humanitas Christi gratiam accepit. per quam obtinetur adoptio filiorum Dei.

Quo

Quo porro sensu Felix & Elipandus dixerint Christum filium esse Dei adoptivum, an Nestoriano, an alio, non satis apertum videtur. Ratio dubitandi hæc est, quia ex una parte videntur duo illi Episcopi unicam in Christo personam agnovisse, quæ ratione humanitatis dicitur filius Dei adoptivus. 1. quia Felix in sua fidei confessione quæ refertur à Paulino L. 1. adversus eum, profitetur unum & eundem esse Dei & hominis filium, non duos filios. Revera ibidem observat Paulinus, in hac recta fidei confessione firmum ac constantem non fuisse hunc Episcopum. 2. Quia Adrianus S. P. in Epist. ad Episcopos

T. 7. Con. p. 1014. & seq. Hispaniæ, de illo Felicis & Elipandi errore verba faciens, eorumque fundamenta confutans, hoc unum videtur referre, Christum nempe propter humanitatem, non propter humanam personam, adoptivum Dei filium posse nuncupari. Re ipsa S. P. ostendit ex dogmate illo consequens esse, humanam in Christo reperiri personam; sed arguendo dumtaxat & illative, ut ajunt, istud colligit S. P. non autem asserit hanc fuisse illorum Episcoporum mentem ac sententiam. 3. Patres Francofordienses in sua Synodica Epistola ajunt, errorem quem notat, novum & inauditum esse in Ecclesia: quo satis apertè innunt, errorem illum alium esse ab errore Nestorii.

Ex altera tamen parte multa sunt, eaque gravissima momenta, quæ duos illos Præsules nestoriani erroris reos accusant. 1. Quia in Libello Sacrosylabico Paulini, dicuntur quidem illi duo Episcopi *novi hostes; at veterosa face perfidia polluti*. 2. In Epistola Synodica Concilii Francofordienses eorum hæresis in Nestorio jam damnata dicitur; & redarguuntur illi, quòd Nestorio anathema dicere recusaverint, idemque intelligerent nomine *adoptionis*, quod Nestorius nomine *copulationis*. 3. Jonas Aurelianus L. 1. de cultu imaginum, ait Felicem idem cum auctore sui erroris Nestorios quem sequutus est, sensisse. 4. Agobardus in Libro adversus Felicem, narrat se Felicis, qui tunc è vivis excesserat, schedulam invenisse, in qua contestabatur, Deum Dei Patris filium nullatenus dici debere passum, aut crucifixum, sed hominem ab eo assumptum. Addit ibidem Agobardus, hanc ipsam fuisse Nestorii sententiam. Quapropter Patres Francofordienses in Epistola Synodica observant, in mente Felicis & Elipandi Christum hominem ex servo adoptatum fuisse in filium; unde sequitur Christum prius hominem purum & servum creatum fuisse, ac deinde ad dignitatem filii evectum. Denique Alcuinus L. 1. contra Felicem, Paulinus Aquileensis L. 1. contra eundem, Siebertus in Chronico ad ann. 793. observant, in sententia eorum Præsulum duas fuisse in Christo personas, duos filios.

Hoc itaque pendente dubio, (si dubium esse potest) quis nempe verus fuerit Felicis & Elipandi sensus, duo hæc certa & explorata hic sunt. Primum, duos illos Episcopos, cæterorum Hæreticorum more, ita mentem suam ambiguitate verborum & arte multiplici involvisse, ut vix liquidò eorum sensus dignosci possit. Alterum, S. Pontificem Adrianum & Concilium Francofordiense simpliciter & absolute damnasse propositionem istam, *Christus ut homo filius est adoptivus*; quicquid tandem per *hominem* intelligatur, sive persona, sive natura: ita certè ut etiam sub restrictione seu expressa limitatione humanæ naturæ, non liceat Christum filium Dei adoptivum appellare. Peccarunt igitur Scotus, & Durandus. Ille, cum scripsit Christum dici posse filium adoptivum,

ibid. p. 1044. A. B. Bibl. PP. T. 14 p. 166. D. L. p. 243. & seq.

T. 7. Con. p. 1013. D.

tivum, non quidem simpliciter & absolute, sed secundum humanitatem, vel prout homo est. Ille verò, dum in 1. dist. 6. q. 1. in Reportatis, eadem dist. q. 1. concedit quidem id dici posse; at non expedire ut dicatur, propter Hæreticos, qui hac denominatione abutuntur. Itaque sit.

CONCLUSIO.

Christus nulla ratione, nequidem sub expressa humanitatis restrictione, dici debet filius Dei adoptivus.

Probatur invicò ex Scripturis argumento. Christus est unigenitus Dei Filius, ex dictis contra Nestorium; *Unigenitus Filius qui est in sinu Patris ipse enarravit.* Joan. 1. v. 18. Sed idem unigenitus Filius, est quoque filius proprius, verus, filius naturalis. Psalm. 2. v. 7. *Filius meus es tu, ego hodie genui te.* Matth. 3. v. 17. *Hic est filius meus dilectus in quo mihi bene complacui.* 1. Joan. 5. v. 20. *Scimus quoniam filius Dei venit, & dedit nobis sensum ut cognoscamus verum Deum, & simus in vero filio eius.* Rom. 8. v. 32. *Qui etiam proprio filio non pepercit, sed pro nobis tradidit illum.* Quo in loco, ut observat Adrianus S. P. in Epist. ad Episcopos Hispania, Christus proprius filius vocatur secundum eam ipsam naturam qua traditus fuit, id est humanam; ergo Christus nequidem sub expressa restrictione humanitatis, dici potest filius adoptivus; aliàs duo admittendi essent filii, unus naturalis, adoptivus alter: at hic ipse fuit Nestorii error.

T. 7.
Cmc. p.
1016.
C. D.

Probatur 2. auctoritate Traditionis SS. Patrum. Unum aut alterum hic laudamus.

S. Hilarius L. 3. de Trinit. ubi de Christo incarnato jam morituro ait: *Hic & verus & proprius est filius, origine, non adoptione; veritate, non nuncupatione.* Et L. 6. ex istis verbis: *Hic est filius meus &c.* ait; *Filium Dei Dominum nostrum Jesum Christum ab Apostolis creditum, non ex nuncupatione, sed ex natura; neque ex adoptione, sed ex nativitate.*

P. 813.
D. 1.
P. 700.
C.

S. Augustinus Tract. 7. in Joan. Oportebat, inquit, ut ille baptizaret, qui est filius Dei unicus, non adoptivus. *Adoptati filii, ministri sunt Unici: Unicus habet potestatem, adoptati ministerium.* Affricani Praefules in Libello emendationis Leporii, In hoc, inquiunt, maxime fides nostra consistit, ut credamus unicum filium Dei, non adoptivum, sed proprium.

T. 3. p.
2. pag.
341. D.
Bibliot.
PP. T.

Plura extraditione hic non congerimus testimonia, quæ accuratè ac diligenter prolata & expensa sunt à Patribus Concilii Francofordiensis, à fraudibus hæreticorum ea inverecundè truncantium vendicata fuit: qua rectè inspecta & probata traditione, iidem Patres in sua Synodica Epistola sic loquuntur: *Quisquis es qui Christum prædicas adoptivum, unde tibi iste sensus venisset voluissesset: ubi hoc nomen didicisses, ostende. Patriarchæ nescierunt, Prophetæ non dixerunt, Apostoli non prædicaverunt, sancti Tractatores hoc nomen tacerunt, Doctores fidei nostræ non docuerunt.* Et postea objectionem occupant. Dices: Cur times adoptivum Christum Dominum nominare? Dico tibi, quia nec Apostoli eum sic nominaverunt, nec sancta Dei & Catholica Ecclesia consuetudinem habuit sic eum appellare, imò nec credere eum adoptivum esse, sed proprium Filium, iuxta præcedentia Apostolorum testimonia & SS. Doctorem

T. 7.
Cmc. p.
1041. B.
Ibid. D.

Tournely de Incarnatione.

Bb

dogma.

Idem. p. 1044 C. dogmata. Denique sic concludunt: *Quid est aliud dicere eandem Virginem adoptivum vel servum genuisse, nisi negare Deum illum genuisse? Si Deus generatus est, nequaquam adoptivus sed filius, quia alia persona est proprii filii, alia adoptivi filii servi: & scimus unam esse personam in Christo Deo.* Ex quibus postremis Concilii verbis hæc decretoria ratio deducitur: Adoptio cadit in personam extraneam quæ non ex origine ac natura, sed favore ac gratia vocatur ad hereditatem: atqui nulla est in Christo Domino extranea persona, sed unica, eaque divina, quæ à natura sua & origine jus habet ad hereditatem paternam seu cœlestem; ergo Christus nulla ex parte est, aut dici potest filius adoptivus.

Solvuntur Objectiones.

Obijcies 1. Nonnullæ Veteribus, ut Irenæus, L. 3. adversus hæreses cap. 21. Theodoretus Dial. 1. Hilarius L. 2. de Trinit. August. L. de prædest. SS. c. 15. adoptioni nomine utuntur, cum agunt de Christo.

Resp. sensum illorum hunc esse, naturam humanam gratis & absque ullis antecedentibus meritis adoptatam fuisse, id est assumptam ad unionem hypostaticam cum Verbo. Non de persona Christi loquuntur citati Scriptores, sed de natura: neque enim persona hominis, sed ejus natura à Verbo assumpta fuit, & quidem gratuito ex mera Dei liberalitate; quæ assumptio, adoptio dicitur, sensu longè diverso ab eo de quo hic controversia movetur.

Obijcies 2. Ubi est causa & ratio formalis adoptionis, ibi etiam agnoscenda est adoptio, saltem cum restrictione humanæ naturæ: atqui est in Christo causa & ratio formalis adoptionis, nempe humana natura, & habitualis gratia. Namque vel humanitas est ratio formalis filiationis naturalis; vel filiationis adoptivæ: at prius dici non potest; ergo &c.

Resp. nego min. Ratio quippe formalis, seu potius fundamentum filiationis est ipsa persona, ex mox dictis, non natura: gratia quidem habitualis in persona extranea, qualis homo est, fundamentum est adoptivæ filiationis; at non in persona intranea, qualis est homo Christus: imò potius gratia habitualis derivatur ex ipsamet persona, seu ex hypostatica unionem humanæ naturæ cum Verbo.

Instabis 1. Vel Christus quatenus homo filius est adoptivus, vel filius naturalis: atqui quatenus homo filius non est naturalis. Filiatio etenim naturalis fundatur in generatione, seu in substantia quam filius à patre per veram generationem acceptam habet: atqui Christus quatenus homo ex substantia Dei per veram generationem non prodiit; ergo non est filius naturalis; ergo filius est adoptivus.

Resp. 1. nego maj. Reduplicatio enim ista, *quatenus homo*, vel humanam personam denotat, vel humanam naturam: si prius, certum est ex fide i humanam in Christo non esse personam: si posterius, humanitas fundamentum non est filiationis aut naturalis, aut adoptivæ, sed una Verbi persona.

Resp. 2. nego min. Christus quippe quatenus homo hypostaticè junctus cum Verbo, filius est naturalis. Ad probationem distinguo: filiatio naturalis per viam generationis fundatur in generatione, concedo: per viam unionis substantialis & personalis cum Verbo, nego. Duplici ergo modo potest quis filius naturalis dici & esse: vel quia genitus est de substantia Dei, vel quia sub.

substantialiter ac hypostaticè unitur cum Deo; virtute cujus unione fit ut una sit cum Deo persona, & consequenter filius naturalis.

Instabis 2. Christus ut homo non potest dici Deus; ergo nec filius Dei adoptivus.

Resp. dist. ant. Christus ut homo generatim & indefinitè non potest dici Deus, concedo: Christus ut hic homo singularis Deo hypostaticè conjunctus, nego. Ratio discriminis est, quia in ista propositione, Christus *quatenus homo*, vox *homo* solam denotare videtur naturam humanam; at certum est, hoc sensu Christum ut hominem, non esse Deum: in ista verò propositione, Christus *quatenus hic homo*, denotatur & natura; & persona cui natura hypostaticè unita est.

Instabis 3. Verbum quatenus Deus habet ex conditione suæ naturæ divinx ut sit filius naturalis: ergo quatenus homo habet ex conditione humanitatis, ut sit filius adoptivus.

Resp. disparitatem esse, quòd Verbum ut Deus, sit vera divina persona subsistens, adeoque verus & naturalis Dei filius; Verbum autem ut homo, non sit humana persona, nec consequenter filius adoptivus: adoptio enim personam respicit, non naturam.

Instabis 4. Christus filius est naturalis per generationem vel æternam, vel temporalem: non per æternam, Christus quippe ut homo, non est ab æterno; ergo per temporalem, adeoque filius adoptivus.

Resp. Christum etiam hominem naturalem esse filium Dei per generationem æternam. *In splendoribus sanctorum ante luciferum genuit.* Pl. 109. v. 3. Quamquam enim humanitas Christi ab æterno non fuerit, Christus nihilominus personaliter Verbo conjunctus, & una cum ipso persona, ab æterno in sinu Patris genitus est ac filius Dei verus & naturalis. Neque inde inferre licet, duas esse in Christo filiationes naturales, unam quæ Verbum ipsum in se, alteram per Verbum hominem factum respicit; cum enim unus sit filius Dei naturalis, unica pariter est filiatio.

Instabis 5. Fuit in Christo gratia habitualis, accidentalis & adventitia: quidni ergo & filiatio adoptiva?

Resp. ex gratia habituali & adventitia colligi quidem posse filiationem adoptivam in nobis, non autem in Christo, in quo gratia fuit naturalis & substantialis, orta ex unione hypostatica, quæ fundamentum est, aut ratio formalis filiationis naturalis.

Instabis denique. Non major imperfectio est in Christo dici filium adoptivum, quam servum passum, mortuum.

Resp. disparitatem esse, quòd denominatio servi &c. cadit directè ac primario in naturam; denominatio verò filii, in personam. Triplex scilicet in Christo genus attributorum potest distingui: alia spectant solam naturam humanam, ut mutari; alia personam simul & naturam, ut nasci, pati, mori; alia denique solam personam, ut incarnari, filium esse. Non est igitur mirandum, si Christus ut homo dicatur natus, passus, mortuus, quia natura ipsa nata est, passa, mortua: non potest autem dici ut homo, filius adoptivus; quia ad naturam humanam non pertinet esse filium, sed ad personam.

II.

Potest-ne Christus servus appellari & creatura?

Resp. I. quæstionem in æquivoco versari, ac pendere à varia *servi* acceptione.

Servus in rigore ac stricta significatione ille dicitur, qui sui juris non est, sed alieni, nec per se ullum jus habet ad bona domini.

Servus in latiori significatione dicitur, quisquis dependentem habet naturam; qui alterius voluntati obtemperat, eique subditus est.

Observat S. Joan. Damasc. L. 3. de fide c. 21. *servitutis & dominationis vocabula non naturas, sed quæ ad aliquid referuntur; indicare, ut paternitatis & filiationis voces. Hæc enim non essentiam, sed relationem declarant. Illi autem, inquit, qui servum eum dicunt, unum Christum ad instar Nestorii in duos dividunt.*

T. 1. p.
346. A.
Ibid. C.

Varius hic est antiquorum, & recentiorum loquendi modus: 1. Sunt qui Christum servum dici posse, absque ullo dignitatis ejus dispendio, existimant. Si quis Christum servum nominatum Prophetarum voce dixerit, offendit neminem oportet, ait S. Cyrillus Alexandrinus in Responsione ad Theodoretum Reprehensionem, ad sextum Anathematismum. Et revera quidem sic Christum appellant SS. Athanasius Oratione 1. contra Arian. Hil. L. 11. de Tr. Greg. Naz. Orat. 36. Greg. Nysseno in Opusculo de fide ad Simplicium, Ambrosius L. 5. de fide c. 3. Augustinus in Psalm. 108. Ad hanc porro sententiam his momentis ducti illi fuere. 1. auctoritate Scripturæ. *Isaïæ 42. v. 1. Ecce servus meus, suscipiam eum*, quod de Christo dictum interpretatur S. Matth. cap. 12. v. 18. Rursus *Isaïæ 49. v. 5. Et nunc dicit Dominus formans me. ex utero servum sibi. Et v. 6. Parum est ut sis mihi servus ad suscitandum Tribus Jacob.* 2. ex conditione naturæ humanæ, quam Christus assumendo, formam servi assumpsisse dicitur Philipp. 2. 3. ex controversia cum Arianis, qui divinitatem Christi ex eo capite impugnabant, quod servus in Scripturis appellaretur: quibus prædicti Doctores respondebant, Christum servum duntaxat appellari propter humanam ejus naturam, quæ serva est ac subdita, illæsa & integra manente ejus divinitate.

T. 7. p.
223. C.

II. Alii contendunt Christum nullatenus servum dici oportere. Ita S. Dionysius Alexandrinus in Epistola ad Paulum Samosatenum, negat Christum, qui natura Dominus erat, fuisse natura servum. S. Augustinus Hom. 39. quam laudant Patres Francofordienses in Epistola Synodica, *Dominus noster, inquit, etiam in forma servi, non servus.* Ipsi denique Patres Francofordienses in eadem Synodica Epistola, & Adrianus S. P. in Epistola ad Hispaniæ Episcopos, iidem planè momentis ostendunt Christum nec filium adoptivum, nec servum dici posse. Momenta autem ista sunt. 1. Auctoritas Scripturæ: Apostolus Hebr. 1. Christum Angelis anteponit, quod Christus sit Filius Dei, Angeli autem servi sint in ministerium missi. *Tanto melior, inquit, Angelis effectus, quanto differentius præ illis nomen hereditavit. Cui olim dixit aliquando Angelorum, Filius meus es tu, ego hodie genui te? Et ad Angelos quidem dicit: Qui facis Angelos suos spiritus & ministros suos;* id est, ser-

T. 1.
Conc. p.
854.
T. 7.
Conc. p.
1041. D.

servos. Et cap. 3. anteponit Christum Moysi, quod Moyses esset *fidelis in tota domo eius tanquam famulus*. . . . *Christus vero tanquam Filius in domo sua.* 2. Quia servi, sicut & filii denominatio ad personam pertinet, non ad naturam: unde periculum est, ne si Christus servus dicatur, duo filii cum Nestorio inducantur. 3. Quia Christus sui juris est, non alieni, eaque omnia possidet quæ Patris sunt. 4. Quia Christus in Scripturis Dominus sæpissimè nuncupatur.

Ad concordiam adduci tamen possunt diffidentes illæ sententiæ: nimirum qui Christum servum appellant, ii servi nomen in laxiori & impropria; qui verò negant appellandum, in stricta & rigorosa significatione usurpant, ut statim monuimus.

Resp. Ad secundum, Christum, seculo hæresis periculo, dici posse creaturam: Quia vox illa primariò ad naturam ipsam, non ad personam refertur: creatura namque secundum essentiam ac naturæ proprietatem, non secundum subsistendi modum dicitur; aliundè verò Scripturæ Christum, factum vel creatum appellant. Cap. 2. Act. Apost. *Certissime sciat omnis domus Israel, ait S. Petrus, quia & Dominum eum & Christum fecit Deus hunc Jesum quem vos crucifixistis.* Et Rom. 1. S. Paulus ait: *De filio suo, qui factus est ei ex semine David secundum carnem.* Galat. 4. *Misit Deus Filium suum factum ex muliere.*

Nihilominus sanctus Thomas hic q. 16. art. 8. docet, *ne hæreticorum erroris foveere videamur, non esse absolute dicendum quod Christus sit creatura; sed cum determinatione, scilicet secundum humanam naturam.* Quia scilicet Ariani contendebant non tantum Christi naturam, sed & personam creaturam esse: vox quippe *creatura* ad utramque referri potest. Ea verò, pergit sanctus Doctor, *de quibus suspicari non potest, quod divine persona conveniant, possunt simpliciter dici de Christo ratione humana natura; sicut dicimus simpliciter Christum esse passum, mortuum &c.*

III.

Possitne Christus mediator appellari, & secundum quam naturam?

Mediator dicitur, qui medius est inter partes diffidentes ut eas reconciliat: sequester aliquando à Latinis vocatur, quia cum pars utraque contentendum sequitur.

Multis modis potest quis mediatoris partes sustinere. 1. ut internuntius ac interpres partis utriusque. 2. ut arbiter electus ad componendam litem. 3. ut intercessor & advocatus. 4. ut sponsor, qui parti læsæ, pro altera quæ offendit, plenè solvat, ac satisfaciatur.

Sociniani mediatoris nomen Christo non recusant, non quidem postremo isto sensu, sed aliis modis mox expositis.

Querunt igitur Theologi, an Christus verè titulo mediatoris gaudeat; & sub qua præcisè natura, an divina, an humana.

PRIMA CONCLUSIO.

Christus omnibus modis mox recensitis verus Mediator est.
Deum inter & homines.

I. Verè internuntius ac interpres fuit voluntatis paternæ. Joan. 1. v. 18. *Unigenitus Filius qui est in sinu Patris ipse enarravit.* Hoc sensu vocatur *Angelus fœderis* à Malachia c. 3. v. 1. & *Consiliarius* ab Isaia c. 9. v. 5.

II. Poteſt Christus dici arbiter: quia in procuranda nostra cum Deo reconciliatione, iustitiæ gratia & misericordia mirè temperavit; penas nobis debitas in se transferendo, iustitiæ divinæ superabundè satisfecit, & ex misericordia Deus, debitum, quod contraxeramus, nobis relaxavit.

III. Christus intercessor & advocatus noster est apud Patrem. 1. Joan. v. 1. *Advocatum habemus apud Patrem, Jesum Christum iustum.* Rom. 8. v. 34. *Jesus Christus qui mortuus est, imò qui & resurrexit, qui est ad dexteram Dei, qui etiam interpellat pro nobis.*

IV. Verus sponſor ac mediator noster est Christus, qui loco nostri divinæ iustitiæ satisfecit, ut nos ab æterna morte peccati redimeret. 1. ad Timoth. 2. v. 4. *Unus Deus & mediator Dei & hominum homo Christus Jesus, qui dedit redemptionem semetipsum pro omnibus.* Plura eam in rem jam diximus ubi de veritate satisfactionis Christi.

SECUNDA CONCLUSIO.

Christus ut Deus homo, secundum utramque naturam, divinam & humanam, Mediatoris nostri partes implevit.

Probatur ex Scripturis, quæ utramque Christi naturam; divinam & humanam, assignant ad titulum mediatoris, & redemptoris officium. Act. 20. v. 28. *Deus Ecclesiam sanguine suo acquisivisse* dicitur. 1. Cor. 2. v. 8. *Dominus gloriæ dicitur crucifixus.* Porro Deus simplex & solus sanguinem non habet, nec crucifixus est; ergo duplicem naturam in Christo ad opus mediatoris & redemptoris simul concurrisse Scriptura declarat. 1. ad Timoth. 2. v. 4. *Unus mediator Dei & hominum homo Christus Jesus.* Hebr. 2. v. 14. *Quia ergo pueri communicaverunt carni & sanguini, & ipse similiter participavit eisdem, ut per mortem destrueret eum, qui habebat mortis imperium.... Unde debuit per omnia fratribus assimilari, ut misericors fieret, & fidelis pontifex ad Deum, ut repropitiaret delicta populi.* Cave igitur ne utramque Christi naturam hic dividas, ne pereat redemptionis nostræ opus: Audiatur S. Augustinus L. 10. Confess. c. 42. *Mediator, inquit, inter Deum & homines oportebat ut haberet aliquid simile Deo, & aliquid simile hominibus, ne in utroque hominibus similis longè esset à Deo; aut in utroque Deo similis, longè esset ab hominibus, atque ita mediator non esset.* Momentum istud fusiùs prosecuti sumus apendo de satisfactione Christi, ad quam utraque natura Christi necessariò & indivisè concurrat: humana materiam seu subiectum satisfactionis præbet: divina valorem ac pretium infinitum impertitur.

Orā-

Oravitne Christus tanquam mediator?

Resp. Christum hominem decursu mortalitatis suae vitæ orasse, & etiamnum in Cœlis orare, seu pro nobis interpellare. Joan. 17. *Pater, venit hora, glorifica filium tuum, ut filius tuus clarificet te.* Hebr. 5. *In diebus carnis suae preces supplicationesque ad eum qui posset illum salvum facere à morte cum clamore valido & lachrymis offerens, exauditus est pro sua reverentia.* Rom. 8. *Iesus qui resurrexit, qui est ad dexteram Dei, qui etiam interpellat pro nobis.* Et Hebr. 7. dicitur, *semper vivens ad interpellandum pro nobis.*

Ratio est, quia voluntas humana Christi ex qua orabat, ex se ipsa satis potens & efficax non erat, ut quæcunque vellet, posset adimplere; necesse igitur fuit ut ad divinam recurreret virtutem, ut quæ volebat, obtineret.

Oravit autem Christus, tum ut se verum hominem, ac se Patrem habere celestem demonstraret; tum ut mediatoris partes & officium adimpleret; tum denique ut orandi formam & exemplum nobis præscriberet.

Qua porro ratione pro nobis etiamnum in Cœlo orare dicatur, non consentiunt inter se Theologi. Alii dicunt, sola humanitatis ac meritorum suorum representatione, divinam pro salute nostra exorare clementiam; alii ajunt, etiam expressa oratione, ac desiderii animæ suæ beatæ aperta significatione: uterque autem orandi modus rectus ac sanus est, & absque ullo purioris doctrinæ periculo defendi potest.

Cùm verò humana Christi voluntas aliàs sit absoluta, efficax & consequens; alia conditionata & inefficax, duplex quoque oratio Christi distinguitur, una efficax & absoluta, quæ semper impletur, de qua Christus ipse Joan. 11. v. 41. ait: *Pater gratias ago tibi quoniam audisti me: Ego autem sciebam, quia semper me audis.* Et Hebr. 5. v. 7. *Exauditus est pro sua reverentia.* Alia verò est oratio Christi conditionata, & inefficax, ex qua dicebat: *Pater, si fieri potest, transeat à me calix iste.* Hac voluntate pro salute omnium hominum generatim oravit Christus, qui pro omnibus mortuus est; conformans se voluntati Dei antecedenti, qua verè ac sincerè vult omnes homines salvos fieri & ad agnitionem veritatis venire. 1. ad Timoth. 2. v. 4. Vide quæ de hac duplici oratione Christi diximus Tom. 2. de Divinis Attributis pag. 404. & 405.

Non est autem quòd ex oratione Christi quis inferat, eum simpliciter & absolute Deo Patri inferiorem fuisse, utpotè qui habita dumtaxat humanæ naturæ ratione & oravit, & sub hoc respectu fuit inferior: idem quippe Christus qui supplex Patrem deprecatur, declarat, se unum esse cum Patre; omnia quæ Patris sunt, esse sua, sibi datam esse omnem potestatem in cœlo & in terra &c.

Fuitne Christus Verus Sacerdos?

Ex sacerdotio Christi suprà contra Socinianos veritatem ejus satisfactionis demonstravimus, ad quem locum lectorem remittimus: pauca hic subiicienda supersunt.

Joan.
10. v.
30. 1.
Ib. 16.
v. 15.
Matth.
28. v.
18.

PRIMA CONCLUSIO.

Christus verus est Sacerdos ac Pontifex novæ Legis.

Hebr.3. v.1. *Considerate, ait Apostolus, Pontificem confessionis nostræ Jesum.* Et cap.4. v.14. *Habentes Pontificem magnum qui penetravit celos, Jesum filium.* Et v.15. *Non enim habemus Pontificem qui non possit compati infirmitatibus nostris.*

Ratio est, quia ad verum sacerdotium tria requiruntur. 1. divina populo tradere. 2. preces populi Deo offerre: 3. pro peccatis populi satisfacere: Omnis quippe Pontifex, ait S. Paulus Hebr.5. v.1. *ex hominibus assumptus, constituitur in iis quæ sunt ad Deum, ut offerat dona & sacrificia pro peccatis.* Atque tria hæc Christo apprimè conveniunt. 1. Cœlestia populo tradidit: *Per quem, inquit sanctus Petrus Epist. 2. c.1. v.4. Deus maxima & pretiosa promissa donavit.* 2. Preces populi offert Deo: est enim *semper vivens ad interpellandum pro nobis.* Rom.8. 3. Pro peccatis populi satisfecit: Hebr.9. v.12. *Christus per proprium sanguinem introivit in sancta sanctorum.* Et vers. 14. *Quantò magis sanguis Christi, qui per Spiritum sanctum semetipsum obtulit immaculatum Deo, emundabit conscientiam nostram ab operibus mortuis?* Inde est quòd in Scripturis Christus vocatur victima pro peccatis, agnus occisus &c. simul sacerdos & hostia semetipsum obtulit. Ephes.5. v.2. *Christus dilexit nos & tradidit semetipsum pro nobis oblationem & hostiam Deo in odorem suavitatis.*

SECUNDA CONCLUSIO.

Christus fuit Sacerdos secundùm ordinem Melchisedech.

Psal.109. v.4. *Tu es sacerdos in æternum secundùm ordinem Melchisedech.* Quæ verba S. Paulus Hebr.5. v.6. repetit & Christo adaptat. Sacerdotium verò illud in æternum dicitur, non quidem quoad actum, sed quoad effectum, & repræsentationem pretii semel oblato: *Una enim oblatione, inquit S. Paulus Hebr.10. v.14. consummavit in sempiternum sanctificatos.* Similitudo verò sacerdotii Christi cum sacerdotio Melchisedech his capitibus constat. 1. Nomen ipsum Melchisedech idem est ac Rex iustitiæ: dicitur etiam Rex Salem, id est Rex pacis. Item dicitur sine patre & matre, quæ omnia rectè Christum præfigurant, qui fuit sine patre in generatione temporali, & in æterna sine matre; qui verus est Rex pacis & iustitiæ. 2. Christus obtulit sacrificium simile, quantum ad resensibiles, sacrificio Melchisedech, in pane & vino. Gen.14. v.18. Unde S. Cyprian. Ep.63. ad Cæcil. P. 101. *Quis magis, ait, sacerdos Dei summi quàm Dominus noster Jesus Christus, qui sacrificium Deo Patri obtulit, & obtulit hoc idem quod Melchisedech, id est panem & vinum, suum scilicet corpus & sanguinem?* Sed de his plenius ubi de Eucharistia.

Sine homo Christus caput Ecclesie, & omnium tum hominum tum Angelorum.

Ecclesie nomine, vel intelligitur speciatim congregatio Fidelium, vel congregatio seu societas, aut hominum, aut Angelorum.

In capite morali, servata analogia ad caput naturale, tria requiruntur. 1. prae eminentia. 2. conjunctio cum membris. 3. influxus spiritalis & interior in membra.

C O N C L U S I O.

Christus homo caput est Ecclesie, hominum, & Angelorum.

I. Est caput Ecclesie. Ephes. 1. v. 22. *Omnia subiecit sub pedibus eius, & ipsum dedit caput super omnem Ecclesiam, quae est corpus ipsius, & plenitudo ejus, qui omnia in omnibus adimpletur.* Et cap. 5. v. 23. *Quoniam vir caput est mulieris, sicut Christus caput est Ecclesia.* Coloss. 1. v. 18. *Et ipse est caput corporis Ecclesie.* Ratio manifesta est: Habet quippe Christus tres dotes mox dictas ad caput morale necessarias. 1. gratiae donis aliis longè supereminet, & abundantius cumulatus fuit. *Vidimus eum plenum gratiae & veritatis.* 2. Non tantum cum membris suis, hoc est, Fidelibus, conjungitur, sed tanquam exemplar proponitur omnium praedestinatorum. Rom. 8. v. 29. *Quos praescepsit, & praedestinavit conformes fieri imaginis filii sui.* 3. In membra sua per internam gratiae subministrationem, sicut vitis in palmites influit. *De plenitudine ejus nos accepimus.* Et Ephes. 4. v. 15. *Crescamus in illo, qui est caput Christus, ex quo totum corpus compactum & connexum.*

II. Christus caput est omnium hominum. 1. ratione corporum, quatenus influxum aliquem ex corpore Christi percipiunt, tum ut sint instrumenta seu arma iustitiae Deo, Rom. 6. v. 13. tum ut aliquando post mortem reviviscant, Rom. 7. v. 11. *Qui suscitavit Jesum Christum a mortuis, vivificabit & mortalia corpora vestra, propter inhabitantem spiritum ejus in vobis.* 2. Longè meliori jure caput est hominum, ratione finis seu beatitudinis supernaturalis ad quam ordinati sumus, & mediorum [quae pretio sanguinis sui nobis comparavit. *Qui est Salvator omnium hominum, maxime fidelium.* 1. ad Timoth. 4. v. 10. *Ipsa est propitiatio pro peccatis nostris, non pro nostris tantum, sed pro totius mundi.* 1. Joan. 2. v. 2. unde homo quilibet vel actu, vel potentia saltem cum Christo conjunctus est. Sanctus Thomas eos in quinque ordines partitur. 1. principaliter eorum caput est, qui actu uniuntur per gloriam. 2. eorum qui uniuntur per charitatem. 3. eorum qui uniuntur per fidem. 4. eorum qui uniuntur solum in potentia nondum redacta ad actum, quae tamen est ad actum reducenda secundum divinam praedestinationem. 5. eorum qui in potentia sunt uniti, quae nunquam reducetur in actum quantum ad assecutionem finis, quales sunt reprobi, quibus tamen, dum vivunt, non nihil gratiae Deus per merita Christi impertitur, ut salvi esse possint.

III. Christus caput est Angelorum, praeminentia, potestate, gratiae secundariae largitione.

I. Prae-

I. Præminencia. Coloss. 2. v. 10. *Estis in illo (Christo) repleti, qui est caput omnis principatus & potestatis.* Ephes. 1. v. 18. & seq. *Visciatis, inquit, Apost. quæ sit spes vocationis eius, & quæ divitiæ gloriæ hereditatis eius in sanctis, & quæ sit supereminens magnitudo virtutis eius in nos, qui credimus secundam operationem potentia virtutis ejus, quam operatus est in Christo, suscitans illum à mortuis, & constituens ad dexteram suam in celestibus, supra omnem principatum, & potestatem, & virtutem, & dominationem, & omne nomen quod nominatur non solum in hoc seculo, sed etiam in futuro.*

II. Autoritate & potestate. Ephes. 1. v. 22. *Omnia subiecit sub pedibus ejus.* Philipp. 2. v. 9. *In nomine Jesu omne genu flectatur, celestium & terrestrium.* 1. Petri 3. v. 22. *Qui est in dextera Dei profectus in celum, sublevis sibi Angelis, & potestatibus, & virtutibus.* Hebr. 1. v. 15. *de Angelis Apostolus ait: Omnes sunt administratorii spiritus, in ministerium missi propter eos qui hereditatem capient salutis.*

III. Multiplicis gratiæ largitione. Ephes. 3. v. 10. postquam S. Paulus dixit, sibi datam esse hanc gratiam in gentibus evangelizare divitiis Christi, sic pergit: *Ut innotescat principatibus & potestatibus in celestibus per Ecclesiam multisformis sapientia Dei.* Ergo principatibus & potestatibus gratia hæc concessa fuit, ut suo ministerio innotescat multisformis sapientia Dei.

Et certè cum Angeli & homines unum Ecclesiæ corpus constituent, quatenus omnes ordinantur ad unum communem finem, intuitivam scilicet ac beatificam Dei visionem, cujus quidem corporis Christus est caput, necesse est in Angelos ipsos aliquem à Christo influxum interiorum seu gratiam, derivari.

Non tamen Angelorum caput Christus dicendus est, ratione gratiæ quam in creatione sua receperunt; hæc quippe, ut vulgaris fert opinio, ex mera Dei liberalitate, independentem à meritis Christi, ipsis concessa fuit: neque pro salute Angelorum incarnatus est Deus, aut passus & mortuus. *Nusquam Angelos apprehendit, ait Apostolus Hebr. 2. v. 16. sed semen Abrahæ apprehendit unde debuit per omnia fratribus similari.* Cum igitur idem Apostolus Coloss. 1. v. 20. ait Christum reconciliasse omnia, sive quæ in terris, sive quæ in celis sunt; intelligendus est, Christum omnia in Cælis reconciliasse, sive cum homines destinavit ad occupandas, quæ vacuæ erant, lapsum Angelorum sedes; sive cum genus humanum sanguine suo reconciliavit & cum Deo, & cum Angelis bonis, cum quibus ob peccatum inimicitias gerebat.

Fueritne Christus homo Rex & Judex.

I. Regiam seu supremam dignitatem Christo Deo debitam esse per se clarum est: de Christo homine quæstio est. Certum est Christum in novo etiam Testamento Regem non infrequenter appellari. Matth. 27. v. 37. *Hic est Jesus Rex Judæorum.* Sciscitanti Pilato, Joan. 18. v. 37. *an Rex esset, respondit Jesus: Tu dicis quia Rex sum ego.* Christus, ait S. Augustinus in Psalm. 149. *4. a christmate dictus est, id est ab unctioe. Reges autem ungebantur & sacerdotes; ille verò unctus est & Rex & sacerdos. Rex pugnavit pro nobis; sacerdos obtulit se pro nobis.*

Quale verò fuerit regnum Christi, antemporale & terrenum, an spirituale tan-

tantum, si quaesieris, spiritale dumtaxat fuisse respondebo, quamquam è Regia Davidis stirpe oriundus fuerit Christus; verum huic regno renuntiavit, ac solum spiritale suum esse declaravit: *Regnum meum non est de hoc mundo: si ex hoc mundo esset regnum meum, ministri mei utique decertarent ut non traderet Judeis; nunc autem regnum meum non est hinc.* Joan. 18. v. 36. Ad quæ verba S. Augustinus Tract. 115. in Joan. sic scribit: *Audite ergo Judei & Gentes; audi circumciso, audi preputium, audite omnia regna terrena. Non impediò dominationem vestram in hoc mundo . . . Nolite metueremeu vanissimo, quo Herodes ille major, cum Christus natus nuntiaretur, expavit, & tot infantes, ut ad eum mors perveniret, occidis, timendo magis quam irascendo crudeliter. Regnum, inquit, meum non est de hoc mundo. Quid vultis amplius? Venite ad regnum quod non est de hoc mundo: venite credendo, & nolite scire metuendo.*

T. 1. p. 2.
2. pag.
891. E.

II. Christus Index est à Patre constitutus vivorum & mortuorum. Act. 10. v. 42. *Ipsè est constitutus à Deo Iudex vivorum & mortuorum.* Et c. 17. v. 31. *Statuit diem, in quo iudicaturus est orbem in aequitate: Neque enim, ut dicitur Joan. 5. v. 22. Pater iudicat quemquam, sed omne iudicium dedit Filio.* Hæc porrò Iudicis dignitas ac prærogativa Christo competit tum ut Deo, tum ut homini. Dicimus, ait S. Augustinus Lib. 1. de Trin. c. 13. *quia secundum id quod Deus est, iudicat, hoc est ex potestate divina, non humana; & tamen ipse homo iudicaturus est, sicut Dominus gloria crucifixus est . . . Quapropter filius hominis iudicaturus est, nec tamen ex humana potestate, sed ex ea qua Filius Dei est: rursus Filius Dei iudicaturus est, nec tamen in ea forma apparent, in qua Deus est æqualis Patri, sed in ea qua filius hominis est.*

T. 8. p.
761. A
Ibid. D

QUESTIO ULTIMA.

De adoratione Christi, Sanctorum invocatione, & Reliquiarum & Imaginum cultu.

Observanda.

Observandam 1. generatim adorationis nomine significari cultum quemlibet, qui alicui exhibetur propter ejus dignitatem & excellentiam. Quapropter vox ista *adoratio*, generica est, quæ in Scripturis rebus natura & dignitate valde diversis accommodatur: Deo quidem maxime propria; Arcz verò quæ Dei figuram ejusque præsentiam singulari modo denotabat; Regibus, imò & fastigio seu summitati Virgæ Josephi, quam Jacob Hebr. 11. v. 21. adorasse refertur, inferior longè cultus redditur. Quapropter varia illa vocis *adorationis* significatio, variusque usus figi ac determinari debet ex subiecta materia, seu subiecto cui tribuitur. Unde immerito prorsus Novatores nostri Catholicos carpunt, quod ea voce utantur, cum de cultu & reverentia Sanctis eorumque Imaginibus debita tractant. Quis tam injustus fuerit, ut existimet viros sui compotes, Sanctis eorumque Imaginibus supremum patriæ cultum unquam tribuere? Apagè tam stolidam & crassam calumniam,

Obfer-

Observandum 2. adorationem generatim dividi in politicam seu civilem, & sacram seu religiosam. Politica & civilis impenditur propter aliquam secularem, aut naturalem præstantiam & excellentiam: ita Reges, Principes, Magistratus, viros insigniter peritos &c. colimus & honoramus: ita mutuo honore sese homines prosequuntur, & invicem prævenire debent. Religiosa ea est, quæ motivo superiori Religionis, propter supernaturalem aliquam excellentiam, innitur.

Observandum 3. adorationem, seu cultum religiosum iterum dividi in absolutum, & relativum. Absolutus dicitur, qui in propria rei quæ colitur, excellentia sistit ac hæret, nec ulterius tendit. Ita Deum, ita Christum absolute, & quidem supremo latræ cultu adoramus. Relativus ille est, qui refertur ad alium, qui quæ rei alicui exhibetur, ob excellentiam non propriam, sed alterius quem repræsentat, & ad quem refertur. Ita cultus qui imaginibus Sanctorum deferitur, relativus est ad prototypum seu exemplar cuius imagines sunt. S. Thomas 3. p. qu. 25. art. 4. censet eadem specie cultus seu adorationis relativæ, eodemque actu voluntatis honorari & imaginem & prototypum: unde infert imaginem Christi & crucem ejus adoratione latræ respectiva seu relativa coli debere; quia nempe Christus supremo latræ cultu absolute adorandus in se est. Multis non placet hæc divi Thomæ sententia, quam parum idoneam existimant novatoribus nostris ac unitatem fidei hac in parte revocandis: quapropter Illustrissimus ac doctissimus Bossuetius in Epistola de adoratione Crucis ad Virum religiosum scripta die 17. Julii an. 1691. consentit pag. 22. ut si hæc Angelici Doctoris loquendi ratio quemquam offendat, supprimatur, nec ulla ipsius habeatur ratio.

Observandum 4. triplicem esse adorationis seu cultus speciem: latræ, quæ uni Deo debetur: dulæ, quæ creaturis; hyperdulæ, quæ B. Virgini ob eximiam ejus supra ceteras creaturas dignitatem & præminentiam impenditur: qui cultus, sologradu, non specie distat à dulæ cultu; Benim Virgo creatura est, quamquam Dei genitrix.

Observandum 5. in omni adoratione duplicem actum distingui, unum internum, alterum externum: internus includit actum mentis seu intellectus obiecti præstantiam & excellentiam cognoscentis, & actum voluntatis obsequentis ac sese demittentis ob illam superiorem præstantiam obiecti; neque enim sine illa voluntatis interioris submissione vera esse potest adoratio: actus verò externus ille est, qui exterius patet, & est quodcumque signum exterius protestativum interioris adorationis. Potest quidem esse vera interior adoratio, sine ullo signo exteriori; veri etenim adoratores adorant in spiritu & veritate: at non potest esse vera & sincera exterior adoratio, si destituta fuerit interna mentis ac voluntatis submissio: qualis fuit in illis Judæis, qui flexis genibus illudendo Christo adorabant, veri profectò hypocritæ ac illusores. Non est tamen negligenda, imò laudanda exterior corporis conformatio, per quam internum adorantis animi actum & affectum demonstramus: homo enim totus à Deo pendet, & totus tum animo, tum corporis sicut testari debet se Deum verè adorare. Nusquam autem licitum est, externa signa, quæ usu, velle, vel alia qualibet ratione destinata sunt in intensificationem, seu declarationem veræ ac internæ adorationis, usurpare in falso, v.g. & sacrilego idolorum cultu, tametsi interius animo re-

fugien-

fugiente ac dissentiente: nunquam enim licet ullo etiam exteriori signo, fidem negare, *Corde Creditur ad iustitiam, ore autem confessio fit ad salutem*. Rom. 10. v. 10. At eo in casu fidem ille abnegaret, quam palam ac publicè, ut debet, non profiteretur. Procul ergo fraus ac dissimulatio, à catholico candore tam aliena. Ea ratione multi existimant, Mardochzum noluisse genuflectere coram Aman: quia genus sexio apud Judæos communiter non nisi Deo exhibebatur; Regibus autem & Principibus rarò, & magna ex causa.

E contra verò fieri potest ex errore minus culpabili, ut quis exterius idolorum imagines adoret, existimans se unam dumtaxat honorare Regis effigiem. Nota est eam in rem insignis fraus Juliani Imperatoris apostatæ, quam describit Gregor. Nazianz. Oratione 1. in Julianum, & Paulus Diaconus in ejus vita. Erat scilicet in more positum, ut imagines Imperatorum ab omnibus adorarentur, etiam à Christianis; noverant quippe isti, adorationem illam civilem dumtaxat esse, ac licitam. Julianus igitur, ut induceret Christianos, saltem per errorem, adorare idola, jubebat suam imaginem ita depingi, ut simul pingeretur Jupiter de Cælo coronam & purpuram Imperatori deferens; pingerentur etiam Mercurius & Mars in Imperatorem respicientes, ut eo modo indicaret, se sapientem & fortem esse. Itaque se ipse inter deos depictum proponebat, ut Christiani de more venerantes imaginem Imperatoris, simul venerarentur imagines falorum deorum. Monet autem Nazianzenus, venia dignos fuisse Christianos illos simpliciores, qui dolum non advertabant, nec putabant se adorare aliud quàm Regis imaginem.

Observandum denique, varios esse pro varia populorum, temporum, & Ecclesiarum disciplinam, modos externos adorationis significandæ: alii quippe cooperto capite adorant, ut Orientales; alii nudo & inflexo, ut Occidentales; alii recti, alii procumbentes humi; alii extensis manibus, alii complicatis; alii capitis inflexione, demissione, prostratione totius corporis; alii modis aliis, quorum quidem omnium idem est internus sensus, sed exterius variè demonstratus. Quin contingit non rarò, eosdem externos cultus exhibendi modos, & erga Deum, & erga creaturam usurpari, quamquam diversus planè specie sit cultus, seu adoratio diversa. Thus v. g. adolemus Eucharistia, Cruci Christi, Evangeliorum Libro, Imaginibus Sanctorum; imò & hominibus in potestate constitutis, & ipsimet populo: non eodem profectò et titulus animo, nec eadem intentione, sed longè diversa, ex qua pendit: & æstimari debet cultus illius disparitas. His prænotatis.

De adoratione Christi hominis.

Christum Deum supremo latræ cultu adorandum esse nemo dubitat: de humana dumtaxat ejus natura quæstio vertitur, an scilicet eodem latræ cultu, quo Verbum ipsum, honoranda sit, propter intimam & indissolubilem ipsius cum Verbo unionem, non verò propter ipsam præcisè ac in se spectatam humanitatem, quasi hæc sit formalis causa & ratio adorationis. Quapropter, nostro quidem iudicio, operam perdunt è nostris, qui tam sollicitè ac prolixè disputant, utrum humanitas Christi per mentem à Verbo abstracta & præcisè possit cultu latræ adorari. Non iste est quæstionis nostræ sta-

tus,

tus, sed utrum humana Christi natura hypostaticè Verbo divino conjuncta eodem cum Verbo cultu sit adoranda.

Quicumque veram & physicam in Christo naturæ utriusque unionem inficiati sunt, ut Nestoriani, Apollinaristæ &c. ii consequenter homini Christo veram denegarunt adorationem. Ex nostris verò nonnulli, post Gilbertum Porretanum in Scholiis ad Psal. 98. volunt homini Christo non supremum patriæ cultum impendi debere; neque etiam solum, qui dulz dicitur, ac hominibus communiter defertur, sed dulz cujusdam superioris. Alii patriæ quidem cultum illi concedunt, sed relativum, non absolutum. Ita Alexander Alensis 3. p. q. 30. Gabriel in 3. dist. 9. q. 2. art. 1.

Sociniani hic discordes sunt inter se: nonnulli, divinos adorationis honores Christo concedunt, alii verò negant.

C O N C L U S I O.

Humana Christi natura hypostaticè Verbo conjuncta, eadem & unica cum divinitate Verbi adoratione colenda est.

Constat manifestis Scripturæ testimoniis. Hebr. 1. v. 5. ista Psalmi 96. verba, *Et adorent eum omnes Angeli eius*, Apostolus Christo adapt. Philipp. 2. v. 10. *In nomine Jesu, omne genuflectatur, caelestium, terrestrium & infernorum*. Unde Joann. 9. v. 35. Christus interrogans cæcum natum, ait: *Tu credis in Filium Dei?* Cui respondet cæcus: *Credo Domine; & proci-dens adoravit eum.* quæ adoratio non tantum externa erat, sed interior, proveniens ex fide in Christum hominem Deum. Matth. 28. v. 17. Christo à mortuis suscitato eandem adorationem impendunt Apostoli; *Videntes eum adoraverunt*. Denique Joan. 5. v. 22. & 23. eundem patriæ cultum qui Deo Patri debitus est, sibi Christus vendicat: *Neque Pater, inquit, judicat quemquam: sed omne iudicium dedit Filio, ut omnes honorificent Filium; sicut honorificant Patrem. Qui non honorificant Filium, non honorificant Patrem qui misit illum.* In his porro testimoniis nulla discretio fit, nulla distinctio divinæ & humanæ in Christo naturæ, sed adoratio ad Christum terminatur duplici natura constantem.

Constans hæc est SS. Patrum doctrina.

T. 1. p. 912. S. Athanasius in Epistolas ad Adelphium: *Rem creatam non adoramus: ab-*
sit. *Ethicorum enim & Arianorum est huiusmodi error. Sed rerum creatarum Dominum, carnem factum. Dei Verbum adoramus. Et si enim ipsa caro seorsum spectata, pars sit rerum creatarum, attamen Dei facta est corpus. Neque verò huiusmodi corpus à Verbo dividentes adoramus, neque cum Verbum volumus adorare, ipsum à carne removemus.*

T. 1. p. 681. S. Ambrosius L. 3. de Spiritu sancto c. 11. aliàs 12. n. 79. ad hæc verba Psal. 98. *Adorate scabellum pedum eius, quia sanctum est. Per scabellum, inquit, terra intelligitur: per terram autem Christi caro, quam hodie in mysteriis adoramus, & quam Apostoli in Domino Jesu adoraverunt; neque enim divisus est Christus, sed unus; neque cum adoratur tanquam Dei Filius, naturæ ex Virgine denegatur.*

T. 4. p. 105. B. Idem est S. Augustini sensus, eadem interpretatio in citata verba Psal. 98. *Timeo,*

Timeo, ait, adorare terram, ne damnet me qui fecit caelum & terram: rursum timeo non adorare scabellum pedum Domini mei..... Fluctuans converto me ad Christum; & invenio quomodo sine impietate adoretur terra, sine impietate adoretur scabellum pedum ejus. Suscepit enim de terra terram; quæ caro de terra est, & de carne Mariæ carnem accepit. Et quia in ipsa carne hic ambulavit, & ipsum carnem nobis manducandum ad salutem dedit; nemo autem carnem illam manducat, nisi prius adoraverit; inventum est autem quemadmodum adoretur tale scabellum pedum Domini, & non solum non peccemus adorando, sed peccemus non adorando.

Causam adorationis, quæ humanitati Christi defertur, repetunt mox laudati Doctores, non quidem ex ipsa præcisè natura humana in se spectata, sed ex hypostatica ipsius cum Verbo unione. *Caro ipsa seorsum spectata, ait mox citatus Athanasius, pars est verum creaturæ, attamen Dei corpus est facta. Ex illa quippe unione fit, ut homo Christus Jesus verus sit natura & substantia Deus, ea ipsa colendus adoratione, qua Verbum ipsum in quo subsistit & una est cum ipso persona; nulla facta naturarum, quæ nexu indissolubili copulantur, distractione seu divisione. Si quis, ait Conc. Later. sub Martino I. Consul. 4. Can. 9. non una adoratione Deum Verbum incarnatum cum ejus carne non adorat, juxta quod sanctæ Dei Ecclesiæ ab initio traditum est, talis anathema sit.*

T. 6. Con. p. 357. D.

Atque hinc facilis est solutio communis ac tritæ hujus objectionis: Soli Deo latræ cultus debetur: humanitas verò Christi Deus non est; ergo latræ cultus illi non debetur.

Obiectio.

Distinguenda minor propositio: Humanitas, seu homo non est Deus, separatus & sejunctus à Verbo, concedo: hypostaticè unitus cum Verbo, nego. Porro humanitatem hic spectamus quatenus cum divinitate in unitate personæ Verbi conjugitur. Cum igitur dicimus, Christum quatenus hominem, simul cum Verbo eodem adorationis cultu prosequendum esse, re-duplicatio illa, quatenus, non cadit supra hominem, seu humanitatem sejunctam à Verbo: quis enim Catholicorum ignorat, humanitatem in se nudè & simpliciter spectatam adorari non debere? sed cadit supra humanitatem hypostaticè unitam cum Verbo, quæ sola unio causa & ratio est adorationis, quæ sacræ humanitati Christi debetur.

De cultu, invocatione, & intercessionem Sanctorum.

An sunt colendi Sancti?

Non hic quaestio movetur de cultu civili, quem non rejiciunt Novatores, sed de cultu religioso, quo Sanctorum eximia merita, fidei constantiam, charitatis ardorem, infracti animi mediis in cruciatibus fortitudinem, immensum Religionis Christi tuendæ ac propagandæ studium, ceteraque cœlestia, quibus à Deo cumulati fuere dona, honoramus ac veneramur: quæ ex parte cultus ille relativus est, & ad Deum ipsum tendit, qui dona sua in Sanctis coronat; tamen alia ex parte quodam sensu dici possit absolutus, propter ipsam Sanctorum excellentiam.

Neque etiam quaestio est, de supremo latræ cultu, quem Christiani se

uni

uni & soli Deo debere toties protestati sunt, adversus putidam Gentilium & Hereticorum calumniam, qua velut idololatriæ rei traducebantur, quod Sanctos se honore ac cultu religioso prosequi declararent: atque non sine stupore vidimus calumniam hanc à Lutheranis & Calvinistis renovatam fuisse. Nonnisi mendacio ac fraude error invalescere potest.

Neque etiam hic agitur de his, vel illis Sanctis in particulari, de quibus rixari possent Novatores; sed de Sanctis in Cælo regnantibus generatim: quamquam de nonnullis non dubitant vel ipsi Novatores, v. g. B. Virgine, S. Joanne, aliisque Apostolis.

Neque de modo præcisè quo coluntur & honorantur, hic instituenda controversia; namque circa modum illum nonnunquam zelo indiscreto & imperito peccare possunt rudes ac simplices Fideles: sed de ipsa cultus substantia; nempe pium ac laudabilem esse Sanctorum cum Christo in Cælis regnantium cultum, imò & aliquando certis in circumstantiis necessarium: neque enim suspicione aut erroris, aut contemptus Sanctorum, ille careret, qui cultum hunc Ecclesiæ totius usu tam perpetuo & antiquo probatum, in toto vitæ suæ decursu de industria omitteret. Immeritò igitur Novatores cum Gentilibus, cum Manichæis, Eunomianis, Arianis, & Vigilantio, cultum illum in nobis damnant accarpunt.

C O N C L U S I O.

Antiquus est, rectus ac laudabilis Sanctorum cum Christo in Cælis regnantium cultus.

Probatur exemplo veterum Patriarcharum qui Angelos sub humana specie conspicuos religioso cultu honorarunt: Ita Abraham Gen. 18. v. 2. & Loth Gen. 19. v. 1. ubi sic legimus: *Adoravitque pronus in terram, & dixit: Obsecra, Domini, declinate in domum pueri vestri.* Ita pariter de Josue cap. 5. Libri ejus v. 15. dicitur: *Cecidit pronus in terram, & adorans ait: Quid Dominus meus loquitur ad servum suum?* Quibus locis adoratio, non supremum latræ cultum, sed alium longè inferiorem, quamquam non purè civilem ac politicum, sed religiosum, significat; Angeli etenim hunc veræ adorationis modum constanter à se rejecerunt, quoties suspicio esse potuit, ne offerretur. Judicum 13. v. 16. *Si vis holocaustum facere,* ait Angelus, *offer illud Domino.* Item Apocal. 22. v. 8. hæc narrat S. Joannes: *Postquam audissem & vidissem, cecidi ut adorarem ante pedes Angeli qui mihi hæc offendeabat, sed dixit mihi: Vide ne feceris, confervus enim tuus sum. Deum adora.* Idem S. Petrus A. G. 10. v. 26. Cornelium ad pedes suos provolutum repressit ac surgere jussit: *Surge, dixit, & ego ipse homo sum.* Idem porro cultus Sanctis in Cælo degentibus impendendus, quem exemplo suo & usque comprobantur erga Angelos veteres Patriarchæ Abraham, Isaac, Jacob, Moyses & alij cuius tanto in honore apud homines fuerat. Infinita sunt in primitiva Ecclesiâ hujusce cultus exempla. Inter alia istud jam satis sit quod refert Eusebius L. 7. Hist. c. 19. summa nempe reverentia servatam fuisse S. Jacobi Hierosolymitani Cathedram; cujus quidem reverentiæ causam & rationem reddit: *Satis, inquit, perspicuè declarantes, qualiter nim. antiquo-*

res, tum nostri temporis Christiani, viros sanctos et ipsorum erga Deum amorem debito semper honore venerati sunt, & hactenus venerantur. Idem plane tradunt Hieronymus & Augustinus.

S. Hieronymus Epist. ad Riparium de erroribus Vigilantiū, *Honoramus servos, inquit, ut honor servorum redundet ad Dominum, qui ait: Qui vos suscipis, me suscipis.*

S. Augustinus L. 20. contra Faustum c. 21. *Populus christianus, inquit, memorias Martyrum religiosa solemnitate concelebras... colimus Martyres eo cultu dilectionis & societatis, quo & in hac vita coluntur sancti homines Dei..... At illo cultu qui græcè δαίμνια dicitur, latine uno verbo dici non potest, cum sit quedam propriè divinitati debita servitūs, nec colimus, nec colendum docemus, nisi unum Deum.* T. 8. p. 347. B.

Ratio Conclusionis hæc est, quia tam licet cultu religioso prosequi Sanctos, ob eximias eorum dotes supernaturales, quam liceat cultu politico & civili honorare viros Principes, aliosque viros in potestate constitutos, vel aliqua in scientia aut arte insignes.

De invocatione & intercessionē Sanctorum.

C O N C L U S I O.

Bonum atque utile est invocare Sanctos, ut pro nobis ad Deum intercedant.

Probatur 1. exemplis quæ Scriptura suppeditat. Abrahamus Gen. 18. in gratiam Sodomitarum Angelum invocavit; & cap. 19. Loth ab Angelo simplex postulat, quod obtinuit, ne urbs Segor excidio deleretur: Cui Angelus respondit: *Suscepi preces tuas, ut non subvertam Urbem, pro qua locutus es.* Gen. 32. Jacob adversus Angelum luctatus est: cujus efflagitavit, & obtinuit benedictionem. Et c. 48. Joseph hanc Angelorum benedictionem pro filiis suis apprecatur. Et verò æquum videtur, eorum opem apud Deum implorare, quorum curæ ac tutelæ Deus nos commisit: atqui tales sunt Angeli Psal. 90. v. 11. *Angelis suis mandavit de te, ut custodiant te in omnibus viis tuis. In manibus portabunt te, ne forte offendas ad lapidem pedem tuum.* Zachariæ 1. v. 12. Angelus speciatim Deum in gratiam Jerusalem deprecatur: *Domine exercituum, inquit, usquequo tu non misereberis Jerusalem & urbem Juda quibus iratus es?* Tobie 12. v. 12. Angelus Raphael ad Tobiam: *Quando orabas, aiebat, cum lachrymis.... ego obtuli orationem tuam Domino.*

Sanctos etiam pro nobis preces ad Deum fundere, non minus certissimis Scripturæ exemplis manifestum est. Jeremiæ 15. v. 1. *Si steteris Moyses & Samuel coram me, non est anima mea ad populum istum.* Ezech. 14. v. 14. *Si fuerint tres viri isti in medio eius; Noe, Daniel & Job, ipsi iustitia sua liberabunt animas suas, ait Dominus exercituum.* 1. Machab. 15. v. 12. legimus Oniam, qui fuerat summus Sacerdos.... orasse pro omni populo Iudeorum. Et v. 14. *Jeremiam multum orasse pro populo.*

Et verò fructum est ad viros sanctos, dum in terris nobiscum versantur, confugere, ut pro nobis apud Deum intercedant, quanto magis ad Sanctos,

Tournely de Incarnatione.

Cc qui

qui cum Christo in Cœlis triumphant? Primum licitum esse, nemo non agnoscit. Lib. 1. Regum c. 7. v. 8. Judai Samuelem alloquentes, *Ne cesses, inquit, pro nobis clamare ad Dominum Deum nostrum, ut salvet nos de manu Philistinorum.* Quin & Deus ipse amicos Job jubet ad ejus preces confugere, ut veniam obtineant, Job c. ult. v. 8. Apostolus pariter Rom. 15. v. 30. *Obsecro vos fratres, inquit, per Dominum nostrum Jesum Christum & per charitatem S. Spiritus, ut adjuvetis me in orationibus vestris pro me ad Deum.* Item Epistola ad Thessal. cap. 5. v. 25. *Fratres, inquit, orate pro nobis.*

Dicant porro nobis adversarii, cur laudem habeat Sanctorum in terris degentium invocatio, non autem eorundem Sanctorum, cum Deo aperte in Cœlis fruuntur? Nonne una est triumphans in Cœlis, ac in terris dimicans Ecclesia? Nonne quotidie recitantes Symbolum, Sanctorum communionem profiteantur? Communio porro illa spectat Sanctos, tum hic, tum in Cœlis degentes. An minus Deo grati sunt Sancti in Cœlis, quam in terris? An minor eorum apud Deum gratia & auctoritas?

At audire non possunt Sancti, aiunt Novatores, qui tam longè diffiti à nobis sunt. Egregia verò, & planè puerilis ratio! Quasi Deo modus desit, quo preces nostras Sanctis manifestet, vel Angelorum ministerio, vel immediata revelatione, quemadmodum Prophetis futura revelabat: vel in sua ipsa essentia, aut visione beatifica. At Sanctos invocare, aiunt rursus, Christo soli Mediatori nostro detrachere est; neque enim in alio, quam in ipso, spem nostram collocare licitum est. Quis nostrum id unquam negaverit? Quis nostrum spem suam in alio collocat, quam in Christo, qui est auctor ac consummator fidei, cujus sanguine nos redempti sumus? An aliquid ex Sanctis, quod ipsis proprium sit, speramus? absit: quidquid in illis est, à Deo est per Christum. Neque gratiam, neque gloriam ab iis, tanquam utriusque auctoribus, postulamus aut speramus, absit: non alio fine, nec alia mente eos invocamus, quam ut suis apud Deum precibus, cœlestia, quibus indigemus bona, nobis impetrent. An idololatriæ vel minimæ umbra hic apparet? Unum Mediatorem Deum inter & homines Christum Jesum agnoscimus ac profiteamur, neque Sanctorum invocatio vel minimum Mediatori Christo detrahit: Christus etenim unus Mediator est, solutione pretii pro redemptione nostra; Sancti verò mediatores dumtaxat dicuntur, intercessione. Cum invocamus Christum, his utimur verbis, *Miserere nobis;* ad Sanctos verò dicimus, *Orate pro nobis:* quibus certè significamus latum & amplum discrimen esse inter modum quo Christum, & Sanctos invocamus. Intercedit quidem, & pro nobis Patrem etiam interpellat advocatus noster ac pontifex Christus Jesus, ac jure, & soluto pro nobis pretio, illudque Deo offerendo, intercedit: non ita Sancti, qui non nisi precibus & ex charitate Deum per Christum flectere ad misericordiam constantur.

Doctrinam hanc Ecclesiæ summa æquitate ac sapientia Conc. Trid. Sess.

T. 14. 25. expressit his verbis: *Mandat S. Synodus Episcopis.... ut Fideles diligenter instruant docentes eos, Sanctos, unâ cum Christo regnantes, orationes suas pro hominibus Deo offerre; bonum atque utile esse suppliciter eos invocare; & ob beneficia impetranda à Deo per Filium ejus Jesum Christum Dominum nostrum, qui solus noster Redemptor ac Salvator est; ad eorum orationes, opem auxili-*
lium-

Conc. p.
895. A.
B.

liumque confugere. Deinde contrarium sentientes Concilium damnat: Illos verò, pergit, qui negant, Sanctos aeterna felicitate in Caelo fruenter, invocandos esse; aut qui asserunt, vel illos pro hominibus non orare, vel eorum, ut pro nobis etiam singulis orent, invocationem esse idololatricam; vel pugnare cum verbo Dei, adversarique honori unius Mediatoris Dei & hominum Jesu Christi; vel stultum esse, in Caelo regnantibus voce vel mente supplicare, impiè sentire. Qua in definitione Concilii observa, in hoc uno harere fidem, bonum atque utile esse Sanctos invocare: non additur, necessarium omnino esse ad salutem illos invocare; quamquam, ut paulò antè de cultu Sanctorum diximus, gravi culpa non vacaret & salutis suæ negligens haberetur, qui vel ex incuria, multò magis ex contemptu, tam pium ac laudabilem usum non observaret.

Et Sess. 22. cap. 3. idem Concilium de Missis in honorem Sanctorum celebrari solitis sic statuit: *Quamvis in honorem & memoriam Sanctorum nonnullas interdum Missas Ecclesia celebrare consueverit, non tamen illis sacrificium offerri docet, sed Deo soli, qui illos coronavit. Unde nec sacerdos dicere solet, Offero tibi sacrificium, Petre vel Paule: sed Deo de illorum virtutibus gratias agens, eorum patrocinia implorat, ut ipsi pro nobis intercedere dignentur in Caelis, quorum memoriam facimus in terris.* ibid. p. 853. E.

Catechismus Romanus seu Concilii Trid. parte 4. titulo: *Qui orandus*, paucis catholicam doctrinam exponit. Non eodem modo, inquit, Deum & Sanctos imploramus. Nam precamur Deum, ut ipse vel bona dei, vel liberet à malis: à Sanctis autem, quia gratiosi sunt apud Deum, petimus ut nostri patrocinium suscipiant, ut nobis à Deo impetrent ea, quorum indigemus. Hinc duas adhibemus precandi formulas, modo differentes: ad Deum enim propriè dicimus, *Miserere nobis, Audi nos; ad Sanctum, Ora pro nobis. Quamquam licet etiam alia quadam natione petere à Sanctis ipsis, ut nobis misereantur; sunt enim maxime misericordes. Ita precari possumus eos, ut conditionis nostræ miseria permoti, sua nos apud Deum grata, ac deprecatione juvent.*

Si ad hæc testimonia vel tantillum attendere voluissent Novatores nostri, prorsus abstinuissent à tot mendaciis ac calumniis quibus Catholicam doctrinam de invocatione Sanctorum deprimerè ac deformare conati sunt: Concilium enim Tridentinum ejusque Catechismus, occupat ac funditus evertit vanos illos ac fictitios prætexus, quos illi obtinent, ut dicant cultum & invocationem Sanctorum idolatricum esse, ac Christo Mediatori & Redemptori omnino contrarium.

Probatur 2. Conclusio ex perpetua & constanti Ecclesiæ praxi ac doctrina quæ in Conciliis declarata fuit. In Ephesino S. Cyrillus ejus Præfæs, beatum Joannem invocat in Oratione quam ibi habuit diè illa sacra. T. 3. Com. p. 1023 E.

In Chalcedonenſi Act. 11. de S. Flaviano dicitur, *Flavianus post mortem vivit: Martyr pro nobis orat.*

In Nicæno II. quod est generale VII. in decreto fidei Actione 4. sancitum: *A. Com. est honorandos esse Sanctos, & eorum intercessionem postulandas, ut v. 2. p. 97. A. lentes nos familiares reddere regi omnium Deo. Et Act. 6. Ergo eum timore Dei T. 7. Com. omnia faciamus, expetentes etiam intercessionem interemerata dominæ nostræ & B. p. 541. natura Dei genitricis semper Virginis Mariæ, atque sanctorum Angelorum, & D. B. simul omnium Sanctorum.*

Accedit antiquissimarum ac ferè omnium Liturgiarum usus, in quibus cum laude Sancti appellantur & invocantur, ut pro nobis intercedere dignentur in Cælis quorum memoriam veneramus in terris.

Hanc esse Ecclesiæ fidem ac traditionem unanimi consensu Veteres testantur.

P. 376. S. Irenæus L. 5. adversus hæreses c. 19. Mariam comparans cum Eva, a. 1. ait: Quæmadmodum enim illa per Angeli sermonem seducta est, ut effugeret Deum, prævaricata verbum eius; ita & hæc per angelicum sermonem evangelisata est, ut portaret Deum, obediens verbo eius. Et si ea inobedierat Deo; sed hæc suasa est obedire Deo, uti virginis Evæ Virgo Maria fieret advocata.

At, inquit Editor Anglus Operum S. Irenæi, Licet vox, advocata, patronam quæ pro altera intercedat, hic significaret, nihil tamen de beata Maria tam defuncta eam accipere cogeret. Et si concedatur, illam nunc pro Fidelibus vivis universis consideratis intercedere, id quod moderatores Protestantium Doctores meritò admittunt, nec inde quidem eius invocatio à singulis facta probari posset, quòd incertum, ne dicam falsum sit an audiat, vel possit audire, simul tot mille hominum compellationes. Lepida profectò ratio! Timet procul dubio Auctor, ne Maria defatigetur tot mille hominum compellationibus. Timet ne non possit audire, tam longè à se distantes; timet ne minùs auctoritatis habeat defuncta, quàm habuit viva. Quis tam otiosus, ut tot nannias seriò refellere possit?

Origenes Hom. 3. in Cant. Omnes Sancti, inquit, qui de hac vita decesserunt, habentes adhuc charitatem erga eos, qui in hoc mundo sunt, si dicantur. I. tur curam gerere salutis eorum, & invocare eos precibus suis, atque interventu suo apud Deum; non erit inconveniens; scriptum namque est in Libris Machabæorum, Hic est Jeremias Propheta Dei, qui semper orat pro populo Dei. Idem. Hom. 26. in c. 31. Num. Quis dubitat, inquit, quòd Sancti quoque Patrum & orationibus nos juvent, & gestorum suorum confirmant exemplis?

S. Cyprianus Epist. 57. ad Cornelium Summum Pontificem, rogat ut qui ex alterutro prior è vita discesserit, pro superstitibus, aliisque fratribus divinam imploret misericordiam. Memores, inquit, nostri invices simus, pag. 91. concordēs atque unanimes, pressuras & angustias mutua charitate relevemus; & si quis isthinc nostrum prior divina dignationis celeritate præcesserit, perseveret apud Dominum nostra dilectio; pro fratribus ac sororibus nostris apud misericordiam Patris non cesset oratio.

2. 662. Eusebius Lib. 12. Preparationis Evang. cap. 11. Quæ quidem, inquit, in 3. C. hominum Deo charissimorum obitu egregie conveniunt, quos vera pietatis militibus appellari. Nam & eorum sepulchra celebrare, & preces ibi votisque nuncupare, & beatis illorum animas venerari consueverimus, idque à nobis meritò fieri statuimus.

S. Hieronymus Libro adversus Vigilantium, ex profectò rem nostram T. 4. f. 2. agit. Sicis in Libello tuo, ait S. Doctor alloquens Vigilantium, quòd dum pag. 283. vivimus, mutuo pro nobis orare possumus; postquam autem mortui fuerimus, nullus sit pro alio exaudienda oratio: præsertim cum Martyres ultiones sui sanguinis obsecrantes, impetrare non quæverint. Si Apostoli & Martyres adhuc in corpore constituti, possunt orare pro cæteris, quando pro se adhuc debent esse solliciti, quantò magis post coronas, victorias, & triumphos? Unus homo.

Moyse.

Moyſes ſexcentis millibus armatorum impetrat à Deo veniam; & Stephanus imitator Domini ſui, & primus Martyr in Chriſto pro perſecutoribus veniam deprecatur; & poſtquam cum Chriſto eſſe cœperint, minus valebunt?

Superfluum foret ex quarto & ſubſequentibus ſæculis plura hic referre teſtimonia : hac laboris parte ſublevavit nos Dallæus Calviniſta . Is quippe veritate ſuperatus fateri coactus eſt, uſum invocandi Sanctos jam quarto Eccleſiæ ſæculo invaluiſſe, cujus ipſemet multa laudat fidei indubitæ teſtimonia ex SS. Ambroſio, Hieronymo, Auguſtino, Baſilio, Chryſoſtomo, Gregorio Nazianzeno &c. ſed decretorio ſuo judicio ille pronuntiat, Patres illos innovaſſe, ac ritum tribus primis Eccleſiæ ſæculis incognitum eos in Eccleſiam induxiſſe. Res proſectò mira! Dallæus decimo ſeptimo Eccleſiæ ſæculo, oculatior fuit in dignoſcenda trium priorum ſæculorum doctrina & diſciplina, quàm tot Præſules, tot Paſtores, tot Fideles, qui immediatè poſt vixere, & à majoribus ſibi quaſi per manus traditam doctrinam & diſciplinam receperunt, & ad hanc uſque diem conſtanter retinuerunt: quaſi Epifcopi, Paſtores, Fideles omnes ſtatim ad rei novitatem turbati non reclamaſſent, ſi reiſa novus & incognitus ipſis propoſitus fuiſſet Sanctos honorandi ac invocandi ritus. Facile non patitur populus Chriſtianus, ubi de Religione agitur, ſe ad novos mores rituſque de repente tranſferri: ſi ergo, ut fatetur Dallæus, quarto Eccleſiæ ſæculo plenè & abſque ulla contradicitione confirmatus fuit Sanctos invocandi ritus, dubio procul jam antea invaluerat.

Et verò hujus cultus ac invocationis veſtigia non defunt ſecundo Eccleſiæ ſæculo. In Actis quippe Martyrii tum S. Ignatii in Antiochena Sede S. Petri poſt Evodius ſucceſſoris, tum S. Polycarpi, qui Joannis diſcipulus fuit, legimus illos ſanctos Martyres à fidelibus hujus ætatis invocatos fuiſſe . S. pariter Irenæus, qui ſecundo floruit Eccleſiæ ſæculo, obiit enim an. 201. hujus invocationis mentionem facit loco paulò antè citato . Initio verò tertii ſæculi ſub Severo, de virgine ac martyre Potamiana hæc narrat Eufebius L. 6. Hiſt. c. 5. *Cum vulgus eam, (dum ad ſupplicium ducebatur) vexare, & obſenis verbis illudere ei conaretur, Baſilides quidem eos qui contumeliam virgini faciebant abſterrens propellebat, multaque miſericordie & humanitatis erga illam præbebat indicia. illa verò benignitatem hominis erga ſe libenter amplectens, bono animo eum eſſe ſuſſit: ſe namque poſt obitum ſalutem ipſius à Domino impetraturam, & collata in ſe beneficia brevem remuneraturam eſſe.* Promiſſis ſtetit virgo, ac brevi poſt: ut narrat ibidem Hiſtoricus, ad fidem converſus fuit, & glorioſe martyr pro Chriſto occubuit Baſilides. Ejuſdem ſæculi illuſtre teſtimonium præbet S. Cyprianus, (obiit martyr ann. 258.) tum L. de habitu virginum, ubi coronandas martyrio virgines rogabat, ut obtenta virginitatis ac martyrii corona, ſui apud Deum meminerint; tum in Epistoſa jam laudata ad Cornelium Summum Pontificem ..

Nec te moveat. quòd ex primo ac ſecundo ſæculo non ita frequentia nobis occurrant exempla. Ratio in promptu eſt: tum quia pauca hujus ætatis SS. Opera ad nos pervenerunt: tum quia tunc temporis furente Tyrannorum perſecutione, Epifcopi ſolliciti magis erant inſtruendis; & ad martyrium formandis Fidelibus, quàm Libris ſcribendis.

Tournely de Incarnatione,

Cc 3

Dices:

Dices : Canone 35. antiquissimi Concilii Laodicensi , cultus Angelorum, vel idololatriæ, prohibetur. En verba: *Quod non oportet Christianos, relicta Dei Ecclesia, abire, & Angelos nominare, vel congregationes facere, quod est prohibitum. Si quis ergo inventus fuerit huic occultæ idololatriæ vacare, sit anathema, quia reliquit Dominum nostrum Jesum Christum, & accessit ad idololatriam.*

Confirmatur ex Theodoro, qui in ista Apostoli verba Coloss. 2. v. 18. *Nemo vos seducat volentes in humilitate, & religione Angelorum quæ non vidit ambulans, hæc scribit: Qui Legem defendebant, eos etiam ad Angelos colendos inducebant, dicentes Legem per eos datam. Mansit autem diu hoc vitium in Phrygia & Pissidia. Proinde Synodus quæ convenit apud Laodicem, quæ est Phrygia, lege prohibuit ne precarentur Angelos. Et in hodiernum usque diem Oratoria sancti Michaelis apud illos illorumque finitimos videre est. Illi ergo humilitate nimirum ducti hoc fieri suadebant, dicentes universorum Deum nec cerni, nec attingi, nec comprehendi posse; & oportere per Angelos divinam sibi benevolentiam conciliare.*

Duplex Resp. duplicem esse Decreti Laodicensi, ac Theodoretici illud commemorantis interpretationem, unam Bellarmini, alteram Baronii. Bellarminus L. 1. de beatitudine Sanctorum c. 20. respondet Apostolum, & postea Synodum Laodicenam, damnare hæresim Simonis magi, qui Platonicos sequutus, docuit quosdam Angelos adorandos quasi minores deos, qui & mundum fabricarunt, & per Prophetas locuti sunt, nec posse ullum placare summum Deum qui invisibilis est, nisi per hos Angelos. S. Hieronymus q. 10. ad Algasiam, & Haymo in hunc locum, docet, reprehendi eos, qui sacrificabant Angelis; nec ab his dissentit Theodoretus, imò ipse clarissime omnium docet notari hic Simonianos, qui dicebant, Deum apprehendi non posse, sed per Angelos placandum. Huic interpretationi favet vel ipse citatus Concilii textus, quo damnantur occultæ idololatriæ servientes. Favet etiam quòd certò constat ex Epiphanio hæresi 60. & Augustino hæresi 39. extitisse olim Hæreticos Angelicos, sic dictos quòd Angelos adorandos, cultuque latræ soli Deo debito colendos esse docerent.

Quod verò Theodoretus dicit de Oratoriis S. Michaelis, pergit Bellarminus, duobus modis potest intelligi: uno modo, quòd velit dicere, Hæreticos ædificasse Oratoria S. Michaeli, ut eum ibi colerent, secundum hæresim Simonis, ei sacrificando &c. altero modo, quòd significare voluerit, templa ab Hæreticis extructa ad sacrificandum malis Angelis, esse conversâ à Catholicis in Oratoria S. Michaelis, & ex multitudine talium locorum colligi, quàm multum hæresis Simonis ibi olim grassata fuerit.

Itaque Canon Laodicenus non piam quamlibet Angelorum venerationem damnat ac prohibet, sed eam dumtaxat quæ latræ dicitur, & soli Deo propria est.

Baronius ad an. Christi 60. n. 15. & sequentibus usque ad 20. ratus neque Simonem, neque Cerinthum, nec quamquam Judæorum hæreticorum docuisse unquam Angelos adorandos esse, Theodoretum purantem Decretum Synodi Laodicensis spectare Hæreticos Legem Judaicam defendentes, carpit; ac interpretationem Canonis Laodicensi de cultu Angelis abjudicando, peri-

Secunda
exposi-
tio Ba-
ronii.

periculosam existimat. Censet igitur, hoc Canone Laodiceno piam ac religiosam venerationem falforum deorum; illorum nempe quos idololatraz Gentiles & Magi venerabantur, Christianis interdiciam esse; idque sic probat: Præcedente Canone 34. veri Martyris cultus religiosus recipitur, falforum verò Martyrum supersticiosa veneratio prohibetur: dum ergo sequente Canone subiungitur Decretum ad cultum Angelorum reformatum pertinens, manifestum est Synodum voluisse, ut veri Angeli, qui æternam salutem adepti sunt, sicut veri Martyres colantur; falforum autem Angelorum, sicut & pseudomartyrum, cultus ac veneratio sub poena anathematis vitetur. ~~Idcirco~~ autem Angelos, quos Gentiles & Magi religiosè colebant, gentios fuisse ait Baronius, quorum gratia ipsi, ut ex Censorio de die natali, & Macrobio in Saturnaliis constat, diem Natalitium celebrantes, affines & amicos suos convocabant; seu quod ait Canon, *ad Angelos idololatriæ abominandæ congregationes faciebant*: quamquam probabilius esse iudicet, per falsos Angelos intelligi debere dæmones, quos cum illi ad magias suas perficiendas occultè invocarent, à Patribus hujus Concilii Idololatriæ nominati sunt; cum verò ad imposturas suas honesto nomine velandas, prosterentur se *Angelos invocare*, ut ait Tertull. in Apologet. c. 23. Idololatriæ occulti appellantur, quòd nimirum idololatriam honestissimo Angelorum nomine velatam & occultatam committerent.

In hoc igitur differt duplex mox adducta Canonis Laodiceni expositio, quòd Bellarminus velit hoc Canone Angelorum cultum prohiberi contra Simonem, Cerinthum & alios Judaizantes; Baronius verò existimet verum Angelorum cultum contra Gentiles & Magos, stabiliri ac confirmari.

Dices 2. Rom. 10. v. 14. *Quomodo invocabunt in quem non crediderunt?* At in Deum solum credimus: *Credo in Deum*, ait Symbolum fidei. Et Christus ipse formam orandi præscribens, ait: *Orantes dicite, Pater noster* &c. Et Lucæ 11. *Petite & accipietis*. A quo? à Deo ipso, qui solus est cœlestium beneficiorum auctor ac largitor. Ab Angelis ergo & Sanctis nihil petendum, quia nihil ab iis speramus aut accipimus.

Resp. 1. dist. In Deum solum credimus, tanquam objectum primum fidei; concedo: tanquam unicum objectum, per exclusionem aliorum fidei Mysteriorum; nego. Apostoli mens ac scopus est necessariò prædicandum Evangelium, ut verus Deus ac Christus, cujus invocatione salus obtineri dumtaxat potest, innotescat: quomodo enim invocari potest, nisi cognoscatur? *Quomodo invocabunt in quem non crediderunt?* Invocatur ergo Christus tanquam salutis nostræ auctor, tanquam Mediator ac Redemptor; gratiæ & gloriæ largitor & auctor, in quo spem omnem nostram collocare debemus, à quo, qui petit, accipit. Angeli autem cæterique in Cœlis degentes Sancti invocandi sunt; ut Dei amici, ut intercessores nostri, qui plurimum gratiæ & auctoritate valent apud Deum: nempe ut cœlestem opem, qua indigemus, nobis advovent. Hoc unum ab iis petimus; hoc unum ab iis speramus: non ut cœlestia dona nobis ipsi conferant, ab sit; sed ut à Deo ea pro nobis impetrent.

2. Christus orandi quidem formam & modum præscribit: at malè inde inferunt Novatores, excludi, aut damnari laudabilem Sanctos invocandi motem; aliàs nec Spiritus sanctus, vi laudati textus; invocandus foret,

quā tantum dicitur, *Orantes dicite, Pater noster &c.*

Si qui verò ex SS. Patribus, quos Novatores nobis opponunt, dicant *solum Deum invocandum esse*; sensu mox adducto exponendi sunt, nempe *solum Deum & Christum invocandum esse*, ut gratiæ auctorem, ut Mediatorem ac Redemptorem nostrum; Angelos verò & Sanctos invocandos esse ut Dei amicos, ut patronos nostros, intercessores, advocatos.

Dices 3. Superfluum est invocare Sanctos qui preces nostras audire non possunt, eas præsertim quas sola mente interius fundimus. 1. Quia solus Deus scrutatur corda & renes. L. 3. Reg. c. 8. v. 39. 2. Job 14. v. 21. de mortuo homine dicitur: *Sive nobiles fuerint filii eius, sive ignobiles non intelliget*. 3. De omnibus vita functis sic pronuntiat Sapientia, Ecclesi. 9. v. 5. *Viventes sciunt se esse morituros; mortui verò nihil noverunt amplius.*

Resp. ad primum, solum Deum propria quidem auctoritate corda scrutari, ac internas animi cogitationes cognoscere; Angelos verò & Sanctos ex Beneficio & notitia à Deo concessa. Ad secundum & tertium eadem est responsio: nisi malueris verba Sapientiæ sic exponere; nempe mortuos in isto naturæ lumine propriæque vi non magis rescire quæ hic aguntur, quam nos sciamus quid agant mortui in vita altera.

Qua porrò ratione Beati preces nostras cognoscant, certò definire non possumus: sive id fiat Dei revelatione, sive per species à Deo ipsis impressas, sive per visionem ipsam beatificam, sive per ministerium Angelorum, istud proorsus incertum: at dubium non est, quin Sancti quæ nostra sunt, cognoscant, iisque, pro amore quo nos prosequuntur, afficiantur. Nonne Elias post obitum suum Joram Regem, datis ad eum litteris, corripuit? Paralip. 2. cap. 21. Nonne Angelus Raphael offerebat Deo Tobia orationes? Nonne Jeremias Propheta, & Onia Sacerdos, ut jam observavimus, Deum deprecati sunt, ut Judæos à durissimo jugo quo premebantur, liberaret? Nonne Abraham Joan. 8. v. 56. *exultavit ut videret diem Christi*; id est verbi Incarnationem: *Vidit & gavisus est*? Nonne idem Patriarcha in Cælis degens novit divitis epulonisin inferis cruciatus ac tormenta? Lucæ 16. v. 23. Nonne Angeli in Cælo gaudium sentiunt, *super uno peccatore poenitentiam agente*? Nonne Martyres Apocal. 6. v. 9. sciunt tortores suos adhuc in terris versari, & nondum sanguinis sui effusi pœnas, quas reposcunt, dedisse? Certa hæc sunt apud omnes & indubitata: quomodo verò hæc omnia, Angelis, Prophetis, Patriarchis, aliisque Sanctis cognita sint? conjecturis dumtaxat, non certò definire possumus: Deum interrogent Novatores, si certò hæc scire voluerint.

De cultu Crucis, Reliquiarum ac Imaginum Sanctorum.

De cultu Crucis.

Summo reverentiæ ac religionis sensu Christi Crucem, tanquam salutis ac ademptionis nostræ pretiosum instrumentum persecuti sunt Christiani, cuius etiam signum omni ferè occasione in se exprimunt, atque in omni Ecclesiastica cæremonia usurpant. *Ad omnem progressum*, ait Tertull. L. de coro-

corona militis; cap. 3. atque promotum, ad omnem aditum & exitum, ad vestitum, ad calceatum, ad lavacra, ad mensas, ad lumina, ad cubacula, ad sedilia, quandocumque nos conversatio exercet, frontem Crucis signaculo serimus. Et S. Augustinus Tract. 118. in Joan. ad finem, *Quid est, quod omnes novimus, signum Christi, nisi Crux Christi? quod signum nisi adhibeatur, sive frontibus credentium; sive ipsi aqua ex qua regenerantur; sive oleo quo christumate unguntur; sive sacrificio quo aluntur, nihil eorum rite perficitur.* Plura de usu, de prestantia, necessitate & efficacia signi Crucis Veterum testimonia lege apud Bellarminum L. 2. de Imaginibus Sanctorum cap. 29. Operatur autem signum Crucis, tum ex opere operantis, ratione fidei, pietatis & orationis eorum qui illud adhibent; tum interdum ex opere operato, pellendo dæmones, morbos sanando &c. Deo ita liberaliter concedente. Dico interdum; namque infallibili Dei promissione effectus illi signo Crucis, aut aquæ benedictæ, cæterisque Sacramentalibus annexi non sunt.

T. 3. p.
2. pag.
801. f.

De cultu seu adoratione Crucis agit Bellarm. L. 2. de Imaginibus Sanctorum cap. 26. & sequentibus, ubi plura eam in rem momenta congerit. 1. a Scripturis. 2. a mysteriis in ipsa Cruce significatis. 3. ab inventione Crucis, ex qua multiplex testimonium sumitur. 4. a testimoniis Veterum, qui passim referunt, quanto desiderio tenerentur Fideles habendi, aut saltem videndi particulas veræ Crucis, quod ad magnum Crucis honorem pertinere nemo dubitat. 5. ab Exaltatione Crucis. 6. Si, ait Bellarminus, locus in quo Angelus stetit, terra sancta est, Josue cap. 4. Exodi 3. Cur non magis Crux, ubi stetit Christus? Si sudaria & semicinctia Pauli honorabantur propter contactum, cur non magis Crux Christi sanguine respersa? Si Sacramenta honorantur, quia instrumenta gratiæ, cur non Crux, quæ instrumentum est redemptionis? Hæc porro fusiùs hic non prosequimur, quod sint apud omnes Catholicos certissima; & aliunde plus æquo hujus Voluminis moles excresceret.

T. 2. p.
321.

Hoc unum in quæstionem venit, sit ne Crux, seu ea cui verè affixus fuit Christus, seu alia quælibet ad ejus similitudinem efficta, verolatriæ cultu adoranda?

*An vera Crux Christi, vel imago ejus adoranda
sit cultu latriæ.*

Bellarminus L. 2. de Imaginibus SS. c. 20. quærens quo genere cultus Imagines sint honorandæ, tres modos distinguit quibus res aliqua honorari potest. 1. per se vel per accidens. 2. propter se, vel propter aliud. 3. propriè vel impropriè.

T. 2. p.
329. A.

I. Per se honoratur suppositum, in quo inest ratio venerationis; per accidens verò, id quod supposito adjunctum est: v.g. Rex per se honoratur, Regis purpura & alia adjuncta, per accidens.

II. Id honoratur propter se, quod habet in se rationem venerationis ab alio non dependentem: hoc modo sola natura rationalis est venerabilis. Id verò propter aliud honoratur, quod habet quidem in se causam honoris, quæ tota pendet ab alio: hoc modo signa rerum sacrarum veneratione digna sunt, habent enim in se relationem similitudinis, sive representationem rei sacræ,

ac proinde quamdam excellentiam, sed illa tota pendet ab ipsa re sacra : Secundus ille modus incidere videtur in cultum absolutum vel relativum.

III. Potest aliquid honorari propriè vel impropiè. Id propriè dicitur honorari, quod verè ratione sui ipsius honoratur: impropiè verò, quod honoratur loco alterius. Legatus Regis aliquando honoratur ut Legatus ; & tunc propriè ipse dicitur honorari, licet propter alium honoretur: aliquando honoratur loco Regis, honore proprio Regibus; & tunc ipse impropiè honoratur: propriè autem Rex in ipso tunc honoratur.

Revocari hic debet, quod hujus Quæstionis initio diximus, alium esse cultum latriæ, alium dulzæ, & hyperdulzæ. S. Thomas 3. p. q. 25. art. 4. in corp. Crucem Christi putat adorandam esse adoratione latriæ. *Si loquamur, ait, de ipsa cruce in qua Christus crucifixus est, utroque modo est à nobis veneranda: uno scilicet modo, in quantum representat nobis figuram Christi extensi in ea; alio modo ex consuetudine ad membra Christi, & ex hoc quòd ejus sanguine est perfusa. Unde utroque modo adoratur eadem adoratione cum Christo, scilicet adoratione latriæ. Et propter hoc etiam Crucem alloquimur & deprecamur quasi ipsum crucifixum.*

Hujus suæ sententiæ fundamentum ibidem art. 3. sanctus Doctor repetit ex Philosopho Lib. de memoria & reminiscencia, ubi docet, unum & eundem esse motum animæ in imaginem, ut imago est, & in rem ipsam seu exemplar cujus est imago; unde sequitur, eodem planè voluntatis actu; eodemque cultu honorari & imaginem & prototypum: quoniam nixus principio Doctor Angelicus, existimat Christi Crucem & imaginem adoratione latriæ coli & honorari posse ac debere, quia ipsi Christo debita est latriæ adoratio. Qui ex nostris Theologis eodem nituntur principio, idem pariter sentiunt de adoratione Crucis. Ita, judice Bellarmino, Alexander 3. p. q. 30. art. ultimo, S. Bonaventura, Marfilus, Almainus, Carthusianus, Capreolus, & alii. Nihilominus eorum mentem sic exponere conatur Bellarminus, quasi hoc unum illi voluerint, Crucem adorandam esse latriæ cultu tantum per accidens, vel propter aliud, vel impropiè, ut mox ex Bellarmino exposuimus.

T. 2. p. 2
329. G.

E contra ceteri vulgò Theologi cum eodem Bellarmino L. 2. de Imaginibus Sanctorum cap. 22. docent, nec Crucem; nec imaginem Christi cultu latriæ adorandam esse. Modus iste loquendi, *Crux; imago Christi adoranda est eo ipso cultu latriæ quo adoratur Deus*, offendit aures Catholicorum, ait ibidem Bellarminus, & præbet occasionem Hæreticis liberius blasphemandi; neccaret magno periculo: nam qui defendunt Crucem & imaginem Christi adorari latriâ, *coguntur uti subtilissimis distinctionibus, quas vix ipsi intelligunt; nedum populus imperitus.* Itaque sit

16id. p.
330. B.

CONCLUSIO.

Neque vera Christi Crux, neque ejus imago, adoratione latriæ est adoranda.

Ratio est, quòd latriæ cultus supremus est ac soli Deo debitus; nulli ergo creature deferri unquam potest. Neque dicas cultum latriæ quo vera Christi Crux honoratur, esse dumtaxat improprium ac relativum, qui non Cruci propter se, sed propter Christum impenditur. Namque, ait Bellarmi-

nus,

nus, de essentia vera latriz est exhiberi propter se: latría enim dicitur summus cultus, qui debetur vero Deo ut primo principio rerum omnium; implicat autem contradíctionem, exhiberi summum cultum primo principio propter aliud. Nam si primo principio, non ergo propter aliud: si propter aliud, non primo principio; ergo vel Cruci exhibetur cultus latríæ propter se, & hæc esset vera idololatria; vel non exhibetur propter se, & tunc cultus ille non est vera latría. Præterea, vel ista latría, quæ exhibetur Cruci propter aliud, est idem cultus cum eo qui exhibetur Deo, vel alius minor; si idem; ergo æquè colitur creatura ac ipse Deus, quæ certè idololatria est: nam idololatria non solum est, cum adoratur idolum iure lícito Deo, sed etiam cum adoratur idolum simul cum Deo: *Deos aureos & deos argenteos non facies mecum*. Si verò cultus ille minor est, non ergo est latría: hæc enim summus cultus est. Hætenus Bellarminus.

Probatúr præterea Conclusio auctoritate Concilii Nicæni, quod est septimum generale anno 787. in definitione de cultu Imaginum Actione 7. ubi Patres statuunt omnibus Imaginibus, etiam Christi, non aliam quàm honorariam impendi adorationem. *Et ad honorariam*, inquit, *his adorationem tribuendam: non tamen ad veram latríam, quæ secundum fidem est, quæque solam divinam naturam decet, impartiendam: ita ut istis, sicuti figuræ pretiosæ ac vivificæ Crucis, & sanctis Evangeliiis, & reliquis sacris monumentis, incensorum & luminum oblatio ad harum honorem efficiendum exhibeatur*. Et Actione 3. ejusdem Concilii, Basilij Ancyranus & Constantinus Cypri Episcopus, abjurantes hæresim, dicunt se recipere & colere Imagines, non tamen latríæ. Hanc Concilii definitionem haud dubiè ignotavit S. Thomas, quam nullibi laudat.

T. 7.
Conc.
pag.
555.D.
B.

Ibid. p.
187.

Accedit & auctoritas S. Ambrosij Oratione de obitu Theodosij, ubi de Helena Constantini Imperatoris matre sic loquitur num. 46. *Invenit ergo titulum (Crucis) Regem adoravit, non lignum utique; quia hic gentilis est error, & vanitas impiorum: sed adoravit illum qui pendens in ligno, scriptus in titulo*. Et S. Hieronymus in Epistola ad Riparium, de Martyribus ait: *Honoramus reliquias Martyrum, ut eum cuius sunt Martyres adoremus. Honoramus servos, ut honor servorum redundet ad dominum*. Si redundat ad dominum, non idem ergo omnino est, sed minor.

T. 2. p.
1211.A.

T. 4. p.
2. pag.
279.

Dices 1. Communis ac trita est Christiani populi vox, nos Crucem adorare, ante quam genua flectimus, ac toto corpore prosternimur. S. Hieronymus Epist. ad Eustochium de obitu Paulæ, *Prostrata*, inquit, *ante Crucem, quasi pendentem Dominum cerneret, adorabat*.

Ibid. p.
673.

Resp. adorationis nomen revera usurpari à Catholicis, tùm de cultu Crucis agunt: verum etiam est, ante illam nos genua flectere, toto corpore prosterni, illi oscula dare &c. Verùm hæc latríam veram non indicant: coram Regibus genua flectimus, toto corpore prosternimur; neque tamen eos latría honoramus.

Nomen adorationis, ut initio hujus Quæstionis observavimus, commune est, cujus sensus determinatio pendet, tùm ex objecto quod honoratur, tùm ex animo seu intentione honorantis: at certum est nos, seu voce adorationis, seu corporis conformatione, significare nolle, vero latríæ cultu à nobis adorari Crucem aut imaginem Christi, sed tantùm majorem honorem

ac

ac cultum ei nos deferre, quam cæteris Sanctorum imaginibus. Paula, de qua S. Hieronymus, Crucem non adorabat, sed Christum, quem sibi representabat in Cruce pendentem.

Dices 2. De cruce Ecclesia canit: *O crux, ave spes unica: auge piis iustitiam, reisque dona veniam.* Rursus, *O crux adoranda. Tuam crucem adoramus &c.*

Resp. cum Bellarmino, vel his verbis accipi Crucem pro ipso Christo, à quo salutis præsidia petimus; aliàs vi illorum verborum significaretur nos in ipsa Cruce, præcisè ut est Crux Christi, ac independentè ab illo, spem nostram collocare, ab ea nos aliquid petere ac sperare, quod falsum est: vel ea verba figuram rhetoricam continere, qua Ecclesia Crucem alloquitur, eo modo quo Moyses alloquitur cælum & terram, cum ait Deuter. 32. *Audite cælique loquor;* & eoetiam modo quo beatus Andræas Crucem alloquebatur, cum diceret, *O crux pretiosa, diu desiderata &c.* hac autem figura rhetorica significamus, nos desiderare fructum Crucis, id est, æternam salutem per merita Christi qui in Cruce pro nobis passus est. *Mibi absit gloriari,* ait Apostolus Galat. 6. v. 14. *nisi in cruce Domini nostri Jesu Christi, per quem mundus mihi crucifixus est, & ego mundo.*

Dices 3. S. Ambrosius L. de Incarnationis dominicæ sacramento cap. 7. ait, eadem adoratione colitur divinitatem Christi, & ejus Crucem. Num, ait, *cum in eo (Christo) imaginem Dei, crucemque veneramus, dividimus eum?*

Resp. S. Ambrosium per Crucem intelligere passionem ipsam Christi, seu carnem patientem, sicut per imaginem Dei intelligit divinitatem. Mensejus est, unum esse Christum Deum & crucifixum, & propterea cum adoratur Christus Deus, non separari ab illo humanitatem; & cum adoratur Christus cruci affixus, non separari divinitatem.

Dices 4. Honor imaginis transit in exemplar; igitur idem est honor imaginis & exemplaris: adeoque si exemplar colitur latría, ita & imago. Confirmatur: Quia mensura adorationis uniuscujusque rei, est ratio seu ipsa met excellentia rei, propter quam adoratur: sed ratio cur adoratur imago, alia non est quam excellentia exemplaris, ergo idem planè honor debetur imagini, qui & exemplari.

Resp. nego consequ. Licet enim honor Imaginis transeat in exemplar: licet eodem actu, seu motu anima feratur in imaginem & prototypum, (de quo tamen non consentiunt omnes Theologi) non sequitur eodem planè honore imaginem cum exemplari seu prototypo honorari. Annon, quæso, major ipsi Regis personæ reverentia & cultus debetur, quam aut ipsius imagini, aut vestimentis? At, inquires, nonne ex contactu corporis Christi crux majorem ac latræ honorem meretur? Majorem in ordine cultus religiosi seu sacri cultum haud dubiè meretur; at non latræ seu supremæ adorationis. An calix qui Christi verum continet sanguinem, an corporalia, patenæ, quæ verum Christi corpus tangunt, cultu latræ adorantur? non certè; ergo neque Crux Dominica. Ergo falsò prorsus Novatores idololatræ reos nos acculant, quod Crucem adoremus: eam certè, seu lignum in se non adoramus; sed Christum nobis animo præsentem, qui in cruce pependit.

De cultu sanctorum Reliquiarum.

CONCLUSIO.

Reliquiis Sanctorum meritò ac licitè religiosus cultus impenditur.

Probat: Quia ita fert antiqua Ecclesiæ praxis ac traditio, quæ innu-
meris ferè monumentis demonstrari posset. Ita Eusebius L. 7. Hist. cap. 19.
scribit summa cum reverentia in Ecclesia Hierosolymitana servatam esse S.
Jacobi Cathedralam. Sancti etiam Ignatii Martyris Reliquias summa cura
collegerunt & asservarunt Presbyteri & Diaconi Ecclesiæ Antiochenæ. Ruf-
finus L. 2. Hist. cap. 26. scribit S. Joannis Baptiste Reliquias Sebastæ sum-
mo cum honore asservatas fuisse. Hinc est quòd Celastinus S. P. in Episto-
la ad Concilium Ephesinum, Patribus hujus Concilii sic gratulatur: *Vos* T. 3.
Conc. p.
615. D.
Joannis Apostoli Reliquias presentes veneramini. Multa alia brevitatè cau-
sa prætermittimus. Cultus autem ille non sine ignorantia aut calumnia, ve-
lut idololatriæ, à nostris Novatoribus traducitur; idè enim honos illis de-
ferretur, ait Concilium Tridentinum Sess. 25. quia viva membra fuere Christi T. 14.
Conc. p.
896.
& templum Spiritus sancti: neque spem nostram in illis ponimus, absit; sed
solo in Deo, à quo per merita Christi & intercessionem Sanctorum, opem
& auxilium imploramus ac speramus.

In his verò potissimum consistit cultus qui SS. Reliquiis exhibetur. 1.
quòd sollicitè quarantur, ac cum honore asserventur. 2. quòd in Ecclesiis
honorificè collocentur. 3. quòd Sanctos, ad earum Reliquiarum conspe-
ctum, pro magistris ac doctores habere nos profiteamur. 4. quòd eas oculis,
contactu, luminaribus, thure, peregrinatione, solemnitate festorum,
pro more & usu Ecclesiarum probato, honoremus.

De cultu Imaginum.

Duo generatim erunt controversiæ præsentis capita. Primum; an usus
Imaginum antiquus sit in Ecclesia? Alterum: an cultus Imaginum licitus sit?
Prior questio facti est, altera dogmatis. Utrumque verò caput ampla Dis-
sertatione, quæ est de Imaginibus, prosecutus est Dallæus Calvinista, in qua
contendit 1. ante quartum Ecclesiæ sæculum vix cognitum fuisse Christianis
Imaginum usum. 2. religiosum earundem cultum omnino illicitum esse
ac idololatriæ plenum.

De prima Iconomachorum origine tractat Bellarm. Lib. 2. de Imagini-
bus Sanctorum cap. 6. quem consule. Verùm nullus majori furore in Imagi-
nes debacchatus est, quàm Imperator Leo Isauricus, qui Judæorum in-
iuratione publico Edicto anno 730. Imaginum usum extinguere ac penitus
aboleri jussit, unde Iconomachus cognomento appellatus. Huic fortè animo
resistere Germanus Constantinopolitanus Patriarcha, Joannes Dama-
scenus, Gregorius II. S. Pontifex, qui convocata Romæ Synodo an. 732. Epi-
scoporum 93. recentem hæresim proscripsit.

Impie-

Impietatem Leonis sequutus est Constantinus Copronymus hujus Leonis filius, qui coactio ex omnibus suæ dictionis partibus Episcoporum 338. Concilio anno 754. patris sui Decretum adversus Imagines confirmavit, imò & Pipinum Francorum Regem, in eundem errorem adducere tentavit: at frustra: vide Cointium in Annalibus Ecclesiæ Francorum ad annum 767.

Copronymo successit Leo ejus filius, paterni in Imagines odii ac furoris hæres.

Post Leonem imperavit Constantinus cum Irene matre sua, à quibus restitutus est Imaginum usus & legitimus cultus, convocata eam in rem anno 787. generali Synodo, Constantinopoli primùm inchoata, tum Nicæa absoluta, quæ VII. est generalis seu Oecumenica Synodus pro cultu & veneratione Imaginum. Cum autem hujus Synodi Acta latine malè reddita, Gallis nostris innotuissent, multorum animos commoverunt tum nomen *adorationis* quo Synodus frequenter utitur, tum ritus quidam honorandi Imagines, apud nos ea atate peregrini ac insoliti. Quapropter Carolus Magnus Imperator zelo fidei & antiquæ doctrinæ tuendæ incensus, quatuor Libros conscripsit, aut conscribi jussit, qui *Carolini* dicti sunt, adversus Synodum Nicenam. Quin & in Synodis Parisiensi & Francofordiensi Canone 2. Græcorum sententiam perstrinxit ac damnavit: quamquam, ut dicemus paulò post, errore facti actum id fuerit, ex falsa nempe opinione, Græcos cultu latræ Imagines adorare; unde VII. Synodo ad duodecimum usque sæculum nostri deinceps oblitere, ut liquet ex Eginhardo, Hincmaro, Adone &c. Tandem extinctam ferè Iconomachorum hæresim rursus excitavit Claudius Taurinensis Episcopus, Vvaldenses, Albigenes, Lutherani & Calvinistæ.

An Imaginum usus antiquus sit in Ecclesia.

Bellarminus L. jam citato cap. 7. demonstrat, licitum esse Imagines facere & habere. Cap. 8. non esse prohibitas Imagines Dei. Cap. 9. Imagines in templis rectè collocari. Cap. 10. Imagines utiles esse etiam extra historiam. Non permittunt præfixi nobis limites, ut in his persequendis hæreamus: ea consulat studiosus Theologiæ Candidatus.

C O N C L U S I O.

Non ita quidem frequens, attamen fuit aliquis apud Christianos tribus primis Ecclesiæ sæculis, Imaginum usus.

Prima Conclusionis pars, cum à Dallæo ustro admittatur, probatione non eget positiva, sed solo Veterum silentio demonstratur. Et verò manifesta ratio est, cur tribus primis Ecclesiæ sæculis tam frequens non fuerit Imaginum usus & cultus. Ex utroque scilicet populo, Gentili, ac Judæo, congreganda & formanda erat Ecclesia, omnisque scandali & offensionis occasio procul ab iis removenda. Judæi namque ex Legis suæ præscripto, ab omni simulacro seu imagine toti erant alieni; ex alia parte Gentiles simulacris, statuis, imaginibus, idolis toti immergi, in quibus aliquid divini latere arbitrabantur, ab illorum cultu avocandi erant, ut verum Deum in spiritu

ac veritate adorarent. Quapropter sapienter omnino Ecclesia voluit ab eorum oculis certo tempore imagines removeri, nec illis ad cultum proponi.

Secunda verò pars Conclusionis his exemplis ostenditur. 1. Statue anez quam in honorem Christi erexisse fertur mulier illa, quàm à profluxu sanguinis Christus liberavit. Rem sic narrat Eusebius L. 7. Hist. c. 18. *Non incongruum fuerit, ait, rem quamdam memoria in primis dignam posteris tradere.* Etenim mulierem illam sanguinis profluvio laborantem, quam ex sacris Evangelii discimus à Servatore nostro curatam fuisse, ex hac civitate (Pancade) originem traxisse ferunt; domumque ejus ibidem conspici; & collati in eam à Servatore nostro beneficii illustria extare monumenta. Quippe juxta januum domus illius, anea mulieris effigies flare dicitur columna lapidea imposita, genibus flexis, protensisque manibus instar supplicantis. Ex adverso autem effigies viri ex eodem metallo confecta, stantis ac diploide decenter induti, manumque mulieri porrigentis: ad cujus pedes in ipsa basi ignota quadam nasci dicitur planta, quæ ad sibi viam usque anea diploide assurgens, depellendis omnis generis morbis presentissimum remedium est. Hanc statuam Jesu Christi speciem referre aiebant. Mansit porro ad nostra usque tempora: nosque adeo urbem illam ingressi, ipsam conspeximus. Nec verò mirandum est, Gentiles à Servatore nostro beneficii affectos hac præstitisse, cum & Apostolorum Petri & Pauli, Christi que ipsius pictas imagines, ad nostram usque memoriam servatas in talibus viderimus. Quippe præsci illi, absque ullo discrimine, cunctos de se bene meritos gentili quadam consuetudine tanquam servatores colere huiusmodi honoribus consueverant. Hactenus Eusebius, qui propriis oculis inspexerat & statuam, quam mulier à Christo sanata in honorem ejus Pancade erexerat, & imagines tum Christi, tum Apostolorum Petri & Pauli depictas.

Secundum exemplum suppeditat Tertullianus, Christi scilicet sub specie pastoris ovem amissam ad ovile humeris suis reportantis, depicti in calicibus; unde Catholici duriorem Montanistarum disciplinam carpendi occasionem & argumentum sumebant. *Procedant, inquit nomine Montanistarum Catholicos fugillans L. de pudic. cap. 7. ipsa pictura calicum vestrorum.* Et c. 10. *Si forte, inquit, patrocinabitur pastor, quem in calice depingitis, prostitutorem & ipsum christiani sacramenti.* Pastor autem ille depictus, non quilibet, sed Christus erat: *Ovis propriè christiani, & Grex Domini Ecclesie populus, & pastor bonus Christus,* ait citato cap. 7. Tertullianus. Denique Concilium Eliberitanum prohibens Canone 36. picturas in Ecclesia fieri, non obscure indicat picturas in Ecclesia fuisse, quas certis de causis postea referendis, prohibet.

Superfluum videtur plura ex subsequentiis sæculis proferre usus Imaginum exempla & testimonia, cum hæc ultro agnoscat & fateatur Dallæus.

An licitus sit Imaginum cultus, & quo cultus colende sint.

Quatuor sunt eam in rem sententiæ.

Prima, omnino erronea, eorum scilicet qui non tantum omnem Imaginibus cultum & honorem denegant, sed eas delendas etiam è Templis, ubi collo-

P. 159.

B:

P. 163.

A.

P. 159.

B.

T. 1.

Cane. p.

974. D.

collocatz sunt, deturbandas, conterendas ac frangendas esse impiè opinantur, unde Iconomachi & Iconoclastæ dicti.

Secunda, Imaginem nullo modo in se colendam esse, sed solum coram Imagine colendum exemplar. Ita quidam, quos refert ac refellit Catharinus. Fundamentum hujus sententiæ est, dictum sancti Basilii sæpius relatum in VII. Synodo, *Honor Imaginis transit in exemplar*. Non ergo, concludunt hi Doctores, ipsa Imago est quæ honoratur, sed solum per illam & in illa honoratur exemplar. Non ablimili ferè effugio veteres Pagani, saltè Litte-
rati, ut invidiam tam crassè ac supinè, quæ ipsis objiciebatur, idololatriæ declinarent, reponebant, se non idola, non statuas auri vel argenti adorare, sed tantum latentes in iis deos, aut eorum virtutem. Ita S. Augusti-
nus in Psal. 113.

R. 1. p.

161.

¶ seq.

Tertia eorum est, qui eundem planè honorem & Imagini, & exemplari deferendum esse volunt; atque ita vera latræ adoratione coli debere & crucem, & imaginem Christi, quia Christus tali cultu honorandus est: de qua opinione paulò antè diximus.

Quarta denique sententia eorum est, qui dicunt, ipsas Imagines in se & propriè honorari debere, sed honore minori, quàm ipsum exemplar; ac proinde nullam prorsus Imaginem adorari debere cultu latræ. Ita Martinus Peresius in Libro de Traditionibus, Tractatu de Imaginibus; item Ambrosius Catharinus in Tractatu de Imaginibus; Sanderus L. 2. c. ultimo de Imaginibus: Gabriel, qui in 3. dist. 9. q. unica, & in canonem Missæ Lect. 49. ubi ait Imaginem adorari eadem adoratione cum exemplari, non tamen *unitè*, sed *analogicè*: hoc enim idem est dicere, ac Imagines coli cultu inferiori, quàm ipsum exemplar.

Observe 1. quod jam observatum fuit, aliquid honorari posse, per se, vel per accidens; propter se, vel propter aliud; propriè, vel impropriè.

Observe 2. cultum & honorem qui defertur Imaginibus, absolutum non esse, sed relativum, qui ad exemplar totus refertur ac terminatur.

Observe 3. nullum esse de colendis Imaginibus pro unoquoque Christiano positivum præceptum, sed negativum dumtaxat, quod semper obligat: nempe nusquam licet Imagines Sanctorum spernere, cultum ipsis exhibitum irridere, aut damnare; multò minùs eas delere aut frangere.

Observe denique, distingui hic apprimè debere dogma fidei, & disciplinam Ecclesiæ. Dogma fidei in eo præsertim est, *Christi, Deiparæ, & aliorum Sanctorum Imagines in Templis præsertim habendas & retinendas esse, eisquè debitum honorem & venerationem impertiendam*. Disciplina verò Ecclesiarum varia esse potest in modis seu signis quibus honos & cultus sacris Imaginibus debitus exprimitur, per oscula, thus, lumina, prostrationes &c.

Conc.

Trid.

Sess. 25.

T. 14.

Conc. p.

895. D.

P R I M A C O N C L U S I O.

Licitus est Imaginum cultus, nec idololatriæ incusandus.

Probatur 1. auctoritate Scripturæ. Quamvis enim Deus Judaico populo crasso & ad idololatriam proclivi, omne simulacrum prohibuisset, att-

attamen Exodi 25. duo Cherubim super Arcam ponuntur, & procul dubio aliquo in honore habebantur ab iis, qui prout Arcam adorabant. Numer. 21. Serpens æneus erigitur, ut qui cum alpehissent, à serpentibus vulnerati sanarentur. Quanto honore ac cultu à Judæis Arca Domini honorata fuerit, nemo nescit. Deuter. 10. v. 8. *Separavit Moyses Tribum Levi, ut portaret Arcam Domini.* Josue 3. v. 4. dum Arca portaretur, *Cavele, ajobat Josue, ne appropinquetis ad Arcam.* Ibidem c. 7. v. 6. *Josue pronus cecidit in terram coram Arca Domini usque ad Vesperam, tam ipse quam omnes senes Israel.* 1. Regum 6. v. 19. *Percussit Deus de viris Beisamitibus, eò quod vidissent Arcam Domini.* Et L. 2. Reg. c. 6. v. 7. cum Oza manum suam ad Arcam, non fortè caderet, extendisset, *percussus est à Domino super temeritate sua.* Narratur ibidem, quàm insigni pompa David in civitatem Sion Arcam induxerit. Quid verò erat Arca, nisi opus ex lignis manufactum? Attamen summo cultu ac reverentia Judæi eam venerabantur: non ergo ex se illicitus est, nec idololatriæ arguendus cultus qui rebus inanimatis & fictis impenditur, propter exemplar quod repræsentant & ad quod referuntur.

Probatur 2. Ecclesiæ Traditione & usu antiquo.

Philostorgius Hist. L. 7. c. 3. testatur æneam Christi statuam, de qua Eusebius paulò antè citatus, in diaconico loco decenti collocatam, non sine honore aliquo ac reverentia à Christianis habitam fuisse.

Edir.
Valef. p.
503. A.

S. Hieronymus in vita Paulæ, ait illam ante crucem Christi prostratam adorasse, quasi pendente in ea Christum vidisset. Et Epist. 44. aliàs 17. quæ est Paulæ & Eustochii ad Marcellam: *Venerabantur, inquit, quondam Judæi Sancta Sanctorum, quia ibi erant Cherubim, & Propitiatorium, & Arca testamenti.... Nonne Venerabilis tibi videtur sepulchrum Domini?*

T. 4. p. 2
p. 673.
Ibid. p.
548.

S. Ambrosius Oratione de obitu Theodosii, Sapienter, inquit, Helena egit, quæ Crucem Christi in capite Regum levavit & locavit, ut Crux Christi in regibus adoretur. Et Serm. 10. in Psalm. 118. *Qui, inquit, imaginem coronat Imperatoris, utique illum honorat, cuius imaginem coronavit; & qui statuam contempserit Imperatoris, Imperatori utique cuius statuam conspuerit, fecisse videtur injuriæ.*

T. 2. p.
1211. D.
T. 1. p.
1095.
De E.

S. Augustinus L. 3. de Trin. cap. 10. loquens de signis sacris, quales sunt Imagines, Litteræ, & Sacramenta: *Sed quia, inquit, hæc hominibus nota sunt, quia per homines fiunt, honorem tanquam religiosa possunt habere, stuporem tanquam mira non possunt.*

T. 8. p.
803. F.

Sanctus denique Gregorius Magnus L. 9. Epist. Indictione 2. Epist. 52. ad Secundinum, mittens ei Imaginem Christi, quam ille petierat, Scio, inquit, quòd Imaginem Servatoris nostri non ideo petis, ut quasi Deum colas, sed ob recordationem filii Dei in ejus amore recalcas, cuius tu imaginem videre desideras. Et nos quidem, non quasi ante divinitatem ante illam prosternimur, sed illum adoramus, quem per imaginem, aut natum, aut passum, sed & in throno sedentem recordamur.

T. 2. p.
771. D.

Probatur 3. decretis Conciliorum generalium VII. VIII. & tandem Tridentini.

Concilium Nicænum II. quod septimum est Oecumenicum, ex professio contra Iconomachos pro cultu & honore Imaginum ann. 787. convocatum,

Tournely de Incarnatione.

Dd

tum,

Tom. 7. tum, A& 7. in definitione fidei sic pronuntiat: *Sequentes divinitus inspira-*
 Conc. p. tum Sanctorum Patrum nostrorum magisterium, & Catholica traditionem Ec-
 555. C. clesie, (nam Spiritus sancti hanc esse novimus, qui nimirum in ipsa inhabitat) definimus in omni certitudine & diligentia, sicut figuram pretiosae ac vivificae crucis, ita venerabiles & sanctas Imagines proponendas, tamque de coloribus & tessellis, quam quae ex alia materia, congruenter in sanctis Dei Ecclesiis, & sacris vasis, & vestibus, & in parietibus ac tabulis, domibus & viis: tam videlicet Imaginem Domini Dei & Salvatoris nostri Jesu Christi, quam intemeratae Dominae nostrae sanctae Dei genitricis, honorabiliumque Angelorum, & omnium Sanctorum, simul & aliorum Virorum. Quando enim frequentius per imaginalem formationem videntur, tanto quis eas contemplantur, a lacrimis eriguntur ad primitivorum earum memoriam & desiderium, & ad osculum & ad honorariam his adorationem tribuendam. Non tamen ad veram latriam, quae secundum fidem est, quaque solam naturam divinam decet, impertiendam: ita ut istis, sicut figurae pretiosae ac vivificae crucis & sanctis Evangelis & reliquis sacris monumentis, incensorum & luminum oblatio ad harum honorem consociendum exhibeatur, quemadmodum & antiquae pia consuetudinis erat. Imagines enim honor ad primitivum transit; & qui adorat imaginem, adorat in ea depicti subsistentiam. Sic enim robur obtinet Sanctorum Patrum nostrorum doctrina, id est Traditio sanctae Catholicae Ecclesiae, quae à finibus usque ad fines terrae suscepit Evangelium.

Concilium Constantinopolitanum IV. quod est VIII. generale, A& 10. Canon. 3. de cultu Imaginum decernit his verbis: *Sacram Domini nostri*
 Tom 8. Christi effigiem eadem qua sancta Evangelia veneratione colendam statuimus.
 Conc. p. Ut enim per syllabas in Evangelio scriptas salutem consequuntur omnes, ita
 1370. B. per Imagines arte coloribusque pictas & expressas, docti iuxta ac indocti ex
 C. objecta re utilitatem capiunt. Quaecumque enim in syllabis oratio, haec in coloribus pictura docet & repraesentat. Ergo quicumque Christi Salvatoris imaginem non adorat, is in secundo Christi adventu non videat ipsius faciem. Eadem ratione intemeratae genitricis illius effigiem, sanctorumque Angelorum, quemadmodum illos sacrarum Litterarum pagina describit, ac Sanctorum omnium veneramus & colimus. Qui aliter sentiunt, anathema sunt.

Denique Concilium Trid. aliorum vestigiis inharens, fidem Ecclesiae
 To. 14. nitidè exponit Sess. 25. Imagines Christi, ait, Deiparae, & aliorum Sancto-
 Conc. p. rum in templis praesertim habendas ac retinendas, eisque debitum honorem
 895. D. & reverentiam impertiendam: non quòd credatur inesse aliqua in iis divinitas, vel virtus, propter quam sint colenda; vel quòd ab iis sit aliquid petendum, vel quòd fiducia sit in Imaginibus figenda: veluti olim fiebat à Gentibus, quae in idolis spem suam collocabant; sed quoniam bonos qui eis exhibetur, refertur ad prototypa, quae ille repraesentant: ita ut per Imagines quas osculamur, & coram quibus caput aperimus, & procumbimus, Christum adoremus, & Sanctos, quorum illa similitudinem gerunt, veneremur. Id quod Conciliorum, praesertim verò secunda Nicæna Synodi, decretis contra Imaginum impugnatores est sancitum.

Probatum denique ratione, 1. Quia Imaginum cultus nihil in se continet, quod sit intrinsecè ac per se malum. Non enim, ut ait Conc. Trid. mox laudatum, aliquam in illis aut divinitatem, aut virtutem agnoscimus: in
 illis

illis spem nullam aut confidentiam ponimus; sed propter exemplaria, quæ repræsentant, eas honoramus; per illas ad nostrum in Christum amorem & grati animi sensum propter tot beneficia quibus nos cumulavit, significandum excitamur; præclara SS. facta in memoriam revocamus, & ad eorum imitationem accendimur. 2. Imperatorum Imaginibus civilem cultum exhiberi, nemo ignorat: quidni ergo & Imaginibus Christi, B. Virginis, & aliorum Sanctorum cultus aliquis impertiendus? non latræ quidem, nec etiam merè civilis, sed inter utrumque quasi medius, qui religionis dicitur, ob excellentiam & merita eorum, quos repræsentant, & ad religionem pertinet. Medium hunc cultum, seu honoris gradum, Dallæus ipse videtur non rejicere: exponens quippe locum S. Gregorii Magni imperantis, *ut quæ dignum est veneratione imago & crux Christi in Ecclesiam referrentur*, declarat se ab hoc alienum non esse, & admittit quemdam honoris gradum, qui debitus sit omnibus religionis instrumentis, calicibus v. g. Libris sacris, quos Antiqui *honorabiles & venerabiles* appellant; sed ipsi displicet, quòd ille honoris gradus, *religiosus* dicatur. Verùm nulla esse debet apud nos de nomine quæstio. Fatemur cultum illum latræ non esse: fateri videtur Dallæus, eum merè civilem ac politæ non esse, sed medium inter utrumque; nullo autem aptiori, quàm *religiosi* nomine donari potest, nempe propter objecta, quæ religionis sunt, ad quæ tendit ac terminatur. Appellet, quo nomine voluerit, cultum illum Dallæus, cur nobis non erit, modò fateatur licitum illum esse ac laudabilem, quinihil erroris, periculi nihil, apud Cordatos & doctrinæ Ecclesiæ peritos, contineat. Si serio, absque invidia & altercationis studio, ad hæc attendere voluisset Dallæus, omisisset, quæ in Libro ejus obtenditur, eruditionis pompa & ostentatione, & ridicula, qua nos onerat, idololatræ criminatione, abstinuisset. 3. Calvinistarum hæc est disciplina, ut *reverenter* seu *dignè*, cum *summa humilitate ac reverentia Eucharistia suscipiatur*. Ita Albertinus L. 2. de Eucharistia pag. 432. & Dallæus cap. 10. Apologiz. Atqui tamen Calvinistæ docent Eucharistiam esse tantum figuram corporis Christi, per fidem dumtaxat, non verè ac realiter præsentis; ergo panem & vinum, meram corporis Christi figuram, symbolum ac imaginem, cultu quodam religioso ipsi colunt & honorant. Nec eos juvat, quòd Christus ipse figuram illam instituerit. Quid enim inde? nisi in cultu & honore, qui figuræ defertur, nihil ex sese erroris ac periculi esse. Neque verò ad abusum, si quis sit, rudioris & imperiti populi, attendi debet, sed ad publicam Ecclesiæ doctrinam, qualem exposuere mox laudata Concilia, Tridentinum in primis.

4. denique, in templis honorificè collocatas esse & Martyrum Reliquias & SS. Images, testantur ex Veteribus S. Gregorius Nyssenus Oratione de S. Theodoro martyre, Tom. 3. editionis Morell. pag. 579. S. Asterius Amaseus Episcopus, Sermone in sanctam Euphemiam Martyrem, pag. 207. in Auſuario Biblioth. Patrum à Patre Combesis; S. Paulinus Epistola 32. aliàs 12. ad Severum n. 2. S. Nilus L. 4. Epist. 61. ad Olympiodorum Eparchum; S. Augustinus L. 22. contra Faustum cap. 73. S. Ambrosius Epist. 53. S. Joan. Chrysostomus Orat. 45. ad populum Antiochenum; S. Gregorius Magnus Lib. 9. Epist. 9. ad Serenum Episcopum Missiliensem; Dd. 2. sem;

P. 107.
D. sem; Concilium Nicænum II. seu VII. generale, Act. 4. p. 199. 'tomi septimi Conc. Narrat Eusebius L. 3. de vita Constantini c. 49. tantum divini numinis amorem in eo Principe fuisse, ut in totius Palatii eminentissimo cubiculo, in maxima tabula, quæ in medio lacunaris inaurati expansa est, signum Domini passionis ex auro pretiosisque lapidibus elaboratum infixerit; atque hoc tantam præsidium ac tutelam Imperii piissimum Principem statuisse.

SECUNDA CONCLUSIO.

Imagines Christi & Sanctorum venerandæ sunt, non quidem cultu latriæ; aut etiamnudo ac simpliciter civili, sed religioso, non penitus absoluto, sed relativo ad exemplaria quorum Imagines sunt.

Conclusio hæc ex dictis hætenus ac probatis certa est, nec ulteriori probatione indiget. Vide Bellarminum L. 2. de Imaginibus SS. c. 21. 22. 23. 24. & 25. ubi sequentes propositiones statuit.

Cap. 21. *Imagines Christi & Sanctorum venerandæ sunt, non solum per accedens, vel improprie, sed etiam per se & proprie, ita ut ipsæ terminent venerationem ut in se considerantur, & non solum ut vicem gerunt exemplaris.* Paulò antè, ex ipsomet Bellarmino, distinctionem illam cultus qui impenditur vel per se vel per accedens, propter se vel propter aliud, proprie vel improprie, exposuimus, sicut & secundam ex quatuor sententiis, cui præsentem conclusionem opponit. Videtur ista conclusio Bellarminus aliquam cultus partem erga imagines absolutam agnoscere.

Cap. 22. *Quantum ad modum loquendi, præsertim in concione ad populum; non est dicendum Imagines ullas adorari debere latriæ; sed è contrario non debere sic adorari.*

Cap. 23. *Si de re ipsa agatur, admitti potest, Imagines posse coli improprie; vel per accedens, eo dem genere cultus, quo exemplar ipsum colitur.*

Cap. 24. *Imago per se & proprie non est adoranda eodem cultu, quo ipsum exemplar; & proinde nulla imago est adoranda cultu latriæ per se, & proprie.*

Cap. 25. *Cultus qui per se, & proprie debetur Imaginibus, est cultus quidam imperfectus, qui analogicè & reductivè pertinet ad speciem ejus cultus, qui debetur exemplari.* Hæc omnia doctè ac nitidè, more suo, prosequitur Bellarminus..

Duplex
inter-
pretatio.
Prima.
Prohibetur
sculptile, ut
adoretur.

Solvuntur Objectiones..

Objicies 1. Deuter. 5. v. 8. Deus expressè prohibet ne ullum fiat sculptile. *Non facies tibi sculptile, nec similitudinem omnium, quæ in Cælo sunt, desuper, & quæ in terra deorsum, & quæ versantur in aquis sub terra.*

Resp. duplicem esse hujusce prohibitionis vulgatam interpretationem.

Prima est, prohiberi omne sculptile, ut adoretur; statim enim sacer contextus addit: *Non adorabis ea, & non coles, Ego enim sum Dominus tuus: Deus amulator.* Hæc lege Deus præmunire vult Judæos adversus infanam Gen-

Gentium idololatriam, de quibus Apostolus Rom. i. v. 23. ait: *Mutaverunt gloriam incorruptibilis Dei, in similitudinem imaginis corruptibilis hominis, & volucrum, & quadrupedum & serpentium... qui commutaverunt veritatem Dei in mendacium; & coluerunt; & servierunt creaturae potius quam creatori.* Citatis itaque Deuteronomii verbis, idololatria prohibetur, seu cultus imaginum aut simulacrorum, quæ vel pro diis habentur; vel in quibus tanquam dii coluntur, qui reipsa dii non sunt; vel denique in quibus numinis aliquid aut divinæ virtutis latere creditur. Quid porro istud commune habet cum nostra catholica de cultu Imaginum doctrina? nihil prorsus.

Secunda interpretatio est, hac positiva lege Judæis omnino interdictum fuisse omnem imaginum, simulacrorum ac sculptilium usum; nempe ob imminens idololatriæ periculum, ad quam rudis ille populus, & ex se proclivis erat, & commercio atque exemplo Gentilium pertrahifacile poterat. Lex verò illa positiva ad tempus fuit, non perpetua; extant etenim apud Judæos probata simulacrorum exempla, Arca, Chrysochorum, serpentis æneæ: ea igitur lege non magis jam obstricti sumus, quam lege abstinendi a sanguine & suffocato, quæ, ad tempus dumtaxat ab Apostolis lata fuit, non perpetuò duratura.

Primam interpretationem oppugnat Calvinus L. i. Instit. c. 11. n. 10. ac contendit 1. neque Gentiles, neque Judæos idola sua deos vocasse. 2. eos omnes non idola, sed in illis verum Deum coluisse & adorasse.

Verum aberrat Calvinus.

I. Ethnicos idola sua deos vocasse nemo nescit, ait Bellarminus L. 2. de Imag. c. 13. *qui aliquid in Poetis vel etiam Oratoribus legerit.* Danielis 5. de illis dicitur: *Bibebant vinum, & laudabant deos suos aureos & argenteos; æreos, ligneosque & lapideos.* Et Sap. c. 13. *Appellaverunt deos opera manuum hominum.*

Non minus aberrat Calvinus cum ait, tam stupidos & hebetes non fuisse Paganos, ut idola pro veris diis habuerint. Est enim, nonnulli inter eos oculatiores clam & apud se taciti popularem idolorum cultum irriserint, quod de Socrate narratur: at vulgus, populus ipse universus in ea crassa & insipida versabatur sententia. Hinc tam vehemens & acris Prophetarum, Apostolorum, SS. Patrum in Gentiles censura & increpatio; imò festiva & jocularis eorum irrisio, Psalm. 113. *Jfajæ cap. 46. Habacuch 6. Baruch. &c. Simulacra venerantur,* ait S. Aug. L. 3. de doctrina Christiana c. 7. *vel tanquam deos, vel tanquam signa & imagines deorum.* Et Serm. 2. in Psalm. 113. *Cum adorari atque honorari à multitudine cæperis, (Simulacrum) parit in unoquoque foetidissimum erroris affectum, ut quoniam in illo segmento non invenit vitalem motum, credat numen occultum. Dum opinio, ajebat Octavius in Dial. Minucii Felicis, & mens imperitorum artis concinnitate decipitur auri fulgore præstringitur, argenti nitore & candore eboris hebetatur.* Ita & Lactantius Lib. 2. capit. 2. *Quæ igitur, inquit, amentia est, aut ea fingere, quæ ipsi postmodum timeant, aut timere quæ finxerint? ... Quid sibi templa, quid ara volunt, quid denique ipsa simulacra, quæ aut mortuorum aut absentium monumenta sunt?* Arnobius denique L. i. contra Gentes. *Venera bar, inquit, o cecitas, nuper simulacra modò ex fornacibus prompta, in*

Tournely de Incarnatione. Dd 3 incu-

Primam interpre-
tationem
oppu-
gnat Cal-
vinus.

I. Genti-
les ido-
la sua
deos ap-
pella-
runt.

II. Genti-
les idola
sua ut
deos co-
luerunt.

T. 3. p. 1.
p. 48. E.
T. 4. p.
1261. D
Ad cal-
cem O-
per. S. Cy-
pr. p. 19.
C. D.

pag. 88.
Ibid.
Ad cal-
cem O-
per. S. Cy-
pr. p. 11.
Ibid.

incudibus deos, & ex malleis fabricatos. Et infra: *Tanquam ineset vis præsens, adulabar, affabar, & beneficia poscebam.... duos esse credebam ligna, lapides, ossa, aut in huiusmodi verum habitare materia.* Nihil expressius ad confutandam Calvinii evasionem proferri potest: tamen enim supponeretur, quod supponi non potest, Paganos idola sua pro diis non habuisse, non minus tamen abominandæ ac planè insulsæ idololatricæ rei fuissent, qui in huiusmodi figmentis, numinis aliquid & divinæ virtutis insidere credebant, & ab iis opem & auxilium supplices implorabant.

T. 4. p. 1261. F. S. Augustinus Serm. 2. in Psal. 113. ait nonnullos subtiliores, qui videbantur sibi defaciationis ac purioris esse religionis, dicere solitos, *se nec simulacrum, nec demonium colere, sed per effigiem corporealem eius rei signum se intueri, quam colere deberent.* Verùm & hi postremi multiplicis sceleris in eo ipso rei manifesti erant: tum quòd effigiem Dei veram se habere iactabant eamque corpoream; tum quòd eam pròni adorarent; tum denique quòd ab ipsa peterent aliquid ac sperarent.

Quantùm verò ad Judæos spectat, non minùs aberrat Calvinus, cùm ait eos, cùm vitulum aureum fecerunt, Dei sui veri oblitos non fuisse. Repugnat enim manifestè sacer Contextus Deuter. 32. v. 18. *Deum, qui te genuit, dereliquisti, & oblitus es Domini creatoris tui.* Et Psal. 105. v. 19. *Fecerunt vitulum in Horeb, & adoraverunt sculptile.... Obliti sunt Deum, qui salvavit eos, qui fecit magna in Ægypto, mirabilia in terra Cham, terribilia in mari rubro.* Et Jeremix 2. v. 5. *Ambulaverunt post vanitatem.... (id est post idola) Et non dixerunt, Ubi est Dominus, qui ascendere eos fecit de terra Ægypti.* Aberrat pariter Calvinus, cùm vult Judæos in omnibus suis idolis Deum unum & verum coluisse. Si ita est, cur Josue cap. ultimo, datur ipsis optio, an velint servire diis alienis quibus serviunt Thare & Nachor idololatricæ, an idolis Amorrhæorum, an Deo Israel? Non ergo in idolis adorabant, vel putabant se adorare Deum Israel. Unde L. 3. Regum cap. 18. v. 21. Elias aiebat: *Usquequo claudicatis in duas partes? Si Dominus est Deus, sequimini eum: si Baal est Deus, sequimini illum:* ubi clarè opponitur Baal Deo vero. Quando igitur Judæi colebant idolum Baal, certè Deum verum non colebant: quapropter Deuter. 32. dicuntur, *immolesse demoniis, & non Deo, diis quos ignorabant.*

Nec obstat, 1. quòd Exodi 32. v. 4. de vitulo aureo dicant Judæi, *Hisunt dii tui Israel, qui te eduxerunt de terra Ægypti.* 2. quòd nullo speciali nomine idolum illud appelletur, sed simpliciter Deus dicatur v. 6. *Cras solemnitas Domini est. Surgentesque manebunt oblatum holocausti, & bosias pacificas.* Namque 1. vitulo aureo dei nomen & cultum indulgent, ex erronea conscientia idolum illud Deum esse, ac invocandum existimantes. 2. idolo vituli, nullum speciale nomen dederunt, sicut & aliis nonnullis, de quibus Judicum 17. v. 3. & L. 3. Regum c. 12. v. 28. Scilicet duplicis generis idola & sculptilia fuere apud Judæos, alia sine speciali nomine, alia verò propriis nominibus designata, ut Moloch, Baal, Ashtaroth &c. Certum Porro est, Judæos in istis falsa numina, homines nempe, astra &c. coluisse.

Cur autem Israelitæ vitulum in idolum erexerint potius quàm ovem, aut L. 2. c. 13. quidlibet aliud simile, causam hanc fuisse conjicit Bellarminus, quia illi as-

sueti

fueri erant videre maximum Deum Ægyptiorum, qui erat vitulus niger albis maculis insignis, quem vocant *Apim*, de quo S. Augustinus L. 18. de Civit. Dei c. 5. & inter Scriptores prophanos Tullius L. 1. de natura deorum, Herodotus, Diodorus, Plutarchus, Plinius &c.

Objicies 2. Canonem 36. Concilii Eliberitani, quo statuitur *picture in Ecclesia esse non debere, ne quod colitur & adoratur in parietibus depingatur*. T. 1. Con. p. 974.

Resp. varias esse hujusce Canonis interpretationes. Prima est, hoc Canonem rejeetas esse imagines pictas, non sculptas, propter idololatricæ metum; ut de Salvatore in forma Jovis picto, narrat Nicephorus L. 15. c. 23. Secunda, ne imminente persecutione, Christiani auferre eas secum, aut occultare non possent; & ita pictæ Judæis & Paganis ludibrio essent. Ita Sande-
rus L. 2. c. 4. de cultu Imaginum. Tertia, ne picturæ facili deformeretur parietum crustis dejectis, & inde amissa venerabili forma, potius contemptui sint, quam venerationi. Quarta, pro temporum varietate, varia esse Ecclesiæ circa disciplinam Statuta. Quinta, propter periculum idololatricæ, quod his temporibus fortè imminabat.

Addit Illustrissimus Albaspinxus, ne Deus ac Trinitas divinarum personarum depingatur. *Vetant*, inquit, *Deum in parietibus depingi, ne scilicet quem Gentilibus & Catechumenis immensum, omnipotentem, invisibilem, æternum, incomprehensibilem, spiritualem, corporis & materiæ expertem & immunem predicarent, eum ipsi Gentiles & Catechumeni in ipsorum Ecclesiis lineis & coloribus circumscriptum & comprehensum cernerent. Ne igitur divini nominis majestas minueretur, & aliud de Deo depingeretur, quam predicarent, & quem supra homines extollerent humana specie depictum oculis obliquerent; Vetant ne in Ecclesiis Dei imagines suspendantur: hæc autem ad Sanctorum Imagines nullatenus pertinent.* Hactenus Albaspinxus. T. 1. Con. p. 998. E.

Varia fuit Ecclesiarum circa pingendas Dei & Trinitatis Imagines disciplina, pro variis temporum, locorum ac personarum circumstantiis. Quoties periculum fuit ne aut Imaginibus illis latricæ cultus impenderetur, aut injiceretur suspicio Deum corporeum esse, prohibitz sunt hujuscemodi depictæ Dei & Trinitatis Imagines. Eas improbarunt Tertullianus L. de spectaculis c. 23. Clemens Alexandr. L. 6. Stromatum, Origenes L. 8. contra Celsum, Minutius Felix in Dial. Laëtantius L. 2. Instit. c. 2. Augustinus L. de Fide & Symbolo c. 7. *Nefas est Christiano, inquit, simulacrum Deo collocare in templo.* Eas verò aliquando probavit, aut saltem toleravit Ecclesia, cum passa est Patrem divinum sub specie senis, Spiritum sanctum sub figura columbæ delineari. Amphilocho teste, sanctus Basilus columbas Spiritum sanctum repræsentantes suspensas habuit: S. Paulinus in Basilica S. Felicitis Trinitatis imaginem depingi permisserat. In Libello supplicii seu deprecatione Clericorum & Monachorum Antiochesium, contra Severum Acephalorum Duce[m], quæ extat Act. 5. septimæ Synodi hæc leguntur: *Nec ipsi sanctis Altaribus vel sacratis Vasis pepercū; illa quidem eradens ut scelestis ista, hæc autem constans & erogans his qui similis moris sunt.* Porro præsumptum est ab eo etiam hoc, o beatissimi: eas enim quæ in typum sancti Spiritus sunt; aureæ & argenteæ columbæ suspensæ supra divina Sacramenta & Altaria (sacros fontes & lavacra) cum aliis defraudabat, dicens non oportere columbas Varia disciplina circa depictas Dei & Trinitatis imagines. T. 6. p. 157. D.

nominari Spiritum sanctum. Tarasius sanctissimus Patriarcha dixit: Si in nomine sancti Spiritus superpositas columnas receperunt Patres, quanto magis incarnati Verbi iconas, quod apparuit super terram cum corpore? Denique usus ille, omni tandem depulso periculo, & populo christiano bene informato, ubique obtinuit, quem supponit, nec improbat Conc. Trid. sess. 25.

F. 14. Decreto de Imaginibus. Quod si, ait, aliquando historias & narrationes
Conc. p. sacra Scriptura, cum id indocta plebi expediet, exprimi & figurari contige-
rit; doceatur populus, non propterea divinitatem figurari, quasi corporeis oculis conspici, vel coloribus aut figuris exprimi possit.
B.

Objicies 3. plurimorum SS. Patrum testimonia. Namque S. Irenæus L. 1. c. 24. ponit inter hæreses Carpocratis, quod coleret imaginem Christi & Pauli.

Tertullianus L. de Idololatria c. 3. invehitur in auctores seu artifices statuarum & imaginum, quos diabolus, inquit, sæculo intulit.

Origenes L. 4. contra Celsum, ait nullum apud Judæos pictorem admissum fuisse, nullum statuarium.

S. Epiphanius hæresi 79. ait, Hæreticos esse, qui imaginem B. Mariæ Virginis circumferunt & colunt.

S. Ambrosius de obitu Theodosii, ait, Helenam Crucem Domini Regem adorasse, non lignum, quia hic gentilis error est.

S. Hieronymus in caput tertium Danielis, Cultores Dei, ait, eam (statuam) adorare non debent.

S. Augustinus L. 1. de moribus Ecclesiæ Catholicæ c. 34. Nolite, inquit, consecrari turbarum imperitorum, qui vel in ipsa vera Religione supersticiosi sunt, vel ita libidinibus dediti, ut obliti sint quidquid promiserint Deo. Novi multos esse sepulchrorum & picturarum adoratores.

S. Gregorius Magnus in duabus ad Serenum Epistolis, eum reprehendit, quod Imagines fregisset; laudat verò, quod eas adorari non permisisset, quæ ad historiam dumtaxat, ad memoriam, & doctrinam populi, non ad cultum positæ sunt.

Resp. cum dumtaxat Imaginum cultum à citatis Patribus reprobari, qui vel supersticiosus, vel ad morem & usum Gentilium effectus est ac favens idololatriæ; vel insolitus, qui Christianis offensionem ac scandalo propter Gentiles esse poterat; non verò cultum legitimum, certis legibus ac limitibus adstrictum, qualem Ecclesia agnoscit, ac nos tuemur.

S. Irenæus Carpocratem non idcirco redarguit, quod imaginem Christi haberet, sed quod eam ipso modo coleret, quo Gentes idola colunt, nimirum sacrificiis, ut clarius exponunt SS. Epiphanius hæresi 27. & Augustinus hæresi 7. Accedit quod Hæreticus ille Imaginem Christi & Pauli eodem loco haberet, quo imagines Homeri, Pythagoræ, Platonis & Aristotelis.

Tertullianus manifestè agit contra Idololatrias, qui imagines tanquam deos aut deo plenas infando cultu adorabant; & cum ille animi esset fervidioris, contra ipsammet artem sculptorum ac pictorum vehementer invehitur; sed hæc ad nos non pertinent.

Idem planè sensus est Origenis & Clementis Alexandrini.

S. Epi-

S. Epiphanius similiter hæresi 19. reprehendit Collyridianos, non quòd Imaginem B. Virginis, & ipsam Virginem honorarent, sed quòd eam pro dea haberent, eique offerrent sacrificium, quod uni Deo debitum est.

S. Ambrosius meritò dicit Helenam prostratam ante Crucem Christi, lignum non adorasse, (nempe lætæ cultu) sed Christum ipsum: nihil certè verius ac consultius.

S. Hieronymus loquitur de iis qui statuas Imperatorum, quos pro diis habebant, divinis honoribus afficiebant; arguit enim eos qui id faciunt, quod tres pueri facere recularunt in Babylone.

S. Gregorius citatis ad Serenum Epistolis, eam solùm damnat, & ab Imaginibus excludit adorationem, quam imperitii aliqui nimio zelo accensis, incompetenter & inconsideratè iis impendebant; quo abusu in extremam partem adductus Serenus, iusserat Imagines illas à Templis tolli ac frangi. Non tibi, ait Gregorius, ipsa visio historia quæ pictura teste pendebatur, displicuit, sed illa adoratio quæ picturis fuerat incompetenter exhibita sed hoc sollicitè fraternitas tua admoneat, ut ex visione rei gestæ ardorem compunctionis percipiant, & in adoratione solius omnipotentis sanctæ Trinitatis, humiliter prosternantur. T. 2. p. 1101. A. c.

Objicies 4. duo Concilia Constantinopolitana: unum sub Leone Iconomacho, teste Paulo Diacono Lib. 21. alterum sub Constantino Copronymo, cui interfuere Episcopi 338. eodem Paulo Diacono teste L. 22. rerum Romanarum. Utrumque autem istud Concilium definivit abolendas prorsus esse Imagines.

Resp. 1. Plus ex duplici illo Concilio probaretur, quàm vel ipse Dallæus velit; nempe penitus frangendas ac conterendas esse Imagines: at saltem valent ad memoriam historię præteritæ, ad ornatum, ad doctrinam & instructionem rudiorum ac simplicium, nec ipsi quidem dissentibus Novatoribus.

Resp. 2. prorsus illegitima fuisse ista Concilia, seu melius Concilia-bula; 1. quia, ut ait Joan. Diaconus Act. 6. VII. Concilii, eam (Synodum sub Copronymo, non receperunt, neque concordarunt reliquarum Præsules Ecclesiarum, sed anathemati hanc transmiserunt: non habuit adiutorem Papam nec etiam per Vicarios ejus neque per encyclicam Epistolam sed nec consentientes sibi Patriarchas Orientis, Alexandria scilicet, Antiochie, & sanctæ Civitatis. 2. Imperator, violata libertate, ac prætermissa electionis via, propria sua auctoritate ascendens in ambonem, in Patriarcham Constantinopolitanum nominavit quemdam Monachum, nomine Constantinum, flagitiis coopertum. 3. Illius Concilii Acta rescissa sunt à Stephano Summo Pontifice, teste Adriano in Epistola ad Constantinum & Irenæum, & à tribus simul Orientalibus Patriarchis; tandem postmodum ab universa Ecclesia in septimo Concilio Generali. Desuere igitur huic Concilio requisitæ conditiones, legitima convocatio, Romani Pontificis ac Patriarcharum Orientis consensus, libertas suffragiorum, Ecclesiæ denique rotius approbatio & acceptatio.

Objicies 5. auctoritatem Caroli Magni in Libris quatuor, qui Carolinidicuntur, quos Imperator aut exaravit, aut exarari jussit contra definitio-

tionemsecundi Concilii Nicani seu septimi generalis, quorum fragmentum misit ad Adrianum Summum Pontificem. In his Libris pius Imperator, consentientibus omnibus ditionis suæ Præsulibus, summo ardore invehitur in Nicanam Synodum secundam, & incultum Imaginum ab ea definitum. Synodum hanc confersens Auctor Librorum cum illegitima Constantinopolitana, L. 4. c. 4. nu. 498. affirmat Patres Nicænos in longè peiorem impietatem collapsos, quàm Constantinopolitanos. *In istis, inquit, fuit levitas, in illis atrocitas; in istis imperitia, in illis nequitia. Isti Deo se obsequium præstare arbitantes, eas Imagines ab ornamentis Basilicarum abstulerunt: illi Deum ad iracundiam provocantes, ejus domum crudeliter diruerunt.*

Nequis porro cavillator, ait Dallæus, obtrudat hic tritam ac pervulgatam latræ & dulix, cultusve absoluti & relativi distinctionem: certum est non modò latræ, sed & omnem penitus à Libris Carolinis denegatum fuisse sacris Imaginibus cultum & honorem. Cultum quidem, L. 3. c. 23. observationem, L. 3. c. 18. venerationem, L. 2. c. 27. honorem, qui collo inflexo vel capite submisso exhibetur, ibidem c. 1. thuris & luminarium oblationem, ibidem c. 11.

Non una est ad hanc Objectionem responsio.

I. Ubi primum famosi illi Libri Carolini lucem aspexerunt opera Tilli Meldensis Episcopi anno 1549. multi commoti sunt inter Orthodoxos, variasque in partes distracti.

Fuere qui à Lutheranis confictos asseruerunt: alii, ætate quidem Caroli exaratos, à Carolo Imperatori oblatos, ut ad Adrianum Summum Pontificem eos transmitteret, ab eo confutandos. Cointius in Annalibus Ecclesiasticis Francorum ad annum 794. Tom. 6. eos subinde corruptos & interpolatos fuisse censet. Bellarminus L. 2. de Imaginibus c. 15. ait, *eos neque esse Caroli, neque ejusmodi, quibus ulla fides haberi possit.... Libri isti, pergit ibidem Bellarminus, sunt hominis barbari, imperiti, levis, ac penè stulti.*

Nam Constantinopolim urbem notissimam in Bitinia esse dicit, cum nemo nesciat esse in Thracia: Deinde Concilium pro cultu Imaginum Constantinopoli celebratum asserit, cum tamen Nicæa celebratum nemo sit qui nesciat, nisi qui nihil legit; & quod gravius est, per calumniam & mendacium multa tribuunt isti Libri Nicænis Patribus, quæ nunquam dixerunt, & interdum quæ adversarii dixerant; quale est illud, quod Eucharistia sit imago Corporis Christi, quod non solum Patres Nicæni non defendunt, ut iste Auctor somniat, sed etiam ex professo resellunt. Unde accepit Calvinus alterius mendacii occasionem: Quia enim Iconomachi dixerant, unam solum Imaginem adorandam, id est Eucharistiam, atque hoc dictum Pseudocærolus Nicæna Synodo attribuebat, Calvinus placuit rem totam mutare ac dicere Gaudeant & exultent, qui Christi habentes imaginem, sacrificium illi offerunt. Quod est mendacium impudentissimum, ait Bellarminus.

Verùm doctissimi Cardinalis pace dixerim, gravissimis ac certissimis argumentis demonstrari, Libros illos verè Caroli esse, aut saltem ab ipso probatos: 1. quia Scriptor ille in Præfatione num. 4. ait se Regni gubernacula, Domino tribuente, suscepisse. 2. L. 1. c. 6. nu. 54. Pipinum Regem genitarem suum vocat. 3. Hujus Operis excerpta quædam Romana ad Adrianum tran-

I.
Ajunt
aliqui,
Libros
illos
suppo-
siticos
esse.

T. 2. p.
326. O
seq.

transmisit Carolus per Engilbertum, quibus respondit Adrianus in Epistola ad Carolum. 4. Synodus Parisiensis sub Ludovico Pio in sua ad eundem Adrianum Epistola idem testatur. 5. Hincmarus Remensis Lib. contra Hincmarum Laudunensem cap. 20. de Synodo septima ait: *De cuius destructione non modicum Volumen, quod in Palatio adolescentulus legi, ab eodem Imperatore Carolo Romam est per quosdam Episcopos missum.* Gravissimis momentis præponderare non debet error, seu oscitantia circa Geographiam; neque etiam quòd Synodum Nicenam secundam, appellet Constantinopolitanam: levis error est, cui fundamentum dedisse videtur, quòd Constantinopoli primùm indicta fuisset Synodus, tùm Nicæa absoluta.

*Oper.
Hincm.
T. 2. p.
457.*

11. Alii dicunt Nicenam Synodum secundam à Carolo Imperatore, à Concilio Parisiensi & à Francofordiensi improbatam ac rejectam dumtaxat fuisse errore facti, quòd nempe existimarent à Patribus illis Nicænis eundem prorsus latræ cultum pro Imaginibus decretum fuisse, qui Deo ac vivificæ Trinitati debitus est. Huius persuasionis occasio & causa fuit, tum æquivoca vox *adorationis*, qua tam frequenter Patres Nicæniuntur; tùm in hda in Latinum sermonem Actorum Concilii translatio in Gallias transmissa.

*Secun-
da sen-
tentia.*

Nempe Actione tertia Constantinus Cypri Episcopus dixerat, catholico certè sensu, Ego (his decretis) *consentio suscipiens & amplectens sanctas & venerabiles Imagines: atque adorationem que sit secundum latræm soli supersubstantiali & vivificæ Trinitati impendo.* Infidus autem Interpres sic è contra reddiderat, sicut refertur L. 3. Carolino cap. 17. n. 33. *Suscipio & amplector honorabiliter sanctas & venerandas Imagines; secundum servitium adorationis, quod consubstantiali Trinitati emitto.* Quapropter hic titulus præfigitur capiti 17. num. 332. Lib. 3. Carolini: *Quòd infauste ac precipitanter, sive insipienter Constantinus Constantia Cypri Episcopus dixit: Suscipio &c. ut mox. Capitis autem 18. n. 338. hic est titulus: Quòd Euthymius Sardensis Episcopus à præfati Constantini errore non multum dissentit, in eo quòd ait, Ex toto corde suscipio Venerandas Imagines cum condecanti honore & amplectibili adoratione.*

*T. 7.
Cant.
p. 187.
C.*

Hac loquendi formula, quæ adorationis latræ ideam animo ingerit, turbati nostrates Galli, Synodum Nicenam secundam non tantùm diu non receperunt, sed etiam rejecerunt ac damnarunt. *Non enim mediocris est error, ait Carolus L. 1. c. 2. nu. 32. cùm aliud adoratur religionis cultus, quàm si qui dixit, Dominum tuum adorabis, & illi soli servies.*

Atque hac præjudicata opinione occupati Galli, Nicænis Patribus ea obijciunt quæ ex cultu seu adoratione latræ sequuntur: v. g. spem ponere in eo quem adoras. Ita Carolus L. 1. c. 18. nu. 117. sanctimoniam ab Imaginibus expectare. L. 3. c. 6. num. 321. Imaginibus supplicandum, perinde ac ipsis Sanctis. L. 1. c. 24. n. 241. Imagines cum corpore & sanguine Christi à Græcis conferri. L. 2. c. 27. cui titulus iste est. *Quòd magne sit temeritatis ingentisque absurditatis, sepe memoratas Imagines corpori & sanguini Dominico equiparare velle.* Quòd idem cultus, tametsi relativus, in eodem gradu impendi debeat Imaginibus, quo Eucharistiæ, sacris Libris, & Crucis Dominicæ impenditur. L. 2. c. 28. num. 243. cuius titulus est, *Quanta ratione mysterium dulcissima Crucis ab Imaginibus distet; quas quidem illi eidem*

eidem equiparandę contendunt. Ibidem num. 248. *Non sunt Imagines Cruci equiparandę.* Idem habet Synodus Parisiensis c. 12. & 14. *Perfualum igitur fuit, (quamquam errore facti) Carolo Imperatori ac Gallicanis Præfultibus, Nicænam Synodum secundam latræ cultum Imaginibus decrevisse; quem tamen reipsa non decrevit.*

Obje-
ctio.

At, inquies, quomodo error ille facti stare potest cum aperta declaratione Synodi Nicænæ cultum latræ ab Imaginibus expressè removens? quam declarationem seu definitionem disertè agnoscit vel ipsemet Librorum Carolinorum Scriptor, nedum ignorare potuerit. Libro enim 1. cap. 14. non dissimulat Græcos uti solere pervulgata distinctione duplicis cultus, & alium Deo, alium Imaginibus ab iis exhiberi. *Ajunt, inquit, Benedixit Jacob Pharaonem, sed non ut Deum benedixit: Adoramus nos Imaginem, sed non ut Deum adoramus.* Et L. 3. c. 17. *Errorrem, inquit, illi videntur plebibus ingerere palliatum: ajunt enim. Non adoramus Imagines ut Deum, nec ullum divini servitii cultum impendimus; sed dum illas aspiciamus & adoramus, illò mentis nostre acumen defigimus, ubi eos quorum illa sunt esse non ignoramus.* Et L. 3. c. 18. refert hæc Euthymii Sardenfis verba, *De toto corde suscipio venerandas Imagines cum concedenti honore & amplectibili adoratione. Concedentem honorem & amplectibilem adorationem dicit Sardenfis, non supremam & latræ adorationem.* Hæc apertè noverat Carolus; hæc scribebat; quomodo igitur, inquit, errore facti laborare potuit circa veram & genuinam Græcorum sententiam? At nos vicissim dicimus: Hæc apertè noverat Carolus, hæc scribebat; quomodo igitur Græcos cultus idololatrici erga Imagines incusare potuit, ac centies repetere Imagines cultu latræ ab ipsis adorari? Annon ista pugnant inter se? Fatemur ingenue ista non facile conciliari. Scio quidem Gallos tunc temporis Græcis intensos fuisse, ob non leves ab iis acceptas contumelias; de quibus Historici: scio imprudenter voce adorationis græcos usos fuisse, totque insolitis ritibus cultum suarum Imaginum onerasse, ut superstitionem, ac latræ cultum referre utcumque viderentur. Verùm hæc ne satis sunt, ut tanti criminis (idololatrici) incusentur, præsertim contra propriam ipsiusmet Caroli conscientiam, qui ut ostendunt verba ejus mox relata, probè noverat Græcos latræ cultu non adorare Imagines?

Atque pugna hæc & contrarietas in causa fuit, cur Dallaus cæterique Novatores Calvinistæ contenderint, à Gallis ea ætate, non tantum veræ adorationis, sed omnem penitus religiosum cultum Imaginum rejectum & improbatum fuisse. Falluntur illi, aut fallunt.

Namque Auctor Librorum Carolinorum improbat quidem cultum latræ, imò & varios illos modos quibus Græci suas honorant Imagines: at non omnem penitus honorem ac reverentiam sacris Imaginibus denegat. Namque L. 3. c. 16. num. 81. ait: *Nihil nos in Imaginibus spernamus præter adorationem, quippe qui in Basilicis Sanctorum Imagines, non ad adorandum, sed ad memoriam rerum gestarum & venustatem parietum habere permittimus.* At in hoc ipso cultus aliquis & honos Imaginibus defertur. Et postea, ipsummet cultum quo erga Imagines Græci utuntur, non damnat absolute, sed tantum propter periculum offensionis rudium & imperitorum: quapropter

ubi

ubi nihil periculi imminet, docet illum permittit. *Nam etsi, ait, a deis quibusque vitari possit, hoc, quod illi in adorandis imaginibus exercent, qui videlicet, non quid sint, sed quid innuant, venerantur; indoctis tamen quibusque scandalum generant; his nihil aliud in his, præter id quod vident, venerantur & adorant.* Et L. 2. c. 23. declarat se circa Imaginum cultum adhærere doctrinæ S. Gregorii Magni in Epistola ad Serenum: *Ecce, inquit, quo magisterio, quove documento venerandi Pontificis imbuti, Imagines in Ecclesiis habere non venimus; sed earum adorationem prorsus abdicamus.* Denique in excerptis illius Operis quæ ad Adrianum transmissa sunt, capitulo ultimo sic legimus: *Ultimum capitulum est, ut sciat Dominus Apostolicus & Pater noster ... ut secundum quod continetur in Epistola beatissimi Gregorii permittamus Imagines Sanctorum, quicumque eas formare voluerint, tam in Ecclesia quam extra Ecclesiam, propter amorem Dei & Sanctorum eius. Adorare verò eas nequaquam cogimus, qui noluerint; frangere verò vel destruere eas, etiamsi qui voluerint, non permittimus.*

T. 7.
Conc. p.
960. B

His præfatio testimonii clarum est, Gallos nostros falsò & ad invidiam accusari, rejectum ab illis omnem planè religiosum cultum sacrarum Imaginum: quapropter ut proposita difficultas solvatur,

III. Respondent, Gallos non reprobasse cultum Imaginum apud Græcos, quantum ad substantiam, seu materiam, sed quantum ad formam seu modos varios quibus Græci utebantur, v. g. luminibus, thure, incenso, capitis inflexione, prostratione corporis, & aliis hujuscemodi, quæ cum apud nostros in usu non forent, ac superstitionis aliquid redolere videri possent, ab Auctore Librorum Carolinorum, & ab Episcopis Gallicanis rejecta & improbata fuere, in integro remanente cultus substantia.

Objicies 6. Convantum Parisiensem jussu Ludovici Pii Regis Francorum convocatum anno 824. in quo Gallicani Præsules missa ad Ludovicum & Lotharium Epistola, significant legisse se Adriani Summi Pontificis datam ad Constantinum & Irenem circa cultum Imaginum Epistolam, quam carpunt ac vellicant, improbato Imaginum cultu, non tantum quem Græci, sed etiam Itali usurpabant. *Sicut jussu reprehendit (Adrianus,) inquit, illos qui Imagines Sanctorum temerario ausu in illis partibus (Græcorum) infringere & penitus abolere præsumpserunt: sic indiscretè noscitur scisse in eo quòd superstitione eas adorare fuisse: pro quarum etiam causa Synodus congregari præcepit, & sua auctoritate sub iurejurando censuit, ut erigerentur, adorarentur, & sancte nuncuparentur; cum eas erigere licitum, adorare verò nefas sit. Invenit etiam in eadem Epistola quedam testimonia sanctorum Patrum, quantum nobis datur intelligi, valde absconsa, & ad rem de qua agebatur minime pertinentia. Ex hujus namque Epistolæ textu, Imperator & Clerus simulque & populus, auctoritatem sumentes, Synodum fecerunt, in qua, sicut illi multum deviarunt, qui Imagines Sanctorum in illa alia Synodo, quæ sub Constantino ayo memorati Constantini facta est, penitus abdicandas esse decreverunt; sic isti non mediocriter erraverunt, qui eas non solum colere & adorari, & sanctas nuncupari sanxerunt; verum etiam sanctimoniam ab eis se adipsos professi sunt.*

Concil.
Gall.
Suppl.
p. 109.
Col. 1. D.

Hujus Parisiensis Convventus auctoritate non multum moventur Bellarminus,

minus, Sirmondus, recens Conciliorum Editor, & alii; quòd existiment Gallos hujus ætatis in cultum Imaginum minùs propensos fuisse: *Ceterum*, ait Jacobus Sirmondus, *quæ in hujus Conventus Actis continentur, prætermittis, quòd Gallorum usus sæculi ab Imaginum adoratione abhorrentium hæresim redoleant.*

Resp. idem de Conventu Parisiensi sentiendum, quòd de Libris Carolinis mox exposuimus, non omnem scilicet ab Episcopis hujus Concilii reprobatum Imaginum cultum, siquidem eas in Templis habendas ac retinendas esse volunt, sed cultum *indiscretum* seu non legitimum & superstitiosum; uno verbo, abusum, non verò substantiam cultus remouent. Sic enim loquuntur illi in Epistola ad Ludovicum Pium: *Imagines Sanctorum stulta præsumptione non sunt infringendæ, & ad injuriam Sanctorum abolendæ nec assersione superstitiosa colendæ & adorandæ; sed potius hujuscemodi superstitione remota, iuxta veram Religionem, memoriæ & amoris causa, ob recordationem eorum quorum Imagines habendæ, sicut à beatissimo Gregorio, satis catholicè perspicuèque dictum declaratur.*

Cone.
Gall.
Suppl.
p. 110.
col. 2. C.

Hæc profectò ad fidem Ecclesiæ circa Imagines sufficiunt: inter duo extrema hæret veritas. Aboleri ac frangi non debent Imagines, nec etiam cultulatriæ honorandæ, sed cultu longè inferiori, qui in eo potissimum positus est, ut in Templis decenter & honorificè collocentur, ad memoriæ & honorem eorum quorum Imagines sunt.

Objicies 7. Canonem secundum Concilii Francofordienfis quòd Carolus Magnus Francofordiæ ad Mænum convocavit anno 794. ex Episcopis Galliz, Germaniz, Italiæ, Britanniz, ad confodiendam Felicis & Elipandii hæresim. Supra trecentos adfuisse Præsules nonnulli ajunt; verùm observat Cointius in Annalibus Ecclesiasticis Francorum, ad annum 794. in toto Caroli Regno tunc perpaucos fuisse supra ducentos. Canone secundo hujus Concilii damnatur Synodus Græcorum, quæ Imaginibus eamdem adorationem, quæ Trinitati debetur, decreverat. *Allata in medium*, ait Canon, *questio de nova Græcorum Synodo, quam de adorandis Imaginibus Constantinopoli fecerunt, in qua scriptum habebatur, ut qui Imaginibus Sanctorum, ita ut Driscæ Trinitati servitium aut adorationem non impenderent, anathema judicerentur. Qui supra sanctissimi Patres nostri omnimodis adorationem & servitutem renuentes contempserunt, atque consentientes condemnaverunt.*

T. 7.
conc. p.
1057.
D. E.

Hic Canon, ait Cointius loco mox citato p. 508. nu. 19. *basiliensis eruditoresque torfit, torquetque.* Difficultatis cardo in eo est, quænam sit illa Græcorum Synodus, quam Canon iste ferit: an Nicæna secunda generalis; an Constantinopolitana, & quæ?

I. Surius ait esse Constantinopolitanam, quæ sub Constantino Copronymo habita est contra Imagines, quas ejici & frangi jussit. Verùm repugnat manifestè textus Canonis: agit enim de Synodo quæ jussit adorari Imagines; Synodus verò Constantinopolitana Copronymi jussit eas aboleri, frangi, conteri, nedum adorari.

II. Cointius, loco jam laudato, duas distinguit Pseudosynodos Constantinopoli habitas, quarum una Imagines confregit; altera jussit adorari. An-
na.

Ms. 111.
p. 159.

no 754. Constantinus Copronymus congregatis Constantinopoli Episcopis 338. Imagines tolli voluit & aboleri: Synodum hanc Græci Imaginum hostes, septimam generalem appellarunt. Anno verò Christi 787. habita est secunda Nicæna Synodus generalis, ubi restitutæ sunt Imagines, illique debitus cultus redditus: ab illa autem secunda Nicæna Synodo usque ad Francofordiensem intercesserunt anni septem, quo temporis intervallo Græci novam Pseudosynodum de adorandis Imaginibus fecisse Constantinopoli videntur, in qua dictum est anathema iis qui imaginibus Sanctorum, ita ut desit Trinitati, servitium aut adorationem non impenderent. Hæc ipsa Synodus est, si Cointio credimus, quam Græci septimam quoque generalem appellavere, & quam Patres Francofordienses proscripserunt.

His autem momentis conjecturam suam firmat Cointius. 1. Quia Canon Francofordiensis ait Synodum Græcorum, quam impugnât, Constantinopoli habitam fuisse, non Nicææ: *Nec audiendi*, ait Cointius, *qui quod actum asseritur Constantinopoli, gestum interpretantur intra fines Imperii Constantinopolitani*. Sic revera exponit Sirmondus in admonitione ad lectorem de Canone secundo Francofordiensi. Cumeodem Canone circa nomen Concilii de quo agitur consentiunt Hincmarus Opusculo 33. cap. 20. Chronographus Moissiacensis, & Annalista Laurehamensis: Nicææ nomen in solis Caroli Libris, & in Adriani ad Carolum responso legitur. 2. Nititur auctoritate Hincmari Remensis loco mox citato. *Septima autem*, inquit, *apud Græcos vocata universalis Pseudosynodus de imaginibus, quas quidam infringendas, quidam autem adorandas dicebant, neutra verò pars intellectui sano diffiniens, sine auctoritate Apostolicæ Sedis, non longe ante nostra tempora, Constantinopoli est à quam plurimis Episcopis habita, & Romanæ missa, quam etiam Papa Romanus in Franciam direxit*. 3. Verisimile Cointio non videtur, Episcopos Gallos adversus Nicænam Synodum tam durè insurrexisse præsentibus S. Pontificis Legatis, & iis nihil quidquam reponentibus; præsertim adversus Synodum Oecumenicam quam Adrianus probaverat, missis ad Gallias illius Aëtis.

T. 7.
Conec.
p. 1054.

T. 2. p.
457.

Verisimile pariter ipsi non videtur, existimasse Gallos decretam à Græcis Sanctorum Imaginibus latræ adorationem, cum ignorare non possent ex lectione Actorum, eam ab ipsis expressè rejectam fuisse. Addit Cointius, quod si tunc temporis compertum fuisset, à Synodo Nicæna secunda rejectum fuisse omnem sacrarum Imaginum cultum, non omisisset Claudius Taurinensis Episcopus strenuus erroris Iconomachorum defensor, se hujuscæ Synodi patrocinio & auctoritate tueri.

III. Igitur alii censent, Synodum illam Constantinopolitanam Cointii fictam esse, cujus Acta hæcenus omnino latuerunt; atque Synodum Nicænam à Concilio Francofordiensi re ipsa perstrictam ac damnatam fuisse, errore facti, in quem Episcopos Francofordienses induxerat insidia & minùs accurata Actorum Synodi Nicænz in linguam latinam versio. Neque verò illos retinere potuit auctoritas, & reverentia quæ Concilio generali debetur: namque Synodum Nicænam pro Oecumenica tunc temporis non habebant, ut patet ex L. 4. Caroli c. 13. & 28. tùm quia maxima Occidentalis Ecclesiæ pars tunc ei nondum consenserat: tùm quia nondum

dum ab Adriano publicè confirmata & probata fuerat; declarat etenim Pontifex Adrianus in Epistola ad Carolum, se *Græci nondum respondisse* tum denique quia Hincmarus Remensis contra Hincmarum Laudunensem c. 20. affirmat, sanctæ Sedis auctoritatem illi Nicænæ Synodo nondum accessisse: quæ causa fortè fuit, cur Legati Summi Pontificis, qui Francofurti præsentés aderant, siluerint. Leve videtur quod opponitur, nempe à Canone Francofordiensi appellari Synodum Constantinopolitanam, non Nicenam. Fortè id ex memoriæ lapsu contigit: fortè ob rationem quam adducit Sirmondus: Carolus autem, & Adrianus Nicenam appellant; alii nomen silent, ut Annalista Loiselianus, Bertinianus, Fuldenfis, Metensis, & Regino, Ado, incertus auctor in vita Caroli, & Monachus Engolismensis.

Cain-
tine, p.
513.

Immeritò autem Dallaus ex his concludit, ab Episcopis Francofordiensibus omnem penitus rejectum imaginum cultum: cum etenim solummodo rejecerunt, quem falsò, & errore facti à Patribus II. Synodi Nicænæ definitum fuisse, nempe latræ cultum, arbitrabantur. Hoc ipso sensu exponendi sunt, Hincmarus Remensis, Agobardus Lugdunensis, Jonas Aurelianensis, Dungalus, Vvalafridus Strabo, quos nobis opponit Dallaus.

Atque hæc dicta sint de Mysterio Incarnationis Verbi divini, in quo exponendo siquid nobis incautis minùs rectum aut sanum excidisseprehendatur, pro non dicto ac revocato habemus.



F I N I S.





